

續

修

四

庫

全

書

《續修四庫全書》編纂委員會編

續修四庫全書



上海古籍出版社

四〇一・史部・紀事本末類

欽定平定教匪紀略四十二卷首一卷(卷一至卷三十五) (清)托 津等撰

EZ-84/01

欽定平定教匪紀畧



總裁總纂提調收掌纂修諸臣職名

總裁

經筵講官太子少保領銜內大臣尚書管理稽察欽奉 上諭 津
唐即理講院天府御製房太醫院鑲白旗滿洲都統 成 託 津
掌書官唐古特式學圖副官事務 國史館會典館漢字經籍總裁

經筵講官太子少保 文華殿大學士文淵閣領銜事務管理刑部事務 臣董 誥
稽察欽奉 上諭事件處 尚書房行走世襲騎都尉

太子少保協辦大學士兵部尚書管理順天府事務 臣章 煦

經筵講官太子少保文淵閣提舉尚書吏部尚書總管內務府大臣管理奉
宸苑瀾漪園等處 威靈宮皇太后洋掌事務正藍旗滿洲副都統步軍統領 臣英 和

欽定平定教匪紀畧

官銜

經筵講官太子少保戶部尚書國史館正總裁 臣盧蔭溥

總纂兼提調官

鴻臚寺卿今陞直隸布政使 臣姚祖同

刑部郎中今陞江西建昌府知府 臣梁承福

禮 部 郎 中 臣王鳳翰

兵 部 郎 中 臣程同文

提調官

秦

陵員外郎前理藩院司務 臣廷 勳

理 藩 院 員 外 郎 臣昌 熾

欽定平定教匪紀畧

官銜

戶部員外郎兼纂修官 臣安 誠

戶部郎中現任陝甘學政 臣蘇兆登

吏部員外郎兼纂修官 臣趙盛奎

戶部員外郎兼纂修官 臣張允垂

纂修官

翰林院侍讀學士今陞內閣學士兼禮部侍郎 臣吳其彥

詹事府右春坊右中允 臣龔守正

內閣中書臣梁慎猷	內閣中書臣趙廷熙	內閣中書臣童宗顏	內閣中書臣魏茂林	內閣中書臣李秉灝	內閣中書臣袁紹安	校對官	工部主事臣吳孝銘	兵部員外郎臣沈學廉	協修官	刑部主事臣楊振麟	工部郎中臣徐鏞	戶部郎中臣吳書城	戶部郎中臣葉繼雯
----------	----------	----------	----------	----------	----------	-----	----------	-----------	-----	----------	---------	----------	----------

欽定平定教匪紀畧

官銜

三

內閣中書今授翰林院編修臣裘元善	內閣中書今改歸班知縣臣王九如	內閣中書揀發雲南知州臣王鼎文	內閣中書臣蘇應珂	內閣中書臣張延閱	內閣中書臣徐新	內閣中書臣張梧	內閣中書臣徐瀚	內閣中書臣李嗣鄴	內閣中書臣鄭廷槐	內閣中書臣端木坦
-----------------	----------------	----------------	----------	----------	---------	---------	---------	----------	----------	----------

欽定平定教匪紀畧

官銜

四

欽定平定教匪紀畧目錄

卷首

御製序

天章

卷一

嘉慶十八年九月乙亥至戊寅

卷二

欽定平定教匪紀畧

目錄

五

嘉慶十八年九月己卯至庚辰

卷三

嘉慶十八年九月辛巳

卷四

嘉慶十八年九月壬午至癸未

卷五

嘉慶十八年九月甲申至丙戌

卷六

嘉慶十八年九月丁亥至己丑

卷七

嘉慶十八年九月庚寅至癸巳

卷八

嘉慶十八年十月甲午至乙未

卷九

欽定平定教匪紀畧

目錄

六

嘉慶十八年十月丙申至辛丑

卷十

嘉慶十八年十月壬寅至乙巳

卷十一

嘉慶十八年十月丙午至己酉

卷十二

嘉慶十八年十月庚戌至癸丑

卷十三

嘉慶十八年十月甲寅至戊午

卷十四

嘉慶十八年十月己未至辛酉

卷十五

嘉慶十八年十月壬戌至十一月甲子

卷十六

欽定平定教匪紀畧

目錄

七

嘉慶十八年十一月乙丑至戊辰

卷十七

嘉慶十八年十一月己巳至壬申

卷十八

嘉慶十八年十一月甲戌至丙子

卷十九

嘉慶十八年十一月丁丑至辛巳

卷二十

嘉慶十八年十一月壬午至甲申

卷二十一

嘉慶十八年十一月丙戌至丁亥

卷二十二

嘉慶十八年十一月戊子至癸巳

卷二十三

欽定平定教匪紀畧

目錄

八

嘉慶十八年十二月甲午至己亥

卷二十四

嘉慶十八年十二月庚子至甲辰

卷二十五

嘉慶十八年十二月乙巳至丙午

卷二十六

嘉慶十八年十二月丁未至己酉

卷二十七

嘉慶十八年十二月庚戌至癸丑

卷二十八

嘉慶十八年十二月甲寅至戊午

卷二十九

嘉慶十八年十二月己未至庚申

卷三十

嘉慶十九年正月丙寅至壬申

卷三十一

嘉慶十九年正月癸酉至庚辰

卷三十二

嘉慶十九年正月辛巳至戊子

卷三十三

嘉慶十九年正月己丑至辛卯

欽定平定教匪紀畧

目錄

九

卷三十四

嘉慶十九年二月壬辰至丁酉

卷三十五

嘉慶十九年二月己亥至壬寅

卷三十六

嘉慶十九年二月癸卯至辛亥

卷三十七

嘉慶十九年二月甲寅至壬戌

卷三十八

嘉慶十九年閏二月癸亥至甲申

卷三十九

嘉慶十九年閏二月丁亥至三月己酉

卷四十

嘉慶十九年三月庚戌至五月庚子

欽定平定教匪紀畧

目錄

十

卷四十一

嘉慶十九年五月辛未至二十年十二月戊寅

卷四十二

嘉慶二十一年正月壬寅至六月辛亥

欽定平定教匪紀畧 目錄

十一

欽定平定教匪紀畧卷首

御製文

予承

考命撫有萬方元年正月白蓮教起於襄鄖蔓延陝蜀

八年之久幸獲平安方期與天下臣民永享太平休

養生息孰意又釀成八卦教匪蔓延三省潛匿京畿

大逆林清自十六年夏月即約李文成馮克善併齊

欽定平定教匪紀畧 卷首

豫教匪於十八年九月十五日同至京都造逆朕毫

無見聞實同聾聵感泣之外無可言矣內外臣工清

夜捫心自問欲為忠良乎甘為庸劣乎亦不忍屢加

訓飭好自為之可也此次異變君臣皆無所逃罪毫

無弭亂之策全荷

天恩垂佑救我君臣黎庶予遭家不造值國多艱深感

帝慈敬述實事使後世子孫臣庶曉然知予因循之咎

致令萬姓罹禍而內外臣工之功過心術之公私

天鑒在上不必論矣先是山東拏獲崔士俊即行正法

河北拏獲李文成旋被劫脫二省教匪不能北來黃

興宰等即戕官劫獄佔據滑縣長垣繼起曹縣定陶

俱遭蹂躪然林清外援全斷賊勢已孤此

天恩垂佑者一也 逆首林清住居宛平縣之朱家莊私

會勾結匪徒蔓延齊豫遂與滑縣李文成馮克善東

明徐安桐等結盟謀叛嘉慶十六年夏即約定於十

八年九月十五日乘子舉行秋獮大典巡幸木蘭糾

衆直搶禁城肆圖不軌本年秋李文成事覺經滑縣

知縣強克捷擒拏刑訊監禁於是賊黨不能待期先

於九月初七日戕官劫獄佔據縣城同時長垣縣葦

園村亦有教匪戕官滋事並分股直趨河南考城山

東曹縣一帶十二日予回蹕駐兩間房經直隸總督

溫承惠而奏即命伊為欽差大臣率巴圖魯侍衛蘇

爾慎等偕提督馬瑜帶兵剿捕並檄陝西提督楊遇

春星馳至豫協剿十五日移駐髻髻山山東巡撫同

興先後奏報定陶曹縣皆陷又派江南徐州鎮總兵

辦軍務又先後派西安副都統富僧德帶馬隊兵至

豫協剿大同鎮總兵張績帶兵至澤潞一帶防堵彼

時如李文成不先破案畿外兵弁尚未檄調則逆黨

糾合前來中外響應其事不可言矣此實仰賴

上蒼之垂佑 今歲舉行秋獮於八月二十日進布克

於始事者也 崖口秋高氣爽草茂溪平方欣可行十三四日圍期

用成大典忽於是夕大雨滂沛直至二十三日始霽

溪流泛漲山嶺泥淤僅行五圍即還山莊彼時細思

不解何故續知皇次子用鎗退賊之事始恍然悟矣

若依期行圍出哨又遲十餘日皇子等不能還京若

尚未還京則踰垣二賊直犯官庭孰能擊退錫封智

親王非愛子之私情實公義也保衛大內豈意料所

及乎此

天恩垂佑者二也 本年秋獮於八月二十日進哨原定

蹕進哨之夕陡遇暴雨三晝夜溪漲泥深不能佈圍

雨晴後僅行五圍即收由中哨門伊瑪圖口回駐山

莊隨圍皇子因於出哨之日先期啟程回京十五日

賊黨犯關時有劇賊上隆宗門外迤北大墻意圖直

犯宮寢時皇次子皇三子在書房聞警即持弓箭鳥鎗前至防衛見登牆之賊勢甚鴟張經皇次子手斃二賊餘賊始皆他竄宮寢無虞予因錫封皇次子為智親王實為國家酬庸非由私愛倘如常年依期出哨則皇子等尚未還京孰與保衛大內是兩阻行圍正欲使皇子等歸定大難豈非真漠中之默垂

敬廟 九月十二日至兩間房總督溫承惠而奏教匪

起事即命偕提督馬瑜馳往剿捕長垣賊匪河南命

署巡撫高杞山東命巡撫同興各帶兵剿捕本境賊

匪十五日同興奏報訊據崔士俊等供出八卦總教

欽定平定教匪紀畧 卷首

四

首劉林即林清在京城黃村宋家莊居住十六日至

白澗始却禁城之變即命步軍統領英和馳回嚴拏

巨惡而逆賊已知事敗奔回餘黨勸伊逃避伊仍待

外援安坐不動遂得生擒大逆邪慝漸除此

天恩垂佑者三也

溫承惠面奏之後節經命將督兵分投剿捕嗣據同興奏報拏獲崔士俊

張建木等訊出教首劉真空一名劉林又稱林姓現在京南傳教而京城亦究出首犯林清住址黨與是時林清已知事敗若聽從逆黨之言即時逃竄則弋獲必不能如此迅速乃竟守待外援安坐不動英和

於十六日晚刻至京遴委幹役連夜出城天甫黎明即將林清並同居逆屬安住董懶太同時拏獲林清為各路首逆渠魁既已被擒其餘黨自皆星散復經刑部先後訊出從逆各犯搜捕伏法無一得免刑誅豈非 天奪其魄 逆賊蓄謀已逾二載白洋紅陽使奸宄束手就擒耶

二教雜種互相勾結倡為劫運邪說林逆又串通看

守宮門之內監劉得財高廣幅等八名逆賊帶領陳

爽等突入東華門幸護軍等奮力攔阻僅止六七名

進內餘賊因門已閉俱各奔逃其時混入蒼震門二

欽定平定教匪紀畧 卷首

五

賊即被太監用棍打倒細縛交出門外五賊立時殲

擒此東華門之情形也同時高廣幅帶領陳文魁等

七八十名逆賊突入西華門倉猝之間護軍未能攔

阻多被殺傷眾賊將門關閉阻住官兵先奔至尙衣

監文穎館戕害匠役人等幸有一二刻耽延隆宗門

內右門始得關閉眾賊既不得入一賊竟登板房爬

上大牆欲入大內恰值皇次子在養心門外持鎗防

守卽用鎗擊斃墜落牆外績又有執旗一賊上牆皇
次子又擊斃之餘賊始驚潰不敢踰牆迨至隆宗門
攻打放火火未及燃而儀親王成親王莊親王綿課
等帶領各營官兵全由神武門而入遂鎗打箭射刀
砍矛戮應手殲擒賊勢渙散此

天恩垂佑者四也

賊匪等劫立會名有白洋紅陽二教其經卷皆極鄙淺惟以劫運邪說煽惑愚民其始假託行善陰藉斂錢其繼勾結多人潛圖不法林清又串通內監以爲內應此等內監身受

欽定平定教匪紀畧

卷首

六

秦養深恩乃竟敢於反噬所謂狗彘不如尤堪髮指
遂致變生倉猝喋血宮庭林清等非恃有內援豈敢
遽行猖獗然事幾之危亦甚矣幸賴皇次子膽識俱
全諸王大臣忠勇各盡得以悉數殲除又經貝子奕
紹擒獲賊目陳爽究出從逆太監劉得財等姓名托
津英和飛啟皇子逐名搜縛迨十九日予進宮後復
經巡城御史緝獲賊線究出楊進忠此等事
機聞不容髮謂非上蒼之默有以相之哉王大
臣官兵竭力搜捕直至半夜

天忽降大雨迅雷震擊二賊墜落河內餘賊相率投河

者甚衆又有藏伏午門樓上者盡數細縛無一漏網

而欲爲內應數賊失魂喪魄戰慄驚惶皆按名束手
就縛盡行伏法經一晝夜首從悉擒城市安堵痛定
思痛感深五內此

天恩垂佑者五也

方逆黨突入官兵搜捕喫緊之時逆疾雷驟雨忽至有二賊陡被轟擊墮落武英殿前御

河中逆等勢既窮蹙投河自戕者甚多又有藏伏午
門樓上者亦皆搜捕無遺據所獲活賊供稱於閃電
中親見 關帝顯神遂覺心膽俱喪是以事定後曾
特遣皇子至雷神廟時應宮 關帝廟行禮
仰邀阿護之靈實亦 天心之眷注也 近畿有

欽定平定教匪紀畧

卷首

七

此大逆督臣罪豈能逃因降調溫承惠改授那彥成
除先調直隸兵五六千名又調西安馬隊二千京兵
一千吉林一千黑龍江一千各路兵未抵滑縣之前
賊匪連陷定陶曹縣巡撫同興運使劉清副都統銜
蘇爾慎督率官兵轉戰四次生擒賊目六七名殲斃
賊匪四五千名旬日之間東省安定而直隸官兵殲
斃賊匪一千七八百名河南署巡撫高杞督率官兵

生擒偽大王蔡成功偽宰相徐夢林殲賊匪三千四百餘名於是眾賊皆聚於滑縣城中及道口桃源等處此

天恩垂佑者六也

禁城逆黨雖盡殲擒而畿南奸匪跳梁急須撲滅溫承惠身任總督於所屬地方叛逆重案不能先事翦除咎有應得因將伊降為五品頂帶專辦糧臺即授那彥成為欽差大臣直隸總督統率各路官兵會同山東河南巡撫協力誅剿先於九月二十六日據高杞奏報官兵抵滑縣後將賊匪殲獲甚多生擒偽大王蔡成功偽宰相徐夢林至十月初六日復據同興奏報賊匪屯聚定陶

城外韓家大廟經運使劉清恭將馬建紀等分路剿殺拏獲教首趙文祿及偽二大王蕭保均溫承惠未接諭旨之前統兵入滑濟境內將留固村及北湖南湖一帶屯匪痛剿亦於次日奏到初八初十十二等日同興又奏曹定賊匪屯聚扈家集經劉清等攻擊焚燒生擒偽副元帥王奇山將該處賊巢全燬隨又進剿安陵集劉家岡等處經副都統銜蘇爾慎等帶馬隊官兵攻圍追捕生擒賊日曹光輝射斃偽元帥袁興邦偽大將軍周姓又都司曹添章一路平剿賊巢三處於是曹定賊匪殲除殆盡其在開州長垣東明一帶滋擾者經予先派馬瑜富蘭帶直隸兵前往搜捕又派總兵閆俊烈帶山東兵協同蘇爾慎赴直迎剿又諭兩江總督百齡安徽巡撫胡克家嚴防本境制其南竄之路於是眾賊自滑城及道口桃源

欽定平定教匪紀畧

卷首 八

廟

二處外不致再有滋蔓軍旗所指電掃風馳此尤仰荷 默佑於無盡者也

社至重遭此奇變不得不亟還京邸遙望

山陵痛告衷曲於十九日已刻乘馬入城人心大定名

見皇子諸王大臣備悉其故乃有進爵加封從優議

敘官兵普給錢糧隨扈守護一體施恩大宛二縣普

免租賦之旨而因循疲玩及年邁尸位之大臣實不

欽定平定教匪紀畧

卷首 九

能再姑息矣革職者吉綸等八人革職遣戍者楊澍

曾等三人休致者慶桂等六人官兵黜革發遣者數

十人廷訊林清備悉賊情是月共正法者九十餘名

續擒正法者又七十餘名縲坐發遣者二百餘名刑

亂國用重典朕實無可奈何矣乃於無意中從犯董

桐太供出都司曹綸與林清結盟造反欲為林清之

一二品大臣親審之時供認不諱此又奇之最奇非

人類矣漸使根株淨絕餘孽消除此

天恩垂佑者七也

子初於啟蹕時即降旨回蹕恭謁東陵不意官庭突有此變因思

宗廟

社稷所關至重遂由白澗逕即回京未能復展霜露私忱

在天之靈自當鑒此衷曲入城後見宮禁肅清居民安堵子心稍安細思患生肘腋禍積平時中外臣工怠玩習成以致遽此變亂皆不能以無罪故除行在扈從及在內捕賊諸王大臣官員分別各加恩賚外大宛二縣民人猝遇非常不無擾累亦特加以寬卹其餘年老備位諸臣雖從前職司綸綍曾著舊勞亦第給以祿精勿令久居賢路其素日不能飭勵所屬之員或獲職或遣戍各如其罪至於緝獲逆徒既已研鞫得實即加誅殛神人共

欽定平定教匪紀畧

卷首

十

憤覆載不容雖草薶禽獮不嫌已甚也尤可駭者獨石口都司曹綸平日與林清謀為叛逆初無一人覺察忽於從犯董惘太口中供出隨即收拏廷訊伏法伊世受國恩甘心從賊天監在上豈容倖逃從此蠹賊內訌消除漸淨實

咸 吳恩益增寅畏矣

十月八日那彥成已抵衛

輝因待兵齊跡同觀望而直隸開州一帶仍有餘賊

因命尚書托津馳赴直隸邊界督率官兵剿捕旋據

奏報殲斃賊匪三千五六百名投出良民一千四百

餘名二十二日那彥成進兵即殲斃千餘人次日又

殲斃道口賊匪一千五百餘名投出良民千餘名二

十八日又殲斃千餘賊匪仲冬朔日大振軍威攻得

道口殲斃一萬餘名生擒三百八十餘名投出難民

八九千人續將桃源之賊殲斃一千三百餘名遂將

滑縣四面圍定此

天恩垂佑者八也

曹定瀆三縣之賊雖已剿洗其盤踞滑城內外者人數尚多所調各路兵

尚未到齊那彥成因此守待據署直隸總督章煦奏開州長垣東明一帶餘匪亦未能淨因命托津前往

欽定平定教匪紀畧

卷首

十一

查辦十月二十二二十八等日先後接那彥成楊遇春奏剿斃道口附近各寨賊匪放出良民殲獲甚衆至十一月初一日那彥成等又奏逆匪盤踞道口官兵分為七路於二十七日卯刻同時進剿時有滑城之賊二千人前來救應官兵立即截回乘勢焚燒滑縣南關賊匪不敢復出將道口賊巢全燬初六日又奏桃源賊匪意圖衝突入城中又出賊二千餘人接應經官兵痛加截剿乘勢焚燒北郭其時桃源餘匪復竄入開州東明地境而滑城外之留固集八里營石佛鋪等處開州接連滑境之湯二莊東湖西湖諸處尚有賊匪與滑城為犄角之勢那彥成等先擒獲賊目史永固何承新女賊目宋陳氏及夥賊多名又經馬瑜等於開州界內殲擒賊目邢全忠孔傳文郭明山并男婦大小多名自此邊界淨盡遂得專

事滑城四面圍剿此又仰賴天庥使官兵得以隨時奏績也

未圍滑縣之前數

日逆賊劉暢明潛將首逆李文成併千餘賊賊接出

由長垣封邱輝縣招集餘黨二三千名肆行焚搶而

那彥成因圍滑縣不能兼顧即派楊芳特依順保帶

兵追剿其時色爾滾德寧阿帶吉林黑龍江勁旅適

至遂追至輝縣山內之司寨德寧阿等分兵埋伏誘

賊入穀痛剿竟日誅擒三千餘賊李文成仍踞寨內

欽定平定教匪紀畧 卷首 三

官兵挖毀寨牆奮勇直入生擒殲戮者八百餘名劉

暢明中鎗擊斃李文成舉火自焚詳認逆屍的確無

疑屍傍有旗大書大明天順李真主七字此賊為林

逆外援首先造逆兩月以來傷害良民數萬感荷

吳慈廓清疆邑佇待克復滑縣僅止搜捕零匪辦理撫

卹諸事矣京師搜擒逆黨伏法者二百餘名謠言紛

起大半子虛間有出乎意外者如奉天擊獲王士青

訊有外城之高張氏巡城御史緝獲銷買竊賊之張

志玉究出邪匪王發賢署直隸總督章煦擊獲逆犯

楊遇山究出卦首部生文之孫部坦照或用八卦字

面輪流作會或踵習邪教即非逆黨亦係亂民又有

自禁城內逃出之田起祿亦不能漏網立置重典類

此者殆無虛日此

天恩垂佑者九也 道口桃源賊匪日就翦滅逆等勢蹙

欽定平定教匪紀畧 卷首 三 急圖他遁有竄往封邱新鄉諸處者

皆經官兵搜捕李文成自出獄後潛匿城中養傷逆

黨劉暢明因將該逆接出招集匪徒欲由輝縣林縣

等處竄入山右經河南巡撫方受疇暨章煦先後奏

報隨飭山西巡撫銜齡嚴密防堵時東省勁旅適至

又令高杞帶同色爾滾等前赴輝縣與富僧德楊芳

張績合力剿辦又飭廣平府州縣速練鄉勇以堵為

剿十一月二十四日那彥成等奏到李文成同夥賊

四千餘人竄入輝縣山內之司寨據險屯聚經德寧

阿特依順保色爾滾楊芳分兵設伏誘賊下山痛加

剿殺自辰至酉方止李文成等猶據寨內次日官軍

復集併力圍攻毀牆直進且戰且焚劉暢明李文成

同時授首渠魁極惡速就刑誅其餘散匿黨徒雖遠

在各省無不敗露擒獲 天佑善類俾皆早

獲安寧而予小子亦得承 渥賜感何如之 今秋

事出非常不得不嚴行緝捕以淨根株然藉此陷害報復私怨實不能保其必無也現訊出散旗糾眾之李秋勾結宋躍濬之馮克善反情已露豈可不加察辦仍留隱憂乎間有二三案審虛委係無辜即行省釋重懲誣告以杜訛言恐日久又涉因循查緝首逆實不可緩甫降旨頒示賞格即據署總督章煦奏報獻縣知縣張翔孳獲大逆馮克善此賊同林清李文欽定平定教匪紀畧 卷首 西 成內應外合狼狽為奸共圖大逆詭稱三皇總統八卦罪大惡極今得全獲餘賊不難辦理指日收復滑縣事即大定矣大兵圍攻已四十餘日宵旰殷懷無時或釋欣於十二月十二日亥時那彥成高杞楊遇春由六百里加緊具奏初十日辰時攻破滑縣生擒首逆牛亮臣徐安幘併賊匪二千餘名殲斃幾及二萬餘名救出被難良民二萬餘人自九月初六日逆

賊殺官劫獄聚眾滋事又加以禁城之變內外籌幾實屬竭盡心力幸獲平定此

天恩垂佑者十也

滑縣城大而堅賊匪恃以為固官兵圍剿數旬未拔十一月廿八日接章

煦奏孳獲從前鉅鹿縣大乘教內監犯李經之子李秋製造旗號詭稱李盛元為佛爺令田克歧散旗糾眾謀逆初二日又據同興奏獲犯宋躍濬供首逆馮克善已逃出滑城現在直隸境內降旨密擊嚴辦即據章煦奏獻縣知縣張翔孳偵知馮克善在該縣冉家三角村詭裝賣藥會同把總馮雲鶴典史吳楷前往孳獲該逆自稱地皇林清自稱天皇李文成自稱人皇元惡巨魁已無漏網所未獲者僅黨同謀逆之牛

欽定平定教匪紀畧 卷首

五

亮臣徐安幘諸人十二日亥刻那彥成奏到已於初十日卯時將地雷轟擊滑縣南門坍塌二十餘丈那彥成督同楊芳桑吉斯塔爾由左首攻上楊遇春由右首攻上冒烟衝突西門地雷亦發官兵雲梯齊上飛越城堞自卯至酉殺賊九千餘人生擒二千餘人投出難民老幼男婦二萬餘人又後一日始將賊匪佔據之處全行攻破逆首牛亮臣徐安幘藏匿地窖經副都統格布舍遊擊李士林等先後擊獲逆首眷屬一無逃漏事連數省惡稔三年命將行師甫及十旬即臻平定自思涼德藐躬詎能及此苟非由上帝垂慈曲加赦予小子承

天

宥何以能至是乎

予小子承

考恩命愛育蒸黎不幸值此厄運內外交訌實屬罕聞
較諸川陝教匪似小而實大昔之劉之協等皆以官
逼民反為詞今之林清等竟欲謀危社稷分佔郡縣
伏於蕭牆之內猝不及防禍烈計狡實未料及三月
之內能定此事故敬述

天恩虔誌感戴之寸誠耳然滑縣雖復餘孽未淨非敢
窮兵構患實恐蔓草為害也著名之逆犯尙有數十
欽定平定教匪紀畧 卷首 六
名未獲若任其潛藏不實力捕捉又恐勾結零匪復
滋後患此實不得已之苦衷為一勞永逸之計敬祈

天佑迅就擒縛安我良民誠至願也轉瞬新春啟甲民
物蕃昌臣工果能盡職可望治平予惟益勉敬勤兢
兢業業始能永承

天眷保國保民爰命軍機大臣排日編纂仿照平定臨
清逆匪紀畧詳述始末昭示後世書成卽以此紀

恩之實語弁諸簡端不必又作序矣

欽定平定教匪紀畧 卷首

七

天章

御製文

致變之源說

禁城之變必有本也夙夜思之蓋有故焉夫宋家莊一亂民本無惡不為一棍徒耳非有才德能感化人心亦無邪術能混人耳目惟利口澗翻妄談怪誕假劫數以惑癡愚遂其大逆之謀而已愚民間約而從

欽定平定教匪紀畧

卷首

不顧後患者何也祇圖目前之小利所謂窮斯濫矣舍生就死而不恤也百姓困窮為致變之源而其本又在州縣亦多困窮無暇撫字也治亂繫於州縣必先有守而後有為今則或困於虧缺或困於民欠或困於攤捐有此三困難為清官矣官不清則民不畏挾制控告首足倒置罔上之念非一朝一夕之故其所由來者漸矣罪至於謀叛刑至於凌遲無可再加

而民不畏者不識尊卑不知利害也官有廉恥必有

操守方可言化導禁令今之時勢官民交困悠忽度

日難言操守民反制官若不竭力振作患將未已也

邪說誘民總以利動其貪心貪心起則無惡不作矣

督撫大吏誠能培養州縣使無匱乏然後責以治理

獎善懲貪至公無私民心愛戴者為上等畏服者次

之怨聲載道者去之經正民興未有不可教訓之民

欽定平定教匪紀畧

卷首

二

皆是不能教訓之官耳官困必取之於民民窮則邪

慝作一定不易之理也百姓足君孰與不足此理財

之要道也橫征暴斂所損益大矣禁城之變深感

天恩佑國除邪彰明顯著朕若不知感畏不勤政事

天必降災內外臣工若仍挾詐懷私因循觀望欺朕甚

易欺

天甚難身家性命立時瓦解矣內外臣工信朕之言是

朕大福不信朕言是朕之大不幸亦諸臣之大不幸也願諸臣以實心行實政以實力保國家成全朕一片苦心幾篇絮論或可稍贖前愆勉收後效朕有厚望焉

原教

古先聖王敬敷教化君臣父子夫婦昆弟朋友秩然定分不可紊也德禮以道之政刑以齊之日用飲食

欽定平定教匪紀畧

卷首

三

之間無非教也孝弟忠信禮義廉恥爲教之大綱士農工商各勤其業漸臻於不識不知順帝之則共成熙皞之世此教之效驗也承平日久生齒日繁物價騰貴游手之民不遑謀食加以官多疲玩兵盡怠慵文不能辦事武不能操戈頑鈍無恥名節有虧朕遇斯時大不幸也中外已成痼疾自不知教焉能教民而邪教從此而起矣始以造福逃劫引誘癡愚終

歸於滅絕人倫謀反大逆因邪教聚不逞之徒肆行無忌愍不畏死雖嚴刑峻法視爲泛常奈何風俗頹壞至於此極豈不痛哉蓋由朕乏知人之明而又心存姑息去位復用者指不勝屈以致寡廉鮮恥之徒在任者不肯實心去任者不知畏懼以僞亂真悠悠度日此實朕德之不脩教之不正君不正臣亦多偏無怪乎邪教接踵而起皆朕不正羣臣之咎而內外

欽定平定教匪紀畧

卷首

四

臣工亦各有不能正己之處焉能去邪黜僞乎脩己以治百姓我君臣各思奮勉或可挽回汙俗稍益前愆於萬一耳奸民倡爲邪說煽惑愚民其經卷鄙俚不通俗陋已極不但諸子百家難相比擬卽佛經道錄亦去此遠甚其年號皆前明之時竟係彼時亂民所造潛藏窮鄉僻壤未能搜出焚燬貽害至今日也去邪教以遏亂焚邪經以滌源是在良有司正己率

屬誠心化導使民知正教之益邪教之害漸歸於倫
常禮義矣邪教惑人惟一利字愚民見利忘義貪利
忘害徇利亂常趨利迷心至於罪大惡極雖死不悟
皆圖利耳誠能實心治民先養後教庶民具有良心
斷無不改悔之理是在吾君臣昌明政教勤正愛民
心誠求之其庶幾乎

行實政論

欽定平定教匪紀畧

卷首

五

季秋禁城之變非浮言泛論所能弭必以實心行實
政庶幾補救於萬一也幾暇靜思其故總因窮因而
起始則鼠竊狗偷繼以踰垣肆劫終於謀反作亂其
心爲救急度命耳加以王畿雜處不肖混跡倡立邪
教妄言劫運揭竿而起直入禁城亂民罪大惡極固
不待言而潛匿近畿往來約會自十六年夏季林清
卽造謀定於今歲九月十五日起事先搶官禁次劫

京城旣得此地皇上必避往關東如此逆謀已三年
之久朕竟不能知實深慚愧實切痛心國家設立王
公文武大臣以及侍衛章京不下千員八旗步營將
弁兵士幾及十餘萬人竟無一人出首者嗚呼痛哉
若云實不知覺是欺

天矣總由泄沓成風苟且從事悠忽度日怠玩居心視

國事漠不相關積陋習牢不可破窮本探源總因予

欽定平定教匪紀畧

卷首

六

之德薄才疎心存姑息水懦民玩予之咎也書云威
克厥愛允濟傳云猛以濟寬欲起廢策積非共奮精
神大加振作不可問矣內外臣工勿慕虛榮而貽實
禍勿保一時之爵祿而遺萬古之臭名盡心致敬實
政力行激天下忠良之氣挽向來玩愒之風勿以習
俗爲不足憂勿以廉恥爲不足惜民風之淳薄軌物
之廢興實關繫於吏治之勤惰也禮教旣弛於平日

人心久溺於非幾忠孝廉節斥為腐談詐偽刁頑習為秘計脩禮明教秉正抑邪此實今日刻不可緩之急務也我朝

龍興東海定鼎燕京八旗勁旅一可當百今居舊土之

兵嫻熟騎射未致廢弛而從居京師者僅健銳火器

二營日事操演畧覺可觀若前鋒護軍驍騎諸營雖

有其名而無其實軍器鈍敝技藝生疎歲糜帑項幾

欽定平定教匪紀畧

卷首

七

及百萬而管理諸王大臣不知教訓不勤練習除挑

補差缺之外一槩漠不關心實屬可詫予苦口訓誨

置若罔聞嗚呼痛哉無事則安坐而食有事則潛匿

畏葸試問我八旗子弟有是理乎然十五日捕賊奮

勇仍藉我八旗子弟捨身盡力全數殲擒不患兵之

不精但慮諸王大臣不以實心行實政耳誠能勤求

家法率由舊章簡拔俊雄汰裁冗怯務使人人知方

有勇能執弓箭刀鎗則處常可壯干城遇事即成勁旅屏藩既固烏有殄行驚師之變哉望諸臣皆以實心行實政勤敬公慎顧惜廉恥智者竭其謀勇者盡其力上報

皇天

列聖垂佑之恩下挽愚民流風汙俗佐朕中興之治俱

為盛世之忠良補今時之重咎垂奕代之勲名是予

欽定平定教匪紀畧

卷首

八

至願也

書裕豐獲咎事

去秋賊入禁城非常大變朕思謀逆已有二三年之

久勾結亦有數百人之多京城內外官員旗民竟無

一人舉首誠不可解矣

列聖一百七十餘年養育深恩竟無一人念及朕惟有

仰

天揮淚而已今幸內安外靖民氣漸淳仍有未獲逆犯

祝現等七十餘犯屢命嚴緝尚未就獲祝現係豫親

王府屯居包衣二月初聞有在府中潛匿之說朕意

斷無此事然世風卑下人心澆薄恐亦不免竟有意

外之事因加密訪得有端倪乃命英和捕獲祝海慶

三人始悉原委案情畢露矣癸酉季秋八日海慶

在桑堡遇見嵩山密告祝現同林清陳爽等於十三

欽定平定教匪紀略 卷首 九

日會齊十五日進城造反之事海慶連夜回京即告

知佐領善貴護衛拜綳阿拜綳阿即於初十日密稟

裕豐孰意視爲泛常寂然不動仍令補寫呈詞出具

甘結試思海慶三人不過王府微末員弁一聞此信

即行稟訴惟恐不及乃裕豐從幼襲爵受我

皇考復還親王

天高地厚之重恩陡聞此信即應立時具摺由驛速奏

十一日可至行在朕立遣大臣究辦渠魁可獲逆謀

可消即不能全數就擒斷不致突入禁城而裕豐居

首功受上賞其勲直與乃祖等矣即或計不及此亦

應速告留京王大臣或管理宗人府王貝子公或都

統或提督彼若具奏功仍歸裕豐倘若沉擱咎在彼

而不在裕豐不意因循疲玩釀成大變此裕豐重罪

一也至十五日午時逆賊犯門斬關諸王大臣皆進

欽定平定教匪紀略 卷首 十

內日夜守禦直至朕回宮後始命歸家而裕豐於十

六日潛回府第拜綳阿等以呈詞具稟又不具奏乃

云事已至此權且收存不必張揚是何言歟彼時逆

犯皆未就獲若早呈出亦可速擒伏法以誅心之論

責之百口難辨百身莫贖矣此裕豐重罪二也自九

月至三月隱匿原告在府不令彼查拏祝現及至官

訊海慶得實尚不請罪朕差莊親王及英和至府查

起原呈仍不請罪具何肺腑敢於如此親王雖尊未必大過皇帝太不知分量矣此裕豐重罪三也此非朕欲加之罪過刻之論實據事直書無一字虛假也嘗觀宗室王公功績表傳乃祖豫親王多鐸智勇超羣勲卓越定鼎京師收復南京後以睿親王事株連降封信郡王至乾隆四十三年正月

皇考特命追復親王及封號並配饗

欽定平定教匪紀畧

卷首

十一

太廟豫親王實開國功勲之首朕敢不敬體

皇考仁心保全其後裔乎裕豐雖失維屏維翰之道國家原有議功議親之典况天潢同派亦不忍自翦枝葉也除明降諭旨治裕豐之罪朕保全宗族之心不可不明示諸王大臣能改因循積習者為國之楨幹不改者聽之而已

天人交感說

人君為

天之子撫育蒸民惟恐失所如保赤子斯為盡君之職臣工輔弼抒忠愛民化俗殫心竭力斯為盡臣之職君臣各盡其職庶民順則安常上感

天和則風雨時百穀茂屢豐之樂皆人之自召也人君代

天宣化呼吸相通如形召影如響應聲誠信不移必蒙

欽定平定教匪紀畧

卷首

十二

眷佑可感可畏也敬觀今春直隸山東河南三省雨澤霑被分寸益信而有徵矣去秋變異始自林清勾結山東河南同教凶孽俱定期於九月十五日午時同入禁城造作大逆幸兩省先後破案生擒李文成崔士俊事雖在彼謀則在此也曹單滑濬一帶良民被賊焚殺賊黨被兵誅剿不下十餘萬而今春兩省雨澤透霑麥多雙穗其故何也緣首逆欲圖危社稷賴

一書
子書
日
文
三
月

賢牧令立破其計臣能盡職民悉無辜

上天垂佑錫以豐年理之顯著者也京師爲首善之區
宋家莊逼近南海子林清造謀已三年之久予及諸
臣不知不覺可慚可恨雖治吉綸鄒炳泰溫承惠之
罪其實皆予一人之罪何則用人不當失律殃民予
豈敢自解亦無辭可解也今春及夏雨澤愆期麥收
無望皆我君臣失職之咎邪黨潛匿未除

欽定平定教匪紀畧

卷首

三

上天示警三輔旱荒曷敢不惕虔修省挽回

天意嚴捕餘孽救我良民存遇災而懼之心去因循疲
玩之念感召

昊恩立施渥澤心誠求之理不爽也心者萬端之主宰
百體所從令君心正而天下莫不歸於正人心既正
天心必應是在人人自正其心效驗立見上感

天心下孚民志觀乎今春豐歉景象尚不知感知懼則

是心同木石不可與言交感之實理矣予惟自省修
德敬待

天恩而弭邪惡庶可感召祥和豐登有象是誠奢望而
不敢期其必然者也

實心行政說

以實心行實政則治否則亂一身一家推而至於朝
廷天下總不外乎務實也方今大弊官無實心民多

欽定平定教匪紀畧

卷首

四

僞詐官則因循怠玩民皆譁張爲幻上下不交寡廉
鮮耻不但不能遵守朕訓甚至奸徒醜詆竟漠不關
心毫無動念誠怪誕之極矣身家念重國政念輕以
實心爲國則流芳百世否則貽臭萬年人生上壽不
過期頤既出仕於朝廷而又甘居庸碌悠忽度日是
誠何心哉聖賢心法祇一誠字誠者真實無妄之謂
試問諸臣能致誠乎能無妄念乎恐未然也小人之

德草在上位者實心既少庶民妄想必多始而歛錢惑眾尙屬小妄想馴而至於揭竿作亂則大妄想動矣自古亂賊稱王稱帝者有之從未聞有僭上古三皇之號者是世道人心日趨汙濁我君臣既爲斯民之長豈忍不盡心竭力鞠躬盡瘁補救於萬一乎若旅進旅退惟利是圖同乎流俗合乎汙世自思後代評論爲何如人當必汗流浹背矣諸臣盡一分實心

欽定平定教匪紀畧

卷首

五

國家受一分實福民生免一分實禍承上接下惟諸臣是賴唐虞庶績咸熙皆岳牧贊襄之力也朕多失德故遭去秋之變昕夕不能去諸懷孜孜求治曷敢懈弛諸臣近日漸忘斯事召對之時又云無事矣嗚呼餘逆未擒謠言煽惑側席不遑尙恐怠忽忍心言無事乎是可忍也孰不可忍也朕以實心著實說遍詰朝予以實心行實政之良臣必能副朕實心從朕

實說若不能領會謂朕之言無關緊要者是誠頑石不若不可與言而與之言失言之咎在朕欺飾詐僞之名難逃史筆也忠奸之辨在實僞二字之分清夜捫心不言而喻矣

御製詩

還宮紀事

陡遇非常變惕思予咎深雖逢肆逆事不改愛民心

欽定平定教匪紀畧

卷首

六

官吏習誠敝冥頑孽自尊餘邪尚未淨大憝已成擒河南滑縣起天理教匪直隸長垣山東曹縣俱有蠢動擾害之警此九月初旬事也卽命督臣帶兵剿捕誅劔邪孽正所以安我善良茲忽有逆匪七十餘於十五日突入紫禁肆逆實屬非常之變當經擊斃擒捕淨盡其逆首林清在黃村傳教亦經英和等派兵役拏獲審訊供認謀逆不諱我國家 列聖相傳深仁厚澤愛養黎元朕纘承撫御鞠謀率育時壹一心乃有此不法之徒逞其大逆出諸意外昨已頒明詔責躬省己勉勗官常朕不因此異類么麼稍改愛民之素志惟冀 上天鑒臨賜佑不日餘邪盡滅消此妖氛茲當還官 赤子誠澆薄 紀什書其大畧如此

蒼天定鑒臨修身待

帝佑勤政寸衷欽

責已述懷

省躬多罪戾異變事非常惡逆犯宮闕冥頑干憲章

羣凶抵齊豫隱隱伏蕭牆德薄致災重椎心顛

上蒼

齊豫騷動闕下震驚惟椎心揮淚宵旰
仰求 上蒼赦罪此外無可言矣

御瀛臺北門親訊大逆林清從犯劉得財等詩以

欽定平定教匪紀畧

卷首

七

誌事

皇清開國承

上蒼卜世卜年景運長首善之鄉伏大逆為鬼為賊逞

凶狂犯門斬開揭竿起勾結刑餘謀益詭

天雷下擊賊膽寒殲盡匪徒禍立弭

九月十五日逆匪
突入禁門事起倉

猝實乃非常變異猶辛仰蒙

祖 考德厚

吳佑眷深得以危而即安禍亂立弭朕於十九日
回蹕宮禁肅清九衢安堵逆首林清先經金吾於黃
村擒獲其從賊亦先後搜捕無遺茲於廿三日御瀛

臺北門親加訊鞠明正典刑經部臣審訊功逆刑餘

劉得財供出逆賊以大白旗為號十五日傍晚正當

擾亂之際忽聞 天雷下擊急雨作陣所執白旗

立時分裂諸逆賊膽寒悚懼匿於隱僻以待搜擒乃

得巨惡小醜一無漏網可見此等凶逆 天理不

容故 令震霆陣雨於冥冥之中先殛其魂俾得

顯伸國法爰命皇子敬於 雷神廟 時應官升香

展禮虔申感謝悃忱惟是朕省躬修己何敢以災沴

已稍稍弛兢業爾諸臣亦當勤襄政治交儆

明良則我大清鼎祚億年永慶安恬之福矣 巨惡小

醜皆就擒廷訊宜諭安衆心昏頑煽邪總予咎

祖 欽定平定教匪紀畧 卷首 六
考德厚

吳佑深痛定思痛斯何事咨爾諸臣不我棄實禍否塞

竭挽回遇災修省先政治
有感五首用唐杜甫韻
盜賊乘虛入因循積有年罪愆深一已拯救感

高天雖靖京畿內猶屯齊豫邊王師指日集剿戮望騰

騫

蕭牆結蜂蠆城郭聚豺狼執刃禁門犯揮旗魏闕望
才踈枉食祿德薄愧垂裳泣感

帝恩厚抑陰扶正陽

西旅二千至京兵四隊均集軍大名郡滅賊小陽春

自省衷多咎勉修德日新誠心感

祖佑苦口飭羣臣

前因逆賊嘯聚大名府屬之長垣縣一帶即檄調陝西駐防兵一千甘肅

督標兵五百河州兵五百東來會剿又派香山健銳
火器兩營兵各五百分作四隊前進日前接河南撫
欽定平定教匪紀畧 卷首 五

臣高杞奏到連次得有勝仗已將濬縣滋擾之賊殲
斃生獲數千人乘勝攻剿滑縣屯聚逆昨又據同
興奏到山東曹縣亦得勝仗並俘獲著名賊目事機
順利一俟大兵四集計十月內即可掃蕩全畢此次
賊匪肆擾朕惟責躬自省而內外諸臣因循怠玩以
致釀成事變咎亦難辭前疊降詔旨苦口訓誡並將
年老多病及辦事錯謬諸臣罷退斥責惟期我君臣
勉自修德以仰答 上帝恩佑 祖 考垂
慈而已

玩愒政無紀疲庸俗敝彫從來未有事竟出大清朝

肆逆官牆近豈同邊檄遙感祈

吳慈溥定亂及春韶

斥放皆昏耄用人再不疑開誠言已定報國志毋遲
勉作有為事勝陳無謂詞寸衷感

考澤側席撫瘡痍

盼信

去歲罹患深追思尚心悸林 清李文 二元凶大逆毒

欲肆三省互牽纏竟欲窺神器泣感

欽定平定教匪紀畧 卷首 五

天

祖恩內外普蔭庇滑臺羣醜屯三月咸傾棄著名數渠

魁或殲或生致

自九月十七日擒獲肆惡大逆林清嗣於司寨殲斃李文成劉惲明於獻

縣緝獲馮克善於克復滑城生擒牛亮臣徐安惲殲
斃宋元成此皆著名渠魁俱未倖逃法網其餘得受
偽封如壽光德劉宗順馮相林王道濬尹振等或臨
陣殲除或生擒伏法其伏而未動者往往自行敗露
並無一名免脫此等敗類覆載不容仰賴
天 祖深恩邪氛迅掃惟有感泣而已 方幸干

戈停陝境亂民恣攘奪因歲荒奔竄南山地亟命移

雄師精銳六百騎宿將統千城有勇善謀議渴望一

鼓平賊除徧安遂听又盼捷音

吳眷西土被

去歲陝省秋收歉薄岐山縣因有亂民倂授奔竄蓋屋鄂縣先派督臣長齡撫臣朱

勳統率鎮將就近剿辦復派久歷戎行之宿將楊遇春率領吉林黑龍江精銳六百騎馳往會剿該置臣戎帥皆威望素著今以得勝之兵洗烏合之衆不難一鼓蕩平俾西土早安良善此予听又虔祈於

吳蒼之眷

佑者也

陝甘總督長齡奏報生擒首逆萬五餘匪即可蕩

欽定平定教匪紀畧

卷首

三

平情形詩誌感慰

南山聚不逞設伏獲元兇

陝省賊匪滋事節經命將督兵剿辦本日據長齡楊

遇春朱勳等奏報三才峽首匪萬五被剿窮蹙竄入太白老林經總兵吳廷剛跟蹤追捕長齡等復派副將達凌阿參將丁永安帶兵星夜前往辛口峪圍剿十二日酉刻趕至老君嶺探知萬五股匪被追勢蹙乘夜東奔達凌阿等因于寬溝口分段設伏十三日已刻該匪果由老林逸入伏兵齊起立斃賊百餘名萬五左腿鎗傷二處旋被帶去眼目蓋屋縣役江貴認明即時生擒並擒獲旗手向得勝等二十餘人餘匪悉數殲除現在大兵雲集所餘分竄各股俱已膽落我兵分撥剿捕可期尅日蕩事因將吳廷剛交部

優敘達凌阿丁永安均加陞銜仍予優敘縣役江貴

賞八品頂帶以外委即用並命將萬五傳首南山一帶從此民心大定永戢兵鋒

實仰荷 天心之眷佑也

已殄豺狼首易搜狐兔

天意戡兵鋒叩感

慈恩浩虔祈雪澤濃

昨十九日春後上辛恭展 祈年大祀即得陝省捷音惟去冬雪

澤未霑今已時屆立春尤爲亟盼不置蓋北方氣候較遲本年又值二月置閏日內若得膏澤濃敷正當春時舉趾之時東作有資可期豐稔惟有同深叩頌而已

欽定平定教匪紀畧

卷首

三

陝甘總督長齡奏報提督楊遇春剿捕逆賊麻大

旗劉二全夥淨盡詩以誌事

亂民無故逞戈鋌名將西征士氣堅三窟難藏小醜

淨千軍齊奮大旗舉

正月二十七日據長齡等奏到陝省逆賊麻大旗劉二股匪二

千七八百人竄至隴州屬桃花坪經楊遇春於十七日帶兵追殺一百餘名訊知該匪夥內前次分出之李大旗楊小一股共二千餘人現已折回合夥官兵於是日五鼓追至柏楊嶺是處兩山夾峙依傍老林中通路逕賊匪分屯嶺上望見官兵仰攻率衆下撲揚遇春率同總兵游棟雲督兵痛剿殺賊二百餘

名天色漸曉我兵馬步隊分路抄左右山梁進攻楊
 遇春親督官兵由中路直上麻大旗劉二持矛抗拒
 經都司趙起貴等立時戮斃官兵一擁而上殺賊一
 千七百餘名擒獲一千四百餘名並將賊目李大旗
 楊小一二人殲斃又生擒大旗賊目張萬興等五名
 小旗先鋒七十餘名擒獲騾馬七百八十餘匹礮械
 無數此股賊匪殲除淨盡寶隴一帶已肅清矣
 雄師南至屯洋縣 前此首逆
 就誅其餘匪經長齡等派祝廷彪追剿賊匪由洋縣
 灑淺過江窟至南岸八寶臺地方成都將軍賽沖阿
 在河縣聞報即日帶兵 又有賊匪
 向八寶臺一路進剿 勁旅東防固豫邊 尤九陳四
 一股經吳廷剛追至寧陝屬之木瓜坪冒雪直抵賊
 營攻斃七百餘名生擒四百餘名並獲偽元帥尹朝
 欽定平定教匪紀畧 卷首 三
 貴等餘匪分起東窟復經參將張起龍趕至黃草坪
 殺斃三百餘名現在餘匪窟往鎮安寧陝交界地方
 派總兵馬元帶兵馳往剿捕又有滑縣凱徹過陝之
 兵卽命長齡添撥由東面兜截一面再檄南陽鎮總
 兵呢瑪善帶本鎮雄兵前赴陝豫交界處所多設偵
 探以防爲剿通計大股賊匪皆已剪除所餘僅殘敗
 窟匪茲四面皆有大兵自可卽日搜捕蕪事惟望
 上天垂佑捷音得以早至使我民永獲安定爾
 四面環攻指日定安良除莠顛

皇天

成都將軍賽沖阿奏報截剿過江窟匪楊榮大股

淨盡全境肅清詩誌感慰

兵機貴神速大帥自南來逆賊肆勾結雄師迅蕩摧
 衆村被滋擾一鼓掃氛埃捷奏連朝至感叨

天眷培

昨廿七日接據長齡奏報陝賊屢經剿敗有奔
 將軍賽沖阿在河縣聞報帶兵堵剿本日據賽沖阿

奏正月十九日在木竹壩地方擒獲賊首偽元帥楊
 榮偽先鋒孫應材李定興等及大小頭目十五名共
 殺賊四百餘名滾岩跌斃者百數十名訊出楊榮湖
 南澧州人去年臘月在整屋縣境與楊二合夥由板
 房子一帶焚掠共是五號楊榮係青號頭子本年正
 欽定平定教匪紀畧 卷首 三
 月先至洋縣滋擾又由金溜子偷過漢江與綠號頭
 子苗小一合夥共有二千餘人賽沖阿因聞知賊匪
 窟過漢江肆擾卽兼程由僻路繞至南面以遏其入
 川之路時賊匪由三郎鋪白河峽晝夜兼行偵知官
 兵所向卽前往茶壩老漁壩一帶意圖南竄不料官
 兵猝至該匪等佔踞山梁負隅抗拒賽沖阿派參將
 朱承受等帶四川省標官兵由左手衝擊遊擊余步
 雲等帶松潘鎮標官兵由右手山梁壓下賽沖阿親
 率成都滿營及川北鎮標各兵弁在前衝殺有在山
 梁指揮抗拒之賊首當被外委任朝勝擊獲餘衆悉
 數殲除並放出被脅難民一百七十二名其綠號匪
 衆苗小一股中途聞信逃回原路賽沖阿現督官
 兵親往躡捕所有軼入川境股匪皆已肅清連日
 踴得捷音皆由 吳慈眷佑予心曷勝感誌

陝甘總督長齡奏報總兵祝廷彪截剿東竄餘匪

生擒首逆陳四總兵吳廷剛痛剿尹朝貴餘匪

兩股淨盡東路肅清各情形詩誌感慰

天心厭亂戢戎兵兩鎮據忠偉績成東竄餘氛已盡掃

西逃殘賊必全傾

陝省賊匪陳四一股前經總兵吳廷剛等將偽元帥尹朝貴擒獲餘

匪分股東竄又經參將張起釐追至黃草坪痛加剿殺逃逸已無多人二月初五日接長齡等奏陳四自剿敗後即復與尹朝貴股內零匪合夥隨處裹脅又得千餘人由老林東竄仍分二股吳廷剛因緊跟尹

欽定平定教匪紀畧

卷首

五

朝貴零匪祝廷彪緊跟陳四股匪探知該逆等欲由金竹園乘夜逃赴石泉祝廷彪即督兵窮追至手扳崖逆賊佔踞山梁抗拒官兵前後圍攻自辰至酉殲斃賊匪三百餘人生擒二百五十餘人次日賊等詭稱投首我師乘此賺入賊隊認明賊首分兵設伏舉礮為號四路剿殺把總李明舉胡貴遂生擒陳四及偽先鋒劉朝昂汪正榜等其餘全行殺斃吳廷剛追捕尹朝貴零匪行至賀家灣該匪無路逃竄負山為固抵拒甚力經參將張起釐守備詹玉彬分隊夾攻該鎮親督官兵抄出賊後三面進剿殺死二百餘名生擒一百十八名此兩股全數淨盡據賊黨趙文斌苟紅張老么供明三才峽起事時陳四實自為一股滔天首惡日久稽誅茲幸官兵奮勇使渠魁就縛東路已見廓清惟楊遇春現辦西竄賊匪龔貴一股竄

雞縣東河橋又有不知姓名賊匪現已入山意圖赴隴我師乘勝剿捕不難指日掃除 天佑大清永

綏兆姓惟深 雄師共奮千城勇大將同叨晉爵榮 威顯而已 廷 彪吳廷剛俱賞加提督 指日南山奏平定感承 街仍交部從優議敘

吳取佑皇清

成都將軍賽冲阿提督楊遇春會奏殲斃首逆苗

小一搜捕零匪即可蒞事詩誌感慰

西蜀兵來速將軍勇畧超一句威迭奮四號賊皆消

欽定平定教匪紀畧

卷首

五

蕩滌餘邪盡恩施偉績昭 陝省賊匪自蓋屋起事時即分多股由老林一帶肆擾偷渡漢江意圖入川前據賽冲阿奏屢次堵剿連獲勝仗已將青號首夥撲滅其綠號苗小一股由老漁壩間信竄回洋縣原路經賽冲阿督兵躡捕先將紅號偽總兵羅懷等擒獲伏法本日又據賽冲阿楊遇春會奏賽冲阿一路官兵於正月二十九日追至月亮坪將苗小一陣斬獲活賊李大旂何貴等認明確實傳首示眾並將餘匪生擒殲斃其逃竄者已無多人現在分投搜緝西竄之賊原有青藍紅綠四號股匪裹脅不下四千餘人出沒無常分合不一內苗小一尤為猖獗今經該將軍於旬日之內窮追二千餘里連接五仗將四號匪徒誅殲淨盡偉績可嘉已降旨晉封二等男並令查明出力將弁俟奏至

分別陞賞矣楊遇春原追辦龔貴一股聞苗小一有狂竄之勢分兵探蹤抄截及行至華陽與賽沖阿相遇知苗小一逆黨已除楊遇春仍取道入棧剿辦龔貴匪孽又有另股賊匪吳抓吳瘋子等亦經總兵楊芳等乘勢剿除賊匪西竄勢重股數較多今已迅速掃除其餘無難指日洗滌良民各安生業共底蕩平實深感 天 恩 考佑也 卽欣民復業

天 考澤敷饒

陝甘總督長齡提督楊遇春巡撫朱勳奏報剿捕

欽定平定教匪紀畧 卷首

龔貴餘匪淨盡陝地肅清詩誌感慰

秋杪肆猖獗季冬復滑城

蒼天垂佑庇小醜漫縱橫

去歲九月初教匪假擾長垣同時響應蠢動者山東曹州

之曹縣定陶河南衛輝之濬滑二縣而首逆林清則藏匿京畿暗中勾結竟至有闖入禁廷之事仰荷 上蒼垂佑林逆卽時就擒餘黨亦皆伏法其前在齊豫者節經命將出師陸續殄滅大股賊匪佔據滑縣城中經那彥成等分路圍攻至 十二月克復滑城遂卽全數剿淨 北關甫除賊南山 又弄兵木廂羣作亂鐵騎再移征蜀徽雄軍接陝邊

勁旅盈孽深不可活師出豈無名 陝西岐山縣匪徒 楊二萬五等原在

木廂營生緣歲荒乏食於去年十一月糾眾搶掠經陝西巡撫朱勳入奏旋命陝甘總督長齡督師剿辦各逆賊因官兵搜捕緊急竄入南山隨處裹脅股數日多時近畿業已蕩平前調陝西提督楊遇春正奏膚功卽令率領得勝官兵並吉林黑龍江勁旅赴陝協剿又命成都將軍賽沖阿統帥川兵分投堵緝此等賊匪孽由自作甘外生成戢 五號徒滋擾一麾盡 暴興師實皆出於不得已耳

蕩平搜林奮虎豹掃穴捕颺颺溝壑蹈何苦癡愚罪 自傾良民遭劫掠勇將沐恩榮 陝匪經官兵痛剿分 股奔竄有意圖入川

欽定平定教匪紀畧 卷首

之勢旋據賽沖阿奏於旬日之間追逐二千餘里接仗五次殲獲甚眾同時五號賊匪倖斬無遺本日又據長齡等奏逆首龔貴股匪分路向徽縣兩當逃竄嗣聞官兵追剿復合爲一股意欲逃往階州特依順保卽取道利橋扼其去路並令該處都司劉夢龍先赴三岔堵截副將何占鰲帶兵跟追趕至太寧溝腦老林經遊擊劉印景都司杜縉胡超等鎗箭齊發立斃賊五百餘名擊獲活賊男婦四百餘名逃匪數百名直奔利橋適特依順保劉夢龍亦由三岔進攻三路合兵復殲斃二百餘名生擒賊目十一名並活賊三百餘名兵丁張文等將龔貴生擒並獲其妻龍氏復令活賊認出賊首向小一割取首級此股賊匪全數搜拏淨盡又據奏楊芳游棟雲於二月初八日將吳抓抓分出另股之張占鰲追至徐家溝石家嘴等

處先後殲獲九百餘名把總熊陞兵丁羅得勝將張占鰲戮斃即令活賊指認屬實所有成股賊衆俱已辦完陝境肅清現今各路搜捕逃匿零匪除賽冲阿前已施恩外長齡即賞騎都尉世職並賞花翎楊遇春前在滑縣立功已封二等男茲晉封一等男特依順保陞授黑龍江將軍仍與楊芳游棟雲等同交部議敘其餘在事文武出力官弁兵丁甄敘賞賚有差並諭搜捕事竣後賽冲阿凱徹回川長齡楊遇春等先後入覲計陝省賊匪滋事距茲兩月有餘幸將帥弁兵皆能用命遂得一舉剷平此錫命酬庸之不容稍緩也

復業安耕鑿凱旋息戰爭

吳慈昭溥博感謝本衷誠

妖邪倡亂致干剪滅實由自取而良民猝被釋騷不能各

欽定平定教匪紀畧

卷首

无

安生業殊爲可憫猶幸迅掃邪氛蔽功完善從此胥安耕鑿永息戰爭與我民共享太平之福此皆出吳慈眷佑俾我君臣共底無疆之庥感謝私誠固非楮墨能盡矣

欽定平定教匪紀畧卷一



嘉慶十八年九月十二日亥

聖駕自木蘭迴蹕駐兩間房直隸總督溫承惠奏言

本月十一日接據大名道府飛稟內稱河南滑

縣老安地方有邪教黃興宰黃興相兄弟並朱

姓爲首興立天理會於初七日聚衆三千餘人

白布纏頭放礮滋事滑縣城池已失縣官被戕

欽定平定教匪紀畧

卷一

一

直隸長垣縣境與滑縣毗連該縣知縣趙綸查

知本境亦有習教之人前往查拏被教匪圍住

現無下落並聞教匪已奔河南考城及山東曹

縣一帶大名府知府莫景瑞已馳往長垣督同

典史把總守護城池大名道約可清阿在郡城

防守又據東明縣知縣朱煒稟報情節相同並

經該縣盤獲長垣縣南樂集人姜復興訊據供

稱此教為首者俱係滑縣人長垣亦有習教者等語臣查滑縣教匪膽敢於

光天化日之下聚眾肆逆戕官陷城殊堪髮指必須

趕緊撲滅免致蔓延臣現在飛調臣標兵一千

名提標兵一千名宣化鎮標兵一千名正定鎮

標兵一千名酌派鎮將分帶一面飭司籌撥糧

餉星馳前赴大名及河南山東交界處所相機

欽定平定教匪紀畧

卷一

二

剿捕並飭天津鎮道酌帶官兵於河間府屬山

東交界處所防堵臣於跪請

訓示後即與提督臣馬瑜起程馳往督辦再臣初三

日出省先於初二日接據山東撫臣同興密札

拏獲金鄉縣教匪崔士俊等三十餘人供係長

垣縣人徐安悃傳授囑令密拏臣即密委臣標

中軍副將舒凌阿撫寧縣知縣周衡立時馳往

查拏尚未接據稟報今滑縣教匪即於初七日起事并奔赴河南考城山東曹縣一帶可見與山東教匪實係同夥

同日直隸按察使慶格奏言臣於九月初十日

據大名府長垣縣典史劉世治稟稱知縣趙綸

風聞縣屬東北鄉葦園村有邪教伏匿於初六

日午刻帶領書役密赴訪查申刻據跟役趕回

欽定平定教匪紀畧

卷一

三

報稱該匪徒等已聞知消息忽來多人頭纏白

布身穿白衣手執器械將知縣趙綸圍住扎傷

並扎傷書役數人該典史現在會同城守營把

總防守城池監獄等情並據大名府知府莫景

瑞稟稱該府接據稟報即會同營員挑帶兵役

馳赴擒捕又據東明縣知縣朱煒稟稱探聞該

匪徒等已將長垣縣九級集一村搶劫赴山東

曹縣一帶逃奔又河南滑縣白家集有宋姓亦
係邪教各等情臣一面飛報河南山東巡撫派
委員弁兵役一體截拏一面飛咨正定鎮臣控
住相機接應並令地方官安撫居民無致失所
奏入

上御行殿召見溫承惠及提督馬瑜

命溫承惠為欽差大臣馳往長垣滑縣一帶統兵剿

辦

欽定平定教匪紀畧

卷一

四

辦

又奉

旨派護軍統領富蘭副都統格布舍御前頭等侍衛
蘇爾慎乾清門三等侍衛伊勒通阿額勒精額三
等侍衛蘇倫保阿勒罕保副護軍叅領諾木齊護
軍校蘇清阿俱隨同溫承惠前往

又奉

旨派陝西提督楊遇春選帶將弁馳赴大名一帶協
同溫承惠剿辦

同日

上命軍機大臣傳諭署河南巡撫熱河都統高杞曰
本日溫承惠奏河南滑縣老安地方有匪徒黃興
宰黃興相兄弟並宋姓為首興立天理會於本月
初七日聚眾滋事滑縣已失縣官被戕直隸長垣

欽定平定教匪紀畧

卷一

五

縣亦有習教之人并聞教匪竄往河南考城及山
東曹縣一帶現在睢州二堡黃流漫溢台斐音馳
往該處下游被水一帶查辦災務高杞此時若尚
未起程離豫著即挑帶將弁兵丁督同河北鎮總
兵色克通阿星夜前赴該處加意防範並嚴飭沿
河文武員弁嚴密防堵勿令偷渡河南致形滋蔓
高杞俟方受疇到任後再來京赴熱河都統之任

上又命軍機大臣傳諭山東巡撫同興曰本日溫承
 惠奏河南滑縣老安地方有邪教黃興宰等興立
 天理會聚眾滋事直隸長垣縣境亦有習教之人
 並聞教匪南竄往河南考城及山東曹縣一帶並
 據慶格奏稱探聞匪徒等已將長垣縣九級集搶
 掠赴山東曹縣一帶逃奔各等語現在匪徒聚眾
 滋事總以迅速撲滅勿任蔓延為要該撫即挑派
 將弁兵丁於邊境扼要處所堵截嚴拏其為首起
 事各犯務宜剿捕淨盡無致漏網被脅之人並當
 設法解散出示曉諭勿令裹脅者多致滋株累

十三日丙子

聖駕至要亭駐蹕直隸布政使素納奏言竊臣查辦
 南三府賑務先至順德府城正在查勘各屬災
 歉情形初九日接據長垣縣典史劉世治稟報

欽定平定教匪紀畧

卷一

六

七

該縣知縣趙綸風聞該縣東北鄉離城十八里
 之葦園村有匪徒習教情事當即於初六日密
 往查拏忽來多人身穿白衣手執器械將趙綸
 圍住扎傷跑回跟役一人不知該縣下落等語
 又據東明縣知縣朱煒稟同前情並稱縣屬齊
 五集民人張文典首告伊係鐵匠營生初五日
 有長垣縣南樂集人姜復興托伊打鋼刀十把
 給與式樣情有可疑該縣當將姜復興拏獲訊
 據供稱係長垣縣人與本村王順天入教為首
 同滑縣白家道口宋義升長垣縣馬寨村馬文
 隴共分四層名天理會每層約有二三百人朔
 望行香念咒原約九月初九日邀齊行善本月
 初五日曾托張文典打刀等語隨將該犯收禁
 初十日臣行抵廣平府臨洛關地方復據長垣

欽定平定教匪紀畧

卷一

縣典史劉世治稟報初七日有葦園村民人王
白小赴都司陳夢熊處首告知縣趙綸被害次
日陳夢熊帶領兵勇將屍骸搶出看明趙綸遍
身有傷身首異處當同其子趙錦備棺盛殮印
信貯庫又據開州知州于曉稟報探得東明縣
城被圍該州相距甚近勢甚危迫該州外委馮
世立拏獲潛來州城探信之教匪李三聾李信
成二名訊據供稱係滑縣謝家莊人俱在教內
每人均有白布三塊頭上腰間衣襟各縛一塊
并墨書奉天開道四字等語伏思該犯等既已
戕官圍城必須厚集兵力一鼓殲擒方不致蔓
延滋事且開州東明長垣三州縣在在與河南
接壤必須分兵把守免致滑縣之賊闖入直境
臣查順德廣平大名三府存城之兵每處不過

一百六七十名不敷抽調必得於正定鎮所屬
各營內酌量調兵一二千名方資堵剿 臣正擬
咨調間適新授熱河都統高杞由河南行抵臨
洛關與 臣晤商意見相同 臣等卽一面飛咨正
定鎮臣拴住星夜帶兵二千名赴援一面馳赴
大名府相機彈壓
熱河都統高杞奏言 臣自河南起程進京於初
九日行抵直隸之邯鄲途間與直隸藩司素納
相晤該藩司將直隸長垣開州東明各州縣稟
報邪教滋事各情告知 臣一面札調正定鎮標
弁兵迅速前來一面率同藩司素納馳赴大名
一帶督飭查辦均奏入
上命軍機大臣傳諭溫承惠曰據素納奏接據東明
縣朱煒稟報縣屬齊五集鐵匠張文典首稱有長

垣縣南樂集人姜復興托伊打鋼刀十把伊因情有可疑赴縣呈首該縣於是日盤獲姜復興究出伊與滑縣白家道口朱義升長垣縣馬寨村馬文龍夥同習教會托張文典打刀該縣當將該犯收禁又於初十日接據長垣縣典史劉世治稟報有民人王白小向都司陳夢熊處首告知縣被害該都司帶領兵勇搶出該縣屍骸看明遍身有傷身

欽定平定教匪紀畧

卷一

十

首異處又據開州知州于曉稟報東明縣城已被圍勢甚危迫等語該匪等聚眾戕官圍城猖獗可恨已極且俱用白布纏頭身穿白衣看來竟係邪教並非饑民著溫承惠即飛飭富蘭速選弁兵帶領趕赴該處堵剿毋令向各處竄逸該督俟兵力到齊即統率師千一鼓殄滅至擒獲醜類如有白布纏頭查係真實賊犯即概行正法若無辜被脅

之眾不可株連該督當仰體朕意總以安民為要其首逆黃興宰黃興相宋義升等犯就獲後即派委乾清門侍衛及文武委員嚴密解京候朕親訊處以極刑以彰國憲至長垣縣知縣趙綸如平日居官尚好猝被戕害即奏明賞給卹典如別有劣蹟毋庸置議鐵匠張文典率先到官舉報尚知畏法該督查明酌量獎賞

欽定平定教匪紀畧

卷一

十一

上又命軍機大臣傳諭高杞曰高杞行抵直隸臨洛關接見藩司素納聞知匪徒滋事即馳赴大名一帶札調正定弁兵督率查拏所辦甚是昨已派令溫承惠同提督馬瑜前往長垣一帶堵剿直隸地方無須高杞在彼督辦現在方受疇到任尚須時日台斐音因睢州下汛黃流漫溢親赴該處查辦撫卹事宜著高杞遵照前旨速行赴豫到彼後仍

接署河南巡撫印務所有豫省一切查拏防堵俱責成高杞悉心經理高杞於接印後卽選帶將弁兵丁親赴滑縣密查匪徒起事根由並查首犯黃興宰兄弟現在是否屯聚滑縣或分或合據實具奏並分派弁兵嚴密防堵其黃河口岸尤應選派文武員弁小心防守將沿河船隻悉令停泊南岸勿致賊匪偷渡又形滋蔓

欽定平定教匪紀畧

卷一

十一

上又命軍機大臣傳諭同興日同興前次奏拏獲金鄉縣編造歌詞斂錢惑衆之匪徒李允魁崔士俊張文明等十八人現據溫承惠奏接據該撫札稱教匪崔士俊等三十餘人供係長垣縣人徐安悃傳授囑令密拏今長垣縣又有戕官之案東省與長垣接壤該匪徒等同習邪教聲息相通於戕官搶劫之後既經逃往東省自係糾結黨與今閱數

日未接同興奏報甚爲懸厓山東曹單鉅野一帶順刀會梟販匪徒甚多且與直隸河南現在滋事之處境宇毘連現派令溫承惠帶兵由北堵剿高杞帶兵在河南緊防西南其東路專責成同興防堵該撫卽選派精銳弁兵迅速親自帶赴東省邊界嚴密偵緝勿令匪徒乘間闖入東境潛相勾結致滋蔓延再前該省拏獲之崔士俊等三十餘人

欽定平定教匪紀畧

卷一

十二

現在監禁在獄著該撫卽嚴行訊鞫是否與黃興宰等係屬一黨一面錄供具奏卽一面將該犯等先行正法並多發告示剴切曉諭居民所有查拏懲辦者俱係鄰省滋事亂民斷不株連無辜以靖民心爲要

十四日

丑丁

聖駕至密雲駐蹕溫承惠奏言途次接據東明縣知

縣朱煒稟報該縣被賊撲城把總梁得貴先帶兵役殺傷賊匪十餘人經該縣與把總勸諭紳民鋪戶曉以大義各捐錢米雇人守城並有武生張得正吳士登二人格外踴躍將城垣破損處所粘補完好該縣等晝夜防範竟可無虞而縣城數十里之外火光紛起至長垣縣趙綸被賊戕害業已查明屬實經藩司飭委試用通判周克家前往署理又據杜勝營都司陳夢熊稟報帶領兵勇二百餘名前往長垣葦園村剿捕知賊匪潛匿王盡實家該都司用鎗轟擊賊匪仍不肯出隨於王盡實家搜得趙綸首級屍身送縣殮殮該村東南突來賊匪數百人接應村房中賊匪出而夾攻互有殺傷搶獲賊匪無字大白旗一面小白旗三面上書奉天開道字樣

欽定平定教匪紀畧

卷一

四

刀械十餘把生擒賊匪二名賊勢漸退該都司亦退兵守城該縣城池堅固署事之員已到亦可無虞又開州城內亦經知州于曉雇募民夫守城兼有兵弁防守該州西鄉與滑縣交界之處各村人心甚齊防堵嚴密此時大股賊匪均在滑縣老安一帶屯聚直省不過間有習教之人希圖策應並有無藉之徒乘機搶竊即日大兵聚集不難一鼓殲擒現在正定鎮總兵已於初十日帶兵六百名赴長垣一帶其臣標所調官兵亦於十三十四十五十六等日分作四起啟行官兵陸續大集臣昨日面奉聖諭賊匪不可過黃河以南誠為扼要至論臣曾任河南藩司知濬滑一帶界連彰懷二府山徑亦宜嚴加防堵臣已札致護撫臣台斐音並河北

欽定平定教匪紀畧

卷一

五

鎮色克通阿務須星夜帶兵防備西南兩路勿使竄至臨河近山地而該匪平壤奔竄即易剿捕目下兵力未齊全仗該地方紳民自爲守禦必須資給口食臣已飛飭素納每縣酌給銀一二千兩再直隸河南山東等處村莊向無土堡可守並飭素納出示勸諭俱令深挖濠溝易於保護即可藉免裹脅此亦堅壁清野之一法並

欽定平定教匪紀畧

卷一

六

經飛咨豫東二省一體照辦至被戕知縣趙綸向來官聲尙好可否量予

恩施恭候

欽定

同日河南河北鎮總兵色克通阿奏言臣於九月初九日午刻接據衛輝府濬縣知縣朱鳳森稟報初五日接滑縣札開該縣匪徒牛亮臣等

十餘人聚集匪徒打造軍器知會協擊當即飭

差查得本縣大伾山東坡有數百人夜聚明散

現將城門緊閉一面練勇保護稟請迅即發兵

剿捕同時又據濬縣稟報探得滑縣署中已被

匪徒殺死多命獄囚亦被劫放等情查牛亮臣

等以閭閻平民膽敢嘯聚匪徒打造軍器殺入

縣署劫放獄囚深堪痛恨亟應上緊剿除臣隨

欽定平定教匪紀畧

卷一

七

酌帶本標官兵五百名即於初九日酉刻自懷慶府起程星夜前往相機剿辦均奏入

上命軍機大臣傳諭溫承惠曰溫承惠奏沿途接據

稟報情形並酌籌防堵事宜賊匪敢於攻撲東明

縣城可恨已極該縣武生張得正吳士登一經該

縣朱煒勸諭即踴躍防守補完城郭能知大義甚

屬可嘉張得正吳士登俱著賞給把總以示鼓勵

知縣朱煒都司陳夢熊防守堵禦尚爲出力著溫承惠先行記功如果始終奮勉再行保奏酌量施恩長垣縣知縣趙綸平日官聲尚好因查拏匪徒猝被戕害著照陣亡例賞給卹典據該督所奏情形此時東明等處各州縣已守禦有備而大股賊匪尚在滑縣屯聚本日據色克通阿奏稱接據濟縣知縣朱鳳森稟報有匪徒牛亮臣等十餘人打造軍器並據差查該縣大伾山之東坡聚有數百人現在該鎮已帶兵五百名於初九日星夜前往等語已降旨令高杞馳回豫省督同色克通阿相機堵剿並令嚴防西南兩路不令該匪等竄至臨河近山地面致滋蔓延該督此時應飭令富蘭迅速帶兵前進俟兵力齊全該督卽帶領大兵親赴賊匪屯聚處所一鼓作氣將匪徒聚而殲旃刻下

欽定平定教匪紀畧

卷一

六

該督先於附近各州縣多發告示曉諭居民安靜自守勿爲匪徒煽脅斷不肯稍有株累庶人心安定不致再生事端至邪教一節此時斷不可提及卽所發告示內雖經習教未曾滋事之人概不查辦之語亦不可敘入將來擒獲匪徒審訊時亦不必根究習教若有首告邪教者查無蠢動端倪均姑置勿論或擬以誣捏以安反側該督總以剿辦起事匪徒爲正務其無藉之徒乘機搶掠者亦從緩辦理不可顧小而遺大尤不可使無知愚民疑畏驚擾至附近村莊自爲守禦挑挖溝濠爲堅壁清野之助亦因賊之良法但民人自衛鄉間則可若鄉勇一節此次斷不得再踵陋習設該處鄉民有情願隨營打仗者該督務嚴行禁止曉諭該紳民等各保村莊俾匪徒等無從裹脅卽屬急公向

欽定平定教匪紀畧

卷一

九

義平定後尚當量予獎賞至剿除逆匪係官兵之責無須伊等協助該督熟籌全局卽當統率師干速靖邪氛以副委任

上又命軍機大臣傳諭高杞曰本日據色克通阿奏稱滑縣匪徒牛亮臣等十餘人在該縣大伾山之東坡聚集匪徒數百打造軍器殺入縣署劫放獄囚現帶兵前往剿辦等語昨已有旨令高杞接署

欽定平定教匪紀畧

卷一

千

河南巡撫印務帶兵前赴滑縣查拏防堵現在色克通阿已帶兵五百名前來著高杞卽迎合一處統率弁兵前往剿捕若兵力尚少著卽添調豫省官兵併力殲除其防堵機宜滑縣南距黃河迤西卽係太行山徑該撫務周密布置嚴防西南兩路勿使渡河奔竄亦勿令竄入山谷滋蔓難圖惟當堵剿兼施蹴之於平原曠野之地則兵力易展四

面兜圍不難一鼓剿滅淨盡

臣等謹案詰奸懲刑暴亂聖王不得已而用兵而其決幾也神則其成功也速教匪起於滑縣與直隸大名各屬及山東曹縣一帶在在毘連使其四散狂奔固已無可扼之險而南竄渡河西竄入太行倘或鋌走自如恐非旦夕之所能蕪事矣我

欽定平定教匪紀畧

卷一

三

皇上命將行師不逾晷刻而

諄諄然必以防堵爲先務其豫省西南兩路尤令加意嚴防故四面環圍

天戈所指我武維揚三閱月而首夥殲除迄無遺孽蓋燎原不起實由於撲滅之神而滋蔓無虞是在於芟夷之速也

十五日
寅

聖駕至髻髻山駐蹕是日辰刻山東巡撫同興奏言

本年六月下旬據濟寧州金鄉縣典史梁玉振

稟稱民間傳言城南一帶有夜聚晝散之人蹤

跡詭異臣當密飭濟寧州知州王旭昇親往查

拏旋據稟稱訪有李允魁崔士俊張文明等編

造歌詞斂錢惑眾因聞拏俱各躲避適有臣前

此派往密訪之外委左壽寧訪出各犯姓名住

欽定平定教匪紀畧 卷一

址開單面呈臣隨交該署縣吳堦帶同左壽寧

前往按名查緝茲據吳堦稟報到任後密查各

匪犯俱已潛匿該令未敢張揚恐其遠竄隨伴

為示諭以前此訛傳必係與李允魁崔士俊張

文明等挾有素嫌造言陷害今後俱宜安分不

可妄生事端等詞在於四門並關廂張貼以示

不再追拏而李允魁崔士俊張文明等果聞風

先後潛回經選帶幹役會同左壽寧馳往將單

內有名之李允魁崔士俊張文明孫戰標等首

夥匪犯十八人先後拏獲起獲編造算命避難

歌詞等件臣提省審辦一面密飭附近州縣查

拏夥黨一面督率兩司並濟南府知府疑圖悉

心推鞠據崔士俊供該犯與城武縣民劉燕認

識劉燕素習八卦離字教其教先令人跪香磕

欽定平定教匪紀畧 卷一

頭授真空家鄉無生父母八字入教之始先給

教師錢一二百文不等名為根基錢每逢清明

中秋兩節隨力致送錢文名為跟賬錢俱交給

卦主凡同教見面時駢食指中指往上一指名

為劍訣以作暗號崔士俊於嘉慶九年聽從劉

燕入離卦教傳徒高鶴鳴等五名等語詰以教

首何人據供離卦教係金鄉縣人王普仁傳至

張衡王敬修王敬修又傳至劉燕等供臣當卽
飛飭查拏經署金鄉縣知縣吳培將王普仁張
衡拏獲並據鉅野縣知縣王朝恩將劉燕等拏
獲先後解省復提該犯等隔別研訊劉燕等供
俱相符惟王普仁供出離卦教首部添麟向在
東昌府聊城縣生理已於三年前病故該犯之
師係劉隴士已於嘉慶九年被水淹斃其徒王
敬修亦經病故現在張衡等所習離卦教由該
犯輾轉相傳此崔士俊王普仁等傳習離卦教
之先後情由也又據崔士俊供稱該犯先入離
卦教上年八月間有同莊人高毓藻與直隸長
垣縣陳家莊人徐安惘平素認識曾領徐安惘
赴該犯家并稱徐安惘係習震卦教勝於離卦
勸其改離歸震該犯遂拜徐安惘爲師徐安惘

亦教真空家鄉無生父母八字與離卦教無異
惟每日早午晚三次朝禮太陽兩手抱胷合眼
跌坐口念真空等八字八十一遍名爲抱功功
成可免災難今年二月間徐安惘復至該犯家
內口稱今歲九月以後交白洋劫行教之人劫
數到時老教首送給白布小旗一面插在門首
可免殺戮並稱老教首係劉姓等供詰其劉姓
何名何處並旣以八卦名教此外各卦現在何
處堅稱向來只知離卦自認識徐安惘方知又
有震卦曾聽得徐安惘說起各卦已零落斷絕
現俱無人今劉姓教首生於坎方合震離兩卦
卽爲三才其老教首只知姓劉並究出已獲之
張建木於崔士俊被拏後曾寫信知會徐安惘
躲避等情再四熬審堅供不移此又崔士俊供

出認識徐安囑改入震卦教並妄說妖言之原委也復提集先後拏獲之劉燕孫戰標李允魁等四十餘人互相質證有由離卦教改入震卦教者有並未入震卦教者有初經入教並未聞知妖言者有供止圖免災禍被惑入教者查王普仁崔士俊等於

光天化日之下輒敢演習邪教傳播妖言斂錢惑眾

欽定平定教匪紀畧

卷一

美

實堪痛恨且查八卦教之名由來已久屢經大加懲創檢查歷辦教黨舊案其傳徒口訣內俱有真空家鄉等八字可見黨惡相沿尙未盡絕必須逐細根究以淨根株其徐安囑尤為至要之犯臣已密札直隸督臣溫承惠設法查拏以便究明劉姓老教首籍貫住址嚴拏懲辦一面飛查部添麟等是否實已病故其高毓藻一犯

亦經吳塔拏獲俟提解到省再行審擬具

奏再臣正在封摺間適又接據曹州府知府百歲稟報直省長垣縣葦園村地方有邪匪傷官滋事各有小白布旗號現有奔竄東省之勢已會營調集兵弁在交界處所嚴密堵拏同時又准兗州鎮臣陳廣寧咨會該鎮聞信後已酌帶弁兵前赴曹州彈壓防堵等情臣接閱之下不勝

欽定平定教匪紀畧

卷一

毛

駭異查東省曹州各屬與直隸大名一帶毗連倘葦園村匪徒即係崔士俊所供之徐安囑若竟闖入東境再行煽惑所關匪細臣於拜摺後即親自馳赴東昌就近查看情形相機辦理是日未刻同興又奏言臣於十一日接據曹州府稟報直省長垣縣有邪匪抗官滋事當經奏明馳往邊界查辦十二日又據曹州府稟報探

得河南滑縣已被匪徒竄入縣官被戕相連各州縣俱已戒嚴等情旋又據曹州府並荷澤縣飛稟定陶縣城於初十日黎明被陷文武官員存亡未保等語查此等烏合匪徒若非本境有黨惡接應何敢竄入鴟張必須厚集兵力尅日撲滅方不致蔓延爲害臣隨又飛調東昌營兵

一百名派赴曹州協防泰安營兵二百名赴東

欽定平定教匪紀畧

卷一

天

昌聽候調遣河標中營兵三百名分赴金鄉鉅

野二縣彈壓又查臨清與長垣滑縣一水可通

已飛調德州駐防兵一百名赴臨清防範省城

重地兵力較單臣已調青州滿洲兵四百名來

省彈壓至省西各處均須兵力防守不能多調

是以又調登州鎮屬各營兵共六百名赴東昌

候撥共計派滿漢兵一千七百名臣拜摺後卽

帶運司劉清并本標兵三百名前往督辦至金鄉縣已獲教匪崔士俊等若非仰托

皇上洪福先期拏獲難保不同時並起自未便拘泥

致該匪等稍稽顯戮臣於審明後卽將首惡崔

士俊趙清元李允魁孫戰標呂華容宋大勇劉

燕等七名恭請

王命卽行正法仍梟首各該處示衆以免奸人窺伺

欽定平定教匪紀畧

卷一

天

其餘各犯飭司分別定擬懲辦

是日申刻同興又奏言臣本日行抵長清途次

又據曹州府百歲稟報毘連定陶之曹縣於十

一日亦被賊匪占踞等語鎮臣陳廣寧已由濟

寧一帶前往曹州臣正在繕摺具奏間復據濟

南府知府凝圖稟稱該府於前獲逆犯張建木

供詞內又復訊出一切逆情臣細閱之下不勝

駭異據稱該犯於去年八月間先後同崔士俊拜直隸長垣縣人徐安悃爲師習學震卦教今年二月間徐安悃告知現在河南滑縣城北五里莊有卦主李文成原是當日震卦教王卦主轉生囑令前往看望該犯隨同朱成方徐安悃同至東明王學禮家先見王學禮又同至劉悃明家暫住等候次日崔士俊同徐安悃也來見了劉悃明劉悃明纔領到卦主李文成家向李文成磕頭李文成站著受禮吩咐說你們好生用功一劫能造萬劫之苦一劫也能修萬劫之福各人回家去罷凡事均問你師傅等語劉悃明又告知這教山西最多先收集山西好幾年如今纔收山東收西邊的人是于克敬係山西人在滑縣城北二里住收南邊的是王學禮

欽定平定教匪紀畧

卷一

三

收東邊的是劉悃明收北邊的是老劉爺自去的老劉爺從前是彌勒佛下來死過多年如今真性轉生不過四十多歲名叫劉真空又叫劉林號霜木卽雙木原是單縣劉家莊人從前犯事改姓黃逃出如今或姓林或姓劉或姓黃現住京南二十八里大路邊沙河地方十六年六月間到過滑縣道口集纔指稱李文成是震卦王教主轉世劉悃明還說這四個頭領分路收人專等老劉爺收起北方就好起事有兩句話單等北水歸漢帝大地乾坤只一傳又徐安悃在路上告知十月三個節氣以後就是白洋劫白洋劫前七天要把白布小旗普律同時傳遍各處應手並不打造刀鎗臨時隨便搶用凡沒旗子人家盡行殺戮同教中人各束一根白帶

欽定平定教匪紀畧

卷一

三

領上插白布小旗上寫奉天開道便是記號那時但留下行教的人纔分上下又另有四句話位列上中下才分天地人五行生父子八卦定君臣劉綱明還說白洋劫山西是洋頭河南是洋肚山東是洋尾所以先收山西次收河南後收山東等情查直隸長垣河南滑縣並東省定陶曹縣等處教匪滋事情形與所供無異謹由

欽定平定教匪紀畧

卷一

三

五百里將原供呈

覽

同日護理河南巡撫布政使台斐音奏言本月初十日辰刻臣於睢寧工次接據衛輝府知府郎錦騏稟報本月初六日探聞直隸長垣縣匪徒勾結滋事豫省滑縣境地切近經該縣知縣強克捷盤獲匪犯牛亮臣等二十五名押禁一

面查拏逸犯詎該犯等糾夥多人於初七日進城放火劫獄燒署縣官全家被害典史不知下落該匪犯等業已竄入濬縣境內現在獲犯劉崇化等九名訊係結盟用白布纏頭束腰爲號並帶有旗幟嚴究何人爲首堅不供吐等情並據該管河北道趙麟稟報情事相同河北鎮臣色克通阿咨會業經帶兵就近督捕等情臣接

欽定平定教匪紀畧

卷一

三

閱之下不勝忿恨卽飛調撫標河南等營官兵一千二百名親自管帶晝夜趲程馳赴滑濬二縣四路堵拏並咨會山東直隸地方文武各官一體防堵其黃河以南開封等屬災賑事宜飭令各委員會同該管道府及州縣等實力經理均奏入

上命軍機大臣傳諭溫承惠日本日同興奏審金鄉

匪犯崔士俊供稱該犯先從城武縣民劉燕傳習八卦離字教上年八月間又從直隸長垣縣陳家莊人徐安幗改習震卦教徐安幗曾告以今歲九月以後要交白洋劫屆時老教首送給白布小旗一面插在門首可免殺戮又據獲犯張建木同供本年二月間徐安幗亦曾到過伊家迨崔士俊被拏該犯曾寫信知會徐安幗躲避等語徐安幗一

欽定平定教匪紀畧

卷一

五

犯前據溫承惠奏稱接據同興知會已派副將舒凌阿前往密拏現在長垣縣聚眾滋事是否卽係徐安幗爲首著溫承惠於剿捕時確實查明具奏正在降旨間又據同興奏稱據曹州府並荷澤縣稟報定陶縣城於初十日黎明被陷文武官員存亡未保同興現已派兵分赴曹州東昌等處彈壓並親帶劉清率本標兵三百名前往督辦等語此

股定陶賊匪是否係由直隸長垣竄往抑由河南滑縣竄往或係該縣另起之賊現降旨令同興督兵往剿將賊匪由東北逼向西南其河南邊界又降旨令台斐音將所帶兵一千二百名全數交與高杞帶領防堵溫承惠當督催直隸派出鎮將兵丁迅速前往合力剿捕務期一戰成功其定陶現在賊匪並飭屬查明原委先行由驛速奏

欽定平定教匪紀畧

卷一

五

上又命軍機大臣傳諭溫承惠日本日申刻又遞到同興本月十三日由五百里馳奏之摺內稱接據曹州府百歲稟報賊匪於十一日續陷曹縣在彼佔據現在兗州鎮總兵陳廣寧已由濟寧帶兵馳往同興亦由東昌集兵前進剿辦等語賊匪於數日之間將定陶曹縣兩處攻陷漸向東南肆逆看來並非東省另起之賊自卽係長垣滑縣等處賊

匪相率竄往刻已降旨派徐州鎮總兵沈洪帶兵一千名由江省自南而北堵剿前進賊匪此時既向東竄則長垣東明開州一帶賊蹤想已漸遠溫承惠卽當迅統大兵由長垣滑縣一帶進發如該二縣已無賊屯聚卽探明大股賊匪所在直赴曹州定陶一帶與東省堵剿之兵併力夾擊

上又命軍機大臣傳諭同興日本日辰刻遞到同興

欽定平定教匪紀畧

卷一

三

審訊匪犯崔士俊等一摺並據片稱接據稟報聞長垣縣匪徒抗官滋事調兵堵截等語正在飭諭該撫嚴防邊境並傳諭朱錫爵劉大懿將崔士俊等犯速提審擬卽行正法茲於未刻遞到該撫奏摺據稱將已獲之匪徒首惡崔士俊等七名先行正法俾免奸人窺伺所辦甚是並據奏定陶縣城初十日黎明被陷文武各官存亡未保又於申刻

據該撫奏到毗連定陶之曹縣於十一日亦被賊

匪占踞看來賊勢鴟張自係直豫匪徒闖入東境

肆行劫掠該撫現在調集多兵前往剿捕著卽迅

速前進若能就地擒捕早爲撲滅固屬甚善如不

能剋期殲除該撫務由東北將賊匪逼向西南豫

省現有高杞帶兵防堵直隸溫承惠督率大兵前

往剿辦現已有旨諭令徐州鎮總兵沈洪選帶兵

欽定平定教匪紀畧

卷一

三

一千名迅速由東南迎頭北上正可併力兜圍將

賊匪聚而殲旃該撫所轄地方遼濶務須布置周

密不可令匪徒再向東竄致滋蔓延至所稱臨清

地方與長垣滑縣一水可通該撫飛調德州駐防

兵一百名赴臨清防範一節賊匪如由水路東趨

豈一百名兵所能堵禦該撫當飭沿河州縣官將

附近船隻調令遠離毋令賊匪搶掠卽可斷其來

路該撫嗣後具奏軍務事宜俱著用五百里馳遞
上又命軍機大臣傳諭江南徐州鎮總兵沈洪曰現
在直隸長垣河南滑縣山東曹縣定陶一帶有匪
徒滋事係由西北向東南一路奔竄著傳諭徐州
鎮總兵沈洪卽速挑帶健勇兵丁一千名由南向
北取道迎赴山東曹州一帶相機堵剿該總兵專
以堵截南路爲重不可輕率深入總勿使賊匪向
東南四散奔竄爲要

欽定平定教匪紀畧

卷一

三

上又命軍機大臣傳諭台斐音曰豫省因睢州下汛
黃流漫溢前降諭旨令台斐音親往該處查辦撫
卹事宜高杞馳回豫省署理河南巡撫專辦剿堵
之事台斐音現帶兵一千二百名前往著於迎會
高杞時將所帶之兵全數交與高杞帶領台斐音
仍赴漫口處所幫同經理堵築及災區撫卹事宜

再現被賊匪蹂躪州縣亦應妥爲撫綏並著台斐
音迅速查明應如何施恩之處奏明候旨遵辦

臣等謹按書曰自作孽不可活教匪潛圖不
軌播造謠言以八卦教爲糾會之名以白洋
劫爲愚民之說傳徒輾轉聲氣相聯約日定
謀計圖讜起使金鄉教匪不先於八月破案
則滑縣起事之日勢將同時並舉使滑縣教
匪不先經該縣查拏則京城滋事之期安知
其不北來接應今閱同興所奏金鄉崔士俊
等四十餘犯悉經知縣吳堦拏獲不能蠢動
而滑縣牛亮臣等二十五犯因知縣強克捷
盤獲押禁是以於九月十五之先倉猝起事
期約一誤諸事潰散奸謀詭計敗於臨時所
謂若或使之有不知其所以然者豈非

欽定平定教匪紀畧

卷一

三

天不可違而

神之所助者順歟

欽定平定教匪紀畧

卷一

早

欽定平定教匪紀畧卷二

九月十六日卯辰刻

聖駕由學髻山至白澗途次儀親王永璇成親王永

璉莊親王綿課等由八百里奏言本月十五日

午刻忽有賊匪屯聚

西華門外臣等得信趕入隨傳集各營兵丁攜帶

鳥鎗刀箭自

欽定平定教匪紀畧

卷二

神武門入賊眾已至

中正殿門外臣等帶兵急追時有數人跑入內地

卽經

二阿哥親在

養心門外用鎗打斃西牆上兩賊綿志用刀砍斃

一賊亦經

二阿哥目覩綿志又在

隆宗門鎗斃三賊現在

紫禁城內_臣等帶兵各處搜捕賊衆被殺及帶傷

者頗多各處蘇拉兵丁被傷及已死者亦復不

少謹先將情形

奏

聞

又左翼總兵王玉麟由八百里奏言竊_臣恭迎

欽定平定教匪紀畧

卷二

二

聖駕後於十五日未刻回至東直門有步軍統領衙

門司員馳稟現有賊匪在

東華門內滋擾經正藍旗步營地面官兵在

東華門外拏獲五人_臣當卽密派南北左右四營

叅將遊擊各帶兵二百名前赴

神武門

東華門

西華門

東長安門

西長安門分頭把守防範一面傳知八旗步營官

員各在本管地面防守巡察並傳行九門城門

領等督率兵丁各於本門留心稽查早閉晚啟

遇有形跡可疑之人卽行盤詰查拏一面帶同

翼尉步軍校護軍兵丁等進

欽定平定教匪紀畧

卷二

三

內會同王大臣官員等及各營官兵查拏賊匪維

時賊匪在

隆宗門外滋擾_臣同王大臣等帶兵由

中正殿夾道迎擊而南殲斃賊匪數名生擒帶傷

賊匪宋尙忠李二格二名據宋尙忠供稱係天

理教約同二百人於本日巳時入

內午時動手等語現在賊匪因官兵攻擊緊急勢

已窮蹙均聚在

西華門內捨命抵禦臣因吉綸於今早起身恭迎

聖駕步軍統領衙門堂官現止臣一人在京時將日

落外間街道城門均關緊要臣現出

紫禁城督率所管內外各營官兵在

紫禁城周圍一帶梭織巡查如有在外接應之賊

匪卽行擒拏辦理奏入

欽定平定教匪紀畧

卷二

四

上命御前大臣額駙喀爾喀親王拉旺多爾濟總管

內務府大臣公和世泰御前行走額駙索特納

木多布齋瑪尼巴達拉回京查看情形已刻

上至白澗行宮復

命軍機大臣尙書托津侍郎右翼總兵英和進城查

辦

是日酉刻永璇等又由八百里奏言昨十五日

酉刻臣永璇等馳遞

奏片後十五日戌正時分臣永璇綿志奕紹同內

務府大臣蘇楞額等將進入大內之賊搜捕殆

淨卽將綿志帶入火器營兵丁同總管常永貴

等一一點名放出

內右門並將烏鎗長鎗腰刀各留一半交常永貴

夜間防備不虞自十五日午時至十六日巳時

欽定平定教匪紀畧

卷二

五

所有王大臣等擒獲及殺死賊數並侍衛官兵

家人等受傷名數繕單呈

覽再有賊旗一幅上寫奉天開道四字又從死賊季

進玉懷內搜出賊名一單共二十五名想季進

玉必係頭目其單內各名係伊帶入但其餘二

十四名現俱未獲又據成親王永理告知帶兵

拏活賊宋尙忠一名永理親訊口供據稱賊衆

共進

禁城二百名地安門外尚有五百名令臣務須代

奏但查內務府所拏活賊亦有宋尙忠之名未知

是一是二須俟再查又十五日夜間在

神武門看守係慶桂鐵保劉鑲之崇祿費錫章等

城上巡視係貝勒永珠公布蘭泰成書果齊斯

歡又內左門係永玉內右門係永琿啟祥門係

欽定平定教匪紀畧 卷二 六

永盞蒼震門係西拉布順貞門係成格神武門

係綿槐午門係策楞東華門係瑞齡西華門係

慶祥均各帶兵捕賊再格布舍蘇爾慎伊勒通

阿額勒精額諾木齊阿勒罕保現在帶兵捕賊

奮勇當先查格布舍等本係奉

旨交溫承惠帶往河南剿賊之員現在

紫禁城內關係重大可否暫留於

禁城內捕賊俟平靜後再令馳赴溫承惠軍營外

二阿哥交出奏摺一函謹封遞呈

覽

二阿哥綿寧 三阿哥綿愷 奏言本月十五日午刻子臣等在

書房聞得各處太監叫喊關門子臣等即由

日精門探問將至

近光門總管常永貴等綁獲賊人二名到來常永

欽定平定教匪紀畧 卷二 七

貴搜得二賊身邊各刀一把白布二塊匆忙之

際所拏賊之太監等有幾人被傷事後查明常

永貴自應奏

聞于時將近未刻子臣等以為無事而子臣四弟已

下書房子臣綿寧綿愷即商同至

儲秀宮給子臣

皇母請

安子臣等將欲去時寶興方散值未出

東華門見有我兵向賊攔殺即跑入

乾清門給子臣等通信子臣等速至

儲秀宮請

安是時聞有賊人越牆從

內右門西邊入者子臣綿寧實出無奈大膽差人

至所內取進撤袋烏鎗腰刀惟時外邊官兵尙

欽定平定教匪紀畧

卷二

八

未趕進常永貴等督率眾太監各持棍棒在

遵義門內外巡防各房各牆上亦派太監等瞭望

不料五六賊人在

養心門對面南牆外膳房房上從西大牆欲向北

竄子臣綿寧手足失措甚恐賊人北去常永貴

云若不用烏鎗攔打房上地下之人無所施力

子臣綿寧大膽在於

宮內放鎗不敢逃責即在

養心門外西邊用鎗將西大牆上一賊打墜次又

有兩三賊仍在牆上並有一賊手執白旗子臣

深恐賊人北去復進

養心殿院內隔牆見執白旗之賊似有指揮子臣

復將執白旗之賊打墜餘者方不敢上牆匿在

內膳房內子臣復至

欽定平定教匪紀畧

卷二

九

儲秀宮奏明子臣

皇母請子臣

皇母放心切囑子臣三弟不許稍離左右子臣復至

西長街西廠一帶同常永貴帶領太監等防查

綿志帶領官兵五六人侍衛四五人並子臣等

諳達三四人進內少頃奕紹成親王儀親王內

務府大臣三人先後帶領官員兵丁等約有五

六十人亦俱進內子臣同常永貴囑令裏外人

眾將內膳房細加搜捕復得賊二人所有官員

兵丁名數及捕獲情形該管之王大臣自應另

行奏

聞子臣並派令諳達及侍衛七八人著

敬事房太監帶領在

儲秀宮東長街以防不然外邊人散出時一併隨

欽定平定教匪紀畧

卷二

十

出

宮闈禁地不敢不奏

聞子臣

皇母同貴妃等位及子臣等並九公主仰賴

皇父威福均皆平安伏祈

聖心寬慰戍時後外邊人等散出大內各門關鎖儀

親王成親王綿志奕紹分派官員兵丁在各門

外加意防護巡查一面各王大臣等帶領官員

兵丁在

禁城內搜拏子臣綿寧綿愷是夜俱在尙書房住

宿宮內各處常永貴等分帶首領太監徹夜巡

查無處不到

禁城內夜間雖有施放鎗聲剿捕餘匪而宮內常

永貴防查周密一夜安靜至天明子臣等至

欽定平定教匪紀畧

卷二

十一

儲秀宮給子臣

皇母請

安子臣

皇母安和所有內外搜查等事該王大臣及總管等

另有摺

奏謹此惶恐合詞具摺

奏

聞伏乞

皇父睿鑒

總管內務府大臣穆克登額微瑞蘇楞額奏言

本月十五日午刻忽聞有賊人擅進

西華門持刃傷人約計八九十人臣等即刻一面

進內嚴飭各門禁加意防守一面隨傳到內府

官員人等並三旗護軍人等及烏鎗護軍等又

總管太監常永貴傳

二阿哥話著調各營步軍及火器營兵等各帶

鎗枝弓箭腰刀立時帶赴各處搜捕臣等因賊

持刃傷人不得不動烏鎗攻打於十五日酉刻

臣等隨同儀親王永璇將賊人擅進禁城傷人

情形即時具

奏並進

欽定平定教匪紀畧

卷二

三

內右門查看經常永貴帶領太監等拏獲賊人四

名

二阿哥鎗打賊人二名又據常永貴口稱率領

太監四處搜拏並無潛藏賊匪各宮門禁均已

嚴防臣等帶領三旗兵丁人等在各處查拏共

生擒賊人五名又砍死賊人六名奪得順刀六

把於賊身搜出白布一方上織同心合我永不

欽定平定教匪紀畧

卷二

三

分離四季平安字樣復查得各處傷斃內務府

護軍校一名護軍四名匠役十二名被傷司匠

一名匠役七名並於查拏時看見尙有拏獲砍

死賊人在各處者約二三十人臣等恐尙有潛

匿賊匪仍帶兵日夜查拏務期淨盡謹先將大

概情形具奏再臣等向常永貴詢得

皇后內廷主位阿哥公主福晉等位均各平安臣等

仍飭知常永貴率領太監等於各處

宮殿門禁嚴密防守毋稍疎懈均奏入

上以案關重大傳

旨暫緩謁

陵回京查辦

是日

上諭內閣曰綿寧綿愷奏本月十五日午刻突有賊

欽定平定教匪紀畧

卷二

十四

人擅入蒼震門經總管太監擒獲未刻內右門西

又有賊匪越牆入內綿寧見事在倉猝取進烏鎗

撒袋腰刀先用鎗將牆上一賊打墜又有手執白

旗之賊在牆上指揮復用鎗擊斃實出無奈大膽

等語綿寧係內庭皇子在尙書房讀書一聞有警

自用鎗擊斃二賊餘賊始紛紛潛匿不敢上牆實

屬有膽有識乃綿寧奏稱大膽無奈詞語謹飭殊

覺過當朕垂淚覽之可嘉之處筆不能宣宮廷內地奉有

祖

考神御

皇后現亦在宮綿寧身先捍衛獲保安全實屬忠

孝兼備二阿哥綿寧著加恩封爲智親王於皇子

歲支分例加倍歲給俸銀一萬二千兩以示優獎

欽定平定教匪紀畧

卷二

十五

三阿哥綿愷隨同捕賊亦屬可嘉朕於在廷臣工

有功必賞今皇子能如此忠勇自効豈容稍靳恩

施此大公之心內外諸臣當共知感知奮也

上又諭內閣曰此案賊匪擅入禁門步軍統領吉綸

左翼總兵王麟毫無覺察其咎甚重吉綸王麟俱

著革職交與托津等差遣効力所有步軍統領事

務著英和署理

是日戌刻拉旺多爾濟和世泰索特納木多布

齋瑪呢巴達拉奏言臣等遵

旨於十六日酉初三刻趕入

紫禁城見

阿哥等會同王大臣所調各處官兵俱在

紫禁城四圍守護並有鳥鎗兵入內準備甚爲嚴

密似無事端臣等復至

欽定平定教匪紀畧

卷二

去

內右門恭請

皇后懿安將奉

旨差臣等前來及外圍並無事故緣由奏明臣等到

後所有健銳營火器營官兵已皆調到兵衛益

嚴搜捕即可完結

上命軍機大臣傳諭留京辦事王大臣儀親王永璇

等日本日申刻儀親王等遞到剿辦賊匪事已大

定一摺據訊取活賊供詞賊匪共進禁城二百名

現所呈遞草單三紙內細核殲斃及活拏者共祇

三十一名其餘賊匪一百六十九名究竟作何下

落所奏殊未明晰再成親王訊出賊供地安門外

尙有賊五百名此項賊匪此時是否伏而未動抑

係查有蹤跡伊等現在如何辦法摺內亦未提及

著儀親王等卽速明白迴奏至摺內請將格布舍

欽定平定教匪紀畧

卷二

七

等六人留京剿捕賊匪事屬可行內蘇爾慎格布

舍二人著速迎赴行在朕面詢剿賊情形其伊勒

通阿等四人留京責令幫同搜捕俟朕回鑾後再

諭令一同馳赴軍營

上又命軍機大臣傳諭托津英和曰本日申刻復接

儀親王等奏報據稱十五日戌正時已將進入大

內之賊搜捕殆盡並將擒獲及殺死賊數及侍衛

官兵家人受傷名數開單呈覽據賊匪供稱進禁城者有二百人今查閱單內殺死賊十七人拏獲賊十四人共計三十一人其餘之賊匪一百六十九名現在作何下落不可不查訊確實如係逃跑應行按名捕獲卽或身死亦當查驗明確著托津等詳悉查辦又據王大臣奏成親王告知帶兵拏獲活賊宋尙忠一名訊稱地安門外尙有賊匪五百名而王大臣摺內未將此五百名如何查辦之處奏及亦著托津等密行確查設法妥辦務令淨盡爲要又據奏從死賊季進玉懷內搜出賊名一單共二十五人並著托津等將現獲賊犯按名查對其未經拏獲者務須照單緝獲不可一名漏網所有王大臣奏到各單俱著發往閱看其活賊史進忠供單一併發閱再加研訊又據王大臣奏格

欽定平定教匪紀畧

卷二

六

布舍等六人捕賊奮勇已准其暫留京城幫同搜捕惟王大臣所遞殺賊獲賊單內祇阿勒罕保獲賊一名其格布舍等五人並無殺賊獲賊之處豈伊等隨同奔走卽謂之出力乎並著托津等查明具奏再早間據王大臣奏綿志在養心殿外用刀砍斃一賊經二阿哥目覩又在隆宗門鎗斃三賊刻下王大臣所進獲賊單內又不敘及綿志斃賊獲賊數目著托津等啟詢二阿哥究竟曾否目覩卽行據實迴奏至此次賊匪突入禁門並敢潛匿膳房王公大臣侍衛官兵人等奮勇擒捕實爲可嘉內有在內右門以內擒獲賊匪者功績最優在禁城內捕賊者次之著托津等詳細查明開單具奏此內捕賊受傷身死者列爲上等其受傷重者列爲二等受傷輕者列爲三等無論侍衛官兵卽

欽定平定教匪紀畧

卷二

九

家人閑散等俱一律歸入等第開單呈覽候朕分別施恩托津等務須秉公確查不可稍徇情面俟朕進宮後再行呈遞亦不爲遲現在二阿哥躬親捕賊忠孝可嘉已施恩錫封智親王著托津等啟知二阿哥不必遠來謝恩俟朕進宮時在內東華門之內道旁碰頭謝恩三阿哥四阿哥等仍照常
在內接駕

欽定平定教匪紀畧

卷二

二十

臣等謹按潢池弄兵昔所常有至於逆

天悖理如是年九月十五日之事則變出非常實所罕

見彼其梟獍爲心猶托爲天理會名目抑知

逆不能以犯順天之道也邪不能以干正理

之恒也我

皇上至德格

天上孚

吳佑適是年木蘭

秋獮因大雨減圍

命皇子早還京師踰垣二賊遂經

皇次子用鎗擊斃而震雷一殛

天怒赫彰兇渠靡不喪魄旣而官軍搜捕甚急賊有上

城潛匿者恍惚見

關帝端坐午門乃相率投城自殞蓋七十餘人無

欽定平定教匪紀畧

卷二

二十一

一脫者仰見

篤祐之隆

疑承有自而

明威可畏震懾頑愚亦可謂彰明較著者矣

上又命軍機大臣傳諭托津英和曰現在查緝匪犯

最關緊要都城滿洲蒙古漢軍二十四旗各有所

轄地方著托津等到城後卽傳諭滿洲蒙古漢軍

八旗正署各都統副都統迅卽督率本旗章京兵丁等各在本管地面嚴密搜查八旗正署護軍統領各在本管三旗地面搜查兩翼前鋒統領督同所管官兵在紫禁城內外詳細挨查勿任一名漏網亦毋許擾累居民一有拏獲之犯一面具奏一面將犯人交與托津等嚴審如本管地面實無匪犯潛匿伊等自信可以出結卽各自具奏其管理

欽定平定教匪紀畧

卷二

三

圓明園之大臣著飭令俱赴圓明園督率該管章京兵丁等將御園四面附近村莊烟戶以及清河等處地方逐細訪查香山藍靛廠等處著派明亮前往專司查察各該處如有潛匿匪犯俱卽按名緝獲一面具奏一面將犯人交托津等嚴審所有諭派各大員飭令各矢天良盡心查辦不可稍有疎忽自蹈重譴托津等於獲犯訊供後隨時速奏

再朕於十七日回蹕烟郊十八日駐蹕一日十九日進宮托津等查明京城現在情形據實馳奏上又命軍機大臣傳諭溫承惠同興署河南巡撫高杞日昨同興具奏據濟南府知府凝圖稟稱訊據匪犯張建木供出教首劉真空現住京南二十八里大路邊沙河地方收徒聚衆等語正在降旨飭辦間本日據玉麟等奏十五日未刻忽有賊匪二

欽定平定教匪紀畧

卷二

三

百人潛入紫禁城內滋擾當經王大臣及各營官兵會同擒捕立時悉數殲斃並生擒帶傷賊匪宋尙忠李二格二名訊據宋尙忠供稱係天理教約同二百人於本日巳時動手等語該逆匪膽敢突入禁門不法已極朕聞信後暫緩謁

陵於十七日卽由白澗回鑾進京親訊此案根由著溫承惠等迅速督兵馳抵該逆匪屯聚處所盡力剿

辦如拏獲賊犯先行嚴鞫附京一帶伊等黨與約有若干開明姓名住址由五百里具奏其現獲朱尙忠李二格是否有名頭目一併聲敘至該督等剿賊仍先專辦抗拒滋事之人不可揚言剿辦那教致令聞風蠢動爲要

上又命軍機大臣傳諭陝甘總督那彥成曰現在直隸長垣山東曹縣河南滑縣等處有教匪滋事已

欽定平定教匪紀畧 卷二 五

派溫承惠等帶兵前往剿捕著那彥成接奉此旨將總督印信攜帶迎交董教增署理即日馳驛兼程來京陛見彼時那匪若已辦完該督陛見後仍回本任若尙未辦竣候旨簡用該省所屬將備內有勇幹得力者酌帶數員一同來京預備差委

同日河東河道總督李亨特奏言竊臣於九月十一日在睢州工次接據衛輝府知府郎錦騏

稟報滑縣知縣強克捷全家被教匪戕害匪徒

佔據縣城該府當卽會營拏獲匪犯劉崇化等

九名現在護撫臣台斐音已由睢州工次帶兵

前往河北道趙麟由北岸先往查辦又據山東

曹州府荷澤縣知縣葉肇枏稟報直隸長垣縣

葦園村有邪教聚眾滋事扎傷知縣趙綸現在

奔赴曹縣等情又據山東曹河同知王康又稟

欽定平定教匪紀畧 卷二 五

報初十日已刻曹縣有匪徒百餘人直入縣署

將該縣知縣姚國旃全家殺害劫獄開庫竄出

北門兗沂道熊方受已前往查辦等情臣接閱

之後不勝駭異當卽飛咨豫東兩撫臣及兗州

鎮臣臣查東豫交界劉家口地方係九省通衢

入皖要路壽州亳州皆係邪教萃集之區最爲

緊要臣一面檄調臣標參將齊國珍帶兵二百

名前往堵禦恐路程較遠緩不應急一面仍就
近檄飭歸德營參將酌派弁兵前赴劉家口嚴
密防範並知會徐州鎮臣派兵在碭山一帶防
禦奏入

上又命軍機大臣傳諭兩江總督百齡江南提督烏
爾卿額安徽巡撫胡克家壽春鎮總兵喀勒吉善
曰現因直隸長垣河南滑縣山東定陶曹縣等處

欽定平定教匪紀略

卷二

三

有賊匪戕官滋事由西北向東南奔竄昨已傳諭
徐州鎮總兵沈洪帶兵一千名前赴曹縣一帶交
界地方堵剿因思江省北界與豫東二省接壤恐
備禦空虛著傳諭江南提督烏爾卿額帶領提標
兵一千名迅速前赴江南徐州邊界駐紮防守壽
春鎮總兵喀勒吉善帶領鎮標兵一千名在於安
徽潁亳一帶駐紮防守不必深入進剿但須嚴密

堵禦勿任匪徒一名闖入本境為要

是日軍機大臣遵

旨查明馳遞儀親王永璣等奏報之司員扎勒杭阿
等四人具奏得

旨札勒杭阿著賞戴花翎琦昂王廣福尹殿甲著賞
帶藍翎仍交部議敘

十七日辰

欽定平定教匪紀略

卷二

三

聖駕自白澗迴蹕駐烟郊

頒示

硃筆遇變罪已詔曰

朕以涼德仰承

皇考付託兢兢業業十有八年不敢暇豫即位初白蓮
教煽亂四省黎民遭劫慘不忍言命將出師八年
始定方期與吾赤子永樂昇平忽於九月初六日

河南滑縣又起天理教匪由直隸長垣至山東曹縣亟命總督溫承惠率兵剿辦然此事究在千里之外猝於九月十五日變生肘腋禍起蕭牆天理教逆匪七十餘眾犯禁門入大內戕害兵役進宮四賊立即細縛有執旗上墻三賊欲入養心門朕之皇次子親執烏鎗連斃二賊貝勒綿志續擊一賊始行退下大內平定實皇次子之力也隆宗門

欽定平定教匪紀畧

卷二

天

外諸王大臣督率烏鎗兵竭二日一夜之力剿捕搜拏淨盡矣我大清國一百七十年以來定鼎燕

京

列祖

列宗深仁厚澤愛民如子

聖德

仁心奚能縷述朕雖未能仰紹愛民之實政亦無害民

之虐事突遭此變實不可解總緣德涼愆積唯自責耳然變起一時禍積有日當今大弊在因循怠玩四字實中外之所同朕雖再三告誡舌敝唇焦奈諸臣未能領會悠忽為政以致釀成漢唐宋明未有之事較之明季梃擊一案何啻倍蓰思及此實不忍再言矣予惟返躬修省改過正心上答

天慈下釋民怨諸臣若願為大清國之忠良則當赤心

欽定平定教匪紀畧

卷二

天

為國竭力盡心匡朕之咎移民之俗若自甘卑鄙則當挂冠致仕了此一身切勿尸祿保位益增朕罪筆隨淚灑通諭知之

臣等謹按逆賊潛伏京畿震驚

宮闕其結謀既非一日其糾夥並非一人文武內

外臣工平時泄泄沓沓相率恬熙以至虎兕

出于柙中豺狼入于都市變出非常上煩

宵旰揆其致亂之故實由于因循疲玩四字臣下之

罪萬無可道乃我

皇上淵衷惕厲

丹毫罪已至有德涼愆積之言凡在臣子稍有人心

跪讀之餘孰不汗浹淚零矢効忠而期補過

德音一出感動

天人沴戾旋消祥和立致葢

欽定平定教匪紀畧

卷二

三

禹湯之興誠千古而同揆已

是日托津英和奏言臣等遵

旨馳回京城所過大街小巷人情安堵來往如常卽

向

紫禁城外周圍查看各門均有大臣官員兵丁守

護各旗各營馬步兵丁持械林立防範綦嚴

禁城內王大臣晝夜搜拏賊匪箭射刀砍鎗擊已

斃者及窮蹙自盡者不少其中官兵賊匪均須

一一識認臣等已向王大臣公商將各屍骸卽

行移出命蘇拉等細爲打掃地面惟賊匪聞拏

緊急一二藏匿無人處所亦未可定現在王大

臣等仍上緊嚴搜務期一二日內淨絕根株其

已斃者卽令活賊認明實係同夥賊匪遵

旨交刑部於市曹碎屍萬段以彰

欽定平定教匪紀畧

卷二

三

國憲而快人心至

紫微以內探悉萬安各門關閉太監等看守甚爲

周密在外所獲之活賊鎖押步軍統領衙門者

經臣等將身帶利刃腰繫白布之賊人劉大卽

狗兒劉五王二隔別審訊始猶閉目不語加以

刑訊始供認入會聽從謀逆等事其中不實不

盡之處臣托津再會同刑部堂官嚴行審訊其

餘尙有被獲到案之人應歸案一併辦理其在內拏獲之活賊臣托津卽令鎖解刑部會同該部堂官逐一嚴行審訊得有確供再行奏

聞其在事出力之人亦容臣等查有確證續行具

奏臣英和馳抵京城卽密派番役弁兵等按照同

典所奏地方訪拏人犯飛傳中營將備等在

圓明園嚴加守護並移知

欽定平定教匪紀畧

卷二

三

圓明園管兵大臣一體督衆防閑並傳知臣英和

所屬之各營汛將備等將各關廂外要緊處所

一一堵禦查拏復通飭左右兩翼各按各旗各

甲喇無論鋪戶人家逐處稽查搜捕又傳

旨令八旗都統前鋒護軍統領副都統各按各界認

真搜拏期無餘孽現在各營各旗步兵星羅碁

布足堪緝捕所有調入城內之健銳等馬隊五

百名火器營馬隊五百名臣與拉旺多爾濟熟

商交索特納木多布齊瑪呢巴達拉於本日帶

往烟郊守衛以肅

行營拉旺多爾濟謹於是日前赴烟郊恭迎

聖駕

托津等又奏言臣等敬接

諭旨各件當卽入

欽定平定教匪紀畧

卷二

三

內面見

二阿哥

三阿哥

四阿哥呈看

二阿哥向上垂淚碰頭奏稱皆係仰仗

皇上洪福方得寧謐何期過沐

聖恩遵

旨於十九日在東華門內道旁碰頭

三阿哥

四阿哥照常接

駕至綿志用刀斃賊一事

二阿哥並未親見係首領詹東舟等看見所有

在事出力之大臣官員等容_臣等詳細確查據

實具奏再前經玉麟奏稱進

欽定平定教匪紀畧

卷二

三

禁城之賊匪約有二百人係被獲活賊所供地安

門外尚有活賊五百名之說皆係傳聞並不確

實_臣等仍留心密訪查拏不敢疎懈

儀親王永璇等奏言_臣等前奏活賊宋尙忠供

詞內賊匪進禁城者二百名地安門外尚有賊

五百名等語欽奉

諭旨詳查覆奏緣_臣等自十五日午刻起連日在內

督催帶兵王大臣侍衛等晝夜搜捕賊匪刻無

少暇十五十六兩日據王大臣報到者隨報隨

奏其進禁城賊匪二百名及地安門外賊匪五百

名之說雖由成親王訊出賊匪宋尙忠所供未

必卽是確數今於十六日巳時以後續又拏活

賊二十六名殺賊四名又續殺賊十名拏獲活

賊一名二共四十一名連前

欽定平定教匪紀畧

卷二

三

奏三十一名共七十二名現在地安門外甚爲安

靜並無伏而未動之賊_臣等仍督催帶兵王大

臣等加意嚴搜不使一名兔脫再日內捕殺賊

衆王大臣內綿課奕瀨安成蘇爾慎四人實爲

超衆出力豫親王裕豐肅親王永錫都統祿康

各捐出糧米鍋柴碗筋等項內務府辦給餽餉

所有在內官兵藉資果腹裕豐等亦均急公理

合附

奏均奏入

上諭內閣曰此次賊匪擅入紫禁城經王大臣侍衛官員等奮力搜捕擒殲淨盡儀親王成親王在紫禁城內親身督辦晝夜勤勞甚屬可嘉著加恩將所有未經開復處分及未完罰俸悉予開復寬免又本日和世泰奏稱昨據二阿哥告知前日賊匪

欽定平定教匪紀畧

卷二

美

突入禁門綿志先入大內經二阿哥將自帶鳥鎗交給點放綿志於二阿哥鎗斃二賊之後亦用鎗斃賊一名其餘賊匪始皆畏懼避匿綿志為儀親王之子係朕親姪如此勇奮出力著加恩賞加郡王銜於歲支貝勒俸銀二千五百兩外每年加給銀一千兩以示嘉獎莊親王綿課於賊匪奔突之時持械剿捕並射傷賊匪一名亦屬奮勇著加恩

將從前所罰王俸未完者全行寬免仍交宗人府

從優議敘奕瀨安成蘇爾慎格布舍四人各殺斃

賊匪均屬出力奕瀨安成著交宗人府兵部從優

議敘蘇爾慎著賞給副都統銜仍交部議敘格布

舍著交部議敘三等侍衛阿勒罕保親軍校清福

亦皆殲斃賊匪阿勒罕保著陞為二等侍衛清福

著陞為三等侍衛其餘出力各員俟托津等查明

欽定平定教匪紀畧

卷二

美

再行施恩至派出捕賊兵丁經王大臣等帶入紫

禁城內者健銳火器兩營兵丁尤為勇銳著查明

各賞給一月錢糧前鋒護軍營及八旗步軍營兵

丁查明各賞給半月錢糧

上又諭內閣曰本月十五日賊匪擅入禁城係由宣

武門入東華門西華門進蒼震門該管步軍統領

等門禁懈弛已將吉綸玉麟革職是日紫禁城值

班係署護軍統領楊澍曾其咎更重楊澍曾著革職卽日發往伊犁効力贖罪至此三門蒼震門係在大內疎防最重東華門西華門次之宣武門又次之所有該班之官員兵丁等除受傷身故及受傷者將功抵過無庸議外其餘著托津等查明會同刑部分等治罪據訊取現獲賊犯供詞多係直隸固安縣及黃村一帶籍貫鄒炳泰李鈞簡在順

欽定平定教匪紀畧

卷二

三

天府尹任內平日漫無查察以致養癰貽患鄒炳泰著以中允贊善降補李鈞簡著降為編修溫承惠身任直隸總督順天府所屬地方皆其所轄著交部嚴加議處劉鏗之費錫章到任未久者交部議處

上命軍機大臣傳諭那彥成曰昨經降旨令那彥成來京陛見並酌帶勇幹將備前來聽候派委那彥

成接奉後自必迅卽啟程今思軍務緊要著那彥成卽由陝西取道探明溫承惠現在何處徑赴軍營接受欽差大臣關防傳旨令溫承惠專辦後路糧餉本日已諭令穆克登布富僧德等於西安駐防滿兵內豫先挑備馬隊一千名俟那彥成路過西安令富僧德帶領隨那彥成前進該督接奉此旨卽迅速料理毋稍稽遲

欽定平定教匪紀畧

卷二

三

上又命軍機大臣傳諭西安將軍穆克登布副都統富僧德曰現因河南滑縣及山東定陶曹縣等處有教匪滋事亟需趕緊剿辦已有旨令那彥成馳赴軍營督辦著傳諭穆克登布等於西安駐防滿兵內挑選健勇馬隊一千名將軍裝馬匹火藥器械等項迅速豫備齊全一俟那彥成路過西安時派富僧德管帶隨行以資剿捕不可稍有稽緩

上又命軍機大臣傳諭托津英和曰據現獲賊犯宋
尙忠等供稱該犯等在宣武門外大街糾衆卽由
宣武門進城徑入西華門內滋事該犯等進城後
所過街市鋪面毫無搶掠直入禁門肆行不法是
該犯等意不在圖劫財物又該犯等於進西華門
後先赴尙衣監砍門進內殺傷男婦多人卽由西
路北上竟似該犯等豫知大內在西專向肆逆者

欽定平定教匪紀畧

卷二

早

著托津等將各犯嚴加刑訊該逆等意欲何爲並
訊以現在尙未回鑾伊等是否知悉如知駕未在
宮該犯等謀劫大內又其意何居再逆匪等於進
西華門後將門關閉卽上城先插白旗似號召逆
黨內外策應情狀前據成親王訊出賊匪供稱進
內二百人地安門外尙有五百人係屬該犯等初
供其言諒非無因顯有預謀約會同時舉動情事

現在格斃及拏獲之賊只有七十餘名其餘賊匪
及在外之人究竟作何下落或此五百名賊人聞
禁城擒捕緊急未敢動手乘間逃逸均未可定著
托津等逐一研訊務得確情所尤要者現獲活賊
不下數十人務隔別研究伊等究聽何人指使首
逆實係何人巢穴究在何處一得端倪卽派兵先
行密查一面奏聞不必候旨再辦再頃據蘇爾慎

欽定平定教匪紀畧

卷二

早

奏訊據賊供首逆係孫格莊人孫格莊地方係在
何處是否確實亦向其嚴切根究前同興所奏首
犯劉真空潛匿離京二十八里之沙河順天北路
廳同知卽駐劄沙河地方該處距圓明園不遠著
英和派明幹可靠員弁前往密行躡緝有無蹤跡
現在刑部監獄朝審人犯不少又加以逆匪多名
著托津等傳知刑部堂官留心防範英和並添派

弁兵小心巡察再現在格斃各屍除兵役屍首飭令家屬認領查明再行施恩外其已斃賊屍令活賊指明拖赴外城分地剉屍梟示不必盡在市口其現訊逆犯錄供後如無可再訊者先凌遲一二名以後陸續辦理只留為首要犯四名豫備廷訊所留逆犯此時轉不必加以嚴刑俟廷訊時盡法處治現已明降諭旨將門禁懈弛之官兵分別懲辦著托津等於訊供時嚴鞠賊犯未必悉由宣武門入城如有自他門入者亦查明將該管官兵一體治罪再現在紫禁城內既已搜查淨盡無須多兵駐守著托津等酌留若干在禁城內分設堆撥徹出若干在皇城內分設堆撥紫禁城內酌留之數比之皇城內尙可畧少派定後先行具奏至昨降旨飭令在京都統護軍統領等各查所轄地面

欽定平定教匪紀畧

卷二

三

此事非一二日所能辦竣恐草率從事轉屬有名無實著傳知該都統等從容詳辦其挨查之法所有王公以下二品文武大員以上無庸點查著傳令該本家等自行查明實無形跡可疑之人令其出具切結報明該管大臣如有隱匿情事發覺後從重治罪其三品以下官員以及軍民鋪戶人等俱著逐戶挨查除婦女不查外丁男按名點驗勿稍疎漏如有外來行蹤詭秘之人隱匿在家即行拏究

欽定平定教匪紀畧

卷二

三

欽定平定教匪紀畧卷三



九月十八日辛巳

二阿哥綿寧奏言本月十七日辰刻托津英和

到京在

內右門傳宣

恩旨並子臣等

奏摺一件子臣跪讀之下感激涕零五內惶惶實

欽定平定教匪紀畧卷三

難銘述竊思子臣仰侍

皇父

皇母鞠育深恩非不知自愛而事在倉促又無禦賊

之人實出於萬不得已惟時只欲退賊勢不由

已復不知賊數之多寡幸叨

天

祖

皇父

皇母鴻福垂佑却賊無事子臣年幼無知於事後愈

思愈恐今蒙

恩旨特封智親王子臣聞

命之下惟有碰頭感

恩所有

恩綸獎諭之處子臣有何謀何勇實不敢當若論忠

欽定平定教匪紀畧卷三

孝二字子臣之所當然私懷屈曲筆不能宣

皇父回鑾後倘蒙

垂問敬述餘情謹此具摺恭謝

天恩伏祈

皇父睿鑒

二阿哥綿寧又奏言本月十七日未刻子臣等

三阿哥綿愷接得托津英和寄字據奕紹面見伊二人告知

訊據賊人陳爽供出同黨有太監六名現在內

當差不可不傳出對質仰求諭令常總管照單

內人名即行交出子臣等即密告常永貴等及

敬事房首領筆帖式嚴密拏縛內中惟有陳文魁

一名

宮內現無名此者復據已拏之太監劉金玉幅祿

供稱

欽定平定教匪紀畧

卷三

三

鍾粹宮太監高廣幅亦係同黨查高廣幅於十五

日出去已被官兵殺斃在該犯衣物之內搜得

劍一口常永貴即派孫進朝帶領本宮首領姚

悅太監苗喜至

西華門外驗看該犯頭面砍爛看視不真旁觀面

貌年歲及所穿衣服均屬合對其餘五名子臣

等同常永貴及內務府大臣等由

內右門當面交與綿謀奕紹委派

乾清門侍衛伊勒通阿及兵丁等即刻押送刑部

交納所有縛交之太監

天穹殿太監劉金搜得斧子一把刀一口白布一塊

基化門太監劉得財

月華門太監張太

御書房太監王福祿搜得汗屨一件上有血迹

欽定平定教匪紀畧

卷三

四

坤寧宮太監胃進喜謹此具摺奏

聞

托津英和奏言本月十七日未刻貝子奕紹到

步軍統領衙門面見臣等告知活賊陳爽供出

有太監與伊等同夥是其引進

禁門等語臣等聽聞之下不勝詫異因思若照向

例由內務府大臣向總管太監指名傳喚不足

以昭慎重^臣等卽照奕紹訊出之人開列名單

啟知

阿哥嗣經內務府大臣穆克登額等遵

阿哥諭將

月華門等處太監張太王幅祿劉金劉得財閭進

喜五名解送刑部並稱尙有太監高廣幅一名

在外未回並送交步軍統領衙門刀二把斧一

欽定平定教匪紀畧

卷三

五

把有血跡汗屨一件有血跡碎白布數塊淨白

布二尺^臣等細加查看一刀係兩刃長二尺寬

一寸有餘上寫高廣幅三大字一係尖刀長一

尺餘寬有二寸上寫劉金二字現在^臣托津會

同刑部堂官連夜嚴審另行具奏

是日未刻托津劉鑲之英和英綬費錫章奏言

竊^臣英和於十六日派有頂戴番役頭目張吉

番役高鐸徐勇祥會同營員地方官前往黃村

西宋家莊查拏同興所奏劉姓要犯於本月十

七日酉刻據張吉等稟稱密至該處與順天府

宛平縣捕役等將劉姓卽林清拏獲^臣英和預

飭海子官員等開門接遞護送進城南路同知

張步高亦帶領人役一同押解到署^臣等在步

軍統領衙門公同審問據林清供認林姓是實

欽定平定教匪紀畧

卷三

六

所稱劉姓係前世之事其爲首悖逆情事當卽

挺身直認不辭及詰其黨夥尙有多少現存何

處又復支離不肯吐實^臣英和當卽派兵與原

拏之番役人等將該犯解送刑部^臣托津亦卽

赴部公同連夜嚴審得有確供另行具奏奏入

上諭內閣曰本年九月初六日豫東交界地方有亂

民戕官滋事拏獲匪犯供係天理會邪教並據同

興奏稱會內首逆林姓又捏名劉林在附近地方
 藏匿正在降旨飭拏間十五日忽有賊匪潛入紫
 禁城持械逞兇經王大臣及文武官員協力圍捕
 殲擒淨盡嚴究首犯據英和等選派番役於近京
 之宋家莊地方拏獲林清一犯供認前生姓劉所
 有十五日潛入禁城賊匪均由伊派撥屬實該犯
 傳習邪教糾眾謀逆罪大惡極今夥黨殲除首犯
 旋卽就獲仰蒙

欽定平定教匪紀畧卷三

七

天

祖恩佑欽感實深除將該逆按律懲辦外英和督拏要
 犯尅日就擒厥功甚鉅英和著交部從優議敘其
 原拏之官員番役人等著英和分別等第開單呈
 覽候朕明日進官再降恩旨將此通諭知之

臣等謹按極邪首重夫渠魁除惡莫先于巨

愍首逆一日不得則其徒黨之心不泯猶伐
 惡木者必先剗其根株也然而遲速之間亦
 各有數焉而不可必者三省白蓮教匪倡亂
 者爲劉之協而劉之協一犯自乾隆五十九
 年在扶溝縣脫逃之後直至嘉慶五年八月
 始克就擒中間在逃多年四處勾結以致
 王師稽於歲事迨該犯旣擒之後不逾年而三省

欽定平定教匪紀畧卷三

八

戡定矣今林清倡亂更甚於劉之協倘或逋
 誅竄逸則隱惡終未能盡熄乃該逆當破案
 之後目擊徒黨潰散猶戀守巢穴以待繫維
 蓋

天網默施有欲遁而不能者

皇威赫震賊膽胥寒黨惡數萬人所由不轉瞬而駢
 誅淨盡也

是日酉刻托津英和會同刑部尙書崇祿等奏
言頃據內務府大臣等將太監劉得財等犯押
送刑部並據閩進喜供曾經劉得財告知有高
廣幅王進得顧進祿王平周進喜彭禿子康景
玉孔景得張正庭謝貴彭老二等十一犯俱係
同教當卽一面咨行內務府嚴拏各犯一併送
部審訊外一面將太監劉得財等嚴加熬訊據

欽定平定教匪紀畧

卷三

九

劉得財供我係桑堡村人年三十六歲父親名
叫劉峻德我於嘉慶十一年挑在

基化門當差十七年二月有同村陳爽教我學好
傳我真空家鄉無生父母八字還叫我轉收徒
弟我先收了劉金玉幅祿張太高廣幅四人爲
徒八月裏我又向閩進喜說起這八個字他說
他舅舅田二曾經教過今已忘記我又教了幾

遍陳爽有師父林清說會捏訣能知我們心裏
的事八月二十四日我父親送信叫我出來到
彰義門大街店裏見了林清陳文魁等林清說
九月十五日要起事動手叫我引路進內如能
成事封我總管九月初二日我在

欽定平定教匪紀畧

卷三

十

東華門遇見陳爽給了我白布幾塊叫我分給衆
人我這日晚就分給張太王幅祿劉金高廣幅
我自留一塊因閩進喜算伊舅舅田二手下人
沒有給他十五日早起我出

東華門遇見陳爽們說帶有三四十人同在酒鋪
內坐著候至午時一同進內我同劉金引路從
蒼震門進去祇進去了龔恕劉金玉二人就被打
倒拏獲我就跑到

內右門躲避至十七日下午被拏至閩進喜所供

高廣幅等十一人內中只有高廣幅曾經歸教實係同謀此外王進得等十人我並未傳教等語^臣等正在具摺問適又據步軍統領衙門將宋家莊逆犯林清拏解到部^臣等公同嚴訊據林清即劉興悃供我係宛平縣黃村宋家莊人年四十四歲曾充南路廳巡檢司書吏退卯二十多年十一年有教頭宋景耀傳教教我念真

欽定平定教匪紀畧

卷三

十一

空家鄉無生父母八字這教原分八卦有同教的劉呈祥曾掌坎卦十三年上劉呈祥因陳懋功呈控伊兄陳懋林傳教案內與宋景耀宋理輝俱犯案問徒我因入教亦問擬杖罪坎卦無人掌管眾人推我掌管我先因陳懋功等控案牽連在保定府時適有滑縣書吏牛亮臣也在彼結訟彼此認識說起滑縣有李文成也講此

欽定平定教匪紀畧

卷三

十二

教我就去訪他他說我前世係卯金所以改作姓劉十六年上我將坎卦仍交代劉呈祥掌管那年李文成在滑縣掌了震卦教震卦為首七卦俱歸其掌管後眾人推李文成掌九宮統管八卦李文成將震卦給于克敬掌管眾人又推我為十字歸一八卦九宮統歸我掌管本年八月十四日李文成的義子劉成章到我家約期到京起事共一百四十人每一頭人管十人分東西兩邊東邊派陳爽為頭劉呈祥押後進東華門西邊派陳文魁為頭劉泳太押後進西華門東邊係太監劉得財劉金引路西邊係太監張太高廣幅引路還有太監王幅祿閻進喜中間接應陳爽們帶同小頭目劉進亭郝文昇劉泳年王秀祝現陳三季進玉董伯旺劉啟文

田起祿其餘名姓均記不清這都是我預先安排的我並未同來伊等如何進內滋事及一百四十人是否到齊我不知道當日逃回之人內有邊老祝林李逢泉周姓趙姓我均見過這引路太監劉得財等本是教內之人至河南李文成原約會九月十五一齊起事他那裏派人來京幫助後來他那裏如何改早日子我不知道

欽定平定教匪紀畧

卷三

十三

這日亦並無人來我這幾日正要到河南探信不想被官人拏獲等語_臣等查該逆所供自必不實不盡除再熬訊外謹先將首逆林清及太監劉得財初供同現在到案各犯供詞繕呈御覽其未經到案之陳爽龔恕等二十六犯俟續行訊供具奏

儀親王永璇等奏言竊_臣等奉

旨派前鋒統領護軍統領在

紫禁城內搜查當卽遵

旨分定段落左翼前鋒統領綿志自中一路

太和門至

乾清門一帶地方搜查署右翼前鋒統領瑞齡自

東華門東南角至

寧壽宮一帶地方搜查正紅旗護軍統領西拉布

欽定平定教匪紀畧

卷三

十四

自

寧壽宮至東北城根一帶地方搜查署正黃旗護

軍統領綿懷自東北城根至西北城根北面一

帶地方搜查署鑲白旗護軍統領楊澍曾自西

北城根至

壽康宮南一帶地方搜查正藍旗護軍統領慶祥

自

壽康宮南至

西華門西南角一帶地方搜查署正白旗護軍統

領成格白

西華門西南角至

東華門東南角南面一帶地方搜查今已查過二

次現在據綿志等報稱搜查已淨所有十七日

慶祥在

欽定平定教匪紀畧 卷三 五

武英殿前河內續孛賊一名賀五又

宮內交出太監劉得財等五名現尚有陸續交出

之太監_臣等均眼同看令伊勒通阿安成分起

押出

東華門外卽送刑部交托津等會同刑部審訊

總管內務府大臣穆克登額徵瑞蘇楞額奏言

竊_臣等搜查賊匪所有

內廷宮禁據總管太監常永貴口稱巡查數過實

無潛藏賊匪各處門禁防範嚴密其

阿哥所地方_臣等同貝子奕紹逐處查看並無

形跡至_臣等帶兵生擒活賊五名均各受傷甚

重當加訊問據供一名張十林係新城縣人一

名宋善中係固安縣人一名黃祿兒係新城縣

人一名張五係寧津縣人一名王二係固安縣

欽定平定教匪紀畧 卷三 六

人該賊人等言語錯亂含糊毫無實據因受重

傷張十林宋善中黃祿兒業已身斃張五王二

傷重現亦垂斃再各處看守蘇拉披甲人等尙

有受傷及傷重身故者現在按數詳查辦理至

十九日

皇上進宮除_臣等面告知常永貴分派太監外並行

文侍衛處及護軍統領分派侍衛護軍小心預

備以昭嚴肅均奏入

上命軍機大臣傳諭托津英和曰本日據托津等奏
拏獲逆首林清嚴行訊究又據托津等奏訊據賊
犯陳爽供出太監劉得財等夥同入教等語覽奏
實堪駭異該犯等供役內廷膽敢習教入夥並聽
從逆犯指揮預爲引路實屬罪大惡極著托津等
將已獲各太監等隔別嚴訊務令將同夥之犯逐

欽定平定教匪紀畧

卷三

七

一全行供出勿任稍有狡飾隱匿至該犯等以內
監謀逆悉當問以大逆凌遲該犯等家屬亦應緣
坐著英和等卽刻按名查拏此案入教各太監內
劉得財一名係太監內入教傳徒首犯情節尤爲
可惡著留備廷訊並再留情罪較重者一名候朕
親加嚴鞠盡法處治所有托津等訊出從逆太監
現據二阿哥奏交五名外又續交九名托津等陸

續訊出如尙有在逃者著步軍統領順天府五城

及內務府番役一體嚴拏務獲現在無論已獲未
獲先查明係在何處當差之人開具清單於明日
具奏至林清一犯係屬首逆托津等審訊時務令
將夥犯人數悉行供出以便按名根究林清並備
廷訊無稍疎虞

上又命軍機大臣傳諭黑龍江將軍富俊曰本月十

欽定平定教匪紀畧

卷三

六

五日京城內有天理教會匪潛由東華門西華門
進至蒼震門滋事之案當經王大臣殲擒淨盡茲
審訊獲犯據供有太監數名入教潛爲內應殊堪
駭異除在京各太監已按名拏獲究辦外此內上
年因賭案發遣之願進祿一犯據太監閔進喜供
聽見太監劉得財說伊亦在教著傳諭富俊接奉
此旨卽刻查拏到案將該犯在京時如何入教及

有無預商謀逆情事嚴加刑訊一經審訊明確一面據實具奏一面即將該犯凌遲處死並傳齊該處在配各太監環視行刑以儆兇惡

同日溫承惠奏言竊臣於十七日申刻接奉

上諭昨同興奏訊據匪犯張建木供出教首劉真空現住京南二十八里大路邊沙河地方收徒聚眾等語本月十五日忽有賊匪潛入禁城滋擾諸王

欽定平定教匪紀畧 卷三 九

大臣等會同剿捕悉數殲擒朕聞信後暫緩謁

陵回京親訊此案著溫承惠等迅速督兵馳抵該逆匪

屯聚處所盡力剿辦如拏獲賊犯先行嚴鞫附京

一帶黨與若干開明姓名住址具奏等因臣跪讀

之下心驚髮指莫能名狀該匪徒罪惡滔天為

中外臣民所痛恨幸賴

聖主洪福立時全數殲獲得以追訊根由

禁門重地任聽逆匪闖入守門章京等所司何事實難寬宥臣既蒙

委任畀以帶兵之責惟有立即馳赴大名一帶滅此

朝食臣於十六日回至保定省城後馬瑜亦於

十七日趕到所有前調臣標各營兵一千名已

全數起程惟提標宣化鎮官兵均尚未過省又

直隸官員均未辦過軍需一切安設糧臺軍站

欽定平定教匪紀畧 卷三 十

應付征兵轉運軍火接遞文報等事頭緒紛繁

必得逐件畧為籌定庶後路不致掣肘現在省

城順德兩處已分設軍需總局藩司素納專駐

順德辦理運司陳文駿幫辦臬司慶格專辦省

城局務清河道魯銓幫辦臣恐前調官兵不敷

剿辦續又加調提標宣化鎮官兵一千五百名

臣標兵六百名現在署督臣章煦於十七日



抵保定^臣讓官兵先行數日定於十八九兩日
與提臣馬瑜兼程前進現聞滑縣匪徒竄往濬
縣內黃交界之道口一帶係自南而北山東匪
徒由曹縣而趨單縣係自西而東其著名首逆
均係滑縣人其為滑縣首先起事無疑^臣謹就
各處稟報細加揣度先行繪具地圖恭呈

御覽

欽定平定教匪紀畧

卷三

三

溫承惠又奏言查兵食關係緊要現在直隸省
前此截留備賑漕米除正用外尚多萬餘石又
奉天米二十萬石明春加賑煮粥所用約計無
多其餘亦可供用但奉米到直需時合無仰懇
皇上天恩俯准先借京通倉小米五萬石由水路運
赴大名一帶庶官兵到彼可供支用又官兵沿
途口糧若照定例折銀支給亦不敷用仰懇

天恩於兵丁日需口糧每名折給銀一錢五分俾

果腹其轉運軍火軍裝等項現飭大宛兩縣及
獲鹿縣領項雇騾數百頭應用將來核實報銷
護理河南巡撫布政使台斐音奏言^臣於十二
日封邱途次接據衛輝府稟稱城外現有賊匪
游奕郡城戒嚴等情^臣聞信立即馳赴衛郡經
代理臬司河陝汝道富海河北道趙麟帶領兵
壯出城追拏探信騎馬賊二名攜有刀械並白
布纏頭束腰當即公同提訊據供一名朱興一
名孫思明均係滑縣人總教頭係林清又有子
第七李第四牛亮臣馮克善都是小頭目夥黨
共有一千餘名本定九月十五日在直隸河南
山東交界各縣一齊動手可以牽制三省官軍
迨後漏洩風聲被長垣滑縣查拏所以先行起



事于第七等於初七日殺官刼獄後要來攻打衛輝因探信之劉崇化等被獲又打發我等數十人持刀騎馬前來窺探致被拏獲我等起身時聞得牛亮臣要帶四百人前來衛輝攻城等語隨提先經擒獲之劉崇化等九名質訊相同概行正法至所謂撫鎮各標兵丁現到一千名

臣 卽囑鎮臣色克通阿並令撫標中軍叅將張

欽定平定教匪紀畧

卷三

三

拱辰先行帶領前進直抵滑縣相機剿捕郡城亦留兵防守現在二起官兵已到足敷策應

臣 俟高杞抵豫再遵

旨前赴睢州一帶查辦賑務均奏入

上命軍機大臣傳諭溫承惠曰此次教匪滋事直隸長垣縣地方戕官不法該督溫承惠已有失察之咎本月十五日忽有逆犯七十餘人突入禁門首

逆林清潛匿黃村西朱家莊地方現據英和等派員弋獲而所獲從逆之犯多籍隸近京固安等處溫承惠在直隸總督任內有年於所屬州縣匪徒潛行習教釀成大案平日漫無覺察厥罪甚重乃本日溫承惠具奏接奉前次諭旨聞知此事竟不自行請罪實屬怪誕並請將守門章京兵丁查明重懲可謂祇知責人不知罪己者矣現在北路逆

欽定平定教匪紀畧

卷三

三

匪總頭目林清一犯業經就獲所餘夥黨朕自欽派大臣前往擒捕其東路賊首崔士俊已明正典刑所有滋事之天理教祇有南路首逆聚眾於山東河南邊界滋擾溫承惠身係總統惟當督率將領迅速馳赴賊匪聚集之處奮力剿辦一鼓掃蕩邪氛庶可稍贖前罪于萬一若再不奮勉遲延貽誤該督自問當得何罪

上又命軍機大臣傳諭署河南巡撫高杞山東巡撫同興曰劉真空卽林清一犯係此案首逆關係緊要本日午刻據英和等奏到密派番役人等在黃村地方將該逆拏獲解京所有潛入禁門肆逆各犯均由該逆派撥供認不諱該首逆潛匿畿輔謀爲不軌山東河南等處賊匪皆其黨羽今首逆就擒賊夥自必聞風膽落仰賴

欽定平定教匪紀畧

卷三

五

天

祖恩佑於辦賊機宜甚爲順遂現在台斐音奏稱賊匪攻陷定陶曹縣之後復來窺探衛輝府城著高杞督同色克通阿迅卽進兵就地剿捕務將賊匪痛加殲戮同興亦督催所調弁兵於本境併力堵剿勿任再有滋蔓

同日

上諭內閣日現在剿辦滋事匪徒兵精緊要著先撥京通倉小米五萬石由水路運赴大名一帶供用俟奉米到日照數撥還其沿途運送事宜著章煦派員經理又直隸省南北各府糧價昂貴現在各路官兵起程前赴大名沿途應支口糧若照定例折給恐不敷食用著加恩每名每日折給銀一錢五分俾資果腹俟軍營糧運到時再照例支給鹽糧其轉運軍火銀糧及隨營裹帶軍裝等項雇用騾頭所需價值准其核實報部開銷

欽定平定教匪紀畧

卷三

六

欽定平定教匪紀畧卷四

九月十九日壬午

上自烟郊還宮諭內閣曰本月十五日賊匪擅入禁城經在京王大臣等督率官兵立時殲捕連日搜拏淨盡朕本日進宮一切整肅如常辦理甚為妥協除格外出力之王大臣官員先已降旨分別施恩及捕賊兵丁分賞錢糧外其餘進宮幫同辦事

欽定平定教匪紀畧 卷四 一

之親王郡王貝勒貝子公等俱著加恩賞給紀錄八次文武大臣官員等各賞加二級行在扈蹕諸王及拉旺多爾濟等盡心翊衛亦著賞給紀錄八次慶郡王永璘前有應罰王俸著查明如未經扣過寬免一半若業經分扣即將未扣者寬免軍機大臣董誥托津盧蔭溥總管內務府大臣桂芳及軍機章京等晝夜宣勞均著賞加二級扈蹕武職

大臣侍衛章京官員等俱賞加二級文職大臣章京官員等俱賞加一級署古北口提督福長安密雲副都統策丹口北道廉敬正定府任銜惠及直隸地方文武各官並調到駐防各滿員俱著賞加一級其行營原派各兵丁並續經調到滿漢官兵著查明俱賞給一月錢糧

上又諭內閣曰乾清門三等侍衛伊勒通阿副護軍

欽定平定教匪紀畧 卷四 二

參領諾木齊捕賊奮勇著交部議敘

上又諭內閣曰首逆林清前經同興密奏該犯在附近京城地方潛匿英和等派員前往得以立時擒獲並得其家屬全數成擒此亦同興之功著加恩交部議敘

上又諭內閣曰通永道任烜於所屬地方匪徒潛匿毫無覺察著革職

上又諭內閣曰賊匪潛入禁門一案疎防之右安門正陽門宣武門三處城門官員及兵丁等俱著黜革發遣吉林黑龍江兩處以示嚴懲

是日穆克登額徵瑞蘇楞額奏言查太監內除

張太王幅祿劉金劉得財閆進喜五名先於十

七日押送刑部又傷斃太監一名已認明高廣

幅外又

欽定平定教匪紀畧

卷四

三

毓慶宮太監王進得

近光右門太監王平

坤寧宮太監周進喜

景仁宮太監彭禿子

大殿太監康景玉

天穹殿太監孔景得

御花園太監張正庭

三阿哥所太監彭老二卽彭順自鳴鐘處太監

謝貴共九名續據托津等行文咨拏又總管常

永貴等搜出張太小摺一個查有

古董房太監周進喜孫進祿

北小花園太監張進保形跡可疑均經一併細拏

送交刑部審辦摺內尙有

圓明園西南門開茶館太監董安太西南門開包

欽定平定教匪紀畧

卷四

四

子鋪太監張廣玉二名臣等已告知英和派人

緝拏歸案審辦續又據常永貴等搜出高廣幅

結義小摺一個內有

中正殿太監王順王進忠

養心殿太監辛迎春孫洪亮藥房太監鄭山均經

細拏交出查該太監屋內並無凶器臣等暫交

慎刑司看守尙有隨圍之

中正殿太監史官箭匠處太監姚成膳房太監周進喜俟到京後再行網拏又

月華門太監楊喜亦經常承貴看其形跡可疑一併網拏交出交慎刑司看守其是否從逆入教抑僅止結義之處統俟逐一審明分別辦理同日托津英和會同刑部尙書崇祿等奏言臣等連日遵照

欽定平定教匪紀畧

卷四

五

指示審訊首逆林清據供我先前入教原止希圖斂錢後來衆人推我掌卦又後來總領八卦那滑縣的李文成除坎卦外七卦俱是他管領七卦內有事李文成須來報我我見入教人多起意謀逆我們推算天書彌勒佛有青洋紅洋白洋三教此時白洋恭應與衆人說我是太白金星下降又說我該做天王有衛輝的馮克善該做

地王李文成該做人王天書上又說八月中秋中秋八月黃花滿地開放我們想今年該閏八月這九月十五正是第二個中秋合該應運所以與李文成約定在九月十五起事彼此聚會我預先布置叫陳爽陳文魁帶一百來人分路先進

欽定平定教匪紀畧

卷四

六

紫禁城原想這邊得了手我就同河南來的一股趁回鑿之時迎上前途鬧事不想李文成一路不到我也沒法了至我附近一帶從教的原只二百來家我已挑了一百多人進京剩下的老弱婦女不能濟事所以陳爽等之外實無多餘的人不能再派人在城中藏伏這八卦的人每卦多少不等震離兩卦人數最多滑縣頭目于克敬磁

州頭目趙得一長垣頭目賈士元羅文志手下各有幾百人這都是震卦道口鎮頭目王修智手下有一二千人曹縣頭目徐安悃德州頭目宋躍滙金鄉頭目崔士俊手下各有幾百人這都是離卦此二卦頭目我都熟悉又巽卦頭目楊遇山在順德府鉅鹿縣乾卦頭目華姓在宣化府良卦頭目王道滙在歸化城坤卦頭目魏

欽定平定教匪紀畧

卷四

七

正中在安慶兌卦頭目王忠順在潼關這五卦頭目我都不熟記憶不清這都是李文成向我告知的此外饒陽南宮等縣喜峯口並滑縣的大頭目劉裕滙馮克善那裏有五百多人東昌府亦有五七百人頭目李萬成與馮克善係一氣的至於傳教之時喫茶喫藥這都是手下人轉相接引添出來的事我實不知道十五日起

事之時同謀的太監實祇劉得財劉金高廣幅張太閔進喜王幅祿六人其餘再無別的太監這太監六人都是教內的本年三月內我在西華門外飯鋪內見過劉得財劉金高廣幅張太王幅祿五人我與他說傳教並告知劫運將到的話八月內安排後我又到京在順城門外菜市口店內見劉得財劉金高廣幅張太四人叫

欽定平定教匪紀畧

卷四

八

他引路王幅祿係叫劉得財轉告訴的閔進喜我沒見過等語提質該逆之甥董悃太供亦相符至太監閔進喜供出之入教太監王進得等各犯已據內務府大臣查拏送部臣等逐一嚴審惟康景玉一犯供認入教並未隨同謀逆其餘俱堅不承認又內務府大臣送到曾經結拜形跡可疑之太監周進喜張進保等犯反覆研

鞫俱供認結拜並無別情臣等復向林清根究該首逆亦堅稱實係劉得財等六犯其餘並不知影響等語又陳爽等各犯現據步軍統領衙門解送到部除業已傷斃外其現存各犯臣等覆行審訊與前供昭合所有審得林清及董綱太陳爽等供詞繕呈

御覽再貝子奕紹順承郡王倫柱侍衛公舒明阿又

欽定平定教匪紀畧

卷四

九

於十八日申正在

午門拏獲活賊三名魏大彬孫傻子李萬均俱在

天花板上搜出現在亦已押至刑部審訊

托津英和又奏言臣等接奉

諭旨紫禁城內既已搜查淨盡無須多兵駐守著托

津等酌留若干在紫禁城內分撥若干在皇城內

派定具奏等因查

紫禁城內堆撥共六十餘處臣等公同商議將緊要門禁處所照舊時值宿弁兵名數加增三倍其次加增兩倍又其次加增一倍酌量輕重均勻添撥約需弁兵一千數百名連舊設額兵約共二千數百名足敷巡查至

皇城內舊設堆撥俱係步兵駐班共堆撥一百五十座兵二千三百餘名臣等現將分撥餘剩兵

欽定平定教匪紀畧

卷四

十

丁全行添派

皇城內各堆撥較之

紫禁城內人數倍多更足以資巡查奏入

上命軍機大臣傳諭署直隸總督章煦日前日拏獲

突入禁城滋事各逆犯究出首逆劉真空即林清

已在黃村拏獲其家屬本日並已全數捕獲訊據

該逆供係八卦教今改名天理教其黨與散布各

處磁州頭目係趙得一長垣頭目係賈士元羅文志鉅鹿頭目係楊遇山又饒陽南宮縣喜峯口並滑縣之大頭目劉裕濫馮克善各有五百多人等語長垣滑縣賊首自己隨同起事其磁州饒陽鉅鹿南宮喜峯口賊匪仍伏而未動著章煦卽選派安幹員弁前往密訪嚴拏務將賊首緝獲訊明由驛速奏如有抗違拒捕情事卽飛咨溫承惠派兵剿捕就地殲除毋任竄逸勾結

欽定平定教匪紀畧

卷四

十一

上又命軍機大臣傳諭山東巡撫同興曰首逆林清現經拏獲訊據供認八卦教今改名天理教人數衆多散布各處山東東昌府一路係李萬成爲首曹縣一路係徐安幗爲首德州一路係宋躍濬爲首金鄉一路係崔士俊爲首手下各有數百人等語崔士俊業已正法徐安幗已在長垣滋事其東

昌之李萬成德州之宋躍濬尙伏而未動著同興卽選派安幹員弁分往東昌德州不動聲色密訪嚴拏獲犯後訊供由驛速奏倘有抗違拒捕情事卽速調兵就地剿捕毋任竄逸勾結

上又命軍機大臣傳諭山西巡撫衡齡曰前日據同興密奏拏獲金鄉教匪張建木訊據供稱傳教大頭目劉幗明告知這教山西最多先收集山西多

欽定平定教匪紀畧

卷四

十二

年如今續收山東其收西邊的人係于克敬係山西人現在河南滑縣又稱這是白洋劫山西是洋頭河南是洋肚山東是洋尾等語又現在拏獲突入禁城滋事匪犯之總教首林清供稱八卦教今改爲天理教有艮卦頭目王道濬在歸化城傳教等語河南滑縣及山東定陶曹縣等處教匪滋事連陷數縣于克敬一犯雖在河南滑縣此時或潛

回山西其王道隆一犯現在歸化城著衡齡卽速
選派妥幹員兵不動聲色密訪嚴拏務獲拏獲後
訊取供詞由驛速奏先須密爲佈置不可使聞風
蠢動倘有糾約拒捕情事著卽派兵立時撲滅毋
任竄逸勾結

上又命軍機大臣傳諭察哈爾都統貢楚克扎布護
理陝西巡撫朱勳安徽巡撫胡克家日本月十五

欽定平定教匪紀畧

卷四

三

日突入禁城各匪犯現已殲捕淨盡其總頭目林
清業已拏獲訊據該逆供係八卦教今改名天理
教散布各處有乾卦頭目華姓現在宣化府兌卦
頭目王忠順現在潼關坤卦頭目魏正中現在安
慶著貢楚克扎布朱勳胡克家卽速選派妥幹員
弁密訪嚴拏務獲拏獲後訊取供詞由驛速奏務
須不動聲色將首逆擒獲勿令聞風蠢動倘有抗

違拒捕情事並著派兵立時撲滅毋任竄逸勾結
同日山東巡撫同興奏言臣查東省定陶曹縣
俱係初九日晚間賊匪潛入縣城初十日黎明
同時突起將縣官戕害劫獄放火搶劫富店錢
鋪仍出城各分股散逸時該二縣典史均各受
傷尙能齊集兵夫將城垣保護閉門堅守臣已
飭司速委幹員前往任事并派精銳弁兵會同

欽定平定教匪紀畧

卷四

十四

防守安撫居民現在賊匪散漫遊奕於定曹單
三縣之間劫掠村莊食物並不燒殺邀買人心
且欲觀望官兵形勢奸計叵測實堪痛恨臣當
卽出示曉諭居民將該匪等逆謀詳明指破頃
又探聞被脅之人多有潛回監犯亦有逃回者
並據金鄉魚臺鉅野等縣稟報各拏獲匪黨奸
細一二人身內搜出白布小旗及腰刀等件民

心不無惶懼查此等匪犯若長途解省恐致疎
脫臣已飛札行知各該縣凡有刀旗者即係逆
犯先行正法該匪等傳教煽惑有年處處須防
內應必須厚集兵力布置周密臣一到東昌即
派曾經出師之員弁等先帶馬隊一百名馳赴
曹郡幫守一面札知鎮臣陳廣寧作速帶兵會
剿該鎮於十三日趕到曹州現在曹郡防備甚

欽定平定教匪紀畧

卷四

五

嚴可無他慮其附近曹定各州縣臣將所帶本
標兵丁俱已分撥協防鉅野一縣民俗强悍尤
恐有勾結等事並派運司劉清帶兵彈壓至省
城西南一帶州縣爲曹州後路且有毗連直豫
二省交界者現在該州縣紛紛請兵臣亦均按
其遠近緩急情形分派弁兵星往備禦臣分撥
稍定即帶所調德州駐防兵一百名本標馬隊

一百名馳往曹州相機剿殺並續調登鎮各營
兵二千名前來接應期於計出萬全至前獲之
首惡崔士俊等七犯業已正法外尙有先後擊
獲監禁者三十餘人臣已飭兩司嚴審確情將
情重者亦即先行正法其情輕者即分別定擬
發落免致久禁省監刻須防守

欽定平定教匪紀畧

卷四

六

署河南巡撫高杞奏言連日藩司素納送到各
州縣稟報據稱河南賊匪仍集濬滑二縣境內
并聞濬滑連界之道口地方亦被賊匪佔據查
各該處地方相距衛輝彰德二府大道不遠既
有賊匪滋事必須厚集兵力方足制賊目下調
集之兵無多開州長垣東明在在有賊匪滋擾
現在大名協副將佛雲帶兵百餘名駐守長垣
大名府莫景瑞帶兵役百餘名駐守東明督標

副將舒凌阿帶兵百餘名駐守開州聞開州向
係土城甚為殘破適鎮臣拴住帶領馬步兵丁
一百六十餘名前來大名亦已商令馳赴開州
防守卽就近策應東明長垣此時若以百十餘
名之兵冒險進剿千餘衆之賊稍有不敵轉致
賊匪猖狂脅從更衆惟有虛張牽制勿使南竄
亦勿令北趨俟臣趕赴豫省統領官兵自南向

欽定平定教匪紀畧

卷四

北兜剿

欽差大臣溫承惠自北向南追捕兩處夾攻自不難
立時撲滅臣現由大名取道磁州前往河南均
奏入

上命軍機大臣傳諭同興曰賊匪傳教滋事前在長
垣滑縣等處距京尙遠曾經降旨祇令將焚劫滋
事者殲戮務盡其無知習教者概置勿問原憫其

無知寬以一線乃本月十五日該教首林清竟敢
遣同教匪徒突入禁城逞兇滋事罪大惡極爲覆
載所不容其同教之人天理滅絕斷難望其改過
自新此時不可再存姑息之見着同興於戕官滋
事匪徒帶兵痛加殲戮其實係天理教之夥黨查
訪明確卽按名擒捕審訊按律治罪惟嚴諭派委
之員不可濫及無辜一名此時東省教匪俱責成

欽定平定教匪紀畧

卷四

同興一人辦理該匪在定曹單三縣之間遊奕窺
伺奸詐叵測同興恐各處竊發內應所慮甚是該
撫當厚集兵力一鼓殲擒勿留餘孽

上又命軍機大臣傳諭署河南巡撫高杞曰據高杞
奏河南賊匪仍集濬滑二縣境內現在兵未調齊
恐衆寡不敵轉致賊匪猖狂等語所見甚是色克
通阿現帶河北鎮兵近在衛輝台斐音所帶河南

撫標兵素稱精銳高札行抵豫境卽統集大兵探明賊匪所在併力剿辦務須布置周密一鼓殲擒早靖邪氛爲要

九月二十日癸未

上御乾清宮召見諸皇子及諸王文武大臣諭曰

我朝定鼎以來

列祖

欽定平定教匪紀畧

卷四

九

列宗愛民如子深仁厚澤洽于寰區朕繼承大統保惠

黎元惟恐一夫不得其所凡食毛踐土之倫縱不

能家喻戶曉豈身享太平亦竟忘其所自乃本月

十五日忽有教匪七十餘衆突入禁門將至大內

幸皇次子親執烏鎗連斃二賊逆黨始退王大臣

督率官兵殲除淨盡仰賴

天

祖庇佑渠魁就獲餘孽悉平越三日朕由行在還宮京

城內外安堵如常事定思痛此實非常未有之變

寇賊叛逆何代無之今事起倉猝擾及宮禁傳之

道路駭人聽聞非朕之涼德何以致此但諸王大

臣同國休戚今使皇子親執火器禦賊於禁禦之

中諸臣其何以爲顏反而思之更何以爲心乎本

日特於乾清宮召見諸皇子及諸王文武大臣面

欽定平定教匪紀畧

卷四

十

加訓諭令王大臣各殫忠竭慮以匡國治勿再因

循怠玩文恬武嬉事至則措置失宜事過則泄沓

如故素餐尸位益重朕辜夫涓涓不塞將爲江河

禍變之來必有由致不究其本患將未已諸王大

臣及各言官如能洞見致患之原官常吏治有亟

須整飭修明者各據所知剴切直陳朕必衷而行

之若瑣瑣焉摘一事改一例博建言之名以圖塞

責朕甚勿取焉將此通諭知之

臣等謹按正朝廷以正百官正百官以正萬民

聖皇馭天下之道亦惟操其制治之原而已教匪挾

邪說以詭正道愚民不知禮義不知廉耻聞

祈福免難之說則靡然從之利心一熾不可

救藥乃至犯上作亂皆由是而起人心風俗

欽定平定教匪紀畧

卷四

三

之害胡可勝言而要之皆由於吏治之不修

官常之不肅型方訓俗責豈在民伏讀

聖諭以禍變之來必有由致不究其本患將未已因

令諸王大臣及言官等各據所知剴切陳奏

大哉

王言誠為握治樞而挈政要由是修明法制整飭官

方綱紀立而教化興豈止補偏救弊於一時

也哉

同日

上諭內閣曰本月十五日有賊匪突入紫禁城滋事

次日朕於行在接據留京王大臣奏報不能深悉

情形恐賊黨衆多潛匿市闌當降旨飭令在京都

統前鋒統領護軍統領副都統等各於所轄地面

逐戶挨查昨日朕進宮時見京城內外一切安堵

欽定平定教匪紀畧

卷四

三

如常其日滋事賊匪早經殲捕淨盡逆匪之總頭

目林清孳獲審訊據供伊所遣入城謀逆匪徒本

祇數十人除現已殲擒各犯餘匪數人間孳逃遁

俱經伊目見都城實無遺孽所有各旗都統等挨

查地面之處著即自本日奉旨之後停止如有藉

口稽查擾累居民者該管大臣查叅嚴懲

上又諭內閣曰前因賊匪潛入禁城滋事搜捕未盡

經留京王大臣等調派火器健銳各營官兵分布
禁城防範嚴密並於皇城外通派八旗官兵周布
巡察茲朕已進宮京城內外安堵如常餘匪捕獲
淨盡官兵自應酌撤著派綿恩哈廸爾查明原派
在紫禁城安卡之內火器營官兵酌分十分之四
暫留禁城內巡察撤出十分之六在皇城內暫時
駐卡其原派在紫禁城外之健銳火器營官兵均
卽撤回原營皇城外八旗官兵著各撤歸本旗又
前因捕賊未淨恐其乘間逃逸京師內外各門經
王大臣下令嚴閉此時賊氛全淨無須戒備禁城
各門著全行開啟外九門除已開五門外其餘各
門著於明日全開照常以時啟閉至稽查出入門
禁本應嚴肅著護軍統領步軍統領左右翼總兵
各率所屬慎密巡查毋稍懈弛

欽定平定教匪紀畧

卷四

三

上又諭內閣曰此次擅入禁城之賊匪皆由林清造
謀主使該犯係逆匪總頭目經步軍統領派撥弁
役立時擒獲實屬奮勇可嘉把總田濤著加恩以
都司卽用先換四品頂戴並賞戴花翎番役頭目
張吉著加恩以守備卽用先賞頂戴並賞戴花翎
番役高鐸徐勇祥俱著加恩以千總卽用先賞頂
戴並賞戴藍翎四人仍各賞銀三百兩眼目朱進
榮著賞銀二百兩以示優獎

上命軍機大臣傳諭章煦曰京城內外俱已照常肅
清惟訊據該首逆林清供稱伊係天理教與滑縣
長垣曹縣等處滋擾匪徒商同謀逆恐豫東滋事
匪徒有潛遣來京探信之人或有前日禁城逃出
之賊潛投該處入夥者不可不嚴加防範著章煦
卽飭沿途地方官員於行旅往來嚴密查察時刻

欽定平定教匪紀畧

卷四

三

留心如有形跡可疑者盤獲訊明由驛速奏

是日章煦奏言臣遵查直隸藩庫除本年應行

動用各款外尚餘銀三十餘萬兩據溫承惠告

知天津運庫已備銀二十萬兩可就近撥用又

先於藩庫內動銀十萬兩解往順德交藩司素

納收存應用臣復遵

旨飭查如遇各省有解部銀兩過境一面截留交存

欽定平定教匪紀畧

卷四

三

直隸藩庫一面奏

聞若已足用亦即停止此時直隸長垣東明開州等

處匪徒散處村莊日有捕獲城垣保固無虞其

磁州接壤豫境與濬縣相離不遠漳河渡口現

有兵役防堵不虞逸入臣復分派幹弁不動聲

色於保定附近一帶扼要之處密為查訪如有

形跡可疑及潛逃匪徒認真盤獲不敢疎懈奏

入報

聞

是日軍機大臣董誥等會同刑部奏請將審明

逆犯龔恕等二十九犯均凌遲處死與前被格

殺各犯一併剉屍梟示得

旨龔恕范采熊進才劉三安柱祝老楊正月李成楊

成明季進玉趙二格宋維金王保兒聶寬並太監

欽定平定教匪紀畧

卷四

三

張太王幅祿俱著於二十日凌遲處死陳爽張文

張貴兒楊成金老虎王玉兒史進忠劉二趙套兒

賀五孫傻子李萬金張金利俱著於二十一日凌

遲處死一併梟首示眾餘依議

欽定平定教匪紀畧卷五



九月二十一日甲申

上諭內閣曰本月十五日有畿南亂民勾引太監突入紫禁城滋事當經官兵殲捕淨盡賊匪總頭目林清經步軍統領派營弁番役四人立時擒獲現在京城內外安堵如常或有一二逃逸匪徒著步

軍統領五城順天府及直隸總督派員留心緝拏

欽定平定教匪紀畧卷五

二

其京城及附近村莊概不許藉搜查為名擾累良善如有讐攀誣陷等事查明按律治罪匪黨已除良民宜各安生理毋相驚擾將此旨刊刻謄黃遍行曉諭知之

上又諭內閣曰河南滑縣知縣強克捷因拏獲賊匪多名被匪黨劫獄入城戕害殊堪憫惻著照陣亡例給予卹典

上又諭內閣曰格布舍蘇爾慎俱著授為領隊大臣

格布舍帶火器營官兵一千名馳往直隸大名一

帶赴溫承惠軍營蘇爾慎帶健銳營官兵一千名

馳往山東曹州一帶赴同興軍營所有軍裝馬匹

等項事宜著各該衙門及沿途地方官妥速經理

上又諭內閣曰現在天氣漸寒不宜工作所有圓明

園現辦之淳化軒工程著即停止其餘各處工程

欽定平定教匪紀畧卷五

二

俱著俟明歲春融分別緩急再行奏明辦理

上又諭內閣曰紫禁城內暫設之內火器營兵六百

名著撤二百名回原營休息其紫禁城外暫設之

護軍九百六十名即著撤回原營

是日溫承惠奏言臣於十九日途次滿城縣接

據稟報長垣開州東明三處邊界俱有賊匪焚

掠開州拏獲匪犯四十餘名東明拏獲三十餘

名現在長垣東明等處大名府知府莫景瑞副將佛雲帶兵駐守開州係長垣東明往來要道總兵拴住副將舒凌阿亦已帶兵二百六十餘名前往堵禦至河南滑縣失守之後聞匪徒屯聚道口及大伾山等處分投滋擾衛輝府城亦甚危急滑縣尙被賊匪占踞另有千餘人在小渠村楊家莊余家寨三處屯聚並偷渡衛河以致宜溝驛居民聞風逃竄該處係通直隸磁州大路業於漳河設卡防堵又廣平府屬成安縣距濬縣祇百餘里經拴住撥兵一百名前往防堵又據清豐縣知縣何志清稟報山東定陶曹縣失事之後城武縣亦被賊圍攻並竄入金鄉濮州一帶勢甚猖獗查直隸長垣東明開州三處賊匪祇在邊境焚搶且經拏獲數十名尙易

欽定平定教匪紀畧

卷五

三

剪除惟山東河南兩省連陷城池賊氛散漫臣所謂各官兵止正定鎮六百名已抵大名其臣標兵一千名甫抵順德提標宣化鎮各官兵均尙未過保定現已飛檄傳催臣亦兼程馳抵大名齊集官兵相機進剿至臣前奉諭旨因未悉禁門滋事之賊係何處民人是以尙未自行奏請治罪茲奉臣諭旨悚懼難名惟有仰懇皇上天恩將臣先行革職留於軍營効力臣惟當奮不顧身力圖報効同日素納奏言查此次匪徒滋事賊匪俱有白旗刀子可見蓄意已久其為邪教無疑現在探得滑縣界內之賊多於長垣為首之犯似在滑縣之內又據磁州知州何道榜差役往河南境

欽定平定教匪紀畧

卷五

四

內探得賊匪情形並據東明縣稟報擊獲山東賊探董法松一名訊據供稱山東定陶縣邵家樓居住之邵舉人不知何名於本月初十日聚集二三千人攻破定陶曹縣與滑縣之賊並非一夥等語謹抄錄賊供恭呈

御覽現在正定鎮臣拴住帶兵一百六十餘名前赴

開州後又續到步兵三百名臣已催令連夜前

欽定平定教匪紀畧

卷五

五

往聽撥至東明長垣兩處皆在開州之南臣已

咨會鎮臣酌量添兵防守均奏入

上命軍機大臣傳諭溫承惠曰本日溫承惠奏直隸

長垣東明開州三處賊匪俱在邊境滋擾現已擊

獲數十人防堵尙易惟河南濬縣有被攻之信衛

輝府城亦在危急滑縣被賊占踞另有千餘人分

起屯聚偷渡衛河山東賊匪現亦竄入金鄉濮州

一帶等語山東河南地方賊匪連陷數縣占踞滋

擾亟當趕緊剿辦現在京城滋事匪徒業已全數

捕獲其首逆林清就獲之後並將其妻子親屬悉

數擒拏已無一名漏網連日將各逆犯駢誅戮割

辦理完竣溫承惠不必顧及京畿惟當統率師干

將河南山東一帶賊匪痛剿淨盡刻下又據素納

奏稱河南滑縣界內之賊多於長垣其爲首之犯

欽定平定教匪紀畧

卷五

六

似在滑縣之內等語看來河南賊勢甚張尤當先

往痛剿著溫承惠親統大兵隨路將直隸邊界肅

清卽速馳赴河南與高杞約會將滑縣濬縣及大

伾山一帶之賊合力夾擊務將賊匪就地殲除勿

使與山東之賊連合滑縣之賊剿淨卽與同興高

杞會兵將曹單之賊兜圍一鼓殄滅現已派領隊

大臣格布舍帶領火器營官兵一千名由保定一

路馳赴溫承惠軍營派領隊大臣蘇爾慎帶領健
銳營官兵一千名由山東一路馳赴同興軍營幫
同剿捕溫承惠不妨先為揚言以即日有京兵五
萬前來合剿以壯軍威而寒賊膽是亦兵貴先聲
之一道該督失察謀逆叛匪其咎本重部議革職
念伊正在帶兵已加恩改為革職留任溫承惠此
時不必心懷疑懼惟當一意剿賊速成大功尙可

欽定平定教匪紀畧 卷五 七

施恩格外也

上又命軍機大臣傳諭同興曰山東曹定單三縣連
被賊匪滋擾勢甚鴟張前據該撫奏稱在曹州一
帶厚集兵力前往剿辦日內調派之兵想已陸續
到齊可以尅期進兵本日已派格布舍為領隊大
臣帶領火器營兵一千名前赴河南派蘇爾慎為
領隊大臣帶領健銳營兵一千名前赴山東幫同

剿辦該撫接奉諭旨後不妨先為揚言以即日有
京兵五萬前來合剿使賊匪聞風膽落當可益壯
軍威此亦兵貴先聲之一道蘇爾慎行入東境應
由何路前赴軍營著同興隨時知會令其進行本
日又據素納奏訊據賊探供稱山東定陶縣邵家
樓居住之邵舉人不知何名於本月初十日聚集
二三千人攻破定陶曹縣與滑縣之賊並非一夥

欽定平定教匪紀畧 卷五 八

等語賊匪中竟有舉人為首聚眾滋事實出情理
之外是否武舉抑係文舉係何名字著同興查明
具奏至目前賊勢豫省滑縣等處匪徒與東省同
時犄角已令溫承惠先辦豫省其山東之賊著責
成同興即調集兵力親自督率將賊匪痛加剿戮
如東境之賊辦竣再馳赴豫省邊界會同溫承惠
高杞四面兜圍將豫境賊匪聚而殲旃毋稍稽遲

上又命軍機大臣傳諭高杞曰本日溫承惠奏各處探報賊匪情形豫省賊勢甚屬鴟張必應速為擒捕現已派格布舍為領隊大臣帶領火器營兵一千名馳赴河南幫同剿辦刻下高杞業已馳抵豫省著督率色克通阿將滑縣濬縣大伾山一帶屯聚之賊相機剿捕俟溫承惠帶兵到豫兩面併力夾擊務將賊匪就地一鼓殲除毋使蔓延為要

欽定平定教匪紀畧

卷五

九

上又命軍機大臣傳諭那彥成曰本日據溫承惠奏直隸長垣開州東明俱有賊匪在邊境焚掠河南滑縣賊匪偷渡衛河山東賊匪竄入金鄉濮州一帶現在該三省交界處所賊匪連陷城池勢頗猖獗軍務緊急著那彥成迅速星夜馳抵軍營即接受欽差大臣關防籌辦堵剿

同日

上諭內閣曰溫承惠劉鏞之費錫章於所轄地方失察匪徒潛匿以致擅入禁城經吏部分別議以革職降調實屬咎所應得姑念溫承惠現在帶兵著加恩改為革職留任劉鏞之費錫章到任未久著加恩改為降四級留任

上又諭內閣曰宛平縣知縣陳鉅釧盧溝司巡檢陳紹榮南路經制外委黃文仁於所屬地方匪徒潛

欽定平定教匪紀畧

卷五

十

匿毫無覺察其咎甚重俱著革職發往伊犁効力贖罪南路同知張步高念係分轄之員著革職交與劉鏞之等差遣委用

是日拉旺多爾濟福長安等奏言竊臣等於十九日遵

旨帶兵前赴董村地方查拏叛匪於是日申刻前抵該處查屈四屈二屈三等犯已經通州拏獲解

案當又搜獲屈四妻子等男婦十六名面交通
承道任烜收管任烜亦親自拏獲四名一併解
部嚴審所有在逃餘匪飭該道上緊嚴拏臣等
隨至董村起程臣拉旺多爾濟索特那木多布
齋瑪呢巴達拉蘇爾慎帶領健銳火器二營官
兵進雙橋門由

南苑內搜查出黃村門臣福長安格布舍策丹帶
欽定平定教匪紀畧 卷五 十二

領密雲滿兵併提屬各營馬蘭鎮標弁兵由

南苑外面搜查均於午未時先後齊至黃村查該
村及附近各處現在並無傳習邪教之人亦無
藏匿叛匪情形甚屬安靜奏入報

聞

九月二十二日臣護理河南巡撫布政使台斐
音奏言竊臣先據濬縣知縣朱鳳森稟報縣城

被圍臣當即飛飭鎮將速赴救援並探得兵過
各處間有賊匪埋伏十六日鎮臣色克通阿率
領將備行至濬縣石羊村即有賊匪百餘人前
來迎敵官兵鎗礮齊發登時打死數十人餘俱
逃逸生擒二人時已昏暮當即駐紮哨頭村訊
知賊衆聚於村東十數里先將獲賊正法十七
日卯刻官兵行三里許遇賊千有餘人公然拒

欽定平定教匪紀畧 卷五 十三

敵叅將張拱辰陳弼直前搏戰賊衆驚潰官兵
追殺三十餘里殲賊六七百人午後趕赴濬縣
城外該匪約有二千餘人占據山梁縣城被圍
運河石橋亦有賊匪把守阻隔我兵頗不得手
叅將張拱辰陳弼奮勇先登搶上石橋賊人抵
死抗拒守備蔣光奎黨得用彭永吉劉文煥千
總鄧殿魁劉學霖把總魏奇等帶領弁兵喊聲

大震緊跟搶占鎗箭齊發打死賊匪一千七八百人擒獲活賊一百餘名圍城立解餘匪竄逸馬兵王占魁搶得大纛一桿李復元搜出滑縣印信一顆并奪獲馬騾鎗刀旗幟甚多臣接到鎮臣知會并有派隨打仗之弁兵許儉等目擊情形據稟悉屬相符臣現卽飛札色克通阿張拱辰分兵潞邑實力搜捕并飭各屬一體堵截

欽定平定教匪紀畧

卷五

十三

毋使竄匪一名漏網探得賊匪現在占據滑縣

臣立即移會

欽差大臣直隸督臣溫承惠山東撫臣同興並鼓勵

河北防堵兵衆會合堵剿以期一舉肅清仰紓

聖廬再此次打仗守城出力及効用行間文武各官

請擇其尤爲出力者另摺保奏受傷兵丁查止

一人業已飭醫調治又淇縣內黃等縣陸續稟

獲竄匪八名應同生擒各賊提省一併究辦

同日同興奏言臣連日據差探回稱賊匪多係

定陶曹縣之人祇於定曹一帶村莊潛匿晝則

劫掠鋪家夜則帶同妻子飲酒被脅者亦係本

村之人現俱遊奕觀望未敢近城似屬不難剿

辦據曹州府百歲稟報擊獲奸匪魏保僧人通

爵訊係定陶縣人梁添成差令探聽官兵消息

欽定平定教匪紀畧

卷五

十四

又據兗沂道熊方受稟報該道趕至曹縣督守

縣城擊獲賊匪十餘人又據金鄉縣吳培稟報

該縣有匪徒十餘人在葦子坑地方起手裹脅

四五百人赴城南搶劫經河標叅將齊國珍帶

兵接仗殺賊二三十名卽四散逃逸其動手迎

敵者不過二十餘人又據魚臺縣稟報該縣擊

獲匪徒三人訊有賊夥百餘人在該縣南陽村

地方打造軍器各等情臣分飭將獲犯訊明正法并派沂州協副將福寧阿帶兵馳赴南陽村查明剿洗此外又派武定營兵二百名駐紮兗州登鎮兵二百名幫守濟寧其臨清一路責令本管及駐防兵三百餘名協同防守可保無虞再據臬司劉大懿稟送獲犯朱成珍供詞據供係曹縣扈家集人年三十歲堂兄朱成方於十

欽定平定教匪紀畧

卷五

五

六年冬間拜直隸長垣縣人徐安囑爲師學習震卦教先經教給我弟兄朱成來朱成文朱成良朱成貴四人惟兄弟朱成瑞年幼尙未入教我於去年二月纔從朱成方入教的朱成方合兄弟朱成貴都常到滑縣去聽說滑縣有卦主姓李手下管事的係子克敬馮克善劉囑明王學禮數人金鄉頭領是崔士俊鉅野頭領是張

建木曹縣頭領是朱成方單縣頭領是程伯約別處沒有頭領了八月初六日朱成方從滑縣回來說李卦主吩咐九月十五日就要動手先搶汴梁城直趨北京有坎卦林姓教主在北京接應現在趕造旗子朱成方帶了旗樣到金鄉等處散給衆人照樣趕造至今尙未回來我於八月二十一日被拏哥子朱成來朱成文朱成

欽定平定教匪紀畧

卷五

六

良都跑了兄弟朱成貴往滑縣去尙未回來我素常知道朱成方的徒弟有同縣趙家港的趙秉性荷澤張家灣東的趙欣臣等語除將該犯供詞咨照溫承惠高杞外謹附摺奏

聞均奏入

上諭內閣曰台斐音奏本月十六日色克通阿率領將備行抵濬縣石羊村有賊匪百餘人迎敵官兵

鎗礮齊發登時打死數十人生擒二人餘匪逃逸
次日卯刻色克通阿督兵行三里許遇賊千餘人
與官兵拒敵經叅將張拱辰陳弼直前搏戰賊衆
驚潰官兵追殺三十餘里殲賊六七百人午刻趕
赴濬縣城外該匪約有二千餘人占據山梁縣城
被圍運河石橋阻隔復經叅將張拱辰陳弼奮勇
先登搶過石橋賊人抵死抗拒官兵鎗箭齊發打

欽定平定教匪紀畧

卷五

七

斃賊匪一千七八百人擒獲活賊一百餘人濬縣
圍城立解奪獲馬騾鎗刀旗幟甚多所辦甚好豫
境賊匪嘯聚搶劫茲官兵甫經接仗即將該匪殲
斃二千五百餘人生擒一百餘名可見該匪等不
過烏合之衆經此番殲戮業已喪膽指日大兵會
集四面兜圍無難一鼓殲除總兵色克通阿叅將
張拱辰陳弼奮勇可嘉色克通阿著交部議敘張

拱辰陳弼著交部從優議敘張拱辰陳弼著高杞
查明該二人如向未得有翎枝著賞戴花翎以示
獎勵至摺內所稱此次打仗守城文武各官請擇
其尤爲出力者另摺保奏官弁効力行間奮勉出
力自當加之鼓勵但必須核實辦理勿蹈從前軍
營陋習稍涉瞻徇致有功者屈抑無功者冒濫方
足以服人心而勵士氣

欽定平定教匪紀畧

卷五

七

上命軍機大臣傳諭高杞曰本日台斐音奏總兵色
克通阿率領將備行抵濬縣殲斃賊六七百名復
將占據山梁及屯聚石橋之賊打斃一千七八百
名擒獲一百餘名濬縣圍城立解該匪等嘯聚搶
劫一經接仗即將匪徒殲斃二千四五百名生擒
一百餘名可見烏合之衆不難一鼓殲戮現在該
逆等大股賊匪蜂聚滑縣城內台斐音等已前赴

該縣圍捕著高杞迅卽馳赴該處趁此兵威壯盛之時將縣城內屯聚之賊四面嚴圍該匪等株守絕地正可聚而殲旃斷不可令其突圍漏網四散奔逸再現據獲賊朱成珍供詞內有逆匪定期於滑縣起手後先搶汴梁之語開封省會地方關係緊要著高杞卽飭知在城文武各員率領兵役嚴加防範鎮靜彈壓勿稍疎虞

欽定平定教匪紀畧

卷五

十九

上又命軍機大臣傳諭同興曰同興奏探得曹定一帶賊匪潛匿村莊不難剿辦金鄉葦子坑匪徒經官兵剿捕卽四散逃逸拒敵者不過二十餘人又魚臺賊夥百餘人在南陽村打造軍器已飭副將福寧阿順路剿洗等語看來東省賊勢零星竄匿無難尅期殲淨本日據台斐音奏豫省濬縣一路經色克通阿及叅將張拱辰等於十六十七兩日

率兵痛剿殺賊二千四五百人圍城立解豫省已得勝仗東省賊匪自必聞風膽落計同興前調東省各路官兵均已到齊著卽親自督率進剿乘豫省事機順利之際將逆匪一鼓殄除毋稍稽延

上又命軍機大臣傳諭吉林將軍喜明黑龍江將軍富俊曰現在直隸河南山東交界處所有匪徒聚眾滋事業經調派官兵馳往剿捕若不能速就殲

欽定平定教匪紀畧

卷五

二十

除卽需添兵前往協剿吉林黑龍江兵丁素稱勇健著喜明將吉林兵挑選一千名富俊將黑龍江兵挑選一千名預爲準備吉林官兵令德寧阿色爾滾帶領黑龍江官兵令蘇青阿達斯呼爾岱帶領並著傳知該副都統等先期預備該將軍等將一切軍裝器械備辦齊全俟一有諭旨調撥卽令迅速起程勿稍遲緩

上又命軍機大臣傳諭溫承惠高杞同興日本日給事中陸泌奏請團練鄉勇以代賑濟以靖地方一摺據稱現在賊匪滋事各州縣地方官均有保障之責恐城廂村堡不能遍為經理乏食窮黎難免被賊煽惑請令各州縣設立鄉勇以息附和等語直隸省南一帶及河南山東被災之區雖經撫卹賑濟但貧民乏食者多現在賊匪滋事之時自當

欽定平定教匪紀畧 卷五 三

加意經理著傳諭溫承惠高杞同興各飭所屬勸諭附近村堡鄉民令其各自團練義勇創挖溝濠自相保衛免致被賊裹脅是亦堅壁清野之良策但不許令各鄉勇隨同打仗又蹈從前流弊也

臣等謹按國家設兵衛民前此川楚陝用兵時動輒雇募鄉勇隨征冊報不下數十萬人聚無藉之徒干不戢之禁去來無定桀驁不

馴當其戰勝之時已有難制之勢泊乎凱撤之際尤鮮善處之方遣之則為游民羈之又成悍卒寧陝瓦石坪之案前鑒具在我皇上燭照幾先慮周善後此次

採堅壁清野之議惟令團練義勇自衛其鄉不准隨同打仗蓋禁弊必預遏其源而弭患在先防其漸三省文武大吏暨領兵各員凜遵

欽定平定教匪紀畧 卷五 三

訓言不敢復蹈前轍故地方收保障之益而軍行皆節制之師逆賊一平晏然無事長治久安之策非悉本於

一人之思深慮遠也哉上諭內閣日本日接據台斐音奏報總兵色克通阿等帶兵一千名將豫境之賊痛加殲戮殺賊數千名並生擒百餘人又據同興奏山東曹州之賊亦

被官兵斬獲甚多可見匪徒不過烏合之眾指日
 溫承惠等所謂大兵雲集即可撲滅淨盡所有昨
 派之火器健銳兩營兵二千名著挑出預備此時
 暫緩起程合格布舍蘇爾慎各帶巴圖魯侍衛四
 員分赴豫東兩省幫同帶兵剿捕其挑備之兩營
 兵丁如豫東二省續有奏請需用之處再令慶祥
 桑吉斯塔爾帶往

欽定平定教匪紀畧

卷五

三

同日軍機大臣董誥等會同刑部奏審出太監
 楊進忠從逆一案得

旨此案續獲從逆之太監楊進忠係由巡視南城御
 史及副指揮等偵捕嚴密先行拏獲同謀之林四
 趙增從此究出楊進忠俾要犯不致漏網實屬可
 嘉御史海齡給事中陸泌御史曹恩綬俱著加恩
 賞給四品卿銜副指揮汪忠增著加恩賞給六品

陞銜其緝獲該犯捕役查明每人各賞銀三十兩
 以示獎勵

九月二十三日
丙戌

上廷訊首逆林清賊目劉進亭從逆太監劉得財劉
 金四犯盡法懲治凌遲梟示將林清首級傳示
 直隸河南山東賊匪滋事地方
 是日

欽定平定教匪紀畧

卷五

三

上諭內閣曰本月十五日天理會逆首林清潛遣夥
 黨勾結內監伺朕未經回蹕之際突入禁門謀逆
 將及大內經皇次子用鎗擊斃二賊王大臣等帶
 領官兵將賊匪以次殲捕淨盡首逆林清潛伏黃
 村步軍統領衙門遴派官役立時擒獲連日派軍
 機大臣會同刑部徹底研鞫本日朕復親自廷訊
 已將首逆盡法懲治寸磔傳首從逆匪犯一併駢

誅現在指名擒捕者不過一二醜黨無難剋日緝獲按律懲辦賊匪事起倉猝實屬非常鉅變今數日之間渠魁就戮餘孽悉平都城內外安堵如常此皆仰賴

天

地

宗

欽定平定教匪紀畧

卷五

五

社神靈默佑迅賜平寧朕感荷

厚恩不能言喻敬與中外臣民同承禔福謹於孟冬朔

日燭潔祀謝遣儀親王永璣代祭

天壇遣成親王永理代祭

地壇遣慶郡王永璘代祭

社稷壇

太廟本值時饗之期朕躬親行禮虔申昭假用答

鴻慈所有一應事宜著各該衙門敬謹預備

上又諭內閣曰本月十五日首逆林清潛遣逆夥數十人突入禁城滋事一案嚴訊現獲賊犯據供太監內竟有逆賊六人預謀引路其引賊入東華門者係劉得財劉金二犯引賊入西華門者係張太高廣幅二犯又王幅祿閆進喜二犯在內接應續據南城御史緝獲賊夥林四又究出楊進忠一犯

欽定平定教匪紀畧

卷五

五

亦由西華門引賊入內該逆賊等罪惡滔天為從來所未有除高廣幅一犯於是日經官兵殲斃外其劉得財等六犯俱按名捕獲無一漏網連日軍機大臣會同刑部研究本日朕親自廷訊盡法處治逆賊劉得財等堅供此外再無通同謀逆之人復加嚴詰首逆林清亦堅供在內同謀祇此七人更無餘黨所有本日執事站班文武大小各員人

人聽聞供情毫無疑義即將各犯凌遲處死太監等充當差使等級懸殊凡近御者皆馴謹誠樸之人此案逆賊七人平日所當差使俱極踈賤從未見過不知名姓僅於宮內看守門戶從無一名會隨赴御園者宮中所留首領曉事者少平日約束懈弛聽伊等告假閑遊致令交結外人甚至如彰儀門馬駒橋等處數十里之外任其恣意往還聽

欽定平定教匪紀畧

卷五

五

從賊匪糾約謀逆以致釀成鉅案本日朕嚴詰該逆賊謀叛之由皆俯首無可供吐復訊以朕平日有無苛待伊等之處該逆賊供稱素來天恩寬厚近日復加賞錢糧更有何銜怨之處尙口稱佛爺不置是該逆賊等全係被外間賊匪迷惑至死不悟而任其出入自便該首領等踈防之罪實無可辭嗣後嚴諭總管太監等俱不得任各處太監藉

詞告假獨自私出禁門其有不得不暫時給假者該首領太監查問確實限以時刻必須兩三人同行方准放出如違除本人治罪外將該管首領太監一併治罪至此數犯梟獍性成本非常有現在訊問明確別無同黨之人此外各太監等當感戴主恩照常當差安靜守法不必心生疑畏倘有狡譎之徒挾嫌誣攀查明從重治罪斷不寬及無辜

欽定平定教匪紀畧

卷五

五

將此旨交總管內務府大臣轉交總管太監通諭各等處太監知之并載入宮史
上又諭內閣曰國家撫御寰區百數十年來溥海蒸黎畏神服教凡有血氣莫不尊親乃本月十五日近郊忽有逆賊數十人突入禁門謀逆此實意外之變經王大臣等派兵殲捕馳奏行在朕於途次聞有逆賊數人潛逸京外之黃村及董村等處此

等助惡逆犯覆載所不容若不盡數誅夷不足以彰憲典因派拉旺多爾濟等帶兵掩捕官兵未至董村卽望見該處火起延燒拉旺多爾濟等到彼撲息詢悉在逃逆賊縱火焚燒乘間四逸而良民猝見兵火亦不免驚怖奔逃輾轉溝壑者此外兵役搜捕想各居民亦無不驚擾因逆賊而累及良民朕思之轉爲不忍現在就獲各逆犯俱經嚴訊

欽定平定教匪紀畧

卷五

三

伏法首逆劉林卽林清本日廷訊盡法懲治寸磔傳首其妻子親屬等均一一按名捕獲照律緣坐鉅案已結毫無株連念附近良民因此等奸宄滋事問致失所朕斷不肯因近郊有數十莠民或稍減愛憐赤子之心著加恩將大興宛平二縣本年應徵錢糧全行豁免以示憫恤現在近畿各處誠恐有一二餘犯在逃尙須嚴密偵緝已嚴諭官吏

等確訪指名擒捕不許波及無辜百姓等無得聞風驚懼自形紛擾惟當感激朕恩安靜守法勉爲良善共享太平之福其或冥頑不靈受人愚惑甚至隱匿奸黨一經官吏訪獲必從重治罪不貸將此刊刷謄黃通諭知之

臣等謹按治之要安民爲本逆賊搆亂郊圻氛躔

欽定平定教匪紀畧

卷五

三

禁闕

鑿與一至天清地寧固已鬼蜮潛形豺狼屏跡矣然倉猝之時莠良莫辨紛紜之際反側易生或無故而相驚或訛言之四起自非

仁慈怙冒之德大其

含宏非所以安善良而除倣擾也我

皇上於廷訊逆黨之後載

頌德音

詔書寬大不肯因近郊數十莠民稍減愛憐赤子之

念

誠意感孚人心安定故平大亂而眾不疑歲鉅案而

民不擾熙熙皞皞共享太平洵

如天之無不憐如地之無不載已

上又諭內閣曰本月十五日在內值日之署護軍統

欽定平定教匪紀畧

卷五

領楊澍會業已革職發遣是日禁門值班官員兵

丁俱係鑲黃旗護軍營該管護軍統領明志平日

訓練無方致兵丁不能禦賊亦有應得之咎明志

著卽革職其蒼震門東華門西華門該班官員兵

丁查明捕賊被戕者著加恩照陣亡例賜卹捕賊

受傷者准其將功抵過餘俱著拏交刑部分別治

罪

是日協辦大學士兩江總督百齡奏言竊臣於

桃莊工次接准山東撫臣同興咨會直隸長垣

縣匪徒戕官滋事已奔赴東省曹州一帶等情

當卽飛飭徐州鎮總兵沈洪帶領將弁兵丁攜

帶軍火器械在於交界要隘各處嚴密堵截並

飭府州縣會營防守旋又探聞長垣匪徒戕官

劫獄延及東省之定陶曹縣單縣豫省之滑縣

欽定平定教匪紀畧

卷五

濬縣淇縣等處肆意滋擾殊堪髮指查曹單等

處與江蘇安徽兩省地方毗連亟應趕緊分路

協防勿使闖入隨飛檄署壽春鎮總兵陳均選

帶弁兵星馳堵禦並移會提臣烏爾卿額一體

籌備臣現調署中軍副將馬濟勝等選帶督標

兵五百名城守營兵一百名叅將戴文星等選

帶鎮江兵三百名由江浦揚州分途前進仍恐

官兵到彼需時徐州鄰界地方或致民情惶惑

臣先就近選帶漕標兵四百名河標兵二百名

俟一二日內布置齊備卽以查勘河道爲名督

押起程馳赴該處或堵或剿相機籌辦不敢稍

涉張皇亦不敢意存輕忽並一面行知狼山鎮

總兵尙維侗挑備官兵四百名派委妥練將弁

接續前進共計調派官兵二千名以壯聲威而

欽定平定教匪紀畧

卷五

三

資捍禦

同日山東兗州鎮總兵陳廣寧奏言竊臣於十

三日馳抵曹州府城卽將所帶弁兵一百名分

防巡查人心稍定連日拏獲城廂左近之賊匪

探事奸細多名逐加研訊此內有僧人通爵李

道魏保邱猱張柱祝占常高成李狗任士和王

公揚王朝倫等十一名俱供認在於定陶曹縣

二處戕官劫獄並附近村莊地方屯紮俱懷挾

奉天開道白旗及器械血衣兇刀等件當卽恭

請

王命正法梟示差探匪徒等裹脅有二三千人現在

府城正南交界潛伏窺伺聞撫臣同興已調集

重兵前來臣所轄各營兵丁除分派防堵鉅野

金鄉嘉祥等縣外現在東昌梁山等營已到兵

欽定平定教匪紀畧

卷五

四

二百名俟調兵齊集將賊匪一鼓殲除仰紆

聖厯均奏入

上命軍機大臣傳諭協辦大學士兩江總督百齡曰

百齡奏准同興咨會直隸長垣縣匪徒滋事已竄

赴東省曹州一帶當卽飛飭各鎮將選派弁兵於

江蘇安徽兩省交界地方分路協防該督並就近

選帶標兵馳赴徐州相機籌辦所辦甚是東省曹

單一帶匪徒向東南竄擾與江境地界緊相毘連
徐州鎮沈洪昨已有旨令先帶兵一千名迎頭堵
剿百齡現親帶弁兵前赴徐州可以彈壓邊境如
或賊匪被剿緊急有竄入江南信息該督卽添調
弁兵相機剿辦勿令賊匪一名闖入江境

上又命軍機大臣傳諭同興曰總兵陳廣寧帶兵防

賊因同興尙未到彼將曹州一帶現在賊情奏報

欽定平定教匪紀畧

卷五

三

尙無不合此後同興到彼則一切剿捕情形均應

由同興具奏該總兵不許列名以符體制此時該

總兵帶兵有限祇可防守曹州府城不必以有限

兵力冒昧擊賊不能制勝轉挫銳氣同興現調各

路官兵計已到齊該撫卽親自督率將賊匪併力

兜擊務期一鼓撲滅毋稍蔓延

是日軍機大臣董誥等會同刑部奏言臣等連

日審訊謀逆各犯將逆賊等有无潛赴烟郊滋
事之處逐一根究據逆賊屈四供稱我係通州
董村人年三十六歲經劉第五引我入教念真
空家鄉無生父母八字本年八月十四日林清
叫劉第五派我辦一二百人帶到烟郊起事後
因人少我祇有五十多人不敢前往就在五十
多人內挑選十人來京進

欽定平定教匪紀畧

卷五

三

東華門彼時林清給我奉天開道白旗一面刀二

把餘人各執刀一把白布二塊我帶同李元隴

鄧二周三周四張泳瑞祝六套任二高五安大

卽安懶泰張泳貴卽張五來京起事高五安懶

泰張五三人畏懼未來我與李元隴等七人先

後至

東華門外取齊我們見在前走的夥黨進門鬧事

門已關閉跑回藏躲今被拏獲等情謹將該犯
及其餘各犯供詞繕呈

御覽其餘各衙門陸續送到人犯容逐一訊明次第
辦理奏入報

聞

欽定平定教匪紀畧

卷五

三

欽定平定教匪紀畧卷六

九月二十四日刻

上頒示

硃筆諭諸王大臣曰逆匪突入禁城實非常之大變
今雖首逆伏誅餘黨就戮閭閻安輯城市如常此
正我君臣卧薪嘗膽之日永懷安不忘危之念勵
精圖治夙夜在公庶幾補救前非仰承

欽定平定教匪紀畧

卷六

一

天眷因思十月初六日為朕壽辰國家典禮自初三日
至初九日俱穿蟒袍補褂正日御正大光明殿受
賀此定例也今歲突遇此禍若仍照常年典禮而
行朕實無顏受賀况軍書交馳邪氛未靖尙有何
心宴樂乎非博虛名實無暇也向年俱進如意卽
日回賞原上下聯情之意耳今遇大不如意之事
豈可復行呈進朕不見此物轉覺心安見物思名

益增煩悶矣今酌省繁文副予警惕之念諸王大
 臣愛戴之忱仍可得伸著於初五初六初七三日
 穿蟒袍補褂初六日朕御乾清宮皇子諸王貝勒
 貝子公文武頭品大臣二品內廷行走諸臣御前
 侍衛乾清門侍衛俱在乾清門內行禮二品文武
 大臣三四五品京堂俱在保和殿階下向乾清門
 行禮除此俱在本衙門行禮作樂排儀仗照常不
 欽定平定教匪紀畧 卷六 二

必宣表行禮後朕酌簡數人進寧壽宮入座賜宴
 勉盡一日之歡而已至歲朝禮節一切如常彼時
 亦不矯情剛改此次壽辰實無心緒爾諸臣勿行
 奏籲副朕苦衷為是特諭

是日

上命

二阿哥

三阿哥詣
 雷神廟
 時應宮拈香

九月二十五日成和碩禮親王昭槤等奏言本
 月二十四日臣等恭讀
 硃筆諭旨仰維
 皇上塵安不忘危之心
 欽定平定教匪紀畧 卷六 三

勗敬爾在公之義今於
 萬壽聖節酌減禮儀祇讀
 訓言何敢再行瀆請惟臣子臚祝悃忱實難自己謹
 擬於

萬壽聖節前後初三初四初八初九四日俱穿補服
 初十日本係應穿補服之期是日
 皇后千秋令節擬穿蟒袍伏望

鑒允稍伸下忱奏入

上批示

殊諭曰勉從所請實深愧憤初十日不必穿蟒袍稍示區別願諸王大臣清夜捫心究竟欲作何等人成何等事業三思而行勿甘暴棄朕亦無顏瀆告矣

臣等謹按書云謙受益易曰恐致福言乎盛

欽定平定教匪紀畧

卷六

四

德之至務自貶損予以基厚集益疑景福子

方來也我

皇上恭儉莊敬導民厲俗

乾惕深衷固已匪朝伊夕矣茲因變出非常

頒示酌減令節禮儀之

諭

睿懷冲抑儆戒無虞翼日臣工據忱籲懇

丹毫申勗惕厲維度逾月

南郊大祀又復

特降諭旨不御輦不設鹵簿蓋

嚴恭寅畏之誠無時或釋夫是以格

天降祥動罔不吉詩曰聿懷多福良由於

翼翼小心已

九月二十六日丑高杞奏言竊臣仰蒙

欽定平定教匪紀畧

卷六

五

恩命再署撫篆回豫帶兵臣於本月二十日馳赴衛

輝面晤藩司台斐音詢知濬縣賊匪經官軍剿

散竄回道口滑縣等處十九日復攻濬縣經該

鎮將等出擊殺斃多人臣卽星夜前往於二十

一日酉刻馳抵濬縣總兵色克通阿叅將張拱

辰陳弼均在彼駐劄據探馬報稱賊衆較前次

更多約有數千臣聞報實深憤恨卽督同色克

通阿張拱辰陳弼等帶領備弁兵丁迎赴前途
 十餘里果見賊匪蜂擁前來臣等卽帶領將備
 弁兵鎗礮齊發賊匪抗拒數時抵死不退我兵
 人人痛恨奮勇直前殲斃匪徒二三百人生擒
 六十一名餘匪竄逸奪獲大礮八尊並騾馬器
 械白旗牙笏等件又搜出冊檔四本其首頁卽
 開載後天祖師林清字樣臣提犯嚴審內有蔡
 成功一犯賊衆指爲蔡四大王其偽封較牛亮
 臣爲大訊據供稱濬縣毛村人總祖師林清因
 我武藝漢仗都好封我爲大王濬縣一帶聽我
 勾結調遣又有副頭目牛亮臣李第四子第七
 李成功張振功劉順王樹王煥章黃成功馮克
 善他們封的是元帥職官還有今日擊獲的徐
 夢林是封宰相滑縣連關廂共有一萬餘人東

欽定平定教匪紀畧

卷六

六

鄉一千餘人濬縣道口二千餘人今日我同徐
 夢林率領頭目劉順張振功李第臘等帶着五
 千多人前來打仗因我腿中鎗傷致被擒獲冊
 檔是我攢造礮位就是滑縣城內搶得等供實
 之徐夢林等供各相符查蔡成功偽封王爵領
 兵拒敵罪不容誅臣於審明後卽將該犯臠割
 示衆徐夢林等概予駢首以快人心而彰
 國法現在賊數尙多臣帶兵僅止二千不敷分剿
 現已飛調滿營暨荆子關兵共二千四百名以
 資剿辦至陝西提臣楊遇春久歷戎行曉暢軍
 旅該提督奉
 旨赴直必經衛輝仰懇
 聖恩勅諭楊遇春先來濬縣幫同臣剿捕益資得力
 再查濬縣前此被圍緊急幸賴該縣朱鳳森悉

欽定平定教匪紀畧

卷六

七

力固守並懲滑縣奸細內應失守之誤搜出城內細作概行正法始得保全現在濬滑二縣村莊間有自行練勇防守者臣面加獎勵紳士等均極踴躍自連次克捷賊匪膽落相距濬滑稍遠之處均屬寧謐堪以仰紓

宸厪

同日同興奏言竊臣於二十一日馳抵曹州沿

欽定平定教匪紀畧

卷六

八

途晚種高粱尙未刈獲不意其中竟有奸細潛窺當經拏獲審訊係密來探聽臣帶兵多寡消息者審明後卽行正法茲探得逆匪仍在附近曹定一帶分作三股聚於該境之牛家集何家樓髣山等處相距均不過六里八里之遙意欲聯絡聲氣以待官兵情實可恨臣現在分兵密布曹單兩城使賊匪不敢窺伺並於附近城武

嘉祥鉅野金鄉鄆城觀城朝城濮州魚臺等九州縣俱各添兵數十名聯絡防堵一面飛催在後各起官兵并續調青州駐防兵二百名趕緊前來以便相機兜剿仍俟兵力歇足一鼓撲滅惟所調官兵合計已逾四千後路糧餉最關緊要臣已先提司庫銀十萬兩委員解貯東昌應請

欽定平定教匪紀畧

卷六

九

勅派藩司朱錫爵駐劄東昌總辦一切軍需兼可鎮撫各處臣仍撥給所調登鎮兵五百名令其管領彈壓如有附近請兵之處隨時派撥以壯聲援並令該司於藩運兩庫再提銀三十萬兩帶往設立總局按款支發無誤供應
同日百齡奏言竊臣連次恭接
諭旨仰見

聖明厯念江境邊防

指示周密曷勝欽服臣隨即分別咨行江南提鎮迅

速分投帶兵前往防禦其壽春鎮總兵喀勒吉

善因

陛見尙未回任臣前已飭行署總兵陳均帶兵星馳

堵禦並咨會安徽撫臣胡克家一體移飭自己

遵照嚴密防守現據徐州鎮總兵沈洪呈報該

欽定平定教匪紀畧

卷六

十

鎮於十六日帶兵四百名前赴曹單一帶十八

日行至單縣地界差探匪徒聞風竄向西北金

鄉葦子坑地方焚掠該鎮因接奉

諭旨飭令挑帶兵丁一千名迎赴曹州一帶堵剿遵

卽續調官兵六百名派都司張佑溪程時霖分

赴曹單會合相機迎截等語查匪徒奔竄無定

前已至豐單交界之曹馬集距豐縣城僅五十

里因聞江境官兵前往防禦旋即竄回現在豫

東直隸俱有官兵追剿恐西北兵盛賊又折竄

東南徐州爲江境門戶民情強悍此時鎮臣已

帶兵前赴東境後路空虛自應亟以重兵策應

現在臣所調江寧鎮江各標營兵丁卽催令儻

程行走其淮安河標官兵六百名業已分三起

啟程適有病痊總兵樊雄楚聞知賊信來至清

欽定平定教匪紀畧

卷六

十一

江該鎮帶兵曾被礮震雖左耳重聽右耳尙聰

前在廣東隨臣辦理洋匪甚爲得力當令其會

同候補道毓岱先行管帶頭二起官兵馳往接

應臣亦卽帶同河庫道徐炳督率後起官兵前

進提臣烏爾卿額亦計日可至徐州伏思兵力

以分而見單北面豐沛一帶與曹單接壤路徑

分歧既無險要可扼而南面蕭碭地方因黃河

上游旁洩涓涓細流雖將渡船調泊南岸亦可
徒涉邊界路路可通安徽鳳臺宿州等處現據
報睢州漫水下注民情恐亦驚惶臣已咨會撫
臣胡克家將被災處所速行查明妥為安撫目
下情形既需彈壓饑民又需堵截逆匪以現調
之兵分布於沿邊要路及黃河南北兩岸安營
設卡仍屬零星恐勢不能聯絡臣通盤籌畫已

欽定平定教匪紀畧

卷六

十一

知會提臣於欽遵挑帶官兵一千名外另行挑
備二千名俟到徐後察探賊蹤如匪徒已迅就
撲滅併前次所調官兵亦可停止倘須續行添
調卽一面奏

聞一面調用不敢拘泥坐誤至應備糧餉等項先就
近於河庫酌撥銀兩遴派候補知府錢有序等
隨營核實經理無許浮濫仍知會撫臣朱理併

檄飭藩司慶保陳觀等另行籌備以資接濟

同日章煦奏言查日內溫承惠所調正定督標
兵丁已到大名提標宣化官兵已經過境續調
之兵亦計日可到頃接東明縣稟報賊匪有焚
掠裹脅良民向西奔竄者又據天津道稟報河
間景州一帶亦有邪教匪徒臣已飭令天津鎮
總兵祥啟在彼加意彈壓至保定省城時有謠

欽定平定教匪紀畧

卷六

十二

言臣惟處以靜鎮密派城守尉城守營暗為防
備夜間擊柝相望密傳軍號城外地方選派明
幹員弁扼要盤查形跡可疑之人商賈民情現
俱安堵其糧餉事宜臣與司道等連日籌畫預
備已有條理各州縣辦理過兵事宜一切車馬
等項均可應付無誤民情漸臻安輯

同日福長安奏言查河南滑縣教匪滋事前經

溫承惠馬瑜帶直省官兵四千名前往剿捕茲
臣接准溫承惠來文行令續派古北口四營官
兵五百名山永協官兵二百名三屯協官兵二
百名河屯協官兵二百名昌平營官兵二百名
石匣營官兵二百名共兵一千五百名令卽前
赴大名會剿賊匪臣案查從前進剿川楚逆匪
時附近

欽定平定教匪紀畧

卷六

丙

畿輔各營官兵派出較少恐近日逆匪林清不法
之案溫承惠尙未聞知臣固不敢貽誤軍務亦
不敢冒昧從事除檄飭照數預備外理合奏
聞均奏入

上諭內閣曰高杞奏濬縣賊匪經前次官兵殲擒數
千後餘匪竄回道口滑縣等處連日仍敢前來窺
伺該署撫督同色克通阿張拱辰陳弼帶領備弁

兵丁鎗礮齊發賊匪抵死抗拒官兵奮勇直前殲
斃三百餘人生擒六十一名奪獲騾馬器械甚多
搜出冊檔四本首頁開載有後天祖師林清字樣
提犯嚴審內蔡成功一犯衆賊呼爲蔡四大王其
偽職卽係林清所封濬滑一帶聽伊勾結調遣並
有被獲之徐夢林一犯亦受林清偽封宰相該署
撫於審明後卽將該犯蔡成功等臠割示衆等語

欽定平定教匪紀畧

卷六

五

高杞於馳抵豫省卽督率將弁奮勇殺賊生擒受
賊偽封之著名賊目蔡成功徐夢林等審明正法
並搜獲賊黨冊籍甚屬可嘉高杞著交部議敘濬
縣知縣朱鳳森經賊匪屢次攻城該縣守禦完固
並將城內奸細查拏正法以絕內應朱鳳森著加
恩賞加同知銜先換頂戴以示鼓勵

上又諭內閣曰山東現有剿捕賊匪事宜著二等待

衛文字馳驛前赴東昌會同藩司朱錫爵經理糧餉

上命軍機大臣傳諭溫承惠高杞同興曰本日據高杞奏稱潯縣賊匪經前次官軍剿散竄回道口滑縣等處連日仍敢前來窺伺該署撫督同色克通阿張拱辰陳弼帶領備弁兵丁鎗礮齊發賊匪抵死抗拒官兵奮勇直前殲斃匪徒三百餘人生擒

欽定平定教匪紀畧

卷六

十六

六十一名奪獲騾馬器械甚多又搜出冊檔四本首頁開載有後天祖師林清字樣提犯嚴審內蔡成功一犯衆賊呼爲蔡四大王其偽職卽係林清所封潯滑一帶聽伊勾結調遣並有被獲之徐夢林亦受林逆偽封宰相該署撫於審明後卽將該犯蔡成功等擲割示衆等語逆首林清膽敢倡造逆謀僞封官職四出煽惑今天奪其魄於禁門滋

事後潛匿近郊經步軍統領衙門差役緝獲現已

將該首逆廷訊處以極刑其附近從逆之著名各犯如陳爽陳文魁劉進亭屈四劉興禮李潮佐等犯無不按名弋獲悉予駢誅該逆犯家屬亦全數拏獲按律緣坐豫省又將僞封之著名賊目蔡成功徐夢林臨陣生擒駢首就戮刻下官兵四面兜剿賊氛不日卽可殄滅念各處脅從附和之衆本

欽定平定教匪紀畧

卷六

十七

係鄉愚被賊匪誘惑著溫承惠高杞同興於附近州縣村莊廣行出示曉諭以首逆林清倡立邪教圖謀不軌該逆黨奉若神明及破案時不過二三捕役卽刻鎖繫送獄身罹寸磔現將該犯首級傳往豫東一帶懸竿示衆可見鬼域伎倆不過自取誅滅現在滋事匪徒渠魁已戮悉皆喪魄亡魂不難尅期殄滅其無知鄉愚平日爲邪說所誘及臨

時被其裹脅者此時當深明利害自顧身家或能立時悔悟據實首明尙可貸其一死或先行解散各歸鄉里亦可概免誅夷若冥頑不靈始終從逆指日大兵雲集悉數翦除無能脫者禍福兩途惟其自取該督撫等多張告示如此明白曉諭賊眾中兇狡者必聞而股慄愚懦者必相率解散賊黨漸孤於剿辦當更易為力也

欽定平定教匪紀畧

卷六

六

臣等謹按聖王以仁育萬物以義正萬民二者相輔而成亦並行不悖教匪本一二莠民鄉愚椎魯之徒被其煽惑日久附和愈聚愈多迫乎焚掠所至又復肆意裹脅以致烏合之眾實繁有徒使欲臨陣而區分之其勢有所不能使遂一鼓而殲滅之其情實亦可憫我

皇上軫念生靈不忍使之盡罹鋒鏑

特命督撫出示曉諭開其悔悟之門由是陷賊者既

獲自新從賊者亦希倖免趨避之下曲布

仁恩解散之餘遂孤賊勢轉瞬

王師大集掃蕩摧枯怙惡之流胥歸洗蕩惟

好生所以成廣大之德惟不殺乃以集

神武之勲也

欽定平定教匪紀畧

卷六

九

上又命軍機大臣傳諭同興日同興奏逆匪現在附近曹定一帶分作三股聚於該境之牛家集何家樓髡山等處該撫一面飛催在後各起官兵并續調青州駐防兵二百名仍使兵力歇足以期一鼓撲滅等語賊匪滋事已越旬餘現在河南濬縣等處賊匪經色克通阿等殲擒千餘名又本日據高杞奏伊於二十一日抵濬縣次日即親督弁兵打

仗破賊三百人生擒賊六十餘名并將其著名賊目蔡四大王等擒獲正法兵威頗振已有旨將高杞交部議敘同興於二十一日已到曹州此數日內所調官兵亦應到齊著卽督同將弁將屯聚賊衆迅速剿捕勿任賊勢散漫致延時日爲要其所請令朱錫爵前往東昌辦理軍需一節刻已降旨派文孚馳赴東昌會同朱錫爵經理同興一面劄知朱錫爵起身前往俟文孚到彼與朱錫爵議定章程交文孚駐劄東昌督率妥辦山東省城緊要卽令朱錫爵回省彈壓

欽定平定教匪紀畧

卷六

三十一

尙未回任令署總兵陳均先行帶兵前往分投堵禦並慮及匪蹤狡獪恐經直隸東豫官兵追逼折竄東南催令所調各兵儻赴徐州策應又知會烏爾卿額另行挑備二千名俟到徐後察看調用所辦俱合機宜該督到徐後務須督率官兵嚴密防堵毋使賊匪一名闖入江境如果探明賊匪被逼復行南竄卽應派兵迎截以剿爲堵總在該督相機酌辦俾匪蹤不至蔓延爲要

欽定平定教匪紀畧

卷六

三十二

彼時大營亦必相距甚近楊遇春逼賊東向正可與溫承惠將賊匪一鼓殲除再接再辦東省賊匪以次肅清毋稍稽遲

上又命軍機大臣傳諭章煦曰章煦奏現在籌辦一切情形其東明縣稟報賊匪有向西奔竄者現已諭令楊遇春迎頭剿辦至直隸保定河間一帶章煦務時刻留心相機鎮撫並督辦軍火糧餉各事宜毋稍缺誤該省探有豫東邊境情形仍隨時具奏

欽定平定教匪紀畧

卷六

三

上又命軍機大臣傳諭福長安曰京城逆匪林清滋事之案現將首夥各犯殲除淨盡附近畿輔各營官兵仍須留資彈壓未便多行調撥著福長安於溫承惠指派各營內揀派官兵六百名前赴協剿其何營應調若干名由福長安自行酌派

同日朱錫爵奏言據荷澤縣知縣葉肇柟稟報本月十一十二十三等日賊匪從曹縣安陵集竄入該縣境之畢家寨一帶經該縣武舉張燦章已革武舉馮廷光等先期聯絡十餘村義民千有餘人節次奮勇抵敵殺傷賊匪數百名餘匪逃竄並據荷澤曹縣金鄉等縣各稟報連日盤獲教匪奸細自十數人至二十餘人不等均已立予正法奏入報

欽定平定教匪紀畧

卷六

三

聞

欽定平定教匪紀畧卷七



九月二十七日庚寅

上頒示

硃筆盡心竭力仰報

天恩諭曰九月十五日之變史冊所無我君臣相率怠

玩於平時方罹此重罰幸承

天

欽定平定教匪紀畧卷七

祖垂佑雷厲風行大逆立誅餘邪漸熄若仍諸事怠忽

苟且依違是自作孽不可活矣只知私家為重國

事為輕誠昏愚之極矣有國然後有家國破家豈

能存保國斯能保家一定之理也為今之計密訪

以滌其源安良以杜其慝譬諸虎狼噬人焉能絕

其種類曳尾潛逃亦可網開一面矣以仁心化天

下尙有此等逆徒若專事殘暴禍不旋踵而至

上蒼斷不保佑可不畏乎自今各思盡心竭力保國保

家平日恩怨勿借此有事之秋先圖報復先公後

私正心為主先本後末安民為急也邪教之起匪

伊朝夕操刀犯闕詭計有年州縣懼干處分隱忍

姑容養癰貽患至於如此試問地方大小官員何

國之人則曰大清國之人也問其祿則曰君上所

賜也問其職守則曰我不知也或曰與我何涉也

欽定平定教匪紀畧卷七

朕用是寒心況本無才德之主而庸碌者居半實

心保國之臣力不能敵深可悲也諸臣各盡乃心

各竭乃力辦實事與朕看庶幾仰答

天恩轉禍為福在此寸心耳勉聽朕言願同朕志特諭

中外文武知之

臣等謹案詩曰靖共爾位正直是與神之聽

之式穀與汝忠蓋可以獲福亮直可以蒙庥

此自然之理也夫公家之利知無不為而尸位素餐之徒苟且依違因循推諉奸不敢發弊不敢除任滋蔓之難圖致養癰而不悟蓋其於國家休戚漠不相關彼固以為全軀保妻子之謀莫是過也而不知心不盡力不竭欲望

天恩之垂佑得乎我

欽定平定教匪紀畧

卷七

三

皇上洞觀錮習

頒發訓言

諭以轉禍為福之機

勗之先公後私之義使大小臣工人人正心修慝善

承

天貺而

綱維主宰更明

示之以仁心化天下一言蓋本

具蒼生物之心包含禍履所由

元氣彌綸中外禔福休休乎順氣之成象也

是日董誥等奏遵

旨查明九月十五日受傷身故之正黃旗頭等待衛

那倫鑲黃旗護軍烏勒興阿勒福伊官太伊靈

大成太鑲藍旗護軍達克塔那內火器營鑲藍

欽定平定教匪紀畧

卷七

四

旗烏鎗護軍校得玉鑲黃旗蒙古烏鎗護軍察

普都爾扎布步軍統領衙門正紅旗滿洲步甲

代寧喜德內務府正白旗護軍校四德鑲黃旗

護軍恒慶金得福保常承德陞慶祥達寧阿披

甲安保慶福鑲黃旗匠役譚三格常昇滿昆增

福正黃旗匠役李老兒恒兒四小兒進保長德

正白旗匠役吉蘭泰德安吉林福亮鑲黃旗校

尉全福正白旗校尉永恒鑲藍旗漢軍武備院	弓匠六十五文穎館候選從九品供事倪大銓	蘇濤候選未入流供事戴杰及茶房李得共四	十一員名又受傷諸達觀定保鑲黃旗護軍校	雙喜噶隆阿護軍增林德貴哈靈阿富森布皂	德虔德保富成阿富通阿烏林布德楞額同春	德山噶隆阿鑲白旗護軍校海亮鑲藍旗護軍	欽定平定教匪紀畧 卷七 五	全祿內火器營鑲白旗副烏鎗護軍叅領雙德	蒙古烏鎗護軍阿木爾台正藍旗烏鎗護軍雙	泰步軍統領衙門鑲白旗協尉慶福正紅旗步	軍校福祿保正白旗委步軍校富桑阿正黃旗	步甲永存阿年太正紅旗步甲德祿高有鑲白	旗步甲德住伊爾七格富成正藍旗步甲周德	四爾良玉內務府鑲黃旗護軍叅領壽格護軍
--------------------	--------------------	--------------------	--------------------	--------------------	--------------------	--------------------	---------------	--------------------	--------------------	--------------------	--------------------	--------------------	--------------------	--------------------

校永格護軍郭陞阿正白旗護軍倂子鑲黃旗	披甲和尚清亮立住正黃旗候補郎中穆翰司	匠白達塞鑲黃旗匠役蘇住兒慶林正黃旗匠	役周狗兒正白旗匠役四兒正黃旗匠役常清	金常清鑲黃旗匠役劉套住正白旗蘇拉開泰	鑲黃旗蘇拉皂保正白旗蘇拉二格鑲黃旗蘇	拉德貴正黃旗校尉張普鑲黃旗校尉二格文	欽定平定教匪紀畧 卷七 六	穎館候選未入流供事張秉禮纂修官陶樑跟	役駱升內閣茶房李忠共六十員名分別開單	具	奏得	旨覽奏實深哀憫那倫等四十一員名俱照陣亡例	賜卹觀定保等六十員名俱照軍營受傷例給賞	同日董誥等會同刑部奏請將審明從逆太監
--------------------	--------------------	--------------------	--------------------	--------------------	--------------------	--------------------	---------------	--------------------	--------------------	---	----	----------------------	---------------------	--------------------

楊進忠凌遲處死病斃逆犯林四劉屍均梟示

得

旨楊進忠著卽凌遲處死林四著劉屍一併梟首示

衆

董誥等會同刑部又奏言查連日審訊逆案節

經步軍統領等衙門陸續解到犯証三百餘名

臣等逐加審訊除同謀逆黨及犯屬緣坐並僅

欽定平定教匪紀畧

卷七

七

止傳教各犯悉心嚴鞫分別定擬具奏外現在

研訊各犯內有自首之張大等四名口及無干

之董六等十三名均訊與逆案無涉相應奏

聞請

旨概予省釋嗣後京外各衙門有因形跡可疑陸續

解到人犯如果質對明確實與此案無干均請

照此辦理以仰副

皇上除莠安良禁止株連之至意奏入

上從之

九月二十八日卯辛溫承惠奏言連日探報豫省

之賊在滑縣及大伾山一帶分屯各處村莊不

時滋擾山東賊匪由定陶曹縣等處西竄欲與

豫賊合夥而直省長垣開州東明三州縣與東

豫連界之處時有匪徒出沒侵擾查大名所屬

欽定平定教匪紀畧

卷七

八

州縣皆孤懸於東豫之間東豫賊匪倘分股四

出搶掠蔓延則官兵被其牽制今東省匪徒陸

續向河南奔竄如果全入豫境三省正可合兵

會剿一鼓殲擒此時轉可不必防其竄合惟

所謂官兵因沿途車馬不敷行走尙未到齊並

接同興色克通阿來信東豫征兵亦未齊集

現暫住大名籌備後路及糧餉諸務一俟兵到

立即前赴開州該處距滑縣曹州等處均不過
百里屆時確探賊蹤卽行進剿

溫承惠又奏言竊照此次直隸長垣開州東明
三州縣被賊匪撲城騷擾均甚危迫各該境士
民於官兵未到之前奮不顧身隨同地方官晝
夜悉力抵禦俾城垣得免疎虞並於各村莊募
集壯丁共相保護殲獲匪徒餘賊不敢肆擾殊

欽定平定教匪紀畧

卷七

九

屬急公尙義 不敢壅於上

聞再 據各處探報有山東賊衆三千餘人已竄入
滑濬一帶獲犯審訊據供該匪等有欲行入山
之語查濬縣原附近太行山賊匪如果竄往該
處剿辦費手除再行札會高杞作速派兵嚴堵
外並防賊匪南竄渡河仰懇

聖恩勅下高杞祇遵辦理再奉

旨賞派火器營官兵一千名幫同剿捕該官兵向係
馬隊可否將所需馬匹一併
賞撥乘騎則出京到營更可迅速

同日同興奏言現在賊勢仍分聚於曹縣定陶
之各村莊聯結聲勢以待官兵各賊巢雖均聚
集千餘人及數百人不等其中被其裹脅者甚
多 已遍行出示曉諭准其及早投誠予以生

欽定平定教匪紀畧

卷七

十

路庶賊黨易於渙散并據運司劉清稟報鉅野
縣之田家集亦有賊匪經該縣王朝恩帶領民
壯百名於十九日夜前往搜捕殺死拒捕賊二
名拏獲匪犯李忻登等十五名內有一名馬朝
棟卽係曹縣戕害縣官姚國旃之犯訊據供稱
該犯係金鄉人與長垣教首徐帽幹俱係同黨
伊卽係已獲張建木之婿於本月初十日各帶

刀仗聚集多人直入曹縣署中將知縣收害該
 犯上前割取頭顱並將婦女殺害而散並據供
 伊等俱奉滑縣卦主李姓為總當家其餘恫幹
 一犯已由曹縣回長垣該犯來探官兵消息等
 語現飭將該逆先行凌遲處死再將被獲之十
 四犯訊明分別辦理至_臣所調各兵到者已逾
 千名即可相機進剿第聞西南兩路直豫省皆

欽定平定教匪紀畧

卷七

十一

有兵到徐州鎮總兵沈洪亦已帶兵在豐單交
 界之劉家集堵禦若直隸東明長垣之賊由開
 州分竄東北則山東之濮州觀城朝城三州縣
 城孤兵少適當其衝該處為曹州後路更為緊
 要_臣現飭登州續調之兵截留二百名藉資堵
 禦其直省匪徒所供定陶邵舉人聚集滋事一
 節查東省前接荷澤縣葉肇柟稟報亦有滑縣

賊人供稱大頭目邵舉人之語今研訊獲犯皆
 不知其底裏現差精細標兵赴定陶一帶查探
 俟得實在姓名籍貫再行具奏至給事中陸泌
 奏團練鄉勇以代賑濟實屬堅壁清野之良法
_臣已通飭各屬勸諭鄉民團習技勇日給口糧
 加意經理並遵
 旨不許隨同打仗致滋流弊

欽定平定教匪紀畧

卷七

十三

同日察哈爾都統貢楚克扎布奏言竊_臣欽奉
 諭旨乾卦頭目華姓現在宣化府地方著即選派妥
 幹員弁前往密訪捕拏毋任竄逸勾結等因_臣跪
 讀之下當即密派妥幹員弁改裝分路前往宣
 化府屬一帶地方令其不動聲色設法購線嚴
 密訪拏並密札宣化鎮府一體躡緝倘有拒捕
 情事_臣即親自帶兵前往剿捕均奏入

上命軍機大臣傳諭溫承惠曰豫省之賊現據探報
尙在滑縣及太伾山一帶分屯山東賊匪由定陶
曹縣等處西竄將與豫賊合夥而直省長垣開州
東明三州縣與豫東連界之處時有匪徒出沒滋
擾現在三省邪匪聚集交界處所該督當會集官
兵確探賊蹤相機進剿前挑備健銳火器營官兵
各一千名分赴河南山東協剿嗣因京城有賊匪

欽定平定教匪紀畧

卷七

五

突入禁門之事京營勁旅未便調發多名外出已
降旨暫行停止本日特降諭旨另調吉林黑龍江
官兵各一千名令其前赴軍營協剿並調派察哈
爾馬匹令該官兵騎往於剿捕自更得力但該處
程途寫遠到彼尙需時日該督不得因有此旨曠
日坐待當速催直省現調官兵迅速來營兵力一
齊尅期進剿不可遷延時日至該督所奏訊據賊

探供稱該匪等有西竄入山之語衛輝地方毗連
太行山已降旨諭知衛輝派令總兵張績帶領官
兵前赴潞澤一帶山外嚴行防堵該督此時已逼
近賊巢當督率弁兵奮力剿賊務期一鼓殲除早
奏捷音

上又命軍機大臣傳諭同興曰據同興奏鉅野縣知
縣王朝恩於所屬田家集地方殺死拒捕賊犯二

欽定平定教匪紀畧

卷七

五

名拏獲匪犯李忻登等十五名內馬朝棟一名訊
係曹縣戕害縣官姚國旃之犯現已先將該犯凌
遲處死等語該逆犯馬朝棟手刃縣官不法已極
今於竄逸後卽被拏獲予以寸磔可見該逆等罪
大惡極天理不容此等兇逆匪徒應手就獲天道
助順看來逆匪必可迅速剷平前曾挑備健銳火
器營官兵各一千名分赴河南山東協剿嗣因京

城有賊匪突入禁門之事京營勁旅未便調發多名外出本日已降旨另調吉林黑龍江官兵各一千名並調派察哈爾馬匹令該官兵騎往於剿捕自更得力但該處程途寫遠到彼尙需時日該撫不得因有此旨曠日坐待轉致子賊以暇得肆其勾結奔竄之計該撫所調官兵到齊者已有千餘卽當相機進剿賊匪烏合之衆裹脅者居其大半一經接仗卽紛紛逃避其抗拒正賊諒必無多該撫當思一戰成功不待吉林黑龍江官兵到彼已將全境肅清方爲實心任事之大臣至前經降旨飭拏之李萬成宋躍濇二犯現尙伏而未動該撫派人往拏不可稍動聲色卽如首逆林清係賊匪總頭目所有禁門滋事及滑縣等處匪徒皆由伊主使調撥該逆犯潛匿京城附近宋家莊經步軍

欽定平定教匪紀畧

卷七

五

統領衙門遊派把總一員帶同眼目一人番役三人登時掩捕並未稍借兵力今李萬成宋躍濇等犯在東昌德州潛匿該撫當遵派曉事員弁密同地方官查探確蹤出其不意猝然擒拏自不能逃遁切不可稍涉張皇致聞風免脫或糾衆拒捕辦理又形棘手現據該撫奏稱曹定匪徒人數雖多被脅者衆已出示徧諭令其及早投誠予以生路所辦甚是該撫於臨陣對敵時飭知領兵將弁如係白布纏頭及腰繫白巾持械抵禦之賊卽痛加殲戮若脅從之衆或降或竄不妨網開一面不可妄殺被脅良民使其無路可歸轉與賊衆結成死黨至接仗之時匪徒蜂聚毫無紀律其器械不全所最畏者火器官兵宜令鳥鎗在前迎頭轟擊自能所向克捷但當於賊匪臨近鎗力可到之處始

欽定平定教匪紀畧

卷七

六

行打放並嚴禁鎗口向高錢糧虛發方能發必中的賊衆一經鎗斃無不轉身奔逸再令弓箭刀矛併力齊施何難一鼓殲除該撫若能剿殺多賊得有大勝仗卽由六百里馳奏但不可以少報多以輕報重蹈從前軍營陋習卽保奏出力人員亦當擇其打仗立功實係奮勇者核實保奏無稍冒濫

欽定平定教匪紀畧

卷七

十七

山東賊衆三千餘人竄入滑濬一帶拏獲賊犯據供該匪等有欲行入山之語現札會高杞派兵堵禦等語河南衛輝西北附近太行山與山內澤州潞安兩府地方在在毗連該處山徑紛歧如賊匪乘隙竄往剿辦更爲費手著衛齡飭知該處文武員弁先事團防凡卡隘處所悉留心堵禦大同鎮總兵張績久歷戎行派令選帶弁兵前往山外扼

要處所駐劄如有賊匪竄近卽迎頭剿擊勿令一名闖入山內

上又命軍機大臣傳諭那彥成曰豫省賊匪現在衛輝滑縣一帶屯聚衛輝迤西係懷慶洛陽接連陝州其迤北由彰德近接太行界連山西澤潞恐賊匪狡計百出乘間四竄那彥成接奉連次諭旨自已由蘭州起程著迅速行走帶領西安馬隊官兵探明賊蹤迎頭截剿前來毋稍稽遲

欽定平定教匪紀畧

卷七

十六

上又命軍機大臣傳諭貢楚克扎布曰華姓係賊匪頭目現尙伏而未動該都統派人查拏不可稍動聲色卽如首逆林清一犯係賊匪總頭目經步軍統領衙門遴派把總一員帶同眼目一人番役三人登時掩捕並未稍借兵力今華姓賊目在宣化府屬一帶地方潛匿該都統當遴派曉事員弁密

同地方官查探確蹤出其不意猝然擒拏該犯自不能逃遁切不可稍涉張皇轉致聞風免脫再本日因軍營需用馬隊已諭知喜明富俊調撥吉林黑龍江兩處官兵各一千名前往協剿該官兵等所騎馬匹長途行走恐致疲乏過京時必須更換著貢楚克扎布卽在該處馬羣內挑備騰壯者二千匹或再多備一二千匹約計吉林黑龍江兩處

欽定平定教匪紀畧

卷七

九

官兵將屆到京之時將馬匹押送到京以便更換切勿以疲瘦者充數致有貽誤

上諭內閣曰前經有旨令喜明富俊於吉林黑龍江官兵內各挑備一千名預備軍裝馬匹聽候調遣現在軍營需用馬隊著派德寧阿色爾滾帶領吉林官兵一千名蘇青阿達斯呼爾岱帶領黑龍江官兵一千名各騎本處馬匹卽速起程由京分赴

河南山東軍營協同剿捕所有沿途應行預備事宜著各該地方官妥爲籌備

上又諭內閣曰直隸長垣開州東明三州縣現被賊匪滋擾該處士民隨同地方官悉力抵禦保固城垣並捐貲募集壯丁於各村莊共相守衛士民急公尙義甚屬可嘉該三州縣連年收成本未豐稔茲又經匪徒滋擾深堪軫卹著加恩將長垣開州

欽定平定教匪紀畧

卷七

五

東明本年應完新舊錢糧并借給本折口糧倉穀等項概予豁免

九月二十九日

壬辰

上命工部侍郎護軍統領慶祥乾清門侍衛副都統桑吉斯塔爾帶領外火器營官兵五百名副都統長慶副都統積德帶領健銳營官兵五百名分起前赴溫承惠軍營協同剿捕

是日高杞奏言查賊匪經官兵於本月二十二日剿殺之後雖知斂戢然到處逼脅為數頗多滑縣雖已解圍而屯聚滑縣道口之賊不下二萬有餘附近村莊亦多潛匿滑縣距濬縣二十五里道口距濬縣十八里臣帶兵僅止二千除守營外實在打仗者不過一千七百名軍營左右前後俱有蠢動之機似此單薄之兵實未便

欽定平定教匪紀畧

卷七

三

分途率進為今之計惟當暫駐濬縣以待調齊各兵再行剿辦並懇

聖恩仍將格布舍所帶火器營兵一千名

勅令迅速來豫以資協剿

同日西安將軍穆克登布副都統富僧德額勒

金泰奏言竊臣等欽奉

諭旨挑派官兵預備赴豫協剿臣等遵卽於所轄五

千兵內挑派健勇馬隊一千名其帶隊官員擇其素歷戎行奮勉勇往之協領佐領等三十二員將應需馬匹軍裝火藥等項均已寬為預備一俟那彥成到西安時臣富僧德卽當帶領隨往臣等現又密派官兵一千名妥為預備設再有調動臣穆克登布額勒金泰等二人內當臨時酌定一人帶領前往均奏入

欽定平定教匪紀畧

卷七

三

上命軍機大臣傳諭西安將軍穆克登布副都統富僧德額勒金泰曰豫省賊匪現在屯聚滑濬一帶亟須兵力剿辦著富僧德卽將挑出馬隊官兵一千名帶領迅速馳赴河南滑濬一帶高杞軍營幫同剿捕其另備官兵一千名著穆克登布等挑選齊全并預備軍裝等項一俟那彥成行抵西安卽交與統率前赴河南督剿穆克登布與額勒金泰

應留駐西安鎮靜彈壓毋庸請赴軍營

上又命軍機大臣傳諭那彥成曰日本日據高杞奏稱

滑濬一帶屯聚賊匪約有二萬人其附近村莊尙

多潛匿豫省兵力單弱不敷剿辦現已有旨傳諭

富僧德先帶西安馬隊官兵一千名馳赴高杞軍

營幫同剿捕並諭穆克登布另派西安兵一千名

預備軍裝等項那彥成行抵西安卽自行統率續

欽定平定教匪紀畧

卷七

三

派官兵或添調綠營兵五百名一千名經赴河南

滑濬一帶相機進剿彼時溫承惠軍營亦近在該

處那彥成卽接受欽差大臣關防總統辦理

上又命軍機大臣傳諭溫承惠曰日本日據高杞奏稱

滑濬一帶賊衆屯聚約有二萬餘人此外村莊尙

多潛匿賊匪以裹脅爲事高杞奏報之數諒亦不

虛官兵若不趕緊痛剿則賊匪愈聚愈多豈不更

滋蔓延恐東三省官兵路遠不能卽到本日已特

派慶祥桑吉斯塔爾管帶火器營官兵五百名長

慶積德管帶健銳營官兵五百名星速馳赴溫承

惠軍營協同剿捕惟京兵馳突全資馬力著溫承

惠預爲籌備以便京兵到彼應用無缺至高杞衛

輝一路現已飛調西安馬隊一千名派該處副都

統富僧德帶往協剿同興曹州一路亦另派總兵

欽定平定教匪紀畧

卷七

四

沈洪管帶徐州兵一千名前往協剿三面官兵雲

集聲威壯盛溫承惠務當通籌全局鼓勵將士兜

圍逼剿將逆匪迅速掃除以慰廑注

上又命軍機大臣傳諭高杞曰高杞奏河南賊匪屯

聚滑縣道口者不下二萬有餘附近濬縣村莊尙

多潛匿現在兵丁僅止二千除守營外能打仗者

不過一千七百名衆寡不敵礙難輕進但兵貴神

速賊匪屯聚雖多大率皆烏合之衆裹脅者居其大半其中真賊有限若不乘勝痛剿則賊匪乘間擄掠愈聚愈多將來更形滋蔓昨已調撥吉林黑龍江馬隊二千名馳往會剿聲勢浩大賊匪自必膽寒今恐東三省官兵到彼需時本日又降旨由六百里諭令西安副都統富僧德管帶西安馬隊一千名星速馳赴河北濬滑一帶協助高杞西安欽定平定教匪紀畧卷七 五

距河北不遠兩旬以內定可趕到該撫仍先就現有兵力察看機宜乘勢進剿毋稍觀望現在溫承惠大名一路已添派慶祥等管帶火器健銳營官兵一千名前往共同興在曹州一路亦已添派沈洪督率徐州鎮兵一千名前往東北兩路皆有勁兵犄角高杞惟當鼓勵將士將濬滑一帶屯聚之賊迅速掃蕩一舉肅清佇望捷音以慰屢注

上又命軍機大臣傳諭百齡同興烏爾卿額沈洪曰現在山東賊匪屯聚于曹單之間同興以兵力未齊尙未進剿兵貴神速若不亟加剿辦則該匪等乘間裹脅愈聚愈多昨已降旨調撥吉林黑龍江馬隊官兵二千名交該處副都統德寧阿等帶往協剿但東三省路途較遠恐行走不能迅速前派徐州鎮沈洪帶兵一千名在江南山東交界防堵現在百齡已親往徐州一帶相機防禦著沈洪卽統領原帶兵一千名迅赴同興軍營幫同進剿同興處又添此一路兵力聲勢壯盛務卽親身督率向賊匪屯聚處所痛加剿洗毋再遷延觀望致令賊勢日張至江南邊界一應防堵事宜著百齡烏爾卿額會同籌畫確探賊蹤隨宜防堵勿使賊匪一名乘間闖入

上又命軍機大臣傳諭章煦曰昨經降旨派吉林黑龍江官兵二千名馳赴河南山東軍營協同剿辦現復據高杞奏稱濟滑一帶賊匪屯聚有二萬餘人此外村莊尙多潛匿恐兵力不敷剿辦等語除高杞一路已添派西安馬隊一千名前往協剿外本日復又派慶祥桑吉斯塔爾管帶火器營官兵五百名派長慶積德管帶健銳營官兵五百名馳赴溫承惠軍營協剿此項官兵係由城外起身分四起行走每起二百五十名其沿途應行預備車輛馬匹著章煦遵派道府大員督率地方官妥爲籌備務令迅速行走毋稍稽延

同日章煦奏言現在軍需緊要除藩庫存貯項下有三十餘萬兩可以借動遵旨截留各處解京銀兩外請再於長蘆運庫撥銀二

欽定平定教匪紀畧

卷七

三

十萬兩備用奏入

上從之

九月三十日已安徽巡撫胡克家奏言臣因豫省睢工漫口黃水下注亳州蒙城被淹親往勘辦撫卹起程時即聞直隸山東河南有賊匪戕官滋事之案飛咨署壽春鎮副將陳均挑選官兵速赴潁屬各交界隘口分布巡防并飭宿州營都司王金堂督帶弁兵駐守邊界茲欽奉諭旨嚴密堵禦遵即飛行署壽春鎮陳均挑足勁兵一千名帶赴潁亳一帶與河南交界處所分駐防守俟喀勒吉善回任移交欽遵辦理臣現在兼程行走由亳州一帶勘辦撫卹即親至宿州察看情形妥爲督辦期於防禦嚴密不使賊匪闖入奏入

欽定平定教匪紀畧

卷七

三

上命軍機大臣傳諭胡克家曰安省賴毫所屬地方
在在與豫省毗連鳳陽府屬之宿州接壤徐州亦
與東省密邇現在豫東二省賊匪屯聚濟滑定曹
一帶各路官兵四面雲集一經剿殺該匪等勢必
紛紛四竄該撫現飭知署壽春鎮帶兵一千名前
赴交界處所分駐防守本任總兵喀勒吉善已令
星馳回任該撫惟當督率地方文武各官加意巡

欽定平定教匪紀畧

卷七

三

防無令賊匪一名闖入境內安省賴毫一帶地方
民情素稱獷悍該撫當時刻留心鎮靜彈壓爲要

同日福長安奏言竊臣欽奉

諭旨著於溫承惠指派各營內揀派官兵六百名前
赴軍營協剿等因臣查古北口額兵二千六百五
十七名溫承惠前已派調一千名餘兵未便再
加徵調今擬派山永三屯二協兵四百名昌平

石匣兵二百名共計六百名飭交將備帶領前
赴軍營協剿奏入報

聞

同日山東布政使朱錫爵按察使劉大懿奏言
竊照金鄉等縣拏獲教匪崔士俊張建木等犯
先後解省審辦前經撫臣將崔士俊等七犯審
明先行正法恭摺奏

欽定平定教匪紀畧

卷七

三

聞在案茲臣等督同濟南府知府疑圖復提張建木
各犯嚴加熬審除張建木卽張建模入教傳徒
黨逆不法朱成珍聽從入教備知逆跡高毓藻
蘇華普李成先李百林李允和李照遠楊靄行
趙成元周廷林周拴等或習震教或習離教輾
轉傳徒妄布妖言該十二犯罪應擬斬均經恭
請

王命正法外其高繼遠卽卽添佑接充教首罪應擬

絞劉汝霖牛香姚體成李曰聚李傳信程振環

程振謨程中典李曰均李世剛李曰明張清先

賀書堂張淑標褚貴全李明魁周存保周體清

翟興貴周緒軒李允党高峻峯楊玉錦劉佞劉

五張文明王普仁靳清和張衡呂興周李敬修

李樂成李一祥李振柱楊凝楊麻三十六犯習

欽定平定教匪紀畧

卷七

三

教爲從應發新疆給額魯特爲奴現當邪匪滋

事之時應請從重一併絞決請

旨定奪其已故世習離卦教首高道遠之子高魁元

並發往烏魯木齊種地等因奏入得

旨高繼遠卽卽添佑著卽處絞劉汝霖牛香姚體成

李曰聚李傳信程振環程振謨程中典李曰均李

世剛李曰明張清先賀書堂張淑標褚貴全李明

魁周存保周體清翟興貴周緒軒李允党高峻峯

楊玉錦劉佞劉五張文明王普仁靳清和張衡呂

興周李敬修李樂成李一祥李振柱楊凝楊麻三

十六犯均著改爲絞決餘照所擬完結

是日刑部奏查明堵賊不力之各

禁門該班官兵分別定擬請

旨

欽定平定教匪紀畧

卷七

三

上諭內閣曰董誥等遵旨查明蒼震門東華門西華

門各該班官兵於賊匪突入滋事時不能堵捕分

別定擬一摺所議俱是各官兵值班禁門稽查出

入乃於賊匪闖入時不能抵禦擒縛任令突入禁

垣其罪甚重但其中亦有差別當賊匪突入東華

門時東華門官兵均會上前撲捕立將門扇扇閉

在後賊匪不得續入現在審訊逆犯搶入東華門

者不過四五人是該官兵尙知奮勇防守惟不能
捕禦淨絕究屬懦弱所有東華門該班之副叅領
雙福護軍校真武保雙全均著革職護軍巴彥圖
官紹傅森布泳怡布全泰崑崙保鐘安瑪達春雙
祥富清阿德克金布富克精額嚴喜那林均著責
革原擬發往吉林當差之處著加恩寬免其西華
門該班官兵若亦如東華門之奮力撲捕賊匪縱

欽定平定教匪紀畧

卷七

三

或闌入爲數無多易於擒殲亦可寬減其罪乃該
官兵等疎懈畏葸致賊匪擁進數十人之衆禁門
被賊先行關閉在內滋擾其罪無可末減所有西
華門該班之副叅領雙全護軍校達哈布著革職
護軍八十九忠貴德成富桑阿舒靈阿長慶春和
常年常保住長麟多隆武伊克敦布那清阿倭陞
阿那林保廣音額偉格海祿達興等均著革退並

照原擬先行枷號兩個月發往黑龍江當差至蒼

震門值班官兵切近內廷責任尤重乃不能竭力

抵禦致賊匪闌入二名本罪無可寬惟念人數衆

多概真重典朕心不忍所有蒼震門該班之副叅

領齊欽護軍校明崑堪明均著革職護軍福珠隆

阿富倫保鎖住關隆瑞長榮泰依靈阿凌住得勝

保岳得福保訥蘇肯海長均著革退原擬絞決著

欽定平定教匪紀畧

卷七

三

從寬改爲絞監候入於本年朝審情實

同日董誥等會同刑部奏審明現獲逆犯例應

緣坐之家屬陳有學等六十一名口將陳有學

等三名發往新疆給官兵爲奴陳馬氏等三十

七口發往省分較遠之福建廣東甘肅四川等

處駐防官員爲奴幼孩趙春兒等二十一名口

卽令各犯屬攜帶配所一併爲奴仍令各該將

軍都統等嚴加管束並聲明首逆林清及案內
謀逆各重犯陳爽等本支男犯均另行從重定
罪奏入報

聞

欽定平定教匪紀畧

卷七

三

欽定平定教匪紀畧卷八

十月初一日甲午高杞奏言臣於二十五日擒獲

賊探訊知賊衆因二十二日打仗喫虧欲於二

十六日前來報警共有八千五百人臣駐營濬

縣城外浮邱山上次早瞭望果見賊匪甚衆分

作三股一股似撲大營二股分爲左右兩路查

山下係民居空房有山上大路一條爲登山必

欽定平定教匪紀畧

卷八

一

由之道當卽暗設礮位以逸待勞賊匪距營四

五里遲疑良久見我營絕無響動直至山下蜂

擁前來臣親率撫標叅將張拱辰首先應敵色

克通阿叅將陳弼暨備弁兵丁各站牆接應俟

賊匪近前施放鎗箭前賊中鎗倒地後賊復蟻

附而來如此數次始行轉回藏匿山下空房我

兵勇氣百倍追殺下山殲斃六七百人維時左

右兩股之賊分途繼進我兵復加痛剿殺死二百人人生擒七十餘人奪獲馬騾鎗箭刀矛甚多餘匪四散奔竄時已昏暮未便遠追當卽提犯嚴訊內有穿白衣四人訊係小頭目一名王振林一名劉問禮均山東定陶縣人一名張惠一名富吉忠均滑縣人其餘白布裹頭俱是散賊伊等僉供此次糾集八千餘人分作三股

欽定平定教匪紀畧

卷八

二

大股是來打仗兩小股一襲大營一搶糧臺不料被官兵打敗所有八千餘人內有山東曹縣定陶等處三千餘人係頭目李第七邀來的至李第七在前督陣不知下落等語當卽概行正法又隨營糧臺設於山左城隍廟同時有賊百餘人潛赴放火經試用知縣梁直方試用吏目符芬帶領兵役閉門固守賊人爬牆進門梁直

方等督兵殺死數人用礮轟擊始散此次接仗不特將備兵丁分外奮勇卽隨營文職及夫役人等同心協力賊勢大形挫衄現在偵探逆蹤相機辦理至此次打仗兵丁間有受傷另容查明辦理其追殺賊匪護守糧臺官兵實屬加倍奮勇未敢壅於上

聞謹擇其尤爲出力者另繕清單恭呈

欽定平定教匪紀畧

卷八

三

御覽

是日高杞又奏言現在探得賊匪大股占據滑城直東二省被剿竄匪均集於此其餘另有兩大股分屯於濬滑之道口桃源二處而濬滑二縣附近村莊被脅從賊又難悉數臣駐營濬縣城外距滑城二十五里道口十八里桃源十五里官軍若徑剿滑城道口桃源二股卽可襲大

營而攻濬縣若剿道口桃源必須同時並舉又因兵單未能分剿近日孥獲賊匪訊知滑城之賊從未前來濬縣又據蘭陽封邱二縣稟報間有賊匪焚掠村莊黃河南岸亦有勾連竊發之機深爲可慮查溫承惠現已帶兵行抵開州若由豫省內黃前來濬縣計程祇百餘里臣俟與之合營可得兵六千人彼時分兵先剿道口桃源二股該匪必不肯輕棄滑城前來救援道口桃源之賊被剿後自必奔竄滑城然後一面分兵搜剿各村餘匪而以大兵直搗滑城庶可聚而殲旃不致逃逸臣已札會溫承惠並遣濬縣把總王起祿馳往導引訂其作速帶兵來豫會師進剿以期一舉蕩平再本月二十六日接據蘭陽縣知縣童泰初稟稱該縣北岸村莊間有

欽定平定教匪紀畧

卷八

四

欽定平定教匪紀畧

卷八

五

匪徒焚掠近有難民男婦二千餘名逃至渡口該縣量爲撫卹渡至南岸等情查賊匪行蹤詭秘該縣北岸村莊旣被焚掠此項難民二千餘人恐有匪徒混跡在內蘭陽至省僅隔一程倘致勾結滋事所關匪細該縣不察虛實率行濟渡現已嚴行申飭並飛檄藩臬兩司通飭沿河各屬此後卽實係難民亦未便擅渡南岸以杜竄逸

同日徐州鎮總兵沈洪奏言臣於九月十四日接據營縣稟報探聞河南滑縣山東曹縣定陶均有匪徒滋事臣恐匪徒潛竄入境交界地方亟宜戒備卽挑帶本標官兵四百名派令中營守備沈士魁押解軍火器械隨臣由豐碭一帶前往相機防堵茲於十八日途次劉家集接奉

諭旨令挑帶健勇兵丁一千名由南向北赴山東曹州一帶堵剿仰見我

皇上握算幾先曷勝欽服臣遵即飛調健勇兵六百

名補足一千名派令城守營都司程時霖蕭營

都司張佑溪分領由礪山豐縣二路赴曹單一

帶交界會合迎截臣即將親帶官兵四百名誓

紮劉家集防堵查江南山東接壤之處皆平原

欽定平定教匪紀畧 卷八 六

曠野臣相度地勢應於豐縣之劉家集首美集

渠家閣黃家店設卡四處礪山縣之楊家集馬

良集青花觀設卡三處沛縣之孟家馬頭胡陵

城設卡二處以上九處俱係要隘地方為山東

入江境要道上下相距不過二三十里聲勢聯

絡現於每卡撥兵六七十名至百餘名不等連

日探得賊匪尙在潛匿定陶荷澤曹縣城武一

帶滋擾聚散出沒無定山東撫臣兗州鎮臣皆

來曹郡尅日會剿一經重兵追剿尤當防其南

竄臣惟有上下巡防嚴密堵截現在督臣百齡

調撥各標官兵二千名前來徐州防守接應容

當相機進剿以防奔竄均奏入

上諭內閣曰高杞奏官兵在濬縣城外浮邱山上駐

紮賊眾因二十二日被官兵擊敗之後心圖報復

欽定平定教匪紀畧 卷八 七

輒於二十六日聚眾八千五百人潛分三股蜂擁

撲營經高杞督同參將張拱辰等首先迎敵色克

通阿參將陳弼帶兵接應鎗箭施發前賊倒地後

賊復來我兵勇氣百倍將賊匪殲斃六七百人其

左右兩股之賊分途繼進亦經剿殺二三百人生

擒七十餘人餘匪紛紛潰散又同時有賊百餘人

攻劫糧臺經糧員試用知縣梁直方更目符芬帶

領兵役奮勇殺追所辦俱好此誠

天佑國家事機順利賊匪諒可尅日掃除實深感謝高

杞督率有方前已有旨交部議敘俟續有勝仗再

行施恩叅將張拱辰超衆出力前經交部優敘該

員曾賞戴花翎著加恩賞給健勇巴圖魯名號其

單內保奏實在出力各員千總加守備銜鄧殿魁

著施恩以應陞之缺卽行陞用把總李錦著施恩

欽定平定教匪紀畧

卷八

八

先加千總銜以應陞之缺卽行陞用兵丁楊鳳得

李文錦陸文安萬清著施恩俱以外委用試用知

縣梁直方著施恩以知縣卽用仍加知州銜試用

吏目符芬著以吏目卽用仍加縣丞銜以示鼓勵

上又諭內閣曰據高杞奏蘭陽縣知縣童泰初稟報

該縣北岸村莊有匪徒焚掠難民男婦二千餘名

逃至渡口該縣全行渡至南岸恐有匪徒混迹在

內嚴行申飭等語難民被賊奔逃如果查驗確實

自應撫卹今黃河北岸正在剿賊緊要之時童泰

初不辨虛實率將二千餘人渡赴南岸實屬冒昧

童泰初著革職枷號河干並著高杞通飭瀕河州

縣實力盤查勿稍疎懈

上命軍機大臣傳諭溫承惠高杞同與曰高杞奏在

滑縣城外浮邱山痛剿賊衆一摺已降旨分別施

欽定平定教匪紀畧

卷八

九

恩矣本日又接高杞續奏酌籌剿捕機宜一摺現

在賊匪以滑縣爲巢穴另於附近之道口桃源二

處屯聚兩大股官軍若先剿滑縣之賊恐被牽制

自應先剿道口桃源兩處賊匪如奔投滑城正可

聚而殲旃現在溫承惠帶兵已至開州距滑縣甚

近著卽與高杞彼此約會將道口桃源之賊分投

進攻並緊防滑城救援之路伊等進剿機宜朕亦

不爲遙制惟當趁此賊匪敗衄之時督率直豫兩省官兵併力迅速進攻將賊匪兩面夾擊何處兵單卽分撥將弁協助由西北向東南逼剿使賊首尾受敵勿再擾及完善之地同興亦卽督率弁兵奮勇截剿同心合力三面兜圍自能一戰成功也再高杞摺內奏稱據蘭陽封邱二縣稟報該縣村莊間有賊匪焚掠現在黃河南岸亦有勾連竊發

欽定平定教匪紀畧

卷八

十

之機衛輝黃河南岸係歸德開封二府如有蠢動關係甚鉅溫承惠高杞均在河北勢難兼顧如一有警報溫承惠等卽飛速知會百齡胡克家就近派兵前來剿捕不必拘泥先行請旨一面飛咨一面奏聞可也現在未獲各逆李文成劉愾明徐安幟于克敬王學禮馮克善六犯均係傳教渠魁此內李文成徐安幟二犯尤爲最要尙有突入禁門

滋事之逆犯祝現劉第五二犯亦係林清手下大徒弟尙無切實下落者溫承惠高杞同興一體留心密行查緝一經拏獲迅速奏聞審明盡法處治上又命軍機大臣傳諭署直隸總督章煦曰現在未獲各逆李文成劉愾明徐安幟于克敬王學禮馮克善六犯俱係震卦教內大頭目又前次突入禁門滋事逆犯內有祝現劉第五二犯據獲犯供稱

欽定平定教匪紀畧

卷八

十一

係林清手下大徒弟現在查拏尙無切實下落該犯俱係著名賊目必應嚴拏盡法處治此內李文成徐安幟自係在滑縣長垣起事匪徒股內或潛赴直境勾結亦未可定其祝現劉第五二犯於滋事後或逃往直豫一帶投歸夥黨著該署督飭知地方文武員弁嚴密查拏勿任漏網再現在派往軍營之火器健銳營官兵一千名卽日起程及續

謂之吉林黑龍江兵二千名均由直隸行走已諭知帶兵大員沿途嚴明約束著該署督先期於經過各州縣村莊遍行出示曉諭以現在直隸長垣河南滑縣一帶匪徒滋事所派大兵直抵軍營剿捕逆匪以安良善所過之地秋毫無犯該民人等不得妄生疑懼自形驚擾該署督一面明白曉示俾各安堵如常一面飭令各州縣將應備車馬趕

欽定平定教匪紀畧

卷八

三

緊籌辦俟官兵到站迅速傳送出境勿稍稽緩

上又命軍機大臣傳諭沈洪曰昨有旨派沈洪帶兵一千名赴同興軍營幫同進剿本日據該鎮奏於江境要道設卡九處聲勢聯絡相通此時百齡已親赴徐州其江南邊界自能相機防禦現據高杞奏河南屢獲勝仗殲斃賊匪數千名溫承惠已馳赴豫省邊界併力會剿恐賊匪被直隸兩省官兵

剿殺亡命向東南奔突著沈洪隨時差探如有賊匪竄近卽帶兵分頭截擊其沿河一帶並著留心巡查勿使賊蹤闖入爲要

上又命軍機大臣傳諭河東河道總督戴均元湖南巡撫廣厚曰睢汎漫口工程自應尅期堵合但興舉大工必須鳩集人夫目下河北賊匪滋事地方距工次不遠難保無竄逸零匪涸迹其中現在該

欽定平定教匪紀畧

卷八

三

處購料維艱工次料採最關緊要該匪狡計多端設潛往焚燬或乘勢擄掠所關匪細著戴均元抵任後與廣厚會同籌酌現在先將漫口裹頭做好從容購料工次人夫無須太多擇附近村莊樸實可信者量爲雇募不可大意務須萬分留意勿墮賊計爲要

同日章煦奏言臣於二十八二十九兩日接據

大名道府東明縣來稟內稱二十二日東明城外有賊千餘人騎馬六十餘匹大車二十餘輛由李家營段家莊一帶行走均未滋事傷人有縣役改裝鄉民混入駭內探知賊匪甚衆俱名爲當家用坎卦旗號姓劉姓朱姓呂姓張不一又二十二日賊匪在滑縣長垣交界地方經大名協副將率兵追捕賊匪棄械奔逸又長垣迤東與東明相距不遠之李化字莊聚有千餘人焚搶村莊又探得長垣之賊有與賊匪交通之信看來賊匪尙在鴟張現在溫承惠馬瑜均至開州今又奉旨派德寧阿蘇青阿等帶領黑龍江吉林官兵二千名前赴軍營協剿賊匪皆在平原曠野之地得此馬隊圍攻較爲得力臣已轉飭沿途州縣妥

爲預備奏入報

聞

十月初二日臣那彥成奏言竊臣於本月二十四日辰刻欽奉

諭旨現在直隸長垣山東曹縣河南滑縣等處有賊匪滋事者卽馳驛來京候旨簡用等因臣遵卽趕緊料理定於二十六日自甘起程當經選帶涼州鎮總兵馬元西寧鎮總兵特依順保及勇敢得力將備千把共一百員名陸續前進至臣平

欽定平定教匪紀畧

卷八

五

日訓練督標精兵二千名茲擇其精壯可靠者五百名又挑選河州鎮得力兵五百名謹一面奏

聞一面飭令趕緊起程以資剿辦至陝省南山今年雨水過多地方雖極寧謐究不放心臣本擬借

巡閱為名前赴西安駐劄彈壓今董教增既署督篆朱勳署理巡撫查朱勳熟悉情形平素最為留心仰懇

皇上特降

恩諭將一切稽查撫輯事宜責成朱勳經理似為有益再

正在具摺覆奏間本日未刻復接奉十

七日

欽定平定教匪紀畧

卷八

六

諭旨著那彥成即由陝西取道探明溫承惠現在何

處徑赴軍營接受

欽差大臣關防等因 臣跪讀之下不勝感悚即於日

內星夜兼程由陝取道徑赴軍營兼程趨出潼

關即由孟津渡河赴衛輝府探迎溫承惠接印

任事再該處係平原曠野打仗得力全在馬隊

惟西安滿兵 臣前於巡閱時留心察看精壯勇

健者較少不能多派楊遇春近年訓練提標馬

隊兵丁鎗箭較嫻前楊遇春起身時先經挑選

三百名預備今再加挑選可得二百名合計可

得五百名若帶往軍營必能得力又楊遇春起

身時密行挑備固原精兵一千均未敢冒昧帶

往懇 臣代

奏 臣謹一面奏

欽定平定教匪紀畧

卷八

七

聞一面即派令畧陽營遊擊楊連仲鞏昌營遊擊丁

永安帶領此項兵丁迅速起程前往協剿並求

皇上恩施賞派巴圖魯侍衛一二百員即速來營會

剿更為得力

同日同與奏言 臣節次所調官兵現在陸續到

曹州府城者已有一千二百餘名若必待大集

兵力再行剿辦恐賊勢更張 臣與鎮臣陳廣寧

運司劉清詳慎籌畫必須三路兜剿方可得手
隨先期派泰安營守備劉大用帶兵二百名前
赴鉅野又派臨清營都司周添章帶兵一百名
前赴曹縣均以協防為名聽候調遣查曹州距
定陶四十里中有地名髡山賊探潛伏在彼其
附近定陶縣城或數里或十餘里俱有賊匪盤
踞村莊當於九月二十七日辰時揀派滿漢官

欽定平定教匪紀畧

卷八

六

兵五百名飭令萊州營叅將馬建紀濟南城守
營守備劉興隆並隨營千把外委等帶領前往
直趨髡山惟時運司劉清力請從戎極為勇往
臣飭令會同馬建紀一同帶兵剿辦午刻兵抵
髡山拏獲遊奕賊匪數人夥斃三人餘匪數十
人逃去該處樹木叢雜未敢輕進當在髡山劄
營畧為停駐一面偵探東南兩路均有賊匪屯

聚劉清馬建紀等立即分兵迎頭截剿東路賊

匪先出抗迎劉清馬建紀等將步隊分列各用

長鎗迎扎繼以馬隊衝突將士奮勇爭先銳氣

百倍弓箭攢射賊匪向東大潰官兵奮力追剿

生擒逆匪三十餘人殲斃一百餘人正在掩捕

之際南路賊匪千餘人亦放鎗吶喊前來劉清

馬建紀等督兵迎剿又殺死百餘名生擒四十

欽定平定教匪紀畧

卷八

七

餘人收獲騾馬器械甚多惟時守備劉大用帶

兵由鉅野西來正遇東路擊敗之賊迎頭截殺

殲斃在前賊匪多人生擒二十四人餘匪紛紛

竄入賈家樓佔據該守備率領兵丁立將樓房

燒燬燒斃四五十名所有零星匪眾現在竄往

韓家大廟現在官兵劄營髡山分差兵役探蹤

往剿此次計共殲斃賊匪三百餘人生擒八十

餘人官兵並未傷損一人實堪上慰

宸廬查韓家大廟距定陶八里距曹縣三十餘里現

在徐州鎮總兵沈洪帶兵駐劄劉家集距曹縣

甚近臣已知會該鎮即移駐曹縣兜迎堵剿更

為得力所有此次出力官兵俟詳查實在功績

再行具

奏再附近曹定各州縣旬日以來先後稟報擊獲

欽定平定教匪紀畧

卷八

三

逆匪共計二百一十一人其中有自認小頭目

者三十餘人經臣飛飭該州縣審明但係隨同

抗拒官兵搶掠居民者即予駢誅不稍寬貸

同日河南巡撫方受疇奏言查歸德府屬之商

邱縣與曹縣接壤虞城縣亦與曹單連界東西

綿亘二百餘里先經歸德府知府謝學崇與歸

德營參將得志籌議於存城兵內分派劉家口

及虞單交界之許家口各一百名駐劄防守郡

城存兵僅二百餘名當經率同商邱縣知縣錢

熙雇募鄉勇一千名並飭虞城縣知縣黃堂雇

募鄉勇四百名協同堵禦臣抵歸德後親自登

城鼓勵兵勇飭令該府又添募鄉勇四百名分

撥四門之外於通衢高曠處所晝夜巡查聯絡

內外聲氣並飭令文武晝夜巡防務臻嚴密又

欽定平定教匪紀畧

卷八

三

劉家口地方經該商賈自行團練鄉勇一千名

防範緣該二縣地方與東境曹單兩縣緊接本

有大河之險可恃現在睢州漫口下游河身乾

涸無險可扼而劉家口為曹縣東南大路尤係

豫省與皖江三省連界南通亳州東南通蕭碭

地方尤為緊要現在賊匪屯聚曹縣西北扈家

集約有二千餘人此外股數分歧四處焚掠雖

經總河派兵二百名並知會護撫飭令陳州營
派兵防護尙未到齊亟須迅速籌備臣昨取道
徐州見該處經督臣百齡調派督標河標等兵
在彼防堵聲勢壯盛在百齡熟諳機宜知徐州
各屬惟碭山與豫省虞城均係貼近曹單自必
派兵至碭山邊界防守臣思防兵駐紮全在地
勢扼要今江南防兵與其駐紮碭山虞城交界
處所莫若挪前數十里移至虞城及劉家口一
帶邊界駐劄既爲碭山屏障又將三省連界之
處扼住庶可無慮該匪竄入東南現已飛咨百
齡及徐州鎮沈洪酌量辦理

同日章煦奏言查此次兵差應付浩繁節次派
調車馬等項爲數甚多營馬本不足額現在騎
往軍營及經軍營調赴者不少兼之各本境亦

須防禦周備勢難再調轉瞬吉林黑龍江兵丁
過境皆須馬匹並應預備乘騎剿賊爲數更多
仰懇

飭發察哈爾等處牧廠孳生馬二千匹挑選壯口
輕者蓋用烙印分赴解直應用再索倫兵過境
尤須加意彈壓省中實無幹員可委並懇

欽差大員前赴良鄉至順德一帶督同委員州縣約
束更爲嚴整均奏入

上命軍機大臣傳諭那彥成曰豫東二省賊匪連日
雖據高杞同興奏報俱有殲獲但賊勢尙衆恐仍
未足深恃正在降旨飭令那彥成迅速行走前赴
軍營接印任事接據那彥成續奏之摺其所稱西
安駐防滿兵不能多挑一節昨已降旨令富僧德
帶領一千名先赴河北此時不可撤回其穆克登

布績備之一千名著卽停止那彥成請帶之甘肅督標河州鎮標兵共一千名既稱健勇可靠著卽帶往又有提標兵五百名兵威已形壯盛所請巴圖魯侍衛一二百員刻下京畿不甚安靜不能多派慶祥富蘭格布舍等先後共已帶有二十餘員軍營亦不患帶兵無人那彥成惟當遵照諭旨速由潼關徑赴河北勉力除逆安良以副委任俟行抵溫承惠軍營接受欽差大臣關防卽傳諭溫承惠令其專辦此一路大兵糧餉其所請選帶之總兵馬元特依順保等俱准其帶往

上又命軍機大臣傳諭同興曰此次東省官兵甫經與賊接仗將定陶縣附近匪徒殲斃三百餘人生擒八十餘名事機尙爲順利惟官兵殲擒之賊若果係兇狡逆犯得就誅戮自足以挫賊鋒如祇係

欽定平定教匪紀畧

卷八

五

裹脅老弱雖經剿殺於事無益而有害甚或官兵等貪功妄報將被難良民擅殺充數大乖除莠安良之意賊匪由東赴豫沿途並不焚劫傷人竟有收攬人心詭計倘官兵等濫及無辜則是驅良爲盜堅其從賊之心於全局大有關係該撫當嚴切曉諭帶兵將領認真剿賊勿蹈妄殺邀功之習自取罪戾此爲至要至該撫因賊衆現聚曹縣定陶之間令徐州鎮總兵沈洪移駐曹縣幫同剿捕所辦甚是沈洪久歷戎行者該撫卽傳諭該鎮令其帶兵與賊接仗該撫並督同東省官兵一同策應將賊衆由東南向西北剿殺刻下溫承惠大兵在西北進剿東省若將賊匪逼近一處則兩面夾攻使賊首尾不能相顧定可一鼓殲除萬不可令賊向東南兩面奔竄擾及完善之地致形滋蔓

欽定平定教匪紀畧

卷八

五

上又命軍機大臣傳諭百齡曰豫東二省教匪滋事江南安徽邊境在在毘連一切防堵事宜甚關緊要頃據方受疇奏歸德府之商邱虞城北界與東省曹單兩縣接壤現在賊匪屯聚曹縣西北扈家集約有二千餘人此外股數分歧四處焚掠等語百齡現赴徐州調兵防堵徐州之碭山與河南虞城山東曹單逼近卽日大兵進剿曹單之賊一經剿敗如向東南奔竄則商邱虞城在所必經刻下睢汎漫口河身乾涸無險可據惟劉家口爲江皖兩省通衢屏障豫省卽以保衛江南著該督相度機宜選派鎮將帶兵駐劄劉家口地方將三省扼要之區防禦嚴賊匪見前有重兵必不敢冒昧奔突沈洪所帶之兵已進至山東界內直逼賊巢劉家口駐紮之兵可在後壯其聲援是爲一舉

欽定平定教匪紀畧

卷八

五

兩得該督卽上緊籌備勿任賊匪稍有滋蔓上又命軍機大臣傳諭高祀方受疇曰現在匪徒滋事屯聚於豫省滑滑二縣及山東定陶曹單一帶溫承惠帶領大兵已抵開州同興在曹州防堵豫省現有高祀帶兵方受疇此時毋庸前赴河北軍營河南省城緊要該撫卽馳赴省垣鎮靜彈壓料理地方事宜督率沿河文武官弁扼要設卡實力巡防無令賊匪偷渡現已降旨將睢汎漫口暫行停工諭令藩司台斐音回省該撫督率該藩司等將糧餉軍火及撫卹災黎等事悉心妥辦其帶兵剿捕之事著專責成高祀辦理高祀連次得有勝仗自應趁此銳氣迅掃賊氛不可因本任巡撫到豫少存諉卸之見

欽定平定教匪紀畧

卷八

五

貢楚克扎布在該處牧羣內挑馬三四千匹預備
吉林黑龍江馬隊官兵到京更換之用該都統自
已妥爲預備著再傳諭該都統此項馬匹不必全
行解京卽先挑選臙壯堪勝馳驟者二千匹烙具
火印派委委員卽日解赴保定交與章煦收明以
備吉林黑龍江官兵過直更換該都統再挑臙壯
馬二千匹徑解京城約計十一月間吉林黑龍江

欽定平定教匪紀畧

卷八

五

官兵將次到京之前如數解到不可遲誤

上命軍機大臣傳諭盛京將軍和寧錦州副都統慶
惠曰現已有旨調派吉林黑龍江兩處馬隊官兵
二千名交德寧阿等四人分起管帶迅卽起程赴
豫協剿該官兵等自騎馬匹長途疲乏至大凌河
應須更換著和寧慶惠卽挑備臙壯二千匹在大
凌河預備俟吉林黑龍江兩路官兵到時將疲乏

之馬照數更換其該官兵等原騎馬匹卽留於大
凌河牧厰喂養

是日

上諭內閣曰現因河南滑濬及山東曹州有逆匪滋
事特諭慶祥等分帶火器健銳二營官兵自京起
程赴溫承惠軍營協同剿捕原以除莠安良俾得
早靖賊氛撫綏黎庶該官兵沿途行走務當恪遵

欽定平定教匪紀畧

卷八

五

軍紀秋毫無犯領兵大員尤當約束嚴明倘兵丁
有不遵紀律侵奪市販及互相爭鬪情事奏明責
革插箭示懲如竟有搶掠奸淫重情立即正法儆
衆若該管官約束不嚴或縱容徇庇別經奏聞必
將帶兵之員從重治罪不稍寬貸

上命軍機大臣傳諭溫承惠章煦高杞同興曰溫承
惠等調集直隸河南山東三省大兵分投剿辦其

江南陝甘各路官兵亦皆次第調發近日復又由京簡派慶祥等帶同巴圖魯侍衛多人統率火器健銳兩營官兵前往進剿尙有吉林黑龍江勁兵啟程在途卽日數萬王帥星馳雲集諒此烏合之衆何難一鼓殲除此內爲首逆犯以及黨惡抗拒之徒覆載不容自當一概誅夷不使一名漏網惟念真正賊匪本屬無多其裹脅良民被其逼迫勉

欽定平定教匪紀畧

卷八

三

強隨行若不爲區別全羅鋒刃大兵所到玉石俱焚於朕心實有不忍今朕特施寬大之恩凡有被賊裹脅入夥者如果悔罪投誠或聞官軍將至各自散歸或臨陣不敢抗拒自行投出者其從前陷賊之罪概置勿問官軍等不得妄戮一人地方官亦不得妄拏追問若伊等能殺賊自効將首逆及著名賊目或生擒來獻或割取首級投赴大營一

經驗明屬實則不但赦其已往之罪並當奏聞加以恩賞伊等具有天良轉禍爲福惟其自擇切勿迷而不悟久陷賊巢此朕保全良善之苦心若聞此諄諄誥誠猶不知改悔則是冥頑不靈自取誅夷罪在不赦以上諭旨著溫承惠高杞同興等均卽速騰黃於所在地方遍爲張掛曉示官軍接仗之時亦明白宣諭使賊黨聞風解散彼此離心而

欽定平定教匪紀畧

卷八

三

真正賊目亦必自相猜疑其勢日孤剿捕更易爲力再現在慶祥等分起帶兵由京起身隨後尙有吉林黑龍江兩處官兵次第進發此項官兵俱令直抵軍營剿辦賊匪沿途秋毫無犯本日已嚴降諭旨飭令慶祥等約束嚴明設有兵丁在徒滋事者按軍法懲辦章煦當這飭沿途州縣曉諭村鎮百姓各安生業不可因大兵過境妄涉驚疑所慮

地方多事之徒或有倡造訛言恐嚇百姓致令畏懼流徙者並著該地方官嚴行查察如有此等奸徒懲辦一二以儆其餘則人心自靖矣

臣等謹按師出以律故過師衽席之上救民水火之中市不易廛民皆安堵方無讐於除暴安良之義焉此次官兵圍剿滑城征調不下數萬京營勁旅及吉林黑龍江兩路官兵尤稱驍勇若非約束堅明嚴其節制則師行千里豈能無犯秋毫我

皇上於慶祥等帶兵起程時

訓誡丁寧

特頒條約又恐大兵過境居民易致驚疑復

諭令章煦於沿途州縣村莊遍爲出示安撫其有倡

造訛言者懲辦如律其後該官兵凱旋時聞

有攜帶子女之事

諭令查辦不稍寬假蓋安民和衆必本於禁暴戢兵
膚慮淵深洵足靖人心而肅軍紀也

上又命軍機大臣傳諭戴均元廣厚曰昨因睢州工
次與河北賊匪滋事地方相距不遠諭令將漫口
工程從緩辦理不必多集人夫尅期進占以昭慎
重茲朕再四熟思該處與賊氛甚近設所募人夫

欽定平定教匪紀畧

卷八

三

中潛匿賊匪或有乘間劫掠焚燒之事所關匪細
看來現在工程竟以停辦爲是著戴均元等督率
在工員弁將已做裏頭鑊護穩固毋任復有塌卸
其應備料物暫停採辦如已採運到工妥爲安置
或派撥兵役嚴加防守勿稍疎虞所撥工需銀兩
陸續解到俱令實貯開均藩庫毋庸存留工次致
有疎失台斐音卽回省幫同方受疇料理軍需彈

歷地方

是日江南提督烏爾雅額奏言臣欽奉

諭旨派赴徐州邊界防守並即選派將弁挑兵一千

名於九月二十四日自松江帶領起程馳赴徐

州駐紮防堵奏入報

聞

欽定平定教匪紀畧

卷八

三

欽定平定教匪紀畧卷九

十月初三日丙申

上頒示

硃筆報

天恩肅吏治修武備諭曰

天佑我國家迅雷除賊大逆立擒鎗斃踰垣之盜雨熄

舉火之謀餘黨全誅無一倖免朕遭非常之大變

欽定平定教匪紀畧

卷九

受非常之

天恩驚懼之餘益深乾惕敬同內外諸臣洗心滌慮盡

心盡職仰答

昊慈以迓承平之福念茲毋忘予之至願也奸民以教

誘人邪說充塞積有年矣直隸山東河南自督撫

至州縣豈盡龔督乎緣私心太重以致吏治不肅

也大吏待屬員明以奔競為才能暗以苞苴定高



下遇一公務彼此推諉各顧處分上下迴護所辦無實政所議皆游辭良知泯而利心深戀人爵而輕天爵小事吹毛以求逆大事養癰而貽患叢脞疲玩怠惰因循吏治之壞至今極矣逆賊竊視官庸吏玩至於如此有何畏憚顧忌乎始則歛錢聚衆官吏不辦終則揭竿肆逆官吏不知若非

天佑尙可言哉朕無知人之明乏馭世之才屢申勸誠

欽定平定教匪紀畧

卷九

二

徒費苦心依違遷就習與性成事前則漫無覺察臨事則張皇失措事後仍漠不關心皆朕不德之所致也諸臣各勉致君澤民揚名後世切勿視此殊諭又不領會相率頌揚具摺了事真不知朕之苦心矣九重臯應何等尊嚴八旗守衛何等雄壯豈有數十逆賊哄然直進官兵空手遮攔立被殺害皆由經年累月不修軍器弓無弦矢無鏃刀鎗

鈍敵火藥潮濕日前擊賊皆用瓦礫言之可羞軍威不振毫無紀律此皆管兵大臣之咎亦朕誤用人之過也逆賊盤踞京畿伏藏禁闈官吏廢弛兵丁怠惰軍器無用皆見慣之事是以大逆林清自六月至九月毫無顧慮公然布置勾結為奸竟無一人舉發誠怪誕之極矣近日言事諸臣可採用者立見施行留中不報者實不可行者也若顯斥

欽定平定教匪紀畧

卷九

三

其非又以朕為拒諫為君難至朕尤難為臣不易諸臣未必能留意體會亦太覺容易矣惟所

上天啟迪渺躬用股肱心膂之臣同心協力挽回汚俗

庶幾補咎於萬一耳特諭

臣等謹案安危治亂至無定也以為易而難者至矣以為難而易者至矣我

皇上宵旰勤求思艱圖易綢繆未雨惕若乾乾如戒

吏職之因循愆武備之廢弛慮奸民之萌孽

杜邪說之蔓延臣等祇稟

訓言敬宣

謨誥所以

申做在位者殆無虛日而邪說不除潛滋暗長奸徒

乘機構煽內外竊發始猶匿跡潛蹤繼且明

目張膽其所以毫無忌憚者何哉彼固知官

欽定平定教匪紀畧

卷九

四

司憤憤無有能覺察之人而軍實不修緩急

間更無可恃也內文武諸臣食祿於

朝豈不聞忠

君事

上之義顧乃尸位曠職盡成庸碌者其弊在於悠悠

忽忽不知圖治之難相率易視而已伏讀

硃諭明克艱之理揭制治之源

熙績亮工責之以股肱心膂之效孰敢不尊釋體會

痛自渝改以振刷其因循與

是日溫承惠奏言臣於九月二十九日行抵開

州查開州相距河南濬滑均不及百里連日探

得山東定陶曹縣一帶賊匪約不過千餘名欲

奔赴河南其豫省賊匪仍距滑縣城內並於老

安集挖濠固守濬縣道口一帶賊勢亦眾臣前

欽定平定教匪紀畧

卷九

五

調官兵五千名除撥赴長垣東明守城六百名

外其餘四千四百名現在約計十月初一二日

可到其糧運軍火鍋帳亦約于初二三可齊臣

卽與馬瑜等帶兵由濬縣一帶與高杞合兵剿

捕其績調提標官兵六百名同績調宣化鎮兵

一千五百名留資後路防範查山西潞澤所屬

壺關鳳臺陵川一帶山徑正與濬滑兩縣緊接

臣先經札商山西巡撫衡齡派兵一千名聽候調撥防堵仰祈

皇上勅下衡齡遵辦奏入

上命軍機大臣傳諭溫承惠曰豫省賊匪雖經高杞等連獲勝仗而賊勢尙衆且山東定陶曹縣一帶之賊亦欲奔赴河南必須趕緊痛剿迅挫賊鋒此時該逆屯踞滑縣城內並於老安集挖濠固守着

欽定平定教匪紀畧

卷九

六

來賊衆並無智慮祇圖苟延殘喘該督等將分屯道口桃源兩股之賊一經剿殺勢必奔聚一處正如釜魚阱獸自投絕地乃是我兵極好機會溫承惠所調之兵據奏本月初一二日可到齊四千四百名足敷進剿計刻下該督正與高杞會合進兵剿捕一戰成功朕竚待捷音之至溫承惠得有勝仗卽於訊取賊供時確查賊匪實在共有若干不

可以少報多亦不可以多報少彼時朕洞悉賊情各路續調之兵應行應止另有裁酌該督此時惟當一意剿賊迅速進攻期於滅此朝食

十月初四日酉

上諭內閣曰國家修明武備禁暴戢奸必平日紀律嚴明器械堅利方足稱干城之用近因承平日久漸就廢弛卒伍旣多怯懦軍器敝壞相仍一有緩

欽定平定教匪紀畧

卷九

七

急備禦全不足恃卽如前月十五日賊匪突入禁門者僅止數十人各處守門官兵不能立時擒捕甚至各門所備弓箭刀矛全係飾觀不堪應用尤爲可詫夫慎簡軍實器械爲先全在鋒銛堅利方能殺敵致果卽壯勇兵丁亦不能以徒手搏賊况恇怯之人加以朽敝之器何怪其臨事倉皇乎軍政若此不可不亟加整飭著兩翼前鋒統領八旗

護軍統領將紫禁城內例設各項軍器逐一查點
可用者若干應行修理補造者若干其各城門及
各堆撥例設軍器並各營應用軍器交八旗都統
副都統步軍統領及管理圓明園暨火器健銳營
大臣等一體確查據實具奏至遲在本月二十日
之外若遲延推諉耽擱不辦自行摘去翎頂議罪
具奏朕另簡賢臣辦理不患無人也並著武備院

欽定平定教匪紀畧

卷九

八

先查明該院現存各項軍器共有若干開單具奏
所有各處軍器殘缺不全者先將該院現存軍器
撥補再有不敷動項製造各該管大臣不得以籌
款爲詞遷延時日俟彙齊交工部等衙門確核需
項若干奏上朕發帑飭修勒限報完另派大員前
往查驗如有製造不精通融短缺等弊必將該管
大臣從重治罪各禁門經朕常時出入或間一抽

驗察有弊端該管之員難逃重譴軍械旣全管理
營務各大臣以時認真訓練務令步伐整嚴將士
相習庶軍政修明克副有備無患之意

是日貢楚克扎布奏言

臣欽遵

諭旨籌辦馬匹遵卽飛飭商都達布遜諾爾太僕寺
馬羣總管挑選臆壯馬四千餘匹定於十月初
六七日到口一俟到時臣同來靈詳加挑選將

欽定平定教匪紀畧

卷九

九

臆壯者二千匹先行押送進京計本月十九二
十等日可到吉林黑龍江兩處官兵過京足資
更換此外並多選馬一百匹亦交該總管押送
赴京預備挑補其餘馬二千匹於張家口外附
近牧放倘有需用之處令其迅速進京不致貽
誤至馬匹到京後等候官兵應請
勅下戶部照例支給馬乾俾資喂養奏入

上命軍機大臣傳諭貢楚克扎布曰此項馬匹前日
續又降旨令貢楚克扎布先擇臙壯者二千匹解
赴保定交與總督章煦點驗收明該都統即將先
解京之馬二千匹飭令速交保定其餘二千匹該
都統領於張家口外暫行牧放俟吉林黑龍江官
兵將次到京之先候旨調取

上又命軍機大臣傳諭章煦曰本日貢楚克扎布奏

欽定平定教匪紀畧

卷九

十

到遵旨籌辦馬匹一摺已降旨飭令先挑臙壯者
二千匹即日解往保定此項馬匹係備吉林黑龍
江官兵乘騎打仗之用該官兵由本處起身已令
在大凌河換馬一次到京時又已更換一次經由
良鄉保定一路馬力足敷不致疲乏所有解到保
定之察哈爾馬二千匹著章煦收明後酌量情形
派委員解往正定以南至順德一帶妥為喂養務

須加意防範不致疎失以便官兵到彼更換馳赴
軍營自更得力

十月初五日戊衡齡奏言伏查山西潞安澤州

二府屬與河南匪徒滋擾地方接壤臣恐有逃

匪竄入當經飭派巡防臣於九月二十九日先

准溫承惠札稱豫省拏獲匪犯據供有現欲入

山之語囑令派兵防堵臣當即飛咨太原鎮臣

欽定平定教匪紀畧

卷九

十一

祥泰派撥太原營兵四百名分駐各隘口實力
防範並添派將備會同潞安澤州二營及該府
縣分投照料其山僻小路俱用石塊樹枝層層
堵塞仍酌撥兵役防守其餘緊要大口十餘處
每處兵役民壯已有百數十名及二百名不等
並經札致鎮臣祥泰暫駐澤州府督率巡防茲
臣接奉

諭旨遵卽飛咨大同鎮臣張績於該鎮所屬各營內
選派弁兵一千名速赴太行山外與河南接界
扼要處所駐劄如有賊匪闖入卽迎頭剿擊盡
力防堵不使一名竄入奏入

上命軍機大臣傳諭那彥成曰連日據各處奏報賊
匪尙屯聚潞滑地方現在各路官兵漸次逼近恐
賊匪被剿情急向太行山一帶奔竄若賊匪竄入

欽定平定教匪紀畧

卷九

三

山內則搜捕又需時日已降旨令大同鎮總兵張
績帶兵在澤潞山外堵截那彥成由潼關一路進
發途次探有賊匪西竄之信卽迎頭剿擊毋任蔓
延其富僧德所帶西安官兵亦著飭令迅速馳赴
河北揚言大兵西來使賊不敢西竄並傳諭富僧
德知之

上又命軍機大臣傳諭衡齡曰豫省賊匪屯聚潞滑

一帶據高杞奏報連次多有殲獲現在溫承惠督
率大兵會合進剿恐賊匪被剿情急亡命奔竄入
山著衡齡再飛催張績帶兵星夜馳赴太行山外
河南接界扼要處所駐劄探明何處有賊匪竄近
卽迎頭剿擊勿稍疎虞

上又命軍機大臣傳諭章煦曰昨據軍機大臣會同
刑部訊出逆犯祝現於十五日滋事後逃回桑堡

欽定平定教匪紀畧

卷九

三

村十六日晚同劉進財卽劉喜兒裹帶乾糧由沙
河一路向東逃走該逆等與滑縣匪徒聲勢勾結
想必潛逃彼處但河南距京千餘里該逆中途乏
食或仍在直隸境內潛藏伏匿亦未可定又劉第
五亦係要犯至今尙未得其實在下落著章煦遴
派委員並密飭各地方官留心查緝毋任遁逸過
境又滑縣曹單匪徒知林清破案難保不潛遣夥

黨來京探信其鬼蜮伎倆慮人知覺必不肯成羣行走大約改扮裝服晝伏夜動三兩潛行該署督並飭知沿途地方官密派兵役逐處盤詰一有弋獲之犯訊錄供詞迅速具奏再昨經降旨將察哈爾馬二千匹解赴保定交章煦派員轉送正定順德一帶喂養待吉林黑龍江官兵到彼更換乘騎但思章煦所派不過文員數人帶領馬夫長途押送省南距大名漸近設有賊匪詭謀前來劫探亦不可不防現派候補總兵劉榮慶馳赴保定著章煦預挑壯健兵丁百餘名俟馬匹到省時交劉榮慶帶兵押送前往飭令該總兵沿途小心防範俟吉林黑龍江官兵路過順德一帶將馬匹給與更換該總兵卽隨同末隊馳赴軍營効力聽候差委同日胡克家奏言竊臣於九月二十三日欽奉

諭旨據逆犯林清供稱有坤卦頭目魏正中在安慶傳教著嚴拏務獲等因查匪犯魏正中潛匿皖境亟應剋期拏獲當卽選派妥幹員弁改裝易服分赴安慶所屬嚴密偵查該匪如有抗拒情事卽行派兵撲滅不任竄逸勾結別滋事端臣日內行近災區竊思安撫窮黎與防守邊界均關緊要臣現由潁上徑趨亳州查勘撫卹查亳州與河南鹿邑等縣接壤蒙城雖居腹裏亦屬要地太和阜陽霍邱三縣亦與沈邱新蔡項城固始等縣毗連道里遼濶必須扼要分防現令署壽春鎮臣陳均將所帶防兵在亳州蒙城太和三處駐紮聯絡聲勢其阜陽霍邱卽在潁州營酌量抽調並令各該縣團練鄉勇協同守禦臣布置停妥卽馳赴宿州查該處距豫東甚近兵

欽定平定教匪紀畧

卷九

十四

欽定平定教匪紀畧

卷九

十五

力單薄臣先經飛調遊兵營兵二百名調池州
營都司魏光德統領星赴協防足資防守奏入
報

聞

十月初六日紀同興奏言竊九月二十七日劉
清馬建紀等將定陶附近賊匪剿敗之後臣連

日探知韓家大廟馬家集兩處屯聚賊匪約有

欽定平定教匪紀畧

卷九

六

五六百人其餘附近小莊亦有藏匪隨飭該員
等約定三面進兵都司周添章帶兵自南迎擊
劉清馬建紀等分帶馬步軍士由北兜轉分路
進攻賊匪見官兵掩至蜂擁抗迎馬隊首先衝
出繼以鎗箭弁兵奮勇爭先立即殲除在前賊
匪百餘人賊衆奔潰官兵四路追剿共斃賊匪
四百餘人生擒十餘名隨即揀派滿漢奮勇官

兵六百餘名分爲兩隊於三十日五鼓統領前
進將韓家大廟四面圍定先派馬隊衝突入莊
繼派步隊次第前進按戶搜尋共拏獲賊匪一

百八十餘名又於村外拏獲該處教首趙文祿

一犯審明分別正法據臣派往飭查之備弁回

稱該逆匪並無紀律亦無技勇間有馬匹亦不

能馳驟一經官兵發喊即時驚墮其被脅之人

欽定平定教匪紀畧

卷九

七

一見官兵即將刀仗拋棄拚命奔逃並有脫衣
跪地者現在剿殘零匪俱逃往曹縣之扈家集
等語又據兗沂曹濟道熊方受稟稱是日亦帶
領兵役於曹縣城外搜獲賊匪六名內有蔡五
言一犯係著名逆匪蔡五倫之弟據供蔡五倫
因糾約人衆不齊已潛奔滑縣又據鄉民王世
俊趙第二拏獲蕭保卽偽號蕭二大王一犯臣

連夜究問實係定曹滋事後在蕭家廟當家之首逆均卽分別正法查扈家集毗連之處尙有安陵集乃直隸東明山東曹縣荷澤三處交界之所探問該處藏賊不少距曹州府城僅四十里臣當派遊擊五達色帶馬兵三十名發給解散脅從並懸賞購賊告示數十張帶往粘貼藉以偵探據五達色回稱馳抵該處見係土堡周圍約五六里舊有四門俱係缺口並無門扇已用荆棘堵塞不能進入居人在內呼之不出該遊擊隨將告示擲給而回旁有小阜登望見牆內站立之人甚多是否賊匪無從辨認附集一帶小村多有被燒之處問之居民俱有懼色不敢指實看其情形自係由定陶韓家大廟馬家集一帶逃伏於此者現在四面有兵該匪等必

欽定平定教匪紀畧

卷九

六

不敢大夥竄出趁此聚匿之時正可設法辦理臣現已密札溫承惠卽派員自東明由西北向東南又派定陶之兵由東向西臣自曹州督兵自東北向西南約定日期一鼓攻圍卽可撲滅現在曹屬荷澤定陶曹縣鉅野鄆城單縣城武濮州觀城朝城范縣等十一州縣臣先已按其遠近形勢各派兵一二百名屯劄並令該州縣添雇民夫協同防守鉅野及濟寧金鄉派出尤多是以賊匪在曹定一帶村莊聚集不敢向東奔竄今曹定二處巢穴已破脅從潰散官兵再不予以暇趕緊搜捕實不難計日肅清惟官兵每出無不大勝臣深恐將士驕慢輕視若偶一失利則賊膽又壯現在時刻訓誡務令謹守戒懼二字俾軍威丕振羣匪落魄至旬日內除

欽定平定教匪紀畧

卷九

九

陣前伏誅者不計外各處兵役捕拏之教匪盤
獲之奸細及鄉民縛送之匪徒已有四百數十
人金鄉一縣卽有一百三十一名之多臣均核
其情節輕重分別辦理奏入

上諭內閣曰東省賊匪在定陶城外之韓家大廟等
處屯聚同興派運司劉清叅將馬建紀分路進兵
賊匪蜂擁抗拒官兵奮勇爭先將在前百餘人悉

欽定平定教匪紀畧

卷九

三

加殲戮賊匪奔潰復經四路追剿共誅賊匪四百
餘名劉清馬建紀二人復探明賊巢所在統領滿
漢官兵鼓勇前進四面圍定馬隊先行衝入步隊
繼進又搜獲賊匪一百八十餘名均在該處正法
並拏獲教首趙文祿及偽號蕭二大王卽蕭保一
併齣割示衆現在官兵乘勝逼向西南卽日與直
隸官兵會齊將餘匪一鼓殲除所辦甚好劉清前

在川省剿辦邪匪勇敢出力朕所素知現在年逾
六旬尙能率領將士親歷行間連獲勝仗實屬奮
勇可嘉叅將馬建紀當先剿賊奮勉出力劉清馬
建紀俱著交部議敘馬建紀若未經賞戴花翎著
加恩賞給同興督率有方亦著交部議敘

上又命軍機大臣傳諭同興曰同興奏賊匪等現當
被剿情急赴村莊聚匿該撫已密札溫承惠令其

欽定平定教匪紀畧

卷九

三

派兵自東明由西北向東南定陶之兵由東向西
該撫自曹州督兵由東北向西南約定日期爲一
鼓攻圍之計所辦甚合機宜該匪經官兵四面兜
圍釜底游魂諒不難剋期掃蕩該撫當督率將弁
奮勇爭先如能將境內賊匪就地殲除不令四散
蔓延捷音奏至必當優予恩施其所奏安陵集藏
賊不少差弁查探土堡居人甚多是否賊匪無從

辨認此一節該撫務須詳慎辨明村堡內聚處之人如係真正賊匪正可聚而殲旃不留遺孽若係逃避難民守堡自衛則斷不可冒昧誅戮賊以安人心為先此事關係甚重切勿輕率再此次滋事逆匪內李文成徐安福二犯最為首逆該撫於進剿時必須留心查緝如能擒獲盡法處治更足以彰國法而快人心此外尚有突入禁門滋事逆

欽定平定教匪紀畧

卷九

三

犯祝現一名現據訊明該逆於十五日滋事逃回桑堡村十六日晚同劉進財由沙河一路向東逃走該逆或潛赴東省投其夥黨亦未可定又劉第五一名亦係要犯至今未得實在下落著該撫一體飭知沿途州縣官留心查拏就獲速奏

十月初七日庚子溫承惠馬瑜奏言臣等於十月初二日調齊官兵四千二百名適接高杞知會

匪徒連次撲營雖用鎗礮擊退而賊眾兵單不能進剿現在道口桃源滑縣城內及老安集等處賊匪屯集甚多臣等自當速赴豫省先與高杞會剿滑縣之賊再行收復滑縣查滑縣在開州之西滑縣在開州之南相去均九十里而地形犬牙相錯由開州赴滑城西二十餘里即交滑縣地界臣等公同商酌必須顧衛直隸邊境

欽定平定教匪紀畧

卷九

三

由東北向西南攻剿以防入山隨於初三日由北台西至滑縣留固村該村北有沙窩障蔽匪徒便於潛藏臣等一面探哨前進當經擒獲賊探一名詢知該村果有匪徒二百餘人而逆西之梁莊集惡虎寨新寨均有匪徒數百人潛伏又西南七八里北湖南湖為匪徒巢穴臣等即先赴留固村搜剿詎該匪公然抗拒我兵截住

該村兩頭擲放火彈鎗箭齊發殺賊二百餘名
生擒二十餘名並無漏網因思梁莊惡虎寨新
寨三處相距均不及十里賊勢聯絡若不分兵
進剿恐賊匪彼此應援臣溫承惠隨囑馬瑜侍
衛額勒精額等及宣化鎮總兵音登額分兵赴
惡虎寨護軍統領富蘭侍衛伊勒通阿等分兵
赴新寨臣溫承惠督同侍衛蘇倫保副將舒凌

欽定平定教匪紀畧

卷九

五

阿等赴梁莊乘賊匪不及會合同時並集官兵
奮勇當先殺賊七八十名至百餘名不等餘匪
四散奔竄復查該一帶村內南湖北湖聚賊較
衆兩村相距三里不可不乘勝剪除復合兵一
處往南湖北湖進剿臣馬瑜等由村南富蘭等
由村北先行抄入臣溫承惠由中路繼進該匪
膽敢用大礮拒敵分路直前衝突我兵奮力截

殺愈形勇健又殲斃賊匪五百餘名共殺賊八
百餘名生擒一百餘名除係被脅良民及婦女
當卽釋放外其餘訊非著名頭目當卽正法奪
獲大礮一尊鳥鎗二桿器械旗幟無數賊匪約
有千餘人四散南竄時已昏暮官兵或分或合
已接仗六次轉戰二十餘里未便再行窮追隨
卽收兵於附近牡丹衛地方紮營查點陣亡兵

欽定平定教匪紀畧

卷九

五

丁二名受傷兵丁七名分別卹賞調養現探得
陰陽鋪下高村二郎廟一帶均有賊匪臣仍由
西北向東南知會高杞兩面夾擊俟續獲勝仗
再行奏報奏入
上命軍機大臣傳諭溫承惠曰溫承惠於本月初二
日調齊官兵統兵前進於初三日至滑縣留固村
地方先往搜剿殺賊二百餘名生擒二十餘名無

一漏網旋又查知該處附近梁莊惡虎寨新寨三處各有匪徒潛伏隨分兵進發將三處賊匪剿殺七八十名至百餘名不等又南湖北湖兩村爲賊衆大股屯聚之處該督復與馬瑜等合兵會剿斃賊五百餘名奪獲大礮鳥鎗器械旗幟無數餘匪四散南潰賊匪等屯聚莊村分投盤踞與滑縣之賊互相應援溫承惠一入豫境沿途轉戰二十餘里殲賊八百餘名生擒一百餘名初次進兵卽能得此勝仗軍威已振事機甚爲順利看來賊匪詭謀多於沿途村莊埋伏大兵若直搗滑城賊巢則匪徒抄襲後路以圖牽制溫承惠現由西北向東南進發其開州東明長垣所屬各村莊恐伏賊尙未能淨盡該督所統帶兵大員不少當一面嚴防後路一面帥師前進務使前後有備軍火糧餉不

欽定平定教匪紀畧

卷九

三

虞抄襲則乘勝轉戰而前不過數日卽可將賊匪逼歸一處一鼓殄除計該督奏報後又已三日高杞接到該督知會自己帶兵迎堵兩面夾擊必當大獲勝仗竚待捷音之至再摺內稱奪獲賊匪大礮一尊賊營內何由得此大礮有無鑄造年月及安設營分著查明附便具奏此次陣亡兵丁二名及受傷之兵均著咨部卹賞

欽定平定教匪紀畧

卷九

三

上又命軍機大臣傳諭那彥成日前據台斐音奏報九月十六日督率官兵將濬縣賊匪殲擒一千餘名嗣高杞於二十二二十六兩次又殲擒賊匪一千餘名據同興奏報二十七三十等日派運使劉清恭將馬建紀兩次殲擒曹定賊匪八九百名搜獲藏匿賊匪一百八十餘名本日據溫承惠奏由開州進兵於濬縣留固村及北湖南湖一帶剿殺

賊匪八百餘名生擒一百餘名官兵已連獲勝仗各處賊匪俱已披靡現在溫承惠在北高杞在南同興在東三面夾擊以漸逼近期爲一鼓殲除之計惟西面無重兵堵遏恐賊被剿情急亡命西竄太行山搜剿致需時日那彥成帶兵由潼關而來沿途差探賊蹤如有西竄之信卽擇路迎頭截擊不可令其四散蔓延高杞軍營近在西南一面如

欽定平定教匪紀略

卷九

天

高杞軍營緊要那彥成卽先與高杞會合再知照溫承惠接受欽差大臣關防而傳諭旨令溫承惠專辦軍火糧餉及撫卹難民事宜那彥成接印後督率將士將河南山東直隸三省交界之處所有滋事賊匪全數殄平各路大兵凱撤再行來京聽候擢用

同日

上諭內閣曰近日查緝禁城滋事匪犯業已捕獲殆

盡間有一二匪犯祇須購線查拏所有紫禁城外及九門暫設官兵應如何酌撤之處著軍機大臣會同內務府大臣步軍統領管理火器營大臣速議具奏

十月初八日

辛丑

上命軍機大臣傳諭欽差大臣那彥成直隸總督溫

欽定平定教匪紀略

卷九

天

承惠曰那彥成兼程行走刻下自己馳抵衛輝溫承惠現已帶兵前赴濬滑計日內卽可會面此次剿辦逆匪由京揀發健銳火器兩營滿洲官兵一千名帶兵之人多係滿洲大員及吉林黑龍江侍衛章京等俱不諳漢話溫承惠係直隸總督恐調遣約束不能得力那彥成現賞加都統銜本屬京職且係滿洲大員諳習清語著接受欽差大臣關

防總統軍務溫承惠昨由滑縣進兵業已得有勝仗辦理尙好著溫承惠馬瑜楊遇春俱同在那彥成軍營會同商辦軍務那彥成分屬總統溫承惠馬瑜楊遇春俱職同參贊所有奏報之摺著那彥成溫承惠馬瑜楊遇春四人一同列銜溫承惠等及高杞同興並受那彥成節制現在賊匪屢經敗衄大兵雲集趕緊再接一二仗諒賊勢必已窮蹙

欽定平定教匪紀畧

卷九

三

若賊匪亡命奔逃那彥成等卽率兵窮其所向其開州東明長垣在大兵後路恐餘匪不能淨盡溫承惠係直隸總督不必隨那彥成深入著於富蘭等員內酌帶一人並帶領直隸兵一二千名專在開州一帶嚴防後路就近搜捕零匪並督辦軍火糧餉及撫卹難民事宜那彥成等督兵前進亦可無後顧之患再接仗之時賊匪必係將裹脅難民

驅逐在前而真賊尾隨其後我兵若先用鎗礮轟擊則所傷者皆係難民轉不能將真賊痛加剿戮該大臣等當嚴諭帶兵將領先將難民解散專戮頭裹白巾手持器械之真賊則剿捕不致妄戮無辜而賊勢亦易於摧敗又此次滋事逆匪內李文成徐安幗及牛亮臣馮克善四犯俱係著名首惡不可一名漏網而李文成尤甚斷不可縱放至徐

欽定平定教匪紀畧

卷九

三

安幗現在開州附近藏匿必須密訪迅拏著那彥成等按名擒捕如將該逆等臨陣殲戮必須確有證據方足爲憑若能生擒弋獲卽擇其受傷較輕者派乾清門侍衛會同文武員弁嚴密鎖押小心防範迅速解京預備廷訊當盡法處治以彰國憲現在兵威已振事機極爲順利那彥成等當同心協力鼓勵將弁兵丁將匪徒迅卽掃除捷音一至

立沛殊恩勉之望之

是日熱河都統署河南巡撫高杞奏言臣兩經

督仗深知賊匪恇怯無能不過藉烏合之衆苟

延旦夕現在大股仍屯滑城及道口桃源等處

已屬膽落計窮不敢輕出附近封邱考城及蘭

陽北岸探係剿敗餘匪竄逸紛擾不過數十百

人節經營縣擒戮稟報已爲不少而黃河南岸

欽定平定教匪紀畧

卷九

三

間有蠢動之機臣查訪近日情形方知係本地

棍徒如紅鬍子之類藉端煽惑地方文武嚴密

防範可期寧謐倘果有竊發之處卽當恪遵

聖訓飛速知會百齡胡克家就近前來剿捕現在温

承惠一二日內卽可到濟臣當與温承惠等妥

籌全局分投剿堵至馬匹一項昨接温承惠來

札據稱疲乏應換臣當將南北兩鎮及撫標滿

營買回例馬五百餘匹先行截留以應急需再

衛輝郡城實爲南北咽喉一切糧餉軍火由省

城總局運至衛輝分局轉運賊匪屢來窺伺而

西界太行尤當防其竄匿茲湖南綏靖鎮總兵

海麟奏奉

諭旨留豫協剿臣當卽將所調兵內抽撥五百名囑

令海麟於衛輝府城外安營設卡駐劄策應至

欽定平定教匪紀畧

卷九

三

衛輝由淇縣宜溝而北爲十省通衢現在道路

肅清商旅寧謐其自宜溝至濬縣軍營計程五

十里尤爲糧運所必經賊匪時有出沒必須分

營駐劄以資控禦臣擬於宜溝至濬縣軍營擇

其要隘之處酌量設立營卡旣可捍衛彰德亦

以防護糧運而大道商旅並得安行無慮奏入

上命軍機大臣傳諭熱河都統高杞河南巡撫方受

疇曰滑滑一帶賊匪經高杞前次剿退後仍分屯滑城道口桃源二處高杞以兵單未能進剿現在温承惠已在滑縣境內獲有勝仗轉戰而前那彦成亦即日可抵軍營統兵前進諒賊喘不能久延高杞本係都統刻下方受疇業已接任該都統專辦剿賊之事著探明那彦成等何日進兵即率領豫省將弁前往會剿以冀速成大功其豫省地方應辦事件皆本省巡撫之事方受疇日內自已馳抵省城次第辦理其高杞軍營後路軍火糧餉以及撫卹災黎並沿河防守等事方受疇責無旁貸當督同台斐音等認真經理至黃河南岸間有土棍紅鬍子之類乘機煽惑務飭知地方文武各官嚴密防範倘有竊發高杞遠在北岸不能兼顧該撫即就近督兵擒捕並知會百齡胡克家合力堵

欽定平定教匪紀畧 卷九 五

禦其高杞所稱衛輝有糧餉總局且城外西界太行總兵海麟帶兵五百名防守並於宜溝要隘設立卡營以護糧運之處所辦俱合機宜著飭知該總兵等嚴密守備

同日

上諭內閣曰現在天氣漸寒所有查緝禁城滋事匪徒業已捕獲殆盡其紫禁城內外原留內火器營兵一千名著暫留四百名在午門東華門西華門神武門四處幫同該班護軍等防守稽查每門內外各派五十名輪班宿衛其餘六百名俱著撤歸原營

欽定平定教匪紀畧 卷九 五

是日董誥等會同內務府等衙門遵

旨議奏請將京城九門原添護軍驍騎等營兵先行酌減四百五十名其餘四百五十名同

禁城四門

景運門

隆宗門

蒼震門

啟祥門

順貞門

永康左門

欽定平定教匪紀畧

卷九

三

三所正門所添上三旗內務府護軍共一百十名

均暫留守護俟來歲春融一體裁撤其現在暫

留之內火器營兵四百名屆時一體同撤奏入

上從之

欽定平定教匪紀畧卷十

十月初九日壬寅陝甘總督那彥成奏言竊臣欽

奉

恩旨督辦軍務承

命祇懼夙夜籌維除馳抵衛輝會同楊遇春悉心商

辦外茲於途次採訪輿論并臣管窺所及擇其

尤緊要者六條奏呈

欽定平定教匪紀畧

卷十

一

御覽是否有當伏乞

皇上睿鑒詳細指示一籌辦三省防堵查此次賊匪

滋擾係在平原漫衍之區南有黃河北有滹沱

漳河惟將兩岸渡船嚴飭毋許傍岸則賊匪必

不能飛渡查河南之衛輝彰德為九省通衢商

賈絡繹文報往來似應留大員帶兵駐守以安

民心而山東濟寧運河一帶為糧艘經行之地

關係尤重臣行抵西安見四川提督多隆武據

稱現已奏請隨營該員曾任兗州鎮熟悉東省

情形又西安鎮閔俊烈係山東人打仗勇往臣

擬到營卽派該二員前往山東帶兵截剿仍請

勅下河督帶領河標之兵在正東徐州鎮帶本標兵

在南面兗州鎮及德州滿漢營各帶本營兵在

北面均於運河附近各處防堵一酌定進兵道

欽定平定教匪紀畧 卷十

二

路查溫承惠在大名一帶剿賊獲勝賊匪勢必

奔竄東境又聞高杞連獲勝仗之後因兵少力

單未能痛剿臣所帶各兵連日加緊催餉計月

半以前總可到齊臣自應由衛輝一路自西向

東兜剿俟西路肅清後再會溫承惠等合剿全

北面附近

神京實爲緊要溫承惠等自應駐紮未便窮追至

山東則數路進兵一切糧草應請

勅下同興上緊接濟以期無誤一請寬宥脅從查現

在從賊匪徒卽素日並未習教亦當誅戮其習

教而不從謀反者原情仍係良民臣斷不敢稍

存姑息之見但恐愚民因辦理過嚴致生疑懼

而首逆轉得借此搖惑伏乞

皇上明降諭旨凡習教而未經從賊者地方官不得

欽定平定教匪紀畧 卷十

三

因教匪滋事概與株連遍貼謄黃俾愚民免致

煽惑一請團練義勇查附近賊匪之區居民自

必各思保衛若卽勸令自爲團練到處聯絡則

官兵跟蹤剿捕團勇卽可堵禦民氣日盛賊膽

愈寒不致肆行擾害一請暫緩堵築漫口近聞

睢寧一帶河堤衝缺自應趕緊修築惟一經興

工卽需雇募多夫難保無賊匪混雜偷渡南岸

煽惑應請暫緩築堵仍令河督帶兵防護運道
一請普設粥廠查直隸山東河南今歲收成歉
薄乏食貧民裹脅較易若處處設廠煮賑饑民
有所依歸自可各安生業請飭地方官實力辦
理奏入

上命軍機大臣傳諭那彥成曰據那彥成奏陳各條
朕詳加披覽其言有甚是者有不可行者如第一

欽定平定教匪紀畧

卷十

四

條內所稱賊匪滋擾之處南有黃河北有滹沱漳
河將兩岸船隻不許傍岸則賊匪不能飛渡等語
那彥成未至軍營於現在賊匪情形尙未能深悉
豫東兩省賊匪屯聚之所總在濬滑曹定一帶毗
連直隸之開州東明長垣三處南距黃河尙近已
令將船隻停泊南岸嚴查渡口至漳河則距賊已
遠滹沱河則更在正定地方隔越順德廣平大名

三府相去數百里之遙豈能將船隻盡行停渡其
所請將多隆武閔俊烈二員帶往派令管帶山東
兵丁盡力截剿則所辦甚是此次剿捕賊匪山東
一路帶兵將領不能得力朕深爲厯念多隆武閔
俊烈二人朕素知其勇往卽令其馳赴山東幫同
同興帶兵奮力截剿則東面可免疎虞其東南一
面有沈洪在彼堵截並有旨諭令百齡派兵策應

欽定平定教匪紀畧

卷十

五

該大臣飭令多隆武等探明賊蹤迎頭截擊勿令
四散奔竄卽可逼歸一處痛加殲戮其所請河督
帶河標兵在東德州滿漢營兵在北於運河附近
防堵均可不必河標官兵素本輒弱德州兵自有
本汛地面均無庸紛紛調遣轉令各處居民徒增
驚擾其第二條所請於衛輝一路進兵自西向東
兜剿據聞高杞兵單先將西路肅清再與溫承惠

合剿所辦甚合機宜至所稱北面緊要應留溫承
惠駐紮不便窮追所見亦甚是昨已有旨令溫承
惠酌量情形帶領富蘭等在長垣東明開州一帶
嚴防後路並搜剿餘匪卽令欽遵辦理其第三條
請明降諭旨將習教而未經從賊者不得因教匪
滋事概與株連等語愚民習教甚多豈能概行誅
戮此時大兵剿捕原係專辦起事亂民並未指稱
欽定平定教匪紀畧 卷十 六
查拏邪教其平素未經習教而此時從賊抗拒者
卽在應誅之列若此時並未附賊止於平素習教
原不在誅夷之內但此事區別甚難朕聞賊匪偽
詐百出有日間貌爲良民而夜間隨賊搶掠者此
時不能明降諭旨顯爲剖判全在伊等飭令將領
官兵于接仗之時留心區別凡被脅良民散出投
誠者則賞其一死至持械抗拒者則盡殺無赦總

不許揚言邪教二字則百姓自不生疑懼地方官
亦不敢株連矣其第四條請辦理團聚義勇衛護
鄉閭此正堅壁清野之義非若招募鄉勇隨征致
有流弊前已降旨飭令直隸豫東三省一體妥辦
矣其第五條請暫緩修築河工一節目下賊氛未
靖雖工距河北甚近恐人夫混雜致有疎虞昨已
降旨停工那彥成能見及於此所慮甚是其第六
欽定平定教匪紀畧 卷十 七
條請設粥廠普濟饑民以杜賊匪裹脅則所見未
免迂濶三省歉收之處業經分別蠲緩賑濟至現
在糧餉緊急欲再於五六十州縣概添粥廠非徒
力有不能且事尤有所不可試思賊匪當滋事之
際隨處裹脅若將粥廠設於遠處則近賊地方乏
食貧民依然被其裹脅若設於近賊之處則賊匪
皆來瀆跡廠中愈可飽颺豈非藉寇兵而齎盜糧

乎此事斷不可行總之此時辦賊之法以剿捕迅速爲主近年國家經費不足那彥成豈不深知況平賊之後又有河工加以賑濟實屬拮据若日久遲延恐形支絀且賊匪到處焚掠戕害生靈若不早翦除則良民受其荼毒者益多目下天氣漸寒斷不可再有遷延以現在賊情而論雖據各處奏報及往來官吏皆言賊匪不過烏合之衆毫無

欽定平定教匪紀畧

卷十

八

伎倆但前此高杞同興所得勝仗或係於附近村莊殲戮零匪數百人或係賊來攻撲官兵奮勇擊退均不能進攻賊營卽昨日溫承惠於滑縣途次所剿賊衆亦係沿途剿殺尙未及大股賊巢那彥成身爲總統大兵現已四路雲集當探賊衆屯聚緊要之區併力進剿能一兩仗大獲全勝先將渠魁殄滅其餘散竄匪徒再以次搜拏則辦理迅速

可計日以待成功那彥成受朕厚恩今付以統兵重任惟當一意除賊安民凡軍營應行調遣布置各事宜果計出萬全卽迅速辦理正不必一一條陳請朕指示兵貴神速機宜朝夕不同往返遷延於事無益朕惟竚待捷音那彥成不可不勉之又勉也再節據同興奏報東省兩次剿賊皆係運使

欽定平定教匪紀畧

卷十

九

劉清恭將馬建紀二員帶兵獲勝總兵陳廣寧係帶兵大員總未親身臨敵殊爲可詫伊現在何處著那彥成據實查明如該總兵畏賊遷延卽嚴行叅奏其兗州鎮總兵員缺現有候補總兵徐錕在軍營効力卽奏請補授又前日據高杞叅奏河南蘭陽縣童泰初將難民二千餘人渡至南岸因其摺內奏稱黃河南岸亦有勾連蠢動之機恐奸匪潛往勾結該縣不加詳慎不得不嚴辦示懲特降

旨將該員革職柳號現在南岸並無蠢動看來童
 泰初所渡或實係難民此時黃河渡口稽查盤詰
 不能不嚴倘沿河文武各官因童泰初獲罪凡老
 弱難民一概不加撫卹全令被賊戕害殊覺於心
 不忍甚或迫而從賊所關甚鉅著那彥成查明黃
 河以南現無勾結蠢動情事即將童泰初先行開
 枷飭令該革員在河干幫同防守稽查如能認真
 出力再行奏請加恩開復

欽定平定教匪紀畧

卷十

十

是日未刻百齡奏言竊臣馳抵徐郡後先將已
 到之淮安河營官兵酌派分赴豐沛碭山扼要
 駐守臣周歷徐州城垣相度形勢該處地當南
 北通衢存兵無幾又無本營大員督率守禦民
 情甚為驚懼臣隨將陸續趕到之官兵派留二
 百五十名并飭令府縣添募安實鄉壯於郡城

上下內外密佈巡防復查有徐州鎮標告請終
 養之遊擊沙念聖久歷戎行當即令其督率訓
 練遠近居民均已照常安堵連日探報東省匪
 徒俱在城武定陶曹縣一帶村莊屯聚臣密行
 委員改裝潛入賊營探知匪徒所據之村莊大
 小不一接連橫亘約有四五十里晝出夜伏裹
 脅年壯有力者逼充頭陣又分遣匪黨赴各處

欽定平定教匪紀畧

卷十

十一

探路勾結臣於郡城安置妥協後即率同河庫
 道徐忻叅將馬濟勝戴文星帶江寧官兵六百
 五十名前往豐沛一帶察看情形與沈洪樊雄
 楚籌商剿堵之策適奉
 諭旨令沈洪帶兵一千名前赴東省與同興會合夾
 擊當即令該鎮率同原帶官兵於初五日迅速
 起程由西北單曹定陶城武一帶探蹤前進臣

諄囑該鎮恪遵

訓諭以剿爲堵不可繞道徑赴同興曹州軍營致使

後路賊匪伺虛南竄惟該鎮以一旅之師赴境

深入必須後有官兵緊躡方足壯其聲援臣現

又選派叅將馬濟勝挑帶健勇官兵二百名跟

接前進並遴派候補知縣劉鈐縣丞張景沂等

攜帶餉項照例酌備一月口糧俟深入鄰境後

欽定平定教匪紀畧

卷十

十三

再由各該地方支應臣竊思攻剿之機固貴神

速而守禦之計尤忌空虛江境豐沛蕭碭分列

黃河南北兩岸袤延五六百里如豐縣之劉家

集首羨集碭山之馬良集楊家集或東北面與

東豫錯壤或西南面與皖豫連疆形勢最爲衝

要此時沈洪業經撤兵他往烏爾卿額尙未帶

兵前來亟應就現有之兵先留分撥以備不虞

臣當令總兵樊雄楚叅將戴文星帶兵四百名

在鎮臣沈洪原駐之劉家集防守遊擊潘遇龍

帶兵二百名在首羨集防守並令徐州道王逢

源添募鄉壯協同照料遊擊楊昇帶兵二百名

在馬良集防守令候補道毓岱添募鄉壯協同

照料叅將奇里克特都司徐彬帶兵五百五十

名在楊家集防守派候補知府張丕昌協同料

欽定平定教匪紀畧

卷十

十三

理此係酌量兵數暫爲分佈其中兵單地要之

處甚多仍飛催提臣烏爾卿額帶兵迅速來徐

再行擇要添駐臣復通盤籌畫此時安徽穎毫

一帶被水各州縣半與豫省接壤民情强悍誠

恐乘間滋事昨壽春鎮臣喀勒吉善業經回任

路過徐城臣囑令該鎮速赴穎毫一帶實力堵

禦并令副將陳均暫在壽州彈壓查徐州所屬

之銅山睢寧蕭縣界在東南與安徽省鳳泗蒙宿等處亦均切近必須設兵扼要防護現將提臣

前次挑備官兵二千名內檄調一千名來徐俾

處處防禦有資以鎮災黎而固邊境又邳州黃

林莊宿遷白洋河等處逼近運道為漕船經由

之所亦關緊要先經臣派令河標遊擊邢洛書

馬為激各帶弁兵分赴兩岸巡防足資保護臣

欽定平定教匪紀畧

卷十

十四

現將各路設兵事宜部署完竣俟提臣到日詳

晰告知即趕回徐城駐紮相機調度再臣准方

受疇咨會以豫省商邱劉家口緊要令臣將派

守礪山之官兵量移防守查礪山縣迤西楊家

集地方係江境黃河南岸扼要之區該處距商

邱劉家口亦不甚遠本可遙為聲援今將楊家

集所駐弁兵酌量分撥在豫省虞城縣境內駐

防離劉家口更近仍歸派守楊家集之將領統

率稽查聲勢互相聯屬於江豫兩省邊防均有

裨益奏入

上命軍機大臣傳諭那彥成溫承惠同興日早間接

據那彥成條陳軍務各款正在降旨飭諭間未刻

接到百齡奏報據稱探聞東省匪徒俱在城武定

陶曹縣一帶村莊屯聚經該督密行委員改裝潛

欽定平定教匪紀畧

卷十

十五

入賊營探知賊匪所據之村莊接連橫亘約有四

五十里晝出夜伏裹脅年壯有力者逼充頭陣又

分遣匪徒赴各處探路勾結等語看來東省賊匪

尙多未見窮蹙現在豫省賊匪有那彥成自西面

帶兵前來溫承惠由北面轉戰又有高杞在彼夾

擊兵威壯盛賊匪一經接仗諒必潰敗但揆度賊

情潰敗之後斷不敢竄向西北惟東省守備空虛

同興一路兵力尙單沈洪亦祇一旅之師未足深恃江南豐沛一帶雖有百齡在彼防堵江省兵力輒弱亦恐堵禦不周若濬滑賊匪竄向東南則與定曹之賊合勢南趨恐山東江南完善之區又被其蹂躪辦理需時那彥成等總統師干當通籌全局四面兼顧現在那彥成所統帶兵將領甚多各處所謂之兵亦剋期雲集當分派勇幹得力大員

欽定平定教匪紀畧

卷十

六

帶領勁兵繞道由東南一帶先遏其去路約會同興由東向西逼剿使賊與西北兩路大兵相值則三面夾擊可期一鼓殲除該大臣等萬不可稍存畛域之見使賊趨向東南務審度機宜計出萬全爲要

上又命軍機大臣傳諭百齡曰賊匪在定曹一帶佔據村莊橫亘四五十里看來賊勢尙衆現在那彥

成已接受欽差大臣關防會同溫承惠高杞等由

衛輝一路進兵攻剿滑縣屯聚賊匪刻已飭知那

彥成等務須通籌全局勿專事西路一面進攻致

賊匪東竄并令同興在東省進剿務須由東面逼

賊西奔以收兩面夾擊之效百齡此時在徐州一

帶當悉力防堵現在沈洪已赴曹縣一帶當飛催

烏爾卿額迅速帶兵前來邊界協力防堵江境完

欽定平定教匪紀畧

卷十

七

善之區不可使賊匪一名竄入

十月初十日癸卯同興奏言查韓家大廟等處賊

匪經官兵痛剿之後紛紛竄赴曹縣扈家集附

近又有安陵集俱係賊巢藏匿最多恐其勾結

蔓延隨經

奏明知會溫承惠派兵由東明兜剿一面分差密

探偵明實在情形原欲會兵爲一鼓殲除之計

茲據探弁回稱該匪等因畏懼官兵有欲奔逃滑縣合夥之信查滑縣賊勢現已猖獗若此處再任竄往則滑縣賊匪又添羽翼必須剿捕以分其勢當卽飛飭運司劉清協領哈哈岱參將馬建紀由定陶帶兵攻扈家集之東都司周添章帶兵由曹縣攻其南臣由曹縣督飭副將寧德遊擊五達色帶兵攻其北俱於初四日子刻起程同時並發連夜疾走至黎明運使劉清等帶兵先到因該逆匪將集外四圍築起土牆牆外又砍伐樹株荆棘堆圈成寨約四五里極其厚密官兵到時該匪等卽鳴鑼聚眾各執刀矛直撲隊伍官兵當用排鎗攻擊該匪等退伏墻下官兵奮勇攻入刀鎗砍扎該匪等始猶抗拒繼卽避入屋內官兵搶入當用火毬拋擲趁風

欽定平定教匪紀畧

卷十

六

延燒火焰大起賊匪不能屯聚紛紛突出經官兵四面圍合鎗箭齊發剿戮無數其藏匿屋內者均被燒盡零匪向北奔竄馬隊隨後追剿值寧德五達色帶領官兵亦到迎頭堵截該匪等又復南奔正遇都司周添章領兵前來一路攔剿自辰至午共誅賊匪二千餘人生擒百餘人並據兵丁王吉昌吳奪魁擒獲偽副元帥王奇山一犯訊據供稱定曹賊首卽係扈家集朱成良朱成貴朱成珍等弟兄先本聽滑縣卦主李文成約會定於九月十五日從滑縣濬縣長垣定陶曹縣單縣城武金鄉魚臺濟南府省城一齊動手因朱成珍並城武縣之張建木金鄉縣之崔士俊等先後被獲該匪等糾約不及遂於初十日起事緣各處有備祇搶曹定二縣朱成

欽定平定教匪紀畧

卷十

七

貴於九月二十日被李文成喚赴滑縣並有頭目馮克善徐安欄劉欄明王學禮俱赴滑縣朱成貴臨行將扈家集老寨交朱成良及該犯看守等語究問朱成良下落據稱該犯親見朱成良在集外被官兵殺斃詰其山東境內除朱姓兄弟外尙有何姓頭目據供實祇崔士俊張建木朱成貴三人朱成貴現在滑縣崔士俊張建木已被拏獲等語當將該逆按律正法梟示現在扈家集賊巢已破惟安陵集尙有聚匪不少臣惟有督令得勝官兵剋日攻剿其餘附近小村不無潛藏剩匪臣已廣出告示諭以搜獻其賊立予重賞此次滿漢官兵人人奮勇兵丁受傷者不過十餘人俱不過重合併附陳奏入

上諭內閣曰曹定賊匪屯聚扈家集同興因探明該

欽定平定教匪紀畧

卷十

二十

匪等欲赴滑縣合夥管合運司劉清協領哈哈岱叅將馬建紀由定陶攻扈家集之東都司周添章帶兵由曹縣攻其南同興督飭副將寧德遊擊五達色攻其北同時並發初四日黎明運司劉清等帶兵先到該匪等鳴鑼聚眾各執刀矛抗拒官兵先用排鎗攻擊該匪等退伏牆下繼用火毯拋擲趁風延燒賊匪不能屯匿紛紛突出官兵四面圍合鎗箭齊發剿戮無數其藏匿屋內者均被燒盡零匪南北奔竄經寧德等堵截攔剿自辰至午共殲斃賊匪二千餘人生擒百餘人兵丁王吉昌吳奪魁擒獲偽副元帥王奇山一犯審明正法將扈家集賊巢悉行燒燬所辦甚好同興督率有方得有勝仗著加恩賞給白玉牌一個四喜玉搬指一個黃辮大荷包一對小荷包四個劉清前在川省

欽定平定教匪紀畧

卷十

三

軍營著有勞績朕所深知今年逾六旬且係文職能身率士卒直取賊巢殲賊多名實屬勇敢可嘉運司劉清著加恩賞加布政使銜卽換頂戴并賞給四喜玉搬指一個花大荷包一對小荷包二個叅將馬建紀奮勇出力著加恩賞給副將銜卽換頂戴并賞給四喜玉搬指一個其擒獲賊目王奇山之兵丁王吉昌吳奪魁二人著加恩以外委拔

欽定平定教匪紀畧

卷十

三

補并著每人酌賞銀數十兩以示獎勵發去瑤珞翎管十個松石搬指五個瑪瑙搬指五個皮搬指套十個著同興分賞出力員弁一兩重銀鏢二百個五錢重銀鏢二百個分賞出力兵丁叅將馬建紀協領哈哈岱如再有奮勇出力之處該撫另行保奏候朕加恩此外在事各弁兵等若有剿捕奮勉尤爲出色者著同興查明秉公據實保奏勿稍

冒濫

上命軍機大臣傳諭同興曰同興此次接仗將賊匪痛加剿洗聲威大振亟應乘此兵勢將安陵集屯聚賊匪一併殲除廓清東境賊匪本有與滑縣賊匪合夥之意今被剿窮蹙必向豫省奔竄那彥成温承惠等在西北兩面帶兵同興務將剿敗之賊匪由東南一路逼向西北卽帶領勝兵跟蹤追殺

欽定平定教匪紀畧

卷十

三

約會那彥成等併力夾攻以期一舉蕩平現在蘇爾慎帶領巴圖魯侍衛等四人俱已到營此數人皆可以一當百蘇爾慎尤出衆驍勇昨據那彥成奏派多隆武門俊烈二人馳赴東省帶兵該二員熟悉東省情形打仗奮勇該省添此得力將弁定可連奏捷音現在擒獲賊犯并著同興派員嚴鞠令其將夥黨賊目據實供吐一併查拏倘有要犯

潛匿京畿附近地方卽由驛奏聞以便迅速查緝再東省連次剿賊皆係運使劉清叅將馬建紀等帶兵前往獲有勝仗總兵陳廣寧係帶兵大員總未親身臨敵殊爲可詫如係該總兵畏賊遷延卽行據實嚴叅不可瞻徇廻護

十月十二日乙同興奏言竊臣於初七日將剿滅扈家集賊巢具奏後查安陵集聚賊尙多當

欽定平定教匪紀畧

卷十

五

同副都統蘇爾慎商定卽於初七日發兵派撫標遊擊五達色候補遊擊班金布青州副前鋒翼長伍爾滾佈等隨同蘇爾慎巴圖魯等帶領滿漢兵四百名又派叅將段琨遊擊胡報國都司李德帶兵四百名分兩路往剿臣隨督同副將福寧阿候補叅將那清阿帶兵三百名在後接應初八日黎明齊抵安陵集東北割住守備

劉興隆前往偵探途遇奸細五人騎馬而來當

卽殲斃兩名其三人飛奔回集蘇爾慎卽帶福

英阿色爾果善吉爾彰阿扎玉善並叅遊等官

躡蹤追抵安陵集該匪等放礮鳴鑼齊出迎拒

數百人捨命撲扎經官兵四面兜剿立殺二百

餘人該匪見官兵奮勇不敢迎敵紛紛逃竄適

副將福寧阿叅將那清阿領兵接應迎頭截殺

欽定平定教匪紀畧

卷十

五

蘇爾慎帶巴圖魯等緊追兜剿射殺甚衆餘匪均被縛獲乘勝赴附近之劉家崗等小莊五處搜捕當又生擒賊匪一百餘名此次共殺逆匪六百餘人生擒二百餘人奪獲騾馬六十三匹大小車二十二輛旗幟鎗刀線鎗三百餘件搜查該匪等家屬已先期逃去其餘良民及婦女等問明卽予省釋留段琨等帶本隊之兵在安

陵集紮駐同時據派駐定陶之叅將馬建紀稟報探有賊匪數百人大車數十輛馬十餘匹從滑縣潛奔定陶之郝家集因聞扈家集大巢已破仍欲折回奔逃該叅將馬建紀卽會同運司劉清協領哈哈岱分兵前往迎剿兩路夾擊賊匪捨命狂奔官兵追殺二十餘里殺斃賊匪四百餘人奪獲騾馬大車二十五輛並旗幟器械

欽定平定教匪紀畧

卷十

三

牲口甚多生擒賊目曹光輝射斃偽元帥袁興邦偽大將軍周姓均有白紬白布大旗直書該賊目偽職名姓現將曹光輝嚴審等情又據兗沂曹濟道熊方受稟稱都司周添章探知榮家菜園有賊營一處周圍用樹木環繞當卽率領兵弁分爲三路前進賊匪湧出拒敵官兵奮勇向前賊衆不能抵拒復奔逃至李家樓宗家堂

欽定平定教匪紀畧

卷十

三

兩處該都司等盡力窮追共斃賊三百餘人平燬賊巢三處各等語臣查東省官兵於初六七八三日內連破扈家集及安陵集劉家崗郝家集榮家菜園李家樓宗家堂等大小十一處賊巢賊黨幾盡不難卽日肅清惟聞直豫兩省現亦督兵進剿誠恐該匪等折竄東境必須派兵防堵遂分飭叅將段琨常鳴盛遊擊胡報國帶兵一千名於東境扼要地方相度地勢劄營堵剿臣現在會同蘇爾慎陳廣寧督飭各將弁搜捕定曹附近村莊潛匪務期淨盡以安閭閻至徐州鎮總兵沈洪已帶兵於本月初八日馳抵曹縣西南一路足資堵剿臣俟將附近開州東明一帶扼要處所分兵防備妥協卽會同蘇爾慎等劄營定陶以資策應留總兵陳廣寧防守

曹州接應後路再此次進剿安陵集劉家崗等處副都統蘇爾慎帶同巴圖魯福英阿等首先迎敵果敢出力運司劉清等屢次帶兵連獲勝仗究沂曹濟道熊方受當逆匪滋事之時在工防汛一聞警報即趕赴曹縣督率官弁兵夫嬰城固守俾奸匪不敢窺伺署金鄉令吳堦鉅野令王朝恩防守周密得保城垣並俱緝獲要犯

欽定平定教匪紀畧

卷十

天

甚屬出力相應據實保奏可否施恩鼓勵出自

聖恩

同日廣厚戴均元奏言竊_臣等欽奉

諭旨將睢工堵築事宜暫行停止正在遵辦間適據東壩員弁拏獲賊犯朱得三搜出紙爆三個據供有曹縣許家寨教匪許天一指使來工探視情形並給與紙爆囑令乘間在稽梁內放火以

便許天一等前來接應又供有張國志劉天祥

王天一等亦帶紙爆來工並有侯文志劉天貴

劉起俊劉三張志等或裝扮乞丐或推挽土車

俱在西壩等語又拏獲蔡景華一名查驗髮辮

下用艾炙去頭髮一小塊係會匪記號據供係

曹縣首逆蔡五倫之族孫蔡五倫令其潛來東

壩探視等語查該匪徒等膽敢肆出窺伺潛來

欽定平定教匪紀畧

卷十

天

工次意存叵測實堪憤恨仰見

聖明睿照機先無遠弗屆現飭道府將所獲各犯嚴

訊解省辦理均奏入

上諭內閣曰同興奏曹定賊匪自剿平扈家集賊營

尙有賊衆屯聚安陵集該撫分派將領兵丁於初

八日齊抵該處賊匪放礮鳴鑼迎拒當經官兵四

面兜圍立殺二百餘人該匪等紛紛逃竄經蘇爾

慎帶領巴圖魯侍衛等緊追兇剿射殺多名餘匪俱被擒縛乘勝又將附近該集之劉家崗等五處村莊搜捕生擒賊匪一百餘名共殺逆匪六百餘人生擒二百餘人奪獲騾馬車輛旗幟刀鎗無算又有另股賊匪數百人從滑縣奔來潛聚定陶之郝家集經叅將馬建紀會同運司劉清協領哈哈岱分兵追剿殺斃賊匪四百餘人生擒賊目曹光

欽定平定教匪紀畧

卷十

辛

輝射斃偽元帥袁興邦偽大將軍周姓并據兗沂曹濟道熊方受稟稱曹縣之榮家菜園有賊營一處都司周添章率領弁兵殲賊三百餘人平燬賊巢三處此次官兵三路於初六初七初八三日內連破大小賊巢十一處曹定賊匪殲擒殆盡所辦甚好除帶兵之運司劉清叅將馬建紀前次甫經加恩外副都統銜蘇爾慎巴圖魯侍衛福英阿色

爾果善吉爾彰阿扎玉善甫到軍營卽奮勇進剿斃賊多名俱着加恩交部議敘並賞給蘇爾慎四喜玉撥指一個白玉翎管一個黃瓣大荷包一對小荷包二個磁撥指套一個福英阿色爾果善吉爾彰阿扎玉善四人磁撥指各一個瑤瑯翎管各一個磁撥指套各一個協領哈哈岱連次剿賊得有勝仗着加恩賞戴花翎道員熊方受偵探賊蹤

欽定平定教匪紀畧

卷十

壬

分派弁兵殲賊多名實屬勇往着加恩賞戴花翎哈哈岱熊方受俱仍交部議敘署金鄉縣候補知縣吳培拏獲賊首崔士俊及匪黨四十餘人並能防守城池誅捕餘匪吳培着卽陞補桃源同知鉅野縣知縣王朝恩拏獲賊首張建木及匪徒多人著加恩以同知卽用俱先換頂戴其三路兵丁除防守外凡臨陣打仗者着查明俱賞給一月錢糧

上命軍機大臣傳諭同興曰東省賊匪經該撫連次剿辦將大股屯聚之賊殲斃殆盡當趁此兵威將零星賊衆逼向西北一面剿殺摺內稱聞直豫兩省現亦督兵進剿恐有竄入東境之股須於各要口派兵防堵所見甚是此時東省賊勢已衰若直豫再得勝仗則三面兜圍將殘匪逼歸一處正如釜底游魂不難一鼓殲除同興及劉清馬建紀等所帶俱係東省官兵祇在本境堵剿不必深入豫境如三省官兵聚集一處該匪等被直豫大兵剿急復向東南奔逸曹州一帶後路空虛轉防疎失惟蘇爾慎等本係派往帶兵打仗之員如東省已無大股可剿之賊著同興酌分弁兵交與帶往協同直豫大兵合剿可資得力同興自督率東省將領將竄散零匪實力搜捕以淨根株若稍存姑息

欽定平定教匪紀畧

卷十

三

將就了事之心則非大清國之臣子朕亦斷不容此負恩之徒慎之其曹縣西南一路有沈洪帶兵堵禦着該撫斟酌情形若山東江南邊境防堵嚴密可保無虞卽令該總兵進剿亦可該撫務通盤籌畫以保萬全其現獲賊匪並着同興派員嚴訊該匪等蓄意謀逆是否皆聽林清主使其起事日期是否林清遣人前往約會此外有無緊要夥黨務將逆情盡行究出奏聞辦理

欽定平定教匪紀畧

卷十

三

今不得已徵兵剿辦仰仗

天威震叠連戰克捷傾其巢穴十餘處殲賊數千大

局畧定然伏匿散竄之賊在所不免若復心

存姑息則燎原之火甫滅遺燼仍然滋蔓之

草雖除萌芽復殖恐其患仍未已我

皇上於同興奏報安陵等處賊巢掃蕩之後

諭令實力搜捕務盡根株並

欽定平定教匪紀畧

卷十

三

誠以姑息負恩咎難末減該撫畏懼稟遵不敢將就

了事是以數月之後搜捕淨盡不留遺孽全

境遂報肅清良由

睿慮深長

訓詞嚴切也

上又命軍機大臣傳諭戴均元方受疇曰戴均元等

奏率獲潛至東壩欲行放火之賊犯朱得三並來

探信之賊犯蔡景華究出夥賊多名等語賊匪詭

詐百出朕早料壩工人夫混雜必有乘間潛往偷

燒稽瑛之事今據賊犯所供果不出意料幸而壩

工停止奸人無計可施除已獲之朱得三蔡景華

二犯即行嚴訊正法外其餘未獲之許天一張國

志劉天祥王天一侯文志劉天貴劉起俊劉三張

志九犯着方受疇遴委員弁趕緊緝拏務期按名

欽定平定教匪紀畧

卷十

三

弋獲訊明嚴辦恐該犯等就近逃入江安邊境並

着方受疇移咨百齡胡克家一體嚴拏辦理

是日董誥等奏言續經訊明逆犯緣坐家屬請

將從逆太監楊進忠養子趙增張太之父張大

成及首先率賊滋事逆犯陳文魁之父陳老即

陳煜均依律擬斬其餘犯屬等二十三名口分

別發遣等因得

旨趙增張大成陳老卽陳煜均著卽處斬餘依議

同日文字朱錫爵奏言竊臣文字遵

旨前赴東昌自京起程途次在平適與臣朱錫爵相

晤同抵東昌連日會同將軍需糧餉一切事宜

妥議章程其東昌迤南曹州迤北沿途經由各

州縣均已飭令多設車輛以資轉運至提支藩

運兩庫錢糧除已經支用外其未經支用及續

欽定平定教匪紀畧

卷十

三

經撫臣提銀三十萬兩亦一併收貯東昌府庫

以後軍需均由臣文字核明辦理臣朱錫爵卽

回省彈壓奏入報

聞

欽定平定教匪紀畧卷十一



十月十三日丙午溫承惠高杞馬瑜楊遇春奏言

竊臣溫承惠前在濬縣途次剿賊得勝之後嗣

復探得開州與滑濬兩縣接壤村莊處處有賊

竄伏或百十成羣或三五百不等若不將此零

星之賊先為殲除必致受其牽制隨於初五六

七等日與馬瑜等督率官兵將附近各村伏匪

欽定平定教匪紀畧

卷十一

一

隨路剿捕擒殺甚多逃散者亦復不少初八日

行抵濬縣與臣高杞會合確探現在大股賊匪

屯聚滑縣城內及桃源集道口三處為數甚衆

查道口係濬滑屯糧大鎮西通懷慶迤邐聯接

太行為河南糧運大道時有賊探往來現據獲

賊供稱懷慶一府北倚太行南阻黃河出產硝

磺鐵器其地可守可戰該賊目久已窺伺欲圖

據險負岫道口之西有運河一道河西各村俱有賊蹤潛伏近日賊匪搶船紮筏意在入山必須將西岸先行肅清絕其奔竄之路實為目前要著臣等正在會商堵剿適臣楊遇春亦於初八日趕到再四熟籌亦以防守西路為急臣溫承惠高杞同楊遇春馬瑜即於初九日帶領格布舍富蘭及巴圖魯侍衛等由河西進兵距道口五六里即有賊匪手執白旗率眾向前抗拒臣等親率步隊鎗矛並舉殺賊甚多該匪不能抵敵向東南奔竄臣等督率馬隊分路兜剿該匪無路可奔俱入河中淹斃復派將弁分往各村將竄伏餘匪悉數殲除統計殺賊六七百名淹斃無數奪獲器械甚多生擒七十餘名當即正法河西俱已肅清遂督兵馳至道口該處賊

欽定平定教匪紀畧

卷十一

二

匪正在東岸排立意欲渡河接應西岸之賊官兵隔河施放鎗礮擊斃數十人餘匪退回堅守當派勇敢弁兵浮水前赴東岸將船筏奪回燒燬查得楊遇春所帶千總李洪春外委柯玉殺賊陣亡其餘兵丁亦間有受傷俟查明咨部照例請卹臣等本擬初十日再回河東進剿道口緣目下大股之賊分屯三處聲勢聯絡必得分兵堵截滑縣桃源兩處接應之賊方可攻打道口現在兵力未厚一經分撥尤為單薄若祇就現在兵力進剿亦可得獲勝仗但不能將三路之賊一鼓殲除尚於全局無益莫若稍養兵力一俟大兵會齊四路兜剿臣溫承惠現接那彥成來信初十日准抵衛輝奉旨接受

欽定平定教匪紀畧

卷十一

三

欽差關防囑令格布舍富蘭送往當於初十日敬謹

送往交代合併陳明

同日章煦奏言據署長垣縣周克家稟報縣屬

東北呂村寺黃家村有賊焚劫在南岳集盤踞

又滑縣丁樂集聚賊千餘人窺伺該縣東北一

帶村莊又東南關長村有賊二三百人騎馬二

十餘匹沿途劫掠據東明縣朱煒稟報東省曹

欽定平定教匪紀畧

卷十一

四

定一帶賊匪前赴滑縣勾連滋擾賊頭七當家

等二十餘人由滑縣折回竄入縣境武邱集轉

至齊王集仍歸舊巢韓家大廟等處其開州屬

井店六村等處被滑縣賊匪佔據殺害多人道

途阻隔勢甚猖獗又據南樂縣徐潤探報官兵

紮營井店鎮初七日移至濬縣城外與河南兵

合營會剿初八日午刻賊匪用礮攻打井店鎮

已失查井店在開濬滑居中之所係開州南通

大營要路此地一失糧草難行並有進攻開州

謠言各等語臣查開州長垣東明與豫省濬滑

一帶處處毗連山東賊匪經撫臣同興等痛剿

後亦恐紛紛竄至直豫交界地方乘虛而入若

不先將直境散處之賊搜捕淨盡深恐腹背受

敵現在溫承惠駐劄濬縣不能兼顧請

欽定平定教匪紀畧

卷十一

五

勅下溫承惠酌派將領量分直隸征兵迅速回赴大

名一帶肅清本境後路不使賊匪四處勾結實

為急務均奏入

上諭內閣曰逆賊林清滋事一案溫承惠係直隸總

督順天府所屬地方皆其所轄且在任年久乃於

該逆傳習邪教煽惑多人八年之久並不及早查

拏以至奸匪糾眾謀逆昨九月十五日竟敢潛布

黨與直犯禁門並欲於蹕途伺劫雖其謀因兵衛森嚴而止而禁城則已有匪徒闖入幸荷

天恩垂佑首惡伏法餘黨悉誅而河南山東潯滑曹定滋事亂民悉由該逆佈散謠言同期造反至今餘孽未淨從前山東逆匪王倫滋事之案亦因倡興白蓮邪教而起巡撫徐績因此獲咎然王倫於三十九年秋間滋事而其倡興邪教即在是年春間

欽定平定教匪紀畧

卷十一

六

爲日尚淺林清則於嘉慶十一年業已傳教至今有八年之久溫承惠不能訪聞破案其咎本重適前月先聞河南滑縣及直隸長垣滋事之信朕因溫承惠同興俱係本省督撫因各派其帶兵剿賊俾令自贖旬日以來同興訪出大逆林清馳奏方能擒賊靖亂此功甚偉進兵奮勉連次奏捷是以恕其失察之咎并加恩給予議敘溫承惠帶兵由

保定前赴大名行走已覺濡滯本月初三日在滑縣留固村等處剿賊一次初八日又在潯縣道口一帶得有勝仗然兩次殲賊千有餘名賊勢尚未窮蹙且直隸本境內如開州長垣東明等處亦尚未搜剿淨盡其籌畫不周之咎更無可辭溫承惠著革去總督拔去花翎賞給五品職銜責令辦理那彥成一路軍營糧餉以示薄懲如不知懼知感再有貽誤著那彥成嚴叅拏問治罪如辦理奮勉將來軍務告蒞時著那彥成奏明再行酌量錄用其直隸總督員缺著那彥成補授那彥成未到任之前仍著章煦署理

欽定平定教匪紀畧

卷十一

七

上命軍機大臣傳諭那彥成曰本日據溫承惠等奏豫省大股賊匪現在屯聚滑縣城內及桃源集道口三處爲數甚衆官兵進攻亦未能大加剿戮那

彥成已接受欽差大臣關防當統籌全局迅速剿辦該匪現在分屯三處聲勢聯絡勢如犄角若一路進兵賊必兩路來援我兵轉被其牽制那彥成務審度機宜如先剿道口桃源之賊亦必將滑城來援之路斷絕并當分兵守禦不可令其由城內突圍而遁俟道口桃源之賊剿淨則滑城正如釜魚阱獸可以聚而殲旃現據章煦奏稱直隸開州

欽定平定教匪紀畧

卷十一

八

長垣東明一帶村莊時有賊匪出沒焚劫並有屯聚一二十人之處該處係濬滑軍營後路賊匪未能肅清我軍前進恐有腹背受敵之虞且該匪等若被豫東二省剿殺情急向北奔竄大名一帶並無重兵堵禦更為可慮已降旨諭知馬瑜富蘭令其帶領直隸兵二千名繞道赴開州長垣東明一帶將該處匪徒就地擒捕由北向南逼剿著那彥

成酌派巴圖魯侍衛數人隨同馬瑜等前往協剿其健銳火器營官兵於路過直隸亦令其先與馬瑜等會合先由直境進剿該督所調陝甘各路官兵此時會否到齊現在豫省賊勢尚未少挫當將大股屯聚之賊殲洗一二處使賊衆喪膽則迅風掃殘成功自計日可待也

欽定平定教匪紀畧

卷十一

九

上又命軍機大臣傳諭馬瑜富蘭曰現在開州長垣東明一帶賊勢蔓延直豫大兵俱聚於濬滑界內賊股數處轉在我兵之後大名以北又無重兵駐守不特軍營後路空虛倘賊匪被剿北竄尤不可不預為防範馬瑜現任直隸提督富蘭曾任正定總兵該省情形較為熟悉著馬瑜富蘭二人卽帶同巴圖魯侍衛數人率領直隸官兵二千名由濬縣繞道速赴開州以北將開州東明長垣三處邊

界之賊逐一搜捕總當由北向南步步進剿不必
 長驅直入務期殲捕淨盡勿留餘孽昨令慶祥等
 帶領健銳火器兩營官兵各五百名分作四起前
 赴豫省軍營著馬瑜富蘭於慶祥等所押各起官
 兵路過大名時卽傳旨令其先在該提督軍營剿
 捕直隸邊境賊匪俟直境肅清後再赴豫省軍營
 總以顧住北面勿使賊匪散竄爲要此路剿賊機
 宜專責成馬瑜富蘭二人其奏報之摺卽著馬瑜
 富蘭聯名具奏毋庸再與欽差大臣會銜俾得迅
 速馳達以慰廑注

欽定平定教匪紀畧

卷十一

十一

上又命軍機大臣傳諭同興曰日本日據章煦奏開州
 長垣東明各處零匪肆出焚掠溫承惠駐紮濬縣
 不能兼顧必須先爲搜捕淨盡等語現已降旨將
 溫承惠革去總督特派馬瑜富蘭等帶兵由濬縣

繞道至開州東明長垣一帶搜剿昨據同興奏東
 省連得勝仗大股賊巢俱經攻克其零星賊匪仍
 須搜捕著同興酌量情形如本省賊匪全數辦淨
 可保無虞卽派蘇爾慎同巴圖魯侍衛等酌帶弁
 兵繞道前赴大名與馬瑜富蘭等會合自北向南
 搜剿蘇爾慎切不可由東省徑赴滑縣轉將賊匪
 逼入直隸境內同興仍督同劉清馬建紀等在本
 境各要隘嚴兵備禦現在那彥成已抵河南軍營
 倘賊匪被直隸河南官兵攻剿仍向東南竄逸該
 撫務督率弁兵迎頭截擊勿使四散竄逸爲要

欽定平定教匪紀畧

卷十一

十一

同日喜明松寧奏言臣等欽奉
 諭旨挑備官兵赴豫協剿當派副都統色爾滾帶領
 阿勒楚喀兵二百五十名吉林協領舒爾哈善
 等帶領吉林兵二百五十名共五百名作爲頭

起又派副都統德寧阿帶領寧古塔兵二百五十名吉林協領和福等帶領吉林兵二百五十名共五百名作為二起均騎本處馬匹於初八日先後起程沿途趕緊行走不致遲誤

同日穆克登布額勒金泰奏言竊臣等挑備西安馬隊一千名除前此交富僧德帶領五百名赴豫外茲復接那彥成來咨以豫省兵力單弱

欽定平定教匪紀畧

卷十一

三

今將前此留存馬隊五百名一併趕赴軍營當派協領呼嵩額等官十六員管帶馬隊兵五百名星馳前往均奏入報

聞

十月十四日打百齡烏爾卿額奏言竊臣百齡

探聞近日東豫二省官兵與賊接仗俱有斬獲恐匪徒窮蹙鋌走四散奔逃當飭各營卡鎮將

等隨時盤緝旋據差往探賊之千總周祜在鉅

野縣葛家莊地方拏獲匪徒高中立等七名奪

獲乾字號白布旗一面又外委唐士俊帶兵在

城武縣五盤寺地方拏獲匪徒陳剛等六名均

就近交縣審辦又據總兵沈洪呈報該鎮已由

單縣取道城武定陶斜趨曹縣隨剿隨堵相機

前進伏思此時該鎮所帶之兵既已出境江境

欽定平定教匪紀畧

卷十一

三

地廣兵單恐不足恃而礪山南岸之楊家集至

豫省虞城一帶尤為緊要臣百齡先經派令將

備帶兵五百五十名駐守該處以為商邱劉家

口接應尚乏統率大員現在檄調狼山鎮總兵

尚維侗未至適提臣烏爾卿額趕到當與臣百

齡彼此商定臣烏爾卿額即前往楊家集督率

駐守並派員赴虞城地界扼要堵禦臣烏爾卿

額所帶官兵一千名俟趕緊催齊卽分添楊家集馬良集兩處遇有緩急隨時歸併一路使聲勢互相聯絡此外尙有臣百齡挑備之提標官兵二千名檄調一千名赴邊分撥足資捍禦而壯聲威其安省鳳潁一帶現在撫臣胡克家督率防範尙稱寧謐奏入

上命軍機大臣傳諭百齡曰百齡等奏連日捕獲賊

欽定平定教匪紀畧

卷十一

十四

匪並撥兵嚴守要隘情形覽奏俱悉據該督奏稱差弁拏獲匪犯高中立等七名奪獲乾字號白布旗一面等語前據逆首林清供稱該犯等八卦教內乾卦頭目係華姓在宣化府地方已降旨飭拏今該督所獲匪犯其白布旗上亦有乾字號是否該犯等卽係乾卦教內夥匪其華姓頭目現在是否不在內抑或係該匪等另編八卦字號著百齡將

現獲各犯俱親提嚴訊切實根究不可假手地方官致有隱諱一經訊有確供一面具奏卽將該犯等正法至該督等會商分派鎮將率兵防守俱著照所奏辦理東南地方緊要現在黃河下游乾涸無險可據設該匪等被剿情亟亡命奔竄江境邊界最爲喫重百齡當嚴飭堵禦毋稍疎虞

十月十五日戊申衡齡奏言竊臣遵

欽定平定教匪紀畧

卷十一

十五

旨飛催張績帶兵赴太行山外防堵茲據該鎮調集官兵一千名於十一日由省城陸續前進約計十七八日可抵太行山外並恐隘口分歧不敷防堵另於大同鎮屬各營添調兵一千名隨後進發其潞安澤州二府屬與豫省接壤各隘口臣於原調太原營防兵四百名之外又札致太原鎮臣祥泰於平陽蒲州汾州等營內添調兵

五百名足資捍衛

同日富俊蘇青阿奏言竊臣等前次欽奉

諭旨挑備官兵赴豫協剿臣蘇青阿管帶齊齊哈爾

兵二百名作為頭起於初八日起程派降調副

都統雲騎尉富登阿管帶墨爾根城兵一百名

布特哈兵一百名作為一起於初十日啟程又

布特哈兵四百名作為三起四起黑龍江兵一

欽定平定教匪紀畧

卷十一

六

百名呼倫貝爾兵一百名作為五起接續間日

啟程令副都統銜總管達斯呼爾岱在末起催

饋行走均騎本處馬匹由茂興站取道法庫邊

門入山海關沿途趕緊行走不致遲誤均奏入

報

聞

十月十六日臣那彥成奏言竊臣於陝豫途次

疊奉

諭旨蒙

皇上指示機宜防賊西竄仰見

睿慮周詳曷勝欽服臣遵

旨沿途查察並無西竄之信及馳抵衛輝提臣楊遇

春備述連日在新鎮道口一帶躡探賊蹤小有

斬獲其情形已經洞悉刻下賊匪大股仍在

欽定平定教匪紀畧

卷十一

七

伍山道口滑城一帶盤踞約計三萬餘人惟不

知山東曹縣一帶及各處零星賊數若干此等

烏合之眾原屬不難剿辦惟此時兵力不厚雖

獲勝仗不能痛剿轉長賊智或得勝後兵力不

能追殺淨盡亦恐賊勢蔓延計臣所調兵丁及

高杞溫承惠所帶兵丁並火器健銳營官兵共

一萬四千餘名合為一隊實為充裕至將來臣

追賊而東高杞應留本省必需分兵溫承惠既奉

旨駐守開州亦須帶兵則臣所餘之兵有限臣等再

四熟商高杞有兵五千餘名已足敷用至溫承

惠既奉

旨前赴北路應將該督原帶宣化正定兵二千名留

交馬瑜帶領協剿開州一帶賊匪溫承惠祇帶

欽定平定教匪紀畧 卷十一 六

兵二千名尚覺其單應再於就近地方酌調二

千名俾資堵剿臣處現在祇有兵丁五千五百

名不敷分剿請再調山西兵一千名防堵潞澤

山口將前調大同鎮兵一千名令其前來供征

計甘肅靖寧靖遠等處尚可挑得力精兵二千

名亦請迅速檄調統計臣一路必得一萬餘兵

賊合則合賊分則分方敷剿辦至吉林索倫兵

丁馳驟平原實為得力仍請

皇上賞發來營痛剿一二仗即可掃蕩邪氛再現在

所調各處馬隊共有四千五百名馬匹亦應籌

備茲已於山西陝西直隸等處酌調數千匹以

備更換臣一俟前調各兵陸續到來足敷進剿

即與高杞馬瑜楊遇春約會同時分路進剿務

期一舉集事奏入

欽定平定教匪紀畧 卷十一 九

上命軍機大臣傳諭那彥成曰那彥成奏探明賊匪

現在情形通籌全局一摺覽奏實深憤懣豫省匪

徒屯聚滑縣道口桃源集三處前溫承惠於初八

日在濬縣道口得有勝仗因其未能大加剿戮辦

理遲延是以降旨褫革示懲乃那彥成於初八日

已抵衛輝初十日接收欽差大臣關防十三日發

摺時仍在衛輝駐劄並未至濬縣軍營茲該督奏

報情形乃云現有之兵不敷分剿請調大同鎮及甘肅靖寧靖遠等處之兵並欲俟吉林索倫兵陸續到齊方敷剿辦其言實屬畏葸遷延之至披覽未竟手顛心搖不料阿桂之孫負恩無能至於如此皆朕之罪吉林黑龍江官兵到齊約計總在十二月間甘肅距豫省遙遠其兵亦非剋期可至屆期冰雪在地天氣沍寒無論進剿不能得力且此兩月中任賊匪盤踞蹂躪養精蓄銳該督等束手坐觀縱賊殃民自作孽矣况目下最好機會乃賊匪安踞滑城雖分佔村莊其巢穴總在數十里之內正如魚游釜中自守絕地若官兵日久不戰賊匪停留長智伊豈毫無偵探聞官兵日漸增多斷無延頸待戮之理或賊匪屯聚滑城日久食盡彼時悉其精銳豕突狼奔縱西面有兵堵禦而東北

南三面何處不可遁逃官兵再尾隨其後四散窮追其勢又如三省教匪辦理需時那彥成係屢經獲咎之人此次受朕厚恩授為欽差大臣畀以軍旅重任若老師糜餉使賊首李文成等遁出滑城日久稽誅該督自問當得何罪身家性命尚能保乎那彥成著先傳旨嚴行申飭楊遇春久歷戎行亦不應如此隨聲附和實屬可惡那彥成接奉此旨著卽剋期進剿該處賊匪現分三處屯聚勢如犄角意圖牽制該督等或先剿道口桃源之賊則當派兵攔截滑城救援之路如欲攻滑城之賊則當將道口桃源二處分兵堵截其調遣機宜聽該督等自為籌畫總期鼓勵將士奮勇進剿不得先示怯懦益長賊鋒經此次嚴諭之後那彥成若再心存延玩貽誤事機必立將那彥成拏問治罪另

派大員前往接辦即不得其人朕當親統六師自往平賊彼時那彥成尚何顏立於人世耶至所奏宣化正定兵二千名交馬瑜帶回直隸邊界剿辦開州一帶賊匪此一節所奏甚是前已有旨諭知馬瑜富蘭令其迅速繞道前往其請調大同鎮兵一千名道路尚近准其檄調甘肅靖遠等處之兵遠不濟急不准調取日內京兵及直隸續調之兵均已到齊那彥成等務儘現在兵力相機進取速奏捷音朕惟計日以待也

欽定平定教匪紀畧 卷十一 三

臣等謹按兵貴神速摧枯捲蘄之勢疾如風雨所謂先人有奪人之心迅雷不及掩耳者也賊匪佔據滑縣一月有餘蓄伏莽之奸肆滔天之孽我兵星馳雲集敵愾同仇當策其忠憤之忱收其精銳之用一鼓作氣聚而殲

旃方足以示聲威而彰誅殛乃那彥成於初八日抵衛輝後至十三日尚在彼駐劄未即進兵猶以徵調為請仰蒙

降旨嚴飭責其遷延嗣於十七二十等日又經連次訓諭俾知師不可老兵不在多奔突不可不虞散漫不可不慮停留則漸長賊智懈緩則適沮軍心一切天時地利兵勢賊情無不在

欽定平定教匪紀畧 卷十一 三

聖明指示之內

睿謨炳燭軍紀森嚴那彥成謹凜祇遵始無失誤是

誠緊要機宜

操勝算於全局者也

上又命軍機大臣傳諭同興曰現在大股賊勢均聚集於河南滑縣及道口桃源三處據稱約有三萬亟須痛加剿戮此時山東屯聚之賊如扈家集安

陵集等處業經次第掃除想官兵乘勝搜捕餘匪
 亦可計日肅清連日未據續有奏報著諭知同興
 如東省已無大股賊匪即傳旨令蘇爾慎帶同巴
 圖魯侍衛並於那彥成派往東省之提督多隆武
 總兵閻俊烈二員內酌派一員挑帶勁兵一二千
 名由開州以北清豐以南前往會同馬瑜富蘭合
 兵向有賊處所自北而南實力搜剿毋使賊匪乘
 間出沒牽制大兵後路其山東邊界仍著同興督
 同劉清馬建紀及沈洪等嚴密堵禦緊防賊匪竄
 向東南迎頭截擊毋稍疎虞
 上又命軍機大臣傳諭馬瑜富蘭曰據章煦奏本月
 初八日開州井店鎮官兵移營之後被賊匪用礮
 攻打將該鎮佔據此股賊匪抄襲官兵後路不可
 不及早擒捕著馬瑜富蘭飛帶官兵前往殲除所

欽定平定教匪紀畧 卷十一
 五

有剿賊情形即著伊二人聯銜奏報不必與欽差
 大臣會銜致涉紆緩
 同日
 上諭內閣曰初彭齡奏順天府府尹等於已革之
 盧溝司巡檢陳紹榮先期中報林清謀逆一案含
 糊具奏請旨查辦一摺所奏甚是已革南路同知
 張步高著鎖拏審問其業經發遣之已革宛平縣
 知縣陳鉅鏹著截拏鎖鑰解回交軍機大臣會同
 刑部提同陳紹榮秉公嚴審另行定擬具奏如該
 府尹等前奏不公一併據實查叅
 是日董誥等會同刑部奏言臣等遵
 旨研訊董綱太令其將林清平日如何作惡及與林
 清交通謀亂之人逐一供吐據供我外祖林先
 本是紹興人移住大興縣黃村地方在巡檢衙

欽定平定教匪紀畧 卷十一
 五

門充當書吏我舅舅林清於十七八歲時曾在
京城藥鋪內做生意因生瘡被人攆逐就在順
城門外打更後來我外祖已死林清即充黃村書
吏犯事革退旋又赴江南在糧道及丹陽縣衙
門充當長隨又因得錢花銷不能存活受雇糧
船短絳回到通州來宋家莊在我家借住又進
京挑賣鵝鶉後來有西安門內光明殿地方姓
王的人家曾做過將軍的與他認識駁開雀鳥
鋪他仍舊得錢混花致被攆出至嘉慶十一年
方回我母親因我父親已故叫他住在家中料
理家務是年五月董伯旺引他拜宋景耀爲師
入榮華會那坎卦教首本是郭潮俊十三年間
因同會的陳茂林被陳茂功在保定府告發牽
連杖責將坎卦頭目宋景耀宋景會劉呈祥俱

欽定平定教匪紀畧

卷十一

三

各充徒郭潮俊未能辦事讓林清做了教首從
此與會內的陳爽相好彼時牛亮臣亦因躲避
官司逃到保定府熟識以後我舅舅常往雄縣
找劉進亭往固安找李五他二人都是坎卦頭
目陳爽又引他姪兒陳文魁來見我舅舅來往
甚密十六年二月我舅舅帶了支進財往滑縣
找牛亮臣就認得了牛亮臣的聯襟馮克善並
馮克善的表兄李文成到四月間方回五月間
又帶支進財往滑縣傳教收徒七月間回來九
月間又帶同李得支進財往滑縣一次十月間
回來說李文成是震卦馮克善是離卦他同馮
克善離坎交官他該做聖人馮克善該做天師
同幫李文成做人皇他們三人結了弟兄相好
得狠十七年正月又同陳爽陳文魁支進財前

欽定平定教匪紀畧

卷十一

三

往滑縣至清明前後回來十一月間李文成忽於黑夜來見舅舅說了些話本年正月馮克善也來見他告知收了徒弟三百人林清於七月間又同陳文魁陳爽支進財前往滑縣於八月十六回家二十日以後他同陳爽陳文魁上京見了太監劉得財高廣幅二人回來對劉呈祥說已經派定劉得財在東邊高廣幅在西邊九

欽定平定教匪紀畧

卷十一

天

月初一初二初九等日他在屋裏同陳爽陳文魁劉呈祥等常說密話并聽見他說陳爽進

東華門陳文魁進

西華門到了裏面都聽陳爽吩咐又聽見劉呈祥回說我邀的人於十三四都到十三日我又聽見他向劉呈祥說我起初原想派你們開彰義門接應河南的人陳爽勸我說不如進

紫禁城的近便所以我改了主意劉呈祥答應稱

是十四日李得劉進亭都來說他們所帶的人都在黃村一帶住宿明早進京又聽見說陳爽陳文魁們都帶人先進京了十五日早上林清出門一次於早飯後回來十六早起祝林們回來同林清說了幾句話林清就悶坐一日到晚上叫劉幅受們打更並說倘河南有人來即刻

欽定平定教匪紀畧

卷十一

天

告知十七黑早官人將他拏住的他素日總是勸人入教口能舌辨說能知道吉凶要人銀錢說是種福將來一倍還十倍人皆聽信給與他並不會武藝常說不動刀兵自有神仙之路他相好的除了陳爽們還有一個獨石口的都司曹綸稱呼曹三老爺說是漢軍人住在西單牌樓報子街路北成衣鋪西首我舅舅曾叫我送

炭到過他家的是我舅舅拜把子的兄弟有四

十二歲了他兒子曹幅昌曾帶一個將軍家

裏的王姓來拜我舅舅為師等語奏入

上命步軍統領英和密拏曹幅昌嚴行審訊

欽定平定教匪紀畧

卷十一

三

欽定平定教匪紀畧卷十二

十月十七日煇步軍統領英和等奏言臣英和

面奉

諭旨查拏獨石口都司曹綸之子曹幅昌當即差派

番役頭目等前往將曹綸長子敖爾布幅昌次

子重慶拏到訊據幅昌供我係正黃旗漢軍劉

愷佐領下敖爾布年二十三歲父親曹綸係獨

欽定平定教匪紀畧

卷十二

一

石口都司現在任所我母親楊氏現在京中我

二弟重慶現充中營戰兵三弟鶴齡現在隨任

四五年前我父親與林清季姓朱姓結盟認為

弟兄後我父親又與王提督家人王五結盟十

六年三月我父親由

鑾儀衛治儀正陞任都司赴任後王五帶我到朱

家莊林清家給林清磕頭認了師傅林清就教

給我真空家鄉無生父母八字我與王五就在
林清家住了一夜我父親在京時林清會到我
家來過一次季姓也到我家來過一次我到林
清家時林清叫我到季姓家去過宋姓也會到
我家來過均未見著今年七月二十七日林清
叫劉四給我送信說他們定於九月十五日造
反叫我去轉告王五九月初六日林清又叫劉

欽定平定教匪紀畧

卷十一

二

四給我白布一塊說十五日叫我在家不許出
外如有人滋擾將白布繫在腰間或包在頭上
口說暗號得勝二字就不殺了又叫我將這些
話轉告王五十五日我在家並未出門實無一

同人

內的事至林清同黨的人有伊間壁的朱景會朱
景耀新莊的賀老八賀四渾河南的張四鬍子

李五跟李五的二禿子桑堡村的李老李老的

兒子爽大爺劉四的三個兒子俱是一黨又聽

得劉四說山東河南滋事的人俱是他們的人

古北口外還有他們的人又聽劉四說宣武門

外鬪雞坑有三家東直門南小街有一家北小

街路西頭一個煤鋪都是他們一教至我入林

清的教及劉四給我白布的事我母親兄弟並

欽定平定教匪紀畧

卷十二

三

我女人子女俱不知道是實質之伊弟重慶堅

稱實不知情應將幅昌同其弟重慶俱請

旨交刑部嚴審定擬其供出各犯該犯年幼不知詳

細應請

勅交刑部查明是否業已被獲如尙在未獲併與現

犯董懶太質問明確按名訪拏奏入

上命軍機大臣傳諭署直隸提督馬蘭鎮總兵福長

安曰獨石口都司曹綸現有應行質訊之事著福
長安卽派委委員將曹綸革職鞫問嚴行鎖鑰迅
速押解來京沿途小心看管勿稍疎虞福長安於
該革員起解後卽將其任所貲財查抄並搜檢有
無悖逆不法字跡據實具奏若有逆書經卷封固
速奏其曹綸之子鶴齡現在任所一併鎖鞫解京
上諭內閣曰此次逆匪林清滋事案內究出有旗人

欽定平定教匪紀畧

卷上

四

入教者照例定擬罪止遣戍其該旗都統等失察
之咎從寬概未查辦今究出正黃旗漢軍敖爾布
幅昌竟係入教與知逆情幅昌身係漢軍充當兵
丁於七月間早知林清謀逆匪不舉首情罪尤重
所有失察之該旗都統副都統等著軍機大臣查
明在任年月開單具奏候旨其失察之叅領佐領
等官著該部查取職名具奏候旨

上又諭內閣曰現在直隸河南山東地方皆有滋事
逆匪各該督撫均有失察之咎已概從寬免究惟
首逆林清近在畿甸潛蓄逆謀分遣黨惡擾及禁
門該管大員漫無覺察其咎尤重是以將鄒炳泰
降補中允贊善李鈞簡降爲編修溫承惠降授五
品職銜溫承惠現在軍營辦理糧餉其鄒炳泰李
鈞簡管理順天府地方尤爲切近不能再邀錄用

欽定平定教匪紀畧

卷上

五

鄒炳泰李鈞簡俱著照所降品級休致令其回籍
閉門思過
是日同興奏言查東省已無大夥賊匪惟直隸
兩省正在進兵痛剿之時東明與曹州連界之
處最爲緊要現在陳廣寧帶兵在彼堵截沈洪
駐紮曹縣更可堵禦得力臣不時偵探如有應
須接應之處仍就近分兵兜剿茲據叅將馬建

紀解到拏獲賊目曹光輝一犯訊據供稱係定陶縣人九月初十日在定陶滋事後二十三日徐安惘在滑縣差人叫去二十七日仍回山東現在豫省同教實係李文成爲首各處俱聽其號令滑縣城中是徐安惘掌管襄魯屯聚約有三千多人將西北南三門堵閉只開東門出入門內安大礮一座李文成現住城北五里地之李家莊亦屯聚有二三千人稱李卦主徐安惘又聽李卦主號令聽得李卦主於九月初四日被滑縣強知縣拏去兩腿受了重刑初七日他們纔反的殺了強知縣劫出李卦主送至李家莊養病等語又拏獲曹縣扈家集賊目扈二胖子供詞大畧相同並稱伊在李家莊住了四五日李文成實在卧病不能動移現在滑縣賊衆

因官兵火器利害逃散甚多當將該二犯正法訖一面將曹光輝確供飛咨那彥成等查照正可趁李逆患病賊心渙散之時設法剿捕至東省零星逸匪有被官兵連次剿潰者有豫省殺敗逃竄者連日據各路將弁剿殺生擒無數徐州鎮總兵沈洪在曹縣一帶亦剿捕潛匿賊匪多人前將

恩旨贍黃之後卽連據曹縣定陶荷澤鉅野鄆城等各鄉民網送逸匪甚多卽直隸東明長垣亦有就近網送者臣俱派員研訊如實係夥同打仗並受有偽職者俱卽正法其被賊逼脅未經抗拒官兵者俱分別柳責省釋日來地方漸臻寧謐

同日章煦奏言臣據東明縣朱煒稟稱東省曹

定等處賊匪被剿逃竄經過該縣村莊當經丁
 役截住擒捕扎死七十餘人並奪獲車輛旗幟
 器械等物押送到縣將從逆賊犯訊明正法又
 大名府等稟報東明縣西北一帶滑縣小曲奈
 岡長垣南岳集春亭集各處賊匪不時侵擾其
 長垣所管之舊城於初十日被賊匪圍燒殺傷
 男婦數百人各等語現當軍務緊要之際理合
 欽定平定教匪紀畧 卷十二 八

備陳又據藩司素納稟稱據河南衛輝府來稟
 山西澤州府知府王廷瑛赴陵川縣查口拾獲
 首呈並逆匪牛亮臣所寄陵川人王銀廣王泳
 年二人原信一封內約同入夥反逆并加封
 號該府王廷瑛已將二犯拏獲審訊

同日方受疇奏言查現在各路官兵先後馳抵
 衛郡軍火兵糧正當喫緊之時 臣 一面札飭衛

輝局員河北道趙麟等源源撥運一面札飭省
 城總局隨時接濟先經藩司台斐音等撥司庫
 銀二十二萬六千兩同軍火等項運送河北現
 又派臬司諸以謙馳往衛輝將軍需事宜核定
 章程兼派道員崔景儀會同趙麟妥為應付俾
 供支無缺亦不致濫應濫銷以歸核實所有兵
 糧一項查豫省前經奉
 欽定平定教匪紀畧 卷十二 九

旨截留南漕四萬石分撥災區業經全數運抵楚旺
 水次除各州縣已領米三萬六千石外餘米四
 千石尙存該處查該處距濬縣一帶甚近應將
 此項米石先令運赴衛輝分局用濟急需又剿
 賊接仗全資馬力馱載軍裝必須健騾前經飭
 派本省各屬雇騾一千頭尙不敷用應請查照
 嘉慶元二等年軍需舊案

勅下山陝二省每處各買馬千匹並於山西省代買

騾一千頭迅速解豫以濟要需再省垣重地原

駐滿營撫標城守三營官兵除調赴軍營並派

守城門及各署倉庫監獄外現存滿漢兵不足

千名未免稍單前經飭令祥符縣知縣王祁召

募勇丁一千三百名俱有身家可信團練技藝

足資防守現在省城並各府州縣地方尙屬安

欽定平定教匪紀畧

卷十二

十

靜亦無土棍乘機煽惑之處可紓

宸廑均奏入

上命軍機大臣傳諭那彥成曰昨因那彥成辦賊遷

延已降旨嚴行申飭責令迅速進兵本日同興奏

報訊據現獲賊目曹光輝供稱該犯於九月二十

三日往滑縣見徐安愾二十七日復回山東所有

豫省賊匪實係李文成爲首滑縣城中是徐安愾

掌管連襄脅約有三千餘人其李家莊在城北五

里卽李文成之家屯聚亦有二三千人徐安愾亦

聽其號令李文成被滑縣強知縣拏去腿受重刑

造反之後刦出現在李家莊養病等語又據賊目

扈二胖子供稱伊在李家莊住了四五日李文成

實在卧病不能動移並稱滑縣賊衆因官兵火器

利害逃散甚多等語滑縣城中賊匪徐安愾手下

欽定平定教匪紀畧

卷十二

十一

祇有三千餘人李文成在李家莊屯聚亦止二三

千人計兩處之賊不過五六千人卽道口桃源二

處再有屯聚者總亦不過萬人何以那彥成摺內

云賊匪共有三萬人與同興所奏顯有不符明係

屬員捏報現在那彥成所調及溫承惠高杞原帶

之兵計已有萬餘人以之進剿何至棘手况官兵

剿賊本不能兵數與賊數一一相當從前三省邪

匪多至數十萬人官兵不過數萬將賊股全行掃蕩豈必兵多於賊方能制勝乎本日又據章煦奏稱東省曹定等處賊匪被剿逃竄路過東明經該縣丁役截住擒捕扎死七十餘人並奪獲車輛旗幟等語可見賊衆不過烏合該縣丁役無多尙能殺賊多名焉有帶兵大員轉逡巡不進任聽賊匪屯聚蹂躪之理豈全不知羞恥自甘無能卑鄙極矣

欽定平定教匪紀畧

卷十二

十一

矣著傳諭那彥成遵照昨降諭旨鼓勵將領弁兵相度機宜尅期進剿勿稍延緩其李文成一犯係極惡首逆賊黨悉聽其指使現既因兩腿刑傷在李家莊養病正可乘其不能動移設法擒獲徐安憫亦係緊要賊目現在滑城若速將該二逆擒獲則賊心無不渙散定可一鼓殲除該二逆就獲之後若受傷不重仍著派委巴圖魯侍衛等管押解

京以便盡法處治用彰國憲

上又命軍機大臣傳諭同興曰東省賊匪經官兵連次痛剿之後境內已經廓清惟零星餘匪難免伏匿且直豫邊界正當官兵進剿之時尤恐竄匪逸入東境同興派總兵陳廣寧帶兵在東明曹州連界之處駐劄殊不可靠著另派得力將弁幫同防堵其沈洪帶兵駐劄曹縣可期得力所有東省與

欽定平定教匪紀畧

卷十二

十二

直豫接壤之處俱責成同興率領劉清馬建紀哈岱等隨時策應設有賊匪潰向東南立即迎頭截擊勿任竄入此時大股賊匪均在豫省滑縣及李家莊等處而直隸長明開州一帶亦尙有散竄之賊除已降旨那彥成速即進兵認真剿辦外同興仍遵照昨旨派蘇爾慎等帶同巴圖魯侍衛由開州清豐之間遶道行走自北而南與馬瑜富蘭

合兵會剿不可遲延

上又命軍機大臣傳諭馬瑜富蘭曰昨降旨派馬瑜等二人帶兵遶回直隸邊境自北而南將開州長垣東明一帶賊匪逐一搜剿本日同興奏到訊據賊目曹光輝扈二胖子二犯皆供徐安惲現在滑城內掌管賊營連裹脅有三千餘人其李文成一犯因曾被滑縣知縣強克捷刑訊兩腿受傷至今

欽定平定教匪紀畧

卷十二

四

卧病李家莊不能動移該處亦有一二三千人等語除已降旨令那彥成迅即進兵將李文成徐安惲二人設法擒捕外馬瑜等在直隸邊境搜捕惟當遇賊即剿設李文成徐安惲兩處賊匪被豫省官兵剿急奔潰北竄馬瑜等尤當奮勇堵截就地殲戮勿稍疎虞

上又命軍機大臣傳諭方受疇曰現在各路大兵雲

集潞滑一帶軍火糧餉關係緊要方受疇委員設

局分投接濟並派臬司諸以謙馳往河北將軍需應行事宜核定章程妥為應付所辦俱是至省城重地鎮撫尤要該撫以留省兵力稍單另行招募勇丁一千三百人分團防守亦應如此辦理該省南汝光一帶雖向有紅鬍子匪徒但現在滋事逆賊均係邪教非其同黨現在逆匪滋事之處係在

欽定平定教匪紀畧

卷十二

五

河北地方與直隸山東接壤未必與紅鬍子勾結該撫惟當認真防範勿令河北之賊過河竄擾其地方土棍嚴飭地方官加意彈壓所需採辦騾馬另諭朱勳衡齡等趕緊購辦送往

上又命軍機大臣傳諭衡齡曰方受疇奏軍營需用騾馬豫省無從購買著衡齡即飭所屬查照歷辦章程挑買應壯馬一千匹騾一千頭委員迅速解

赴衛輝交豫省軍需總局查收應用又本日據章
煦奏據河南衛輝府稟稱山西澤州府知府王廷
瑛赴陵川縣查口檢獲首呈並逆匪牛亮臣所寄
陵川人王銀廣王泳年二人原信一封信內約同
入夥反逆業經該府將該二犯拏獲審訊等語前
此京中訊據林清供稱山西係于克敬前往傳教
又據山東獲犯供稱山西係洋頭河南係洋肚山
欽定平定教匪紀畧 卷十二 六
東係洋尾等語此次牛亮臣潛通信息或係與晉
省傳教之人勾結著衡齡即提王銀廣王泳年二
犯到省親加研鞫並向該二犯究問于克敬下落
設法緝拏如訊明王銀廣等實係逆犯一面錄取
供詞由驛具奏一面即將該犯正法並飭屬加意
防範無任乘間勾結
上又命軍機大臣傳諭朱勳曰方受疇奏軍營需用

馬匹較多豫省無從購買著朱勳即飭所屬查照
歷辦章程挑買騰壯馬一千匹遴委妥幹員弁迅
速解赴衛輝交豫省軍需總局查收應用
是日董誥等奏審明從逆案犯田馬兒等四十
六名核其情節分別尤重次重又次重之不同
開單呈
覽除田馬兒董惘太祝林屈四劉鞏兒金黑李玉隴
欽定平定教匪紀畧 卷十二 七
七犯尚有應行質訊之處暫行監禁待質外請
先將情罪尤重之趙密等十八名於十七日綁
赴市曹凌遲處死其情罪次重又次重之劉五
等二十一名及擬斬絞立決之陳亮等三名均
於十八日綁赴市曹分別凌遲斬絞仍將續在
甬子河撈獲賊屍二具剝屍同凌遲各犯一併
梟首懸示其知情不首又聽從入教之顧五等

三犯及僅止入紅陽教之郎三等七犯與僅止入教之趙大卽文玉等二十犯均分別發遣新疆給額魯特及駐防官兵爲奴等因奏入得

旨趙密李老卽李懶有劉興禮卽劉三道劉得山劉

二卽劉朝棟張老卽張自有李洪卽李士洪張泳

瑞劉狗兒卽任幅兒高五麻盛章卽麻煥章李潮

佐李蘭李六卽六禿子高老賀萬金俱著於本日

欽定平定教匪紀畧

卷十二

六

凌遲處死梟示劉五卽韓禿子王二格卽王有印

李元隴張升卽張自聲王博李三卽李代榮佟大

卽崇泳安李鳳全邊老卽邊富貴李明李士得閔

七朱維銀田起金俱著於十八日凌遲處死梟示

劉進才卽劉住兒高成任二卽任奉理三犯經逆

匪等邀令助逆該犯等畏懼未經同行著改爲斬

決梟示仍照例緣坐罪應斬決之陳亮罪應絞決

之郭潮俊朱進耀卽朱景耀俱著分別正法閔進

喜張泳貴劉幅受董幅雲卽董伯營賀起雲祝秉

仁六犯著與田馬兒等七犯均暫行監禁待質其

發遣各犯永遠不赦如在配逃脫拏獲時卽行正

法餘依議

董誥等又會同刑部奏言臣等遵

旨將曹幅昌一犯提至當堂訊據供稱伊由王提督

欽定平定教匪紀畧

卷十二

九

家人王五引拜林清爲師入教王五曾說伊父

曹綸亦經入教並與林清等會結拜弟兄及劉

四給伊白布教給暗號等情屬實隨提出現在

監禁應行正法及發遣人犯令曹幅昌逐一認

識據該犯指稱董幅太賀起雲劉幅受卽劉三

張泳貴卽伊所供跟李五之二禿子劉泳和係

劉四之子均與認識其餘俱未見過訊之董幅

太賀起雲劉幅受劉泳和亦各供認與曹幅昌
 見過而張泳貴則稱並未識面復將已正法之
 各逆犯姓名指出向訊並未獲人犯內該犯認
 識何人令其一供吐據稱住小紅門外海戶
 季得全在驛馬市拉緯之宋三即宋景隴王提
 督家人王五均係我父親把子弟兄我都認識
 此外劉四常與我家來往季得全本家哥哥季
 得勇曾到過我家尚有爽大爺渾河南的李五
 桑堡村的李老同他的兒子俱會在林清家見
 過認識又聽得說賀老八賀四張四鬍子並劉
 四的三個兒子俱係林清同黨鬪雞坑三家南
 小街北小街二家記不清姓名我都未見過等
 語當提董愾太將曹幅昌所供人犯向其逐加
 詳訊據稱曹幅昌所供爽大爺即陳爽李五即

欽定平定教匪紀畧

卷十二

三

李得桑堡村只有陳老他兒子是陳文魁並無
 李老是他記錯的賀老八即賀文升賀四即賀
 起瑞張四鬍子即固安張添升劉四即劉呈祥
 他三個兒子係劉泳年劉泳德劉泳和至鬪雞
 坑三家一係閻正直一係高林氏即林趙氏出
 嫁女均已入教一係開箔鋪的任大是否入教
 不能知道此外並未聞有李姓亦不知南小街
 北小街入教之人查該犯供出認識各犯內董
 愾太張泳貴二名業經_臣等先後奏明留質又
 賀起雲劉幅受二名係本日奏請凌遲之犯亦
 將該二犯暫行扣留質訊至曹幅昌供出未獲
 各犯行文各衙門一體嚴緝歸案審辦奏入
 上從之
 十月十八日_臣慶惠奏言_臣於十月初五日接

欽定平定教匪紀畧

卷十二

三

奉

諭旨挑備馬匹查大凌河牧廠現在實存驕馬七羣

計一千二百四十匹當卽挑出臆壯者一千匹

又在騾馬羣內挑選一千匹共二千匹就近牧

放俟官兵到時更換其該官兵等原騎馬匹卽

留大凌河牧廠喂養臣親往寧遠州一帶駐紮

督率辦理不使遲滯

欽定平定教匪紀畧

卷十二

三

同日台斐音奏言竊臣欽奉

諭旨將被賊蹂躪州縣妥爲撫綏迅速具奏臣查滑

濬二縣被賊蹂躪處所應俟賊匪平定方能挨

查村莊戶口奏懇

恩施惟現在被擾難民紛紛投避亟應搭棚收養請

照災賑之例大口日給米五合小口減半以銀

折給俾得餬口其隔屬難民俟事定賞送回里

期免裹脅而安善良均奏入報

聞

十月十九日臣董誥等查明失察曹幅昌習教

黨逆之正黃旗漢軍都統祿康副都統裕瑞富

蘭參

奏得

旨正黃旗漢軍都統副都統等失察兵丁曹幅昌從

欽定平定教匪紀畧

卷十二

三

習邪教與知道情非尋常疎懈可比裕瑞人本平

常在任日久著革去副都統並兼任之前鋒統領

世襲公爵賞給宗室四品頂戴以宗人府筆帖式

用祿康富蘭俱著交部嚴加議處

同日貢楚克扎布奏言臣前奉

諭旨解送保定馬匹當經親加挑選臆壯者二千匹

備用馬五十匹烙具火印派員解往已於本月

初九日起至十一日止分次交納又准山海關副都統知會吉林官兵一千名將次進關臣當於挑備馬二千匹內先撥一千匹同備用馬二十五匹派委官兵即日分起管解赴京交納其餘馬一千匹及備用馬二十五匹俟黑龍江官兵將次過關時以次解京奏入報

聞

欽定平定教匪紀畧

卷十二

十四

十月二十日撥豫親王裕豐奏失察屬下閑散

包衣從賊謀逆未能查拏請

旨治罪

上諭內閣曰豫親王裕豐所屬桑堡村居住之包衣閑散陳爽等黨惡多人率先肆逆於九月十五日在紫禁城內滋事裕豐平日形同木偶毫無知覺非尋常失察可比理宜革去王爵但念此爵係裕

豐之高祖多鐸由軍功所封著施恩免其革爵罰親王俸十年以示懲戒將此通諭各王及貝勒貝子公等嗣後各將所屬包衣佐領人等留心稽查倘有似此不守本分凶徒即行拏報從重究辦斷不可姑容隱匿

臣等謹案賊匪糾眾行逆詭詐百端而時日

既久夥黨繁多其謀亦不能甚秘是以桑堡

欽定平定教匪紀畧

卷十二

十五

地方上年九月初間曾有祝現族人祝嵩山

告知伊姪祝海慶向豫親王府中首報之事

彼時裕豐備位親藩同

國休戚如果飛章馳告則逆情破露鉅案消弭豈

復有九月十五日之事乃竟漠不動念誠如

聖諭實屬罔顧大義是編所載十月二十日裕豐請

罪一節祇以失察從逆為詞而於祝海慶等

首告之處畧不之及其意向在避重就輕力

圖掩飾我

皇上篤念宗親不忍存逆詐億不信之見猶且

推恩宥過僅予薄懲而裕豐味義幸

恩理難倖免次年三月卒至情節敗露廷議奪爵究

觀始末鑒戒昭然爲臣子者當知自勉於忠

赤矣

欽定平定教匪紀畧

卷十二

三

上又諭內閣曰本年九月十五日賊匪突入禁城一

案爲從來未有之事雖渠魁業已就獲明正典刑

而助逆從犯在逃者尙多步軍統領順天府五城

肅清輦下是其專責近日並未能自行訪獲案犯

以淨餘孽又墮因循疲玩惡習殊堪切齒憤恨卽

刑部就獲犯內訊出姓名年貌飭交緝捕各犯如

祝現劉呈祥董伯旺情罪尤重者迄今月餘亦未

緝獲實屬懈弛怠玩步軍統領順天府五城俱著

傳旨嚴行申飭現在京城內外交順天府五城分

別旗民編查保甲卽刻奉行若稍遲延治罪不恕

並交步軍統領就所管地面實力稽查各該衙門

務卽實心經理比戶嚴查遇有蹤跡詭異者卽切

實盤詰俾奸宄無所容身以副除莠安良之治其

王公滿漢文武大臣官員第宅衆多並著各自留

欽定平定教匪紀畧

卷十二

三

心查察凡給使人役內如有來歷不明形跡可疑

者卽送官究治毋稍踈縱若視此旨爲具文因

循不辦非朕之臣子矣

是日方受疇奏言十月十三日據委員在省城

北關盤獲賊探寶冠僞元帥李志茂及賊匪胡

黑兒三犯臣提犯研訊緣李志茂籍隸封邱拜

東明縣人王進道爲師從習邪教本年九月王

進道因見滑縣長垣教匪滋事即自為大頭目
 糾集二千餘人各將髮辮後頭髮剃去一結腰
 束白布為記封李志茂為偽元帥焚掠村莊搶
 奪殺人九月內在蘭陽北岸玉林集遇見陳州
 營官兵打仗一次被殺一二百人逃回東明地
 方又遇直隸官兵打仗一次被殺傷二三百人
 退回開里集王進道因官兵鎗礮利害又知各
 路官兵都到河北令李志茂帶領三十九人來
 汴梁一帶探聽糾人入夥如南岸兵勇不多即
 渡河焚搶或投入滑縣賊營合夥約於十月十
 九日在省城東鄉陳家寨或於二十五六等日
 在北鄉天王寺前會齊如遇同夥不認識者則
 以拍掌為暗號李志茂等慮人盤詰裝扮客商
 及乞丐模樣偷渡西岸分派王進高等十人赴

欽定平定教匪紀畧

卷上

天

杞縣苗進忠等十人赴太康朱大能等十人赴
 鄆陵自與現獲之竇冠并未獲之李大家成等
 八人來省城一路探聽消息伊子李旺妮先隨
 竇冠潛赴陳州探聽存城兵數又潛來省城南
 關即被盤獲提訊竇冠李旺妮供亦相同現將
 在逃之李大家成三十八人姓名籍貫年貌服
 色向該犯等逐一究詰明確分晰開單通飭查
 拏一面飛咨溫承惠查明賊首王進道是否尙
 在東明縣開里集地方抑已投入滑縣賊夥分
 別剿辦又提訊胡黑兒據供稱係滑縣人被賊
 匪裹脅入夥用白布裹頭纏腰又用紅綢一條
 繫於衣扣以作暗記總頭目王姓散頭目陳姓
 不知是何名字聚有四五百人即在本村紮營
 連次被官兵打敗殺傷二三百人總頭目王姓

欽定平定教匪紀畧

卷上

天

知伊族叔胡添祥住居柘城縣磚莊會學拳棒令伊前赴勾結行至北岸卽被盤獲胡添祥並不知情亦非同教等情臣於審明後卽將該三犯綁赴市曹分別正法一面酌添兵勇在於省城教場勤加操演以壯聲勢而定民心再賊匪等被官兵剿殺自必逃竄以延殘喘賊營東界山東北界直省西界衛輝俱有重兵圍堵惟南至省城一面兵力稍單時屆隆冬大河水淺溜平且慮冰堅可涉查北岸封邱考城兩處兵勇不多必須駐兵五六百名方可阻遏賊匪去路勿任偷渡黃河至南岸蘭陽爲渡口扼要之區距省九十里距漫口八十里與開歸陳許等處聲息相通若於此處駐兵一千名則南北俱有聲援東西皆可策應賊匪知有大兵庶不敢乘

欽定平定教匪紀畧

卷十一

三

間窺伺臣已咨明那彥成察核辦理奏入

上命軍機大臣傳諭方受疇曰賊目王進道被官兵剿敗之後膽敢分派多人潛赴開封省城及杞縣太康等處探聽消息欲乘間勾結竄赴南岸實屬奸詭可恨現在拏獲之李志茂等犯於審明後業經正法其供出分投糾夥各犯務須上緊查拏按名緝獲勿任一名漏網拏獲後並著詳細研究賊匪等除現在豫境滋事外其他處地方有無潛往勾結並訊以京城內外地方除林清外尙有夥黨若干內中有無著名賊目糾衆指使之人訊有確供密速由驛具奏又據奏北岸封邱考城兩處存兵不多須分駐兵五六百名並南岸蘭陽須駐兵一千名之處賊匪狡譎伎倆難保不各處糾結且濬滑賊匪經官兵進剿之後尤恐四面潰散所有

欽定平定教匪紀畧

卷十二

三

南北兩岸附近省城地方關係緊要自應派兵堵截該撫現已知照那彥成派撥著卽照所奏妥速辦理該撫督率地方文武員弁加意防守毋稍疎虞

上又命軍機大臣傳諭那彥成曰那彥成自本月十六日奏報後今又數日並未續有奏報打仗之摺

朕心日增煩懣本日復據方受疇奏省城北關地

欽定平定教匪紀畧

卷十二

三

方盤獲偽元帥李志茂供稱拜從東明縣人王進道習教王進道係大頭目糾集二千餘人焚掠滋擾因在蘭陽北岸王林集先被陳州官兵擊敗逃回東明又被直隸官兵擊敗現退回開里集屯紮該犯帶領三十九人潛來省城及杞縣太康鄆陵一帶分投探聽糾人入夥希圖渡河焚搶等語豫省賊匪言者皆以爲烏合之衆不難立時撲滅而

官兵總未上緊痛剿以致賊匪裹脅日多且賊匪蜂屯濬滑已踰一月並未旁竄正其無能之明驗大兵如奮勇攻擊何難聚而殲旃乃官兵遷延不進使賊停留長智賊匪遲一日剿除良民多一日擾累官兵多一日糜費今河南開封以南復有賊匪探聽窺伺是其奸計詭謀已有遁而四散之意那彥成全無天良猶復憤憤坐待遠調客兵縱賊

欽定平定教匪紀畧

卷十二

三

殃民是何肺腑現計直隸河南原調之兵并那彥成自調之兵以及京兵已不下萬餘豈有擁兵萬餘尙不能戰之理那彥成前於剿辦三省派爲叅贊卽大負委任從寬薄懲嗣經屢次棄瑕錄用今復委以軍旅重寄猶不感激奮勉冀圖自贖安坐衛輝玩視軍務負國辜恩已極尙得謂之稍有人心乎那彥成接奉前旨自己迅速進兵此時惟當

加倍奮勇將滑縣及道口桃源三處之賊迅速掃
除早奏捷音尙可保全身家性命凜記在心勿謂
朕虛言恐嚇也其王進道一股現在何處是否仍
在閻里集屯劄著一併派兵殲洗淨盡勿令四
出勾結滋事現在軍營內如有拏獲賊犯并著詳
細研訊伊等夥黨在京城附近地方者共有若干
除林清外尙有何人著名爲首糾結訊有確供卽

欽定平定教匪紀畧

卷十三

十四

由驛密速奏聞此一節更爲最要機宜汝若漫不
經心非大清國之臣子也再本日方受疇奏河南
省城一帶兵力單弱請於北岸封邱考城兩處分
駐重兵五六百名以遏賊匪去路并請於南岸蘭
陽添兵一千名駐守防範據稱已咨那彥成派撥
等語賊匪窺伺無定南岸省城一帶關係綦重那
彥成務須通盤計畫派兵防守毋稍大意

欽定平定教匪紀畧卷十三

臣謹
奏

十月二十一日甲那彥成奏言臣蒙

皇上昇以總統重任極知豫省賊情上勞

宸廑心急如焚但在接仗遲早總期兵力齊集不

敢遲延亦不敢輕率計陝甘各路兵丁二十以

前已可齊集其餘續調之兵約次月底方到其

吉林索倫兵二千名至今尙無到營的期不勝

欽定平定教匪紀畧

卷十三

一

懸盼現已令長慶馳赴前途催趨臣仍趕緊籌

備如日內有可乘之機亦不俟兵齊卽行進剿

同日章煦奏言臣於十七日據大名府莫景瑞

東明縣朱煒稟稱探得東明縣東南西南面有滑

縣匪徒竄入欲歸曹定等處因東省屯兵堵禦

匪徒不能東竄仍復西奔蹤跡無定十二十三

等日裴子巖村民阻其道路被賊將該村燒搶

其餘村落被其搶掠者更復不少紛紛告急經該縣朱煒多遣丁役前往堵禦又據署長垣縣知縣周克家稟稱十一日該縣東北黃村南岳集兩處屯聚賊匪千餘人侵犯舊城先放大礮驚嚇村民旋即竄入燒燬民房殺死大小男婦七八百人並有前大寨等七村民人因在舊城團練鄉勇亦被賊匪盡行殺斃十二十三等日

欽定平定教匪紀畧

卷十三

二

該縣四境各有賊匪屯聚自千餘人至六七百人不等各村莊連被焚搶殘殺大道不通十八日又據署開州知州周衡稟稱滑縣匪徒猖獗附近州城之焦二寨井店一帶地方疊被焚劫州城週圍二十餘里向多坍塌難資保護現已深挖城濠添雇壯勇并由該州與州判教職等官分赴四門防守十九日又據大名府知府莫

景瑞等稟稱長垣縣所管焦家樓緊接東明縣境於十四日被滑縣等處賊匪千餘人乘風放火竄入村內殺傷男婦數百人被燒房舍十存二三東明縣附近之齊王集等處民人紛紛逃避各等語現當軍務緊要之際理合奏

聞

章煦又奏言查直隸開州長垣東明等州縣境

欽定平定教匪紀畧

卷十三

三

內村莊均被賊匪焚搶該民人等室廬既燼資用一空現俱流離失所且大名府屬本係積歉之區所有本境及外境被難民人更為困苦應否照災賑之案折給口糧並將外來避難之人酌量資遣之處出自

皇上恩施再此次派調從征官兵離營較遠現逢冬令禦寒無資可否照例借給行裝俟事竣分季

扣繳之處伏候

訓示辦理

同日馬瑜富蘭奏言竊臣等欽奉

諭旨以現在開州長垣東明一帶賊勢蔓延亟須預

為防範臣等查溫承惠初次調兵四千名均已

帶赴豫省其時開州東明長垣三處先經正定

鎮總兵拴住帶兵一千名分派防堵嗣溫承惠

欽定平定教匪紀畧

卷十三

四

因兵力尙單復將續調官兵派駐開州一千五

百名大名府城六百名防守後路尙不過於空

虛今臣等再帶直隸兵二千名於十九日起程

繞道趕赴開州更可探明竄匪情形隨處搜剿

惟有欽遵

諭旨顧住西北向東南步步進剿不使賊匪蔓延冀

副

委任均奏入

上命軍機大臣傳諭那彥成曰那彥成於初八日行

抵衛輝業已旬日總稱兵力未齊不行進剿並令

長慶迎催吉林黑龍江官兵該二處官兵雖已奏

報起程尙未到京卽到京之後朕派人犒賞再令

按程行走計到軍營爲期尙遠亦不降旨飭催那

彥成無庸懸盼現在那彥成所謂之兵據奏陸續

欽定平定教匪紀畧

卷十三

五

到營者已有數千又有直隸河南之兵已不爲少

那彥成惟應就現有兵力奮勉進剿滑縣道口桃

源三處之賊無論先剿何處那彥成自酌機宜朕

亦不爲遙制進兵後能否大獲勝仗看伊造化如

何若伊必欲按兵不動待吉林黑龍江之兵以至

坐失事機則是伊自不欲生亦祇好聽其自取朕

非不能執法之主也節次所發諭旨諄懇嚴切已

無以復加此時實無可再訓示矣

上又命軍機大臣傳諭馬瑜富蘭曰直隸開州東明長垣一帶現有賊匪往來焚掠不可不急行剿捕馬瑜富蘭皆係曾歷戎行帶兵奮勇之員前因俱受欽差大臣節制未能迅速進兵此時經朕特旨諭令馳赴直隸邊界專辦開州等處賊匪自爲一路該提督等當奮勉出力相度機宜務將該處賊

欽定平定教匪紀畧

卷十三

六

匪由北向南盡數殲除勿令稍有竄逸所有此一路進兵情形該提督等自爲酌量無庸聽候欽差大臣調遣若直省賊匪經該提督等剿捕淨盡後路已清無須在被駐劄卽奏明前赴濬滑軍營幫同欽差大臣攻剿豫省賊匪

上又命軍機大臣傳諭同興曰現在山東賊匪經同興屢次督兵痛剿大獲勝仗朕詢之路過東省之

人俱稱一路居民安堵雖暮夜亦照常行走行旅寧帖看來東境賊氛已就肅清深爲欣慰惟現在直隸開州東明長垣等處賊匪仍往來滋擾該撫卽遵照前旨速飭蘇爾慎帶同巴圖魯侍衛並於多隆武閔俊烈二人內酌派一員帶兵由清豐開州之間遶道而行自北向南幫同馬瑜富蘭協力剿辦其所需兵力著同興酌量於東省派撥一千

欽定平定教匪紀畧

卷十三

七

名令其帶往若東省兵力不敷分撥亦著據實速奏其山東邊境仍著同興督同劉清馬建紀沈洪等加意防範倘直豫兩省有潰竄之賊隨時截剿上又命軍機大臣傳諭章煦曰本日軍機大臣會同刑部奏訊據董幗太供稱林清於本年八月十六日從河南回家告知劉呈祥稱直隸南宮冀州地方有頭目趙步雲手下帶有六七百徒弟係李文

成一路之人林清於九月十六日曾遣支進才前往找尋趙步雲此賊或潛藏原處或歸併大股賊夥或來京伺隙務須查實迅奏又據供饒陽人劉玉瀝亦係同教於今年九月間曾同賀八至林清家林清約令於十四日來找賀八又固安縣人張四鬍子卽張添升要收容城一路同教之人曾向林清商量教中之事此外尙有磁州趙得一順德

欽定平定教匪紀畧

卷十三

八

楊遇山亦俱與林清糾衆謀逆等語除趙得一楊遇山卽楊月三二犯前據林清供出業經降旨交章煦嚴密查拏外其籍隸冀州之趙步雲及饒陽之劉玉瀝固安之張四鬍子卽張添升三犯著章煦卽速派員嚴密查拏毋令聞風免脫

上諭內閣曰直隸大名府屬連年積歉茲開州長垣東明等州縣又經賊蹂躪被難良民自應亟爲撫

卹俾免流離著該督查明開州長垣東明三州縣被賊焚掠村莊本境及外來被難民人悉照災賑之案分別大小戶口一體賞給兩月口糧概行折銀散給外來避難民人有情願回籍者酌給路費資送其被燬房間俟事定後另行查辦又此次調派綠營官兵離本營較遠並著循照例案借給行裝銀兩事竣分季扣還以示體卹

欽定平定教匪紀畧

卷十三

九

同日胡克家奏言近據探報東豫官軍連得勝仗逆匪被剿窮蹙恐其四散竄逃安省交界地方亟須增添戍守臣現續調臣標左右二營及安慶潛山池州寧國蕪采徽州各營挑備之兵共八百名派員管帶配足軍火礮械分派協防至安省額兵統計數不及萬不敷再調查廬州府知府林嵐向在河南精於團練已委令督同

各州縣招募鄉勇訓習備用一面偵探消息設有賊匪竄至卽當奮力殲擒以堵爲剿臣專駐潁亳之間居中策應壽春鎮總兵喀勒吉善現在駐防太和縣界首集地方諸可就近商辦其壽州本鎮亦關緊要現准百齡咨會卽委副將陳均駐紮州城督率防守備禦嚴密奏入報聞

欽定平定教匪紀畧

卷十三

是日

上命托津馳驛前赴河南軍營

賞多羅馬二匹其隨帶巴圖魯侍衛司官等均一併

馳驛

十月二十二日卯那彥成楊遇春奏言臣那彥

成昨將暫駐衛輝緣由

奏明後連日探明賊匪情形先將已到之固原西

安兵丁二千名交臣楊遇春於十七日星夜帶赴附近道口之新鎮駐紮以當賊匪要路臣楊遇春行抵新鎮鄉民等呈報附近道口之曹起營地方有賊分屯時出擄掠當於十八日派撥遊擊呂天俸馬光宇守備俞振海帶領兵丁並引路鄉勇等前往該處賊匪約千餘人一見官兵卽行分竄我兵奮力追捕殺賊二百餘人奪

欽定平定教匪紀畧

卷十三

獲大刀一把烏鎗十五根三眼鎗六根餘匪竄

歸道口旋又探得附近道口之周譚村連莊羅

張寨三處賊匪亦來會夥一處約有二千餘人

鄉勇等得兵助勢人人奮勇攻撲賊匪亦卽分

竄帶領鄉勇之孟大有孟大炊分投追捕殺賊

三百餘人生擒張會元等十四名餘匪亦竄歸

道口十九日臣那彥成亦已到營探知附近道

口之丁樂集屯聚賊匪三千餘人勢甚兇悍因賊匪畏懼官兵遂令兵丁假扮鄉勇仍帶引路鄉勇數百人於十九日黎明直逼賊巢賊匪搖旗吶喊蜂擁前來臣楊遇春率兵衝擊殺賊六百餘人奪獲大旗二桿上寫吳宮伯劉幅榮離宮伯李存信奉天開道字樣又八卦大白布旗一桿小旗一桿上寫吳宮伯尙大興字樣又小尖令字旗七桿上寫師存智尙大榮陳長嶺字樣又小白旗二十六面上寫奉天開道字樣餘匪亦竄歸道口訊據活賊供稱頭目馬魁曹治幘持械當先已被鎗傷斃此次引路鄉勇被傷數名兵丁亦有帶傷者容俟查明照例賞卹所有生擒各匪亦卽分別辦理臣等一面飛催未到兵丁速來以爲後應一面卽帶現存兵丁並

欽定平定教匪紀畧

卷十三

十三

札會高杞合兵進剿總期一二仗掃除淨盡上慰

聖懷

同日百齡奏言竊臣前將徐屬南北兩岸防守事宜分佈後回赴郡城駐紮一面復移咨安徽撫臣胡克家將亳州邊界一帶加意防範茲據徐州鎮總兵沈洪稟報本月初九日行抵曹縣督同叅將馬濟勝率領弁兵在冉堦集捕獲匪徒趙其淵等八名又在潘家堂拏獲賊首李名揚偽號李四大王及夥匪趙普位等五名斃賊四名奪獲刀械多件訊係教頭徐安幘震字號匪徒同夥共有三百餘人向西逃竄又於初一日馳赴曹縣劉家樓賊巢賊衆蜂擁迎拒經官兵奮力攻擊斃賊一百五十餘名餘賊百餘人

欽定平定教匪紀畧

卷十三

十三

奔入寨內堅閉樓門拋擲磚石如雨我兵不避
 矢石冒險仰攻放火焚樓將賊首劉丹霄及駭
 衆全行燒斃跳樓被擒者男婦十一名口奪獲
 騾馬十餘匹刀矛一百餘件分賞出力官兵獲
 犯交縣審訊又於十二十三兩日在曹縣西北
 七十餘里之朱家衝四十里之楊家集等處
 擒獲賊匪五十八名並在楊家集地穴內搜獲
 頭目楊繼幅楊繼會二名在呂家庄追獲趙景
 和一名馬一匹並搜獲白布旗十餘桿刀矛鳥
 鎗各十餘件訊據各犯供稱聞知大兵將到均
 各奔竄滑縣春亭集一帶等情伏查東省賊匪
 節經官兵剿捕現祇百十為羣零星潛匿惟豫
 省滑濬等處匪徒較為猖獗而蘭陽封邱及黃
 河南岸又有潛謀勾結之機江境碭山南岸之

欽定平定教匪紀畧

卷十三

十四

欽定平定教匪紀畧

卷十三

十五

楊家集與豫省虞城接壤最為緊要前已派兵
 四百名交叅將奇里克特往虞城駐守茲復添
 派都司徐彬帶河標兵一百五十名一併前往
 會合提臣烏爾卿額並即親自帶兵赴楊家集
 屯紮探蹤策應現在邊防寧謐臣復思沈洪自
 赴東省後連獲勝仗所帶官兵一千名足資搜
 捕其隨同前往策應之叅將馬濟勝應即另分
 一路偵探截剿惟計所帶官兵二百名尙形單
 薄現即另行挑撥鳥鎗兵二百名派令隨往仍
 恐南方兵丁技勇於北路未能擅長臣復自行
 捐募徐城附近壯勇三百名由紳士義民團練
 保送均可以一當十臣一一申明軍律送交馬
 濟勝統領令其在豫東邊界察看何處緊要即
 馳往何處進攻仍與總兵沈洪互相接應更可

壯聲援而杜窺伺

同日方受疇奏言查睢州工次前此拏獲賊匪朱得三蔡景華二名後又續在西壩拏獲趙三一名臣嚴加究審除朱得三供認與同教之張嚨志等均係聽從曹縣教匪許天一指使來工乘間滋擾外內蔡景華一犯籍隸曹縣卽係該處首逆蔡五倫族姪其趙三一犯籍隸杞縣聽

欽定平定教匪紀畧

卷十三

六

從武安縣人張三王二陳四李五勸令入夥張三係教匪頭目張天相手下人因聞睢汎堵築大工先令到工探看有無官兵防守張天相約定十一月十五日領人到工滋擾現在張天相是否尙在武安抑已投入賊營均不知道等語除朱得三在監病斃外當將蔡景華趙三綁赴市曹卽行正法一面札飭彰德府督同武安縣

密拏張天相並通行查拏供出在逃之張嚨志等務獲究辦仍咨明兩江總督百齡安徽巡撫胡克家一體查拏勿任免脫再前此睢汎漫溢蒙撥銀一百六十萬兩解交豫省藩庫以爲堵築工需今大工停辦應否留充軍需賑濟等項之用候

欽定平定教匪紀畧

卷十三

七

旨遵行至現在軍糧緊要豫省採買小米例價不敷並請照依各處報部糧價作正開銷俾免缺誤均奏入上命軍機大臣傳諭那彥成曰那彥成在衛輝遷延旬日因奉嚴旨飭催始由新鎮進兵攻剿一經接仗卽斃賊一千餘人並稱賊見官兵卽行分竄可見此等烏合之衆毫無伎倆有何可畏而遲延不進耶該督等當趁此兵威速將道口屯聚之賊悉

數殲除賊匪犄角之勢已破卽合兵將滑縣之賊併力圍攻該逆匪屯門浚濠爲負隅死守之計該督於進攻時用礮轟擊更爲得力開封府城存貯礮位甚多著該督卽調取來營以備攻具現在滑城爲首之賊係徐安惻當通飭將弁留心擒捕毋令遁逸逆首李文成因腿受刑傷在滑城附近之李家莊養病該督卽分派將領設法掩擒解京盡法懲治此次那彥成等督兵剿賊得有勝仗因前此辦理遲延是以不加獎勵若能奮勉剿辦迅速成功再行降旨施恩

欽定平定教匪紀畧

卷十三

六

上又命軍機大臣傳諭百齡曰江境邊防經百齡籌備嚴密其沈洪一路官兵於本月初九日在曹縣地方先經捕獲匪徒多名旋即馳抵劉家樓賊巢奮力擊剿斃賊一百五十餘名將賊巢焚燬賊首

劉丹青及夥衆全行燒斃又追殺五十餘名並搜獲頭目楊繼幅等所辦俱好現在東境已就肅清惟大兵雲集滑縣卽日進攻恐有潰散之賊應令沈洪仍在曹縣一帶會同東境官兵認真防堵毋稍疎虞其所獲賊犯並著百齡詳加研訊林清業經伏誅其直隸及京城內外伊等夥黨潛伏未動者尙有若干人其中著名爲首之犯尙有何人如若訊明無可留質均卽正法

欽定平定教匪紀畧

卷十三

五

上又命軍機大臣傳諭方受疇曰賊匪朱得三蔡景華趙三等膽敢聽從許天一等指使潛來工次窺探情形希圖滋擾實屬奸狡可惡朱得三業經監斃著卽戮屍蔡景華趙三二犯業於審明後正法其許天一等犯現經該撫飭屬查拏並咨交百齡

胡克家一體協緝拏獲後該撫卽親提嚴訊京城內外地方除林清外尙有伊等夥黨若干其著名爲首者尙有何人如訊有確供迅速由驛具奏將供吐之犯暫行留質其前撥豫省堵築漫口工需銀一百六十萬兩已交部行文飭催速解豫省以爲軍需賑濟之用現在軍食所需亟應籌備其採買小米准其照依月報糧價作正開銷再朕聞滑

欽定平定教匪紀畧

卷十三

三

縣賊匪將城門土屯三面並於城外用車輛圍圍挑挖深濠固守官兵卽日進攻必須用礮轟擊現在開封府城內存貯礮位甚多著方受疇揀擇利用者數位運至軍營交欽差大臣備用務須派員小心護送毋致疎失

上又命軍機大臣傳諭同興曰此次東省賊匪經同興督兵剿辦已將東境匪徒悉數殲除地方寧謐

道路肅清辦理俱妥惟聞東省因年歲歉收兼遭賊匪焚掠災民逃避四出現聞本境安靜有由河南江南逃回者有欲由直隸出口因京城現有匪徒滋事之案恐中途盤詰仍復轉回者沿途扶老攜幼人數甚多該民人等疊遇荒災蕩析離居情殊可憫著同興飭知地方官認真撫卹加意綏輯務使餬口有資不致轉徙失所事定後各歸本業

欽定平定教匪紀畧

卷十三

三

用副朕軫恤難民至意再本日據那彥成奏到滑縣附近賊匪經大兵進剿殲擒一千餘人卽日進攻道口滑城恐該匪等被剿情急或向東逃竄同興當督率劉清馬建紀等嚴加堵禦如有竄逃卽令將弁等迎頭截擊速淨賊氛勿留餘孽

上又命軍機大臣傳諭胡克家曰河南滑濬屯聚賊匪經那彥成等督兵進剿已獲勝仗現在乘勝進

兵將道口賊匪剿滅後剋期攻復滑城賊匪被剿情急恐有零匪四散奔竄安省潁亳一帶與河南在在毗連胡克家卽督飭文武員弁各於要隘處所嚴密防守一有賊匪竄入迎頭剿捕毋令闖入境內

十月二十三日丙辰

上諭內閣曰此次直隸河南山東交界地方逆賊滋

欽定平定教匪紀畧

卷十三

三

事擾害良民經朕特派欽差大臣督率巴圖魯侍衛會同三省督撫並各路提鎮等調集滿漢勁兵剋期進剿嗣又由京挑派健銳火器二營官兵一千名分起進發皆係簡練之師一可當百近日又復飭調吉林黑龍江馬隊官兵二千名尤爲驍勇軼倫卽日星馳雲集諒此么膺小醜不難一鼓蕩平惟是簡將調兵原期除莠安良俾閭閻早臻寧

謐謀反逆賊一名勿令倖免良民斷不使波累受

害恐愚民不知原委聞大兵過境相率驚疑或奸

徒播造謠言煽惑衆聽以爲兵過之處不分良莠

多肆誅夷致羣相駭怖紛紛避徙或至老弱顛連

轉於溝壑賊匪又從而裹脅且逞其詭謀於抗拒

官兵之時將被脅之人驅令在前先罹鋒鏑使吾

民旣死於賊又死於兵朕輾轉思之深爲不忍前

欽定平定教匪紀畧

卷十三

三

已降旨嚴諭領兵大員等申明紀律凡大兵所至

於閭閻秋毫無犯沿途官給飯食自騎營馬一絲

一粟不以累民如官兵侵擾良民小則插箭遊營

大則軍法從事其領兵官員如縱兵殃民查出從

重治罪並申諭將帥臨陣專戮賊匪毋許濫殺一

人其有被脅在先棄械投誠者概免誅戮以廣仁

恩著直隸總督山東河南巡撫卽將此旨迅速膾

黃廣行曉諭俾小民等咸知王師所至原以爲民除害保赤衛良遠邇同心共望早靖邪氛各安生業永享太平再逆首林清在京拏獲業已寸磔傳首三省示衆尙有李文成徐安欄牛亮臣馮克善王進道五犯皆係賊營渠惡罪孽滔天又有祝顯卽祝現劉呈祥董伯旺劉第五四犯皆林清同謀逆黨情罪尤重必須按名捕獲明正典刑特明頒

欽定平定教匪紀畧

卷十三

三

賞格如各處文武官弁有能擒獲者立加超擢兵民人等擒獲者賞給官職併給予重賞其各處菴觀寺院僧道等有能擒獲者亦必優加賞賚其賞格卽照平定三省邪匪時拏獲王三槐徐添德之例此內李文成一犯現在滑縣城外李家莊聚衆伏匿如賊黨內有能將該逆縛獻者不但赦其已往之罪亦必一律加賞尙有人獲賊獻官而官弁

冒功奪犯將獲犯之人姓名隱匿准本人據實首告立將冒功奪犯之人治罪本人仍照格升賞或將獲犯之人戕害滅口一經查出立寘重典將獲犯之人家屬厚加賞恤其或窩藏重犯匿不報官則其人卽係叛逆罪在不赦全家悉行誅戮以儆兇頑著各該督撫將此旨廣張示諭無論通衢僻壤咸使聞知俾人人憤切同仇速殲巨寇以彰國

欽定平定教匪紀畧

卷十三

三

憲

是日兵部遵

旨議處失察兵丁曹幅昌習邪黨逆之正黃旗漢軍都統宗室祿康副都統富蘭並查明該旗叅領高澗副叅領李博文佐領劉塏驍騎校兼印務章京岑鐸各在任年月具奏得

旨祿康曾任大學士兼步軍統領獲咎後棄瑕錄用復授為都統自應認真整飭旗務以贖前愆乃本旗所屬兵丁曹幅昌從習邪教並與知逆謀該犯居住都城並非屯居漢軍可比祿康在任毫無覺察兵部議以革職實屬咎所應得著革去都統加恩賞給四品頂戴以宗人府副理事官用富蘭現任在軍營帶兵俟軍營事竣核其功過再降諭旨其

欽定平定教匪紀畧

卷十三

三

叅領高澗副叅領李博文佐領劉埴驍騎校岑鐸俱著交部嚴加議處

同日同興奏言查東省自連次痛剿之後實無

成夥賊匪惟探得附近東省之開州正西西南

一帶村莊均有賊匪屯聚其正西各莊接連滑

縣賊勢尤密欽奉

諭旨著於提督多隆武總兵閆俊烈二員內酌派一

員挑帶勁兵一二千名前赴開州會剿等因臣查節次所調各營滿漢兵丁共有五千六百餘名除分撥各州縣防守者二千餘名外供戰之兵祇三千五百名自剿平賊匪後又分派各要隘堵剿者二千餘名現在存營實祇一千三百名當經分兵一千名交蘇爾慎閆俊烈帶領由濮州直赴開州會剿即於十九二十兩日分起前進其東明交界之單家集派總兵陳廣寧在彼駐劄附近安陵集扈家集等處有叅將段琨遊擊胡報國劄營防堵聲勢聯絡現在多隆武又前赴單家集協同防守臣仍駐劄曹郡居中策應至曹州西南一路本係總兵沈洪在彼劄營茲據咨稱該處逃散村民俱已回歸耕作各路探報並無賊匪現奉百齡札調該鎮移駐考城

欽定平定教匪紀畧

卷十三

三

蘭陽沿河一帶杜賊南竄臣仍酌派副將福寧
阿叅將常鳴盛帶兵三百六十名前往駐紮該
處原有都司周添章帶兵二百名防守足資彈
壓現在曹州東境間有零星餘匪偶回藏匿者
均被本村生監鄉勇以及居民人等隨時緝送
除逐日審明正法外每日細押者常有二百數
十人臣已多派委員趕緊嚴訊其實有可原者
量從末減不致濫殺滋弊再查總兵陳廣寧自
馳抵曹州以來捕獲奸細多人賊衆不敢窺伺
現由定陶赴東明交界防堵尙無遷延畏賊之
處奏入

上命軍機大臣傳諭同興曰東省官兵連獲勝仗之
後此時已無成夥賊黨卽間有零匪無難隨時捕
獲殲除淨盡但現在豫省正當剿辦滑縣屯聚賊

欽定平定教匪紀畧

卷十三

五

衆而直省官兵又自開州向南擊剿兩處賊勢被
剿旁竄東省邊界兵防尤爲緊要著同興督率官
弁加意堵禦尙有直豫兩省潰竄之賊隨時截剿
勿使逸匪一名闖入其東省現獲各犯著同興卽
向該犯等詳加究詰該處逆匪夥黨與林清素通
聲息現在林清已誅京城內外是否尙有著名賊
目潛伏未動如訊有姓名卽究明年貌住址由六

欽定平定教匪紀畧

卷十三

五

百里奏聞再朕聞東省匪犯亦尙有伏而未動者
該撫於獲犯內並應詳加嚴究如該省果有潛匿
之賊亦應密派委員前往設法掩捕毋令漏網
十月二十四日那彥成楊遇春奏言竊臣前
將鼓勵鄉勇殺賊情形具

奏後二十一日正在探明路徑擬與高杞通信三
路進攻旋於是日已刻探報屯聚道口之賊傾

巢而出約有三四千人分東西兩路而來在中
 市所一帶村莊沿途焚掠因思此等賊匪一經
 官兵接仗勢必敗退逃奔先須截其歸路且道
 口距滑縣城僅止八里並恐城內之賊潛出接
 應尤須防範臣楊遇春帶領馬步官兵抄往賊
 後截住退回之路設有後股接應之賊兼可堵
 剿並派格布舍富僧德特依順保馬元等各領
 弁兵分路迎頭截剿慶祥帶領京營勁旅在南
 策應臣那彥成帶領副將張大振在正西策應
 賊匪一見官兵蜂擁抗拒格布舍馬元等率領
 官兵先用馬隊衝突鎗箭齊發前隊賊匪應手
 而倒後隊之賊仍復向前抗拒官兵步隊繼進
 鎗矛並舉富僧德特依順保等復率馬隊橫衝
 其間賊匪不能抵禦紛紛敗竄臣楊遇春又復

迎頭截住痛加截殺自已至酉閱五時之久將
 弁兵丁勇氣百倍殺賊一千四百二十名生擒
 一百四十餘名逃出良民約有一千餘名人人
 感激
 天恩各歸安業其實係賊匪訊明後即全行正法奪
 獲大白旗十餘桿大礮二尊鳥機礮三尊三眼
 鎗一桿刀矛器械不計其數時已昏暮未便窮
 追察探敗殘賊匪仍歸道口滑城兩處賊匪狡
 猾多端此次雖分東西兩路而出各處俱有埋
 伏若非三面分頭迎截幾中其埋伏狡計臣現
 在商同佈置擬仍分數路進攻剋期蕪事除將
 出力員弁兵丁分別獎賞記功外其官兵內陣
 亡把總楊秀廷一名外委兵丁二名容查明咨
 部請卹再臣前經

奏明將南陽兵丁撤歸原伍後卽將湖北預備兵

三千名調來補數茲查內有鄖陽兵八百名臣

伏思鄖陽地關緊要仍飛咨馬慧裕令其就近

飭回本營以資彈壓又臣那彥成昨於新鎮接

奉

上諭並密封

硃諭申飭臣跪讀之下昏暈戰懼自悔自艾無地自

欽定平定教匪紀畧

卷十三

三

容惟有努力向前萬不敢少有遲疑並求

皇上施恩准將

硃筆暫緩恭繳臣焚香供奉朝夕捧讀益加勵警

同日章煦奏言臣於二十一日據署長垣縣知

縣周克家稟報十五六日該縣四境崔寨野寨

並南岳集等村莊被賊放火焚劫殺死男婦多

人又據大名府知府莫景瑞等稟稱十五日長

垣縣南岳集九級集大寨三處賊匪併歸春亭

集晝夜四出搶掠東明縣夾河灘翟家莊因毗

連長垣縣十六日被春亭集匪徒焚搶十七日

長垣縣所轄于家堂又有賊匪千餘人帶有車

馬由東南奔向西北在南岳集住宿恐再與春

亭集賊匪勾連滋擾其夥更多殊爲可慮二十

三日又據東明縣知縣朱焯稟稱十七日東南

欽定平定教匪紀畧

卷十三

三

所來賊匪均在南岳集黃家村盤踞與該處舊

有匪徒分立兩寨十八日赴附近之王家寨圍

困並探知長垣縣春亭集等處各股賊匪均歸

南岳集聚爲一夥各等情再臣接奉

諭旨查拏各犯除張四鬍子卽張添升一犯現據固

安縣知縣何貞稟報拏獲解京外查趙步雲劉

玉隴二犯現在派員往冀州一帶查拏尙未弋

獲其磁州趙得一犯據報病故經該地方查驗埋葬處所並將伊子趙維經等查訊無異又楊月三卽楊遇山一犯現在訊無其人臣尙恐所報未確仍派員認真躡訪勿任免脫

同日胡克家奏言竊臣欽奉

諭旨衛輝黃河南岸係歸德開封二府如有蠢動温

承惠等卽飛速知會百齡胡克家就近派兵剿捕

欽定平定教匪紀畧

卷十三

三

等因臣查安徽省宿州與河南永城縣接壤亳州

與永城商邱鹿邑三縣毗連俱係歸德府所屬

太和縣亦與永城及陳州府屬之項城沈邱二

縣交界密邇宿州臣當卽添兵派委都司魏光

德協同該營都司王金堂加意防禦其亳州北

境貼近豫界盧家集地方派委叅將明保帶兵

四百名在彼駐紮喀勒吉善帶兵五百名在太

和之界首集駐紮臣現在帶兵二百名在適中

之亳州雙溝集駐紮調遣策應尙有續調徽寧

等營兵六百名卽日到再當分派協防一面

偵探確信如有警報臣立即配足兵一千名交

喀勒吉善督率堵剿臣亦帶兵繼進彼時百齡

由徐州一路進兵正可知會夾攻其亳州太和

本境並催令知府林嵐趕緊練習鄉勇壯丁協

欽定平定教匪紀畧

卷十三

三

同防守應需軍火糧餉均已籌備齊全不致臨

時支絀均奏入

上命軍機大臣傳諭那彥成曰此次道口之賊出巢

迎拒者有三四千人經該督等奮力剿殺共斃賊

一千四百餘名生擒一百四十餘名並逃出良民

一千餘人核計道口屯聚之賊除殲擒及投出裹

脅者其餘敗殘賊匪爲數諒亦無多該督自當趁

此兵威進攻道口將賊匪殲滅淨盡即可併力圍攻滑城該匪等外無救援正如釜魚阱獸不難一鼓剗平前因該督辦理遲延是以降旨嚴飭該督此時若能將滑城屯聚之賊迅速翦除並能將逆首李文成徐安福按名擒獲自應寬其既往之咎仍予施恩該督當勉之又勉至該督所獲賊犯務須嚴切根究該匪等同謀逆黨除林清外其潛匿京城及附近者尚有若干著名為首者尚有何人如有確供即迅速由六百里具奏以便飭拏究辦現令廣厚暫留衛輝所有該督生擒賊犯並著就近分解郡城交廣厚研審具奏若逆首李文成徐安福一經擒獲驗明傷不甚重即傳旨派廣厚長慶二人迅速押解來京以備廷訊再摺內稱奪獲賊匪大礮二尊鳥機礮三尊賊營中安得收有礮

欽定平定教匪紀畧

卷十三

三

位並著於獲犯內嚴究來歷據實覆奏該督等因前此進兵遲緩不即加恩除打仗陣亡之把總楊秀廷著照千總例賜卹外委兵丁二名著咨部議卹外其餘出力將領兵丁統俟收復滑城擒獲首逆大功告竣時由該大臣等秉公保奏渥沛恩施上又硃批諭那彥成曰汝若能成大功朕若仍治汝罪朕何以仰對

欽定平定教匪紀畧

卷十三

三

天

祖汝能知悔懼奮勉自當大施渥澤勉之

臣等謹按書曰用命賞于祖不用命戮于社自昔申明軍紀不外乎賞罰二端惟激勸本於無私斯威愛胥歸允濟前此那彥成駐軍衛輝停留不進

訓詞嚴切無少寬假

尺一下頒威于鈇鉞茲那彥成積畏懼之誠奮果敢

之氣於是月十八二十一等日鼓勵將士轉

戰而前連次奏捷

皇上鑒其悔懼真切旋即釋其前愆責以後効伏讀

殊諭開誠布公如揭日月而行那彥成踴躍奮興迅

奏膚功獲邀

欽定平定教匪紀畧

卷十三

三

懋賞所謂

推赤心於復中

降殊恩於望外豈非八柄之用有以佐九伐之勲歟

上又命軍機大臣傳諭托津曰前因那彥成在衛輝

遷延旬日不肯進兵是以特派托津馳往督辦昨

二十二日接到那彥成十九日所發之報據稱在

道口附近攻撲賊寨斃賊一千餘名本日復接伊

二十一日所發之報據稱屯聚道口之賊于是日

傾巢而出沿途焚掠官兵分頭截擊斃賊一千四

百二十名生擒一百四十餘名逃出良民千餘人

奪獲礮位器械甚多現在賊匪仍潰回道口滑縣

等語那彥成接奉屢次嚴旨頗知畏懼日來已奮

勉進兵尙有立功自贖之意現在連得勝仗計算

道口之賊所剩無多剿淨後即可圍攻滑縣惟本

欽定平定教匪紀畧

卷十三

三

日據章煦奏稱長垣東明等處賊匪於二十十三

十四焚掠各村寨之後十五十六十七等日復又

四出焚掠圍困村寨殺死男婦多人其子家堂地

方有賊匪千餘人帶有車馬由東南奔向西北並

探知春亭集等處各股賊匪均歸南岳集聚為一

夥等語該一帶賊勢甚為猖獗馬瑜帶兵往剿恐

其油滑不能得力托津著先馳至馬瑜軍營認真

督辦富爾蘇爾慎閔俊烈現俱在該處托津卽飭令速將該一帶賊匪剿除淨盡勿任四散奔竄如兵力不敷現在吉林兵一千名一二日內卽可到京其黑龍江官兵十一月初旬亦必續到朕派員犒賞次日卽令起行托津可一面派人迎催先令在開州一帶協剿再赴滑縣軍營

上又命軍機大臣傳諭馬瑜富蘭曰本日又據章煦

欽定平定教匪紀畧

卷十三

罕

奏長垣縣南岳集九級集大寨三處賊匪併歸春亭集晝夜四出搶掠東明縣之夾河灘瞿家莊等處亦被春亭集匪徒焚搶賊匪現在南岳集黃家村盤踞並將附近之王家寨圍困等語馬瑜等前已帶領直隸官兵二千名於十九日起程繞赴開州蘇爾慎閔俊烈並由山東帶兵一千名前往協助現在該處賊匪如此猖獗該提督等卽探明賊

匪大股屯集之處迅速進兵自北向南痛加剿洗勿稍延緩

上又命軍機大臣傳諭百齡方受疇胡克家曰現在賊匪屯聚滑城其北面有托津督同馬瑜富蘭等帶兵在開州一帶向南攻剿西面有那彥成進兵剿殺東面有同興督同劉清等在東省邊界巡防均極嚴密卽日大兵圍攻滑城若能聚而殲旃固

欽定平定教匪紀畧

卷十三

罕

屬甚善但恐賊眾被剿情急豕突狼奔則南面兵力較單不可不加意防範且前據方受疇奏盤獲賊探訊據賊供分遣多人潛赴開封省城及杞縣太康等處探聽消息欲乘間勾結南竄可見該匪徒非無南竄之意所有豫省開封歸德及江南徐州接壤之區著責成百齡方受疇會同籌畫派撥兵役無分畛域實力防堵安徽地方亦係百齡統

轄並著與胡克家設法巡防隨時偵探嚴兵備禦毋稍疎虞

上又命軍機大臣傳諭章煦日張四鬍子卽張添升

一犯據該署督奏已拏獲解京其趙步雲劉玉瀝

二犯均與林清同教謀逆該督卽嚴飭委員等設

法購線嚴拏務獲又楊月三卽楊遇山一犯林清

及其甥董幗太僉供實有其人該犯徒黨甚多著

欽定平定教匪紀畧

卷十三

聖

該署督仍飭知委員嚴密查拏毋任漏網至趙得

一一犯據報病故並著嚴訊伊子務得真實下落

本日又據訊出直隸清河縣劉玉山一犯於本日

夏間曾至林清家約夥糾人其家在清河縣城東

二十餘里著該署督卽遴派幹員前赴清河縣會

同地方官嚴密躡緝就獲後迅速錄供具奏

十月二十五日 董誥等奏言 臣等遵查

紫禁城內外及各城門各堆撥例設軍器並各旗

營應用軍器核計該管大臣等陸續奏到之數

請將缺短損壞應由官辦者由武備院庫貯及

端門樓存貯項內先行撥給一面補造完欸如不

敷撥給卽由武備院製造分給其應由各佐領

下自備差操者請責成該管官自行趕緊製造

謹查明細數彙總開單進

欽定平定教匪紀畧

卷十三

聖

呈得

旨此項應行補換製造軍器俱著限於十日內補製

齊全餘依議

欽定平定教匪紀畧卷十四

十月二十六日紀董誥等奏言臣等將曹綸父子如何入教傳逆之處訊之獲犯王五卽王文茂據供我是大興縣人父親王得係提督王柄家契買家奴嘉慶十三年與曹綸認識結拜弟兄十六年三月曹綸陞任都司他到教師林清家去辭行帶我去磕頭傳教曹綸起身時又託

欽定平定教匪紀畧

卷十四

一

我帶他兒子幅昌到林清家一同傳教是年五月幅昌邀我到他家見了劉四孫九知會我林清要造反的話並叫劉四們在獨石口告訴曹綸隔了十幾日曹綸因領餉到京幅昌又邀我到他家中與劉四孫九一同見面他們告訴曹綸說目下大劫數到林清該當起事你若可以進京就來京幫助如不能來就在獨石口收人

入會等候接應曹綸說等我回去看光景有人

可收卽當收聚至於進京的話恐怕不能只好在那裏等候說完各自散去今年春間幅昌告訴我說林清要往河南招集七卦把坎卦掌教讓給劉四五月初間劉四幅昌又同到我家劉四說林清已收齊七卦的人他做天皇地皇係馮克善人皇姓李九月初間河南人陸續來到

欽定平定教匪紀畧

卷十四

二

坎卦內有二百來人幫他動手你能去不能我没有應允到七月間幅昌又對我說劉四給他送信定於九月十五日造反問我如不能去給你白布兩塊臨時包頭纏腰口稱得勝二字就不致誤殺了幅昌又向我說他原要往獨石口把九月十五的日子告知他父親叫他馬頭朝南因没有盤纏不能去劉四已打發他兒子去

了我於林清九月十五日鬧事之後聞拏緊急於各處躲避十月十九日逃往通州被獲臣等又覆訊幅昌據供十六年六月間我父親領餉進京劉四王五來與父親會面之時我因在旁伺候不時出入所以他們說話不能聽得詳細只聽見孫九向我父親說將來有了日期我再給你送信我父親說很好今年七月二十七日

欽定平定教匪紀畧

卷十四

三

劉四要我往獨石口將九月十五起事的話告知父親叫他臨時馬頭朝南迎著同會的人我委因沒盤纏未去是劉四叫他大兒子去的等語與王五所供相同奏入

上命軍機大臣傳諭福長安日前訊出獨石口都司曹綸有與林清結拜弟兄之事降旨革職拏問令福長安派員鎖拏解京福長安於接奉諭旨後昨

已據奏派遊擊花良阿等馳往查拏茲又訊據幅昌及獲犯王五供出十六年夏間曹綸解餉到京時林清曾遣逆夥劉四告知令其在獨石口收人入會等候接應曹綸當經應允等語曹綸以職官謀逆情罪重大除俟到京嚴訊外該犯既經應允林清收人接應回任後自必糾約夥黨事越兩年奸謀叵測曹綸雖已拏解恐尚有黨與伏匿不可

欽定平定教匪紀畧

卷十四

四

不密防嚴拏福長安接奉此旨著於將備中遴選精細妥幹之人前往署理獨石口都司令其不動聲色細心察訪並將其署中家人門役等嚴切究訊曹綸平素在彼有何人常川進署曹綸出署之時常往何處此兩年來有無多製器械廣收馬匹之事現在九月十五日林清敗露之後有無自京投往之人此時曹綸被拏該處是否安靜如查明

形蹤詭秘確係該犯夥黨及有由京投往者著卽會同地方文員嚴密查拏迅速解京審辦設或夥黨衆多慮滋事端福長安卽親自馳往妥慎辦理上又命軍機大臣傳諭貢楚克扎布曰獨石口都司曹綸拜林清爲師預知逆謀當卽降旨令福長安將伊革職鎖拏解京審辦今已閱數日尙未解到獨石口距貢楚克扎布駐紮之處不遠貢楚克扎

欽定平定教匪紀畧

卷十四

五

布接奉此旨著卽就近添派明幹員弁將曹綸嚴拏鎖鑰押令迅速行走並嚴飭解員沿途加意防範毋稍疎虞

上諭內閣曰正黃旗漢軍兵丁曹幅昌從習邪教與知逆謀該管都統等已有失察之咎茲據訊明曹幅昌之父曹綸聽從林清入教經劉四等告知逆謀允爲收衆接應曹綸身爲都司以四品職官習

教從逆實屬猪狗不如罪大惡極該管都統副都統漫無覺察其咎尤重祿康裕瑞著再革去宗室四品頂戴副理事官筆帖式卽日發往盛京派令管束移居宗室各戶卽在小東門外新建公所居住以示懲儆其該管之叅領副叅領佐領驍騎校等不必交兵部議處著卽拏交刑部治罪

欽定平定教匪紀畧

卷十四

六

同日方受疇奏言查前據獲犯李志茂等供出賊目王進道暗派多人分投勾結臣於具奏後已一面札委護開歸道昌宜泰馳往杞縣鄆陵陳州府知府李振翥馳往太康等處查照所供姓名年貌率同該管文武按名查拏不致漏網至濬滑賊匪尅日進剿南北兩岸沿河一帶亟應嚴密防守以免南竄臣查山東匪徒業已剿辦淨盡現准沈洪咨會百齡札令帶兵由曹

縣前赴考城蘭陽一帶防剿豫省北岸貼近曹單長垣有此大員帶兵分佈實為得力臣已遣官前往接應臣又於那彥成撤回之南陽鎮標官兵內委員迎截酌留數百名擇要駐守以資防剿再連日天氣嚴寒竊恐黃河冰凍無險可守不得不預為之防因思南北兩岸管河廳營兼轄文武汛弁及防險兵夫於該營汛地最為熟悉現值河工無事之候正可資其巡防臣已札飭各廳營各就本管地方臨河隄岸設卡巡緝其逼近賊氛如曹考祥河等處緊要渡口及祥符下南蘭儀等廳臣於扼要地方俱已派兵並由該州縣雇募勇丁協同防堵奏入報聞

方受疇又奏言查豫省滑濬一帶大兵尅日進

欽定平定教匪紀畧

卷十四

七

剿所有軍需一切亟須酌定章程方有遵守臣謹督同局員核查例案酌議條款奏請聖裁一剿防官兵應一體給與鹽菜並口糧折銀支給一剿防官兵應分別借給整裝銀兩一招募壯丁以杜裹脅一挑修城池以資捍衛一安設塘站以速郵遞一官兵應用車馬馱騾應照例應付一雇募車馬應查照例案支給價腳一軍需器械應酌量添製一局員書吏應酌給公費奏入得旨戶部議奏

欽定平定教匪紀畧

卷十四

八

十月二十七日

庚申

上諭內閣曰京師編查保甲一事節次降旨飭諭順天府五城實力辦理並令步軍統領衙門認真稽查現在各該衙門均已恪遵妥辦惟是奸究溷迹

一第... 7 頁之下

往來無定承辦各衙門不可謂保甲既編即可無事緝捕徒整肅於一時又復懈弛於後著再通飭步軍統領順天府五城各衙門仍督飭番役人等隨時躡訪無論茶坊酒肆以及菴觀寺院遇有三五成羣形蹤詭異者卽詳加盤詰無任奸徒漏網並著廣張告示通行曉諭以此次逆賊林清敢於光天化日之下肆行叛逆神人共憤覆載不容其

欽定平定教匪紀畧

卷十四

九

黨惡匪徒斷不能任其一名倖逃顯戮除惡務盡法在必伸至林清當日曾藉白洋教爲名傳徒惑衆後又勾引紅陽教之人一同謀反此時辦理逆案所誅者全係謀反之人日來刑部審訊問擬凌遲判屍梟示者已不下百數十名其指名緝拏者亦係獲犯供出同謀從逆之人至於尋長習教者不過鄉愚無知一時被其誘惑間有拏送到官按

律問擬罪止發遣充徒太監內習教者亦均照例擬遣並未濫戮一人此衆所共見共聞者凡緝捕官役以及軍民人等當知嚴拏案犯重在謀逆不在習教如林清同謀逆黨尙有潛匿附近者有人能擒捕或首告到官一經審實官弁立加陞擢民人優加賞賚卽向來習教之人如能將逆犯呈首到官不但准予免罪亦與平民一體恩賞至習

欽定平定教匪紀畧

卷十四

十

教之家多藏有經卷圖像愚民罔知禮義其意不過妄希求福不知邪說異端致禍之媒如林清係傳教爲首之人供奉經像有年現在身死族滅室家灰燼其不祥孰甚若仍不翻然改悔終受大害百姓等何苦以清白之家留此凶穢之物求福乃轉以速禍其有翻然改悟者著將經卷圖像自行首送到官當堂銷燬具結永不習教該衙門卽將

其姓名住址存記册檔免其治罪列為良民以後
 再有吏役鄰里藉詞訛索告訐者先治告者之罪
 若陽為自首尙私相傳習查實將本人加倍治罪
 此等習教愚民既已延及近畿外省亦隨在多有
 並著通諭各直省一體出示曉諭悉令將經卷圖
 像呈繳照自首免罪之例咸與維新經朕此番實
 心苦口飭諭之後百姓具有天良當開悟迷惑恪
 守王章勉副朕愛育赤子化民移俗除莠安良至
 意

上又諭內閣曰已革都司曹綸與逆匪劉四等商謀
 收人入會與知逆情係十六年五月之事該管都
 統副都統毫無覺察非尋常疎懈可比除祿康裕
 瑞已經革職發往盛京花尙阿於休致後另案革
 去頂戴富蘭現在存記再行核辦外其在任年月

欽定平定教匪紀畧

卷十四

十一

較久之都統福慶副都統德麟拴住著交部嚴加
 議處來靈在任僅只半月著交部議處限於三日
 內具奏毋許遲逾

是日馬瑜富蘭奏言竊_臣等欽奉
 諭旨帶直隸兵二千名繞道至開州東明長垣等處
 自北而南剿辦賊匪查井店鎮係赴開州必由
 之路_臣等到彼察看情形民房廬舍間被焚燒
 當傳一二父老詢問據稱十月初八日賊到此
 暫時焚掠旋即奔逃並未佔據_臣等隨即帶兵
 前進於二十一日到開州適是日蘇爾慎聞俊
 烈由山東帶領滿漢官兵一千餘名前來彼此
 商議合兵進剿當經探得滑縣潘章地方有賊
 屯聚相距開州三十餘里出沒無常往來焚掠
_臣等於二十三日進兵_臣富蘭帶領參將蕭文

欽定平定教匪紀畧

卷十四

十二

治遊擊邵能都司桂朝陽等爲一隊臣蘇爾慎帶同巴圖魯侍衛吉勒章阿護軍叅領福英阿委護軍叅領色爾果善親軍藍領長扎玉善等爲一隊閔俊烈帶領協領哈哈岱佐領成順蘇璋候補遊擊班荆布防禦訥勒賀驍騎校阿納布穆精阿等爲一隊臣馬瑜帶領叅將伊昌阿降調副將馬文斌都司張儉等爲一隊於五鼓發兵行至中召天色黎明將近潘章四五里地方前有沙岡一道賊人先已排列佔據一見我兵竟敢施放鎗礮率衆抗拒我兵一擁齊上賊匪猶捨死抵敵不肯稍退臣等催令衆兵鎗箭齊發刀矛並舉立斃賊匪多人賊匪紛紛敗竄沿途追殺計四百餘人餘匪竄回村內我兵卽乘勢入村搜捕賊匪潛匿村中各處房樓蔽塞

門戶施放鳥鎗并拋擲磚石一時未能近前臣等當卽分作四路圍住派令降調遊擊何化龍守備李學周王正剛千總葉自發栗坤把總毛大忠蒲成宗外委柯衛聶清祥等帶同兵丁一面堆積柴草一面拋放火彈立見烟焰薰騰火光四起當有被燒身死者亦有墜樓壓斃者屍骸枕藉約有四五百人前後生擒翟元良等六十七名奪獲火鎗刀矛一百二十一件騾馬牛驢甚多并大小白旗三十一面上寫英官伯翟鳳來震宮領袖侯守山等字樣查潘章一股賊匪剿洗殆盡漏網亦屬無多正欲收兵忽據探報西南有一股賊匪約二千餘人蜂擁而至臣等復整齊馬步官兵向前迎殺賊匪皆不畏死退而復進我兵奮力趕壓二次又殺斃賊匪三

四十人時已傍晚未便窮追訊據獲犯其後來
接應之賊另是一股均不知是何姓名當將獲
犯悉行正法現俟探明另股之賊再行進剿此
次陣亡直隸提標兵丁韓國興山東登州鎮右
營兵丁王祿一二名山東受傷官兵十二名直
隸受傷官兵九名容俟照例咨部核辦奏入

上命軍機大臣傳諭托津日本日馬瑜等奏到分帶

欽定平定教匪紀畧

卷十四

五

官兵進剿潘章地方賊匪殲斃四百餘人餘匪竄
回村內官兵放火焚燒復斃四五百人並生擒翟
元良等六十七名正欲收兵有另股賊匪二千餘
人來援官兵迎殺起壓二次僅殺賊三四十人時
已傍晚未便窮追官兵間有傷亡等語此次馬瑜
富蘭剿辦潘章屯聚之賊早間殲斃八九百人生
擒六十七人甚屬奮勇其另股賊匪二千餘人擒

捕無多看來未甚得手計日內托津已行抵開州
一帶軍營著卽督率馬瑜富蘭等趕緊剿捕日前
所謂吉林官兵色爾滾帶領頭起五百名本日業
已到京犒賞後卽令於二十八日自京起程黑龍
江官兵十一月初間亦可到京托津若查看該一
帶賊匪情形緊要卽派員迎赴前途催令吉林官
兵迅速行走一到軍營卽督令幫同馬瑜等先將

欽定平定教匪紀畧

卷十四

六

開州長垣等處之賊上緊搜剿淨盡俾直省邊界
全就肅清再赴豫省軍營會同辦理再直隸正定
鎮總兵拴住現有失察處分交部嚴議所遺員缺
已降旨著徐錕補授托津接奉此旨卽傳諭徐錕
接印任事令拴住來京候旨

上又命軍機大臣傳諭馬瑜富蘭日馬瑜等奏攻剿
潘章地方屯聚賊匪一招看來是日剿賊情形官

兵早間頗爲奮勇獲有勝仗至晚間賊匪二千餘人來援官兵鏖戰一日已如強弩之末未甚得手該提督等當鼓勵將士倍增勇氣將此股赴援賊匪速行剿除探明開州東明長垣三州縣邊界何處賊勢猖獗卽先剿何處不可再令蔓延四出焚掠本日色爾滾帶領吉林官兵業已到京犒賞後飭令迅速行走馬瑜等如覺現帶兵力稍單卽派員迎催令其速赴開州一帶該提督等卽與色爾滾合兵由北向南併力追剿總須將直隸邊界之賊全行廓清再赴河南軍營合剿得有勝仗仍由驛飛速具奏

十月二十八日酉那彥成高杞楊遇春奏言臣等於二十一日將道口分出賊匪剿敗後連日察探該匪在道口地方挑挖深濠堅閉不出不

欽定平定教匪紀畧

卷十四

七

時遣其夥黨潛赴各村掠糧均經兵勇隨處剿捕屢據獲賊供稱道口之賊意圖西竄其滑縣城內之賊現由道口搬運糧石欲爲負嵎死守之計旋據探報道口賊匪有渡河西竄之勢臣高杞卽率領叅將張拱辰都司陳天壽等分帶馬步兵丁於二十五日黎明趕緊前進其時臣那彥成分派將備帶領官兵馳往夾擊臣楊遇春由河東帶兵直趨道口東面以防滑城接應之賊臣高杞行抵聶渡見賊匪二千餘人正在搬運木板搭橋欲渡見有官兵公然抗拒維時臣那彥成之兵趕到兩面夾攻馬步齊進將賊衝爲兩截四散奔逃副將張大振叅將張拱辰遊擊祁祥署都司寶德等用馬隊兜圍痛加剿殺共計殺賊七百餘名落水淹斃者三百餘名

欽定平定教匪紀畧

卷十四

六

生擒三十四名奪獲大旗二桿鳥鎗器械無數
 餘賊仍退歸道口臣等親赴查看節節挑挖深
 溝官兵未便深入當將浮橋砍斷木板燒燬以
 絕其西竄之路查賊匪詭計多端現在附近滑
 縣道口一帶村莊皆有賊黨埋伏牽制官兵後
 路臣那彥成先經派令遊擊馬光宇呂天偉協
 同河南試用知縣孟岷瞻督率所練壯勇防護
 各村本日接據馬光宇等稟報二十四日有八
 里營留固村等處賊匪千餘人至墨子村一帶
 滋擾伊等卽帶領丁壯分投截剿殺賊五百餘
 名生擒十二名奪獲大礮二尊大旗一桿稟送
 前來除將出力弁兵壯勇分別獎賞并獲賊正
 法外臣等現在熟商必須將附近各村屯伏之
 賊先行剿除以免牽制方可進攻道口收復滑

欽定平定教匪紀畧

卷十四

九

城刻下馬瑜帶領富蘭閆俊烈在北路開州一
 帶堵剿昨於二十三日殲擒潘章一帶賊匪九
 百餘名同興帶領多隆武等在東路一帶防堵
 嚴密賊匪勢已窮蹙臣等悉心佈置期於一鼓
 蕩事再查河南河北鎮色克通阿年老多病不
 能得力又原任陝西西安鎮總兵楊芳由原籍
 貴州起復赴京行抵豫省情願留於軍營効力
 合併附陳
 同日托津奏言竊臣於本月二十三二十五等
 日在保定正定途次連奉
 諭旨
 指示機宜伏查東明長垣等處賊匪敢於十二至十
 七等日焚掠村寨于家堂春亭集等處賊匪均
 歸南岳集黃家村聚爲一夥勢甚猖獗那彥成

欽定平定教匪紀畧

卷十四

十

現在剿捕道口濬縣之賊自難兼顧臣接奉

諭旨卽帶同巴圖魯侍衛等星夜繞道馳赴開州並

先飭馬瑜富蘭相度地勢於扼要處所分兵堵

禦勿令四散紛出尤勿令其北竄現蒙

賞派吉林黑龍江官兵二千名協同剿辦更爲得力

臣遣人探聽該官兵一入直境卽行迎催因思

山東境內現已肅清如有應行添調兵丁之處

欽定平定教匪紀畧

卷十四

三

臣擬到彼後再行咨會同興酌於東省附近各

處調兵來直以資應用再那彥成現在自知悔

懼連日進兵打仗誠如

聖諭尙有立功自贖之意以目前事勢而論自應令

那彥成一手經理臣卽遵

旨馳赴開州剿辦後路賊匪仰副

委任

同日章煦奏言竊臣前奉

諭旨將團練義勇事宜妥爲辦理查大名府屬之開

州長垣東明三州縣俱係被賊蹂躪之區此外

該府所屬及順德廣平二府屬州縣亦係接壤

大名並河南山東等境均應一律團練以資守

禦其餘距賊稍遠處所如保定府係省城重地

正定府路達省南爲適中扼要之地額設官兵

欽定平定教匪紀畧

卷十四

三

俱調往軍營所存無幾又逆犯林清等在京供

出奉

旨飭拏各犯其原籍地方恐有匪類潛伏伺隙亦須

防備如冀州暨所屬之南宮縣深州暨所屬之

饒陽縣附近並無多兵駐守亦應一體團練以

備不虞倘有賊黨潛匿目睹村莊皆有團勇卽

可阻其反側之心遇有查拏拒捕之時更可藉

資協緝而境內居民亦不致時懷驚懼於緝匪
安良均有裨益所需口糧及製給號衣器械等
費合無仰懇

聖恩俯准官為支給事竣核實報銷如賊匪剋日殲
除即行停止再二十五日據署長垣縣知縣周
克家稟稱二十日探得縣屬東北武寨黃村南
岳集附近村莊被賊大肆擄掠春亭集等處盤

欽定平定教匪紀畧

卷十四

三

踞賊匪二千餘名連日焚殺勢甚猖狂又據東
明縣知縣朱煒稟稱因山東有兵堵守賊匪不
敢再竄東南縣境西北等處匪徒均歸滑縣得
以稍安等語合併附陳

章煦又奏言據察哈爾派員將預備吉林黑龍
江官兵乘騎馬二千匹先後解抵保定臣率同
總兵劉榮慶直驗挑選內有瘦小難供乘騎馬

二百零九匹應行挑退外實收可用馬一千七
百九十一匹現已分為四起以二起解赴順德
二起解赴正定飭令該府等於城內餵養小心
照管劉榮慶即管押未起馬匹前赴正定其挑
缺馬匹即於該官兵自京騎來察哈爾馬內擇
其臆壯結實者撥補足數將挑退之馬交解馬
之章京收回至官兵騎至正定之馬更換後應

欽定平定教匪紀畧

卷十四

四

留直餵養備用者亦應於到齊後一體驗明辦
理均奏入

上命軍機大臣傳諭那彥成曰此次道口賊匪意圖
西竄那彥成高杞楊邁春等於二十五日分率官
兵馳往夾擊殲賊一千餘名生擒三十四名並將
浮橋砍斷木板燒燬以絕其西竄之路所辦尚好
賊匪聚集一處則我軍兵力易施現在滑縣城內

之賊聚而不散並由道口搬運糧石以爲負嵎死守之計此正如釜魚阱獸不難一鼓殄除惟此時道口賊巢尙未攻破賊匪已有西竄之意一切剿堵機宜最關緊要由道口而西卽漸近太行山麓徑路紛歧若賊匪一經竄入官兵剿辦又至費手那彥成等務須緊顧西面先攻道口將賊巢剿除則滑縣孤城無援卽可全力圍攻計日收取至其

欽定平定教匪紀畧

卷十四

五

餘附近埋伏之賊欲圖牽制官兵後路自應分兵掃除遊擊馬光宇等在黑子村一帶剿殺五百餘名生擒十二名奪獲大礮二尊尙爲出力但賊營俱各帶有大礮何以官兵剿賊轉不用礮轟擊所有奪獲礮位正可用以擊賊倘礮位不敷昨曾降旨諭知開封城內存貯礮位甚多該督等卽就近調取運送來營以備攻城之用色克通阿年老多

病不能得力卽令來京交兵部帶領引見所有河北鎮總兵一缺著楊芳補授

上又命軍機大臣傳諭托津曰現在豫省滑縣等處屯聚之賊經那彥成連次剿殺得有勝仗本日又據那彥成奏二十五日將道口之賊殲斃一千餘名俟將附近各村屯伏之賊先行剿盡卽進攻道口收復滑城刻下情形豫省賊鋒已挫那彥成等

欽定平定教匪紀畧

卷十四

五

督兵進剿諒不敢再有遲延其直隸邊境開州一帶賊匪四出焚掠勢尙猖獗托津計日內已馳抵該處著卽督率馬瑜富蘭等探明開州長垣東明一帶何處賊匪衆多卽由何處進剿務須自北向南隨地剪除以清後路現在頭起吉林官兵已於本日自京起程其一起及黑龍江官兵陸續可到於犒賞後卽令按起前進托津到軍營後查看馬

瑜等現帶之兵如不敷剿辦卽派員迎催到營以資攻剿如兵力尙不覺單亦毋庸趕緊督催俾該官兵從容行走養蓄精銳到營時更能得力至所奏酌調山東兵丁一節現在蘇爾慎閣俊烈已帶山東兵一千名赴直協剿該省兵本不多目下境內雖已肅清然直豫兩省併力進攻恐該匪等亡命奔竄東省邊境遼瀋防堵甚關緊要所有山東

欽定平定教匪紀畧

卷十四

毛

官兵著毋庸調撥托津惟當鼓勵馬瑜等現帶之兵及吉林黑龍江續到官兵將直隸邊界賊匪全行剿捕淨盡無留遺孽彼時若滑縣之賊尙未殄滅再統率勁旅前赴豫省協同辦理托津旣到軍營所有此一路奏報之摺卽由托津具奏傳諭馬瑜富蘭無庸再行列銜

上又命軍機大臣傳諭章煦曰前此山東曹州賊匪

滋擾之時直隸派兵前往邊界駐紮彈壓茲聞故城居民有紛紛遷徙德州之事或係帶兵之員不能約束兵丁抑或另有別故如將弁徇縱兵丁擾累居民以致畏避遷徙亟當嚴行查辦將約束不嚴之將弁嚴叅示懲並一面曉諭居民毋懷疑懼以安民心或附近另有匪徒播煽勾串搖惑人心卽嚴密查拏毋稍疎漏致令別滋事端

欽定平定教匪紀畧

卷十四

天

上諭內閣曰章煦奏籌辦團練鄉勇請將口糧及製造號衣器械等費官爲支給事竣報銷等語紳士耆民等各自團練義勇保衛鄉閭卽古者寓兵於農之意若支給口糧製備號衣器械悉由官爲辦理無論國家經費有常從無此例且人數聚散無時亦復何所稽考此必係承辦軍需劣員倡爲此議豫爲冒銷地步章煦受其慫恿妄行陳奏章煦

著交部議處先傳旨嚴行申飭

上又諭內閣日前經降旨令貢楚克扎布等於察哈爾牧廠內挑選臆壯馬二千匹徑解直隸預備吉林黑龍江官兵乘騎再挑馬二千匹來京預備該官兵等更換本日據章煦奏解交直隸馬二千匹內該督率同劉榮慶挑退瘦小難供乘騎者二百餘匹又吉林頭起官兵五百名應換馬匹據領隊

欽定平定教匪紀畧

卷十四

五

副都統色爾滾呈請仍將本處馬匹騎往其察哈爾牧廠馬匹不願更換等語此次所調察哈爾馬匹係預備出征官兵乘騎之用貢楚克扎布等並不認真挑選以駕馬充數實屬玩泄本日復據太僕寺奏自嘉慶十一年至十七年三次均齊較八年前以前原交馬數虧缺至一萬一千二百八十八匹牧廠孳生馬匹原應歲有贏餘以備調撥乃自

八年以後三次均齊每次均有虧缺此次缺少尤多貢楚克扎布來靈俱著交部嚴加議處來靈前於正黃旗漢軍副都統任內失察曹綸父子逆謀之案無庸再議卽著來京候旨此次來京備換馬匹吉林頭起官兵既不願更換暫留備續到官兵挑換之用其預備黑龍江官兵更換馬一千匹著將瘦鴛者挑出五百匹迅速截回以省糜費所有

欽定平定教匪紀畧

卷十四

三

由京及直隸駁回馬匹一應往返費用俱不准開銷著貢楚克扎布來靈分賠示罰並著貢楚克扎布會同新任副都統福珠隆阿查明此次派辦馬匹各官員及嘉慶八年以後太僕寺左右兩翼牧廠官員分別查明開送職名交部嚴加議處

同日朱勳奏言竊那彥成遵

旨調派陝甘滿漢各營官兵赴豫協剿臣查隨征官

兵例應支領鹽菜等項若令沿途支領不免遲
誤行程當飭照從前經畧額勒登保奏定鹽菜
夫價章程發給一月以資裹帶俾免耽延其步
兵仍按站給予車輛以期迅速茲西安滿兵一
千名西安鎮標兵一千名於九月三十十月初
二等日分起前進固原提標馬兵五百名陝甘
督標兵五百名固原提標兵一千名河州鎮標
兵五百名統共兵四千五百名均陸續過省於
本月十三日全數出關行走迅速沿途催趨照
料均無貽悞奏入報

聞

欽定平定教匪紀畧

卷十四

三

欽定平定教匪紀畧卷十五



十月二十九日戊午同興奏言查曹屬各境賊匪
俱已搜捕殆盡連日尚有逃回藏匿被各村民
人隨時緝送者臣俱訊明分別辦理茲訊出劉
景唐一犯係定陶縣韓家大廟人從徐安峒習
震卦教據供李文成是震卦教主林清是坎卦
教首尚有良卦教首郭泗湖即郭四鬚住居河
南虞城縣郭村地方又山西人解中寬即謝中
寬亦係良卦在古北口外承德府一帶不知地
名又巽卦教首程百岳住居城武縣程家莊坤
卦教首邱玉兌卦教首候峒隴都住居山西岳
陽縣西南十里之王莊又離卦尚有張景文為
首住居城武縣元家店又乾卦教首張廷舉住
居定陶縣西三十五里之張家灣現在徐安峒

欽定平定教匪紀畧

卷十五

一

李文成張廷舉俱在滑縣係徐安囑傳行告述等語又李名揚一犯係劉景唐徒弟訊與劉景唐所供大畧相同查該犯等倡立八卦邪教煽惑數省自應一併嚴密查拏內除郭泗湖一犯臣已密札方受疇查拏外其解中寬邱玉侯囑隴三犯俱籍隸京北山西等處相距山東較遠應請

欽定平定教匪紀畧

卷十五

二

勅下山西巡撫熱河都統慎密訪拏至東省尚有程百岳張景文二犯臣已密派得力官弁分投查緝現在曹縣單縣定陶一帶間閭寧謐同日山海關副都統額勒金布奏言據冷口協尉德恒呈稱委署驍騎校達隆阿拏獲長垣縣人李得水一名嚴加訊問據供隨同河南太康縣賊目趙姓在長垣搶奪傷人戕官劫庫等情

歷歷不諱情節重大謹繕寫供單恭呈御覽并將該犯解交刑部審訊均奏入

上命軍機大臣傳諭托津章煦方受疇曰據額勒金布奏在山海關地方拏獲李得水一犯據供係長垣縣人本年四月初十日來有河南太康縣匪徒二百餘人頭目趙姓衆稱為老師傅先到該村搶掠又逼脅入夥七八十人在桑園老灣小王家村

欽定平定教匪紀畧

卷十五

三

各處搶奪裹脅日多九月初進長垣縣南門劫庫戕官搶奪鋪店在城內共住三日後被官兵殺傷一千餘人其大夥賊匪從西門跑出仍向黃河南太康縣竄回該犯同七八人逃散北走被官兵盤獲等語直隸長垣地方四月間有河南太康趙姓頭目糾衆焚掠聚至三千餘人肆擾半年何以未據直隸奏報托津現在長垣一帶著將此事詳細

確查如果實有其事查明嚴叅並著章煦先於省城各衙門飭查四月以後長垣縣有無此項稟報據實具奏不可徇隱至河南太康縣地方有頭目趙姓聚集多人前赴直境搶掠該地方官豈毫無聞見九月間仍有千餘人奔渡黃河之南竄回太康該縣亦豈無稟報並著方受疇確實查明迅速覆奏

欽定平定教匪紀畧

卷十五

四

臣等謹按逆賊滋事之時京外震驚訛言易起然非審辨虛實灼知情偽則無以定衆志而釋羣疑李得水一犯據山海關盤獲解部錄供多次其指稱謀叛之處如鐵嶺開原鳳凰城熱河河西務小鐵梁等處不一其地其牽稱謀逆之黨如趙得隴趙得鳳徐懋功馬依潮趙四之屬不一其人而悉歸於子虛烏

有顧其初實難信其必無仰蒙迅速

飭查始隨時證悉其偽此編所載係其到案初供後載諸臣查覆之辭其誇張可以概見厥後山海關又續獲多人他處紛紛奏獲者亦不一而足

欽定平定教匪紀畧

卷十五

五

宸衷審慎務極推詳讞獄寬平一無株累而潛匿惑衆亂民如高張氏王發賢郜坦照及李秋兒霍應方宿元謨等犯皆從此究出悉真於法是雖非林清一黨而邪慝害正同為隱憂查辦豈容忽畧今各案備紀于左夫然後知光天化日之下魑魅斷難潛形也已上又命軍機大臣傳諭署熱河都統毓秀熱河總管署熱河道嵩年日據同興奏續獲賊目劉景唐李名揚訊據供稱有山西人解中寬卽謝中寬係良

卦教頭目在古北口外承德府一帶不知地名等語解中寬卽謝中寬在承德府一帶潛匿自必傳教收徒著毓秀嵩年各自遴委委員於古北口及承德府所屬一帶嚴密訪拏

上又命軍機大臣傳諭衡齡曰本日同興奏續獲賊目劉景唐李名揚訊據供稱有坤卦教首邱玉兌卦教首侯峒隴俱在山西平陽府岳陽縣西南十

欽定平定教匪紀畧

卷十五

六

里王莊居住等語著該撫遴派幹員前往該處不動聲色密訪嚴拏一經拏獲迅錄供詞奏聞

是日兵部奏議處失察曹綸習教謀逆之正黃旗漢軍都統福慶副都統德麟拴住等均革職請

旨
上諭內閣曰福慶在正黃旗漢軍都統任內失察曹

綸與林清商謀叛逆計兩年零一個月比祿康失

察月日較久但祿康係由大學士獲咎降調後棄

瑕錄用之人且曾任步軍統領漫無覺察是以降

旨革職仍發往盛京福慶此次留京辦事過九月

十五日之事毫無展布回京召見數次辭色之間

不知愧憤實屬無能無用著革職姑念未任步軍

統領非棄瑕錄用之人暫免其發遣德麟在副都

欽定平定教匪紀畧

卷十五

七

統任內失察六個月本應將職任世職一併革去

惟念伊父福康安從前屢建軍功懋著勞績仰蒙

皇考高宗純皇帝錫封貝勒身後追封郡王德麟承襲

貝勒前因

天壇大祀派令視牲曠誤降爲貝子此次再將伊貝子

革去則福康安舊勳幾至泯沒且福康安又無次

子可以改襲朕仰體

皇考恩遇福康安之心保全勲臣之爵仍留德麟貝子其散秩大臣並所管火器營事務全行革退賞給三等待衛在大門上行走仍罰貝子俸十年拴住在副都統任內失察六個月著革去總兵賞給驍騎校回旗當差

上又諭內閣曰國家設立科道職司言路原期發奸

摘伏俾大案得早破露以匡國憲而弼王章乃近

欽定平定教匪紀畧

卷十五

八

來科道風氣惟知摭拾浮詞更改一二例文藉以

見長干進或竟受人囑托毛舉細故博取直名而

於大奸大惡轉毫無舉發卽如逆首林清一案訊

究該逆等供稱自嘉慶十一年間卽有榮華會名

目至謀爲不軌則始自十六年夏間該逆等潛伏

近畿傳教謀逆經年累月勾結多人其蹤跡亦不

甚秘密乃科道等一無見聞竟同聾瞶實屬有乖

職守本應悉予降革姑念人數衆多從寬免議俱著傳旨嚴行申飭惟此案謀逆重犯俱係直隸附近州縣之人並有漢軍旗人曹綸父子預知逆謀所有科道中漢軍及籍隸各員失察之咎尤重著都察院查明各該員在任年月咨交吏部議處以示懲儆

同日刑部奏將失察曹綸習教謀逆之正黃旗

欽定平定教匪紀畧

卷十五

九

漢軍叅領高濶副叅領李博文佐領劉塏承啟

驍騎校岑鐸吳雲珠及族長范瑞等拏問分別

擬遣得

旨范瑞著加枷號兩個月滿日再行發往伊犁充當

苦差高濶李博文劉塏岑鐸俱著革職發往烏魯

木齊承啟現在葉爾羌著百祥傳旨革職卽由彼

發往烏魯木齊吳雲珠先經勒休著革去頂戴發

往烏魯木齊

同日董誥等奏續經訊明逆犯緣坐家屬請將

從逆太監高廣幅楊進忠之兄弟等高大即高

雷生高四即高秀生高登洪即高梅峯趙大即

趙進貴趙三即趙進孝五犯均依律擬斬及其

餘犯屬二十六名口分別發遣等因得

旨高大即高雷生高四即高秀生高登洪即高梅峯

欽定平定教匪紀畧

卷十五

十

趙大即趙進貴趙三即趙進孝俱著即處斬餘依

議

是日

上命乾清門侍衛福勒洪阿阿蘭保馳赴獨石口迎

提逆犯曹綸

十月三十日

亥癸

上命軍機大臣傳諭托津曰刻下托津馳抵開州一

帶該處賊匪情形諒已深悉如現帶之兵足數剿

辦則托津軍營無庸將吉林黑龍江兩處官兵全

數悉留或酌留數百名其餘官兵令其赴豫協剿

以期速靖賊氛托津總將開州一帶賊匪悉數辦

盡後路肅清再帶領勝兵前赴豫省協剿

是日董誥等奏覆審順天府府尹於林清謀逆

一案將該管巡檢陳紹榮知縣陳鉅釧同知張

欽定平定教匪紀畧

卷十五

十一

步高叅處不公一案另行分別核議得

旨已革巡檢陳紹榮因巡查鄉村於九月十四日傳

到地保宋進榮刑詰究出林清姓名次早備文申

詳帶領宋進榮面稟該縣嗣步軍統領衙門拏獲

林清即係將該革員傳到之地保作為眼目陳紹

榮係河工汎員兼轄地方事前尚能留心訪查據

實稟報且事後緝獲要犯多人雖有失察之咎核

其功過業經革職已足蔽辜陳紹榮著加恩免其枷號發遣已革知縣陳鉅劔十四日接據陳紹榮稟報已有傳聞詫異之詞乃顛預怠緩遲至次日始稟知府尹事後又未緝獲一犯其罪較重著照原旨發往伊犁効力贖罪已革同知張步高駐紮黃村距宋家莊甚近經該管干總告知有匪徒謀逆之事該革員不能立刻查拏又始終匿未申報僅發邊遠充軍尚覺寬縱張步高著發往烏魯木齊効力贖罪兼管府尹劉鑲之府尹費錫章於此案情節曾令明白迴奏不將該革員等情罪輕重明白區分物議不平但念伊二人咎止聲敘含糊尚非有心朦混劉鑲之著加恩改為交部察議費錫章著改為交部議處宋進榮係逆犯宋景耀胞弟現充宋家莊地保不早行舉報已有應得之罪

欽定平定教匪紀畧 卷十五 十三

經陳紹榮傳訊加以刑責始將逆犯姓名供吐情殊狡譎宋進榮著照擬發往附近充軍其所得恩賞銀二百兩照數追出發交五城分賞出力緝捕人役
同日兵部奏將挑備征兵馬匹不堪乘騎又虧短收厥馬匹之察哈爾都統貢楚克扎布副都統來靈議以革職得
旨貢楚克扎布於預備出征官兵乘騎馬匹並不認真挑選率以駑馬充數又所管牧廠孳生馬匹虧缺之數較歷屆最多本應照部議革職姑念一時簡用乏人貢楚克扎布著降為三品頂戴仍帶革職留任八年無過方准開復來靈此次獲咎與貢楚克扎布相同前在正黃旗漢軍副都統任內又失察曹綸父子習教從逆著即照部議革職

欽定平定教匪紀畧 卷十五 十三

同日同興奏言查定陶曹縣等處剿辦逆匪一應軍需事件必須立定章程轉飭各州縣一體照辦臣謹督同該司等縷晰酌議除軍裝器械鉛彈火藥以及官兵口糧薪水並雇備車騾賞借行裝等項均請照例辦理外其採買米麥豆草價值一項應請確核時價咨部辦理又官兵沿途口糧應請仿照直隸

欽定平定教匪紀畧

卷十五

十四

奏准成案每名每日折給銀一錢五分俟行抵軍營再照例支給又各州縣雇備車騾安設馬撥一切價值工料等項亦應請查照時值量為給發又州縣雇募民夫係為防堵守城而設應請照兵丁口糧之例按名支給又各州縣防守城垣自以挑濠為急應請乘時趕辦事竣核實報銷奏入得

旨尸部議奏

十一月初一日子那彥成高杞楊遇春奏言查賊匪退回道口之後悉力拒守並於附近村莊處處埋伏若仍分三路進兵恐被牽制是以那彥成高杞楊遇春等各分一路高杞由北而南楊遇春楊芳由南而北先飭總兵音登額遵旨運送河南省城大礮於道口對岸之小河所預備

欽定平定教匪紀畧

卷十五

十五

轟擊并派慶祥格布舍抄截右路富僧德特依順保桑吉斯塔爾抄截左路馬元徐錕張大振等直撲中路遊擊馬光宇呂天俸等徑撲滑縣各帶馬步官兵於二十七日卯刻分七路進發臣那彥成親身督率直抵道口沿途遇有埋伏賊匪俱經官兵追逐紛紛竄回道口臣等催兵前進詎賊衆一萬四五百人蜂擁抗拒先經音

登額用礮轟其西面賊衆併力向前高杞帶領
 叅將張拱辰等分力攻擊楊遇春楊芳迎頭刺
 殺慶祥格布舍等各帶京兵馬隊三面衝突臣
 那彥成指揮特依順保張大振等四路截殺鎗
 箭並發復用大礮轟擊賊始驚惶奔竄官兵儘
 力追殺於賊人挖掘濠溝處所飛越徑進乘勢
 突入道口痛加剿戮正當攻擊之時滑縣賊匪
 率衆一二千人前來救應經桑吉斯塔爾格布
 舍張大振等帶兵截回馬光宇呂天俸並候補
 知縣孟杞瞻率領鄉勇乘勢將滑縣南關焚燒
 賊匪不敢復出道口官兵當將賊巢全行燒燬
 自辰至酉共殺斃賊匪五六千人燒斃四五千
 人生擒三百八十餘名訊明均係從賊日久打
 仗一二三次不等皆曾殺傷兵勇並稱道口之

欽定平定教匪紀畧

卷十五

去

賊良卦的人就有萬數別卦的人很多良卦首
 先起事大頭目黃興相李世玉坤卦大頭目馮
 相林呂帽秦離卦大頭目徐玉坎卦大頭目孔
 傳今日打散之後多在道口民房內藏著後房
 屋被燒不知生死等語並鎗斃手執大白旗騎
 馬賊首十餘人內有身穿藍蟒袍者一名奪獲
 馬匹器械旗幟無數其餘逃匿民房餘匪除燒
 斃外俱經嚴查搜獲臣欽遵前奉
 諭旨不敢妄殺無辜先經豎立良民旗幟招呼難民
 現在老弱男婦紛紛投出共計八九千人委員
 審訊內有賊匪冒充良民者三十餘名當經生
 擒回營訊係真賊一併正法其餘飭交地方官
 妥爲安置至此大殺斃燒死賊匪多名內著名
 賊首諒必不少實因專意剿殺天色已晚不及

欽定平定教匪紀畧

卷十五

去

細查現在餘匪俱皆竄歸滑縣城內查賊匪屯聚滑縣全恃道口爲負嵎之計抗拒官兵且爲直隸開州長垣東明山東曹縣定陶零匪逋逃之藪今仰仗

皇上天威將士用命已將賊巢全行攻燬餘匪退據滑城賊膽已寒不過苟延殘喘臣惟當鼓勵鎮將倍加奮勉即日統兵直抵滑城務期一鼓蕺

欽定平定教匪紀畧

卷十五

六

事仰慰

聖懷再此次

乾清門侍衛額勒精額手腿均被鎗傷巴圖魯侍衛哈朗阿眉梢帶有鎗傷俱不甚重陣亡畧陽營遊擊楊連仲俟查明滿漢弁兵傷亡者一併照例咨部辦理再此次殺斃燒死賊匪計一萬餘人其中賊目自必不少實緣收兵之時天色

已晚不能詳細確查惟訊據獲犯劉成供稱該犯係山東城武縣人充當震卦教頭向來只知

林清是大總教頭並未見面本年九月十四日同震卦頭目程百岳從定陶縣到四間房在大頭目王修智家住居數日來到道口見過大教頭牛亮臣徐安惻二十六日打仗後牛亮臣等回滑縣這穿藍蟒袍被官兵殺斃的是震卦大

欽定平定教匪紀畧

卷十五

九

教頭胡德仁至總卦頭一姓林一姓李姓李的聞說在北京盧溝橋左近開張藥店有個當家的叫余七同馮克善於八月間俱進京去了至今不知下落我是震卦教同教夥黨均係大頭目王修智帶領等語又嚴加根究該犯祇知馮克善與李姓等進京李姓係李文成之子不知名字亦不知伊等進京所幹何事查該犯腰受

矛傷甚重當與其餘獲犯一併正法至節次獲犯供出賊營礮位俱係搶奪滑縣及山東曹縣定陶等處得來並非私鑄理合附陳

同日百齡奏言竊臣前經檄飭沈洪率同參將馬濟勝將東省匪徒悉力搜捕茲據該鎮於曹縣之劉家樓朱家衙衙等處痛殲賊匪之後逐一查拏並生擒賊目榮興太訊係首逆徐安幘

欽定平定教匪紀畧

卷十五

三

手下大頭目專弁解送徐城臣親提嚴鞫據供係

山東曹縣人師祖張一卽張義是震卦大當家

本年九月十二日張一傳知有乾字號大當家

徐安幘保著大枝幹趙姓是宋朝後人今改姓

何年十一歲滑縣城外西關人係教中真主叫

小的帶領本莊三十人跟隨造反二十一日張

一又說徐安幘傳知卦主趙姓被滑縣城內鄉

民搶去邀我們同到滑縣救出在西關外廠棚內與徐安幘同住約有三千餘人要往濟縣過山往北京去被官兵殺散小的跑回被獲現在

震卦頭目張一已死震卦之人多被官兵殺了所存不多徐安幘已將家眷接至滑縣等語臣一面已知會豫省軍營就近偵緝並將原供恭呈

欽定平定教匪紀畧

卷十五

三

御覽至現在各路官兵雲集西北設該匪等被剿情

急恐致奔竄江境臣當令沈洪將曹縣善後事

宜妥為部署查探何路緊要卽移兵前往攔截

旋據該鎮稟稱舊考城為四路扼要之區已咨

商同典選派副將福寧阿參將常鳴盛帶兵赴

曹縣更替該鎮卽率同參將馬濟勝移營往舊

考城駐紮臣查該處係豫省北岸本無官兵駐

守又與睢工漫口甚近距曹縣僅五十里距豐
碭亦祇二百餘里該鎮於此處安設營卡足為
三省屏障臣復將前此續派鎗兵二百名並自
行僱募妥實壯丁三百名飭令候補知府張丕
昌等帶赴該鎮軍營與叅將馬濟勝悉心籌議
或分或合或戰或守或衝突以壯軍威或牽制
以分賊勢冀為偏師制勝之舉至江境邊界各

欽定平定教匪紀畧

卷十五

三

營卡經臣督飭各鎮將等申明軍紀繪具陣圖
一律勤加操練並於徐城四面及黃河兩岸分
列四營飭令知府音德和遊擊沙念聖率領弁
兵日日演習梭織巡防民情甚為寧帖其安省
賴毫一帶亦俱照常安堵再前此續行

奏調提標兵一千名因水陸程途紆遠當於附近
各營如數改調適阮元知會有原調東海營兵

二百名在南陽夏鎮一帶護送幫船此時已無

所用臣卽令其前赴豐縣劉家集交總兵樊雄

楚管帶又狼山鎮總兵尚維侗已帶兵二百名

趕抵徐城臣卽派令前赴豫省虞城董家口率

同叅將奇里克特等駐守堵禦又蘇松水師總

兵沈烜

陸見回徐傳奉

欽定平定教匪紀畧

卷十五

三

諭旨令臣酌分地段帶兵防守當令前赴碭山北岸

馬良集率同游擊楊昇等駐守堵禦並令與烏

爾卿額樊雄楚等彼此互為聲援仍俟節次

奏調官兵到齊再行酌量添撥俾聲威倍臻壯盛

百齡又奏言臣查賊匪起事兩月在附近既多

積款之區歲序又值嚴寒之候必須將賊黨早

一日肅清庶人心早一日寧帖臣自恨精力就

衰不能親提一旅之師滅此朝食而體訪現在情形有不能不縷陳於

聖主之前者查教匪佔據縣城黨羽雖衆而所脅不

無老弱所用牛係刀矛所履盡屬平地是宜以

馬隊衝壓與其另調他處馬隊似不若多調東

三省勁兵直前進剿可期一勞永逸又山西與

直隸毘連各山徑要口尤應預為攔截免致該

欽定平定教匪紀畧

卷十五

匪等入山為逋逃之藪又探聞匪徒欲於冰凍

之後渡河而南查此時黃河渡船已提泊南岸

其自口門南下之船臣已移咨戴均元方受疇

一體派員攔截并飭下游安省之鳳陽道府於

臨淮關口嚴密稽查惟是能嚴防於黃流未凍

以前恐難禁絕於河面既封以後應請

勅下山東河南撫臣遴派大員督飭河營官兵於睢

州迤東黃河南北兩岸節節設卡防守庶幾有備無患伏祈

睿鑒採擇

同日衡齡奏言臣據代州知州孫樹新稟報該

處盤獲賣字人孫欄柱一名面生可疑當經嚴

加盤詰據供聽從安徽盱眙縣教首周泳泰謀

反來探山西路徑欲赴河南彰德府回話等語

欽定平定教匪紀畧

卷十五

并在該犯身上搜出大順錢一枚稱係周泳泰

給為記號將來事成國號大順等供查該犯所

供情節重大謹繕錄供單恭呈

御覽又前此澤州府王廷瑛檢獲首呈控告王銀廣

等一案臣詳加查對首呈與書信字跡似係有

心互異細驗如出一手恐係誣捏俟確訊供詞

再行奏

聞謹先將原呈及書信呈

覽均奏入

上諭內閣曰那彥成等奏督兵攻克道口賊巢一摺
道口賊巢逆匪等盤踞日久負隅拒守與滑縣匪
徒互相援應並在附近村莊各處埋伏以圖牽制
官兵那彥成高杞楊遇春督率將領分兵七路於
十月二十七日卯刻同時進剿沿途將埋伏之賊

欽定平定教匪紀畧

卷十五

五

先行剿散賊衆蜂屯抗拒總兵音登額先用礮轟
其西面高杞帶領叅將張拱辰乘勢攻擊楊遇春
楊芳迎頭剿殺慶祥格布舍各帶京兵馬隊三面
衝突那彥成督率特依順保張大振等四處截殺
鎗箭並發復用大礮轟擊賊匪驚惶奔竄官兵等
飛越溝濠直入道口正在剿戮之際滑縣賊匪率
衆一二千人前來救應經桑吉斯塔爾馬光宇等

帶兵截回並焚燒滑縣南關賊匪不敢復出官兵

遂將道口賊巢全行燒燬自辰至酉共殲斃賊匪

一萬餘人生擒三百八十餘名並鎗斃執旗賊目

十餘名奪獲馬匹器械旗幟無數現在投出難民

有八九千人內有賊匪冒充良民者三十餘人俱

經審明正法所辦可嘉之至那彥成高杞楊遇春

親歷行間督率調度俱屬奮勉著加恩先行交部

欽定平定教匪紀畧

卷十五

五

議敘並賞給那彥成四喜玉搬指一個四喜玉牌

一件玉鼻烟壺一個黃辮大荷包一對小荷包二

個賞給高杞四喜玉牌一件玉鼻烟壺一個黃辮

大荷包一對小荷包二個賞給楊遇春四喜玉牌

一件黃辮大荷包一對小荷包二個其各路帶兵

大員著那彥成等秉公查明擇其實在出力者奏

明賞給議敘其餘將領員弁著查明開列清單將

應行陞擢及賞戴翎枝者分別保奏候朕降旨施恩但必須超眾奮勇如飛越溝濠不避矢石者方准列入如侍衛額勒精額哈朗阿二人現俱受傷著卽歸入保奏之列毋得冒濫再發往鑲鑽翎管十個玉柄小刀十把玻璃鼻烟壺五個花磁鼻烟壺五個分賞出力官弁一兩重銀牌五百面五錢重銀牌五百面分賞出力兵丁以示獎勵

欽定平定教匪紀畧

卷十五

五

上命軍機大臣傳諭那彥成高杞楊遇春日那彥成等奏督兵攻克道口賊巢摺內聲敘此次慶祥等率領京兵馬隊三面衝突從前健銳火器營官兵調赴川楚協剿時朕聞其頗不得力此次臨陣衝突其中自必有勇往出力者著那彥成等據實查明保奏數人候朕施恩令京營官兵聞知亦共知鼓勵但必須擇其奮勇向前之人不可徇情冒濫

至該督所奏訊據獲犯劉成供稱總卦頭目一姓林一姓李姓李的聞說在北京盧溝橋左近開張藥店有個當家的叫做余七李姓係賊首李文成之子不知名字同馮克善於八月間俱進京至今不知下落等語已據該督所奏密飭步軍統領衙門順天府嚴密查拏但前據林清之甥董輜太供稱馮克善曾於本年正月內到林清家一次旋即

欽定平定教匪紀畧

卷十五

五

回去李文成義子劉成章本年八月亦曾至林清家內京城自九月十五日以後附近地方查拏緊急該犯等未必仍敢逗留京畿地方或逃回滑城等處亦未可定該督不可因京城現已指名緝拏本處轉有疎漏卽日攻破滑城務留心訪緝並著於擒獲活賊內嚴行根究此等著名首逆必須盡數擒殲以淨根株切勿疎縱此次逆賊罪浮於川

陝白蓮教凡大清國之臣民同深痛恨實心辦理方妥勉之其所奏訊據活賊供詞良卦大頭目黃興相本在道口殺敗之後藏匿民房卽被官兵焚燒不知生死等語該逆黃興相黃興宰兄弟係首先起事之犯此次黃興相一犯是否業被燒斃必須驗有確據方可憑信具黃興宰一犯現在何處亦須嚴查下落毋令倖逃

欽定平定教匪紀畧

卷十五

三

上又命軍機大臣傳諭百齡曰百齡奏江省官兵將曹縣匪徒搜捕淨盡移營豫省交界地方扼要截剿覽奏俱悉本日據那彥成等奏報官兵於十月二十七日攻克道口賊巢殲斃賊匪一萬餘名投出難民八九千人現在潰竄餘匪均歸入滑縣城內官兵卽日進兵四面圍攻賊衆已困守孤城大兵雲集不難聚而殲旃但恐滑城攻克之後賊匪

亡命奔潰則東西南北莫能定其所向豫省歸德一帶與江安二省境壤逼近現在正當剿賊喫緊之際該督當嚴飭各處營卡帶兵鎮將晝夜偵探一有賊蹤卽迎頭堵截就地剿殺勿任賊匪一名旁竄至該督所奏剿捕機宜現已調派吉林黑龍江官兵二千名前赴軍營合剿其山西邊界並派兵防堵至黃河南北兩岸應設卡防守之處該督卽就近知會方受疇等彼此不分畛域隨宜堵禦毋稍疎虞

欽定平定教匪紀畧

卷十五

三

上又命軍機大臣傳諭百齡那彥成方受疇曰本日據衡齡奏代州地方盤獲賣字人孫欄柱一名搜出大順錢一枚訊稱籍隸安徽盱眙縣嘉慶十年四月間經教頭周泳泰同郭太任太等糾約入教周泳泰自封忠孝王其教係縣民林盛傳授周泳

泰令其在外探聽何處荒亂欲圖起事周泳泰亦
 自往河南本年四月在正定遇見周泳泰欲赴彰
 德府聚人令該犯先赴山西探聽路徑赴彰德府
 回話其大順錢文係周泳泰給伊作為記號事成
 偽號大順等供彰德地方距滑縣甚近周泳泰既
 有在彼約人之事此時或投入夥黨或尚在彰德
 等處潛匿著方受疇遴派幹員在彰德府一帶嚴
 密查緝捕獲奏聞那彥成亦留心查訪於獲犯時
 嚴訊有無周泳泰在內該逆係盱眙縣人並著百
 齡迅即遴派妥幹員弁前往該縣查明下落其傳
 教之林盛並同教之郭太任太等均即按名查拏
 解交該督親自審辦毋任聞風滋事

上又命軍機大臣傳諭衡齡曰孫桐柱一犯著該撫
 牢固監禁不必亟亟正法其王道澀于克敬二犯

係在山西一路傳教此時恐尚在該省潛匿該撫
 務飭屬一體留心查訪勿使勾結其王銀廣等書
 信或係有人挾嫌匿名誣捏亦未可定但案關重
 大仍應切實根訊奏明辦理或向王銀廣等詰訊
 伊平日有何仇恨之人令傳案查對筆跡或可得
 其端倪所有原呈書信等件仍行發回

是日衡齡又奏言竊照太行山外與河南交界
 處所前奉
 諭旨飭令張績帶兵防堵當即兩次撥兵二千名接
 續前往均經具
 奏在案嗣准那彥成咨調防兵一千名前赴軍營
 當又飛咨張績將初撥防兵一千名派往協剿

臣與張績札商現在仍止有防兵一千名山外
 地勢綿長實不敷用又於大同鎮各屬補調兵

欽定平定教匪紀畧

卷十五

三

欽定平定教匪紀畧

卷十五

三

一千名以足

奏明二千名之數現已勒限起程其山西近接據
省除潞安澤州二府各隘口俱已添兵嚴堵外
其餘遼州平陸芮城垣曲並與直省交界之平
定等州縣各隘口現亦於原派弁兵外陸續加
派營兵數百名以資分堵奏入報

聞

欽定平定教匪紀畧

卷十五

十四

欽定平定教匪紀畧卷十六

十一月初二日丑方受疇奏言臣查南岸開封
歸德與北岸近賊之處僅隔一河亟需籌畫萬
全俾無竄逸查賊匪現在北岸必須處處設備
使其無隙渡河則南岸自可無虞現在江南徐
州鎮總兵沈洪已由曹縣拔營前進山西大同
鎮總兵張績亦帶兵來至邊界臣查河北懷慶
府屬之清化鎮最為扼要晉省之兵必須駐紮
該鎮江省之兵則必須駐紮考城及蘭陽地方
始為得力臣已咨照百齡衡齡辦理至汴梁省
城臣督同城守尉西格等帶領滿漢兵丁稽查
嚴密現在南陽鎮總兵呢瑪善帶兵五百名在
蘭陽擇要駐紮其汝寧南陽許州交界處所並
派汝寧營叅將托謨爾權領兵駐紮以為犄角

欽定平定教匪紀畧

卷十六

一

倘賊匪潰散南竄臣卽帶兵迎頭截剿再歸德府屬與曹考對岸水已斷流徒步可涉前經派兵二百餘名同該地方官所僱鄉勇一千四百名分佈堵禦尚恐不敷現復於漫口一帶添派河兵一百名並鄉勇六百名協力駐守嚴禁上游船隻不許下赴江境足杜匪蹤偷越至虞城縣之董家口及江境楊家集豐縣等處均經百

欽定平定教匪紀畧

卷十六

二

齡佈置周密臣惟有會同百齡不分畛域悉力

固守以杜竄逸再臣欽奉

諭旨將省城存貯礮位運赴軍營以便攻城之用查前次撫標官兵前赴濬縣先經張拱辰帶去礮二十尊又挑選大礮八尊運交高杞軍營並運貯衛輝分局四尊以備調用此外存城礮位雖多緣年久鏽損多不適用臣到省後挑選礮六

十位安設各處城門又挑選利用礮五十位親赴城外驗試並飭營員逐日演放已能致遠現卽於此內選擇得勝威遠大礮八尊派委委員運赴衛輝飭令同前此解存大礮四尊一併迅解軍營備用奏入

欽定平定教匪紀畧

卷十六

三

上命軍機大臣傳諭方受疇曰現在滑縣屯聚之賊經大兵尅期進剿恐該匪等亡命奔竄該省黃河南北地方均關緊要著方受疇嚴飭文武員弁加意防範毋令稍有竄逸再本日續據董帽太供出河南朱仙鎮賊目劉成章手下徒弟甚多劉成章係賊首李文成義子朱仙鎮距省城不過數十里並著方受疇留心防範慎密訪緝毋稍疎虞是日戶部等部奏言據河南巡撫方受疇奏到籌辦軍需事宜各款臣等謹查照定例逐款詳

議此內除官兵酌借行裝銀兩並應付官兵車馬馱騾及添設塘站增製器械酌給局書工食等五款應照議准行外其剿防官兵支給鹽菜並口糧折銀一款查本省派調滿洲綠營進剿官兵及防守兵丁祇應照例支給口糧不得照隔省官兵之例支給鹽菜豫省現在有糧可支亦未便援照直隸之例折給銀兩又招募壯丁

欽定平定教匪紀畧

卷十六

四

一款查該士民等團練技勇守望相助祇可聽其自便若口糧號衣器械等項悉由官為辦理不特經費不貲且人數聚散無常亦復無所稽考殊形膠轕又挑修城池一款查該撫摺內既稱各城垣殘缺處所已飭各州縣趕緊捐修其護城池濠亦應飭令自行籌辦不得糜帑借支又支給車騾腳價請照新野以南成案一款查

此次剿捕教匪用車騾係在新野以北車騾腳價自應按照新野以北舊案辦理不得援照新野以南之案致涉浮多此四款均無庸議戶部又奏言據山東巡撫同興奏到籌議軍需章程各款查此次直隸山東交界處所賊匪滋事一切軍需事宜自應畫一辦理今該撫摺內

欽定平定教匪紀畧

卷十六

五

所稱購備軍裝器械鉛彈火藥並給發官兵口糧行裝以及採買米麥豆草暨兵丁沿途折給口糧等款遵照定例及奏准成案辦理自應准其照辦外至所稱各州縣雇募民夫日給口糧一款查前此直隸河南先後具奏俱經飭駁有案東省所請名異實同應毋庸議其各州縣雇備車騾安設馬撥及挑濬城濠等款臣部已於議覆河南軍需條款摺內分別准駁應卽令該

撫查照遵辦以歸畫一奏入

上從之

同日董誥等奏審明從逆案犯將李鳳印等十

三犯核其情罪分別尤重次重又次重之不同

開單呈

覽除邊文良卽邊常兒韓達子張昆孫發尚有應行

質訊之處暫行監禁待質外請將李鳳印卽李

欽定平定教匪紀畧

卷十六

六

秋兒劉三卽劉丫頭果鳳魁卽果拴兒鄭八卽

鄭漢魁祝玉劉進得卽劉俊德王老朱大卽朱

六套宋文登九犯卽行凌遲處死其前此留禁

待質十二犯內除董綱太屈四祝林劉輩兒李

玉隴田馬兒六犯仍暫留待質外其太監閆進

喜及張泳貴卽二禿子金黑董伯營賀起雲祝

秉仁六犯與未獲各犯無可質証或已待質有

人毋庸再行留禁應請卽凌遲處死同前經審

出從逆自斃應行剉屍之孫泳貴張以幅二犯

一併梟示得

旨閆進喜張泳貴卽二禿子李鳳印卽李秋兒劉三

卽劉丫頭果鳳魁卽果拴兒鄭八卽鄭漢魁祝玉

劉進得卽劉俊德金黑王老朱大卽朱六套董綱

雲卽董伯營賀起雲祝秉仁俱著卽凌遲處死朱

欽定平定教匪紀畧

卷十六

七

文登著改為斬決孫泳貴張以幅著卽剉屍一併

梟首示衆餘依議

十一月初三日丙寅那彥成高杞楊遇春奏言竊

臣等於本月二十七日督率官兵攻克道口賊

巢後查道口長八九里街道曲折敗殘餘匪逃

匿民房者雖被官兵用火燒斃一時未能淨盡

臣等於二十八日黎明又復嚴加搜捕尙有餘

一萬... 丹... 賣... 日... 文... 卜

匪四五百人當卽撥兵剿殺餘匪拚命逃回滑縣縣城之賊不准其近城官兵正在追擊未及二三里復有縣城東偏之桃源賊匪三千餘人前來接應當經臣高杞率領官兵自東而西兩路夾攻賊仍抵死抗拒桑吉斯塔爾格布舍楊遇春楊芳等各帶馬步官兵縱橫衝突鎗箭齊發賊始紛紛敗竄計臣那彥成一路殺斃賊匪

欽定平定教匪紀畧

卷十六

八

三百餘名高杞一路殺斃賊匪二百數十名賊匪竄回桃源其道口餘匪臣等儘力追逐直抵滑城詎城內之賊復出五六千人公然抗敵官兵乘勝直前先用馬隊衝突該匪前隊折回官兵趁勢追擊復斃賊匪七八十人賊衆退回城內維時官兵前後各隊均已直逼城下正在劄營賊匪復由西北二門突出每門約有二三千

人分投直撲臣等一面督兵截殺一面安劄營盤隨將賊匪趕退入城立將東西南三門嚴密堵住惟正北及西北兩門現在尚未堵住查滑城周圍數里城郭完固統計現在兵數攻賊則有餘圍城則不足臣等正在焦急計前調山西兵一千名陸續到齊又臣那彥成前次續調陝甘官兵未蒙

欽定平定教匪紀畧

卷十六

九

恩允惟臣係一面奏明一面先經檄調約計前次官兵已出潼關不日亦可到營現在圍攻滑城正當萬分喫緊之際擬卽分別派撥上緊攻取不敢稍延時日再臣那彥成與高杞於二十八日親赴道口鎮內查驗已斃賊匪該處屍骸枕藉盈街滿屋實因官兵進攻道口之時注意剿殺莫辨賊首賊夥屍身均已糜爛實無從查驗現

在_臣等惟當加緊圍攻務擒首逆同桃源一股賊匪分撥官兵尅期撲滅諒此釜底游魂斷不能再稽顯戮再查此次賊匪滋事以來直隸河南兩省士民義切同仇自行團練壯勇捍禦殺賊並有捐輸錢米守衛城垣養贍窮民者現由該地方官陸續稟報前來_臣那彥成覆加查核除殺賊不及百名無庸開單外謹將殺賊過百名者繕具清單恭呈

欽定平定教匪紀畧

卷十六

十

奏理合附陳

同日同興奏言查東省前此派撥滿漢兵一千名交蘇爾慎閔俊烈帶赴開州幫剿之後彼時徐州鎮總兵沈洪雖移赴考城旋因曹縣之大

寨集地方黃河水涸易於涉淺該鎮卽折回彼處駐紮不惟可以堵禦東南竄匪并可與東省曹縣一帶聲息相通是以_臣復分兵往畢家集交多隆武陳廣寧等防堵茲據曹縣稟稱沈洪於二十六日接奉那彥成札調已於二十七日帶領全隊官兵前赴新鎮大營去訖_臣查該處為東南要地斷不可無兵正在飛札知會百齡另行派兵防堵適據多武隆陳廣寧稟報在畢家集拏獲賊探劉二番草王宗賢二犯訊據供稱該犯俱從滑縣回來因河南官兵甚多朱成貴等仍欲撲回山東令該犯等來探東省官兵情形等語_臣聞信之下不勝焦急查_臣現帶之兵并畢家集安陵集兩處紮營之兵止有二千四五百名若大夥賊匪分股東竄實在不敷抵

欽定平定教匪紀畧

卷十六

十一

禦邊防緊要除親督各處官兵加意嚴防外惟有仰懇

皇上天恩卽飭那彥成速撥兵二三千名派員帶領

繞道斜趨由滑縣至東明扼要之處堵截庶免

闖入

同日馬瑜富蘭奏言查潘章西南另股之賊前

經我兵追壓去後探已潛遁楊家莊一帶臣等

欽定平定教匪紀畧

卷十六

三

卽帶兵前往截剿適該匪又奔滑縣是以臣等

仍由開州邊界從西北而至東南沿途搜捕現

在行抵中召據長垣縣周克家稟報縣境春亭

集李化宇莊賊匪因有武生成晚蘭文童韓國

彥鄉民成長庚王成棟等率領鄉民時往攻擊

該匪無可覬覦陸續由西北滑縣逸去境內間

有餘黨已無大股賊匪又據東明縣朱煒稟報

縣境現俱寧謐惟開州東明長垣處處毗連滑

滑一經大兵剿散勢必四路奔逃臣等惟有加

倍嚴防不敢稍存大意均奏入

上命軍機大臣傳諭那彥成高杞楊遇春日那彥成

等奏官兵攻克道口後剿殺賊匪直抵滑城現在

布置圍攻所辦甚好道口攻克後餘匪尚有四五

百人復經官兵搜戮零星竄回滑城官兵乘勝追

欽定平定教匪紀畧

卷十六

三

擊先將桃源接應之賊截回追抵滑城城內賊匪

兩次出城衝撲俱經官兵擊退現在已將東西南

三面城門嚴密堵住惟正北西北兩門尚未堵合

看來賊匪勢已窮蹙此時緊要機宜必須四面圍

定方可併力進攻切不可於西北正北兩門未堵

合之先率行攻打致留賊匪奔竄之路若賊匪突

圍而遁必係悉其精悍乘間奔逃其老弱無用者

始棄之城中設官軍圍堵不嚴致有名賊目戰手
悉行免脫克城之後僅捕戮餘匪甚或多殺難民
充數則收復空城於剿捕大局何益乾隆年間庫
車前鑑具在慎之本日據同興奏沈洪一路官兵
經那彥成調赴大營東省兵備空虛現在訊據賊
供有河南官兵甚多賊目朱成貴等仍欲撲回山
東之語此時同興處防守之兵僅有二千四五百
名甚爲單薄若那彥成等不將滑縣賊匪就地殲
滅倘賊匪乘虛竄往東省豈那彥成等又提數萬
大兵移營東省另行籌辦乎此時陝甘官兵據奏
已出潼關日內卽可到營正可補北面圍兵之不
足那彥成等惟當督率將士合圍嚴密使賊匪無
路遁逃先用大礮毀其垣壁我軍奮勇先登卽可
將逆賊首夥或殲或擒一鼓全行掃蕩卽畧遲數

欽定平定教匪紀畧

卷十六

十四

日朕亦不降旨飭催若使滑縣之賊再行散竄則
惟那彥成等是問至現在緊要賊目俱已聚集滑
城著那彥成等通諭將士於克城之日如李文成
徐安悃馮克善牛亮臣四犯必須按名擒獲擇其
傷輕者二名解京預備廷訊其傷重者卽在彼處
訊明正法錄供具奏在京滋事之要犯祝現劉第
五劉呈祥董伯旺克城時亦於活賊內嚴追如有
捕獲者全行解京以便歸案訊辦盡法懲治彼時
押解大員仍遵旨酌派長慶積德廣厚及慶祥等
率領侍衛將領等嚴密押送勿稍疎虞倘此等著
名賊目經官兵臨陣殲斃亦必須詳細辨認毫無
疑義一面戮屍梟示據實奏聞此八犯關係緊要
若伊等率據將士等稟報含混入奏將來該逆犯
又於他處拏獲則那彥成高杞楊遇春三人均不

欽定平定教匪紀畧

卷十六

十五

能逃罪勉之慎之又那彥成奏直隸兩省堵禦出力士民名單該士民義切同仇各自團練鄉勇並捐輸錢米守衛城垣剿殺賊匪多名俱屬急公尚義可嘉奏到清單交軍機處存記俟軍務全竣時那彥成再將出力之人分別保奏候旨施恩又前日據那彥成等奏訊據賊犯劉成供稱有一總卦頭李姓在盧溝橋左近開張藥店有個當家的余七同馮克善於八月進京並稱李姓係李文成之子等語昨密派英和在盧溝橋一帶查拏據奏拏獲開張藥鋪之李承慶余七二人訊問毫無影響著那彥成再向劉成研訊確切供詞據實覆奏上又命軍機大臣傳諭托津曰本日據馬瑜等奏察探直隸開州一帶情形一摺披閱所奏該提督於前次接仗後其另股之賊遁往楊家莊復由彼奔

欽定平定教匪紀畧

卷十六

去

赴滑縣而長垣所屬春亭集等處因有武生成碗蘭等率領鄉民時往攻擊又向滑縣逸去該提督等帶兵在彼全未認真剿辦任聽賊匪往來游奕僅以該州縣所稟敷衍入奏其油猾情形已可概見托津現已馳抵開州著詳細確查若馬瑜等有遷延觀望情事卽嚴叅具奏勿稍徇隱其開州東明長垣一帶現在如尚有賊匪竄擾托津卽督率各鎮將迅速掃除淨盡以清後路刻下那彥成等已將滑城圍困若能聚而殲旃固屬甚善倘有竄至直隸之賊併當嚴密堵剿毋令旁逸本日又據同興奏拏獲賊探劉二番草王宗賢二犯訊據供稱賊目朱成貴等因河南官兵甚多仍欲撲回東省山東官兵經蘇爾慎等帶去一千名沈洪所帶之兵復經那彥成調赴大營東省現止存兵二千

欽定平定教匪紀畧

卷十六

七

四五百名邊防甚為緊要托津現在開州逼近東
省邊界如探有賊匪東竄著托津卽酌分兵力派
委大員帶往山東幫助同興堵禦其北面直隸邊
界仍須嚴兵防範現在正當剿賊喫緊之際防賊
旁竄為第一緊要機宜托津務周密佈置慎重調
度為要

上又命軍機大臣傳諭百齡曰豫省賊匪經那彥成

欽定平定教匪紀畧

卷十六

六

等連次剿殺已將道口屯聚賊眾悉數殲擒本日
據奏業將滑城圍困指日進攻該匪等若能聚而
殲旃不留遺孽固屬甚善倘被剿情急不突狼奔
分投四竄亦不可不預為防範東省界連江南地
方最為遼濶本日同興具奏訊據賊探供稱賊目
朱成貴因河南官兵甚多仍欲撲回東省東省官
兵前經蘇爾慎等已帶去一千名沈洪所帶之兵

復經那彥成調往大營東省防邊之兵僅存二千
餘名未免單弱百齡接奉此旨著卽酌派將領前
赴江南山東接壤處所協助同興併力防堵使賊
匪不能竄回東境則江境自安然無事該督務不
分畛域周妥佈置為要

上又命軍機大臣傳諭同興曰同興奏訊取賊供賊
目朱成貴等因河南官兵甚多仍欲撲回東省等

欽定平定教匪紀畧

卷十六

七

語該匪等狡譎多端經豫省剿殺嚴急意圖東竄
亦係必有之事東省兵力現在稍單不可不加意
防範業經降旨令托津在開州一帶兼顧東面如
有東竄之賊卽派兵速赴東省幫助同興堵禦其
東南地方亦論知百齡不分畛域可以派兵來東
協防該撫惟當督率東省官兵嚴密防堵遇有竄
來賊匪迎頭痛加剿戮毋稍疎虞為要又據初彭

齡奏定陶以北城武鉅野鄆城等縣近日仍多土賊數十人成羣搶奪村莊城武縣並有欽賜檢討劉洙爲土賊頭目該縣土棍近年卽有紅磚會名目晝伏夜動知縣不能剿捕僅放鄉間紳民逃避入城閉門固守又兗州所屬嶧縣之常泥溝及沂州所屬郟城之馬頭鎮均被土賊燒搶知縣不行查辦等語山東曹縣定陶賊匪均已剿除淨盡而

欽定平定教匪紀畧

卷十六

二十

附近州縣尚不免有土賊乘機燒搶著同興派文武幹員前往各該處嚴密查訪果否有欽賜檢討劉洙潛充賊目如實有其人卽拏獲究辦其焚掠村莊之土賊並著督率地方官嚴拏重懲毋任煽聚漸多擾害閭閻又滋事端

臣等謹按賊匪屯聚滑城外援俱絕固已納諸陷穽之中而豕突狼奔鋌走實爲可慮那

彥成等乘道口之勝進軍城下是時兵盛氣壯似無難一鼓而登滅此朝食然長圍未合尚留西北正北兩門使其悉精銳而行遺空城而去則是熏狐未得何言灌穴之功脫免難追終蹈守株之誤從此賊勢散漫辦理必至棘手我

皇上智炳幾先慮周閭外

欽定平定教匪紀畧

卷十六

三

特勅那彥成等必須四面堵合方可併力進攻猶慮進攻之時潰圍不免

諭令臣托津嚴防北面兼顧東省又

敕百齡協助東省防堵兼顧江南其西面太行山麓則早

命張績駐守蓋不特環攻無缺而重圍密佈更有週乎數千里之外者是以滑城一克賊黨盡殲

無能軼乎

天網蕨功完善

機要實決於斯時也

是日

上諭內閣曰御史嵩安等奏酌籌內城編查保甲事宜請交步軍統領衙門核辦一摺內城地面向係步軍統領管轄舊有十家戶名目即仿照保甲規

欽定平定教匪紀畧

卷十六

三

制核實編查較為簡易所有內城旗民戶口編查保甲事宜著專責成步軍統領衙門認真妥辦毋稍遲緩此內除王公滿漢文武官員三品以上者令其自行查察外其四品以下職官均與旗民一體編查有陞任三品者隨時具報開除

同日章煦奏言

臣欽奉

諭旨將山海關獲犯李得水所供長垣縣被賊擾害

各情形查明具奏

臣遵即將直隸總督衙門自

本年四月以後各屬所投文稟及溫承惠批行

稿案逐細檢查並無長垣縣稟報河南太康縣

匪徒聚集多人在各村莊搶掠於九月初進城

劫庫戕官之件復面詢臬司慶格清河道魯銓

保定府知府張五緯等咸稱毫無影響至長垣

縣知縣趙綸係於九月初六日出城赴葦園村

欽定平定教匪紀畧

卷十六

三

查拏教匪被戕並非在署被殺縣城及倉庫等項均未被賊攻陷劫取獄囚並未放走彼時亦無官兵剿殺賊眾一千餘人之事李得水所供似未確實謹據實覆奏

同日福長安奏言本月初二日申刻

臣接據文

武委員遊擊花良阿員外郎吉隆阿等稟報將

曹綸父子鎖拏管押解京並查抄該犯任所贖

財宇跡各情謹將該員等原稟及查抄物件清單一併恭呈

御覽臣復面詢遞稟來升鎖拏曹綸時該犯是何形狀獨石地方有無別項聲息據稱曹綸伏地受縛地方亦極寧靜等語均奏入報

聞

十一月初四日卯托津奏言竊臣欽奉

欽定平定教匪紀畧

卷十六

十四

諭旨馳赴開州剿辦後路賊匪伏思進兵之要必須通盤計議相度地勢之遠近以定剿捕之後先方克師貞有濟當向藩司素納詳細諮詢悉心籌酌就開東長地勢而論開州之正西及西南西北與河南滑縣密邇毗連東明在開州之東南長垣又在東明之西南長垣北界與滑縣東南界接壤是長垣雖隸直省其地轉在滑縣之

南距開州較遠查現在東明境內並無賊匪滋

擾開州各村莊亦無賊匪盤踞因西界與滑縣

潘章等村犬牙相錯時有賊匪竄入開境出沒

無常從前長垣之春亭集文興集南岳集等處

原有賊匪盤踞近因自衛村莊之壯勇時往攻

擊該匪等均向滑縣遁去長垣境內亦無大股

賊匪臣接奉

欽定平定教匪紀畧

卷十六

十五

諭旨剿捕北路一帶此時若帶兵徑往長垣殲剿轉須遠赴南面向北進攻且近日那彥成疊獲勝仗攻克道口進圍滑城賊匪漸已窮蹙勢必紛紛四竄滑縣東界濬縣北界皆與開州毗連是開境爲北路最要之地亟宜防堵截剿馬瑜等所帶兵數僅三千餘名祇敷堵截臣現已遣人迎催吉林黑龍江官兵迅速前赴軍營一俟該

官兵到開後除留弁兵在開州嚴密防守外

臣

即督率馬瑜富蘭等分領勁旅由北而南相機

兜剿不難一鼓撲滅如此辦理既能扼其北竄

之路而於剿捕機宜尤為得手謹將直豫之滑

濬開長等處地勢方向繪圖恭呈

御覽臣於拜摺後星即迅赴開州軍營以圖進剿奏

入

欽定平定教匪紀畧

卷十六

三

上命軍機大臣傳諭托津曰直隸長垣地界係在滑

縣之東南此時托津若帶兵徑赴長垣轉須繞南

面向北進攻托津審擇地勢在開州扼要之處督

率堵剿所見甚是現在那彥成連獲勝仗攻克道

口進圍滑城倘賊匪被剿情急稍有竄逸滑濬地

方皆與開州連界為北路扼要之地托津應於此

處駐紮大營相機堵截昨同興奏因賊犯有撲回

東省之供山東兵力較單奏請添兵協防若將進

剿之兵移駐防守殊覺無益托津駐紮開州著探

明逸賊向何方奔竄即派兵由何方迎頭截擊緊

顧北面并可兼防東面著即知會同興彼此偵探

互相應援同興現在曹州雖距開州一百數十里

聲氣易於聯絡也

是日

欽定平定教匪紀畧

卷十六

三

上諭內閣曰此次審辦逆案之堂司各官晝夜研鞫

不辭勞瘁能將緊要逆情逐一究出甚為出力刑

部堂官除宋鎔現有失察處分外尚書崇祿韓封

著各賞給貂皮褂一件侍郎穆克登額成格著各

賞狐狀褂一件其軍機章京及刑部司員等列為

一等者十七員著每員賞給大卷八絲緞一疋緞

綢一件列為二等者六員著每員賞給小卷八絲

緞二件以示鼓勵

上又諭內閣曰宋鎔初彭齡前在順天府尹任內均

失察林清等傳習邪教宋鎔在任已逾三年著交

部嚴加議處初彭齡在任僅止四月有餘著交部

議處曹振鏞前署兼管順天府府尹帥承瀛前署

順天府府尹其任內失察林清等傳習邪教均僅

一月有餘曹振鏞帥承瀛俱著交部議處

欽定平定教匪紀畧

卷十六

天

上又諭內閣曰成寧前在霸昌道任內失察林清傳

習邪教為期僅五月有餘其失察林清謀逆僅止

數日著交部議處前任霸昌道士俊失察首逆林

清傳教謀逆在任二年有餘著交部嚴加議處現

任霸昌道誠端失察不及一月著交部議處

是日

乾清門侍衛福勒洪阿阿蘭保督同直隸委員同

知明順遊擊花良阿等將曹綸一犯鎖拏到京

得

旨軍機大臣會同刑部嚴訊其管解曹綸進京之員

弁兵役賞給緞疋銀鏹有差

十一月初五日

辰戌

上諭內閣曰恭值

南郊大祀朕先一日宿

欽定平定教匪紀畧

卷十六

天

壇定例由宮內乘輦陳設大駕鹵簿禮儀明備本年禁

城內九月十五日之變仰賴

上蒼垂佑渠魁立殲餘黨悉除其豫東賊匪派兵剿辦

連奏捷音冀可計日蕩平前曾於孟冬之朔派儀

親王永璇告祭

天壇朕沐非常

昊睨夙宵欽感尚未躬達悃忱茲於長至日恭祀

園丘肅陳祇謝虔籲

恩慈敬當減損儀文用昭寅畏其前一日詣

壇不御輦由宮內詣

皇穹宇以至進齋宮俱乘紅桿八人轎大駕鹵簿毋庸

陳設祭日禮成還宮設騎駕鹵簿奏導引樂著該

衙門敬謹遵照預備

是日董誥等奏言臣等連夜熬訊曹綸一犯據

欽定平定教匪紀畧

卷十六

三

供我是正黃旗漢軍年四十二歲曾祖曹金鐸

係驍騎校伯祖曹瑛曾任工部侍郎補放大同

鎮總兵祖曹城原任雲南順寧府知府父曹廷

奎原任貴州安順府同知嘉慶二年在署南籠

府任內因苗匪圍城痰發身死我嫡母荆氏生

母孫氏亦俱自縊其時無人呈報未得

旌表我叔叔曹廷琦又兄弟三人內長兄曹紳已故

祇有二兄曹維現充武備院弓匠均已分居妻

楊氏生子三人長男幅昌次男重慶三男鶴齡

女姪兒我先於乾隆五十八年充整儀尉陞治

儀正兼公中佐領嘉慶十六年陞獨石口都司

前此乾隆五十五年我在父親高郵州任內彼

時林清充當糧道長隨往高郵州查漕與我識

認嘉慶十二年三月有素識的宋三同著林清

欽定平定教匪紀畧

卷十六

三

來看我其時我衣服藍縷不能出門當差林清

給我贖了幾件棉衣約用京錢二十六千文四

月初間宋三將我請到南城外椿樹二條衚衕

他的家中彼時林清季得全俱在座宋三對我

說你現在當差艱難我們四人何不結拜兄弟

後來大家好幫助你我就應允當日彼此磕了

頭是年林清曾著董惲太送過我西瓜木炭十

三年我隨熱河圍林清送我馬一匹騾一頭京錢五十千文是年十月我因賣房與王柄家涉訟與伊家人王五識認往來相好至十四年十一月我又與王五結拜是年春圍林清又幫過京錢四五十千文他十三年冬間並十四年夏間往城外拉米我曾用圖記送米出城說是兵丁食米十六年三月我陞了獨石口都司到林清家對他說我從前所借的錢文騾馬不能還你林清說那都不要緊我教你一個法兒可以趨吉避凶並可救窮我問是甚麼法兒他傳授我真家鄉無生父母八字叫我打坐默誦我卽應允後來我就到任去了是年五月我因領餉進京有孫九劉三卽劉幅受到我家說他們前往獨石口找我說話聽見我業已進京就趕

回來我對孫九們說林三哥教我念八個字可以救窮並無效驗孫九說你要效驗除非給林三哥磕頭他們又叫我著人去請王五來說話我就打發我大兒子幅昌請王五來到我家孫九劉三對我說河南七卦人都已歸了林清目下劫數已到林清該當起事彼時你若可以進京就來京幫助若不能來就在獨石口收入入會我說不能進京只好在那裏看光景罷了孫九說既不能來將來事成再差人接你罷後來各人走散我就往良鄉接餉去了十七年五月我又領餉進京到林清家中我依着孫九的話給林清磕頭林清只舉手並不還禮那時劉三卽劉幅受劉四卽劉呈祥並已故的田大都在林清家中我就問林清說你們的事到底怎麼

樣林清說時候尚未到等時候到了我就差人
接你本年七月我護送土爾扈特上熱河在彼
守候迨送土爾扈特出境至九月十三日始回
獨石口衙門聽說京中有劉姓來找我未遇就
回去了十四日我聽見河南滑縣有賊造反就
知道必是林清的人我當初原因窮苦借過林
清驟馬錢文又恐斷絕往還伊必逼索所以聽
從入教至林清們平日謀逆情事我俱稔知因
我積年欠帳甚多林清曾許我事成後替我還
清賬目我想那時別的好處固不必說就免了
眼前這樣苦累也是好的這實是我窮極無奈
糊塗該死的想頭至他們要我收人入會我雖
當時應允後來越想越怕實未收人迨九月十
五日林清派人進京鬧事我因出差並未得信

欽定平定教匪紀畧

卷十六

三

總之我家世受
國恩我又蒙
皇上天恩身任都司幹出這樣事來實屬禽獸不如
罪該萬死無可再說等語查該犯所供恐尚有
不實不盡之處容再研訊奏
聞
上又諭內閣曰逆犯林清滋事一案該逆勾引夥匪
皆先以財利引誘入教久乃商謀逆情該逆等並
非無業之人著直隸總督順天府尹將此案審明
首從各逆犯如林清曹綸等按照旗籍將各名下
叛產悉行籍沒入官其每年應得租銀若干詳細
造冊報部歸入旗租項下以備每年加賞八旗兵
丁之用
同日馬瑜富蘭奏言竊臣等於十月三十日行

欽定平定教匪紀畧

卷十六

三

抵中名將開東長各境內竄匪情形具

奏後旋據探報緊接開州邊界之滑縣袁家莊有

賊匪藏匿臣等星卽帶領滿漢官兵一千名前

往奮勇剿殺該匪猝不及備當被生擒九名殺

斃賊匪三十餘名燒斃七八十名餘向四間房

竄去初一日正欲帶兵往剿探報西南有賊匪

一股約有一千四五百人遠逼大營而來臣富

欽定平定教匪紀畧

卷十六

美

蘭閏俊烈帶領協領哈哈岱佐領成順防禦訥

勒賀候補遊擊班荆布都司桂朝陽伏於營盤

偏左臣馬瑜蘇爾慎帶領巴圖魯侍衛吉勒章

阿護軍叅領福英阿委護軍叅領色爾果善降

調副將馬文斌守備王正綱等伏於營盤偏右

少頃賊匪吶喊搖旗施放鎗礮果來撲營營內

各兵視賊較近鎗礮齊發斃賊三四十名賊匪

猶竭力抗拒爾時臣等帶兵抄出營前兩路奮

力掩殺箭射矛戳又斃一百餘人該匪不能抵

敵始行敗退我兵乘勝緊追十餘里又殺賊三

百餘人搶獲大小礮五尊刀矛一百五十四件

白旗二十四面大車二輛內裝賊衣乾糧火藥

鎗礮子等物餘匪四散有竄入趙管李家莊者

二百餘人隨又分兵跟剿並派守備陳祥禧千

欽定平定教匪紀畧

卷十六

美

總邢雲漢郭連把總周廷獻外委柯彪等帶領

兵丁放火焚燒戮洗淨盡前後共生擒賊犯劉

保義等七十一名訊據劉保義供係滑縣人被

四間房頭目兌官伯魏德鍾裹脅入夥此股共

有二千餘人昨日小頭目楊全有管帶二百多

人在袁家莊屯聚被官兵燒殺一百餘人楊全

有逃往四間房求救魏德鍾因此來尋官兵打

仗報仇今已敗走等供當與各犯一併正法此

次打仗直隸兵丁王成龍張立德均受鎗傷俟

咨部照例核辦現在賊匪尚有散處村莊者臣

等已飭令分投確探惟有鼓勵將士向南截剿

勿任北竄奏入

上命軍機大臣傳諭托津日本日接據馬瑜等奏連

獲勝仗一招馬瑜節次在開州以南接近滑縣境

欽定平定教匪紀畧

卷十六

三

內搜剿賊匪俱有殲捕看來該處零星賊股仍尙

不少托津此時已到開州當督率馬瑜等逐一搜

捕迅速殲除淨盡現在那彥成等攻圍滑城恐城

破之後賊匪亡命奔潰直隸開州一帶與滑縣處

處毗連托津等當由北向西南節節堵剿遇有滑

縣成股竄逸之賊務當迎頭截擊無任一名免脫

卽或有逃出難民亦須加意盤詰勿使改裝假冒

避過大兵得以北竄此爲至要

欽定平定教匪紀畧

卷十六

三

欽定平定教匪紀畧卷十七



十一月初六日巳

上諭內閣曰九月十五日逆匪林清潛遣夥黨突入禁門謀逆當經官兵將逆黨殲捕淨盡嗣訊據獲犯供稱是日逆匪等在禁城滋擾時恍惚之中望見

關帝神像該逆衆立時畏懼奔竄悉就殲擒此次逆匪滋事迅即殄除都城安堵前於孟冬朔日潔祀謝

欽定平定教匪紀畧卷十七

二

天
地
宗
社敬酬
眷佑

開帝廟尙未虔申祀謝著太常寺於冬至前諏吉在地安門外

開帝廟報祀一應禮儀卽照春秋二祀之例定期具奏請旨遣皇次子前往行禮用答

神庥

臣等謹按我

朝崇奉

欽定平定教匪紀畧卷十七

二

開帝尊禮備至而

神之佑我

國家者靈異特昭每遇

王師征討之際

靈旗髣髴助赫濯焉方策所存蓋有不勝書者此

無他助順遏逆之心

天人一致而扶正殛邪之理幽顯同符然非

至治馨香夙昭感格則呼吸可通之效亦未易臻也

我

皇上翼翼嚴昭事之忱乾乾勵法

天之寶

誠敬之至通於神明故九月十五日倉猝之間默邀

呵護厥後滑城克復之日

靈蹟復著見於那彥成等奏報之詞

欽定平定教匪紀畧

卷十七

三

惠勉之占孚於影響茲既肅精禋以彰美報嗣於次

年二月復

特勅於

神號內敬增仁勇二字於以奉揚

偉烈垂之無窮讀是編者可以悚然於

天人感應之真卜我

大清億萬年無疆之祚矣

上又諭內閣日九月十五日二阿哥用烏鎗親斃二

賊此皆諳達等平素向阿哥講習武備阿哥始能

如是熟練甚屬可嘉著施恩將諳達畢拉哈那全

山保明喜濟克進扎普福英安等俱各賞加一級

以示鼓勵又原任諳達二等侍衛佛爾爾額從前

朕為阿哥時伊隨朕充當諳達頗著勤勞後在二

阿哥諳達上行走二阿哥能如是熟習武備亦由

欽定平定教匪紀畧

卷十七

四

佛爾爾額講求肄習所致伊子察良阿現回吉林

著加恩交該將軍等即在彼處挑為領催

是日董誥等奏言臣等遵

旨將案內緊要情節向逆犯曹綸研訊并將屈四一

犯覆加熬訊據曹綸供我先實無造反之意我

雖係都司實在窮極無奈貪圖富貴料得林清

事成後自然給我一二品官做况林清原說在

河南鬧事我想事成固好即使不成他在外省鬧事我仍舊做我的都司也不能牽連到我落得坐觀成敗所以當面只管答應至我係現任職官若勸令在京親戚朋友及任所兵民入教豈不自取敗露我就糊塗死了也斷不出此有我衙門書役兵丁俱可傳質至林清黨羽我實在不能盡知惟想起十六年春間林清向我說

欽定平定教匪紀畧

卷十七

五

采育固安兩處都有他手下的人又十七年五月我到他家見掛有硃箋條幅上寫金字說是潼關一路得來的想陝西必有他手下的人又聽見他說甘肅蘭州也有他的同教我又想起前新莊的齊八太平莊的賀文隴俱是民校尉並有支進財賀八魯進有卽二臭兒又有宛平縣當衙役的王七這都是教內人此外我不知

道是實又據屈四供八月十四日劉四卽劉呈祥向我傳林清的話奏人齊上燕郊我實因莊上人少不能湊合多人回覆他們隨後林清叫我去說你那裏既湊不出多人且就你揀出的人跟著劉四進

東華門起事我們據了京師不怕

聖駕不到關東去我出來劉四又替我說九月十五

欽定平定教匪紀畧

卷十七

六

日河南人來卦主自有安排彼時殺害了京師內外的官民十七日一擁就可上燕郊去鬧事了十五日我帶了張順等十人進城鬧事是實臣等又質訊董幗太據供我舅舅林清於十六年二月第一次往河南回來帶有硃砂箋單條一幅寫的白字又像符又像畫兩邊畫著金龍上有方印他對劉呈祥們說這是潼關外近著

狗西番地方楊姓送他的並說憑著這個收人以後凡收徒弟都叫他向條幅磕頭我又聽見支進才說這是牛亮臣送給並不是什麼楊姓的去年七八月間我舅舅說這條幅太招搖業經燒燬我又聽得劉成章向我舅舅說有個劉五訓手下有許多徒弟是甘肅蘭州人想來就是曹綸所說入教之人等語_臣等除將曹綸等供出各犯逐一核對查拏外謹將現犯分別錄供卽行按律定擬

欽定平定教匪紀畧

卷十七

七

同日那彥成高杞楊遇春奏言竊_臣等督兵攻克道口賊巢後兵抵滑城查滑城共有五門其東西南三門已經派兵堵截惟正北及西北兩門尙未堵住_臣等正在趕緊設法間先於二十九日酉刻桃源之賊二千餘人欲圖入城接應

城內亦出賊千餘人兩相接應時已昏黑經官兵從中奮力堵截賊匪始各退回官兵乘勢攻城詎城上賊匪鎗礮亂發未能得手迨三十日黎明桃源賊匪一千數百人復圖進城拚命衝突滑城北門又出賊二千餘人接應官兵兩面截擊十分喫緊當經_臣楊遇春同

欽定平定教匪紀畧

卷十七

八

乾清門侍衛額勒精額侍衛哈期阿並格布舍富僧德帶同各侍衛等直前衝殺賊匪抵死不退回官兵鎗箭齊發自辰至申殺斃桃源賊匪一千餘人生擒二百餘名餘剩數十零匪竄回桃源其出北門接應之賊經高杞特依順保馬元楊芳副將張大振遊擊祁祥等各帶馬步兵丁迎頭堵剿殺斃賊一百四十五人生擒十九名餘匪退入城內官兵追至北門復被城上鎗石抵

住官兵乘勢屯劄北門並將北郭縱火焚燒查

此次桃源一股賊匪已經官兵痛剿無餘滑城

賊匪亦復瞻寒現在西北一門續經官兵堵住

惟有正北一門賊匪專力拒守鎗礮亦多現計

兵力實尙不敷佈置臣等晝夜籌維萬分焦急

惟有盡心竭力設法圍攻所有生擒賊匪訊明

均無要供當即分別正法此次攻城打仗官兵

欽定平定教匪紀略 卷十七 九

實屬奮勇陣亡護軍營前鋒校岳王保一名其

餘兵勇因攻城甚迫傷亡數十名容俟查明咨

部辦理至連次打仗官員兵勇臣等遵

旨擇其在前敵打仗殺賊受傷者分別開單據實保

奏奏入

上諭內閣曰此次攻克道口官兵等飛越溝濠攻剿

竟日將賊巢掃除淨盡續又連獲勝仗實屬奮勇

可嘉著加恩將乾清門頭等侍衛額勒精額賞給

健勇巴圖魯名號頭等侍衛哈朗阿賞給繼勇巴

圖魯名號仍著在乾清門行走遊擊齊慎著賞給

健勇巴圖魯名號照例各賞給銀一百兩二等侍

衛阿勒罕保扎爾保陞授頭等侍衛阿勒罕保著

在乾清門行走三等侍衛蘇倫保陞授二等侍衛

空花翎霍隆武賞給藍翎侍衛仍戴空花翎護軍

欽定平定教匪紀略 卷十七 十

營前鋒校蘇清阿遊擊祁祥守備蔣光奎千總張

作功吳琨俱著遇有應陞缺出先行陞用並著先

換頂戴遊擊馬光宇賞戴花翎都司劉印景守備

寶德俞振海千總段永福俱著賞換花翎火器營

護軍三音布吉格德里武常青常勝保健銳營前

鋒校海明阿西朗阿明福驍騎校西林保遊擊楊

印花都司劉夢龍陳天壽守備劉鳳翥雲騎尉署

守備陳善千總候補守備鄧殿魁千總劉攀桂楊立震把總劉鳳翮蕭貴張化鵬馬全昇外委李伏殿向榮額外外委游貴張寧西安滿營前鋒興安保德平和楞額馬甲奇車布陝西馬兵祝廷元蕭提陞劉天華陳誥俱著賞戴藍翎原任都司胡超著准其開復原官

上又諭內閣曰陝西畧陽營遊擊員缺著周貴陞補

欽定平定教匪紀畧 卷十七 十一

所遺紫陽營都司員缺著趙啟貴陞補瓦石坪守備員缺著唐鳳陞補俱著先換頂戴

上命軍機大臣傳諭那彥成高杞楊遇春曰此次那彥成等將桃源一股賊匪悉數殲除其西北一門續經堵住該匪等外援已絕正如釜魚阱獸苟延殘喘但困獸猶鬪更須嚴密防守晝夜勿懈如遇風冷加倍留心現當功屆垂成之際該督等更應

計出萬全毋稍疎懈目下緊要機宜惟在堵圍嚴密不令該匪一名竄出卽少需時日朕亦不加催促閱該督所奏兵力尙不敷佈置已降旨飭知托津將吉林黑龍江二省勁兵令其全數赴豫併力攻剿並諭令章煦沿途迅速督催俾令尅期至營該督等俟此項官兵到後以大礮燬其樓櫓督率勇銳奮力先登卽可擒縛渠魁蕩除餘孽一鼓成功也

欽定平定教匪紀畧 卷十七 十二

上又命軍機大臣傳諭托津曰本日據那彥成奏滑縣賊匪經官兵圍住三面之後二十九日桃源賊匪二千餘人赴滑援救滑城之賊亦出北門接應經官兵將桃源賊剿殺淨盡已將西北一門圍住惟餘正北一門計算兵力尙不敷佈置等語道口桃源兩處賊匪俱經官兵殲淨滑城賊匪外無應

援其五門又已圍住四門正當攻剿喫緊之際而兵力尙覺不敷此時緊要機宜惟有迅催吉林黑龍江馬隊官兵齊抵滑城合力進攻方能得手刻已降旨章煦派員沿路督催托津現在開州督同馬瑜等搜剿直隸邊境賊匪該處不過零星竄匪不難辦理如托津一路兵力有餘無大股可剿之賊或於蘇爾慎閭俊烈等酌分一二人帶兵馳往

欽定平定教匪紀畧

卷十七

七

滑縣會剿當更得力卽或兵力不敷分派則吉林黑龍江馬隊官兵過開州時斷不許截留一名卽飛速催令全抵那彥成大營聽候派撥托津前奏恐滑縣賊匪被剿竄向東北欲厚集兵力堵禦不知此時官兵早到滑縣能將滑縣賊匪悉數殲除則北面自無虞竄逸若祇顧開州一面滑縣兵力不敷倘賊匪乘機潰散卽使不趨東北設竄向西

南豈不同一辦理費手乎朕盼望捷音宵旰焦勞現當功屆垂成之際伊與那彥成當統計全局先其急者以期速蒞大功軍務至重功則同賞過則同罰想托津公正廉明自能仰體朕心協助那彥成成功托津一併受恩朕並無歧視只盼捷音

上又命軍機大臣傳諭章煦曰現在那彥成已將道

口桃源兩處屯聚賊匪剿捕淨盡大兵合力圍攻

欽定平定教匪紀畧

卷十七

八

滑城所有自京分起派往之吉林黑龍江官兵正陸續在直境行走著章煦卽派委大員執持令箭沿途傳旨飭知領兵大員督催該官兵等迅速行走徑赴河南滑縣那彥成軍營路過開州托津軍營一名不許停留該督遵旨速行傳催毋稍稽遲上又命軍機大臣傳諭署陝甘總督巡撫董教增曰現據逆首林清之甥董綱太供稱本年底會

聞滑縣賊首李文成義子劉成章向伊母舅林清告知甘肅蘭州人劉五訓手下有許多徒弟等語逆犯曹綸供亦相同劉五訓一犯在蘭州地方與李文成等往來勾結糾人入會難保無潛通謀逆之事亟應嚴拏究辦著董教增密派明幹之員於蘭州所屬地方不動聲色密加察訪得有蹤跡卽設法拏獲親提訊供由五百里馳奏該犯所糾夥黨約有若干並向劉五訓嚴切跟究悉數查拏不可玩視

欽定平定教匪紀畧

卷十七

五

十一月初七日庚午百齡奏言竊臣據沈洪稟報該鎮率同參將馬濟勝在曹縣一帶搜捕竣事遵卽移營豫省北岸舊考城之西北三十里大寨集駐紮防堵緣接奉

欽差大臣那彥成疊次檄調已馳赴長垣小郭集會

欽定平定教匪紀畧

卷十七

六

剿匪徒等情臣查大寨集地居最要為東豫江三省屏障若不亟籌堵截則匪徒由澹縣長垣東明等處奔竄東南全無阻遏臣沈洪前次奉旨帶兵一千名前往東省協剿經臣添派參將馬濟勝帶兵二百名策應後路原不在該鎮應調官兵數內除飛咨那彥成飭令馬濟勝仍帶兵回赴大寨集駐守外仍一面檄飭候補知府張丕昌將臣續派烏鎗兵二百名招募壯勇三百名速行趕赴該處與馬濟勝會合復於防守徐城兵內抽調廟灣營兵一百名遴派都司朱德寬帶往藉資捍禦適接同興方受疇來信亦皆慮及東豫北岸空虛並准同興札稱曹縣甫經剿平應派官兵防範該省官兵不敷調撥囑臣派兵數百名前往等語伏查江安二省在在與豫

境毘連是以臣於沈洪調赴長垣之後另行設法防堵保衛豫境而就地勢賊情而論欲杜南竄之路必先於北岸嚴防爲東又卽所以爲豫惟是各卡隘兵力實難再爲分撥擬將派令總兵樊雄楚管帶之東海營兵二百名並熟練壯勇一百名暫行抽調飭委參將二達色等帶領前往仍請

欽定平定教匪紀畧

卷十七

七

勅下那彥成通籌全局速行派兵前赴曹縣以便撤

江省兵勇歸原營防守至安省潁亳一帶總兵喀勒吉善駐紮太和粵首集帖近河南鹿邑沈邱參將明保駐紮亳州虞家集與河南永城商邱接壤胡克家在亳南雙溝集安營居中調度佈置均已周妥臣仍隨時查探接應並札囑胡克家飭令喀勒吉善與南陽鎮總兵呢瑪善彼

此連絡益資備禦所有江境各卡隘臣俟續調之兵先後到齊卽與烏爾卿額商酌添撥該提督帶兵九百名在碭山南岸楊家集駐紮其迤西四十里卽係豫省虞城董家口地方總兵尙維侗督同參將奇里克特帶兵七百三十餘名在彼駐紮該處旣爲豫省保障並爲安省聲援

欽定平定教匪紀畧

卷十七

六

總兵沈烜督同參將楊昇等帶兵八百三十餘名在碭山北岸馬良集駐紮總兵樊雄楚督同副將戴文星等帶兵八百二十餘名在豐縣劉家集駐紮遊擊潘遇隆分守豐縣首義集都司陶飛熊分守沛縣孟家馬頭湖陵城均各帶兵二百名統歸樊雄楚就近督率其間地段綿長形勢散漫仍選配壯勇隨同防禦臣駐紮徐城相機籌備其黃河南北兩岸亦飭署徐州道毓

岱嚴督河營兵夫按段巡防仍多設偵探設滑縣道口匪徒被剿南竄臣即奮力督剿并知會各路策應迎擊不僅株守再臣欽奉

諭旨將所獲匪犯執用乾字號白布旗之處是否即係乾卦教華姓頭目夥匪查明具奏查前獲各犯業已審明正法訊之續獲匪犯苗占魁等均不知有乾卦華姓頭目自係該匪等各編名號彼欽定平定教匪紀畧卷十七 九

此並非一黨奏入
上命軍機大臣傳諭百齡曰江境防兵經那彥成將沈洪所帶兵一千名調赴軍營協剿該處兵力自覺稍單現據那彥成奏連次獲有勝仗已將道口桃源屯聚賊匪悉數殲除並將滑城圍困該處正當剿賊喫緊之時安能再分兵力防守邊界該督惟當就所帶之兵嚴飭將領加意堵禦並知會豫

東兩省同心協力互相策應滑縣之賊若經那彥成等聚而殲旃不致再有竄逸固屬甚善倘有分竄之賊那彥成等自必跟蹤追剿該督偵探得實一面迎頭截擊一面約會那彥成四面兜圍想殘敗零匪亦不難就地殲除也

十一月初八日臣章煦奏言竊臣訪聞十月三十十一月初一兩日景州西北鄉連次失火兼有乘火搶劫之事又故城縣居民亦有紛紛移居等情當經派員分投查辦嗣據天津道李鑾宣等稟報故城縣之北三十里周押窩地方有河南滑縣人霍應方寄居村內習教傳經惑眾經該縣徐寅第等拏獲霍應方孫政等十七犯押解來省等語查霍應方既係滑縣人氏恐與滑縣賊匪聲息相通故城一帶或尚有黨羽潛

欽定平定教匪紀畧卷十七

十

伏臣現在親加研訊務究確情再據李鑿宣等稟報有景州民人宿元振等出首宿元謨父子妄言未來之事現在查拏等情臣亦飭令嚴拏務獲一併究辦至故城縣居民遷避一節訊據委員嵩齡訪稱前因東豫賊匪滋事之時故城與東境毘連賊氛甚近天津鎮防兵未到是以居民稍涉驚惶有遷避外出者嗣天津鎮帶兵來縣駐劄又經該縣出示曉諭前此遷避之人今已回家安業

欽定平定教匪紀畧

卷十七

五

同日方受疇奏言查滑濬二縣境內村莊被賊蹂躪之處室廬費用焚掠一空所有撫卹事宜臣現飛飭藩司台斐音督同道府州縣確查悉照災區分別大小戶口造具清冊合無仰懇天恩賞給兩月口糧折銀散放其外來被難之人有

願回原籍者並請酌給路費所有給過銀數戶口按照起止月日報部核銷其焚燒房間俟賊匪全行平定之後再為查辦均奏入

上命軍機大臣傳諭章煦曰霍應方一犯係河南滑縣人寄居故城傳教與滑縣賊匪顯係夥黨經該縣拏獲十七人著該署督即親提嚴審訊以逆首林清與該犯等是否熟識現在京城及附京一帶

欽定平定教匪紀畧

卷十七

五

仍有無夥黨潛匿如有與京師關涉應行質證者將該犯嚴行鎖鑰解部審辦若無可質對之處該署督按其應得罪名分別定擬即奏明在該省辦理其宿元謨父子二犯務嚴飭所屬速拏務獲毋任漏網

上諭內閣曰河南滑濬二縣境內被賊地方著該撫查明戶口加恩賞給兩月口糧概行折銀散放以

資食用其外來避難之人有情願回籍者酌給路費將給過銀數戶口核實報銷該撫督飭所屬認真經理毋稍浮冒

十一月初九日壬董誥等奏請將逆犯曹綸及

伊子曹幅昌曹重慶曹鶴齡伊胞叔曹廷琦胞

兄曹維胞姪曹咸亨七犯分別凌遲斬決梟示

其犯屬人等八名口均予發遣又屈四季得全

欽定平定教匪紀畧

卷十七

三

王五劉幅受四犯一併分別凌遲斬決梟示請

旨

是日

上廷訊曹綸屈四二犯盡法懲治降

旨曹綸曹幅昌屈四劉幅受著卽凌遲處死季得全

王五著卽處斬俱梟首示衆曹重慶曹鶴齡著卽

處斬曹廷琦曹維曹咸亨著改爲斬監候趕入本

年朝審情實餘依議

上諭內閣曰本日廷訊逆犯曹綸已盡法懲治按律

凌遲梟示並將其家屬應行緣坐各犯分別辦理

矣曹綸係正黃旗漢軍伊伯祖曹瑛曾任侍郎伊

祖曹城曾任知府伊父曹廷奎曾任同知世受國

恩且伊嫡母荆氏生母孫氏因伊父署南籠府任

時苗匪圍城俱自縊殉節曹綸身任都司以四品

欽定平定教匪紀畧

卷十七

三

職官竟敢扶助林清通同謀逆欲爲一二品大員

亂臣賊子行同梟獍處以極刑所以快人心而彰

國憲至八旗漢軍自我

太祖

太宗開國之初從龍著績櫛風沐雨勲載旗常我國家

視同世僕實與八旗滿洲蒙古無異百數十年以

來漢軍中歷任文武大臣名卿碩輔節概炳著者

指不勝屈卽現在簡用內外大員亦皆克宣力効
忠無愧閭閻不意竟有曹綸一人敗常茂本實出
人情意想之外諒八旗漢軍聞之自必人人憤恨
義切同仇不知此等敗類乃戾氣所鍾譬諸萬頃
嘉禾間生稂莠鋤而去之無害良畝卽如林清本
係畿輔民人敢與悖亂國有常刑祇將逆犯誅殛
斷無因林清一犯將近畿數百萬良民皆疑其反
側之理現在曹綸一家已銷除旗檔我漢軍臣僕
皆當視曹綸爲異類不必引以爲愧所有八旗滿
洲蒙古漢軍等惟當感激國家培養厚恩勿忘祖
父勤勞世澤共矢天良力抒忠盡無負朕諄諄訓
勉至意將此通諭八旗知之

臣等謹按臣無二心天之制也曹綸以漢軍
旗人祖父食祿於

欽定平定教匪紀畧

卷十七

五

朝身登仕版嫡母生母並皆殉節而乃梟獍爲心

敗常茂本通賊附逆行同狗彘此固天下臣

民人人切齒非獨漢軍臣僕所憤恨也且在

伊家門中卽屬敗類非但於漢軍八旗爲敗

類也我

皇上仁育義正是日

廷訊曹綸盡法處治同伊子三人懲辦如律其不知

情之族人卽概子末滅而又明發

諭旨使漢軍旗人曉然於嘉禾稂莠各不相謀不必

引以爲愧大哉

王言

天幬地載善良之衆無不恃此保全忠義之儔孰不

聞而激發厚人心勵風化政治之要莫大於

是嗣又

欽定平定教匪紀畧

卷十七

五

特勅史館將曹綸事蹟纂入逆臣傳垂示萬世由是

亂臣賊子莫逃

斧鉞之嚴

大聖人之扶植綱常意深遠矣

同日托津奏言竊臣連次欽奉

諭旨指示機宜查開州之正西西北與河南滑縣接

壤實為北路最要之區開州境內現無盤踞大

欽定平定教匪紀畧

卷十七

毛

股賊匪提督馬瑜先於初二初三等日在滑縣

境內之四間房地方搜捕餘匪臣恐那彥成指

日攻破滑城賊匪竄入開境北路空虛隨飛調

該提督將官兵撤回開州於滑濬連界地方紮

營並隨時偵探一有大股賊匪滋擾即派兵迎

頭截剿一面出示曉諭居民各村莊中如有零

星賊匪三五成羣潛行藏匿令其自集壯丁即

行擒獻大營日來各處村民縛賊來獻者自一

二起至三四起不等至開州一帶逼近東省邊

界東省現在兵數無多邊防緊要臣隨時遣人

偵探如賊匪竄向東境即遵

旨酌派官兵助同興堵禦仍飛咨該撫如探有賊情

確信亦即飛咨到臣以便互相援應再近日京

師如李得水等所供說言甚多實堪痛恨不能

欽定平定教匪紀畧

卷十七

天

信其必無現在那彥成圍困滑縣設造木城挑

挖溝濠四面躡攻辦理甚為周密兵力亦厚計

吉林黑龍江官兵一二日內即可抵開臣擬督

率勁旅向東長一帶剿捕肅清即率領吉林黑

龍江官兵五百名於

天壇大祀以前回京以資捍衛

同日百齡奏言查沈洪經那彥成檄調前往東

豫兩省屏障空虛臣不敢稍存畛域之見已分別抽調各處官兵多方接濟現在東省大寨集及曹縣兩路均經江省派兵協防今再於江境馬良集營內抽撥官兵三百名酌配壯勇一百名派令遊擊楊昇管帶移駐馬良集迤西單縣境內既可遙護東豫交界糧河廳二壩要地並為曹縣應援仍與馬良集連絡自可悉力堵截

欽定平定教匪紀畧

卷十七

五

惟是通盤籌畫究屬地廣兵單因思沈洪原經那彥成派往長垣小郭集會剿賊匪現據該鎮稟報馳抵小郭集查知匪徒已先期竄往滑縣隨即馳赴滑縣復經派令協同攻擊東門查那彥成高杞等所帶馬步勁兵不下數萬似可不須此一旅遠涉之師該鎮在徐有年於江境附近東豫各地界均所熟悉應請

勅令那彥成酌量情形速令沈洪帶兵馳回曹考一

帶則兩省皆可兼顧實資捍衛

同日朱錫爵奏言查曹州濟寧所屬地方頻年受旱成災近又有匪徒擾害之處閭閻生計拮据此時辦理撫卹若概放折色恐於民食無裨合無仰懇

天恩本折搭放惟附近各屬倉貯無幾不敷撥運臣

欽定平定教匪紀畧

卷十七

三

查歷城齊河長清濟陽聊城高唐汶上泰安濟寧等九州縣相距東昌及曹州較近可否於大漕正耗米石項下

恩准截留粟米六萬石俾資賑卹均奏入

上命軍機大臣傳諭托津曰開州東明長垣一帶前因賊匪到處焚掠勢甚猖獗是以派馬瑜蘇爾慎等帶兵繞回剿辦馬瑜等到開州後惟據奏報在

潘章及袁家莊趙管李家莊等處殺賊數次計其
殲斃數目每次不過四五百人及三四百人不等
又托津馬瑜兩次奏稱春亭文興南岳等處賊匪
因近村紳士壯勇時往攻擊俱陸續逃回滑縣茲
據托津奏開州境內現在已無盤踞大股賊匪不
過零星散賊三五成羣已曉諭居民自集壯丁搜
擒縛獻等語前次賊匪如彼鴟張究竟彼時開州
東明長垣一帶賊衆共有若干馬瑜等所帶官兵
及本處鄉勇等殲擒之賊共有若干其由開東長
三處逃回滑縣者約有若干若核計前此滋擾之
賊與殲除散回之賊爲數不甚懸殊則賊勢窮蹙
直境漸就肅清卽屬可信如約計人數不符則是
賊匪因官兵到時暫時伏匿或俟官兵移營又出
肆劫甚或三五成羣躲過大營晝伏夜動間道北

欽定平定教匪紀畧

卷十七

三

來尤爲可慮著托津卽將開州一帶原報賊數及
此時官兵剿賊數約畧查明據實速奏其奏請
督率吉林黑龍江勁旅將東長一帶賊匪剿捕肅
清率領該官兵各五百名於

天壇大祀前回京捍衛等語此則斷乎不可昨因那彥
成等圍攻滑城兵力不敷已降旨飭催吉林黑龍
江官兵二千名迅赴滑縣并諭托津於該兵丁過

欽定平定教匪紀畧

卷十七

三

開時勿許截留一名緣滑縣當圍攻緊要之際得
此勁旅可冀迅速成功並可免竄匪旁逸至京城
現甚安靜所有備禦事宜次第經理完密冬至

天壇大祀添派官兵足資宿衛托津可無庸懸念所有
吉林黑龍江官兵二千名務遵前旨速催赴那彥
成大營協助成功其托津所防開州一路如滑城
旣克後並無竄匪北來托津卽前赴滑縣會晤那

彥成先將火器健銳二營官兵一千名凱撤還京
仍令原帶之慶祥等分起管帶托津亦督同回京
於本月下旬臘月初旬到京皆可此係凱旋之兵
沿途不致妄生猜測若此時忽將吉林黑龍江官
兵分半趕回道路傳聞易致驚惶或軍營又有需
用之處再令轉回成何事體沿途應付豈不徒滋
糜費乎

欽定平定教匪紀畧

卷十七

三

上又命軍機大臣傳諭那彥成高杞楊遇春日自初
六日接據那彥成等奏報之後又已數日未據續
報軍務情形聞該督等已督率官兵於滑縣城外
設架木城挑挖溝濠併力合圍此時朕並不降旨
飭催該督等務佈置周密俟吉林黑龍江官兵到
營攻克滑城亦不為遲總須將賊匪悉數殲擒一
舉竣事斷不可致令旁竄追奔逐北又延時日至

收復滑城大功告竣應行撤兵時著先將健銳火
器營京兵令原帶之員分起撤回彼時托津亦即
督同回京其吉林黑龍江官兵儘可暫緩現在尙
有飭拏之太康縣匪徒趙得隴等及盱眙縣之周
泳太等若能迅即弋獲固屬甚善倘有蠢動情事
正當趁此兵力速為剿辦毋致大兵全行凱撤又
勞徵調至該督前次檄調沈洪兵一千名赴營協

欽定平定教匪紀畧

卷十七

三

剿現在曹考一帶兵力甚單該處為豫東兩省扼
要之區兼可屏障江安倘滑城剿敗之賊稍有竄
逸該處無勁兵迎頭堵截於軍務全局大有關係
此時該督軍營已有吉林黑龍江勁旅二千較沈
洪所帶江省之兵更屬驍勇著該督即將沈洪一
路官兵仍令回曹考一帶駐劄嚴防於剿堵機宜
更為周密

上又命軍機大臣傳諭百齡曰沈洪帶兵在考城駐

劄兼顧東豫二省且為江省屏障甚屬扼要現在

那彥成處已厚集兵力且又有吉林黑龍江馬隊

官兵二千名星馳到營亦不專恃此一旅之師百

齡既以沈洪為必應調回即當一面具奏一面行

文那彥成乃具摺請旨飭知豈不紆緩現已降旨

那彥成令將沈洪迅即飭回原處防堵刻下滑城

欽定平定教匪紀畧

卷十七

三

將次克復恐曹考一帶有竄逸匪徒百齡當飭知

沈洪並其餘各鎮將等一體加意嚴防勿稍疎懈

上諭內閣曰曹州濟寧所屬各州縣或受旱成災或

被賊滋擾現屆境內肅清災民漸復亟應查辦撫

卹該處頻歲歉收又被賊擾害閭閻貧苦蕩然此

次撫卹應本折搭放著將附近災區之歷城齊河

長清濟陽聊城高唐汶上泰安濟寧等九州縣本

年漕糧內截留粟米六萬石以備賑撫之用

同日吏部奏遵

旨議處失察林清曹綸謀逆不奏之漢軍直隸各科

道按其在任年月分別降調留任得

旨所有失察謀逆在任一年以上議以降二級調用

之給事中高鶚御史今任江安糧道魏元煜常州

府知府朱澄俱著改為降三級調用在任未及一

欽定平定教匪紀畧

卷十七

三

年議以降一級調用之御史丁孝葵李恩繹御史

今任山東登州府知府商載陝西榆林府知府何

夢蓮俱著改為降二級調用餘依議

欽定平定教匪紀畧卷十八

十一月十一日戊甲那彥成高杞楊遇春奏言查

附近滑城之東北一帶除桃源外留固集八里

營王家道等處均有屯聚賊匪屢圖接應內賊

牽制官兵是以西北一門續經撥兵堵住而正

北一門城內城外之賊匪兩下衝突城上矢石

如雨兵丁屢有傷亡急切未能堵合臣等會同

欽定平定教匪紀畧卷十八

一

籌議必須先將外賊殲除杜絕接應方可堵住

西北一門剋期攻取當經撥派將弁帶同知縣

孟岷瞻所領義勇分投探剿先後殲斃留固集

八里營賊匪共計八九百人生擒賊目史泳固

等六名夥賊二百餘人又拏獲女賊目宋張氏

一口均於審明後卽行正法其附近濬縣之石

佛鋪一帶復經長慶富僧德徐錕等督率兵勇

剿殺賊匪一百餘名生擒賊目何泳新等四名

亦卽訊供正法投出被脅民人趙玉興等七名

訊明安插又據留固集八里營等處投出民人

王起志等三百二十五名均經欽遵

諭旨免其誅戮連日各莊民人多有縛賊解送者又

有城中居民絕城投出者訊據供稱賊匪心疑

百姓應官管束甚緊今乘便絕下投生等情臣

欽定平定教匪紀畧卷十八

二

等察看情形賊匪外援已絕內潰必生現在竭

力布置務將正北一門續行堵住并分派鎮將

四面合圍一面開挖濠溝遍排鹿角以杜賊匪

竄逸之路查省城前解之礮位八尊尙不甚巨

茲方受疇續解到大礮二尊臣等親驗實足以

摧堅致遠現於城垣就近處所建築礮臺擬先

將城垣轟倒數處官兵卽可從此突入所有著

名賊目或擒或殲斷不使一名漏網卽有餘匪突圍而遁亦必跟蹤緊剿十餘日內務期掃盡邪氛滑城一得大功卽可告竣此外各處零匪無多不難悉數搜捕現在欽奉

諭旨飭令合圍嚴密一鼓蕩平卽畧遲數日亦不降旨飭催_臣等仰蒙

恩施逾格倍深感奮萬不敢因稍寬期限致有遲延
欽定平定教匪紀畧 卷十八 三
再托津奉

旨赴開州東明一帶堵剿賊匪現在滑城之賊恐剿散後向北投竄開州等處官兵不敷分撥應請旨將吉林黑龍江官兵各分撥五百名留交托津以備堵剿其餘一千名令其迅赴滑縣軍營協剿
又_臣等前奉

恩旨查明各路領兵大員秉公保奏_臣等查格布舍

富僧德慶祥帶領馬隊特依順保馬元及副將張大振帶領步隊均在前敵認真出力又三品頂戴總兵楊芳一員亦帶兵出力理合據實覆奏恭候

施恩鼓勵

那彥成等又奏言_臣那彥成現接百齡來信據稱曹縣大寨集須兵防守所有沈洪原帶來之兵丁一千名現已飭令儘數帶回山東以資防堵頃據封邱縣稟報本月初六日有長垣賊匪二千餘人竄入封邱之留光集一帶_臣當卽派

欽定平定教匪紀畧 卷十八 四

令富僧德特依順保及遊擊馬光宇帶兵馳赴剿捕并令沈洪順途協剿又附近濬縣白茅莊一帶
一帶有賊匪屯聚據徐銀稟報會同富僧德兩面夾擊殺斃一百數十名生擒賊目張法宗及

賊夥四十七名另行解審餘匪退回莊內官兵縱火焚燒殲斃無算臣等復飭徐錕嚴加搜捕此外附近地方如有零星及成股賊匪均隨時派撥兵勇逐處掃除再臣等欽奉

諭旨令查逆賊馮克善下落現據獲賊姚廷玉供出馮克善於八月內潛赴德州一帶糾夥應賊姚廷玉傷重業經正法臣那彥成已密札同興在

欽定平定教匪紀畧

卷十八

五

德州一帶嚴密查拏其黃興相一犯屍首查官兵攻克道口之後臣等曾經親赴該處查驗屍骸枕藉均皆糜爛所有該犯屍身委難辨認仍當於獲賊再加根究並確查黃興宰下落至前此獲賊劉成供出之總卦頭李姓及余七昨奉諭旨英和在盧溝橋一帶查無影響臣等查劉成一犯前已正法另候續有獲犯再行根究再前蒙

諭旨飭知賊首李文成在滑縣被刑後於城北李家莊養傷等因臣派差密探並於生擒賊匪內逐

一研訊僉供卦主李姓有稱李文成者又稱李四木匠者並稱該犯家口止有一妻一子一女其逆首聞係劉姓李文成過繼子並稱十五歲十八歲十一歲不等亦均未見面等供又訪聞李文成於十月二十左右曾在四間房藏匿迨

欽定平定教匪紀畧

卷十八

六

官兵攻克道口時帶同家口并賊夥數十人卽由四間房赴開州一帶竄逸等語伏思該犯詭譎異常或竄往他處或仍匿城中均難懸定臣惟當通飭領兵大員細心偵捕以期必獲那彥成又奏言查官兵剿賊以來有豫省候補知縣孟吧瞻團練義民在滑縣之牛市屯一帶助官堵剿節次殲擒賊匪二千餘人經臣會同

方受疇奏署滑縣知縣在案查官兵攻克道口之日該義民等續經隨軍打仗燒燬滑縣南關迨官兵剿殺桃源賊匪堵截滑城孟吧瞻又分撥義民將接應內賊之桃源及留固集八里營等處賊匪分投剿捕連日斃賊八九百人生擒二百餘人奪獲旗幟鎗矛甚多實為奮勉該義民共有三千餘人雖經犒賞銀牌米麵猪羊等項不足以示獎勵查行營並無賞號惟頂戴可以榮身臣不敢私自擅給惟有仰懇逾格恩施加之獎勵其原有頂戴之義民將來有可補用官職者仍當核實秉公保舉斷不敢稍有冒濫再臣欽奉諭旨有被賊裹脅勉強隨行者如先期解散逃避或手無器械自投者皆免其一死不得妄加誅戮等

欽定平定教匪紀畧 卷十八 七

因所有留固集八里營等處投出滑濬二縣民人王起志于學能等三百二十五名臣即飭委員隔別研訊據供均係滑濬縣屬鄉民自賊匪滋事即被賊目謝玉泰先後擄去分給旗幟器械派撥在前打仗名為馬前到有不從者立即殺害無奈隨行屢想投奔大營因賊人管束嚴緊不能得便昨因官兵打破道口賊匪害怕初三日賊夥四五百人散去剩下謝玉泰同賊四十餘人在八里營王家道保護家口初四日謝玉泰不知何往我等乘便將賊人家口十三四人放火燒斃各帶家口及餘存糧食衣服等項裝載車輛逃出并將賊給旗幟刀矛一百三十餘件呈繳等情反覆究詰僉供如一查驗三百二十五人中內有八九十人均係老弱該民人

欽定平定教匪紀畧 卷十八 八

隨帶家口一同投出其非詐降可知臣親提查訊屬實自應欽遵

恩諭免其一死先令委員執持良民黃旗押帶該民人等遶城數匝大聲傳播令城上賊匪心存解散一面發交地方官查明造冊釋令各回本處俾安生業其中另有精壯二十餘名情愿隨營出力者臣已分撥各將弁嚴行管帶許以殺賊

欽定平定教匪紀畧 卷十八 九

自効

同日章煦奏言竊臣接據東明縣朱煒廣平營遊擊福格稟報初二日探得開州慶祖集火起居民逃避稱有西來賊匪圍村初四日東明境內公西集等處被賊匪六七百人圍搶卽係慶祖集竄來該縣會同營汛兵役前往堵禦行至西角集遇賊正在搶掠上前擒捕殲斃三四十

人並生擒楊廷岡等十餘人訊係曹縣滑縣賊匪在桃源占踞多日因被官兵剿殺隨同魏唐二當家共千餘人前來燒搶初五日縣城西北盧家集馬家寨火起并西角集一帶村莊紛紛來縣告急又聞有賊匪欲回舊穴奈家崗等處盤踞之信該縣兵力甚單已稟請那彥成調兵剿辦等語均奏入

欽定平定教匪紀畧 卷十八 十

上諭軍機大臣傳諭那彥成高杞楊邁春日那彥成等連日圍堵滑城五門已堵其四其在外應援之賊又經撥派將弁同地方義勇分頭探剿將留固集等處賊匪先後殲斃一千餘人生擒賊目史泳固何泳新女賊目宋張氏及其餘夥匪二百餘人難民紛紛投出現在官軍復開挖濠溝遍排鹿角於近城增築礮臺以備轟擊辦理俱各嚴密賊匪

外援已絕料日內滑城定可攻克惟那彥成等摺
內稱滑城一得大功即可告竣則尙未將大局通
盤籌畫此次逆賊與三省邪匪不同三省邪匪不
過在外省滋擾此次逆賊蓄謀多年敢於先入禁
城計圖內外互應其同教黨與散布各省者不少
甚爲叵測若不趁此兵威剷除萌孽慮滋後患現
在各處謠言雖難盡信然不可不慎密防範即使
滑城收復看來伏而未動之賊尙實繁有徒一時
不能輕議徹兵設使大兵旣徹之後逆黨再有滋
擾彼時徵兵調將不特糜費孔多且恐遲誤事機
那彥成等旣克滑城後當先將火器健銳二營官
兵交原帶將領凱徹其餘各省官兵暫緩徹歸吉
林黑龍江官兵更須後徹如有成股賊夥應行剿
捕者那彥成卽與高杞楊遇春公同商酌各分一

欽定平定教匪紀畧

卷十八

十一

路前往剿辦卽將所統鎮將巴圖魯侍衛及滿漢
馬步官兵三路均分各自統率伊三人皆可獨當
一面總俟查明各處實無蠢動情形再議班師設
克城之後竟圖草率完結將來遺燼復燃不但不
錄伊等之功俱尙不能逃罪也誼切同仇豈可草
率勉之又據另摺奏被脅民人棄械出投一節此
次投出滑濬難民三百餘人旣將刀矛等一百三
十餘件呈繳其爲良民自屬可信但賊匪詭譎伎
倆安知不於難民中混入數人甚至有賊目亦在
其內不可不防者那彥成等於賊營投出民人務
派委員逐一詳細研詰不可憚勞致有疎縱其所
稱隨營出力之難民二十餘名撥令將弁管帶殊
可不必此等民人與本地義勇不同卽不疑其爲
匪亦何必置之肘腋仍飭令各自散歸爲安又另

欽定平定教匪紀畧

卷十八

十一

摺奏滑縣義民勦賊奮勇請頒給頂戴一節義勇幫同官兵殺賊數千名自應加之獎勵著准其頒賞神礮頂三十個金頂三十個那彥成等擇其尤爲出力者賞給神礮頂出力稍次者賞給金頂此項頂戴無庸自京頒往卽由軍營就近發給分別記檔事竣造冊咨部勿得逾額冒濫其所稱飭令沈洪帶兵回至山東防堵一節甚合機宜封邱逼

欽定平定教匪紀畧

卷十八

三

近黃河已有旨諭知方受疇加意防堵矣

上又命軍機大臣傳諭托津曰章煦奏接據東明縣稟報開州慶祖集地方被賊放火有西來賊匪圍村東明境內公西集等處被賊匪六七百人圍搶訊據獲賊供稱係桃源占踞匪徒被官兵剿散隨同魏唐二當家共千餘人前來燒搶又有賊匪欲回舊穴余家崗等處之信等語滑縣桃源賊匪經

官兵剿殺復竄往開州東明一帶肆行焚掠不可不迅速剿捕著托津卽督率馬瑜蘇爾慎等上緊剿殺無任往來竄擾現在滑城賊匪正當攻圍喫緊之際恐有亡命奔竄零匪並著探明何處有賊卽向何處迎頭截擊杜其竄逸以盡根株再本日據那彥成奏訪聞逆首李文成於十月二十左右曾在四間房藏匿迨官兵攻克道口時帶同賊夥

欽定平定教匪紀畧

卷十八

四

數十人並家口卽由四間房赴開州一帶等語著托津卽就近留心躡緝毋任乘間免脫又據那彥成奏訊據獲賊姚廷玉供稱逆首馮克善於八月內潛赴德州一帶糾夥應賊等語該逆首馮克善詭譎多端先期前往德州勾結夥黨意圖接應姚廷玉既有此供或馮克善此時仍在德州一帶潛匿昨據章煦奏景州西北鄉連次失火兼有乘火

搶却之事並據盤獲故城縣居住之滑縣人霍應方在彼習教傳徒提省訊辦景州故城皆與德州逼近現有此等情形則馮克善前往糾約之語似屬可信除飭知同興嚴密查拏外托津於滑城攻克直境零匪剿淨後如探聞德州一帶有害動之信托津卽就近帶兵迅速前往勦辦毋任滋蔓此時托津先派人密行偵探應於何時馳往一面奏

欽定平定教匪紀畧

卷十八

十五

聞卽一面起程馳往現在京城諸事寧靜布置周妥托津無庸分心懸念也

上又命軍機大臣傳諭同興曰前據逆首林清及其甥董幗太供出山東德州有宋躍濬爲首傳教當經降旨令同興派員偵緝據該撫覆奏僅派員往查至今並無確實下落昨據章煦奏景州西北鄉連次失火兼有乘勢搶掠之事景州與德州接壤

恐有匪徒在彼潛匿本日又據那彥成等奏訊取賊供有賊首馮克善於八月內潛赴德州一帶糾夥應賊之語可見東境匪徒搜查未淨或宋躍濬一犯現在德州潛伏未動馮克善到彼糾約亦卽在附近藏匿該二犯係屬緊要賊目亟應嚴拏懲辦著同興卽遴派明幹員弁前赴該處設法偵緝務期弋獲如該逆等竟有拒捕蠢動情事該撫先就近督兵前往勦辦一面知照托津帶領官兵前往會勦務絕根株

欽定平定教匪紀畧

卷十八

十六

上又命軍機大臣傳諭方受疇曰據那彥成等奏本月初六日有長垣賊匪二千餘人竄入封邱之留光集一帶那彥成等派令富僧德特依順保及遊擊馬光宇帶兵馳赴勦捕并令沈洪帶兵回東順途協剿等語封邱逼近黃河北岸現有賊匪竄往

刻下滑城正在攻圍喫緊之際恐再有零匪南竄
雖有沈洪等在彼堵剿河岸遼濶方受疇當通飭
文武員弁一體加意備禦其南岸一帶亦應嚴密
防範呢瑪善現駐兵蘭陽正與封邱對岸當彼此
互為聲援毋稍疎懈

上諭內閣曰前次官兵攻克道口賊巢各路帶兵大
員奮勇出力當經降旨令那彥成秉公保奏茲據

欽定平定教匪紀畧

卷十八

七

查明覆奏格布舍富僧德慶祥特依順保馬元及
副將張大振均著加恩交部議叙其三品頂戴總
兵楊芳著加恩賞還二品頂戴以示獎勵

同日綿課綿恩桂芳常福奏言竊臣等奉

派點放馬匹查察哈爾原調馬二千匹前已遵

旨截回馬五百匹共實解到馬一千五百匹現在除
黑龍江官兵陸續到京換給馬五百九十四匹外

其餘官兵均不願更換計剩馬九百十匹內以
三百匹遵照兵部原奏補還

圓明園火器健銳三營缺額之馬此外六百十匹
實多瘦小不堪乘騎臣等已將此項馬匹交察
哈爾官兵領回所有往返費用及草餉口分應
請責令貢楚克扎布來靈及解馬總管等賠繳
伏候

欽定平定教匪紀畧

卷十八

六

訓示得

旨此項察哈爾解京預備吉林黑龍江官兵乘騎馬
匹除更換撥補外其瘦小者至六百十匹之多實
屬辦理不善此六百十匹往返路費草餉口分俱
不准開銷著責令貢楚克扎布來靈及解馬總管
等照數分賠貢楚克扎布身任都統其咎較重著
再罰賠馬一千匹補入牧廠缺額以示懲儆

同日慶惠奏言臣欽奉

諭旨預備吉林黑龍江官兵至大凌河更換馬匹查

現在吉林黑龍江二省官兵俱已全數出境前

該官兵行至大凌河臣將騾馬匹均勻挑備

除該官兵等仍騎原馬不願更換外共計更換

騾馬九百九十一匹其換下疲乏馬匹內有

殘傷五十二匹照例變價餘俱點交牧長等留

欽定平定教匪紀畧

卷十八

九

厥牧放奏入報

聞

十一月十三日丙子方受疇奏言查北岸沿河一

帶道路綿長考城蘭陽封邱等縣處處緊要現

當官兵攻城喫緊之時不能兼顧沈洪先駐考

城茲又復帶兵前赴滑縣會勦東南形勢空虛

臣當經挑選省城團練鄉勇三百餘名派委投

効原任都司白鳳山捐職縣丞裴奉恩先後帶

赴北岸祥符封邱適中之黃林集駐紮巡防並

令襄城營都司全保帶兵二百名在祥河十六

堡守禦茲於十一月初七日接據封邱縣知縣

全福等稟報初六日有長垣一股賊匪約二千

餘人竄入該縣胡村留光集一帶滋擾現向西

竄等情臣一面差員確探一面知會呢瑪善派

欽定平定教匪紀畧

卷十八

三

員帶兵一百名會同原防考城之都司汪鳳臨

並該管文員相機堵剿至山西大同鎮張績帶

兵一千名駐紮豫省河內縣山旺莊地方專防

山口臣已飛咨該鎮並知會那彥成撥兵夾擊

初八日又據探報初七日賊匪在留固莊搶奪

糧食騾馬初八日由陳固集直撲西南所過設

有官兵團勇之處不敢攔入沿途亦未焚殺車

內載有婦女等情查陳固之西連接延津縣陽武縣一帶相距滑縣已遠察其形迹似欲入山張績接臣知會後如已帶兵東向正可迎頭剿截復經加緊咨催並又飛咨那彥成辦理至豫省及各處官兵俱在滑縣此外兵備空虛設再有零星之賊分路奔竄勢難遏禦現在北岸之考城封邱陽武一帶急需設備臣復咨商百齡酌派將弁添駐北岸考城要地以爲豫東兩省策應並可屏障江南以顧全局再豫省現在盤獲賊匪車得新張道綸張進忠三犯臣親提嚴訊車得新張道綸二犯均係滑縣教匪車得新係於九月初七日馮克善等戕官劫獄之後始入賊營張道綸經滑縣查拏監禁後馮克善等劫獄放出俱隨賊打仗殺人並據張道綸供九

欽定平定教匪紀畧

卷十八

三

月初五日本縣差拏禁押之時共有二十多人我只認得張金方李大來張金幅張應元張道章其餘俱不認識該二犯因官兵攻破道口逃竄被獲至張進忠一犯係前獲僞元帥李志茂派赴杞縣糾夥之犯因不敢前往杞縣由僻路來省探聽信息被獲隨將該三犯分別詰訊他處地方有無潛往勾結京城內外除林清尙有夥黨若干等情該犯等堅供並未潛往他處勾結京城內外並無另有夥黨矢口不移均予正法至該犯車得新等供有大頭目馮克善因與李文成不和現赴山東德州那裏另有他徒弟等語臣已飛咨同興速行緝拏一面仍督率文武員弁加意巡防並嚴拏未獲各犯謹繕錄車得新張道綸二犯供單恭呈

欽定平定教匪紀畧

卷十八

三

御覽

同日同典奏言竊臣欽奉

諭旨查拏餘匪並將定陶等處土賊一併飭拏等因

查曹定邪匪滋事之時本有土匪乘機滋擾自

賊匪剿平後鄉民等紛紛拏獲解官訊明稟報

甚多內假充賊匪焚劫鄉民以及捏充鄉勇搶

掠者無所不有均經分別審辦上月二十四日

欽定平定教匪紀畧

卷十八

三

據署城武縣知縣曹廷霖稟報該縣事主郭振

綱等多人先後以土賊滋事等情呈報該縣即

經拏獲多名內有

欽賜國子監助教銜劉竹者竟作狂悖詩句乘機滋

事縱令子姪劉崑翰等嘯聚一村肆行搶掠劉

竹坐享其利經該縣訊明獲賊均係行劫二三

四次不等實屬情同叛匪臣當即批令將已獲

之劉林奇劉林申劉鳳院張二綱劉三劉巨德

劉文考劉六劉協力楊皆曹伯謙劉翠峰十二

犯正法訖其劉竹一犯身係職員臣現親提覆

訊查初彭齡所奏檢討劉洙自即係其人應行

從重辦理其子劉崑起劉崑翰姪劉臻三犯現

均在逃飭緝務獲其所稱嶧縣郟城另有土賊

燒搶之案臣已密派標弁前往查拏另行審辦

欽定平定教匪紀畧

卷十八

三

再曹定一帶連日據出哨弁兵拏獲零星潰匪

六十餘人訊稱俱因道口攻破奔竄等語並探

明有賊一千五六百人車七八十輛乘馬賊二

百餘人從滑縣逃往西南奔竄適多隆武奉

那彥成調赴滑縣帶去兵六百四十名沿途攔

截該匪等即往長垣之小青集一帶奔竄隨後

復有一股併入多隆武現紮營長垣境內之何

大連集相機剿殺臣已飛咨托津及馬瑜蘇爾
慎閔俊烈并札知陳廣寧嚴密防剿兼恐該匪
南竄復飛咨百齡派兵堵剿再臣欽奉

諭旨將蘆商捐銀十三萬兩東商捐銀七萬兩俱解
赴保定備用查東省現辦軍務藩運兩庫存款無
多且須辦理賑卹挑挖泉渠合無仰懇

聖恩將東省捐銀七萬兩改留東省備用奏入

欽定平定教匪紀畧

卷十八

三

上命軍機大臣傳諭托津日前據章煦奏東明開州
境內有由滑縣竄來賊匪千餘人在該處村莊焚
掠又據那彥成奏賊首李文成攜帶夥黨家屬由
四間房前赴開州藏匿並訊據活賊姚廷玉供稱
賊首馮克善於八月潛赴德州糾人應賊等語昨
已降旨詳悉指示飭令托津迅速查辦日來開州
東明一帶竄來賊匪托津曾否督兵剿捕掃除淨

盡首逆李文成曾否得有真實下落著托津遵照
前旨上緊辦理迅速覆奏至馮克善一犯本日又
據方受疇奏訊據獲犯車得新等供稱該犯與李
文成不和現已前赴德州其陰謀詭譎恐係勾結
夥黨冀圖接應德州距京甚近萬分緊要現在附
近德州之景州故城屢有放火搶劫及民人移徙
情事不可不密為防範除飭令同興嚴密查拏外
仍著托津遴派明幹員弁先赴該處密為偵探如
有蠢動情形托津即帶領將弁兵丁速赴德州托
津此時上緊辦理直境零匪心中總須兼防德州
一帶京南一路現無重兵托津當嚴籌屏衛毋令
賊蹤北竄此為至要

欽定平定教匪紀畧

卷十八

三

上又命軍機大臣傳諭章煦日前那彥成奏訊據
獲犯姚廷玉供稱賊首馮克善於八月間往山東

德州今日又據方受疇奏盤獲賊犯車得新等亦供馮克善已往德州等語馮克善係緊要賊首其潛赴德州必係勾結滋事除諭知同興查拏外德州與直隸景州毗連章煦前奏景州西北鄉連有夜間放火之事會否飭查明確有無糾約情形並著迅速具奏飭知天津鎮道等一體留心防範

上又命軍機大臣傳諭同興日前日據那彥成奏訊

欽定平定教匪紀畧

卷十八

三

據獲賊姚廷玉供稱馮克善於八月內已往德州當經降旨同興查緝本日又據方受疇奏盤獲賊犯車得新等亦據供稱大頭目馮克善因與李文成不和現已前往山東德州等語馮克善往德州之說兩處賊供皆同自屬確鑿該逆係與李文成牛亮臣等商同起事之人為賊管緊要頭目此次前赴德州斷非在彼潛匿必係勾結同教之人又

圖滋事德州與直隸接壤距京祇六百餘里該處本有教首宋躍澂一犯飭拏未獲今馮克善又復前往看來山東逆夥尙多並聞附近州縣仍時有焚搶村莊之事難保無匪徒互相糾應不可不加意防範同興駐劄曹州但知防堵竄匪豈所屬境內另有劇賊藏伏竟漫不關心著即迅速遴派文武幹員星夜馳往德州嚴查馮克善及宋躍澂蹤

欽定平定教匪紀畧

卷十八

三

跡務得切實下落設法擒獲設有蠢動情事該撫迅即帶兵剿捕一面飛咨托津就近移師剿辦勿任散逸北竄

臣等謹按馮克善一犯詭稱地皇與林清李文成同為逆案渠魁當李文成監禁滑縣之時即係該逆同牛亮臣徐安燭等劫獄戕官首先肆惡而其黨羽伏匿于德州景州故城

一帶者尤多是時官兵專注滑縣攻城未下
人但見李文成率其夥黨數千由延津西竄
顯然有入山之勢皆以爲蔓延可憂而不知
馮克善之子身潛竄倏赴山東其就宋躍滙
勾結煽動另圖滋事者距京畿祇在數百里
之間其心尤爲叵測其患尤爲切近稍或易
視後將難圖我

欽定平定教匪紀畧

卷十八

五

皇上因那彥成方受疇先將奏到賊供參觀互証斷

其蹤跡所在亟

命章煦同興等設法偵緝四路密防自此旬日之間
籌筆般頒

盱眙無間旋據章煦奏報果於直隸獻縣地方躡訪
捕獲逆謀未逞消除隱憂良由

睿慮精詳先幾

指示故能鯨鯢就戮風濤不驚海宇蒙晏安之福也

上又命軍機大臣傳諭同興曰據同興奏擊獲城武
縣土賊辦理一摺此案同興所奏擊獲國子監助
教銜劉竹一犯自卽係初彭齡所奏之劉洙該犯
膽敢乘邪匪滋事之時編造狂悖詩句縱令子姪
多人乘機糾搶坐享其利可惡已極現據擊獲劉
林奇等十二犯審訊明確該撫飭令立時正法辦

欽定平定教匪紀畧

卷十八

三

理甚是其劉竹一犯著該撫親提嚴訊是否曾入
邪教與曹縣定陶滋事匪徒有無勾串其所作詩
句如何狂悖並著抄錄呈覽如訊明該犯止於糾
搶圖利已當斬決梟示如滋擾地方戕害多人卽
應照叛逆之律問擬不可輕縱其子劉崑起劉崑
翰其姪劉臻現均在逃著卽嚴飭緝拏務獲按律
懲辦其蘭嶧一帶匪徒並嚴飭各地方文武官認

真彈壓實力稽查毋稍大意至竄往長垣小青集之賊該撫現已知照托津等派兵防剿務嚴密堵禦毋令四出旁竄又據奏請將東商捐銀七萬兩改留東省備用一節東省現辦軍需此外尙有賑卹挑渠等用著准其將此項銀七萬兩就近留於該省支撥至該省積存捐監銀兩未經解部者著該撫飭知藩司查明共有若干亦奏明歸入軍需

欽定平定教匪紀畧

卷十八

三

項下動用

上又命軍機大臣傳諭方受疇曰據方受疇奏封邱縣留光集一帶長垣竄匪二千餘人前來滋擾現向西竄並探知賊匪由陳固集直撲西南等語陳固西與延津陽武接壤該處近接懷慶賊匪向彼竄逸似有入山之意甚爲可恨太行山路紛歧一經匪徒竄入辦理棘手昨據那彥成等奏於得

信後卽派令富僧德特依順保馬光宇帶兵馳往剿捕并令沈洪順途協剿茲又經方受疇派委文武員弁督率兵勇相機堵剿並知會張績帶兵迎頭堵截竄匪祇二千餘人如富僧德等追及前有張績攔截自可就地殲除倘兵力不敷該撫卽飛速知會那彥成撥兵會剿毋稍遲緩

欽定平定教匪紀畧

卷十八

三

上又命軍機大臣傳諭陝甘總督長齡曰長齡前在河南巡撫任內於滑縣匪徒傳教謀逆毫無覺察本有應得之咎朕念賊匪傳教積有歲月並非始自長齡任內從寬不加譴責且擢用爲陝甘總督長齡當倍加感激朕恩力圖報効前據逆首林清之甥董惻太供有蘭州人劉五訓在彼糾人入教與滑縣賊首李文成往來勾通當卽降旨諭令董教增派員密拏其有無弋獲現尙未據奏到長齡

到任時如尙未將該犯緝獲著卽添派幹員於蘭州所屬地方嚴察密訪務將劉五訓一犯設法拏獲親提嚴訊錄供具奏並向該犯嚴究夥黨按名查拏毋稍疎縱

同日銜齡奏言前准那彥成咨調晉省馬二千匹續又欽奉

諭旨飭買馬一千匹騾一千頭解送衛輝總局臣當

欽定平定教匪紀畧

卷十八

三

卽分別飭辦茲接那彥成來咨以大功指日告

竣祇需馬一千匹其餘一千匹行令停止臣查

有前此飭調之綏遠城滿營馬一千匹尙未過

省卽令回營餘均分別趕辦解豫應用奏入報

聞

欽定平定教匪紀畧卷十九

臣謹而環

十一月十四日丑那彥成高杞楊遇春奏言查滑城五門先經撥兵圍堵惟正北一門賊匪併力死守中隔葦塘難於得手連日亦未十分急攻或間日攻其一門使賊人視以爲常弛其守備一面將城之周圍刨挖溝濠分布鹿角晝夜

加緊巡防計縣城有九里三分周圍寬濶城大

欽定平定教匪紀畧

卷十九

且堅統計合營官兵一萬三千餘名除劄營守

卡防護糧臺運餉解犯外圍城官兵祇餘九千

餘名臣等正在嚴防間據東明縣報長垣一帶

賊匪現已竄入封邱延津陽武等處沿途搶掠

騾馬晝夜狂奔有西入太行之勢又不能不分

兵剿捕先其所急臣等當卽派令富僧德特依

順保等帶兵馳剿頃據稟報在陽武延州集殺

賊一百餘名鎗斃坐車賊首一犯又斃賊首劉
 姓一犯餘匪俱向陽武之西南奔竄等情臣等
 伏思迤西一帶與太行毘連除飛催特依順保
 等仍迎頭截剿外一面另派總兵楊芳從衛輝
 馳往延津一帶由北抄截并飛札大同鎮張績
 在懷慶一帶督兵防堵以絕賊竄太行之路其
 吉林二起官兵於初十日戌刻到來隨派德寧
 阿卽於十一日五鼓由衛輝新鄉等處帶往截
 剿所有特依順保楊芳之兵臣均係黑夜分撥
 徐徐出營緣恐城上賊匪瞭見益覺官兵勢單
 至德寧阿之兵亦令由道口以西密速行走俾
 賊匪無從窺見并嚴飭該員等此股竄匪無論
 向東向西總期日內剿盡至大局情形日內爲
 外賊牽制分我兵力實爲可恨臣等惟有相機

欽定平定教匪紀畧

卷十九

二

欽定平定教匪紀畧

卷十九

三

斟酌卽儘現在兵力奮力攻城剋期收復一經
 攻克可告成功至克復滑城之後所有著名賊
 首自當欽遵
 諭旨或殲或擒惟恐賊匪豕突狼奔倉猝之間或有
 逸出一二犯彼時惟有懇求
 皇上格外施恩宥其疎忽仍當加緊搜捕務盡根株
 再徐銀與富僧德昨在濬縣之白茅莊生擒賊
 目張法宗等四十七名業已解到訊明張法宗
 係小賊目並無要供除被脅難民六名釋放外
 其餘概行正法又據徐銀稟報初八日由白茅
 莊前赴後寨村搜捕賊匪於密林中伏匿二三
 百人突出衝擊兵勇直前攻打殺賊六七十名
 追至平城村內賊匪避入樓房磚石如雨官兵
 竭力仰攻拋擲火彈燒燬樓房將賊匪二百餘

人全行燒斃生擒單應乾等五十二名解營審
辦兵勇受傷者臣已先加犒賞另咨擇其出力
者彙案辦理再臣那彥成欽奉

諭旨詳查李得水供吐各情臣查直隸總督衙門檔

案本年四月以後並無長垣縣稟報太康匪徒

聚眾焚掠之案詢問臬司道府咸稱毫無影響

再查長垣縣知縣趙綸於九月初六日出城赴

欽定平定教匪紀畧

卷十九

四

葦園村查拏教匪被戕並非在署殺害縣城及

倉庫監獄並知縣家屬現在並未賊劫殺是

李得水所共全屬子虛毫不足信

同日托津奏言查馬瑜富蘭蘇爾慎閔俊烈等

帶兵先後到開即將滑縣之潘章李家莊袁家

莊賊匪剿除連獲勝仗業經奏蒙

聖鑒臣抵開州時探得開州接連滑縣邊界之陽二

莊東湖西湖有賊匪二三千在彼滋擾臣因該

處與開州西面地界毗連慮其竄入當卽札飭

馬瑜等督率官兵相機剿捕嗣據馬瑜等報稱

初三日伊等帶兵前至該處見陽二莊東湖西

湖三村賊匪聯為犄角之勢村外俱挖有深濠

濠外砍伐樹株作為木柵濠內搭蓋蓆棚四圍

守護而陽二莊之賊人數尤衆見我兵進攻卽

欽定平定教匪紀畧

卷十九

五

放鎗礮我兵以鎗礮還擊賊衆抵死抗拒未能

得手初四日五鼓復經分兵四路圍攻我兵手

攀樹株跳過濠溝賊匪用矛戳傷我兵數人經

遊擊班荆布滿德坤守備聶士文拋擲火彈將

蓆棚燃燒賊匪見蓆棚火起始各慌亂我兵卽

乘勢打開東面木柵復取土填平濠溝一齊擁

入村內刀砍矛戳立斃賊匪二百餘人賊匪遁

入磚樓施放烏鎗拋擲磚塊降調副將馬文斌
守備王正剛何化龍督兵堆積柴草焚燒磚樓
賊匪墮落身死者一百餘人燒死者約四五百
人奪獲鎗礮旗幟刀矛二百餘件擒獲賊目孔
傳文等及男婦大小九百五十八名正在搜殺
之際東湖西湖兩村賊匪趕來救援經富蘭蘇
爾慎閔俊烈帶領馬隊迎面衝突殺斃賊匪三
百餘人始各紛紛逃散時已近晚收兵回營訊
據賊目孔傳文等供稱伊等共有三千餘人係
兌官教首劉幗明郭明山邢全忠魏得中等帶
同滋擾村莊抗拒官兵等語臣以劉幗明等四
犯俱係頭目斷難任其漏網當於擒獲各賊內
逐加查訊劉幗明等尚未就獲隨復派弁偵探
距陽二莊十餘里之楊店子王家道口及王新

欽定平定教匪紀畧

卷十九

六

寨等村尚有賊匪自係該犯等逃往屯聚復派
令富蘭蘇爾慎等於初八九日分頭搜捕賊匪
等俱上村內磚樓放鎗拋磚拚死抵禦經富蘭
蘇爾慎等督兵四面放火焚燒賊衆下樓奔竄
我兵奮力剿殺立斃賊匪一百餘名燒斃賊匪
五百餘人奪獲刀矛鎗礮旗幟二百餘件搜獲
男婦四百七十一名口生擒賊目郭明山搜出
身帶夥賊四百餘人名單一紙隨訊據郭明山
供稱本年九月李文成派伊與頭目邢全忠魏
得中跟隨兌卦教首劉幗明帶同夥黨三千餘
人在陽二莊一帶焚掠滋擾劉幗明現在不知
存亡魏得中業經燒死邢全忠亦被官兵殺斃
各等語查該犯郭明山與劉幗明帶同匪黨抗
拒官兵實係此股賊匪頭目現因身受重傷未

欽定平定教匪紀畧

卷十九

七

便稍稽顯戮當卽立加臠割現在開州邊界賊匪俱已剿洗淨盡因思那彥成等圍攻滑縣甚爲周密臣現駐兵開州境內之王助集地方選派弁兵分投防堵滑城指日攻破倘有逸出賊匪向北奔竄卽可隨時奮力截剿臣復查開州西面界連滑縣之潘章等九村庄屯聚股匪先經馬瑜富蘭蘇爾慎閔俊烈將潘章等處賊匪次第剿殺計殲賊一千餘名初三初四兩日復經臣札飭該提督等將陽二莊等處賊匪剿殺并於初八初九日又將王家道口等處賊匪全數搜剿計前後殺賊二千八九百人并搜獲男婦一千四百二十九名口派員陸續研訊所有獲犯供出各情與馬瑜等所報連日打仗情節相符其搜獲男婦內實係賊匪三百十二名卽

欽定平定教匪紀畧

卷十九

八

予正法其被脅難民男婦一千一百一十七名口均行釋放再臣欽奉諭旨以滑城兵力不敷迅催吉林黑龍江官兵齊抵該處合力進攻等因臣受恩深重總期於公事有裨斷不敢少分畛域心存自衛此時開州東明長垣境內均無賊匪滋擾自無庸厚集兵力臣卽飛札蘇清阿達斯呼爾岱帶領黑龍江官兵徑赴滑縣并將現在已抵開州之吉林官兵五百名飭令色爾滾蘇爾慎及巴圖魯侍衛等均帶赴那彥成軍營協同攻剿均奏入上命軍機大臣傳諭托津那彥成高杞楊遇春日長垣竄去賊匪由封邱延津陽武一帶沿途搶掠有西入太行山之勢亟應兩面追截不可令其入山

欽定平定教匪紀畧

卷十九

九

滋蔓該督等前派富僧德特依順保帶兵追剿派楊芳由北抄截續又派德寧阿帶領吉林馬隊由衛輝遠往截剿並令張績在懷慶防堵吉林兵馬力強勁一經追及並有各路官兵兜圍當可剿戮無遺此一股竄匪必有緊要賊目在內一經剿淨先行由六百里飛速馳奏其富僧德等鎗斃劉姓賊目及坐車賊首確查是何名字並此股內更有賊首何人一併奏聞至滑城業已合圍自可計日攻克但該督等所奏滑城收復即可告成功一語則大屬非是此次剿辦內地亂民不可侈言成功指日滑城克復渠魁俘戮祇可云大局已定用六百里加緊馳奏不得馳遞紅旗及用黃面紅裏奏摺稍事鋪張益增朕咎又同日托津奏督率官兵剿捕開州邊界賊匪淨盡一摺所辦甚好其飛飭

欽定平定教匪紀畧

卷十九

十

欽定平定教匪紀畧

卷十九

十一

蘇清阿等將黑龍江官兵全數赴滑並將已抵開州之吉林官兵五百名飭令色爾滾等帶赴那彥成軍營協同攻剿不分畛域可嘉之至現在那彥成等圍攻滑城指日可以克復但克城後應辦之事尙多朕將各處潛伏賊匪開明事由清單發給托津那彥成各一張俟滑城克復直境邊界肅清之後著托津前赴滑縣軍營與那彥成等會晤面商單內所指各處匪徒如稍有蠢動情形著托津那彥成高杞楊遇春四人自行酌量將帶兵將領侍衛巴圖魯以及各項官兵俱均勻分撥一切機宜朕亦不爲遙制此時托津當先派人分投偵探必逆情顯露卽星夜帶兵前往如無蠢動情形忽帶大隊官兵馳赴該處致使人心驚擾激生事端則所關匪細一切機宜托津當詳慎斟酌不可畏

意遲疑亦不可輕率孟浪也至撤兵事宜著將健銳火器營京兵一千名先行撤回除徐銀補放總兵外仍令原帶大員慶祥等分起帶回托津暫緩同來此項京兵一經凱撤不特都城足增守衛且使沿途經過地方知軍務告戢王師凱撤人心震懾安定一切浮言俱息其吉林黑龍江二處官兵最稱勇健此次數千里徵調不易勞費孔繁最當

欽定平定教匪紀畧

卷十九

十一

後撤以資鎮撫著托津等審度如單內各處賊匪俱無應帶兵往剿之處伊等各帶鎮將弁兵於大名衛輝曹州等適中扼要處所分紮大營各營俱分吉林黑龍江官兵數百名屯劄派令妥幹員弁前往附近傳習邪教村莊明白曉諭宣布威德令該良民將習教從逆匪徒悉行舉出或按名縛獻其改過自新者准其自行呈首將所藏經卷器械

悉數呈繳免其治罪有大兵在彼彈壓良民借此聲威不懼匪徒報復必能指拏縛獻或小有抗拒立時帶兵剿戮易如摧枯拉朽總期剷斷萌芽除莠安良勿留餘孽俟察看情形實可放心再將全師凱撤冀一勞永逸也

欽定平定教匪紀畧

卷十九

十二

上諭內閣曰托津奏剿捕開州邊界賊匪殲洗淨盡一摺開州接連滑縣邊界之陽二莊東湖西湖等處有賊匪屯聚滋擾經托津督飭馬瑜等分路圍攻燒燬賊巢痛加剿殺餘匪竄匿楊店子王家道口及王新寨等處復經托津派兵分往各村將逃匿餘匪全數搜剿計前後殺賊二千八九百人生擒賊目孔傳文郭明山等奪獲鎗礮器械九百餘件搜獲男婦一千四百餘名口內查訊實係賊匪者三百餘名悉行正法將被脅難民一千一百餘

名口立子釋放托津到軍營後連獲勝仗將開州
邊界賊匪剿洗淨盡所辦實屬可嘉著加恩交部
議叙馬瑜蘇爾慎奮勇出力亦著加恩交部議敘
富蘭在正黃旗漢軍副都統任內失察逆犯曹綸
咎有應得但伊到任月餘為時甚暫卽扈從木蘭
旋派赴軍營帶兵此次打仗出力並殲斃賊目邢
全忠著加恩免其議處仍交部議叙閔俊烈前經

欽定平定教匪紀畧

卷十九

古

餽送興奎子孫銀兩亦有應得之咎此次督兵奮
勇亦著加恩免其議處仍交部議叙托津卽就近
傳知該二員務各倍加奮勉其在事文武員弁著
托津擇其尤為出力者另行保奏候朕施恩

十一月十六日托津奏言臣遵查各處賊數
當賊匪滋事之初山東曹縣定陶荷澤同直隸
之長垣東明河南之濟縣各村莊賊匪均與滑

縣大股賊衆勾連一氣焚掠村莊並在開州西
南邊界滋擾彼時原不能指定確數迨同興督
兵剿捕山東界內之賊卽奔至長垣東明等處
約計六七千人又開州西界滑縣各村莊賊匪
計有四五千人合之裹脅難民不下萬餘惟時
首逆李文成徐安綢等大股賊匪盤踞滑縣並
道口桃源等處以上兩股賊匪均與接應迨後

欽定平定教匪紀畧

卷十九

古

長垣東明之賊經該地方官殺斃數百名外餘
賊盡歸滑縣而長垣東明兩縣界內當卽肅清
至開州西界滑縣各村莊之賊被脅難民紛紛
四散實止四五千馬瑜等三次剿殺臣又派
令搜剿計前後焚燒殲斃賊匪二千八九百人
生擒一千餘人內又究出賊匪三百餘人間有
逃散藏匿者亦屬無幾臣體察長垣東明開州

三處民情近日漸已安貼再現在道口桃源之賊除歸入滑城外復有千餘人先在滑縣之白茂等村屯聚嗣於初七八日竄至開州南界在東明縣之慶祖集焚燒滋擾臣聞信後卽帶兵趕往剿捕行至兩門村地方接據那彥成來札云此股賊匪已竄至河南之封邱縣留光集地方派富僧德特依順保楊芳帶兵前往追剿臣

欽定平定教匪紀畧

卷十九

六

查封邱在長垣滑縣西南距開州二百餘里若帶兵深入北路轉致空虛誠恐滑縣攻破逸賊北竄不能回顧是以仍於初十日撤回開州西面之王助集地方駐劄堵截搜查餘匪
托津又奏言臣正在封摺間接據那彥成來信以封邱竄匪現又奔至輝縣經特依順保迎擊殺賊一百餘人鎗斃坐車賊首一名劉姓賊首

一名楊芳所帶馬隊星夜奔馳尙未趕上河內現有張績堵截諒賊匪不敢西入太行恐卽由淇縣一帶奔入彰德札致臣撥兵趕赴彰德迎剿以顧北路一面等情臣查此股賊匪現在輝縣一帶彰德在衛輝之北輝縣在衛輝之南若向彰德奔竄必由衛輝經過那彥成派兵迎剿較近臣軍營係在開州與山東連界距彰德二

欽定平定教匪紀畧

卷十九

七

百四十餘里道路紆遠且臣所帶之兵僅止三千一百名若全數派往彰德開州一帶甚覺空虛若分兵前往兵力既單亦且緩不濟急現在臣飛札那彥成就近添撥官兵幫同特依順保楊芳等向南兜截北竄庶開州後路不致疎虞同日章煦奏言據順德府知府康亮鈞等稟報訪有邢臺縣人霍富秋鉅鹿縣人任洛正散旗

惑衆現在拏獲跟究起出黃藍各旗訊由平鄉縣人田克岐轉付散布旗上書寫佛字係指廣平府人李盛元約定明年二月二十九日起事等因臣查案關重大夥黨必多並恐與滑縣等處逆匪同謀滋事現在親提嚴鞫一面飛飭查拏李盛元等各案犯一併解省審辦均奏入

上命軍機大臣傳諭那彥成高杞楊遇春日托津奏

欽定平定教匪紀畧

卷十九

六

那彥成以封邱竄匪現已奔至輝縣恐由淇縣一帶奔入彰德札致托津撥兵赴彰德迎剿以顧北路等語此股竄匪若由輝縣竄往彰德必由衛輝經過距那彥成等軍營不遠托津所帶之兵僅止三千餘名開州一帶尚有未淨零匪指日滑城攻克倘有竄出匪夥直隸邊界全恃托津一路兵力過其北竄之路實未便令其分兵再赴彰德彰德

近接衛輝該處既有賊匪北竄那彥成等卽當就近派兵追剿前此那彥成等以兵力足敷攻剿滑城將吉林黑龍江官兵分撥托津軍營嗣托津遵旨飭令全數赴豫此項勁兵計已全抵滑縣正可令其乘銳追剿著特派高杞帶領色爾滾等統率吉林黑龍江官兵繞道前赴輝縣一帶確探賊蹤

迎頭由北向南截剿此一股竄匪不過千餘人特

欽定平定教匪紀畧

卷十九

五

依順保楊芳等跟蹤緊躡再有高杞一路勁兵攔截諒不難一戰殲除高杞接奉此旨卽星速進行勿稍延誤

上又命軍機大臣傳諭托津曰托津奏查明開州一帶賊匪數目及現在辦理情形覽奏俱悉又據奏接那彥成來信因封邱竄匪現又奔至輝縣札致托津撥兵趕赴彰德迎剿托津恐開州後路空虛

兵力過單且緩不濟急飛札那彥成就近分兵兜剿所見甚是托津一路緊顧開州一帶邊境該處尙有剿剩零匪應須搜捕現兵止有三千餘名不敷分撥已另降六百里加緊諭旨飭令那彥成迅速籌剿並派令高杞督率吉林黑龍江官兵繞道由北向南迎頭攔截其南面有特依順保楊芳等跟蹤躡追兩面兜圍可期迅速殲除滑城合圍業

欽定平定教匪紀畧

卷十九

三

已旬日計日內必當攻克恐不能無潰出之賊托津當分遣弁兵多方偵探若有向東北兩面分竄者卽趕緊督飭馬瑜等悉力堵截務期悉數殲除毋令一名旁逸

上又命軍機大臣傳諭章煦日章煦奏拏獲散旗惑衆匪犯提省審辦一摺此案田克岐敢於製造號旗交付霍富秋任洛正散布惑衆可恨已極章煦

現飭將獲犯提省審辦著先向田克岐嚴究其旗上書寫二月二十九日云係明年起事之期伊等約期謀反何以獨定於此一日係何情由令其據實供吐又伊等既欲起事豈無刀矛器械獨製造黃旗多面其意何居現據搜獲大小旗四十餘面除賣給任洛正霍富秋者兩面外其餘賣出者係付與何人均令逐一指出毋任稍有隱匿至旗上

欽定平定教匪紀畧

卷十九

三

書寫李盛元名字霍富秋又供出李盛元手下有張順添張六幫助之語可見李盛元張順添張六皆實有其人田克岐所供由伊捏造假托斷不可信必係該犯代爲隱瞞冀免查拏該督務卽派幹員將此三犯及其餘應拏各犯嚴密查拏按名捕獲審明辦理勿任一名漏網章煦將該犯等製旗起事緣由并將該犯等是否與京城滑縣賊匪勾

通之處詳細訊明一面迅速奏聞一面即將該犯等在省城正法不必解京

同日董誥等奏將續行訊明各處拏獲解到逆犯除王四卽王廷瑞張二住卽張喜成二犯暫

行監禁待質外其張順張四鬍子任成功三犯

及前此暫留監禁無庸待質之邊文良卽邊常

兒張昆孫發三犯均請凌遲處死同業經身故

欽定平定教匪紀畧

卷十九

三

應行剉屍之李玉豹孫九均各梟示其犯屬劉

李氏等三十八口均發遣為奴得

旨張順張四鬍子邊文良卽邊常兒著卽凌遲處死

任成功張昆孫發著改為斬決李玉豹孫九著卽

查明剉屍一併梟首示衆餘依議

同日朱勳奏言

臣 欽奉

諭旨購買馬匹解赴豫省遵照歷辦章程分飭各屬

趕緊挑買陸續解省臣親加查驗挑選騰壯馬一千匹派委幹員分起解赴衛輝軍需總局足資應用奏入報

聞

十一月十八日辛巳

上諭內閣日本日勾到朝審官常各犯內蒼震門該

班之已革副參領齊欽已革護軍校明昆堪明三

欽定平定教匪紀畧

卷十九

三

犯及已革獲軍福珠隆阿等十三犯皆因守衛疎

玩致賊匪突入大內非尋常懈忽可比卽將該犯

等概行予勾實屬罪有應得惟此次賊匪突入禁

門為從來未有之事實非人情意料所及值班官

兵倉卒未能守禦尚有一線可原且東華西華各

門官兵業經得邀寬典今朕於萬無可貸之中特

加恩宥所有齊欽等十六犯俱著免其勾決該犯

等疎玩情節仍有輕重不同應行區別此內齊欽
堪明福珠隆阿鎖住伊靈阿五犯是日因飯牌已
下照常更換出外買食聞信後始繞道進神武門
其失誤尙屬有因齊欽堪明福珠隆阿鎖住伊靈
阿均著枷號四個月滿日發往伊犁明昆瑞昌凌
住訥蘇肯榮泰兵得福保得勝保海長福祿保十
犯彼時俱在內該班或屋內閑坐或私往他處擅

欽定平定教匪紀畧 卷十九 五

離值所其罪較重明昆瑞昌凌住訥蘇肯榮泰兵
得福保得勝保海長福祿保俱著枷號六個月滿
日發往伊犁其關隆一犯係午刻輪坐木克山之
人見賊匪混入不能辨識其罪尤重關隆著在刑
部監內枷號八個月滿日仍牢固監禁又斬犯曹
廷琦曹維曹咸亨三犯均係逆犯曹綸期親服屬
按律緣坐本應予勾但曹廷琦等素因曹綸情性

乖張罔顧倫理久經斷絕往來情同陌路不特於
曹綸蓄心謀逆毫不知情卽其從前入教亦並無
見聞且曹綸之母荆氏孫氏前在伊父曹廷奎南
籠任所因苗匪圍城俱自縊身故曹綸負國昧良
不念

累朝叅養深恩行同梟獍然朕勅法施仁並行不悖於

殉節死難後嗣仍必寬其一線曹廷琦曹維曹咸

欽定平定教匪紀畧 卷十九 五

亨俱著免其勾決交刑部牢固監禁

同日托津奏言竊照章煦所奏東明縣稟報慶

祖公西等集有滑縣桃源竄出之賊奉

旨令臣剿捕查此股賊匪卽係臣前奏奔往河南封

邱輝縣之賊距開州已遠臣前日具

奏後復接那彥成來信業已添派吉林官兵前往

協剿得此生力勁旅與楊芳等兩面夾攻自無

難卽時撲滅至首逆李文成據那彥成奏稱十月二十左右該犯由四間房竄至開州一帶臣連日研究獲犯知魏得中實未燒斃擊獲審訊據該犯供稱伊與邢全忠王相侯韓玉書王學義崔士俊羅文致郭明山一共八人均係劉峒明手下頭目各帶三四百人曾在滑縣及四間房潘章等處與官兵對敵劉峒明在南湖屯聚因官兵圍攻滑縣甚急欲將李文成接出奔逃劉峒明與伊同坐車一輛並另股頭目宋克俊小頭目王學義各坐車一輛帶領七八百人於十月三十日黑夜走近滑城見官兵圍攻東西三面伊等卽乘間在北面離城二三里空地將眾人屯住接應宋克俊先往叫開北門伊與劉峒明並帶領二十餘人潛入城內與李文成

欽定平定教匪紀畧

卷十九

美

徐安峒王修智牛亮臣見面商量候至三更將李文成接出回至南湖到劉峒明家暫住初二日聞有官兵前去卽於是夜同李文成宋克俊等帶領一千餘人起身說是要往山東曹縣並說李文成要在曹縣扈家集朱成貴家養傷伊因家務難捨未經同往等語臣業經札致那彥成嚴飭楊芳等於剿捕時留心擒獲復思該逆犯行蹤詭詐或竟隻身藏匿朱成貴家亦未可定仍一面飛札同興速向曹縣之扈家集朱成貴家嚴密查拏臣仍於開滑交界一帶村莊細加搜索總期將該逆犯生獲解京辦理其魏得中一犯於賊情甚為熟悉應請暫緩刑誅以備隨時迅問又那彥成奏獲賊姚廷玉供稱首逆馮克善潛赴德州糾駁接應并據章煦奏景州

欽定平定教匪紀畧

卷十九

毛

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

西北有連次失火搶劫及盤獲滑縣人在故城縣地方習教傳徒等事查景州故城均逼近德州臣思該處距大名府城較近當即飛札藩司素納迅派委員馳往密訪倘有蠢動之信即飛速報臣以便臣一面奏

聞一面帶兵起程前往剿辦又前據獲犯李得水供出各情臣遵

欽定平定教匪紀略

卷十九

天

旨查辦當向大名府莫景瑞詳細詢問據稱本年四月八月該縣所屬村莊並無被匪搶掠之案臣復向開州鄉民及拏獲匪犯隨時詢問亦僉稱本年八月以前該縣各村莊均未搶掠是該犯所供殊不足信

同日方受疇奏言查封邱縣西竄之賊經那彥成派兵追剿去後連日接據延津陽武獲嘉新

鄉輝縣稟報該匪向西狂奔所過村莊間被蹂躪裏脅十二月已至輝縣之高莊屯聚該縣西鄉各村莊多被焚掠殺傷人口等情當即飛咨領兵將弁追蹤截剿一面飭令各該府縣查明被賊村莊妥為安撫并於南北兩岸加意防堵查拏逆匪茲據渡口委員吳廷榮盤獲司遇魁一犯臣即提省親鞫據供稱該犯隨同李卦主

欽定平定教匪紀略

卷十九

天

由滑縣逃至朱姓賊營沿途糾集二三千人竄往山東路過長垣探有官兵防堵即往迤西封邱陽武一路搶掠欲奔太行山該犯落後被獲李卦主左眼有病九月間被滑縣拏住兩腿刑傷不能行走現係坐車等情查那彥成前奏李文成因官兵攻克道口有帶同賊夥並家口逃赴開州之語正相吻合今該犯既率夥西竄臣

一面飛咨那彥成飭催各路將領迅速追剿不使竄逸入山其司遇魁一犯臣暫行留禁研審再滑城賊匪現尙抵死抗拒不能得手臣前此解往大礮八尊之外復又覓得大礮三尊均極雄壯惟歷年久遠字跡模糊不辨何時所鑄當將斑鏽刮淨臣親赴城外試演俱能利用配齊大封口及羣子先後解送軍營其軍火一切亦

欽定平定教匪紀畧

卷十九

三

經源源接濟不致缺乏

同日百齡奏言連日探報賊匪奔竄開州東明一帶勢甚猖獗訊據獲犯供稱欲由濮州一路折竄金鄉並據方受疇咨稱豫省封邱地方有匪徒二千餘人竄入滋擾商令派兵添駐北岸考城要地等情查金鄉與江省豐沛接壤附近之劉家集首羨集孟家馬頭湖陵城等處兵力

尙單當與提臣烏爾卿額籌商暫於該提督所駐之楊家集營內撥兵四百名派委遊擊馬進帶赴劉家集營內交樊雄楚分撥防守又沈洪帶兵一千名已准那彥成飭令由東明慶祖集速回曹縣迤西附近考城之大寨集防堵是東豫曹考一路已有勁兵足資屏障臣現飭叅將二達色將所帶兵勇三百名撤歸沛縣首羨集

欽定平定教匪紀畧

卷十九

三

等處擇要添派並令叅將馬濟勝知府張丕昌將所帶兵勇八百名在於單縣黃山岡地方會合駐紮察看江南東豫接壤之處何路緊要卽赴何處防堵仍另調鹽城營兵二百名馳赴郡城協力策應疊據各營卡稟報拏獲匪徒張發財等十二犯臣親提研訊該犯等皆習震卦離卦邪教聽從謀逆別無要供當卽正法現在各

營卡防守益嚴聲勢聯絡江安邊界均稱寧謐
同日同興奏言臣接准方受疇密咨據獲犯車
得新供稱滑縣道口攻破後有大頭目馮克善
因於李文成不和已往山東德州糾結黨夥移
會密拏等因查該犯馮克善係前經奉

旨飭拏之要逆今敢潛赴德州糾約必須慎速查捕

臣當卽派理事同知武隆阿把總左壽寧以查

欽定平定教匪紀畧

卷十九

三

驗駐防馬匹爲名馳往訪查仍密囑城守尉博

卿阿暗備官兵以防拒捕再曹定等處避賊鄉

民陸續歸里者甚多現飭劉清同充沂曹濟道

熊方受督率各屬緝排保甲清查戶口旣可區

別良秀而於辦理撫卹更無煩再查但需欵正

殷無項可撥惟有臨清關徵存十七十八兩年

稅銀七萬八千餘兩尙可濟用合無仰懇

聖恩准將前項銀兩留備賑需毋庸解部

同日同興又奏言臣前此奏明確查定陶曹縣

官員等被賊戕害情形據道員熊方受稟稱加

同知銜曹縣知縣姚國旃先於拏獲教匪朱成

珍解省後嗣於九月初七八等日拏獲匪黨趙

廣春等七名因首犯朱成貴在逃姚國旃親率

捕役赴鄉密拏無獲初九日戌刻回縣該匪等

欽定平定教匪紀畧

卷十九

三

卽於初十黎明糾衆入城先奔曹縣汛千總署

前該弁楊雲漢聞信持鎗出迎卽被多匪圍繞

戕害並殺兵丁三名該匪等復入該弁署內砍

斃楊雲漢之妻高氏並媳顧氏後卽赴縣劫獄

衆匪一齊擁至署內維時姚國旃方起整衣出

堂卽被賊衆鎗扎刀砍身死該匪等恨其捕拏

嚴緊遍搜其家屬將姚國旃胞兄姚國林姪姚

大綜孀媳馮氏嗣媳尙氏姪媳王氏幼孫男女
二人婿張士鈞俱各亂刀砍斃並知前署金鄉
縣現補桃源同知吳堦之族兄監生吳星萃在
曹縣幕中因恨吳堦首先拏獲匪黨究出朱成
貴移會查拏並銜吳星萃懲惡姚國旃嚴緝匪
黨之讐指名尊覓將吳星萃亂砍身死並將幕
友吳煥及其子吳中惠并姚國旃孀媳之母馮

欽定平定教匪紀畧

卷十九

三

程氏及署內僕從男婦共二十八人一併殺害
只逃出姚國旃嗣子姚大齡一人又署定陶縣
知縣賀德瀚先因本任知縣陳達派調簾差委
署是缺隻身在署是日教匪入城外委張廷力
先聞信帶兵出捕頭受鎗傷並被傷斃兵丁四
名該匪等奔突赴縣該縣賀德瀚聞知事急卽
將縣印交付家丁李庭來令其賫送赴府報信

一面出署迎捕匪衆已將獄囚放出蜂擁至前
該員卽被刀砍多傷殞命時幕友朱樹堂陳瑤
圃陳鳳均及該縣典史之子孫述祖聞變趨出
救護俱同時遇害詢之該令等帶傷逃出各家
丁縷述情形復詢之受傷兩典史如出一口該
二令並千總楊雲漢及眷屬人等各屍身前俱
驗明收殮等情臣伏查教匪倉卒爲變該令等
猝不及防與幕友家屬人等同時被害殉節慘
死均堪憫惻應否量加

欽定平定教匪紀畧

卷十九

三

褒恤之處出自

天恩再定陶縣被賊後曹縣營叅將劉鳳階聞報卽
帶兵二百名馳往查拏行至縣屬孔連坑地方
遇賊力戰賊多兵少衆寡不敵傷斃兵丁四十
名連曹定汎兵共四十七名現在造冊咨部照

例辦理合併陳明均奏入

上命軍機大臣傳諭那彥成高杞楊遇春日據方受
疇奏盤獲賊匪司建魁訊據供稱首逆李文成於
十月內逃至宋姓賊營欲竄往山東因長垣一帶
有官兵堵截卽往迤西封邱陽武一路欲奔太行
山並供稱李文成左眼有病因腿受刑傷不能行
走現係坐車等語現在此股賊匪復由封邱折回

欽定平定教匪紀畧

卷十九

美

向輝縣等處奔竄該逆李文成仍在其內亦未可
定高杞現帶兵迎剿著飭知將領等於進剿時留
心緝拏該逆左眼有病腿受刑傷行走不便利於
識認本日又據托津奏稱獲犯魏得中供稱賊目
劉幗明等將李文成接出滑城回至南湖暫住要
往山東曹縣扈家集朱成貴家養病等語已降旨
諭令同興迅速查拏但該犯等行蹤詭詐是否果

赴曹縣抑或仍在豫省賊夥之內尙難憑信那彥
成等當詳細查探務期弋獲李文成與劉幗明同
在一處劉幗明亦係緊要賊目一併嚴飭緝拏若
將該二犯同時緝拏將劉幗明訊供具奏卽於該
處正法李文成一犯解京盡法處治

上又命軍機大臣傳諭托津曰豫省由輝縣北竄之
賊昨已降旨特派高杞帶領吉林黑龍江官兵前

欽定平定教匪紀畧

卷十九

毛

往截剿又有特派順保等在後緊躡自可一鼓撲
滅托津仍派人偵探倘該匪等被剿情急或竄至
開州較近處所卽迎頭截剿毋令逃逸現在滑城
將次克復尤應加意防範如有突圍逸出之賊著
托津飭令馬瑜等嚴加堵剿不得令一名旁逸爲
要至獲犯魏得中所供賊目劉幗明等將逆犯李
文成接出滑城欲往山東曹縣扈家集朱成貴家

養病等語已降旨諭令同興迅速查拏該犯行蹤詭譎是否果往曹縣扈家集地方尙難預定托津斷不可信以爲實稍爲大意仍應嚴密查訪認真緝捕又獲犯姚廷玉等所供首逆馮克善潛赴德州糾夥托津現已遴員前往緝拏倘有蠢動之信托津卽遵照前旨迅速帶兵前往剿辦無稍遲延再據奏獲犯魏得中於賊情甚爲熟悉暫緩刑誅

欽定平定教匪紀畧

卷十九

壬

以備訊問著托津卽向該犯嚴詰都城附近及西山一帶仍有無賊黨伏匿務令逐一供吐凡有獲犯均先以此究問訊有姓名住址及約會日期飛速奏入

上又命軍機大臣傳諭同興曰托津奏訊據獲犯魏得中供稱賊目劉綱明於十月三十日率同二十餘人潛入滑城將逆首李文成接出回至南湖暫

住於初二日聞有官兵前來該逆卽於是夜帶領一千餘人起身說要往山東曹縣扈家集朱成貴家養病等語該逆現在逃往曹縣扈家集朱成貴家潛匿著同興迅速遴派幹員前往該處嚴密查拏該逆係與首逆林清彼此勾結欲來京城謀逆之犯實屬渠魁前次該撫訊出林清姓名住址飛速具奏俾首逆迅就擒誅已將該撫甄敘此次若

欽定平定教匪紀畧

卷十九

壬

再將李文成弋獲則其功甚大必當優予恩施該撫當勉之又勉至逆首馮克善前據獲賊供稱有潛赴德州之語該撫已派兵前往偵緝一經緝獲飛速具奏倘有蠢動情形卽飛速知會托津帶兵剿辦毋稍遲延此時東境毘連豫省處所雖無零星賊匪但滑城指日克復難保無突圍之賊四出逃竄該撫仍當飭令將領官兵加意防範不可大

意至曹州營參將劉鳳喈於曹縣孔連坑地方遇
賊力戰賊衆兵少致傷斃兵丁多名該參將會否
受傷或已被戕或係臨陣退縮原奏殊未明晰並
著該撫確切查明附便具奏

上又命軍機大臣傳諭方受疇曰此次賊匪竄入封
邱輝縣各境內已據那彥成派令富僧德特依順
保楊芳等帶兵追剿張績亦派撥弁兵迎截昨有

欽定平定教匪紀畧

卷十九

罕

旨特派高杞帶領吉林黑龍江官兵繞道前赴輝
縣一帶迎頭截擊諒不難一鼓殲除李文成一犯
尤爲緊要賊目既據獲犯司建魁供稱在此股賊
夥內能臨陣擒獲固屬甚善該犯狡猾異常或又
潛蹤他道亦未可定該犯腿受刑傷總須坐車行
走料亦不能遠颺該撫務嚴飭地方文武員弁一
體嚴密查拏毋任免脫

上又命軍機大臣傳諭百齡曰開州邊界賊匪業經

托津等督兵搜剿殆盡其封邱竄匪奔至輝縣有
由淇縣一帶竄入彰德之意經那彥成派兵追剿
昨已有旨特派高杞帶領吉林黑龍江官兵馳往
截擊諒可就地殲除不至縱令南竄惟現在圍攻
滑城卽日克復恐賊衆四潰探知何處兵少卽向
何處奔逸江南與豫東接壤之處甚多百齡務當

欽定平定教匪紀畧

卷十九

罕

隨時偵探嚴飭各要隘官弁加意防範如有賊匪
竄近卽迎頭截剿毋任闖入邊界
上諭內閣曰曹縣定陶猝值逆匪倡亂入城劫掠知
縣姚國旃賀德瀚千總楊雲漢或出捕捐軀或拒
賊殞命並家屬幕友親戚僕從同時被害深堪憫
惻同知銜曹縣知縣姚國旃著照同知例議卹畧
定陶縣知縣賀德瀚曹縣城守營千總楊雲漢各

照本職之例議卹幕友吳星萃等及各該員眷屬
被害殉節者一體查例旌卹捕賊受傷之外委張
廷力著照例卹賞被戕兵丁四十七名查明咨部
一併議卹

欽定平定教匪紀畧 卷十九

聖

欽定平定教匪紀畧卷二十

十一月十九日午托津奏言查開州邊界賊匪
經官兵剿洗淨盡直境寧謐至馮克善一犯潛
往德州勾結夥黨節據那彥成方受疇先後獲
賊均審有此供似屬確鑿茲復接奉

諭旨以京南一路現無重兵自不可不嚴為防範

再四思維德州密邇京都在開州東北相距將

欽定平定教匪紀畧 卷二十

一

及六百里若俟得有蠢動之信起程前往誠恐
緩不濟急現在開州邊界肅清無須重兵防堵
臣一面遴員先往密訪並再札致同興上緊查
拏臣亦即督同馬瑜富蘭閆俊烈帶領官兵三
千一百名按程前進仍於途次隨時偵探一俟
得有匪徒聚眾確信星夜趕往乘其不備一鼓
殲除此時開州尚有守城之宣化鎮及正定鎮

標官兵一千五百餘名查新授正定鎮總兵徐
鏡現在那彥成軍營臣業已札催該鎮速回開
州統率彈壓指日滑城攻破卽有逸賊北竄亦
可藉資堵截並札致那彥成於滑城攻破後卽
將圍城之兵作爲追賊之用勿任逸匪向北奔
逃如此則前赴德州之兵旣無虞遲緩而開州
後路亦屬防堵周密

欽定平定教匪紀畧 卷二十 二

同日同興奏言查前奉

諭旨飭拏宋躍澇一犯嗣又接准方受疇知會馮克
善現往德州糾約黨夥當經臣嚴飭查拏茲據
德州知州徐紹薪稟稱宋躍澇一犯訪查境內
並無其人惟景州小洋村有宋大麻子名喚宋
延齡又有宋大麻子之叔宋八鬍子名喚宋雷
平日學習拳棒不安本分頗有徒弟武藝高強

近日景州故城附近百姓皆紛紛避此二人恐
遭連累則此二人自非善類因境隔兩省該州
不敢擅拏等因臣查該處旣有宋雷宋延齡其
人焉知不卽爲宋躍澇之捏名則馮克善逃往
糾約更屬有因隨飛飭該州會同營員徑往擒
捕昨蒙

欽定平定教匪紀畧 卷二十 三

諭知景州西北鄉有連次失火搶劫之事核之該州

所稟村民躲避各情該處顯有匪徒潛匿更當
及早圍捕毋使蠢動查

欽差協辦大學士托津現在開州臣駐劄曹州相去
德州景州均有六七百里若俟該處有警再行
馳往恐致遲緩而現在防堵緊要又未敢遽行
遠去查登州鎮總兵富通現在省城彈壓相去
德州甚近臣已飛咨該鎮先行帶兵二百名星

赴德州駐劄倘文職差役不能擒拏即令會同
城守尉傅卿阿相機圍捕 臣再親督將領兼程
前往仍遵

旨咨會托津協同辦理若日內滑賊一平 臣即移駐
東昌趨赴德州亦為近便均奏入

上命軍機大臣傳諭托津曰本日據托津奏因聞馮
克善有逃往德州之信恐俟其蠢動再往緩不濟

欽定平定教匪紀畧

卷二十

四

急現即督同馬瑜富蘭閆俊烈帶領官兵三千一
百餘名按程前進途次如探有匪徒聚眾之信即
趕往殲除等語所奏紕繆已極現在滑城圍攻喫
緊之時最防潰匪北竄開州一帶關係緊要人所
共知托津先當緊顧北面方為正辦至馮克善潛
赴德州恐其與宋躍濇糾約滋事尚係懸揣之詞
近日有何憑據豈有捨實就虛徒勞跋涉之理朕

屢詢經過德州出差官員僉稱該一帶甚屬安靜
昨日召見文寧竝據奏在德州一帶住宿地方安
堵如常本日同興奏伊慮馮克善與宋躍濇勾結
派人訪查現在德州並無宋躍濇其人惟景州小
洋村有宋延齡宋雷二人平日學習拳棒頗不安
分徒弟甚多景州故城附近民人恐遭此二人連
累紛紛徒避此二人恐即係宋躍濇之捏名已派

欽定平定教匪紀畧

卷二十

五

文武官弁馳往訪拏並恐萬一拒捕密派登州鎮
總兵富通帶兵二百名前往會同該處城守尉傅
卿阿相機圍捕等語宋延齡宋雷二人尚未知是
否係宋躍濇即果係宋躍濇捏名現尚潛伏未動
易於擒捕即如林清係此案渠魁潛伏京畿附近
地方不過遴派番役數人即行擒獲何況宋躍濇
馮克善等現在同興已派員密往掩捕又有富通

等帶兵準備諒不致有他虞此時托津率爾統領
提鎮帶兵三千餘名前往督辦設宋躍濬等聞信
驚逃轉難弋獲甚或該匪等見大兵壓境無可奔
逃情急率眾逞兇豈非激之使變開州距德州相
去六百里沿途皆甚安靜地方並無賊匪今托津
忽以欽差帶兵數千名向彼進發沿途居民不知
何事豈不驚擾猜疑迨大兵行抵德州彼處毫無

欽定平定教匪紀畧

卷二十

六

蠢動無端安營駐劄本處及附近民人又寧不心
生恐怖若謂逸犯未獲在彼督拏試思現在各處
查拏要犯所在皆有不過降旨令各督撫等派員
緝拏若各處皆須發兵前往有是理乎賊匪狡譎
伎倆大抵於無兵之處結隊奔逃况滑城將次克
復賊眾正當窮蹙之時設或探知北面大兵業已
移往他處竟大隊向直隸邊界奔突該處祇有徐

錕帶領開州存城兵一千五百餘名豈敢堵禦彼

時開州東明長垣等處在在可虞托津遠在德州

卽或聞信轉回業已鞭長莫及托津豈計不及此

看來托津之意計算行抵德州時滑城已破德州

無事可辦彼時派令馬瑜等仍將原兵帶回開州

伊自行奏請回京卽就近由德州啟程意係思家

念切以致舉動冒昧糊塗著傳旨嚴行申飭托津

欽定平定教匪紀畧

卷二十

七

接奉此次諭旨之日如德州並無蠢動情事托津

不論何時卽刻帶兵兼程轉回仍在開州邊境防

堵不許片刻延緩若以行程已近德州仍托詞到

彼察看情形則是有意違旨逗撓朕必立降諭旨

將伊革職拏問凜之如托津接據稟報德州已有

蠢動情形卽帶兵星馳前往剿辦亦著於富蘭閭

俊烈二人內酌派一人撥給兵五六百名速令帶

回開州幫同徐錕防堵設開州一帶堵禦不嚴致有大股賊匪突入直隸境內則惟托津是問托津回至開州俟滑城克復後直隸邊界竄匪捕淨仍遵前旨前赴那彥成軍營會籌善後事宜先令慶祥等帶領京兵凱撤俟諸事妥善自有旨諭知令托津回京供職也

上又命軍機大臣傳諭同興曰據同興奏訪查宋躍

欽定平定教匪紀畧

卷二十

八

澧一犯德州並無其人惟景州小洋村有素習拳棒之宋延齡宋雷二人向不安分恐卽係宋躍澧之捏名已飛飭知州徐紹新同委員武隆阿密帶幹役徑往擒捕並派總兵富通帶兵二百名前赴德州與城守尉博卿阿相機圍捕該撫仍擬移駐以備剿辦等語宋延齡宋雷二人是否卽係宋躍澧尙未可定本日托津奏稱伊聞馮克善潛赴德

州糾約之信慮及德州距開州六百餘里俟得蠢動信息緩不濟急已同馬瑜等帶兵三千餘名按程前往相機辦理現在圍攻滑城指日克復開州一帶防堵逸賊北竄最關緊要德州並無蠢動情形托津遽帶大兵前往實屬冒昧已降旨將托津嚴行申飭同興派往緝拏宋延齡宋雷之委員此時已否將該二犯拏獲並曾否訪獲馮克善下落

欽定平定教匪紀畧

卷二十

九

同興一得稟報如犯已就獲並無拒捕情形該撫不必俟提犯訊供卽先行飛速奏聞一面由六百里知會托津令其帶兵兼程速回開州不可片刻遲延倘該二犯不服拘捕竟率衆滋事卽飛咨托津前來剿辦至曹州接壤滑縣卽日攻克滑城難保零匪不向東奔竄同興此時斷不可移駐東昌卽使德州有事有托津在彼足敷辦理同興仍帶

兵緊防曹州邊界以爲滑城聲援毋令賊匪再闖入東境

同日胡克家奏言臣欽奉

諭旨河南滑濬賊匪經那彥成進剿獲勝恐有零星

四竄安省潁亳一帶著胡克家嚴密防守等因查

安省潁亳一帶撫鎮各標先已派調兵二千名

又續調廣德等營烏鎗兵二百名臣與鎮臣喀

欽定平定教匪紀畧

卷二十

十

勒吉善及叅將明保分立三營均係貼近界口

逐日輪派幹弁帶兵五十名在邊界梭織遊巡

聲勢聯絡至睢工漫口之後常有採買糧料船

隻經由渦河行走誠恐竄匪溷跡其間臣先於

亳州北岸設卡查察復經方受疇嚴查睢口商

船概行禁止南下防範亦甚嚴密其潁州亳州

二營共有兵九百餘名仍照常防汛守城前委

知府林嵐所募鄉勇已據募得一千名均係土

著段實壯丁團練可用潁亳一帶雖向來獷悍

成風近見官兵駐境強橫者畏威斂跡良善者

得所護庇安堵如常極爲寧謐再安省調防兵

丁離營均在三百里以外例應每兵日給米八

合三勺并酌給柴薪第亳宿等處均係災區米

糧食物無不倍加昂貴應請每名日給銀一錢

欽定平定教匪紀畧

卷二十

十一

無庸另給柴薪所練鄉勇一千名視兵力稍加

優厚每名日給銀一錢二分俾兵勇口食有資

捍禦更爲得力

同日董教增奏言竊臣接准那彥成咨開挑派

陝甘督標兵五百名河州鎮標兵五百名前赴

衛輝並咨催前調靜寧靖遠二協官兵前往臣

當於督標五營內挑選足數派叅將六十八管

帶先於十月二十三日起程其河州官兵據該鎮富明阿稟報挑選足數亦於二十六日起程又靜寧靖遠二協具報於本月二十四五等日均經先後起程臣俱飛飭沿途預備供支妥為照料又准那彥成來信囑於督標五營挑選馬一百匹解往應用臣亦卽挑選足額派員送往又據固原州稟報那彥成飭調固原提標並靜寧靖遠平涼涇州等協營馬共一千匹於二十二十一二三日分日起程理合奏明均奏入報

欽定平定教匪紀畧

卷二十

三

林官兵等咸稱察哈爾孳生新馬未經服鞍者居多上陣不能得力是以不願更換間有因原馬疲乏挑換乘騎者每起自百數十匹至數十匹不等其黑龍江官兵過京時換騎察哈爾馬五百九十匹到正定順德時亦有將疲乏之馬存留餵養更換前進者其換下之馬多係在京騎來察哈爾馬匹間有黑龍江本處原馬臣飭將該官兵本處原馬妥為餵養俟凱旋時給還其不堪餵養者令地方官變價給領其餘剩察哈爾馬匹若日久餵養徒滋糜費應請責成臬司慶格分派有驛州縣令其領回供用將馬價解交藩庫報部備撥一面分別造冊咨部奏入上諭內閣日章煦奏吉林黑龍江官兵換剩餘馬存留直隸餵養徒滋糜費著照所請准其將存剩察

欽定平定教匪紀畧

卷二十

三

聞

十一月二十日癸章煦奏言查吉林四起官兵一千名黑龍江五起官兵一千名均於本月十五日以前行過正定二十日以前全過順德吉

哈爾馬匹交臬司慶格均勻分撥派有驛州縣承領供用將應繳馬價解交藩庫備撥至所存之馬曾經挑選皆可適用此時若餒養不善致有疲瘦各驛站不願領買即將應賠馬價著落原領之府縣照數賠繳示懲

章煦又奏言臣覆查景州西北鄉連有夜間放

火之事昨據委員程卓樑稟稱係村民堆積柴

欽定平定教匪紀畧

卷二十

十四

草被焚當傳到失火事主詢問僉稱並無賊匪

焚掠惟聞馮克善有潛赴德州之信該州與景

州毘連恐其勾結滋事臣復飭程卓樑再行確

查並飭天津鎮道留心防範又奉

旨飭拏磁州趙得一一犯前據廣平府等查覆趙得

一業已病故經臣復飭查實在下落一面咨查

刑部趙得一年貌住址嗣准刑部咨覆趙得一

係河南臨漳縣人又經行文飭查去後茲據臨漳縣稟稱已將趙得一家屬拘獲犯子趙全供稱伊父趙得一現在滑城從賊等語磁州前查已故之趙得一係姓名相同現已將其子趙維淇等飭令釋放奏入報

聞

十一月二十一日甲章煦奏言竊臣本月二十

欽定平定教匪紀畧

卷二十

十五

日午刻接據磁州知州何道榜稟稱滑縣城外

賊匪竄往封邱輝縣新鄉等處至十八盤山現

在移營撥兵并添雇民夫於州境邊界地方巡

察防守一面遣丁飛赴各處查探旋據安陽縣

來信賊匪至十八盤山有竄往林縣之勢又聞

陽武縣探報竄匪數千在顏洲地方經官兵剿

殺該匪等旋又分爲兩股向正北正西逃竄又

延津縣王里集留光集亦有賊匪多人滋擾等情并據該縣抄送彰德府林縣探報賊情稟稿內開本月十二日早賊匪竄過輝縣林縣交界之十八盤將高莊焚掠有直趨林縣之勢賊衆約有萬數等情臣接閱之下實深焦急查滑縣尙未攻克而竄匪復由輝縣一帶入山擾及林縣該處界連山西潞澤既恐遠竄蔓延而直隸磁州等處亦屬鄰近并恐擾及誠恐賊匪奸計以一城牽掣大兵遂其四出焚掠之計亦未可定臣現在飛咨那彥成托津作速調兵分投追捕并飭地方文武悉力守禦勿任稍有疎懈同日同興奏言前據方受疇咨會馮克善一犯逃往德州當經派員前往嚴緝昨十四日據陳廣寧解送獲匪宋懶新一名臣親提研訊據供

欽定平定教匪紀畧

卷二十

六

九月初七日馮克善進滑縣劫出李文成之後不多幾日馮克善就出西門去了至今未見迨十月二十七八日道口攻破十一月初一日起更時候南湖頭目劉懶明將李文成由北門接出坐車逃走住宿南湖初二日領着二千餘人要住太行山初八日該犯跟至陽武縣之延州集卽潛回家現在徐安懶朱成貴還在滑縣城內其隨李文成走者係劉懶明呂均台王學義羅懶旺王金斗并不知名之宋當家等多人等語是前此逆犯魏得中所供李文成赴山東曹縣扈家集朱成貴家養傷之語殊不足信誠恐魏得中假捏此言以縱李文成西竄之計除將宋懶新監禁備質外謹繕具供單恭呈

欽定平定教匪紀畧

卷二十

七

御覽

同興又奏言查林清以畿輔小民謀爲不軌罪大惡極仰仗

天成立時誅滅此外逆賊首夥除三省官兵隨時剿

除并東省已獲崔士俊李允魁李卓立王奇山

曹光輝袁興邦蕭豹馬朝棟李名揚扈綬等數

十人正法外尙有著名賊目延喘稽誅戾氣所

鍾自應劓燬該匪等祖墳以絕禍根而奪逆魄

欽定平定教匪紀畧

卷二十

六

查東省各逆犯除已被殲擒并將全家孥獲者

免其發掘外其頭目朱成貴程伯岳鄧允卓馬

克光四逆尙未就擒臣當飭運司劉清等督率

曹單定陶三縣訪明該四逆本支祖墳傳集鄉

民指認確實盡行劓燬逐一剝骨揚灰訖各村

莊受害居民靡不共覩稱快惟逆首徐安嗣係

直隸長垣縣人住居春亭集之程家莊臣查畢

家寨與春亭集相近當卽飭派千總馬成符武

舉仙魁帶領兵丁馳往訪之附近老民程西山

等均稱該逆祖墳卽在莊西一里許隨帶領指

認明確卽行發掘驗視該逆高祖父母骷髏骨

俱發綠色其曾祖父母骷髏骨週身紫色該逆

之祖徐六卿屍身有紫藤纏繞該逆之祖母霍

氏身長白毛其逆父徐成俊母張氏逆妻李氏

欽定平定教匪紀畧

卷二十

五

新墳在莊東北亦卽指明發掘隨將各屍骨燒

燬剝揚霍氏頭骨尙有腦漿流出當將骨灰散

播大道俾車馬踐踏以消戾氣而快人心再據

陳廣寧札稱十四日派委把總許揆中赴滑縣

探詢賊情知首逆李文成祖墳亦於十三日經

知縣孟岷瞻帶領鄉勇劓挖燒燬訖再朱成貴

程伯岳鄧允卓馬克光等各逆雖未伏誅其家

屬並崔士俊妻女現俱拏禁司監例應解刑部請

旨賞給功臣之家為奴但思那教家屬其平日必有傳習之事似未便解赴京城致滋煽惑應否發往回疆與種地兵丁為奴或給額魯特為奴之處出自

聖裁

欽定平定教匪紀畧

卷二十

二十

同興又奏言查東省審辦逆案前經同知吳塔將崔士俊李允魁等五十餘犯拏獲解省時飭派濟南府凝圖帶領候補知縣趙毓駒潘尙楫陳文漢三員多方焚審並於張建木口供內訊出林清住址及一切逆謀尙知奮勉臣既仰蒙高厚宥罪賞功該府縣等出力之處未敢壅於上

聞查疑圖前在廣西辦理狎苗案內得有藍翎其候補知縣三員內除潘尙楫陳文漢二員業經奏補魚臺定陶二縣實缺外其趙毓駒一員現在出有陵縣知縣一缺於揆補名次稍有未符可否量加鼓勵之處出自

聖恩

欽定平定教匪紀畧

卷二十

三

同興又奏言竊查定陶曹縣金鄉三縣以及附近各隣境村莊俱各遭賊蹂躪目下良民漸次歸復資產蕩然所有善後事宜撫卹最要臣現在駐劄曹郡就近切實查辦遴派丞倅試用人員分投確查並派運司劉清道員熊方受總司稽核查小民當此嚴冬饑寒交迫即交正二月亦無從備趨餬口應否照賑濟米數按照大小口本折搭放以三個月為度並將被焚房屋酌

給修費其績歸難民補行撫卹過路難民資送
回籍之處恭候

諭旨欽遵辦理現在遵

旨查辦保甲所有應行撫卹戶口臣擬卽飭令按照

保甲冊籍挨次查造在小民急圖得食無不據

實速辦既可刻期竣事設有逃回逆匪亦不致

混入冒領似爲確實

欽定平定教匪紀畧

卷二十

三

同日銜齡奏言竊臣接據張績來信豫省封邱

縣之胡村及獲嘉縣均有賊匪恐竄太行山已

撥山外防兵五百名委叅將雙福前赴封邱一

帶迎剿又撥兵三百名至輝縣一路堵截並撥

兵赴柳樹口大澤底期城各隘口防堵計山旺

莊祇留兵五百名不敷防剿應請添兵接應等

情臣當卽飛咨太原鎮臣祥泰於就近營分抽

調兵三百名前赴山外接應茲於本月十六日

又據潞安府等稟報輝縣十八盤山一帶有山

東竄匪約數千人藍布裹頭勢往西竄距晉省

壺關陵川兩縣邊界約百數十里現各添募壯

丁協同防兵堵禦等情查潞澤各隘口雖經撥

有防兵尙覺單薄臣一面飛飭該府縣多集壯

兵一面札知祥泰就近勻撥官兵速赴壺關陵

欽定平定教匪紀畧

卷二十

三

川兩縣地方協同防堵并將解送軍營騾馬軍

械回晉各官兵截留應用至山外地勢遼濶臣

恐張績不能周顧茲卽自省起程親赴潞安澤

州一帶督飭防堵並撥撫標兵二百名大同鎮

兵五百名分起前往以備調遣均奏入

上命軍機大臣傳諭托津曰據章煦奏接據磁州稟

報潞縣城外賊匪竄往輝縣等處已至十八盤山

有竄往林縣之勢並據抄送林縣探報十二日早賊匪竄過輝縣林縣交界之十八盤將高莊焚掠直趨林縣賊衆約有萬數等語滑城以外賊匪並未剿淨托津等原應緊顧北面乃托津因開州邊境無賊卽率爾帶領大兵前赴德州今賊見北面空虛由輝縣遶過衛輝北趨林縣已在太行山麓賊匪竄至其地不西奔潞安卽北竄磁州擾及廣

欽定平定教匪紀畧 卷二十 五

平順德一帶其情形甚爲可慮且本日據同興奏訊明賊供此股竄匪卽係李文成與劉幗明在內尤不可不迅速殲除著傳諭托津接奉此旨不許片刻遲延卽帶兵向磁州一帶進發探明賊蹤督率馬瑜富蘭閔俊烈等由北向南截殺昨由六百里諭知高杞帶領吉林黑龍江官兵緊追此股賊匪恐高杞在賊之後托津等務遶出賊前兩面

夾攻將竄匪就地殲除淨盡能將李文成劉幗明俱就擒獲必將托津等優加甄敘若縱令竄入林縣山中再北擾至磁州廣平一帶完善地方則必重治托津等之罪不稍寬貸此時北面並無重兵他處調發亦緩不濟急惟恃托津一路之兵作北面屏障務卽星馳赴剿相機堵截毋稍游移延玩上又命軍機大臣傳諭那彥成高杞楊遇春日朕聞

欽定平定教匪紀畧 卷二十 五

滑城屯聚之賊經那彥成等設立長圍挑浚深濠防守嚴密想乘勢進攻旦晚卽可克復惟日來所最屢念者係由封邱西竄一股賊匪節據托津同興奏訊取賊供係賊目劉幗明於十一月初一日將李文成由滑城北門接出坐車逃走先至南湖次日帶領夥賊西竄劉幗明沿途護送並有呂均台王學義羅幗旺王金斗宋克俊等同行本日又

據章煦奏接據磁州稟報該逆等在封邱搶掠後竄出輝縣林縣交界之十八盤賊衆萬數直趨林縣等語李文成係爲首賊目前從滑城逃出尙在大兵未經合圍之先朕亦不以此咎責那彥成等惟該逆夥同劉惲明等狼奔西竄已至林縣林縣在太行山麓賊竄至其地不西奔潞安卽北竄磁州武安該一帶路徑紛歧賊匪一入其中驀林

欽定平定教匪紀畧

卷二十

三

過其去路方稱得手否則追及賊蹤併力剿殺李文成腿受刑傷現坐四套大車不能騎馬步行諒不能十分迅速吉林黑龍江馬隊馳逐猛迅斷無不能追及之理此事專責成高杞辦理伊若能將此股賊匪剿淨並將賊首李文成賊目劉惲明等按數擒獲則高杞之功甚大朕必渥施厚恩若行走遲緩在後尾追縱賊入山亦惟高杞是問至林縣迤北卽係直隸磁州廣平順德地界本日已由六百里加緊降旨諭令托津帶兵由北堵剿高杞探知賊匪向何路奔逸並就近飛速知會托津迎頭攔截以收兩面夾擊之效又昨據章煦奏磁州賊目趙得一現在拏獲伊子趙全供稱伊父現在滑城從逆並著於克城之日查拏務獲勿任漏網上又頒寄托津

欽定平定教匪紀畧

卷二十

三

硃諭曰首逆李文成劉綯明已至林縣欲趨磁州汝
速領馬瑜富蘭等官兵星夜馳回自北而南奮力
截剿若生擒一逆立受隆恩若再遲疑觀望退縮
不前朕必按

皇考處治訥親之例辦理禍福任汝自取慎之凜之又

諭汝逕往德州之舉糊塗之極不治汝罪已屬格外

施恩此次再不奮勉不能輕恕矣

欽定平定教匪紀畧

卷二十

天

上又頒寄章煦

硃諭曰頃接卿奏實切焦思已由六百里加緊嚴催

高杞托津分帶將弁兵丁兜剿但恐緩不濟急為

今之計先嚴諭廣平府屬州縣速練團勇保守城

垣自北而南以堵為剿候大兵齊集併力殲除此

股賊內有首逆李文成劉綯明二賊李文成眼目

受傷兩腿不能行動身坐四套大車此二賊窮凶

極惡必須生擒若有擒獲者官則超陞兵則超用
民即授職仍施厚恩布告官兵兆庶毋負朕意日
內一得信息即行馳奏斷勿遲延

上又命軍機大臣傳諭衡齡曰衡齡奏豫省輝縣之

十八盤一帶有竄匪數千勢往西竄距晉省之壺

關陵川兩縣地方約百數十里本日又據章煦奏

接據磁州探報本月十二日賊匪已竄過輝縣直

欽定平定教匪紀畧

卷二十

天

趨林縣等語現在晉省山外既有賊匪竄至該撫

自應前往督率堵禦該撫前此諸事頗預曾降旨

嚴行申飭此時惟勉力自贖親督官兵相機防堵

此股竄匪逆首李文成及賊目劉綯明均在其內

該撫若能鼓勵將弁將此股賊眾剿捕淨盡並將

逆首李文成等擒獲鎖押解京不特宥其從前諸

務遲延之咎仍加以恩賞即不能將竄來之賊悉

數剿盡亦應迎頭截擊使賊匪不敢入山退出平地以待大兵誅戮功過尙足相抵倘堵禦不力致令賊匪竄入晉省完善之區則惟該撫是問恐不能當此重咎該撫馳抵該處如豫省已將竄匪剿淨該撫卽在被暫駐並著就近督查歷次飭拏各犯毋令委員等飾詞疎懈

臣等謹按滑城賊匪雖有負隅之勢而金魚

欽定平定教匪紀畧

卷二十

三

阱獸遲速皆無所逃命惟李文成竄軼之賊乘間鋌走則有不可料者衛郡地當四達之衝無山川之阻狼奔豕突惟其所之故其始欲竄曹縣旣而竄封邱踰陽武延津獲嘉新鄉以至輝縣林縣數日之間蹂躪多處倘再西竄澤潞則晉省完善之區固不可問設竟折而北竄則磁州武安近在咫尺京南尤爲

可慮斯時圍城未下警報日聞遠近驚疑詎言未息

皇上璇樞握要密布機宜旣

勅催吉林黑龍江馬隊跟追而又預屯截剿之兵先授防禦之畧誠以賊蹤無定防其萬有一然

厝慮之周算無遺策故不待司寨之捷有以決逆賊之無不就殲者

欽定平定教匪紀畧

卷二十

三

詔書稠疊羽檄星馳日昃

籌幾

丹毫屢降可以徵

宵旰之焦勞矣

上又命軍機大臣傳諭同興日同興奏查訊賊首李文成並未回至扈家集發掘各逆匪祖墳並犯屬擬請改發各摺覽奏俱悉現在滑城將次克復李

文成一股又結隊狂奔該撫一切邊防宜十分加
意毋稍疎懈其所奏朱成貴等緣坐家屬無庸解
京所見甚是著即發給額魯特為奴徑由東省分
起發遣

上諭內閣曰林清倡首謀逆其姓名住址經濟南府
知府凝圖督率候補知縣趙毓駒潘尙楫陳文漢
等訊由獲犯張建木供出同與據稟速奏飭交拏

欽定平定教匪紀畧

卷二十

三

獲立正刑誅該撫前已加恩議敘凝圖著加恩賞
換花翎仍交部議敘候補知縣潘尙楫陳文漢昨
已恩准補授實缺趙毓駒著加恩照該撫所請准
其補授陵縣知縣以示獎勵

上又諭內閣曰本年曹州濟寧兩屬各州縣本係被
旱之區又遭賊匪蹂躪小民流離轉徙口食維艱
朕心時深憫惻著加恩查明戶口照賑濟米數自

十二月初一日為始至明年二月底止分別大小
口本折兼放其被焚房屋照例給與修資續歸難
民隨時查明補給路過難民照例資送回籍此次
查開戶口即用編查保甲冊籍以別良莠而歸核
實該撫務督率地方官實心經理該良民均霑闡
惠用副朕惠愛黎元至意

欽定平定教匪紀畧

卷二十

三

是日緒莊貴慶奏在奉天地方拏獲邪教王士
青高祥曹綱華三犯究出有潜在京師居住之
高張氏及女李高氏傳教滋事等情奏入
上命步軍統領英和立派番弁將高張氏及伊女李
高氏伊子高德明等拏獲交刑部審辦
同日刑部奏言臣等遵

旨提出董綱太訊以林清祖父墳墓所在據供林清
祖父係南邊人不知其墳墓所在其父母合葬

在宋家莊北邊西大岡頂上其前妻常氏亦埋

墓岡上現有宋家莊董自亮曾進才俱能指認

奏入

上命左翼總兵英綬前赴宋家莊督率地方官役確

查林清父母等墳墓眼同掘燬

欽定平定教匪紀畧

卷二十一

三

欽定平定教匪紀畧卷二十一

百澤而環
設匪聖臺

十一月二十三日丙那彥成高杞楊遇春奏言

竊臣等圍攻滑城於十二日派出官兵攻打北

門十六日又攻南門使賊人習以為常以便攻

其不備至十九日臣等親督鎮將齊攻五門並

於城外礮臺用大礮轟擊城垣令趨捷兵丁各

用撫牌遮蔽矢石又派兵丁藏身木斗之內下

欽定平定教匪紀畧

卷二十一

一

用輪盤推至城墻根下刨挖城磚一面官兵齊

力發鎗吶喊直前城上百姓見而驚慌紛紛絕

城投出詎賊匪嗚鑼呼號悉力抗拒鎗礮矢石

紛下如雨我兵奮勇攻打鎗箭所及約斃城上

賊匪二百餘人所用撫牌木斗間被賊匪用大

石擊碎及拋擲草把焚燒連日以來弁兵多有

傷亡臣等萬分憤恨同深切齒現復於各門外

添挖濠溝一道加排鹿角一層嚴密合圍總不使賊匪竄越至長垣一股竄匪前由封邱延津陽武一帶滋擾嗣據探報該匪因迤西一帶兵勇防禦嚴密復由獲嘉新鄉北竄輝縣十七日竄至林縣之臨洪鎮燕河焚掠前已派楊芳特依順保富僧德等帶兵前往又派色爾滾德寧阿帶領吉林黑龍江官兵一千名及蘭州靜寧續到官兵一千名均飭令由彰德一帶顧住北面會同迎頭抄截今據楊芳等稟報已於十八日由淇縣一帶入山截剿可以顧住北面等情日內一經接仗必可得手至此時圍城帶兵乏人臣等仍將富僧德調回大營此次攻城時總下難民除被賊截回傷斃外赴營報到者有五十餘人已飭訊明發縣安插富僧德左臂帶有

欽定平定教匪紀畧

卷二十一

二

鎗傷幸僅傷肉皮不重此外傷亡弁兵另咨查明咨部辦理再准托津來信已由開州帶兵三千一百名移駐德州並令總兵徐錕赴開州防堵等語臣已飛飭徐錕前往開州實力防守再查富僧德特依順保前次截剿長垣一股竄匪所有鎗斃劉姓賊目及坐車賊首據獲犯供稱劉姓是劉二當家不知名字此股賊首聞係劉福明又有賊首三四人同竄實不知姓名等供其前次投出之難民三百餘人發交衛輝府督縣造冊妥爲安插其隨營之二十餘人現亦一併遣散不致奸宄混跡

那彥成又奏言本月十九日欽奉諭旨以封邱竄匪奔至輝縣派高杞帶兵馳往堵剿臣伏思此時賊匪竄至林縣距滑縣二百餘里

欽定平定教匪紀畧

卷二十一

三

計特依順保楊芳已由彰德一路入山顧住北
面相距賊匪不遠臣又將色爾滾等派往諒早
晚即可接仗刻下圍攻滑城正當萬分喫緊之
際軍營兵力不敷布置如今高杞再分兵馳赴
輝縣一帶則此間兵力更單礙難顧彼失此所
有林縣竄匪臣已責成特依順保德寧阿楊芳
色爾滾等併力截剿斷無滋蔓之虞請將高杞
仍留滑縣軍營似與軍務有裨臣與高杞及楊
遇春商酌意見相同據實覆

奏

那彥成又奏言竊臣欽奉

諭旨詳查童泰初濟渡難民緣由查蘭陽縣所管村
莊大半俱在黃河北岸前此九月二十三日賊
匪竄至蘭陽王里集難民逃奔河灘羣在淤泥

欽定平定教匪紀畧 卷二十一 四

淺水之中哀號求救該縣童泰初放船救渡自
辰至申督同兵役細加盤詰互相認識者始准
濟渡所渡難民均註有村莊住址姓名細冊賊
退之後又經童泰初飭傳親族領回通計難民
二千三十二名又毘連之考城縣難民二十二
名住址確鑿是童泰初當日所渡實係難民並
無奸細在內該縣地方現在寧謐所辦尙無不
合臣已欽遵

欽定平定教匪紀畧 卷二十一 五

恩旨將童泰初即日開枷仍飭令在河干一帶幫同
委員嚴密防守

同日章煦奏言竊臣於二十二日寅刻接奉二
十一日巳正二刻

硃筆諭旨臣跪讀之下憤懣駭汗不能起立伏思逆
匪李文成等罪惡滔天竟敢突圍分竄河北州

縣上煩

聖慮焦勞凡在臣工心膽俱裂敢不熟籌堵禦之方

免致蔓延滋患查滑縣係在豫省宜溝驛一帶

入直大路之東而輝林等處則在大路以西今

賊匪西竄勢必經由宜溝大路該處與入直首

站磁州貼近是以該州前稟撥僱兵夫守禦邊

界今奉

欽定平定教匪紀畧

卷二十一

六

旨令托津高杞帶兵前往自可兜擒堵截托津現駐

大名高杞現駐滑縣均離磁州一帶不遠兩三

日內即可到彼至磁州邯鄲等處當賊匪滋事

之初卽已雇募壯丁協同防守尙恐人少力微

難資守禦查藩司素納現在大名府駐劄臣卽

於本日寅刻飛飭該司星往磁州作速添雇壯

丁上緊團練其迤北邯鄲一帶凡有路達輝林

之處並令查探賊蹤相度形勢一體布置嚴密

而尤以防守城垣爲重并先札飭磁州知州何

道榜飛速趕辦勿使一賊竄入直境至李文成

劉幅明二逆實爲覆載不容神人共憤臣謹遵

聖諭大張告示布示官兵兆庶奮力擒獲上邀

懋賞其自磁州至省沿途驛站臣并飛檄傳知凡遇

南來軍報加緊飛遞臣一得信息隨即馳奏仰

欽定平定教匪紀畧

卷二十一

七

慰

聖懷再臣前奏故城縣拏獲匪犯霍應方等十七犯

現已迎提到省臣親加嚴鞫已據供認與滑縣

匪徒李姓馮克功朱二通同謀逆現在景州人

宿元謨一犯亦據稟報拏獲並所攜推背圖一

本訊據供稱伊拜從故城縣押窩村人劉坤爲

師推背圖係劉坤所傳劉坤之師霍元芳亦居

押窩村並另有徒黨蘇洛俊等十餘人等語臣復提訊霍應方據供宿元謨之師劉坤實係伊徒本年八月內宋二到伊家約令助逆伊同劉坤宿元謨及蘇秀齋朱虎四人並製造白旗上寫奉天開道字樣爲號等供是宿元謨卽係霍應方一黨臣現在飛提宿元謨及所攜圖本一併嚴審並將霍應方宿元謨供出師徒黨與按

欽定平定教匪紀畧 卷二十一 八

名訪拏歸案辦理奏入

上命軍機大臣傳諭那彥成高杞楊遇春曰那彥成等於十九日親督將士進攻滑城因賊衆抵死拒守尙未克復現復添挖濠溝加排鹿角杜賊竄逸該逆等困獸雖闕諒亦不能多延時日惟由封邱竄往之賊現由輝縣之十八盤竄及林縣該匪不西竄大行卽恐北竄磁州一帶關係甚鉅前兩降

諭旨令高杞迅卽前往督辦乃本日摺內那彥成以現有特依順保德寧阿楊芳色爾滾等併力截剿請留高杞在滑縣軍營所辦非是特依順保等四人分屬將領彼此不相統轄現在此股賊內有首逆李文成最關緊要務須確實殲擒助惡之劉峒明等亦必應按名捕戮伊等帶兵打仗雖尙勇往於接仗之外查犯訊供皆非所能且俱不隹奏

欽定平定教匪紀畧 卷二十一 九

事一切軍情賊勢必俟轉報那彥成再行奏聞豈不道路紆折是以特派高杞前往統率辦理以便隨時酌量機宜迅速具奏若謂高杞馳赴輝縣必須挑帶官兵正當圍城喫緊之時恐分兵力則現在特依順保等所帶之兵皆係勁旅爲數已多高杞不過酌帶弁兵數十名跟隨前往到彼後就該處兵力足敷調遣又何必分滑營之兵乎朕因此

股竄匪日深屢念此旨到後如西竄之賊業經特
依順保等兜剿完竣或已攔回滑濬一帶則已如
尚未得手著高杞遵旨即刻起程馳往如再遷延
違旨必不輕恕

上又命軍機大臣傳諭托津曰昨因首逆李文成與
劉惻明賊夥由封邱竄至林縣一帶滋擾當經降
旨諭令高杞帶兵馳往督剿並因林縣與磁州接

欽定平定教匪紀畧

卷二十一

十一

壤恐該逆由彼北竄復諭令托津速率馬瑜富蘭
等帶兵星夜馳回探蹤迎擊托津於接奉諭旨後
想已帶兵由磁州一帶進發此股竄匪現有色爾
滾德寧阿特依順保楊芳追及剿殺日內托津到
彼正可兩面夾擊如將該逆等就地剿滅即查明
李文成等下落迅速具奏務將此一股竄匪悉數
殲除毋令一名攔入直晉邊境為要

上又命軍機大臣傳諭章煦曰章煦奏嚴飭州縣練
勇守禦並飛飭藩司素納馳赴磁州督辦等語所
辦甚是此股竄往林縣賊匪疊經降旨諭令高杞
前往督率特依順保楊芳等帶領吉林黑龍江馬
隊迅速追剿並飭諭托津帶兵由磁州彰德一帶
迎頭截擊一經接仗諒可就地殲除該署督務當
飭令藩司素納督率地方文武各員加意防範以

欽定平定教匪紀畧

卷二十一

十一

杜竄逸並著傳諭素納差派弁兵詳為偵探若托
津等將此股竄匪剿淨並將李文成等逆首擒獲
或追剿南竄俱著飛稟該署督加緊馳奏其所奏
獲犯霍應方宿元謨等供出各犯著飭屬嚴拏務
獲提訊確供如有干涉京城者嚴加鎖鑰解京質
訊如無應行質訊之處均即於保定省城按律辦
理

上諭內閣曰蘭陽縣知縣童泰初前據高杞奏濟
渡難民恐有賊匪潛往勾結將該員革職枷號茲
據那彥成查明所渡實係難民當日均詳加盤詰
有住址姓名細冊可稽並無奸匪混跡現在地方
安靜該員所辦並無不合童泰初前已開枷著加
恩開復原官留於河南遇有知縣缺出卽行補用

欽定平定教匪紀畧

卷二十一

十三

同日刑部奏據順天府解交盧溝司巡檢韓邦

俊率獲九月十五日潛入禁城十八日始行逃

出之田二卽田起祿一犯臣等嚴飭審訊據供

我是宛平縣南大窪人離朱家莊二里今年四

十六歲十六年上劉呈祥邀我入會向林清磕

頭本年九月十三日劉呈祥令大兒子劉幗平

叫我十五日五更進城到南西門外取齊天亮

後在草橋地方隨劉呈祥進南西門順城門到

西安門外見了旗頭董伯旺就跟他到

西華門外時已晌午有一內監出來劉呈祥先進

門去劉幗平在賣柿子筐底下取出一把刀遞

給我我就帶了大兒子田馬兒跟進

西華門把門關了將白布兩塊纏頭紮腰同他們

一擁向北見朝西一個大門業已關閉我們撞

門不開後來官兵隔門縫射出箭來大家都望

欽定平定教匪紀畧

卷二十一

十三

北逃跑出了甬子見官兵從北來弓箭鎗刀抵

敵不住我走到

西華門上了馬道從馬道上跳到房上就下去在

這房內藏躲藏了幾天十八日早爬到靠城的

大樹上跳到城上順城走過門樓往北有一里

多地見外邊城根堆有虛土就跳下去又蹬著

磚塊上了倉房往北行走見有已折房間堆有

漫坡虛土就走下去又見水過河爬石上岸從南邊柵欄門縫擠出由

西華門順城門彰義門逃往家中又逃往河西朱家墳被獲等語謹繕供奉

聞

上諭內閣曰署盧溝司巡檢韓邦俊緝獲逆犯田起祿訊明係九月十五日突入西華門由禁城越墻

欽定平定教匪紀畧

卷二十一

十五

逸出之犯該署巡檢能躡跡嚴拏不令漏網甚屬奮勉韓邦俊著加恩以縣丞即用劉鏗之費錫章督率有方其覆奏陳紹榮不實一案處分著加恩開復

上又諭內閣曰本年九月十五日之變奸民林清倡首作亂其附近村莊隨同助逆者竟有二三百人實屬罪大惡極斷不能任其一名漏網國有常刑

法所不赦其能捕獲正犯者皆予破格施恩如拏獲林清之把總田濤番役張吉等超陞官職重賚

帑金昨順天府奏署巡檢韓邦俊拏獲由西華門逸出之逆犯田起祿審訊明確特將該員以縣丞陞用並將該府尹等寬免另案處分以期羣知鼓勵迅獲兇渠乃連次各處拏獲人犯其中真偽相參在十月十五日以前者審明多係真正逆賊其

欽定平定教匪紀畧

卷二十一

十五

十月十五日以後所拏之犯或僅止習教或全無干涉徒令承審官日夜研鞫廢時曠事所審者皆係無稽之事轉令有名逆犯遠颺漏網似此拖累無辜必至人人危懼轉瞬長至歲朝民間迎神獻歲如香燈爆竹等事皆避忌不敢舉行豈稱綏衆寧民之義朕愛育黎首除莠安良多保一良民增朕之福枉殺一無辜心實不忍著通行曉諭畿輔

億萬戶除有數秀民外其餘皆朕善良赤子宜各安生業無惑浮言現在未獲逆犯中如劉呈祥祝現劉第五等有確知其蹤跡者到官密首拏獲審明立將首告之人厚加賞賚並給與官職若妄報邀功照例治罪其或挾仇誣扳則誣告叛逆律有明條卽以叛逆之罪罪之步軍統領順天府五城亦各以此嚴飭兵役賞罰同之至愚民淫祀邀福

欽定平定教匪紀畧

卷二十一

六

習俗漸染已久並非悉皆逆黨其家有供奉邪神及收藏違禁經卷或自行銷燬或呈繳到官旣經改悔概行免罪該衙門卽迅速臚黃刊布俾衆聞知共喻朕除莠安良咸與維新之意

十一月二十四日訂那彥成高杞楊遇春奏言本月二十日據楊芳特依順保等稟報該鎮等會同德寧阿色爾滾合兵一處自北而南於十

八日由洪縣大廟口迎頭截剿沿途拏獲賊探

訊知賊衆四千餘人在輝縣山內司寨地方屯

聚內有戰手三四百人極爲強壯騎馬甚多該

匪將司寨攻破佔踞背山臨川溝深墻固以爲

負隅之計是日有賊二千餘人赴林縣臨淇鎮

滋擾聞前有官兵攔截仍折回司寨拒守該鎮

等會同商議挑選奮勇步隊六百名又派吉林

欽定平定教匪紀畧

卷二十一

七

黑龍江馬隊六百名先於白土崗前山坳之中

各分兩翼埋伏十九日黎明先派侍衛蘇倫保

遊擊齊慎都司趙起貴守備張作功等帶兵四

百名前赴司寨誘敵賊見我兵甚少寨內卽有

賊匪三千餘人賊首四五人各執大白旗當先

衝突勢甚兇悍蘇倫保等帶兵回馬誘賊賊匪

恃衆直前至白土崗已入伏中楊芳特依順保

各帶步隊伏兵兩翼齊出鎗箭並發蘇倫保等
 回身併力攻擊賊匪抵死不退德寧阿色爾滾
 各帶吉林黑龍江馬隊突出衝殺鎗箭所及人
 馬無不立斃約計殺賊五六百名賊始驚慌奔
 竄官兵大隊追殺數里該匪退至南首山梁拋
 擲石塊仍復向下力撲我兵奮勇仰攻不避矢
 石登時搶上山梁侍衛伊爾通阿扎蘭保蘇清
 阿吉勒彰阿副將會綏遊擊安惠熊敏謙都司
 馬鳴謙守備杜雋童順等分帶馬隊兵丁從山
 嶺抄出山前平地截住去路上下夾攻殺賊一
 千三四百人蘭州督標及固原提標官兵沿山
 趕殺尤為趨捷餘匪僅存八九百人竄出平地
 我兵前後兜圍又殺斃四五百人其餘滾崖落
 澗者無數約計逃回賊寨者僅止一百數十人

欽定平定教匪紀畧

卷二十一

六

官兵乘勝直抵司寨四面圍攻計此次打仗自
 辰至酉共殺賊二千四五百人生擒二百餘人
 奪獲鎗矛旗幟馬匹無算現在訊據活賊供稱
 寨內尚存賊匪五六百人鎗礮齊全有首逆李
 文成並劉幅明在內等情臣等查此股竄匪由
 長垣延津陽武新鄉獲嘉等處沿途滋擾所裹
 脅者諒係各處伏而未起之徒今官兵一經接
 仗卽將賊匪殲擒殆盡該匪困守司寨自可卽
 日掃除軍威所懾由此至彰德順德一帶伏莽
 潛消謠言可息前奉
 諭旨以此股竄匪必有著名賊目在內今訊知首逆
 李文成果在其內仰見
 聖明洞燭機先現已飭令詳悉查探務令弋獲至此
 次殺斃賊匪其中著名賊目諒必不少緣楊芳

欽定平定教匪紀畧

卷二十一

七

等軍行緊急據稟尙須查驗明白再行稟報其
生擒賊匪二百餘人已飭令解營嚴訊此次打
仗吉林黑龍江官兵馬隊極爲驍勇鎗箭無一
虛發蘭州督標固原提標官兵均甚奮勇出力
且有一人而殺十數名賊匪者是以殲戮所加
賊之精銳已盡此股竄匪一淨我兵毫無牽綴
更可併力攻城剋期集事至此次官兵受傷者

欽定平定教匪紀畧

卷二十一

二十

共有七人傷均不重俟查明咨部辦理

同日同興奏言竊臣欽奉

諭旨訪查朱躍濇一犯本日亥刻接據前派理事同
知武隆阿德州知州徐紹薪稟報訪得德州衛
人寄居故城縣郭維畛夙習拳棒當將該犯拏
獲究詰始據供稱認識宋大麻子名叫宋德波
號宋躍濇住居景州焦馬莊等語武隆阿卽會

同徐紹薪帶把總左壽寧外委周殿慶候補千
總王承桂青州前鋒克木能額達杭阿德州候
補驍騎校色清額領催會林并德州滿兵州役
等一百名於十八日前赴景州焦馬莊小洋村
地方將宋大麻子卽朱躍濇並伊子宋德乾拏
獲當卽會同查訊該犯供認屬實臣當卽連夜
飛飭武隆阿會同德州營參將覃廷薦將該逆
朱躍濇并宋德乾等星速解京送交刑部收審

欽定平定教匪紀畧

卷二十一

二十一

一面仍飭該州徐紹薪細訪逆犯馮克善下落
設法務獲查德州一路朱躍濇旣已就獲卽馮
克善到彼亦無可勾結之人臣已飛咨托津帶
兵仍回開州現據探弁回稱逆首李文成在淇
縣輝縣一帶滋擾欲分兩股以一股救援滑縣
等情臣思該逆等如敢復回滑縣則城中之賊

必舍死衝出急需防其四竄當添派候補參將
 傅爾果善都司楊聯萼帶兵三百名在開州交
 界高莊紮營守備劉大用帶兵一百六十名添
 防觀城至四川提督冬隆武經那彥成令其帶
 兵仍回東省臣囑令領兵六百名即在東明縣
 郝士連集駐紮以扼賊匪來路其畢家寨扈家
 集安陵集三處陳廣寧及參將馬建紀那清阿
 仍分營駐劄臣復帶兵五百名策應各路備禦
 嚴密均奏入

欽定平定教匪紀畧

卷二十一

三

上諭內閣曰豫省滑城以外各村賊匪經官兵屢次
 痛剿殲戮殆盡惟餘竄匪一股由封邱折竄輝縣
 擾及林縣訊據賊供賊首李文成即在其內經那
 彥成等分派特依順保楊芳續派德寧阿色爾滾
 帶領吉林黑龍江馬隊並蘭州固原兵丁馳往剿

辦茲據奏該將領等合兵一處自北而南由淇縣
 之大廟口迎頭截剿賊眾四千餘人在輝縣山內
 之司寨地方屯聚該將領等挑選官兵分為兩翼
 先於山坳埋伏待衛蘇倫保前往誘敵賊匪三千
 餘人蜂擁前來賊首四五人各執大白旗當先衝
 突經特依順保楊芳各帶步隊伏兵兩翼齊出鎗
 箭並發蘇倫保等回身併力攻擊德寧阿色爾滾
 各帶吉林黑龍江馬隊突前衝殺立斃賊五六百
 名官兵奮勇搶據山梁侍衛伊爾通阿等又分帶
 馬步兵丁從山嶺抄出山前截住去路上下夾攻
 又殺賊一千三四百名蘭州固原官兵沿山趕殺
 復斃賊四五百人其餘滾崖落澗者無數約計逃
 回賊寨者僅止一百數十人官兵乘勝直抵司寨
 併力圍攻計此次打仗共殺賊二千四五百名生

欽定平定教匪紀畧

卷二十一

三

擒二百餘名奪獲鎗矛旗幟馬匹無算訊據獲賊供稱寨內尚存賊匪五六百人首逆李文成並各賊目俱潛伏在內此股竄匪經該將領等奮勇剿殺殲擒殆盡甚屬可嘉德寧阿色爾滾特依順保楊芳四人著加恩各賞給四喜玉搬指一個花大荷包一對小荷包二個仍俱交部議敘侍衛伊爾通阿扎蘭保蘇清阿吉勒彰阿副將曾綬遊擊安

欽定平定教匪紀畧

卷二十一

五

惠熊敏謙都司馬鳴謙守備杜雋童順打仗出力俱著交部議敘官兵受傷者七人均著照頭等傷給賞現在逆首李文成已困處司寨官兵奮力圍攻即日成擒著那彥成等於破寨擒渠後將奮勇出力各弁兵一併查明據實開單保奏候朕施恩上又諭內閣曰宋躍濠一犯前據林清供出在德州一帶潛匿降旨飭拏茲據該撫奏稱派委同知武

隆阿會同德州知州徐紹薪將該犯拏獲解京武隆阿徐紹薪緝捕奮勉俱著加恩交部議敘

上命軍機大臣傳諭那彥成高杞楊遇春曰輝縣竄匪經官兵剿殺二千數百名餘匪無多困守賊寨自可即日悉數殲擒該逆李文成現在此股賊內該督等當嚴飭楊芳等於攻破賊寨時留心擒捕毋令漏網其賊目劉惻明一犯亦係著名首逆據

欽定平定教匪紀畧

卷二十一

五

稱亦在此股賊內並著於擒獲後一併解京計此旨到時楊芳等自己攻克賊寨掃數辦竣高杞自可無庸前往司寨賊巢既破則滑城外援已絕毫無牽制之虞事機順利那彥成等當鼓勵將領兵丁併力圍攻以期一鼓克復其逆首徐安惻等於城破之後務須留心擒捕嚴密解京軍務大局平定托津前赴滑縣軍營彼時那彥成等會同熟商

再將如何各帶將領弁兵分投駐紮之處遵旨悉心安酌辦理以靖餘氛

上又命軍機大臣傳諭同興日宋躍濼一犯前據林清供出在德州一路糾人此時該犯就擒則馮克善無可勾結惟馮克善係著名賊目兩據獲賊供稱逃往德州恐仍在該處一帶伏匿該撫再嚴飭委員及該地方官嚴密查訪如將馮克善拏獲迅速馳奏必將獲犯之人優予恩施現在德州一路地方安靜無須托津帶兵前往該撫飛咨托津仍回開州防堵所見甚是其西竄之李文成一股本日據那彥成等奏報在輝縣之司寨地方被官兵痛剿殲斃二千四五百人生擒二百餘人賊匪祇剩五六百人李文成卽在其內計旦晚卽可殲擒李文成一股殄除淨盡滑城外援已絕恐潰匪四

欽定平定教匪紀畧

卷二十一

三

出旁竄東境毘連各處同興已分兵駐守務隨時偵探嚴密堵剿勿任一名竄逸爲要

同日托津奏言竊臣於九月二十二日途次大名軍營接奉

訓飭諭旨跪讀之下自知冒昧糊塗辦理紕繆惶愧交集臣於十九日行至大名因接同興來信知德州一路已派登州鎮總兵富通德州城守尉

欽定平定教匪紀畧

卷二十一

三

博卿阿帶兵往查是以現在大名界內地方駐紮等候茲奉

諭旨當卽帶領官兵迅回開州邊界嚴密防堵計大名距開州僅止一百二十里可以一日趕到臣俟滑城攻克之後直境竄匪捕淨仍遵前旨馳赴那彥成軍營會籌善後事宜惟有加意詳慎稍贖愆尤

托津又奏言查剿洗湯二等九村莊賊匪該官兵等或越過濠溝勇往爭先或拋擲火彈焚燬賊巢人人勇敢文職守護城池籌辦軍需亦均出力欽奉

諭旨令臣據實保奏除打仗奮勇之前任浙江遊擊何化龍因軍政才力不及降二級以守備歸部銓選又直隸守備聶士文甫經陞補均毋庸給

欽定平定教匪紀畧 卷二十一 无

予獎勵護軍叅領福英阿職分較大不敢奏請陞擢外所有在事尤爲出力文武各員弁謹開列清單伏候

訓示

同日百齡奏言竊臣前因匪徒有由濮州折竄金鄉之信當經嚴兵備禦茲節據總兵樊雄楚沈烜尙維侗叅將奇理克特縣丞姚鳳階盤獲

匪犯張志等五名臣親提嚴訊張志習離卦教

在定陶劫獄戕官復前往睢州口岸焚燒料塚

係戴均元奏明緝拏要犯又僧宗印亦在定陶

劫獄戕官偽封護國禪師因探聽河南江南官

兵消息在黃崗集盤獲又陳位習震卦教郝因

志習乾卦教均在金鄉葦子坑等處放火搶劫

又楊振祥伊子楊一元習教謀逆前被官兵殲

欽定平定教匪紀畧 卷二十一 无

斃該犯知情不首臣於訊明後即分別凌遲正

法現在逃散餘匪由長垣至豫省封邱延津一

帶向西竄擾距東省金鄉較遠臣已飭將調往

豐縣駐紮之提標官兵仍令回赴礪山楊家集

駐守其單縣黃崗集地方亦尙寧帖并飭令叅

將馬濟勝知府張丕昌等移駐考城所屬石家

樓地方與沈洪駐守之曹考交界大寨集軍營

相為犄角足為豫東屏障臣仍隨時督飭嚴防勿稍疎懈再臣探聞山東單縣地方有僧人緒乾常往來京師行蹤詭譎當飭樊雄楚設法捕獲臣親提研訊據該犯供俗本劉姓又名廣遠係單縣人有胞兄劉林素習震卦教現在已經山東拏獲該僧前在京師西城廣濟寺時劉林及曹縣人布大曾往該寺商同推已經正法教

欽定平定教匪紀畧

卷二十一

三

匪王子重之子王棟為震卦教首並與林清來往多年該犯之戚程伯岳亦係單縣人習震卦教按月遣令伊孫程大秤與林清通信本年三月林清令其傳知眾頭目預備起事七月間林清復告知定於八月十五日直隸山東河南有六十四處地方並京城一齊起事迨八月內又告知改期九月十五日起事後緣金鄉教匪破

欽定平定教匪紀畧

卷二十一

三

案是以各處先後起事不能如期等語詰以六十四處地方及人數姓名該犯不能記憶情詞烟燦現移咨東省將劉林飭解來江與之質對除將供出程伯岳各犯分咨查緝外其震卦教首王棟是否潛蹤京師應據實奏明飭查辦理再據緒乾供稱該犯前在廣濟寺時有太監蕭得祿劉福慶二人到寺認識林清亦同來會晤本年三月間林清令該犯往約蕭得祿劉福慶在

西華門內大慶軒茶館會晤密商作為內應蕭得祿年七十餘歲面色光黑劉福慶年五十多歲面色黃白各等語臣查林清所供知情同謀太監內並無蕭得祿劉福慶二人但該犯既有此供不敢不據實密陳謹將該犯原供恭呈

御覽均奏入

上命軍機大臣傳諭托津日早間據那彥成等奏到輝縣一股竄匪經特依順保等帶兵在輝縣司寨地方痛加剿殺殲斃二千四五百人生擒二百餘人並查明首逆李文成在內祇剩餘匪五六百人困守司寨現在併力攻圍即日定可殲除淨盡並據同興奏到已將德州匪犯宋躍濬緝獲解京飛

欽定平定教匪紀畧

卷二十一

三

咨托津速回開州正降旨諭知托津令其毋庸前往磁州仍回開州防守本日申刻接到托津奏報伊於十九日接奉前旨已由大名回駐開州在彼防堵辦理甚是現在輝縣竄匪指日剿淨李文成即日就擒滑縣已無外援之賊官兵圍攻嚴緊指日克復惟克城之後零匪恐不免潰竄托津防守北面當廣爲偵探如有竄近之賊卽帶兵迎擊以

剿爲堵若賊匪聞大兵在彼於相距較遠之處奔竄托津亦毋庸帶兵遠追恐移師之後賊匪又乘虛而來轉無官兵攔阻總須緊顧北面勿令竄匪一名闖入爲要托津統俟滑城收復竄匪剿淨大局已定卽前赴那彥成軍營會商善後事宜妥協辦理

上諭內閣曰此次剿捕開州邊界賊匪該管兵等或

欽定平定教匪紀畧

卷二十一

三

超越濠溝或拋擲火彈焚燬賊巢莫不踴躍爭先其文職人員守護城池籌辦軍需亦俱奮勉出力護軍叅領福英阿著加恩交部議敘遊擊滿德坤候補遊擊班荆布俱著賞戴花翎遊擊邵能著賞換花翎防禦訥勒賀都司桂朝陽守備李學周千總楊永春郭連雲騎尉蕭廷翼把總閻增壽外委李龍俱著賞戴藍翎委護軍叅領色爾果善藍翎

侍衛吉爾章阿藍翎長扎玉善佐領成順千總郝
殿元張景龍李貴蘇兆瑞于兆麟俱著以應陞之
缺陞用守備王正剛柴連元俱著賞加都司銜額
外外委韓益清兵丁王成吳永魁趙永陞俱著以
把總補用原任副將扎布棟阿巴圖魯馬文斌著
准其開復降二級處分原任遊擊劉英魁著賞給
守備銜署開州知州周衡著賞戴藍翎巡檢沈潮
著以河工縣丞儘先陞用候補河工巡檢厲維梁
著免補本缺以河工縣丞陞用原任知縣陳池養
著准其開復原官以示獎勵

欽定平定教匪紀畧

卷二十一

五

上又命軍機大臣傳諭百齡曰豫省由封邱西竄一
股賊匪擾至林縣經那彥成派撥楊芳色爾滾等
帶領官兵追至輝縣之司寨地方殲擒二千餘人
餘匪五六百人困守山寨官兵併力圍攻即可掃

除淨盡滑城已合圍旬日且晚克復但恐城破後
潰匪西竄該督已將江豫交界之處分派將弁駐
兵防守著廣爲偵探一有賊匪竄近卽嚴密堵剿
其所奏拏獲通賊僧人緒乾訊取供詞并密奏二
件覽奏俱悉林清在京謀逆其勾結各太監姓名
俱經審明究辦廷訊時並經嚴詰未有蕭得祿劉
福慶二人姓名林清之甥董桐太備知逆情所供

欽定平定教匪紀畧

卷二十一

五

亦無二人姓名今據緒乾供出經該督再四詰問
堅供不移宮中太監本確有此二人但蕭得祿雖
係總管久已身故四年矣劉福慶係敬事房筆帖
式向非首領年僅三十餘歲與所供相貌及五十
多歲亦不相符大慶軒相會之語全屬子虛夢話
必是緒乾在廣濟寺時二人赴寺拈香結何仇隙
借事誣扳從此嚴訊必得實情著該督再親提緒

乾研究且毋將蕭得祿久已身故說破先詰劉福慶究竟是何年貌確於何時何地會晤實是何人在旁該犯如仍執前供再詰以蕭得祿久已身故本年四月間焉能在西華門外大慶軒與之相見務令確實供吐不可絲毫含混其王棟一犯已交步軍統領密拏到案嚴鞫與緒乾之供是否相符無難立辨緒乾在京中廟宇遊食有年或偶受蕭得祿劉福慶欺凌挾嫌妄扳亦未可定原供內有與該太監素識之語便可從此根究實於何年因何結識若嚴詰之下該犯執詞甚堅供情確鑿蕭得祿雖已身故劉福慶實係同謀即將供詞先行飛速奏聞一面將緒乾嚴密解京備質如該犯無可質訊亦著於審明具奏後再於該省按律辦理緒乾之兄劉林提到時著隔別訊問錄取確供一

併具奏案情重大該督毋得稍有枉縱

欽定平定教匪紀畧卷二十二

十一月二十五日子戊那彥成高杞楊遇春奏言

竊臣等據楊芳特依順保等馳報該鎮等於十

九日將司寨村莊嚴密圍攻後賊匪拒守不出

二十日黎明督率官兵奮勇攻打屢次越濠攀

牆皆被鎗石所阻直至巳刻復於寨之後面督

令健勇兵丁齊力折牆詎賊鎗石如雨

欽定平定教匪紀畧卷二十二

乾清門侍衛伊爾通阿面帶鎗傷五處胸傷一處

吉林委叅領福林德越牆被戕緣營官兵受傷

居多我兵勇氣益奮不避鎗石至未刻始挖毀

寨牆一段該匪復用門板磚木抵塞滿漢官兵

併力衝入一擁而登鎗箭並發將賊匪壓下寨

牆寨內街道逼窄短兵相接賊勢不支紛紛避

匿民房悉力抵拒查司寨共有民房二百數十

間縱橫高聳皆係磚石砌就又有礮樓七八處

堅不可破賊匪據險擲石鎗礮亂發我兵復受

傷數十名時已酉末該鎮等誠恐逆首黑夜竄

逃萬不得已始行四圍舉火且焚且攻賊匪有

冒烟突火及焦頭爛額而出者共生擒二百餘

名詰訊逆首李文成同大頭目等藏匿房內樓

上尙未被焚楊芳特依順保色爾滾德寧阿率

欽定平定教匪紀畧卷二十二

衆齊入首先登樓樓上突有一賊自稱劉悃明

持刀躍出連殺兵丁二名官兵始行開鎗將劉

悃明擊斃並喝令李文成如果投出餘賊均皆

免死該逆首自出指稱李文成在此只管開鎗

來打我斷不出來等語兵丁等聞聲俱各持刀

撲進詎該逆首自已舉火焚燒賊衆四五十人

羣相擁抱致將該逆首壓斃計寨內賊匪約共

七八百人並無一名得脫者屍骸枕藉隨於積屍中逐加查驗次日黎明並令擒獲活賊詳細辨認內檢出李文成屍身一軀年貌相符頭紫網巾屍身係屬完全兩足夾爛傷痕顯然尙用膏藥敷貼綿布包裹左目有傷面帶鎗箭傷據活賊僉供的係李文成屍身衆口同聲指認屬實又檢出賊首劉幗明屍身一軀亦令活賊辨

欽定平定教匪紀畧

卷二十一

三

認無異並據供稱此股著名賊首李文成劉幗明外餘係王修智宋老秀韓得衆劉幗泰衛揚名下各管戰手千餘人等語復於積屍內檢出王修智宋老秀屍身亦令活賊認明是實又於擒獲活賊中認出韓得衆劉幗泰衛揚三名不惟衆供確鑿且自認不諱餘賊概已燒斃實屬無從辨認奪獲鎗礮刀矛旗幟無數併獲大白

旗一面偽書大明天順李真主字樣現將活賊韓得衆劉幗泰衛揚三犯同挑出正賊二十餘名及李文成劉幗明等屍身解送大營聽候驗訊等情臣等查此股賊匪滋擾封邱陽武延津獲嘉新鄉輝縣等處並及林縣之臨淇鎮意圖北竄相距直隸邊界不遠勢甚鴟張關係非小今將此三四千賊衆三次接仗剿滅無遺事機

欽定平定教匪紀畧

卷二十一

四

順利惟未能生致渠魁辦理究未妥協至目下兵威大震西北一帶人心俱可鎮定伏莽自必潛消臣等現復飛飭楊芳等在於輝縣就近嚴捕零匪務盡根株即日撤兵回至大營併力攻城剋期收復臣等現已札致廣厚囑其前來軍營俟賊犯解到會同嚴審並再將李文成等屍身公同查驗此次陣亡吉林兵丁三名及綠營

弁兵多有受傷者另咨查明咨部辦理

同日同典奏言竊臣接據同知武隆阿德州知

州徐紹薪稟獲宋躍澹等犯當經飭令解京茲

續據該同知等稟送宋躍澹供詞據稱我年四

十三歲景州焦馬莊人平素會拳棒認得滑縣

馮克善他是離字教頭武藝高強有十數人近

他不得去年三月今年八月間馮克善曾到我

欽定平定教匪紀畧

卷二十一

五

家住過十一月初十日日落時候他又來我家

說他十月二十三日起更時同他徒弟牛文成

卽牛亮臣之子並李大成二人帶領五百人出

滑縣西門與官兵連打三仗不能跑出他就叫

李大成牛文成帶人回城他獨自騎著一匹白

馬手拏渾鐵大刀隨後直闖出來奔到南館陶

在河灣子裏過夜二十四日天明時渡河是他

師弟趙老四預備的船過河後卽同至東店子

村趙老四家住了三天因騎馬持刀難走連刀

並馬俱交給趙老四又因原穿衣服靴子都有

血跡細成一處棄在河裏借換了趙老四的衣

服鞋襪並穿了自己墊馬鞍的一件狐狸馬褂

於十月二十七日在趙老四家起身至十一月

初十日來到景州焦馬莊我留他住了幾天到

欽定平定教匪紀畧

卷二十一

六

十五日雇了小洋村劉添祥的驢一匹送他上

隆化鎮他說由獲鹿上蒲州解梁去找他的師

傅唐鬍子保著朱鹽霜卽朱大桃在山西起手

還要與李文成爭勝負等語又詰問馮克善年

貌據稱該匪年三十二歲車軸漢子黃圓臉微

麻胖身量穿佛青線縐黃狐狸皮馬褂藍布面

羊皮一裏圓頭戴毡帽青布單臉鞋有搭連布

被套一個內裝紫藍花布被一床裝作賣藥材的模樣他還說如獲鹿不好走即走祁州等語臣查該犯所供是馮克善甫離景州不過八日行蹤不遠現已飛飭查拏不使漏網謹繕具宋躍瀝供單敬呈

御覽

同興又奏言竊臣欽奉

欽定平定教匪紀畧

卷二十一

七

諭旨將曹州營叅將劉鳳階遇賊曾否受傷或已被戕或係臨陣退縮之處查明具奏查劉鳳階前在定陶縣屬紅蓮坑遇賊力戰衆寡不敵該叅將左肩受有矛傷臣到曹州時驗明屬實因業已痊愈是以前摺未經聲敘再東省現在出有都司守備各缺現當辦理軍務應請以軍營出力人員分別陞補謹開單進

呈伏候

施恩鼓勵均奏入

上諭內閣曰那彥成等奏官兵截剿輝縣竄匪全數殄滅殲斃逆首李文成及賊首劉幗明一摺所辦可嘉之至本年九月十五日之事首逆林清與李文成二人內外勾結約定同日起事適李文成在原籍滑縣被知縣強克捷訪拏研訊其黨羽見事已敗露不能待九月十五之期即劫獄戕官揭竿倡亂林清在京謀逆外援不至迅就捕誅而李文成在豫省指揮逆黨四出焚掠直隸長垣東明山東定陶曹縣等處同時蜂起戕害生靈經朕簡派領兵大員調集數萬官兵會同剿捕該逆李文成潛伏滑城見官兵連獲勝仗於未經合圍之先賊黨劉幗明等乘夜將該逆擁護出城另糾夥衆數

欽定平定教匪紀畧

卷二十一

八

千人由封邱延津陽武竄至輝縣希圖入山奔逸若使遂其奸謀則滋蔓難圖朕之良民受其荼毒者又不知幾千萬人正在屢念適朕前派之吉林黑龍江馬隊官兵星馳到豫那彥成等派令德寧阿色爾滾帶領追又有楊芳特依順保二人管帶蘭州固原勁兵前往合剿追至輝縣司寨山中殲戮賊匪二千餘人首逆李文成率同賊目劉愾

欽定平定教匪紀畧

卷二十一

九

明等數百人負嵎死守本日接那彥成六百里加緊奏報德寧阿楊芳等統率滿漢官兵奮力攻擊不避鎗石折毀寨牆一擁而登生擒賊匪二百餘名李文成避入樓房楊芳特依順保色爾滾德寧阿率衆直入該逆等無可逃避劉愾明自稱其名持刀躍出被官兵用鎗擊斃李文成亦對衆稱名舉火自焚經官兵搶出業已歷斃查驗屍身刑傷

痕跡顯然其餘賊目及從逆夥黨五六百名全行殲戮並無一名漏網實足以彰國憲而快人心該將領及滿漢官兵等倍常奮勇宜加優獎色爾滾德寧阿著加恩各賞加都統銜楊芳特依順保著加恩各賞加提督銜卽先換一品頂戴該四員仍俱賞給雲騎尉世職其本有世職者准其再兼一雲騎尉乾清門三等侍衛伊爾通阿身受六傷賈

欽定平定教匪紀畧

卷二十一

十

勇力戰著加恩超陞爲乾清門頭等侍衛仍賞給勁勇巴圖魯名號再加賞四喜玉搬指一個花大荷包一對小荷包二個又發去玉柄小刀十把瑯翎管十個磁搬指套十個磁翎管十個分賞出力官弁一兩重銀鏢二百個五錢重銀鏢二百個一兩重銀牌一百面五錢重銀牌一百面分賞出力兵丁仍著那彥成等秉公查明官弁兵丁內奮

勇出力應行獎擢者據實保奏候朕施恩陣亡之
吉林委叅領福林德著加等照叅領例賜卹逆首
李文成著於剗屍後傳首河南直隸山東滋事地
方示衆劉幅明亦著剗屍梟示其餘擒獲賊目韓
得衆等審明卽於該處正法此股竄匪洗蕩淨盡
殲厥渠魁滑城長圍已合餘賊聞風喪膽著那彥
成等迅速進攻竚俟捷音再加懋賞將此通諭中

欽定平定教匪紀畧

卷二十一

十一

外知之

臣等謹按賊匪屯踞滑邑彈丸一城以大兵
臨之似可立下而不免被其牽綴者當我軍
進攻之始賊以道口桃源爲犄角之勢故道
口不破桃源不滅則滑城之圍不能合也迨
我兵合圍之後賊又以司寨爲遁逃之藪故
司寨不洗則滑城之破難計日也李文成潛

出滑城謀保司寨彼亦自知滑城之難守而
恃司寨爲可據使稍曠日玩時任其喘息卽
不竄逸他往而布置聯絡相爲應援將以老

我師焉我

皇上揆幾握要

發策如神逐寇追逃亟

申軍志故偏師緊躡旣電擊而雷轟飛騎環攻復星

欽定平定教匪紀畧

卷二十一

十二

馳而雲集遏其鋌走聚而殲旃窮負嶮於數
百里之間快焚巢於一晝夜之頃由是滑城
賊匪勢孤膽寒守無外援遁無三窟我軍乘
勝賈勇專注急攻所由旬日之間蕺全功而
奏大捷也

上諭內閣曰同興奏請以軍營出力人員陞補都司
守備各缺著照所請劉大用准其陞補寧福營都

司張壽寧准其陞補卽墨營守備其泰安營守備員缺著馬成符陞補

上命軍機大臣傳諭那彥成高杞楊遇春曰此股西竄賊匪經那彥成派令楊芳特依順保德寧阿色爾滾率領官兵奮勇追剿數日之間卽將首夥賊匪悉數殲除辦理妥速事機極爲順利此時首逆已除滑城賊匪自必聞風膽落楊芳等搜捕事竣

欽定平定教匪紀畧

卷二十一

七

想已帶領勝兵回營那彥成等當乘此軍威合力進剿指日摧堅盪寇一舉克復朕惟竚盼捷音之至此次殲獲賊匪除首逆李文成等在軍營剉屍傳首梟示外其餘無名賊目不值解京著那彥成等於審明後卽在軍營正法其應訊獲犯據那彥成奏稱札致廣厚前來軍營審訊廣厚到彼後計滑城亦卽攻破所有應訊要犯廣厚幫同訊明卽

令來京陛見速回湖南本任

上又命軍機大臣傳諭章煦曰昨據百齡奏到拏獲邪教案內僧人緒乾一名訊據供稱伊於嘉慶六年在京有原任刑部侍郎范建豐家奴王棟接充震卦教頭王棟本係教匪王子重之子稱呼王三爺緒乾彼時在西四牌樓廣濟寺中曾與王棟林清並王棟之表兄布大同到廟中會面以後王棟

欽定平定教匪紀畧

卷二十一

七

林清時相往來等語當派英和查拏據奏范建豐家奴並無王棟及王三其人只有王二又名巴延已於三日前因銅案擬徒充配保定著章煦卽查明王二曾否到配迅速提案親訊該犯是否王子重之子在范家名喚巴延出外則自名王棟問確姓名再向該犯研訊如何與緒乾布大往來及與林清熟識此三人之外還有何人同謀有無謀叛

情事錄取確供先行由驛速奏又據同興奏拏獲逆黨宋躍滄訊據供稱逆首馮克善從滑縣走出於十一月初十日到該犯家中十五日該犯代爲雇驢送至景州隆化鎮由獲鹿前赴山西並據馮克善告知如獲鹿不好走卽從祁州行走等語該逆馮克善甫於十一月十五日自景州起身潛赴山西由直隸境內行走計尙未能遠颺該署督卽分飭各屬按照所供年貌服色嚴密查拏獲犯後派委委員嚴加鎖鑰解京訊辦本日據那彥成奏分竄輝縣司寨一股賊匪經楊芳等全數剿滅逆首李文成劉幗明等俱已殲斃滑城圍攻周密指日克復直省邊境無虞竄匪擾及惟查拏各處潛逸匪徒最關緊要所有著名逆犯內李文成劉幗明已被殲戮徐安幗午亮臣等現在滑城困守

欽定平定教匪紀畧

卷二十一

五

指日殲擒此外如馮克善一犯卽係最要逆目該署督當督飭各地方文武員弁認真設法躡緝如能弋獲必將獲犯之人優予恩施勉之毋怠若如前次所獲二劉第五俱係假冒屢次僞報成何事體不能宥汝矣慎之上又命軍機大臣傳諭衡齡曰本日據同興奏稱拏獲教匪宋躍滄一犯訊據供稱逆首馮克善於十月二十三日由滑縣逃出十一月初十日到景州宋躍滄家潛住四日十五日雇驢由獲鹿赴蒲州解州一帶尋我夥黨等語該犯係滑縣起事逆首現於本月十五日自景州起身由獲鹿潛赴蒲州解州一帶供詞確鑿今將該犯年貌詳悉示知著該撫遴委明幹員弁並嚴飭地方文武各官嚴密訪緝勿令漏網

欽定平定教匪紀畧

卷二十一

六

上又命軍機大臣傳諭朱勳日前據緒莊等於盛京地方拏獲習教匪犯王士青等訊據供稱聽從京城宣武門外善果寺街教祖奶奶高張氏傳教每年騙錢文送京當飭步軍統領衙門將該犯婦高張氏及伊女李高氏拏獲起出經卷符咒查驗卷冊上蓋用圖書有西漢興隆及雙峯陳印並陳恒義印陳美玉印字樣復查經卷內有陳金聲名字並有家住漢中城固縣興隆寨及訂於陝西漢南樂城興隆山崇德堂等語陳姓潛赴京城傳習邪教必應嚴拏究辦著朱勳即遴派妥幹員弁前赴漢中西鄉城固並漢南樂城一帶各按照住址姓名嚴拏務獲一經獲犯該撫親提訊取確供由驛速奏一面將該犯鎖鑰解京歸案質審

十一月二十七日庚寅

上命軍機大臣傳諭托津那彥成高杞楊遇春日滑城克復後即有搜捕零匪等事有那彥成高杞楊遇春三人在彼足敷分管督辦京城辦事人少托津即可先行回京供職彼時著遵照前旨先將京兵凱撤再陝西西鄉城固等縣現有交朱勳查拏教匪陝西地方緊要各處官兵調出者不少富僧德昨因打仗受傷滑城既克後西安滿洲官兵亦可先撤著即令富僧德管帶回營藉可彈壓地方鎮靜人心直隸各營官兵出征者共有六七千名各處城守亦覺空虛那彥成係直隸總督並著將不甚得力之兵先撤回一二千名交直隸鎮將帶回各歸本汛以資鎮撫其吉林黑龍江馬隊並甘肅蘭州固原得力之兵留為分管駐紮搜捕零匪之用統俟餘匪淨盡地方實可放心再全行凱撤

欽定平定教匪紀畧 卷二十一 七

欽定平定教匪紀畧 卷二十一 六

可也

上又命軍機大臣傳諭方受疇曰司寨竄匪全數剿滅李文成劉綱明均已殲斃滑城指日克復城破之後恐不免有竄匪四逸該撫務督飭地方文武員弁將河岸一帶防守嚴密毋任散竄

上諭內閣曰逆賊林清與李文成二人互相勾結倡首作亂李文成曾兩次到京與林清面訂於本年

欽定平定教匪紀畧

卷二十一

九

九月十五日起事屆期李文成由豫省帶領匪徒數百人來京接應適滑縣知縣強克捷訪知李文成逆謀於九月初間將該逆擊獲到案刑夾收禁賊黨馮克善等因謀救首逆遂聚集徒黨於初七日入城劫獄並突入縣署將強克捷全家戕害彼時李文成徒衆已在本籍搆亂遂不及分派賊黨進京林清不知外援已絕仍守株坐待旋經捕獲

立正刑誅李文成雖一時免脫究因傷重不能步

履在滑城潛伏迄後官兵屢勝賊黨劉綱明等於未經合圍之先將該逆擁護出城乘坐大車沿途逃遁因帶傷不能遠逸旬餘之久僅逃至距滑城二百餘里之司寨官軍星馳追及立予殄戮檢驗屍身傷痕宛然林清李文成二首逆因未遂期會奸謀是以前後授首易如拉朽今全師告捷追思

欽定平定教匪紀畧

卷二十一

十

強克捷首破逆謀厥功甚大而全家慘遭荼毒尤堪矜憫先曾降旨將該故員照例賜卹尚不足以旌其死事之忠強克捷著加恩照知府例賜卹並著入祀京師昭忠祠交該撫查明伊尙有無遺嗣著於服滿後承襲世職送部引見以示酬獎忠勲恩施優渥至意

臣等謹按前暴除奸守土者實有專責至於

危身報

國授命成仁在臣子亦分所當然強克捷身為邑

宰值奸人倡亂期約已成一經訪問亟加捕

治雖陳三木未備五刑僅使不良於行惜猶

未抵於法旋以事起倉卒身邁艱屯未銷伏

莽之憂終肆滔天之孽彼其心有遺憾尙何

功之敢言我

欽定平定教匪紀畧

卷二十一

皇上嘉其死事之忠前已

賜卹如例茲因司寨之捷

念其首破逆謀使李文成不能遠赴期會迅就殄誅

綸言載錫

渥典優施嗣是次年閏二月四月復前後兩奉

恩旨以其功在社稷

惓惓不忘

賜諡忠烈給騎都尉世職復於韓城本籍建立專祠

長子逢泰奉

命襲職次子望泰又

賞給舉人其罵賊不屈致被縳割之長媳徐氏仰蒙

特加矜憫

勅贈節烈恭人建坊旌表並查明其從難之戚友僕

婢悉於祠內列祀因是

欽定平定教匪紀畧

卷二十一

推恩韓城士子永增學額

隆施稠疊曠代所希非徒強克捷全家銜感

厚恩其闔邑歌詠

聖澤凡海內臣民胥皆欽感

皇仁廉頑立懦矣

上又諭內閣曰九月十五日首逆林清分遣匪黨突

入禁門其時西華門官兵全未擒捕以致賊夥數

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十

十人盡數闖入門被賊開搜捕兩日始行淨盡該官兵等厥咎甚重是以概行發遣東華門當賊匪突入之時經官兵等卽行攔截將門扇掩闔祇闖入賊匪五名其二名於蒼震門內擒獲餘三名卽在東華門內殲斃現在節次拏究逸犯因東華門關閉後逃回者甚多是該官兵等尙屬功多罪少著加恩將前此革職之副叅領雙福降一等補用

欽定平定教匪紀畧 卷二十二 三

護軍校真武保雙全俱賞給護軍其斥革之護軍巴彥圖官紹傅森布泳恰布全泰崑崙保鐘安瑪達春雙祥富清阿德克金布富克精額嚴喜那林俱賞給馬甲

上又諭內閣曰各省邪教之起其始止於燒香拜會聚衆歛錢或由數人至數十人多亦不過百餘人地方官一經訪問隨時拏獲按律懲辦邪說自可

漸熄無如州縣官因循怠玩於所屬村鎮匪徒夜聚晝散傳教授徒等事俱視爲固常不加究詰久之奸民徒黨衆多潛懷悖亂養癰滋蔓貽害至不可勝言前特降旨寬免地方官失察處分以除諱匿之弊仍恐伊等存畏事之見不認真查辦著再通行申諭嗣後各直省州縣官到任後先周歷村莊稽查保甲將境內有無邪教申報該管上司如

欽定平定教匪紀畧 卷二十二 三

訪有萌蘖立即查拏究辦毋稍玩泄倘飾有爲無化大爲小經上司訪聞將該州縣從重叅處若州縣詳報而上司諱匿消弭該州縣直揭部科代爲陳奏將該管上司嚴懲不貸

上又諭內閣曰京營叅將趙廣德自九月十五日以緝獲案犯甚多審訊皆係正犯並無妄拏被累者係屬認真辦事之員著加恩賞戴花翎仍賞加

一級以示獎勵

同日董誥等奏將續經各衙門鞫獲審明聽從

入教之劉順兒等二犯擬發新疆給額魯特為

奴其鄭趙氏一犯改發駐防又應行緣坐之龔

以文等七名擬發新疆給官兵為奴其陳氏即

桂兒等十三口發往駐防並將年未及歲之龔

吉兒等八名口一併隨同犯母赴配為奴又聲

欽定平定教匪紀畧 卷二十一 三五

明廣東福建四川甘肅駐防四處女犯已有一

百五十名口人數太多請酌添杭州江寧兩省

駐防均勻發遣得

旨陳氏即桂兒著改發新疆給額魯特為奴其鄭趙

氏等十三犯仍著於廣東福建四川甘肅四省均

勻發遣毋庸分遣杭州江寧兩省餘依議

上又諭內閣曰此次逆案内發遣各處駐防為奴人

犯本皆法無可貸因人數衆多不忍誅誅從寬貸

其一死該犯等到配後著各該將軍都統等散撥

各處安插勿令聚處仍嚴加管束如有不遵約束

或故智復萌在彼傳教斂錢及乘間脫逃者該將

軍等拿獲審明一面奏聞一面即在該處正法毋

稍寬縱

同日托津奏言竊臣前於十七日冒昧由開州

欽定平定教匪紀畧 卷二十一 三五

移營仰蒙

飭訓當即於二十二日帶兵馳回旋於南樂途次接

奉

硃諭令赴磁州一帶堵剿竄匪隨率同馬瑜等星夜

帶兵轉回茲行抵磁州接據那彥成來信西竄

賊匪四千餘人經楊芳等剿洗淨盡其逆首李

文成劉惻明等在司寨自行舉火燒斃滑縣以

外再無成股賊匪指日消城攻破開州一路急
須防堵臣拜摺後仍帶領官兵趕回開州邊境
嚴密堵禦奏入

上是之

同日方受疇奏言竊臣前奉

諭旨確查李得水供出各情臣當將巡撫及臬司兩

衙門各處文稟通行檢查均無報案又密飭臬

欽定平定教匪紀畧

卷二十一

三

司諸以謙馳赴太康並派員前往遂平山內按

照供內所指詳加訪緝據諸以謙等稟報詳查

太康烟戶冊籍委無李得水所供趙得隴趙得

鳳徐茂恭三犯其遂平縣嶺岢山等處並無外

來遊民該處民人俱不知太行山小鐵梁名目

是李得水節次供詞毫無影響均不足信奏入

得

旨軍機大臣會同刑部提訊李得水錄供具奏

十一月二十八日卯章煦奏言竊臣前奏李獲

匪犯田克歧等散旗惑眾一案續據正定鉅鹿

平鄉等縣稟報拏獲吳錫光倪洛修王洛達等

二十餘犯並取獲黃紅號及藍布小旗數百面

與前獲旗樣書寫字跡大概相同當經訊明此

項旗面係大乘教案內現禁大名府監殺犯李

欽定平定教匪紀畧

卷二十一

三

經給與其子李秋式樣交田克歧製造惑眾並

另給其妻存有木職等情查田克歧等俱在省

南與豫省之賊聲息相通今得先期獲破自應

澈底搜拏以除奸慝臣現在飭緝李盛元李拐

子張九成張順添張六及其餘供出各要犯一

併提省究辦謹將所訊供詞先行奏呈

御覽再臣遵

旨查拏范建豐家奴現在充徒之王二卽王彥又名

巴延一犯到案一併訊取供詞進

呈一面將該犯解交刑部歸案審辦

上命軍機大臣傳諭章煦曰章煦奏續獲匪犯吳錫

光等供出黨夥多係前歲所辦大乘教案內散會

首今復敢潛蓄逆謀散旗給衆實屬罪大惡極該

署督飭令地方各員獲犯破案俾該匪等不致聚

欽定平定教匪紀畧

卷二十一

五

集滋事所辦甚好該署督卽飛飭所屬將供出之

要犯李盛元李拐子張九成張順添張六等及所

供逸犯務按名悉數緝獲親提嚴究訊取確供一

面具奏一面卽將各犯於保定省城正法此等怙

惡不悛之徒斷不可稍存姑息務須嚴行懲辦勿

留餘孽該署督及獲犯破案各員俟拏獲首逆審

明定案後再行分別施恩至李經一犯前因大乘

教案內爲從問擬絞罪免勾監禁大名府獄膽敢

製造旗式給與其子李秋並給其妻收存木器職

轉惑衆啓不畏死著該署督將李經提至省城訊

明按律正法示衆此外尙有同案之李景幅呂興

旺劉美負三犯分禁順德廣平永平三府獄內該

犯等本非善類前次得邀寬典今李經一犯復敢

潛肆逆謀則李景幅等三犯斷難再留著該署督

欽定平定教匪紀畧

卷二十一

三

密飭順德廣平永平三府卽將李景幅呂興旺劉

美負三犯立即監斃以絕根株至馮克善各犯該

署督飭屬嚴緝毋稍疎懈

上命軍機大臣傳諭百齡曰前據百齡奏拏獲僧人

緒乾在京與王棟林清彼此勾結認識當卽飭查

王棟係范建豐家分給爲奴之犯因另案充徒保

定隨飭交章煦提訊茲據奏訊王棟供稱伊因其

父王子重案內緣坐分給范建豐家爲奴嘉慶六年夏間有親戚布大勁兒同西四牌樓廣濟寺和尚並林清一共三人前來探望遂與林清相識並會到寺回看布大勁兒之父亦係教中人與伊父同案犯罪布大勁兒在逃未獲因其母亦在京爲奴時常進京看望並與林清契好故此引來與伊相會其廣濟寺和尚亦係山東人記不真法名惟

欽定平定教匪紀畧

卷二十一

三

稱呼慶師傅伊實係東方教頭股下約有三百餘人內布大勁兒並布二勁兒及伊堂兄孫兒響兒俱係伊父王子重舊日頭目因伊年輕又在京不能照管俱係布大勁兒等四人在山東辦事布二勁兒先亦解京分給范建中爲奴旋即逃去不知去向其餘股下人分散山東河南地方伊不能指出姓名亦無底冊可查等語王棟一犯現令解京

交刑部研訊其在保定所供與林清緒乾往來認識與百齡前奏大畧相同惟廣濟寺和尚稱爲慶師傅著百齡提訊緒乾伊前在廣濟寺充當知客時是否另有法名有慶字在內該僧人係東方教頭手下有三百餘人其布大勁兒布二勁兒王孫兒王響兒均在山東幫伊辦事其行蹤下落緒乾自必備知著向緒乾嚴訊按名查拏務獲審明按

欽定平定教匪紀畧

卷二十一

三

律治罪並嚴訊伊等與林清如何勾結謀逆務令確實供吐無稍含混如京城尙有逆黨潛伏訊明姓名住址飛速奏聞至緒乾所供約會太監蕭得祿劉福慶一節王棟供內全未提及蕭得祿實係總管但爲民已七八年病故又已四年其人素好念經拜佛常向各寺院燒香廣濟寺亦其素常往來之處彼時劉福慶尙係散太監常隨蕭得祿出

入或曾同至廣濟寺與緒乾會面伊二人皆語言尖薄或竟有凌侮緒乾之事此時緒乾挾嫌誣扳亦未可定百齡審訊時不可將蕭得祿久已病故先向緒乾說破但設法向伊駁詰伊無可置辯自必吐露真情獲有確供迅速由驛覆奏尙有程大秤一犯此時究在何處嚴訊確實具奏

上又命軍機大臣傳諭章煦曰馮克善一犯昨據宋

欽定平定教匪紀畧

卷二十二

三

躍澁供出本月十五日由景州隆化鎮前赴山西並有繞道祁州之語其年貌衣履昨日詳細飭知該犯爲逆匪渠魁前此曾據賊供林清係天皇李文成係人皇馮克善係地皇今林清李文成皆已殲戮惟該犯尙未就獲或此時尙在直隸境內著章煦務多派妥幹員弁於直隸赴山西各關津隘口及村莊客店詳細盤詰期於必獲一經拏獲卽

嚴行鎖鑰解京必將該署督及獲犯之員厚與恩施再滑城合圍已久計日當可攻復數日未據那彥成等奏報甚爲懸厪此數日軍營曾否進兵直隸附近豫省州縣必有稟報著章煦先行奏聞以慰厪注

十一月三十日

衡齡奏審辦捏名控告王銀

欽定平定教匪紀畧

卷二十二

三

等誘賄輸錢逼欠情迫捏寫書信布旗誣王銀廣王泳年與牛亮臣勾結謀反屬實比對筆跡相符請將秦定宇照例擬斬監候秋後處決王銀廣王泳年局賄釀衅各杖一百徒三年等因奏入

上諭內閣曰衡齡奏拏獲捏名誣陷王銀廣等案犯秦定宇審明分別定擬一摺此案秦定宇因被王

銀廣誘令賭博輸欠情急輒假捏叛匪姓名書信
誣人謀逆重罪且於布旗內書寫悖逆字樣現當
匪徒滋事之時該犯圖洩私忿造作逆詞搖惑人
心情節尤爲可惡該撫照例擬以斬監候不請旨
卽行正法所辦未免拘泥秦定宇著卽處斬並著
該撫出示曉諭地方居民如知有真正謀逆之犯
赴官首告一經審實必當重加獎賞若挾嫌誣捏

欽定平定教匪紀畧

卷二十二

五

審明後亦必重加懲辦立正典刑庶小民共知勸
懲不敢以假亂真至王銀廣一犯誘令秦定宇賭
博以致釀成此案擬以杖徒尙覺輕縱王銀廣著
杖一百發邊遠充軍餘依議

臣等謹按邪匪滋事之初其伏匿未動者不
少或由官司捕戮或由閭里告發爬梳剔抉
草薶而禽獮之而無賴游民乘機作僞挾嫌

報復遂有藉端誣讒者夫叛逆不得不辦奸

尤不得不懲使不澈底究明從嚴剖斷非所以

靖民心而彰治道也是編所載如秦定宇孫

國柱劉大秋許告諸案其尤甚者我

皇上於衡齡審辦秦定宇一案以其僅擬斬候辦理

拘泥

降旨將該犯卽行正法並令出示曉諭地方居民凡

欽定平定教匪紀畧

卷二十二

五

首告謀逆得實者必重加獎賞虛捏者必立正典

刑

賞罰昭然勸懲不爽孫國柱劉大秋兩案皆照此辦

理此外隨時懲創者尙不一而足故前後捕

訊數百起真正賊黨悉皆破露而善良得以

自伸諱張不能爲幻良由

到治清明不敢以僞亂真也

衡齡又奏言竊臣前經奏明親赴潞澤一帶嚴防茲查司寨賊匪業經官兵剿捕殆盡惟滑城克復在即恐有賊匪潰竄必須嚴密堵剿查黎城陵川壺關及潞城等縣各隘口佈置均尚周密惟山外地方遼濶張績駐兵山旺莊地方相距尚遠臣擬將續調大同兵五百名卽在山外之寶泉地方設卡防守派汾州營參將馬驥管領使隘口內外兵勢益加聯絡臣仍帶撫標兵二百名督率巡防不敢疎懈

同日署古北口提督文寧奏言前經欽奉諭旨密查曹綸在獨石口有無約人入會私製器械及現在有無匪犯潛匿各情當經派員逐細察訪查曹綸舊管兵丁內並無聽從入教之人亦無私蓄器械馬匹惟據兵丁郭全供十月二十三

日曾有曹綸第三子交給書信一封令其帶京現將此信呈出臣等查閱信內並無別故現在該地方甚屬安靜奏入均報

聞

欽定平定教匪紀畧 卷二十二 三

欽定平定教匪紀畧卷二十三



十二月初一日甲午

上命軍機大臣傳諭同興曰日本日據調任雲南騰越鎮總兵陳廣寧謝恩摺內附奏拏獲太行山口司寨及滑縣道口逸匪一百七十八名盤出偽知府王學禮偽參將宋惻新偽總兵朱文盛及受偽職都司知縣等官並賊探董繼文等現均解送曹州交撫臣嚴訊等語東省現無剿捕事宜惟地方甫就肅清民氣未復而附近時有潰散之賊此時撫卹難民搜捕零匪二者最關緊要該撫務盡心辦理勿稍疎懈如此次獲犯內王學禮一犯前經同興奏明係屬著名賊目自必備知賊情其餘卽受偽職各犯均著該撫親提研鞫訊以京城內外及附近地方尙有無潛匿匪夥近日有無遣人來京

欽定平定教匪紀畧

卷二十三

十一

勾結約期情事如訊出緊要供詞卽飛速密奏留

犯預備解京質訊如無可質對者審明卽在該省

正法此外逆犯除牛亮臣徐安惻現在滑城馮克

善雖有逃赴直隸山西之供東省仍應留心緝拏

再王進道一犯前在東明起事被官兵剿敗尙遣

人渡河窺伺汴梁至今未得下落亦著上緊躡緝

其京中逸犯祝現劉第五劉呈祥董伯旺數名一

欽定平定教匪紀畧

卷二十三

十二

併飭屬嚴密查拏勿任漏網凡該省拏獲正法之

犯並著開單附便具奏京中查對姓名卽可停其

訪緝

十二月初二日乙未同興奏言竊臣於十一月二

十七日續據委員武隆阿等稟稱該委員等將

宋躍澂起解之時覆加研訊據供馮克善到該

犯家中說明實係由獲鹿祁州一帶往山西蒲

州解梁去至該犯向來實不認得林清亦不認得董綱太惟該犯次子宋玉林曾經到京見過董綱太或因此知道該犯名字亦未可定等語臣查前准那彥成咨開滑縣賊目卽有宋玉林之名查核年歲又與現供相符其爲確係宋躍瀝之次子無疑且馮克善於八月十一月兩次在該犯家住宿多日此時旣欲西往解梁何以轉向北紆道數百里至該犯家中顯係欲與勾結該犯恃無質證飾詞狡賴除宋躍瀝業已解京外理合繕錄供單敬呈

御覽

同日章煦奏言臣接准同興咨會將逆匪宋躍瀝並宋樹得宋得乾三犯委員解赴刑部審辦等因當經飭派兵役護解去後茲據雄縣知縣

欽定平定教匪紀畧

卷二十三

三

何維綺稟報宋躍瀝解至該縣地方於十一月二十八日身死等情查該犯被獲時曾經拒捕經兵役等用鐵錘打破左腿踝流血不止前據同興知照在案今在雄縣因傷身死已據該縣驗明出具印結交委員赴部呈報均奏入

上命軍機大臣傳諭那彥成高杞楊遇春日昨據同興奏訊之獲犯宋躍瀝供稱賊目馮克善於十月

欽定平定教匪紀畧

卷二十三

四

間自滑縣逃出十一月間由該犯家起身赴山西蒲州解梁定於十二月十九日從解梁起手等語現已降旨諭令衡齡密委幹員前往解梁密拏馮克善如有拒捕情形該撫一面帶兵擒捕一面知會那彥成派兵協剿該督等接奉此旨著先行派人迅速前赴晉省密行偵探倘衡齡派員往捕該犯等竟有蠢動情形無論滑城曾否攻克卽令高

杞分帶得力將領抽撥吉林黑龍江各處勁兵迅速前往剿辦勿稍稽遲若稍因循重治高杞違旨之罪斷不寬恕現在豫省竄匪俱經剿淨滑城合圍已久計日自當克復朕亦不降旨飭催惟數日未接該督等奏報軍營近日作何籌辦克城約在何時確有把握先行奏聞以慰懸注

上又命軍機大臣傳諭衡齡曰前據獲犯宋躍濇供

欽定平定教匪紀畧

卷二十三

五

出逆首馮克善前往山西蒲州一帶節經降旨諭令衡齡嚴密查拏今復據供稱馮克善實係前往蒲州解梁已無疑義著衡齡卽遴派明幹精細員弁密赴解梁查拏斷不可漏洩風聲令其免脫倘此時徒黨已聚竟聞拏抗拒滋事該撫一面就近調派官兵星馳剿捕並一面飛咨那彥成等分派官兵前往剿辦事關萬分緊要若稍遲延重治不

宥慎之宋躍濇供單並著抄寄閱看

上又命軍機大臣傳諭章煦曰本日據同興奏到訊據獲犯宋躍濇供稱馮克善此時由直隸獲鹿祁州一帶前赴解梁確鑿可信章煦已分投派人截拏並於沿途地方躡緝務須嚴密偵捕勿任私越其宋躍濇一犯已於雄縣監斃該犯聽從馮克善糾約亦係逆黨著章煦卽派人前往雄縣將該犯

欽定平定教匪紀畧

卷二十三

六

戮屍首級解赴景州梟示又據宋躍濇之叔宋樹得在京供出宋躍濇有長子宋長磬次子宋玉林尙未拏獲伊夥黨朱扞甲劉元霍雲方周之得李勝得郭維畛陳文思各犯均須一體查拏究辦除李勝得一犯據宋樹得供已在阜城縣拏獲霍雲方一犯查明是否該省故城拏獲之霍元方外其餘未獲各犯將年貌住址開單發交章煦一併飭

屬查拏務獲

上又命軍機大臣傳諭同興曰同興奏續經訊出逆首馮克善前往山西蒲州解梁約人起事已降旨諭令銜齡迅速密拏矣本日刑部訊據宋躍澐之叔宋樹得卽宋樹鐸供稱宋躍澐之子宋玉林曾從馮克善學習槍棒宋玉林傳與周添喜卽周德謙及黃四二人周添喜住德州衛頭屯黃四住德州南留智廟著該撫卽按照居址飭拏拏獲後研訊有無謀逆情事按律定擬具奏其宋躍澐之子宋長罄宋玉林雖籍隸景州或就近逃往德州一帶潛匿亦未可定並著一體嚴拏毋任漏網

上諭內閣曰文孚經理山東糧餉尙無貽誤現在東省賊匪早經剿捕淨盡邊界分駐防兵所需糧餉無多著同興卽委本省局員樽節辦理文孚接奉

欽定平定教匪紀畧 卷二十三 七

諭旨卽行來京供職

上又諭內閣曰黃鉞奏失察武生從逆之教官請旨革職一摺馮克光身係武生膽敢戕官劫獄爲著名賊目情罪重大該管教官失於查察非尋常疎懈可比荷澤縣訓導兼理曹州府教授朱旋著卽革職

上又諭內閣曰張鵬展奏在山東學政任內失察武生從逆本應交部嚴加議處其於金鄉縣邪匪謀逆鉅案一聞稟報卽飛咨同興查辦並向該撫力言必應奏聞辦理同興始飭縣拏獲崔士俊等究出首逆林清奏明立就捕誅該學政功過尙足相抵著加恩免其嚴加議處惟學政本有奏事之責張鵬展彼時不先行奏聞亦有不合仍著交部議處

欽定平定教匪紀畧 卷二十三 八

同日同興奏審辦城武縣已革助教銜劉竹縱令子姪糾搶一案訊明該犯子姪糾約多人出外搶掠皆在劉竹門外會齊劉竹貪利縱容坐地分贓屬實該犯到案供出曾做詩寓意內有食粟或非盜跖樹存心猶慕首陽清之語見其不愛分贓情殊狡詐除先將已獲之劉林奇等十二犯正法外該犯值邪匪滋事之時乘機擾害應問斬決現已監斃仍戮屍梟示奏入報

欽定平定教匪紀畧

卷二十三

九

聞

十二月初三日兩那彥成高杞楊遇春奏言據特依順保楊芳等將逆首李文成並賊首劉幗明宋老秀王修智等屍身及活賊韓得中等二十八名解到滑縣廣厚亦由衛輝來營當卽會同查驗逆首李文成及劉幗明等屍身皆確鑿

無疑當將李文成判屍梟首傳示三省被擾地

方其劉幗明等亦判屍梟示並刊刻告示曉諭

三省民人俾知逆首殲除人心鎮定所有白土

崗司寨兩次擒獲活賊四百餘名內受傷甚重

及無關要供者均已就地正法外現據解到之

韓得中等二十八名亦已審明辦理又據司寨

附近村民擒獻零匪七八十名同各營卡拏獲

欽定平定教匪紀畧

卷二十三

十

五十餘名均經楊芳等先後正法又輝縣獲解

十六名亦經飭令地方官就近於衛輝郡城一

併正法訖再前奉

諭旨劉幗明帶領夥賊西竄有呂均台王學義羅幗

旺王金斗宋克俊等同行應逐一查明下落臣查

宋克俊卽係宋老秀已在司寨殲斃又據現獲

賊目申文顯供稱呂均台羅幗旺二犯均係劉

綱明手下兌卦頭目各管三四百人俱於十九日在白土崗中鎗身死王金斗一犯係王修智手下與卦頭目管三百人於十九日中箭身死並據現獲賊目秦理供稱王學義亦於司寨燒斃謹將已經殲獲各賊目及未經殲獲者一併開單恭呈

御覽現在楊芳等原帶之兵均已撤回大營其司寨

欽定平定教匪紀畧

卷二十三

十一

山內派令叅將雙福帶山西兵二百名在彼彈壓

那彥成等又奏言臣等欽奉

諭旨令查明出力官弁兵丁據實保奏謹會同查明

詳加確核分別開單恭呈

御覽伏候

施恩鼓勵再督標中軍副將張大振平日整頓營伍

操練認真此次在道口滑縣節經剿賊奮勇該副將前已保舉堪勝總兵奉

旨記名理合一併附奏再吉林委叅領福林德隨同

攻破司寨後有賊匪七八十人逃入民房悉力

抗拒福林德奪門撲進舉刀連砍二賊詎賊眾

擁出致被鎗傷陣亡時福林德之弟甲兵伊常

德見兄倒地奮不顧身直前殺賊同時中鎗陣

欽定平定教匪紀畧

卷二十三

十一

亡隨經伊弟領催哲明德伊姪甲兵靈星德二

人超出眾兵將房屋圍住搬運柴草舉火焚燒

始將賊眾七八十人一併燒斃查福林德伊常

德弟兄二人同時殺賊捐軀被害甚慘哲明德

靈星德旋將賊眾全行燒斃義勇足嘉謹一併

據實陳明恭候

施恩卹賞

那彥成等又奏言查現在各營陸續出有武職各缺臣等公同酌擬擇其歷次打仗奮勇出力者分別請補謹開單進

呈伏候

施恩鼓勵

那彥成等又奏言據色爾滾德寧阿特依順保

楊芳等回營面稟此次官兵於十九日在白土

欽定平定教匪紀畧

卷二十三

三

崗剿賊已經得手嗣賊匪佔據山梁向下力撲

二次官兵正在奮勇仰攻詎河南官兵同西安

滿營健銳營弁兵竟有不肯向前者經特依順

保楊芳等將河南兵二名立用腰刀砍倒衆兵

始皆畏懼一齊衝上山梁將賊匪追退下山盡

數剿戮查帶兵打仗全在領兵之備弁旗手督

率前進今查出河南盧氏營守備左傳文西安

營驍騎校穆蘭健銳營前鋒校查當阿副前鋒

校倭什布明福等五員帶兵畏葸稟請查辦臣

等當將左傳文等先行摘去翎頂請

旨將左傳文穆蘭查當阿倭什布明福等發往伊犁

充當苦差仍在戍柳號一年以示懲儆其餘兵

丁臣等已分別懲辦

同日方受疇奏言竊照滑澗二縣被賊村莊蒙

欽定平定教匪紀畧

卷二十三

四

恩賞給兩月口糧茲查賊匪由長垣闖入封邱經過

陽武新鄉獲嘉輝縣林縣等處村莊同遭焚掠

所有該處難民應否照滑澗二縣一體

賞給兩月口糧伏候

訓示至大河南北各州縣積歉災傷情形過重時屆

隆冬各處無業貧民饑寒交迫臣除與司道暨

各府州縣倡捐煮賑並勸諭紳士富民捐貲辦

理外合無仰懇

聖慈俯准撥常社倉穀於本年十二月明年正月

設厰煮賑兩月出自

恩施其閩鄉西華項城鄆城四縣因收麥被霜續報

歉收應請一體煮賑兩月俾資口食至附近滑

濬各縣除賞給口糧之外此時賊氛未盡應無

庸煮賑以免別滋事端均奏入

欽定平定教匪紀畧

卷二十三

十五

上諭內閣曰那彥成等奏查明出力文武員弁兵丁

據實保奏一摺前經官兵將分竄輝縣司寨大股

賊匪全數剿滅並將逆首李文成賊目劉幗明等

殲斃當降旨交那彥成等詳查出力弁兵奏請鼓

勵茲據查明保奏其滿營出力弁兵內營總和福

巴圖魯舒爾哈善著加恩賞加副都統銜佐領永

海賞給幹勇巴圖魯名號特里善賞給堅勇巴圖

魯名號營總阿爾遜賞給捷勇巴圖魯名號委叅

領巴圖魯賞給健勇巴圖魯名號德海賞給藝勇

巴圖魯名號德林保賞給勁勇巴圖魯名號二等

侍衛蘇倫保賞給迅勇巴圖魯名號叅領巴揚阿

德清佐領安出拉額布臣驍騎校貴當阿富色訥

領催永謙岱親保富里善俱著賞換花翎叅領柯

仁阿巴爾精阿俱著賞戴花翎營總巴圖魯富柱

欽定平定教匪紀畧

卷二十三

十六

著以協領補用副叅領諾木齊著賞給頭等侍衛

委章京伊勒東阿達明善委叅領額勒謹花良阿

委驍騎校德升領催柯敏阿俱著以驍騎校陞用

藍翎長朱勒格訥額勒登布藍翎領催伊林善慶

德領催綽哈訥伊靈阿富青阿領催委官英陞額

甲兵額勒精額俱著賞給額外驍騎校三等侍衛

金齊仙保著賞給二等侍衛藍翎侍衛吉爾章阿

著賞給三等侍衛前鋒訥清阿綽鸞泰博爾洪武
 全祿烏爾滾布委章京倭仁保德伸委官興德常
 喜保和善錢德色普正額領催武勒登額富倫泰
 佛爾洪阿扎拉芬圖明阿噶勒明阿西朗阿童保
 山清安布丹泰保富珠瑚六十五三官保烏靈額
 伊克唐阿烏爾恭保卜算保倭德倭興額砥勒罕
 保舒爾德訥古瑚屯玉祿委驍騎校長壽委領催
 阿寧阿馬甲和綳額烏爾滾保伍崇額清海依成
 額色布青額福勒通保披甲伊勒賡保穆克登保
 鄂克敦保伊克精額甲兵噶興阿額勒謹穆騰額
 伊興德蘇隆阿多拉岱額勒德慎穆騰策薩尼布
 記名驍騎校圖木魯營總武爾卿阿馬兵達沖阿
 護軍色卜興額前鋒校德會俱著賞戴藍翎其綠
 營出力弁兵內都司趙啟貴著賞給驍勇巴圖魯

欽定平定教匪紀畧

卷二十三

七

名號遊擊馬正元都司馬鳴謙守備唐倅千總張
 作功王萬得饒成富俱著賞換花翎遊擊安惠著
 賞戴花翎守備郭鵬起千總李步月許福顏生貴
 把總米兆元稽天喜羅永忠張朝玉王貴蕭福祥
 馬呈堦外委馬仕祿朱啟鯤郭玉蒙世恒張武唐
 占魁杜佐清馬騰蛟楊烈王一鳳武舉楊兆麟武
 生馬兵朱連升額外外委廖再富王貴李國彥王
 萬慶門登第馬兵馬廷俊萬代興單萬邦王保元
 牛化麟李元魁林懷玉柴得元譚國耀馬魁張鳳
 鳴徐梅王殿卿白朋林甘貴許正英俱著賞戴藍
 翎遊擊熊敏謙守備杜縉童順千總魯福山陳貴
 馬連陞俱著以應陞之缺陞用先換頂戴革職千
 總徐國楨李朝陽俱著開復原官其隨營差委出
 力之河南試用知縣曹貽澤著加知州銜候補未

欽定平定教匪紀畧

卷二十三

六

入流姚璈著以應陞之缺陞用甘肅武威縣知縣
 宋炳著以同知直隸州卽補先換頂戴陝西丁憂
 候補知縣徐潤俟服闋到陝補缺後著以同知直
 隸州補用先換頂戴甘肅丁憂西寧縣知縣李耀
 服闋後卽著留於河南以知縣卽補陝西候補州
 同王金華著以應陞之缺陞用甘肅隆德縣典史
 沈在光著以應陞之缺先儘陞用山東候補縣丞
 捐陞通判陳建著留於直隸儘先補用捐納縣丞
 沈玉墀著留於河南儘先補用直隸多倫諾爾理
 事同知那清阿著免其降級處分仍留直隸補用
 直隸革職候補知縣畢裕曾著准其捐復原官陝
 西試用未入流耶發英著儘先補用
 上又諭內閣曰那彥成奏軍營打仗出力人員懇請
 分別陞補一摺著照所請陝西潼關協副將員缺

准其以張拱辰陞補所遺河南撫標中軍叅將員
 缺著周奉陞補陝西漢鳳營遊擊員缺著陳喜陞
 補陝西靜寧協都司員缺著唐璠陞補陝西河州
 鎮循化營守備員缺著高勇臣陞補直隸通州協
 副將員缺准其以七十一陞補所遺河南彰德營
 叅將員缺著祁祥陞補陝甘督標後營遊擊員缺
 著馬鳴謙陞補陝西西固營都司員缺著俞振海
 陞補陝西提屬石峯堡守備員缺著張作功陞補
 甘肅蘭州城守營叅將員缺准其以朱保陞補所
 遺陝西河州鎮右營遊擊員缺著劉印景陞補甘
 肅涼州鎮張義營都司員缺著那丹珠調補陝西
 邠州營都司員缺著杜縉陞補陝西延綏鎮中營
 守備員缺著馬明陞補陝西撫標中軍叅將員缺
 准其以丁永安陞補所遺陝西鞏昌營遊擊員缺

欽定平定教匪紀畧

卷二十三

九

欽定平定教匪紀畧

卷二十三

二十

8 反之司

著周應麟調補河南河北鎮中營遊擊員缺著陳天壽陞補河南荆子關協都司員缺著閻克仁陞補山西大同鎮水泉營守備員缺著楊立震陞補甘肅寧夏鎮花馬池營參將員缺准其以陳弼調補所遺河南營參將員缺著蘇雲龍陞補陝西漢中鎮左營遊擊員缺著方一彪陞補陝西河州城守營都司員缺著童順陞補甘肅寧夏鎮花馬池守備員缺著蕭福楨陞補甘肅肅州鎮標中營遊擊員缺准其以王作宣陞補所遺甘肅永固協破口營都司員缺著紀祥陞補甘肅寧夏鎮安定堡守備員缺著王進忠陞補陝西延綏鎮右營遊擊員缺准其以宋鉞調補所遺固原提標後營遊擊員缺著胡文秀陞補甘肅寧夏鎮中衛協都司員缺著馬安邦陞補陝西延綏鎮磚井堡守備員缺

欽定平定教匪紀畧

卷二十三

三

著陳貴陞補直隸天津鎮城守營都司員缺准其以寶德陞補所遺甘肅涼州鎮土門堡守備員缺著高傑陞補陝西提屬長武營都司員缺准其以劉鳳翥陞補所遺陝西西安鎮左營守備員缺著馬滿德陞補甘肅涼州鎮標前營都司員缺准其以沙武德補授甘肅涼州鎮標後營都司員缺准其以徐大凱陞補所遺直隸柳溝營守備員缺著溫起龍陞補烏魯木齊提屬精河營都司員缺准其以馬明圖陞補所遺陝甘督標左營守備員缺著陳貴陞補甘肅提標後營都司員缺准其以袁剛陞補所遺寧夏鎮屬玉泉營守備員缺著馬連陞陞補直隸督標前營守備員缺著顏生貴陞補上又諭內閣曰那彥成等奏吉林委參領福林德於攻破司寨時兄弟同時陣亡伊弟伊姪等盡殲賊

欽定平定教匪紀畧

卷二十三

三

衆等語福林德因追殺逃匿民房賊匪致被鎗傷陣亡甲兵伊常德見伊兄倒地奮不顧身直前殺賊亦中鎗陣亡經伊弟領催哲明德伊姪甲兵靈星德超衆圍殺舉火焚燒始將賊衆七八十名一併殲斃福林德兄弟叔姪四人或赴敵捐軀或奮勇殺賊一門義烈實屬可嘉除福林德業經加等照參領例賜卹外伊常德著加恩照驍騎校之例賜卹哲明德靈星德俱著加恩賞戴藍翎哲明德以驍騎校卽行補用靈星德卽補領催以示鼓勵上又諭內閣曰那彥成等奏查明隨征怠玩之備弁兵丁嚴行懲辦一摺所辦甚是軍營賞罰嚴明方足以示勸懲此次官兵攻克司寨殲除首逆所有在事出力奮勉之將弁兵丁均經立沛恩施俾知鼓勵乃白土崗進剿之時健銳營及河南西安弁

欽定平定教匪紀畧

卷二十三

三

兵中竟有一二退縮不前者經特依順保楊芳等立時砍斃二人率衆鼓勇直前始獲全勝茲查出河南盧氏營守備左傳文西安營驍騎校穆蘭健銳營前鋒校查當阿副前鋒校倭什布明福俱臨陣畏葸本應卽按軍法從事但念此次全師告捷姑從寬懲辦左傳文等五員俱著革職卽在軍營枷號示衆俟軍務全竣發往伊犁到戍再枷號三年充當苦差永遠不准釋回俾羣知警畏以肅戎行

上又諭內閣曰河南封邱陽武新鄉獲嘉輝縣林縣等處被賊焚掠村莊居民蕩析殊堪憫惻著加恩賞給兩月口糧其大河南北各州縣無業貧民嗷嗷待哺著准其酌動常社倉穀於本年十二月明年正月設厰煮賑兩月閱鄉西華項城鄆城四縣

欽定平定教匪紀畧

卷二十三

三

補種秋菽復被霜災亦著一體煮賑兩月該撫務督飭各屬認真辦理俾小民均霑實惠以副朕軫卹民艱至意

上命軍機大臣傳諭那彥成高杞楊遇春日本日那彥成等保奏軍營出力之陝甘督標中軍副將張大振一員現交軍機處存記俟有總兵缺出卽予簡用至所奏已未殲獲賊目名單現存核對此外

欽定平定教匪紀畧

卷二十三

五

有朱成貴一名前據同興奏報該犯已由扈家集逃赴滑縣城中單內未經敘入又賊目趙得一一名前據章煦奏擊獲伊子趙全據供其父已往滑城單內未列在滑城賊目牛亮臣之次著那彥成於攻克滑城時飭知將士等詳悉辨認緝拏勿任免脫據奏滑城卽可克復現在德寧阿楊芳等帶領得勝之兵雲集城下我兵勇氣百倍想捷音業

已在途朕惟計日以待

上又命軍機大臣傳諭章煦曰近年因直隸辦理差務先後發給帑銀三十餘萬兩著該署督查明已用若干存留若干將所存之項撥歸軍需項下動用又本日刑部訊據宋躍澐之叔宋樹得供稱宋杼甲係宋躍澐一黨宋杼甲之徒弟郭希文高九徐六俱係景州小陽莊人著該署督卽密飭該地

欽定平定教匪紀畧

卷二十三

五

方官按名查拏到案嚴訊有無習教謀逆情事按律辦理

上又命軍機大臣傳諭同興曰據劉鏞之等奏有山東汶上縣人劉大秋面稟有曹州剿散餘匪現在汶上隣近鄆城縣村莊商同明年正月初一日起事並稱此股餘匪有趙東禮孟泮俱係白蓮教頭目約有一百餘人自官兵剿散後逃回各村搶掠

等語山東曹州賊匪經官兵連次痛剿已就肅清其零星逃散者又復糾眾在隣縣搶掠若不早為擒捕必至聚集愈多著同興即派兵就近前往剿捕將為首之犯擒獲審明按律治罪再昨又訊據宋躍澐之叔宋樹得供稱宋躍澐有徒弟夏之禮住德州衛八里屯陸貴住德州城西馬營著該撫即按照居址飭拏獲後研訊有無謀逆情事按律辦理其宋躍澐之叔祖宋村甲雖籍隸景州或就近逃往德州一帶潛匿亦未可定並著一體嚴拏毋任漏網

同日廣厚奏言竊臣接那彥成來信前赴軍營會同親驗賊屍及訊取活賊口供當由衛輝起程前往適該逆首等屍身已經解到驗得李文成屍身完全養成長髮兩足有夾棒痕傷處儼

欽定平定教匪紀畧

卷二十三

三

聞

然用紅綱膏藥敷貼外用厚棉及白布包紮左目帶有鎗傷當經那彥成提出所留眼目活賊湯俊拔李伏等逐一辨認僉稱為李文成屍身屬實臣復傳到前經強克捷差拏李文成刑訊之滑縣皂班頭役陸安邦陳天路二名令其再加細認據供九月初二日奉票向謝家莊拏到李文成本官堂訊用過夾棒一次並用木棒敲打五六百下李文成兩腿就不能行動當即收禁此時查看屍身實係李文成無疑復驗明劉幅明宋老秀王修智各屍身飭令活賊辨認屬實臣復提活賊韓得中劉幅太衛揚三犯訊供與那彥成前奏悉符現由那彥成分別辦理奏入報

欽定平定教匪紀畧

卷二十三

三

十二月初四日訂

上命軍機大臣傳諭同興曰該省定曹賊匪雖經剿滅其竄散餘匪未能搜捕淨盡現在鄆城等處有匪徒糾謀滋事並搶劫村莊之事德州一帶米躍漲雖已就獲其徒黨恐未緝拏淨盡均不能不留心防範同興當酌派曉事大員管帶弁兵於適中扼要之地駐紮彈壓一聞附近地方有匪黨勾煽卽時前往撲捕方不致蔓延滋事同興不可專顧防堵滑城竄匪將本境各處查緝事宜置之度外該省本年荒歉一切安撫難民事宜該撫務督率地方官認真經理毋致饑民流而爲匪又定曹滋事賊匪內有邵舉人爲首前經降旨飭查迄未據同興覆奏該犯究係何縣之人是否已被殲戮抑或逃竄未獲併著查明具奏

欽定平定教匪紀畧

卷二十三

五

上又命軍機大臣傳諭方受疇曰御史申啟賢奏豫

省奉旨賑卹各州縣因將截漕米石改撥軍需應行折給賑糧尙多遺漏又開封彰德地方官亦借軍需爲名科派草豆併請嚴緝南汝一帶紅鬍子順刀手各等語豫省連年歉收現在河北一帶又被賊匪蹂躪一應撫綏安緝事宜最關緊要著該撫嚴飭所屬將應行賑卹各州縣按照查報戶口妥速散放毋任官侵吏蝕實惠不得及民其彰德等處有無藉軍需苛派民間之事併著嚴查具奏該省南汝一帶最多匪徒現在辦理保甲著嚴飭地方官實力編查妥爲鎮撫

十二月初五日戊衡齡奏言竊臣接准張績來信該鎮於豫省大兵圍剿司寨之際帶兵前赴期城堵截據參將雙福報稱在侯兆川等處山

欽定平定教匪紀畧

卷二十三

三

內搜捕獲賊二十四名都司葛天培帶領弁目亦獲賊十一名均就近解送楊芳軍營收審雙福現在附近司寨之十八盤黃水口暫紮該鎮接奉那彥成批示仍回山旺莊原處駐紮又據陵川縣稟報斷金橋韓家口各處防卡兵勇截殺竄匪數名割取耳記呈驗臣當將出力兵勇獎賞外並將獲犯牛世旺等親提訊問據供係

欽定平定教匪紀畧

卷二十三

三

河南汲縣人與牛亮臣同姓不宗因本年十一月間赴封邱收賬途遇馮克善之兄馮老六收為坎字下人告知馮克善破了滑縣又到濬縣鬧事佔住道口就往廣平府去邀人馮老六當派小的同李四木匠之妻舅趙得隴又劉家莊住的劉榮並徐姓王姓一共五人保護李四木匠西竄在封邱牛角屯遇兵打仗到了司寨十

九日官兵一早圍攻同趙得隴在寨外率眾拒敵親見趙得隴中鎗倒地該犯隨即逃奔劉榮等都在寨內還有頭目劉暢明張義寧王修智王金斗宋元帥都同時打仗司寨攻破想他們都已被殺復詰以趙得鳳徐茂恭下落據供頭目內有徐姓不知名字另有小徐當家年十八九是徐安懶之子其趙得鳳並未見過等供臣

欽定平定教匪紀畧

卷二十三

三

恐該犯尚有未盡供詞容再加研訊正法其餘解到之谷保秋等三名訊係被賊裹脅即予省釋臣查馮克善一犯據牛世旺所供本月往直隸廣平府邀人之語茲欽奉諭旨該犯現由獲鹿赴曹州解梁一帶尋找夥黨並有年貌服色可查臣當即密派幹員星赴前途截拏至蒲州解梁既有該犯夥黨臣亦另行派

員前往會同地方官嚴密訪查並緝王道滙于克敬等各要犯務獲其前此飭拏之坤卦教首邱玉兌卦教首侯幗隴經臣派委幹員前赴岳陽縣西南王莊詳細訪拏委無蹤跡奏入

上命軍機大臣傳諭那彥成高杞楊遇春日衡齡奏於陵川地方捕獲司寨竄匪牛世旺據供該犯於十一月間在封邱途遇馮克善之兄馮老六當經

欽定平定教匪紀畧

卷二十三

三

派同李文成妻弟趙得隴竄至司寨趙得隴被官兵放鎗擊斃詰以趙得鳳徐茂恭下落據供頭目內有徐姓不記名字另有小徐當家年十八九是徐安幗之子至趙得鳳並未見過等語李文成之妻係屬何氏是否實係趙姓有弟名趙得隴著那彥成於獲犯內詳查具奏趙得隴一犯既有其人則趙得鳳徐茂恭二犯諒必亦有並著於攻克滑

城時留心查驗再現據董幗太供出有安懷普一犯係滑縣人郭名如一犯係潯縣人皆李文成手

下頭目去年秋間曾至林清家中那彥成所開賊目單內查無其人並著一體留心查緝毋任漏網上又命軍機大臣傳諭衡齡曰衡齡奏趙得隴一犯訊據賊匪牛世旺供稱卽李文成妻舅於前月十九日在輝縣司寨地方經官兵鎗斃該犯親見自

欽定平定教匪紀畧

卷二十三

三

係確鑿趙得隴既有下落則趙得鳳徐茂恭二犯可見必有其人該撫仍當留心查緝至現在尤關緊要者馮克善前往解梁定十二月十九之期欲圖起事爲期甚近務將該犯迅速弋獲則逆謀自然解散毋稍玩視至于克敬一犯昨據那彥成奏查明業於潯縣城外殲斃王道滙一犯現在滑縣城中晉省卽可停緝

上又命軍機大臣傳諭朱勳曰昨據刑部訊據逆犯宋躍澗之叔宋樹得供稱離卦教匪在潼關以西有好幾座營盤未動之語恐有勾結蠢動該撫務須詳慎訪查加意防範再前據傳教女犯高張氏供出之陳恒義陳美玉陳金聲等犯飭拏曾否弋獲如業經就獲該撫卽遵照前旨親提訊供由驛速奏將該犯等嚴加鎖鑰解京歸案質審其前經飭令密拏之兌卦頭目王忠順一犯據逆首林清供出在潼關一帶藏匿現在是否查有下落並著該撫確查具奏

欽定平定教匪紀畧

卷二十三

五

十二月初六日紀百齡奏言竊臣前此拏獲匪僧緒乾訊供具

奏後當經一面飛咨同興令將該犯之兄劉林解江質對嗣准同興咨覆東省拏獲匪犯劉林訊

明係入教爲匪之犯業已正法無從質對臣節次接奉

諭旨并發到王棟供詞隨親提該犯逐一審訊所有該犯原供與太監蕭得祿劉福慶密商內應一節該犯初猶堅執前供及語以蕭得祿久經身故該犯始詞色改變頓改前供自認虛誣不諱緣該犯到案時已供認與林清往來知干重罪

欽定平定教匪紀畧

卷二十三

五

因憶及林清本勾通太監若另扳扯太監必要查明虛實俟查明並無其事仍可將與林清往來之事抵賴脫卸藉圖末減其實劉福慶並未謀面蕭得祿雖曾及見亦並無交結情事至從前廣濟寺內原有慶師傅記不清名字係舊日當家和尙該犯實另無慶字法名至該犯之兄劉林據供係東方教頭手下有一百餘人與程

伯岳布大卽布大勁兒李八四人代王棟料理
東方教事又程伯岳姪孫程大秤常按月至京
通信該犯並不知有布二勁兒王孫兒響兒姓
名現在程伯岳程大秤布大李八於九月內都
往滑縣去了至該犯與林清往來充當小頭目
祇有徒弟二人除井士杰業已殲斃外此外只
有井花狗已往滑縣再無別人至於京城內外
有無潛伏奸民該犯堅供不知等語現在連日
詰訊該犯已俯首無詞應卽按律辦理所有該
犯及王棟供出各犯現已飛咨嚴拏不任漏網
又盱眙匪犯周泳太潛謀滋事一案臣親提獲
犯逐一研訊緣孫國柱人本痴迷其妻被周泳
太姦佔其子亦隨周泳太屠宰孫國柱因此懷
恨挾嫌曾經控縣有案周泳太子糾衆謀逆堅

欽定平定教匪紀畧

卷二十三

三

不承認現在飭提周泳太孫國柱各家屬到案
質訊并飛咨衡齡連將孫國柱移解歸案質訊
百齡又奏言臣查江境豐碭各營卡現在防範
一律周密惟連日捕獲零匪三名內馬文興孟
存孝卽孟傳孝籍隸金鄉習震卦教王幅增籍
隸單縣習離卦教該犯等均手執白旗攜帶鎗
刀於九月十五日在金鄉葦子坑等處焚燒搶
掠與官兵拒敵審明後當卽按律凌遲梟示現
在豫省分股西竄輝縣之賊已被官兵殄滅滑
城外援已絕近聞匪徒掘地取水折屋炊食勢
已窮蹙我兵尅日歲功恐有逃竄餘孽臣督飭
各營卡隨時偵探賊蹤益嚴備禦
百齡又奏言查江境邊防事宜經臣督率營員
分投堵剿該將備等俱認真出力似應隨時鼓

欽定平定教匪紀畧

卷二十三

三

勵現在出有徽州營叅將一缺例應遊員請補

臣同提臣烏爾卿額等秉公確查徐州鎮標遊

擊沙念聖蕭營都司張佑溪奇兵營守備舒大

鵬徐州城守營千總錢永甸隨營奮勉可否仰

懇

聖恩以沙念聖補授徽州營叅將其遺缺卽以張佑

溪等三員遞補之處伏候

欽定平定教匪紀畧

卷二十三

五

訓示

同日同興奏言竊臣前據拏獲賊目劉景唐李

名揚二犯供出東省尚有程伯岳張景文二犯

係著名首逆當經訪得城武縣闕家店地方有

匪徒倡立紅磚會名目肆行焚搶張景文卽係

闕家店人當經派員前往拏獲并其次子張廣

純姪張麟趾及黃讓等四犯解赴曹郡審辦又

據兗沂曹濟道熊方受稟獲張景文之夥黨李

廷兆郭鳳岐郭鳳鳴郭三官郭鳳梧郭友須侯

金城李四麥等八名一併歸案審訊據張景文

供自祖父以來素習紅拳長子張廣涵因另案

在濟南府監禁今年五月內有河南舊考城人

扈大德到該犯家內因該犯之子在省監禁送

給盤費銀十兩并告訴要造反的話該犯未允

欽定平定教匪紀畧

卷二十三

四

亦未收伊銀兩九月內教匪造反該犯糾約鄉

人拏過土匪實不是邪教等語加以究詰該犯

一言不發訊之伊姪張麟趾據供張景文素會

運氣又會拳棒實是離卦教首九月教匪起事

曾令李廷兆糾人搶劫是實查對李廷兆等供

伊等俱是紅磚會曾同張景文張麟趾糾約多

人赴各處搶劫張景文實是教首各等語又提

出劉景唐與之當面質對張景文仍無一字供
認亦無一語置辯查賊目劉景唐指供該犯係
離卦教首因伊子張廣涵現在省監恐一蠢動
則其子先受刑誅是以隱伏茲復據該犯之姪
張麟趾并李廷兆等多人衆供確鑿其爲教首
無疑臣於審明後卽將該犯張景文凌遲處死
其姪張麟趾子張廣純亦一併正法李廷兆等
係紅磚會匪乘勢搶劫現飭該道另行擬結其
張景文之長子張廣涵飭司查明原犯之案辦
理均奏入

欽定平定教匪紀畧

卷二十三

望

上命軍機大臣傳諭百齡曰百齡奏嚴審匪僧緒乾
前次所供與太監蕭得祿劉福慶密商內應一節
既據該犯自認虛誣諒無疑義前京中所查廣濟
寺知客僧人廣遠又名胖廣著百齡再提訊緒乾

伊是否另有胖廣之號再該犯所供太監蕭得祿
與該犯在西華門外大慶軒商謀因知蕭得祿已
故卽頓翻前供但該犯供稱本年由單縣到京直
至黃村並未進城而京城西華門外此時實有大
慶軒茶館其前次所供又不無可疑著百齡再向
該犯嚴切根究務得實情毋任支飾其該犯所傳
徒弟井士杰井花狗井花杰雖已殲斃井花狗現

欽定平定教匪紀畧

卷二十三

望

逃往滑縣又匪犯程伯岳程大秤布大李八據該
犯供稱均於九月內前往滑縣著該督卽咨會那
彥成等於收復滑縣時按名查緝毋令漏網其王
棟所供布二勁兒王孫兒響兒並著向該犯再行
詳細推鞠究明下落迅速飭拏若該犯供詞盡情
吐露無可質對卽著該督錄供具奏將該犯按律
正法又據奏周泳太一犯因與孫國柱素有仇隙

曾經姦佔其妻是以挾嫌誣指現在咨提孫國柱
 解江質審等語孫國柱如尚未解到著百齡再行
 咨催晉省迅卽押解來江詳細研訊如周泳太等
 實無謀逆情事該犯因挾有舊嫌任意誣扳則誣
 告人叛逆律有明條日前晉省有秦定字匿名控
 告王銀廣王泳年與牛亮臣通信謀逆一案訊係
 王銀廣開局誘賭秦定字因賭輸負欠挾嫌誣控
 經該撫奏擬斬候當降旨改為斬決今孫國柱誣
 指周泳太約人叛逆事同一轍亦著於訊明後將
 孫國柱問擬斬決并提周泳太等看視行刑至周
 泳太姦佔孫國柱之妻另按例治以應得之罪再
 孫國柱所稱周泳太給與大順錢文一節大順通
 寶問係李自成偽號鑄造并著研訊孫國柱等此
 項錢文究係從何得來必須訊出確實憑據毋任

欽定平定教匪紀畧

卷二十三

聖

含糊掩飾

上又命軍機大臣傳諭同興曰同興奏拏獲教首張
 景文訊明習教謀逆糾人搶掠衆供確鑿將該犯
 凌遲處死并將其姪張麟趾其子張廣純一併正
 法至張景文尙有長子張廣涵現因另案收禁省
 監飭司查明原案擬結等語張廣涵卽有別案罪
 名諒不若逆案之重該犯係張景文親子著卽絞
 決昨因鄆城地方有餘匪趙東禮孟泮二犯糾約
 一百餘人在彼搶掠當經諭知同興派兵剿捕此
 事關係緊要斷不可令剿散餘匪又復聚集擾害
 無事地方該撫迅卽遵照前旨派劉清等前往剿
 辦淨盡一經辦竣迅速由驛奏聞
 上諭內閣曰百齡等奏懇請將防剿出力人員遞行
 陞補一摺江省現有設防事宜遊擊沙念聖等或

欽定平定教匪紀畧

卷二十三

聖

巡緝認真或擷捕出力著加恩照該督等所請沙
念聖准其陞補徽州營參將所遺徐州鎮標中營
遊擊員缺准其以蕭營都司張佑溪陞署其蕭營
都司員缺准其以奇兵營守備舒大鵬陞補所遺
奇兵營守備員缺准其以徐州城守營千總錢水
甸拔補以示鼓勵

欽定平定教匪紀畧 卷三十三 聖

欽定平定教匪紀畧卷二十四

十二月初七日子庚

上諭內閣曰御史斌松奏八旗屯居人等一併編查
保甲一摺八旗屯居漢軍前經降旨交地方官一
體編入保甲稽查約束其屯居滿洲及下五旗王
公包衣人等之屯居者如何稽查約束亦經飭交
該都統及宗人府查明議奏至八旗滿洲蒙古漢

欽定平定教匪紀畧 卷二十四

軍閑散人等有依住墳塋房屋者既在各該縣境
內居住本旗參領佐領等難以隨時查察著即交
該地方官一體編入保甲

上又諭內閣曰御史童槐奏請將逆匪案內應拏要
犯開寫清單交步軍統領等衙門及各省指名查
拏其迹涉疑似者毋得草率送部以偽亂真等語
所奏甚是近日各處具奏盤獲形迹可疑之犯據

供京師附近及外省地方皆有伏匿夥黨指証甚確及交步軍統領等衙門暨各督撫按名拏獲審訊情節半屬子虛且有挾嫌誣捏者與正案全無干涉而正案內在逃要犯節經降旨嚴飭查拏步軍統領順天府五城等衙門緝獲者甚屬寥寥專待指名方能拏解如此孰不能為耶外省拏解亦多詐偽是內外各衙門皆役志於虛無疑似之地

欽定平定教匪紀畧

卷二十四

二

犯官弁立加超擢兵丁重賞超拔民人優加賞賚其捕獲次要之犯亦分別獎賞但必須質訊明確實係正犯無疑方錄其功將此通諭知之

十二月初八日辛丑那彥成高杞楊遇春奏言竊臣等剿滅司寨賊匪後即將官兵撤回滑縣併力攻城連日以來各門礮臺每有擊斃賊匪及轟落城磚者緣城郭甚堅僅墜外層磚皮急切不能摧破臣等並派吉林官兵伏於礮臺之後及濠溝內一見賊匪在城露面即行放鎗無不應手立倒賊匪不敢露面僅藏於礮眼內放鎗亦多被吉林官兵鎗斃十餘日來每日所殲約計三五十人不等又於各門派撥兵夫暗挖地道中置地雷火藥以備轟城其東門一處係派格布舍及遊擊萬彪督辦又城之西南角一處

欽定平定教匪紀畧

卷二十四

三

係派楊芳桑吉斯塔爾督辦楊芳拏營之處逼
近西南城角不過數丈復又堆積沙土布袋初
二日正令官兵攀躋而登詎賊匪情急鎗礮亂
發復拋下斷碑巨石等項致將地道打塌現仍
從旁道紆迴挖掘一路明挖一路暗進使賊匪
未經知覺不及窺測又東門地道一處已經挖
進外城賊匪因恐官兵爬城於夜間擲炬瞭望
草把適墮空穴之中地雷猝發內外俱焚燒斃
城內賊匪無數官兵正在地道之中亦被焚燒
千總任起鳳把總朱祥李登高及兵丁人夫等
十餘名均經燒斃彼時方安火藥於穴內未能
堵口是以其力不大僅轟破外皮城牆二三丈
臣等親督官兵仰攻直上詎賊匪復趕緊將城
牆裂處創斷未能得手至初三日三更月黑之

欽定平定教匪紀畧

卷二十四

四

時復有賊數百人潛出北門時遊擊呂天俸所
管礮臺在西北角距城最近該匪拋擲火彈欲
焚礮臺臣等傳令各營不許燃火分投督率各
門官兵嚴行堵截馬元特依順保防守北門先
行帶兵截住正在相持呂天俸卽於礮臺開礮
擲石轟擊賊匪直前抗拒叅將扎勒杭阿都司
彭啟賢相近呂天俸礮臺亦卽帶兵接應衝殺
斃賊約數十人賊向城東奔竄德寧阿復率吉
林黑龍江官兵鎗箭齊施又斃賊匪無數衆兵
併力競進賊始倉皇竄回北門官兵因在黑夜
不便追趕入城次早查勘自北門營卡以至城
根血迹遍地尙有傷重倒地賊匪十三名隨卽
正法官兵亦因黑夜殺賊間有傷亡統容查明
咨部外現在東西各門官兵紮營均已切近城

欽定平定教匪紀畧

卷二十四

五

根惟南門北門以外皆係葦蕩泥濘之地不能
近城僅於葦蕩之中間擇其地土稍燥者紮營
堵截又北門外地勢寬濶一望無垠是以賊匪
屢出此門希圖滋擾而不敢逕撲營盤者亦因
地土泥濘難以駐足之故經此次各營官兵併
力截殺之後諒不敢再出滋擾臣等察看大局
情形現在城中賊匪明知逆首已殲外援已絕

欽定平定教匪紀畧

卷二十四

六

大兵四面圍攻別無生路是以負隅抗拒其守
益堅查賊匪佔據道口之時已先將該處糧食
運貯城內其口食自尙有餘惟賊匪馬草乏絕
卽便出城逃竄馬匹已疲諒步行奔走者多以
官兵馬隊及吉林黑龍江馬隊追擊斷無免脫
況臣等於各門外先已挖掘濠溝二道遍排鹿
角二層逐段分派官兵節節防堵於附近各村

莊先伏羲勇論以破賊之日如有零匪逃出生
卽細縛獻出加以重賞能得賊首者保奏官職
村民志切同仇俱皆踴躍聽命此時事在垂成
臣等益當慎之又慎不敢少有草率奏入

上批示

硃諭曰頓兵堅城之下已月餘矣况新年已近外藩
俱集必得旬日之內殲除淨盡不可再遲所有指

欽定平定教匪紀畧

卷二十四

七

名嚴緝各逆犯不可令其漏網汝三人合力同心
奮勉迅速辦理朕惟計日以待捷音實深焦急汝
三人不可稍有耽延慎重妥速爲要

那彥成又奏言再司寨拳獲賊犯秦理所供教
匪傳教及起事情節較爲詳細臣前已繕供單
密呈

御覽因思秦理熟悉賊中情形或李得水所供之趙

得隴等犯蹤跡亦所知悉現復訊據供稱趙得隴卽趙幅趙得鳳卽趙祿實是直隸長垣縣人並非河南太康縣人手下有張大小子張二小子於九月初十前帶人來投李文成入夥曾說在長垣鄉莊戕害知縣之事後來趙得隴在滑縣北門外打仗被官兵殺死趙得鳳張大小子張二小子三人同李文成逃到輝縣司寨趙得鳳在寨內燒死張大小子張二小子都在寨外殺死却不知徐茂恭又是何人等供此時司寨賊屍枕藉相距十餘日之久實難再行辨認所供是否可信容當留心訪查其馮克善一犯臣已遣派幹員前往晉省偵探倘有蠢動情形臣高杞卽當帶兵星馳剿辦奏入報

聞

欽定平定教匪紀畧

卷二十四

八

十二月初九日甞章煦奏言竊馮克善一犯經臣連次派委文武幹員分投躡緝先據獲解引送馮克善至馮哲家住宿之劉添祥暨馮哲二犯到省臣飭令陞任保定府知府張五緯揀發知府楊毓江知縣陳晉訊據供出馮克善欲往獻縣一帶地方又經飛飭跟拏去後茲據獻縣知縣張翔稟稱遵卽在縣境四處訪查初四日訪得冉家三角村有一人在彼賣藥形跡可疑當卽密囑把總高雲鶴典史吳楷各帶兵役馳往堵住村口該縣親率丁役前往拏獲訊據供稱劉明德情詞閃爍似係河南滑縣口音查對年貌服色並隨帶衣被等項均與奉旨飭拏之逆犯馮克善相符並搜出劉姓祖遺誥軸詭托姓名狡賴由該縣親身押帶來省聽候審

欽定平定教匪紀畧

卷二十四

九

究等情臣隨即派委員弁迎提到省臣率同司道府親加嚴鞫該犯始猶狡混迨提劉添祥馮哲當堂質認實係馮克善正身始據該犯供認伊實名馮克善住居河南滑縣城內有胞弟馮克文堂兄武舉馮克功俱係分居七八年前林清與李明九支進才前赴滑縣與李文成牛洛明于克敬并該犯認識交好本年二月伊赴林清家住宿兩日回家八月初間李明九支進才赴牛洛明家約令起事伊曾赴德州找尋宋躍瀆回至道口聽聞滑縣已將李文成等拏去并指名拏伊該犯害怕逃去後聞劉成章等帶領山東人進城戕官救出李文成等伊仍回滑縣李文成派令運糧後因官兵攻打道口伊又逃

欽定平定教匪紀畧

卷二十四

十

引至馮哲家住歇一宿即查開劉添祥家三代名字改名劉明德並取劉家誥軸護身逃至獻縣地方被獲等語並將教內緊要頭目逐明供出伏思馮克善係奉旨飭拏緊要逆犯一經拏獲即應遵旨解京未便久留推鞫臣現將該犯嚴加鎖鑰裝盛木籠派委文武幹員多撥兵役即日起解飭令兼程行走赴刑部投收其劉添祥馮哲亦一併解部質審

同日方受疇奏言查豫省軍需前奉部咨本省進剿官兵祇照例支給口糧其防守兵丁口糧之外不得支給鹽菜並不得每名每日折給銀一錢五分等因奉旨依議欽此自應遵照辦理惟查滑縣賊匪滋事派

欽定平定教匪紀畧

卷二十四

十一

調本省滿漢官兵會剿與奉

旨簡派京外各省官兵同一衝鋒冒鎗實無區別若

因其未出本省交界僅與口糧不支鹽菜未免

向隅至防守官兵均在近賊處所晝夜提防其

勞苦與征兵無異合無仰懇

皇上格外

天恩俯准一體支給鹽菜口糧以示體卹本年豫省

欽定平定教匪紀畧

卷二十四

十一

收成歉薄糧價倍昂並請照晉省奏准之案每

名每日折給銀一錢俾各兵得以通融買食咸

資果腹再查官兵馬匹應需草料價值例價五

分不敷應請每匹給銀一錢俾資餵養均奏入

上諭內閣曰章煦奏拏獲首逆馮克善一摺覽奏欣

慰馮克善一犯與林清李文成均係賊中首惡勾

結多年滑縣長垣東明定陶曹縣等處賊匪皆聽

其指使從前訊據賊供林清詭稱天皇馮克善詭

稱地皇李文成詭稱人皇其大逆不道殊堪髮指

林清李文成先後伏法惟馮克善在逃未獲茲據

章煦奏前拏獲指引馮克善逃遁之劉添祥並存

留之馮香二犯派委前任保定府張五緯等訊明

蹤跡嚴密飭拏經獻縣知縣張翔帶同把總高雲

鶴典史吳楷於縣境之冉家三角村將該犯拏獲

欽定平定教匪紀畧

卷二十四

十二

該署督親提鞫訊業經供認確實派員解京審辦

該逆罪惡貫盈難道

天誅合渠魁全獲所餘黨惡延喘滑城克復捷音旦晚

卽至仰承

吳佑欽感靡涯章煦督緝要犯任事實心著加恩賞加

太子少保銜仍交部照軍功例從優議敘現屆年

節並親書福字頒給俾迓吉祥獻縣知縣張翔著

加恩超陞知府把總高雲鶴著加恩超陞守備典
史吳楷著加恩超陞知縣均著先換頂戴承審之
通永道張五緯知府楊毓江知縣陳晉均著交部
議敘獲犯兵壯丁役等著該署督從重獎賞

臣等謹按天地之大並育並生雖梟獍之徒
不能遠絕于清寧之世然未有如天理教之
猖狂無忌者也夫草竊之徒千名犯義或偽

欽定平定教匪紀畧

卷二十四

十四

署官職或假稱侯王皆罪不容誅尙爲事所
經見至于三皇之稱從來無敢僭竊者乃此
次賊黨構亂林清竟詭稱天皇馮克善詭稱
地皇李文成詭稱人皇蹟神聖之隆稱竊先
天之位號互相推奉假幽渺恍惚之談助其
邪慝悖亂之行以此脅衆衆且被其劫持以
此愚民民皆受其迷惑實史冊所未有爲覆

載所不容是時

天討赫申滑城垂克顧三逆一日不滅則人心一日
不安三逆一人未除則亂萌一日不戢林清
李文成先後伏法馮克善尙輾轉潛逃乃司
寨盪寇之餘旋得獻縣獲犯之信旬日之內
載報擒渠

吉祐自

欽定平定教匪紀畧

卷二十四

十五

天洵爲蒞功先兆矣

上命軍機大臣傳諭托津那彥成高杞楊遇春日官
兵自前月初三日圍攻滑城將及四旬尙未攻克
現在年節已近蒙古外藩等均陸續到京朕已面
諭伊等以那彥成等圍困滑城指日克復軍務卽
可告蒞伊等同深欣盼豈可再有遲延且近日京
外謠言甚多詭稱伏匿之賊糾約訂期起事其言

固不可信而究其所以造爲此言者皆緣滑城久未攻克逆黨一日稽誅則人心一日不定如將滑城賊匪刻期掃除淨盡則伏莽全消訛言不禁而自息本日據章煦奏到首逆馮克善一犯已於本月初四日在獻縣拏獲因章煦辦事認真已降旨賞給官銜仍加恩從優議敘并將獲犯官弁加等獎擢那彥成等身膺重寄尙欲效從前陋習於

欽定平定教匪紀畧

卷二十四

六

軍營度歲宴樂不思早奏成功仰慰朕懷乎該督等接奉此旨務卽鼓勵將士上緊逼攻至遲亦不得過本月二十日俟捷報到時佇膺懋賞至直隸邊界地方現有馬瑜富蘭閆俊烈徐錕劉榮慶五人在彼分營駐劄足資防堵京城年節事繁辦事需人托津卽奉此旨著輕騎減從卽日前赴滑縣軍營與那彥成等會商善後事宜無論城克與否

但探明他處無煽亂之事卽起程回京其健銳火器營官兵那彥成等俟攻克滑城後仍交原派管帶之慶祥等帶領先行凱撤回京可也再據劉鏞之奏前此滑縣被陷時聞有教官呂秉鈞降賊偽封爲吏部尙書仍兼知滑縣事在彼爲賊鑄礮巡城抗拒王師如果屬實該逆以現任職官從賊助逆實堪髮指著那彥成查明覆奏克城之日留心

欽定平定教匪紀畧

卷二十四

七

查拏按律究辦又本日據馮克善供出有伊胞弟馮克文及牛洛明陰成德三犯均係滑縣人又前據李得水供出之馬依潮邢分二人亦稱籍隸滑縣前此那彥成所奏賊目名單內均未列入並著一體查緝務獲勿任漏網

上諭內閣曰方受疇奏豫省調派本處征防官兵請一體支給鹽菜口糧並應折馬乾請照例價加增

等語本省調撥官兵例不准給鹽菜銀兩前據該撫奏請支給經該部照例議駁今據奏豫省連歲歉收物價昂貴例支銀兩不敷食用自係實在情形著加恩將豫省調派征防官兵自此次奉旨之日為始准其一體支給鹽菜口糧每名每日折給銀一錢俾資果腹其應折馬乾銀兩並准其每匹日給銀一錢此係特旨准行嗣後不得援以為例

欽定平定教匪紀畧 卷二十四 六

同日方受疇奏言竊查豫省軍需災賑費用浩繁前蒙

賞撥雇工銀一百三十五萬兩因停工不辦

奏准改撥軍需災賑之用此項餉銀未到以前因

軍需緊急先由司庫借墊俸餉等銀四十餘萬

兩亟須撥還歸款其餘銀兩除各項軍需及災

區撫卹動撥供支外現僅存銀二十六萬餘兩

此時八省官兵俱在豫省堵剿且有善後留防並撫卹難民及災區展賑之用計算不敷仰懇皇上天恩勅部酌撥銀一百二十萬兩解豫備用再查河南糧鹽道庫現在堪撥銀十萬兩奏入得旨戶部速議具奏旋經戶部議奏請於兩淮鹽課等款如數撥給奏入

上從之

欽定平定教匪紀畧 卷二十四 九

十二月初十日癸董誥等奏續經審明各衙門

獲送從逆夥犯並邪教為從及應行緣坐各家

屬除劉泳太子七劉興庭三犯尚有質訊之處

應與前經奏明待質之田馬兒董峒太劉輩兒

李玉隴祝林韓達子張二住王四卽王廷瑞八

犯均請暫留待質外請將從逆夥犯田二卽田

起祿劉明信曹五卽曹鳳文顧中德卽顧宗德

楊保那七卽那欄榮張廷太李亮顧明如卽五	兒張二卽張隴葉老卽狗生兒閆五李成宗卽	李驢子李大脖卽李振邦趙羣曹六王添瑞王	有太卽王輔劉連美劉二卽二小子二十犯均	依律凌遲處死其在監病故之白大和一犯請	剉屍一併梟示其邪教爲從之王七卽王璧齊	八卽齊泳保韓自會韓自有卽韓喜兒韓自富	欽定平定教匪紀畧 卷二十四 三	韓自義韓自文韓玉慶卽韓十兒韓玉良韓玉	柱韓玉寶韓玉豐韓自力卽鍋場子韓自信李	四王欄士均發往新疆給額魯特爲奴其應行	緣坐之劉成祿閆陳氏等十名口均分別發遣	爲奴得	旨田二卽田起祿劉明信曹五卽曹鳳文顧中德卽	顧宗德楊保那七卽那欄榮張廷太李亮顧明如
--------------------	--------------------	--------------------	--------------------	--------------------	--------------------	--------------------	-----------------	--------------------	--------------------	--------------------	--------------------	-----	----------------------	---------------------

卽五兒張二卽張隴葉老卽狗生兒閆五李成宗	卽李驢子李大脖卽李振邦趙羣俱著卽凌遲處	死曹六王添瑞王有太卽王輔劉連美四犯係預	知逆情在家未行俱著改爲斬決一併梟首示衆	劉二卽二小子係自行買備白布在家未行著改	爲絞決嗣後審訊案犯情節與此相似者該部卽	分別定擬斬決絞決具奏白大和在監病故著剉	欽定平定教匪紀畧 卷二十四 三	屍梟示閆陳氏著暫留備質餘依議	十二月十一日臬董誥等奏言昨據直隸委員	將逆犯馮克善解到 臣等連夜熬訊據供我是	河南滑縣人年三十七歲父母俱故親弟馮克	文娶妻劉氏子坤牛現止三歲嘉慶二年有山	東濟寧州人王祥卽王四教我拳棒又有滑縣	朱召村人唐鬍子卽唐恒樂教我鎗法十五年
---------------------	---------------------	---------------------	---------------------	---------------------	---------------------	---------------------	-----------------	----------------	--------------------	---------------------	--------------------	--------------------	--------------------	--------------------

二月我連襟滑縣書辦牛亮臣見我拳法內有八方步他說你脚步是個八卦麼我說你何以知道是八卦他說我習的是坎卦所以懂得我就說他對我習的是離卦他說你既是離卦我們是坎離交宮各人行各人的好罷後來我就算了離卦他就做了坎卦頭十七年四月有我同縣的霍雲方舉薦我到德州去與宋躍澁比拳宋躍澁比不過我同他兒子宋玉林都拜我爲師入離卦教後來我又收牛亮臣之子牛文成濬縣的李大成卽李成進滑縣的熊自華張九成爲徒他們又各自傳徒人數越多就推我爲離卦頭日本年正月牛亮臣約我往宋家莊林清家中商量起事我於二月內動身到德州宋躍澁家就同宋玉林起身到宋家莊見了林

欽定平定教匪紀畧

卷二十四

三

清林清對我說明號是奉天開道其暗號並起事日子俟八月內到河南與牛亮臣再商量我住了兩天同宋玉林回至德州隨到滑縣見牛亮臣告知林清的話八月初間林清先到道口叫牛亮臣約會衆頭目到彼相見我就前往道口林清說他是文聖人李文成該做人皇我是武聖人明號是奉天開道暗號是得勝二字約定九月十五日動手造反各帶徒弟於本縣起事限定半月到京會齊那時牛亮臣對我說李文成馮學禮于克敬劉成章都已來過還有八個人頭目劉綱明劉宗順王道澁王修智壽光德宋克俊陰成德馮相林也都來商量過了又有六十四個小頭目內中惟徐安綱崔士俊王上香胡成德王聚霍雲璧記得姓名其餘記不

欽定平定教匪紀畧

卷二十四

三

清了李文成都給他們送信約定起事及到京日期那時林清又說我要占直隸保定府一帶你們各自占地方去若是不占我就都占了李文成就說他占河南彰德府一帶我說占山東德州一帶後來我因宋躍濬手下人少不能占據只好在滑縣幫同李文成起事不料八月十三日我堂兄馮克功同我兄弟馮克昌到縣中將我同牛亮臣李文成一齊出首我隨於十五日逃往德州宋躍濬家至九月初九日趕回滑縣行至北門見城門尚未關閉有從前賣藥的吳自新賣膠泥的王禮等看守城門未經攔阻我尋到家中見我女人同兒子女兒都已砍死在地彼時于克敬劉成章因我没有在家救李文成告知牛亮臣前來拏我我苦苦哀告牛亮

欽定平定教匪紀畧

卷二十四

五

臣方纒饒我叫我好好替李文成辦事就派我在富新莊運糧往謝家莊給李文成食用我每逢運糧到謝家莊都交給馮祥麟的兒子送給李文成們食用李文成因夾傷兩腿不能見面後來官兵已到我心中害怕又因李文成把我妻子兒女都殺死心中忿恨想逃往德州找宋躍濬約人起事兼殺李文成報讐十月二十三日起身繞道行走於十一月初間到德州向宋躍濬商量他說我手下人少不能起事我說你既不能幫我只好往山西解梁找我師傅唐鬍子起事你替我多湊幾兩盤費罷他信了我的話給我十六兩銀子其實唐鬍子現在滑縣朱召村我八月九月見過兩次並未出門我原是哄宋躍濬要他多送我盤費的意思至十一月

欽定平定教匪紀畧

卷二十四

五

十五日我在宋躍澐家起身時他向親戚劉添祥借了誥軸與我做護身符我就改叫劉明德他又著這劉添祥送我到景州文歌村馮哲家中始行回去我十九日走到獻縣三角村賣藥治病於本月初四日被拏那唐鬍子有五十餘歲中等身量黃鬍子現在本籍開藥店生理又李文成外號叫鹽霜有兩句謠言若要紅花開須要鹽霜來此外並無朱鹽霜其人也沒有朱大桃這個名字是我隨口編造等語訊之劉添祥馮哲供詞相符除再行研訊外理合奏

聞奏入

上命軍機大臣傳諭那彥成高杞楊遇春日昨日直隸省將馮克善解京當即交刑部訊問伊師唐鬍子下落據供唐鬍子即唐恒樂係滑縣朱召村人

欽定平定教匪紀畧

卷二十四

三

欽定平定教匪紀畧

卷二十四

三

年五十餘歲身中黃鬍子素開藥店生理曾經教伊鎗法此時現在朱召村該犯於八月九月見過兩次並未出門並稱前在德州見宋躍澐時因欲宋躍澐多幫盤費故捏稱前往山西解梁找尋伊師傅約期起事其朱鹽霜即朱大桃亦並無其人皆伊隨口編造等語唐鬍子一犯既在滑縣著那彥成等即派委委員前赴朱召村嚴密擒捕就獲後訊取確供飛速奏聞如已入滑城從賊並著於克城後留心查緝務得真實下落那彥成於緝獲該犯時並即知照銜輪停緝高杞亦毋庸前往再現據馮克善供出賊中大頭目八人除劉幗明王修智朱克俊三犯均已殲斃外其劉宗順王道澐壽光德陰成德馮相林五犯均未弋獲此外又據供有小頭目六十四人惟徐安幗崔士俊王士香

胡成德王聚霍雲壁六人記得姓名其餘不能全記等語崔士俊業已伏法徐安惘現與牛亮臣同在滑城拒守此外各犯曾否緝獲殲捕並著於克城之日留心查對將著名大頭目酌留二三人解京訊辦其餘小頭目審明後均卽在彼按律正法又前據百齡奏拏獲賊目榮興太一犯據供徐安惘保一大枝幹趙姓係宋朝後人今改稱何姓年

欽定平定教匪紀畧

卷二十四

天

十一歲居滑縣西關是教中真主本年十月間曾被滑縣鄉民搶去徐安惘邀人救出現與徐安惘同住等語徐安惘捏稱趙姓爲宋朝後人惑眾謀逆此時趙姓是否與徐安惘同在滑城必須查拏辦理方足以息邪說而淨根株著那彥成等切實訪查嚴拏究辦不可疎漏

上又命軍機大臣傳諭百齡胡克家日前因豫省匪

徒滋事派兵剿捕恐有零匪分投奔竄當飭該督

撫等設卡撥兵嚴加防範現在各處分竄賊匪俱

已剿洗淨盡馮克善一犯已於直隸獻縣境內拏

獲解京審辦渠魁俱以次殲擒滑縣孤城指日卽

可克復城克後嚴堵竄匪四逸最關緊要著百齡

胡克家各派員弁四出偵探如滑城既克餘匪就

地殲除淨盡江安二省邊界可無須設防卽將各

欽定平定教匪紀畧

卷二十四

天

處防兵次第裁撤以節糜費其江省審辦之周泳

太緒乾二案並著百齡催提犯證迅速審擬具奏

上又命軍機大臣傳諭衡齡曰本月初十日據章煦

派員將馮克善一犯解京嚴訊該犯據供伊師唐

翦子卽唐恒樂係滑縣朱召村人現在本村開藥

舖生理並未在蒲州解梁其朱大桃一犯亦係該

犯捏造誑騙宋躍濫等語現已飭知那彥成等在

滑縣朱召村嚴緝唐恒樂訊供具奏衡齡前此派往蒲解一帶躡緝唐鬍子各員弁曾否已有稟報如該處並無蠢動衡齡仍飭令密行察訪暫緩帶兵前往一面派員馳赴滑縣偵探如已將唐鬍子拏獲指證的確晉省即可停緝再滑城指日收復該撫現駐晉省邊界查看滑城克復四竄零匪一經剿淨所有晉省防堵官兵卽可以次裁撤以節

欽定平定教匪紀畧

卷二十四

辛

糜費

上又命軍機大臣傳諭額勒金布曰昨接章煦奏拏獲逆首馮克善解京審辦馮克善係著名首逆迅就擒縛豫省滑城餘賊亦指日悉可掃除至該處各關隘訪有潛通勾結形跡可疑之人自當嚴加盤詰但訊取初供所關最要不可任聽各營員先存邀功之見概將謀逆重情引誘犯人令其供認

以輕報重及據所供查拏全無影響徒滋疑惑該副都統又不可因有此旨卽查緝疎懈轉致真實逆犯或有漏網也

上諭內閣曰滑城指日克復餘匪剿淨軍務卽可告蒞此次直隸豫東三省被賊滋擾各州縣其城村鄉鎮多有紳士耆民團練義勇捐給錢米自衛里間而賊衆被剿奔竄之時因所至有備不致肆行

欽定平定教匪紀畧

卷二十四

壬

裹脅於官軍亦不爲無助該士民等曉明大義志切同仇實堪嘉尚著直隸山東河南各督撫查明近賊各府州縣團練防護處所將倡首之紳士耆民據實保奏分別賞給職銜其出貲出力之居民商賈人等該督撫自行查辦或給予匾額或量加賞資以示褒獎

是日同興奏言查東省自軍興以來臣於藩運

兩庫兩次提銀四十萬兩解赴東昌隨時支發
均經奏蒙

聖鑒計自九月至今有就近由藩庫發給各州縣承
辦軍需者又有陸續撥解東昌局內支發者先
後又提用銀二十五萬五千餘兩統計共提過
運庫銀二十萬兩藩庫銀四十五萬五千餘兩
茲荷澤等處辦理賑濟卽於軍需項內先行動

欽定平定教匪紀畧

卷二十四

三

撥應用東昌總局已無餘項臣現復飭提運庫
銀十萬兩解至東昌備用并據藩司稟解留撥
臨清關銀七萬兩來曹專備賑卹之需倘銀數
不敷容再

奏明動撥俟事竣將支銷款項分晰報銷奏入得
旨戶部知道

同日董誥等遵

旨查明押解馮克善之直隸委員兵役等開單具奏
得

旨此次押解逆犯馮克善進京之候補同知李簡遊
擊那蘇圖著各賞給小卷線縐一件兵役六名著
每名賞給一兩重銀鏢二個

欽定平定教匪紀畧

卷二十四

三

欽定平定教匪紀畧卷二十五



十二月十二日已刑部奏言臣等遵

旨研訊馮克善以各處賊匪蹤跡據該犯供稱我算

武卦總頭目與卦頭目趙步雲冀州趙莊人坤

卦頭目高玉爪金鄉縣人兌卦頭目牛文成即

牛亮臣之子現在滑縣離卦頭目就是宋躍濛

至老卦頭有掌九宮的梁姓彰德府城外梁灣

欽定平定教匪紀畧

卷二十五

十一

人係李文成之師原是老坎卦又有掌離卦的

部二山東東昌府城內人部二已故伊子部四

尚習離卦又有掌坤卦的衛修得濟縣東關人

別的卦我不知道又李文成的六十四個小頭

目內我又記起有山東曹州的張一得南樂縣

泗莊的姜道學長垣城內的孔老登濟縣河西

的朱崇得濟縣宗家灣的宗元武濟縣楊喜屯

的李常更其餘實記憶不起蒙問我王老得邢

分趙幅三人我們滑縣共有四個王老得有一

個王老得住居甘露村平素習教喫齋並不在

我們卦內有個邢分是武秀才其餘馬依潮及

趙隴趙鳳一千人我都不知道等語謹將所供

未獲各犯年貌詳細訊明奏呈

御覽

欽定平定教匪紀畧

卷二十五

二

是日那彥成高杞楊遇春奏言竊官兵圍攻滑

城初七日夜間賊匪先在東門城上鳴鑼旋有

數十人直撲遊擊李建勳營盤經官兵鎗箭打

退東南角楊芳桑吉斯塔爾營外又有賊數百

人前來滋擾官兵開礮轟擊臣等即派特依順

保慶祥張大振祁祥等出營截剿德寧阿色爾

滾亦至我兵越過濠溝奮勇剿殺賊匪始猶抗

拒各門官兵及知縣孟岷瞻所帶鄉勇齊聲接
應賊始退回官兵乘勢追趕殺斃賊匪約五六
十名生擒九名次早於查點鄉勇隊內究獲黃
興宰一犯查黃興宰黃興相均係滑城首先起
事要犯奉

旨嚴飭查拏內黃興相一犯已於道口燒斃茲提黃

興宰逐一嚴訊據供係滑縣黃家莊人與胞弟

欽定平定教匪紀畧

卷二十五

三

黃興相均從牛亮臣入教九月初七日朱元成

卽宋老占同徐老四徐老八等欲到縣監劫出

李文成約會同往我等共有八九百人一齊動

手就占了滑城李文成封我兄弟俱爲兇官伯

屢次打仗共拒傷兵勇六人黃興相把守道口

於十月二十七日被官兵燒死我從道口逃回

滑城官兵將城圍困又聞李文成已被殺死衆

人心慌因搬來道口糧食甚多不怕受餓牛亮

臣徐安囑宋老占三人商量既無出路只有死

守見官兵礮臺利害要想焚燒初三夜間徐安

囑同夥六百餘人暗出北門被官兵截殺一百

三四十人昨夜朱元成又令我帶四百人出南

門來燒礮臺不料又被官兵截住率衆跑回官

兵從後追殺我左臂著了兩箭右腿又著一箭

欽定平定教匪紀畧

卷二十五

四

滾落濠溝不能隨衆進城就混在鄉勇隊裏藏

著今被查出等供詰以城內賊首尙有何人據

供牛亮臣徐安囑宋老占三人是大頭目管事

小頭目尙有二十餘人亦有知姓不知名者其

奉

旨飭拏之朱成貴趙得一二犯據供城內並無其人

平素亦不曉得查驗該犯鎗傷甚重審明後同

諭旨棄械投出者應免死罪程進水不甘從逆殺賊
應官尙屬向義出力此時隨營鄉勇卽有數千
若將出力之人再究前罪與前奉

諭旨不符可否將該犯程進水免其究辦之處伏乞

皇上施恩其餘指名查拏之邢二瞎子邢不賢邢三

黑子邢歪脖子牛老安等查訊無蹤恐係案犯

牽批游供又指拏之王倫一犯現在輝縣報獲

欽定平定教匪紀畧

卷二十五

七

者係一樸實農民並無謀反情事已由方受囑

提省審辦其朱成貴趙得一二犯俟克復滑城

後再加搜捕

同日托津奏言竊查開州一帶與滑濬毗連村

莊稠密其習教從逆者數十餘處節經官兵痛

加殲洗已無成股之賊惟尙有剽剩餘匪或藏

匿磚樓或潛伏地窖節次派員弁帶同鄉民作

眼逐一搜拏共獲犯九百一十九名派員審訊

究出曾經抗拒官兵之小頭目趙玉田袁得新

李可召范佩榮李虎柳舉李二黑根王喜王魁

喬元林子聞遠等十一名並搶掠村莊殺人放

火之侯成秀等二百五十六名均予正法其僅

止被賊裹脅情尙可原者六百五十二名隨時

省釋此外間有土棍乘機掠取糧食亦經查拏

欽定平定教匪紀畧

卷二十五

八

柳責聞聞漸就肅清茲據馬瑜等呈稱於滑縣

西湖村訪獲劉第五卽劉宗林一犯訊據供認

聽從安陽縣人梁健忠習教傳徒將梁健忠查

拏到案嚴加質訊究出劉宗林家內藏有簿籍

等件復派員前往起獲小旗一面錫圓記一塊

符咒五本共計大小號簿七本編列男婦姓氏

三千八百餘人每人名下註有錢文糧食數目

並地畝品級字樣又大小合同紙片一捲書有符咒鈴蓋圖記詰訊該犯供認伊與大頭目劉峒明等從林清李文成傳習八字真言招人入教凡有送給錢文糧食者許俟李文成起事之後給與地畝官職每錢百文許地一頃糧食數石許給官職填註號簿並開寫合同紙片交與本人作據並據供稱六七年與梁健忠習教傳徒人數尙不甚多至十六年滑縣庫書牛亮臣因虧用庫銀逃往京城將林清引至滑縣與李文成劉峒明等商定逆謀後劉峒明在伊家內招人入教許給官職地畝是以相從者衆本年九月李文成等在滑縣起事劉峒明卽將教內人等邀往抗拒官兵伊因在家收管簿籍未經同行等語當將搜捕賊犯名單與該犯號簿

欽定平定教匪紀畧

卷二十五

九

欽定平定教匪紀畧

卷二十五

十

內人名逐一核對其相同者甚多惟查該犯皮匣內另有黃紙單一張寫牛老明等二十一犯名姓詰據該犯供稱因係頭目特於號簿內提出另單存記查單內牛老明卽牛亮臣現在滑縣林老三卽林清李文成申文顯劉峒明宋克俊魏得中王學義郭明儒等犯俱已先後誅戮外其于克敬裘貴王道隴張峒士張峒祥孫敬義趙幅張鳳祥劉成章李存信翟清林劉趙林等犯尙未就獲當開單飭令馬瑜等嚴密訪緝並知照那彥成一體查拏查該犯習教傳徒至男婦三千八百餘人之多並設立簿籍封賞官職地畝罪大惡極無論是否係現在飭拏之劉第五均當嚴行懲辦除將該犯同梁健忠一併解交刑部審訊外謹抄錄供詞進呈

御覽

同日長齡奏言竊臣前於涼州途次接奉

諭旨飭拏要犯劉五訓當卽飛飭各州縣並委員分

赴各路查拏去後茲據隴西縣知縣佛尼勒稟

稱十一月二十四日在府城二十里舖拏獲僧

人吉仰花卽吉學著於衣包內搜出天平大王

木戳一個內有離卦字樣當將該犯帶省審辦

欽定平定教匪紀畧

卷二十五

十一

等因臣親加研訊緣該犯吉仰花山西永濟縣

人平日傭趕爲活十六年到陝西咸陽縣壩河

灣陳泳發家傭工因其姪外出卽與其姪媳通

姦生子經伊夫回歸追究其姪媳自縊該犯畏

懼潛逃至河南鄧州楊枝發酒坊復又傭工與

店夥陝西渭南人李茂認識至十七年八月內

李茂與該犯一同辭出行至河南伊陽縣太白

廟投宿見有不識姓名僧人二人同一幼孩先

經住宿在廟李茂見其行李沉重卽與該犯商

同將三人一併謀斃俵分銀物至夜棄屍河內

逃至陝西耀州地方剃去髮辮卽將謀斃僧人

衣帽改裝化緣於是年十月內行至五郎廳福

坊酒店先有四人在內飲酒內有一人與該犯

敘談說及其妻有病該犯卽答以能符咒治病

欽定平定教匪紀畧

卷二十五

十二

其人相約至家該犯畫符念咒其妻病愈因將

該犯留住相邀入教該犯始知相延治病之人

卽係天平大王劉添貴其同坐飲酒之三人一

名左奉先是明戶大師一名焦廷彥一名焦進

賢均是鎮殿將軍劉添貴卽偽封該犯爲護步

大禪師並令該犯到苟家山焦進賢家住下見

焦進賢家東廂地板下有一地洞內可藏七

八百人並有鎗刀糧食至本年正月劉添貴說及昨有河南衛輝府坎字號順天王劉成玉王幅玉卽王大頭牛那達李添成等曾差劉呈祥來相邀起事劉添貴因人數無多回覆仍一面令開孝先杜孔先李茂並該犯等四人分投勾結入教之人每人給與天平大王木戳一個復傳口號四句各給銀三四十兩不等並說及如銀兩不敷再令王承先分送盤纏據稱開孝先年四十二歲係保定府人前往湖廣地方杜孔先約三十餘歲係山西人前往四川一帶李茂前往陝西長武永壽榆林定邊一帶該犯往興平扶風武功秦州清水伏羌鞏昌一帶曾於十月底至清水縣遇有素識之蔣得升蔣得禮弟兄二人並秦州之楊濟父子二人及高駒劉玉

欽定平定教匪紀畧

卷二十五

七

共六人相誘入教蔣得升等均各允從該犯卽各給木戳印帖一張傳授口號分給銀七八錢不等令其前往苟家山入夥至劉五順並不認識等供臣查該犯等膽敢倡立邪教偽刻木印聚集多人且曾經豫省教匪遣人勾結實屬罪大惡極其供詞恐有不實不盡除一面飛札陝西撫臣朱勳速派委員赴五郎廳苟家山地方將劉添貴左奉先焦廷彥焦進賢及吉仰花糾約之蔣得升等六人按名速獲查明地洞人數鎗刀糧食嚴究黨與並密札四川湖廣督臣嚴拏究辦外臣一面分派委員前往陝甘境內查在家一併嚴切訊究臣仍上緊查拏劉五訓一有確實卽當遵

欽定平定教匪紀畧

卷二十五

七

旨由驛速奏

同日同興奏言竊臣欽奉

諭旨飭查汝上縣人劉大秋首告曹州剿散餘匪趙

東禮孟泮搶掠之案查東省定曹賊匪剿平之後

兩月以來陸續獲到餘匪及滋事土賊已逾千

人均經委員確訊分別懲辦近復風聞鄆城縣

境內有匪徒潛藏婦女又聞有莊民劉大經赴

欽定平定教匪紀畧

卷二十五

五

兗州出首之事派員密訪尙未回報茲蒙

訓示卽遵派劉清星夜前赴汝上縣城一帶嚴密查

拏又添派參將那清阿由郝士連集帶兵密往

鉅野駐劄彈壓至蘭郊一帶素有披刀匪徒却

非教匪黨類大半與江境海頓等處鹽梟勾結

亦已飭屬通行嚴緝並無滋事之案現在曹州

一帶駐紮防兵遠近均可接應一俟滑賊剿平

再當酌量於各要區適中之地派幹練大員帶

兵駐劄以次巡緝所有陳廣寧前奏拏獲王學

禮一犯臣親提研訊與前此獲賊王奇山供出

之王學禮一犯年貌不符惟該犯於九月內亦

曾同教匪打仗搶掠當經飭令正法又前奉

諭旨飭查邵舉人一犯臣自九月以來歷經研訊獲

犯俱不知有邵舉人之名查定陶縣有一武舉

欽定平定教匪紀畧

卷二十五

六

邵廷諤早報病故此外別無邵姓舉人現仍飭

查邵廷諤子弟親屬中有無爲匪之人另行辦

理至現在拏獲定陶武生孔廣運一犯從賊不

法當卽正法又現獲朱成貴之堂弟朱成志一

犯供出曹縣武生張登鰲范登魁俱在滑縣從

賊已飛咨那彥成查緝又宋躍濬之叔祖宋杵

甲一犯並宋躍濬宋樹得家屬均已拏獲據宋

籽甲供與馮克善素不認識等語除再飭緝朱躍澆之徒夏之禮陸貴務獲外其朱籽甲一犯應否解京備質伏候

訓示

是日朱勳奏言竊臣於前月二十九日據鳳翔府稟報岐山縣三才峽地方向有木廂數處係商人雇覓外來民人在老林砍伐樹木做成柴

欽定平定教匪紀畧

卷二十五

七

塊運送山外貨賣本年因包穀價值昂貴該木商於十一月初間停工受雇民人因無工作於十一月二十七日糾眾搶糧係傅老八桂老九楊二胡七龍姓等五人為首約有三四百人等語臣查三才峽附近老林與漢中鎮屬在在毗連隨即知會鎮臣吳廷剛挑備弁兵臣即於是日出省並派弁先行往探實在情形臣於初一

日行抵郿縣據探弁回稱該匪徒等實有四五百人一半徒手其所執器械係刀斧竹矛有鳥鎗數十桿沿途止係掠食並無傷人放火由三才峽竄往寶雞縣屬之拐里地方因該處義勇堵截仍折回三才峽燕子嶺等處現欲竄往蓋屋所轄之厚吟子一帶等語查該匪等僅止搶奪糧石不敢傷人放火臣即將包穀青空奉

欽定平定教匪紀畧

卷二十五

六

旨查明具奏現在親來查辦緣由寫簡明告示差外委樊斌等前往曉諭但恐聚而不散必須震以兵威遂知會吳廷剛帶兵由留壩江口前赴厚吟子一帶迎截並將省城挑備之撫標兵二百五十名西安鎮標兵一百五十名派令署撫標遊擊馬國鎰帶領由蓋屋峪口前進又派委鳳邠道胡枝蕙候補知府費濟同知向淮前往山

內鼓勵本地義勇隨處截拏嗣據探報該匪竄至盤屋縣山內獨獨河一帶裹脅民人東竄臣遂於初四日由郿縣轉回盤屋據厚畛子把總海蒲稟稱該匪有紅藍旗八桿共八九百人初二日在佛爺灘紮住逼令鐵匠打造刀矛又據鄉約歐吉祥報稱初三日小王澗有賊三百餘人持執棍棒並有紅藍旗四桿搶掠糧食並未殺人放火有東竄之勢等語查佛爺灘距小王澗二百餘里佛爺灘匪徒據探報初三日早晨尙在該處未動今小王澗一股其不殺人放火同一行徑盤屋亦有木廂或係三才峽匪徒勾結滋事尤爲可恨查該匪等均係無藉之徒雖現在祇係搶奪但已有旗幟刀矛未便因其尙未殺人放火稍事寬貸且山內游民雜處恐其

欽定平定教匪紀畧

卷二十五

五

聞風效尤應先派兵截其東竄之路以便漢中鎮之兵跟蹤追剿臣現派本標叅將護西安鎮總兵達凌阿帶領撫鎮標兵四百名由郿縣之八里坪一帶探蹤堵剿相機辦理至吳廷剛業已調兵一千名計初八九即可會齊由留壩西江口向東北探蹤追剿正可與達凌阿兩路夾擊漢中官兵久經戰陣吳廷剛打仗奮勇現在老林冰凍甚大臣已委員賚送銀一千兩囑其鼓勵官兵緊跟追剿不予以暇臣仍於沿山一帶督率印委各員設卡防堵並移知將軍臣穆克登布督臣長齡一體知照辦理再臣因斜峪關係三才峽出口地方當經札飭該汛千總鄭忠祥查出兵丁陳開文宋開運楊興等三名素與首犯傅老八楊二認識因卽派令持示曉諭

欽定平定教匪紀畧

卷二十五

五

茲據回稱在獨獨河趕上將告示交付楊二等與衆閱看楊二等當邀余姓寫有訴呈一紙並據回稱頭目桂老九因分贓不公業被夥匪在燕子嶺殺斃現在頭目係傅老八楊二喜兒余姓羅鬍子等語合將帶回呈詞一紙咨交軍機處預備呈

覽均奏入

欽定平定教匪紀畧

卷二十五

三

上命軍機大臣傳諭那彥成高杞楊遇春日那彥成等圍攻滑縣頭兵堅城之下已越四旬仍未攻克盼望捷音實深焦急正在降旨詢問適接那彥成等初九日奏報據稱賊匪於初七日出城撲營欲圖焚燒礮臺經官兵截剿殺斃賊匪五六十名生擒九名擒獲著名賊首黃興宰一犯審明正法並稱現在賊勢日蹙拒守益堅官兵竭力進攻等

語黃興宰與弟黃興相係滑城首先起事之賊黃興相前已殲斃今又將黃興宰拏獲正法所辦甚好惟官兵自圍攻滑城以來已及月餘雖時有殲獲賊匪而孤城未下曠日持久老師糜餉滑城一日不克人心一日不定賊匪黨與伏莽未淨豈無觀望生心者那彥成等何慮不及此本日據朱勳奏報前月二十九日陝西岐陽縣三才峽地方有

欽定平定教匪紀畧

卷二十五

三

匪徒四五百人持械掠食旋經竄至盩厔縣山內獨獨河一帶裹脅民人東竄計有八九百人又小王澗亦有賊三百餘人搶掠糧食並有旗幟刀矛現經該撫派員與總兵吳廷剛兩面堵剿等語陝省地方又有匪徒滋事雖據奏係饑民掠食但已有千人之衆現已有旨諭令長齡帶兵來陝督辦若能一鼓撲滅固屬甚善倘稍緩時日豫陝連境

豈不又增牽制昨已降旨令那彥成等務於本月二十前奏報蕘功該督等接奉此旨當倍加奮勉設法攻取慰朕宵旰殷懷毋稍延玩至滑城攻克之後大局雖定而搜剿餘匪頭緒尙多滑城本賊匪起事之處其附近一帶藏垢納污仍復不少那彥成於克城後著於各路征兵內挑取精銳得力者同吉林黑龍江馬隊共數千名在滑縣紮營駐守彈壓曉諭村莊市集居民各將有名匪徒自行縛首或訊出賊目派委文武員弁前往緝拏以大兵爲之聲援若小有抗拒則派一二將備帶兵數百名立時擒捕若匪徒勢衆則那彥成等卽親督勁兵一舉剿除其勢亦如以湯沃雪無難立辦滑縣一帶蕘捕淨盡再督兵移營大名一帶亦如駐兵滑縣時一律辦理俟直豫交界之處零匪搜捕

欽定平定教匪紀畧 卷二十五 三

淨盡實可放心該督再奏聞候旨伊雖係直隸總督本任現有章煦署理朕明年暫緩謁

陵直隸別無緊要事件那彥成不必分心懸慮惟當專意軍務迅奏捷音妥辦善後此爲至要至陝省饑民搶掠之事長齡卽日遵旨帶兵前往督辦一俟滑城攻克著高杞卽帶領西安滿兵並酌帶陝甘兵一三千名由潼關取道速赴南山幫同長齡剿辦如到彼後該省業已辦竣卽著將所帶之兵分別撤歸原伍高杞自行來京復命高杞於滑城克後迅速起程不可遲延觀望致干重譴彼時如陝省緊急那彥成舊任陝甘總督或卽派該督前往屆時再降諭旨再同日據長齡奏稱於鞏昌府城外盤獲邪僧吉仰花一名搜出天平大王偽號木戳一個內有三卦字樣據供偽大王名劉添貴在

欽定平定教匪紀畧 卷二十五 四

陝西五郎苟家山本年正月間劉添貴曾言及衛輝府坎字號順天王劉成玉王幅玉卽王大頭牛邦達李添成曾差劉呈祥相邀起事劉添貴因人少未行令闕孝先杜孔先李茂並該犯等四人分投勾結該督已分飭查拏等語劉成玉王幅玉牛邦達李添成遣劉呈祥赴五郎勾結劉添貴一節係本年正月間之事其李添成是否卽係李文成劉成玉三人滑縣獲犯內曾否供有其名著那彥成等詳悉查明覆奏再現在訊據馮克善供有掌九宮之老卦頭梁姓係李文成之師住居彰德府城正東十五里梁灣地方正在降旨查拏未刻接據托津奏到搜捕零匪摺內拏獲劉第五卽劉宗林訊出聽從安陽縣人梁健忠習教傳徒當將梁健忠拏獲梁健忠住安陽縣安陽係彰德府附郭

欽定平定教匪紀畧

卷二十五

三

首縣其人是否卽係李文成之師在梁灣居住者並著查明覆奏又昨日飭拏之王老得一犯訊之馮克善據供滑縣共有四人名王老得其甘露村居住之王老得家資甚富平日喫素並不與伊同教等語王老得是否止於習教喫齋有無從逆情事或此外另有習教謀逆之王老得著那彥成訪問明確查拏勿誤又據馮克善供有掌坤卦之衛修得住居濬縣東關又小頭目內有宋崇得一犯住濬縣河西宗元武一犯住濬縣宗家灣李常更一犯住濬縣楊喜屯並著那彥成等查明各該犯曾否一同起事現在滑縣城內一併查緝務獲訊明辦理並將各該犯年貌清單一併抄寫發往至那彥成另片覆奏查緝各犯內程進水一名被裹陷入賊營既經殺賊投出復屢次充當頭陣自應

欽定平定教匪紀畧

卷二十五

三

寬其究辦如再有殺賊立功之處卽拔補營弁均無不可其朱成貴趙得一二犯據直隸山東訊明現在滑縣城中那彥成等仍當留心查緝毋令漏網其現在滑城抗拒之牛亮臣徐安囑宋老占三犯俱應生擒盡法處治若臨陣殲斃亦必確實驗明方可憑信不可稍有草率又本日據御史黃中傑奏輝縣地界有關名侯趙川在縣西北七十里

欽定平定教匪紀畧

卷二十五

三

險要天成間有賊匪竄入該處者恐其在內盤踞等語侯趙川係輝縣險要之區豈可使賊匪潛入盤踞並著那彥成等查明搜緝淨盡毋留餘孽

臣等謹按陝省三才峽匪徒因饑掠食原其起衅之始固非若教匪之蓄心謀逆然南山戡定未久民氣浮動又陝甘各營將弁兵丁多徵調外出奸民伺隙乘機搆亂使非迅就

掃除則深山密箐滋事堪虞斯時滑城未下盼捷方殷而警報疊傳事機叢出實爲軍務萬分喫緊之時我

皇上籌筆殷繁不遑日昃臣等跪聆

指畫焦灼同深乃是日丙夜適遞到那彥成等六百

里加緊喜報克紓

宵旰遠震聲威由是

欽定平定教匪紀畧

卷二十五

天

簡得勝之師翦方萌之孽功成破竹勢若摧枯良由至德勤勞寅承

天眷之厚也已

上又命軍機大臣傳諭托津曰托津奏節次緝捕零匪獲犯九百餘名並拏獲傳教大頭目劉第五卽劉宗林起獲小旗圖記符咒號簿等件究出習教傳徒之梁健忠一併拏獲派員解京審訊等語所

辦甚好劉第五一犯無論是否卽係聽從林清派
令帶人進東華門之犯其積年窩藏逆犯習教傳
徒至三千八百餘人之多情罪已極重大自應與
梁健忠一併解京審辦所有拏獲劉梁二逆犯及
搜捕零匪審辦出力文武各員弁著托津擇其尤
爲出力者保奏數員候朕酌量施恩托津仍卽遵
前旨前赴那彥成等軍營會議托津到彼時查看
攻圍滑城情形如卽日可破不妨在彼停留數日
俟滑城克復後幫同那彥成將俘獲要犯詳悉訊
辦若約計攻破滑城尚須時日托津卽迅速來京
供職

欽定平定教匪紀畧

卷二十五

五

上又命軍機大臣傳諭長齡曰據長齡奏盤獲匪僧
吉仰花卽吉學著一名訊據供稱聽從五郎廳匪
犯劉添貴糾約入教同左奉先焦廷彥焦進賢三

犯俱受劉添貴偽封並在苟家山焦進賢家見有
鎗刀糧食本年正月衛輝府劉成玉等遣劉呈祥
邀約劉添貴起事劉添貴因人數無多不能隨同
起手旋給該犯木戳銀兩遣同關孝先杜孔先李
茂三犯分投糾人滋事該犯至清水縣糾約素識
之蔣得升蔣得禮並秦州之楊濟父子高駒劉玉
六犯令往苟家山入夥等語逆匪劉添貴與河南
逆匪潛相勾結遣匪徒吉仰花等分出糾人經該
督督飭地方官於鞏昌地方盤獲究出勾串各情
其劉添貴等犯在五郎廳苟家山潛匿現尙伏而
未動自易掩捕至劉添貴潛遣匪徒四出勾結恐
不止如該犯所供李茂王承先等數犯該督務飭
地方文武員弁一體嚴密查拏毋稍疎懈本日據
朱勳奏岐山縣三才峽有匪徒數百人持械掠食

欽定平定教匪紀畧

卷二十五

五

並製造旗幟刀矛裹脅民人東竄已知會總兵吳
 廷剛調兵一千名前往剿辦並查知兵丁陳開元
 等與首犯傅老八楊二認識派往持示曉諭當經
 楊二等寫有訴呈一紙現在頭目係傅老八楊二
 喜兒余姓羅鬍子等語現在岐山地方匪徒滋事
 朱勳已帶兵前往剿捕長齡自已接稟報此事關
 係緊要著卽酌帶甘肅勁兵星夜馳赴陝省督辦
 欽定平定教匪紀畧 卷二十五 三
 據該匪徒等所遞訴呈稱係年饑求食著該督察
 看情形該匪徒既自稱饑民正當將計就計一面
 出示解散黨與令其將爲首之傅老八等犯獻出
 按律懲辦其餘脅從者查係鳩形鵠面因饑掠食
 之人均可從寬發落如該匪徒始終抗拒卽督飭
 弁兵迅速撲滅淨盡毋任蔓延本年西安等處歉
 收處所已分別加恩撫卹若實因地方官諱災起

據並著長齡查明將董教增朱勳及諱匿之地方
 官一併嚴叅至五郎屬苟家山之匪犯劉添貴等
 經朱勳派員查拏如已捕獲甚善若有抗拒長齡
 現馳赴岐山一帶距五郎關不遠卽可就近帶兵
 掩捕不致疎失倘長齡接奉此旨之日朱勳已將
 岐山匪徒辦竣長齡卽毋庸帶兵前往
 上又命軍機大臣傳諭朱勳曰據朱勳奏稱岐山縣
 三才峽有匪徒四五百人持械掠食由盩厔縣山
 內獨獨河一帶裹脅共有八九百人逼令鐵匠打
 造刀矛又小王澗地方有賊三百餘人執持棍棒
 隨處搶掠亦有東竄之勢業經該撫派令總兵吳
 廷剛等帶兵籌剿並繕寫告示令與該匪目素識
 之汛兵持往曉諭據該匪等呈訴因饑覓食並無
 造反之事等語該匪等藉荒歉爲詞輒敢糾集多

人肆行搶掠但一經該撫出示曉諭該匪等即行
 具呈申訴似尙有悔罪之心朱勳自當趁該匪等
 申訴情詞將計就計再行曉諭安撫俾匪夥立時
 解散令將爲首者舉首彼時再將爲首之犯按律
 辦理餘衆從寬發落可不致大煩兵力豈不甚善
 如該匪等始終抗拒自不能不痛加殲捕現已諭
 知長齡令其挑帶官兵來陝督剿朱勳此時先督
 率吳廷剛等相機妥辦如已將首夥全行辦竣即
 飛速知會長齡毋庸帶兵來陝再本日長齡奏隴
 西縣盤獲僧人吉仰花供出偽號天平大王劉添
 貴一犯在五郎關苟家山潛遣夥黨分散木戳四
 出糾人該督已知會該撫派人密拏首夥各犯一
 經拏獲迅速具奏五郎關卽在南山之中恐其與
 三才峽匪徒互相勾串該撫當飭知帶兵將弁等

欽定平定教匪紀畧

卷二十五

三

留心防範毋稍疎虞

上又命軍機大臣傳諭章煦曰昨日審訊馮克善積
 據供出李文成小頭目六十四名內有姜道學一
 犯居住南樂縣泗莊又孔老登一犯年五十餘歲
 居住長垣城內著章煦卽速派委員會同地方官
 將該二犯查明緝獲勿任漏網緝獲後卽行訊供
 奏聞

欽定平定教匪紀畧

卷二十五

三

上又命軍機大臣傳諭馬慧裕常明曰本日據長齡
 奏拏獲陝省匪犯劉添貴派往甘省糾人入教之
 吉仰花卽吉學著搜出天平大王木戳一顆訊據
 供稱伊與關孝先杜孔先李茂等四人均聽從偽
 號天平大王劉添貴等入教本年正月內有衛輝
 府坎字號順天王劉成玉等差劉呈祥來約令合
 兵起事劉添貴因手下人少派伊等四人各處糾

人入教每人給天平大王木戳一顆傳口號四句
令其分路行走關孝先係保定府人走湖廣一路
杜孔先係山西臨晉縣人走四川沿邊一路等語
著馬慧裕常明查明年貌飭知該省地方官留心
盤詰關孝先杜孔先二犯如年貌相符並搜有天
平大王木戳卽係正犯無疑拏獲後該督卽親提
審訊錄取確供由驛速奏

欽定平定教匪紀畧

卷二十五

五

上又命軍機大臣傳諭同興曰據獲犯馮克善供出
坤卦頭目高玉爪係山東金鄉縣人又掌離卦部
二係東昌府城內人現已病故伊子邵四尙習離
卦教又李文成小頭目張一得係曹州人著同興
卽派員分投前往金鄉等處將高玉爪等三犯嚴
密訪拏就獲後該撫親提審訊錄取確供由驛具
奏再據同興奏宋籽甲一犯現已拏獲著派員解

京交刑部歸案審訊

同日同興奏言查定陶曹縣難民前經

奏准撫卹概給三個月口糧今據藩司朱錫爵具

稟荷澤濮州二處應賑之戶其情形與定曹相

等若照賑例分別極次窮民未免向隅應請與

定陶曹縣一體散給三個月口糧以歸畫一奏

入報

欽定平定教匪紀畧

卷二十五

五

聞

是日亥刻那彥成高杞楊遇春由六百里加緊

奏言竊_臣等圍攻滑城生擒賊首黃典宰於本

月初九日具奏後查前此各門挖掘地道先被

賊匪火焚石砸二處未能得手_臣等憤恨已極

復親身督率楊芳桑吉斯塔爾等催令兵夫仍

於城西南角挖掘明暗二道使賊匪不能知覺

初九日晚間工竣其暗處已越城根又西門地道亦經楊遇春親自督辦同副將何占鰲遊擊朱保等晝夜催備亦已刨挖近城臣等誠恐稍緩時刻或被賊匪窺測隨於初九日戌刻密傳號令先於西南角一處將地雷火藥安置穴內嚴密堵口預備引線發火一面撥派官兵鄉勇分路進攻臣那彥成自帶親隨弁兵督同慶祥楊芳桑吉斯塔爾副將張大振巴圖魯德海劉泰永海等攻打城西南角并派叅將祁祥都司寶德趙啟貴等隨後接應臣高杞同格布舍富僧德德音額侍衛阿勒罕保額勒精額色楞保等攻打東門并派遊擊富克精阿都司沙武德等隨後接應臣楊遇春同特依順保德寧阿色爾滾長慶諾木齊蘇清阿達斯呼爾岱等攻打

欽定平定教匪紀畧

卷二十五

七

大小西門并派副將舒豐阿章京富明額勒登遊擊廣瑞等隨後接應馬元同蘇爾慎協領七克唐阿遊擊馬光宇知縣孟祀瞻等攻打北門并派叅將薛陞遊擊李建勳等隨後接應各路俱備雲梯沙土布袋以便登城一面令礮臺將弁用礮轟擊另派吉林黑龍江及蘭州固原官兵馬隊伏於近城處所四面兜圍以杜賊匪竄逸并號令官兵如有能上城及擒獲賊首者加以重賞諄囑將領令其辨認賊首務在生擒布置已定即於初十日卯刻進兵齊攻五門賊眾在城抵拒鎗石如雨官兵奮勇撲近城根二次均為鎗石所阻正在相持臣等一面令發地雷一面催兵四面直進詎賊匪施放鎗礮益加抗拒官兵鄉勇多有傷亡時城西南角地雷轟發

欽定平定教匪紀畧

卷二十五

七

南門裂開城墻二十餘丈磚石亂飛轟斃賊匪無數賊始驚慌臣那彥成督同楊芳桑吉斯塔爾等冒突烟火攻上左首率衆衝入劄住缺口楊遇春等攻上右首直接大小西門時西門地雷亦發官兵雲梯齊上城堞高杞同馬元等分投奮勇進攻各門官兵俱用雲梯沙袋躍登直上賊匪復在堞口拚命抵敵官兵無不勇氣百倍飛越城堞將賊匪痛加剿戮共殺斃及跌斃者三四千人先將南門大小西門攻破東門北門亦卽立破其有跳城逃竄者悉被城外所伏官兵擒獲無一得脫大兵齊入城中分投剿殺賊衆突圍欲逃向前直撲數次俱被官兵鎗箭攻打又約斃四五百人其餘退回民房閉門抗拒現經官兵舉火焚燒卽可盡數殲獲惟城內

房屋堅固四圍均係磚牆火攻急切難克且官兵自卯至酉打仗克城已閱七時之久亦須少予休息現將五門嚴密堵住再行進剿以便生擒賊首斷不使一名漏網此次共殲斃賊匪九千餘人生擒二千餘人奪獲旗幟鎗礮刀矛等項無算投出難民老幼男婦二萬餘人尙需查訊辦理其在城著名賊首同節次奉

旨飭拏各犯現在生擒之賊甚多是否擒獲抑已殲斃倉猝實不能辨認統俟將城內伏匿賊衆拏獲淨盡再行切實究訊一面飛札廣厚囑其來營會同提審具奏仍飭府縣及委員等先行安撫難民勿令驚懼其出力員弁兵丁及傷亡弁兵鄉勇等容再分別查辦謹先將大概情形馳奏仰慰

聖懷奏入

十二月十三日午

上諭內閣曰那彥成等由六百里加緊馳奏督率官兵攻克滑城一摺覽奏欣慰此次逆匪勾結起事始於滑縣戕官劫獄佔據縣城其夥黨在直隸山東邊境者亦同時竊發擾害城鎮鄉村居民被其荼毒節經派調官兵分路進剿山東曹定等處賊

欽定平定教匪紀畧

卷二十五

聖

匪早經撲滅直隸開州長垣一帶亦就地掃除其豫省大股賊匪先經那彥成等將道口桃源屯踞之賊次第攻克其時逆首李文成率領匪眾竄至輝縣司寨地方經楊芳等帶兵殲斃兇渠蕩除餘孽惟佔踞滑城賊匪負隅抗拒圍攻已越四旬現經那彥成等周環布置於本月初十日親督兵勇奮力進攻城南地雷轟發震裂牆垣數十丈那彥

成督同楊芳桑吉斯塔爾冒烟攻上左首楊遇春攻上右首城西地雷隨發官兵雲梯齊上城堞高杞同馬元等帶兵進攻各門分投繼進殲斃賊匪三四千人賊眾突圍逃竄又被官兵擊斃四五千人人生擒賊匪二千餘人投出難民老幼男婦二萬餘人全城克復此皆仰賴

上天

欽定平定教匪紀畧

卷二十五

聖

祖 考垂佑深恩得以掃除逆惡迅奏成功朕與天下臣民同深慶幸那彥成高杞楊遇春統領師干不辭艱瘁其在事將領官兵等亦俱奮勇出力允宜渥沛恩施以昭懋獎那彥成著加太子少保銜賞給三等子爵換戴雙眼花翎在紫禁城內騎馬并賞給御用荷囊一個陞拔伊子容照為乾清門二等侍

衛所賞荷囊翎枝卽著容照馳驛賞往又賞給黃面黑狐皮馬褂一件四喜玉搬指一個吉祥白玉牌一個鑲寶石帶扣一副黃辦大荷包一對小荷包二個高杞著賞給頭等輕車都尉紫禁城內騎馬并賞給黃面烏雲豹皮馬褂一件四喜玉搬指一個鑲寶石帶扣一副黃辦大荷包一對小荷包二個楊遇春著賞給二等男爵紫禁城內騎馬并

欽定平定教匪紀畧

卷二十五

聖

賞給黃面天馬皮馬褂一件四喜玉搬指一個鑲寶石帶扣一副黃辦大荷包一對小荷包二個桑吉斯塔爾隨那彥成率先登城著加恩在御前侍衛上行走其摺內圍出各員除那彥成高杞楊遇春外凡攻城出力者俱著交部從優議敘兵丁賞給一月錢糧圍城各官弁俱著交部議敘兵丁賞給半月錢糧并發去四喜玉搬指十個玉柄小刀

十把花磁翎管十個玻璃鼻烟壺五個分賞出力官弁一兩重銀鏤二百個五錢重銀鏤二百個一兩重銀牌二百面五錢重銀牌二百面分賞出力兵丁自九月十二日以後直隸豫東等省軍報絡繹并有突入禁門逆案軍機大臣等晝夜宣勞除勒保病假在家近甫銷假入直外董誥盧蔭溥著交部從優議敘桂芳自托津出差派令入直奉職

欽定平定教匪紀畧

卷二十五

聖

克勤著卽在軍機大臣上行走仍交部議敘松筠曹振鏞職任綸扉俱著加恩晉太子少保銜劉鏡之英和督緝認真俱著加恩賞加太子少保銜百齡同興辦理防剿事宜奮勉出力俱著加恩賞加太子少保銜軍機章京通政使司叅議姚祖同著交部從優議敘此外各章京著交軍機大臣查明尤爲出力者保奏數員交部從優議敘其餘各員

并著交部議敘所有此次議敘各員均著照軍功例議給

臣等謹按逆賊以編戶齊民食毛踐土乃背生成之德逞不軌之謀至于

宮闕震驚生靈荼毒罪大惡極天下臣民人人憤

恨泊乎滑城圍困之後固已計無復之顧賊

之精銳悉萃於此廣積糗糧負嵎固守延喘

欽定平定教匪紀畧

卷二十五

將及四旬附近奸徒既難保無伏匿觀釁而

訛言四起且復時駭聽聞我

皇上天威遠震

聖武赫揚滑城巨礮一轟無異於

震霆之殛計那彥成等十三十五兩次奏到殲擒賊

黨幾二三萬人渠魁一一生致維時京師查

拏逸犯前後亦已多至二百餘名歲暮獄具

內外大局全定由是櫓槍淨掃氛翳廓清寰宇又安

天人欣暢迴念自九月十二日以後事變紛然仰惟

大聖人勞心焦思

握樞廣運克底救寧太平之福

錫自

一人

欽定平定教匪紀畧

卷二十五

恩諭特頒論功行賞內外諸臣誠何力之有焉

上又諭內閣曰昨據那彥成等馳遞六百里加緊克

復滑城捷音所有兵部捷報處由良鄉縣迎遞軍

報之主事穆克登筆帖式慶齡俱著加恩賞戴藍

翎侯陞至五品准其換戴花翎德勝門接遞喜報

之郎中永魁筆帖式輔良俱著交部議敘其自軍

營至京沿途各驛站官弁夫役著該督撫查明照

例獎賞

上命軍機大臣傳諭那彥成高杞楊遇春日本月十二日亥刻那彥成等由六百里加緊奏到攻克滑城大概情形覽奏欣慰之至已明降諭旨將那彥成等三人各施厚恩其餘將領官兵俱優加獎賞矣滑城攻克以後大局已定此時緊要節目必須將著名逆賊以及外來附逆要犯悉數查拏淨盡

欽定平定教匪紀略

卷二十五

七

以絕亂萌那彥成等摺內稱官兵克城之日殲斃賊匪九千餘人生擒二千餘人又城內尚有伏匿之賊再行查拏此數日內自己搜捕無遺茲特交軍機處將一切應拏賊目開寫清單發往著那彥成查明此內業經殲斃者若干名生擒者若干名查緝未獲者若干名分別註明據實具奏其殲斃者必須指認確鑿以杜詐僞生擒各犯擇其稔惡

為首傷不甚重者二三名解京其餘均即在彼處

正法至於未獲各犯尤當乘此時上緊嚴查以淨

根株現在豫省軍務底定兵力有餘陝省岐山饑

民聚眾一事頗關緊要昨已有旨令長齡赴陝酌

辦並令高杞於克城之日帶兵前往此時滑城已

克著高杞即速起程其西安滿兵一千名交富僧

德帶領再查陝甘所調征兵共有若干即挑取十

欽定平定教匪紀略

卷二十五

吳

分之四五派本省將官帶領俱隨同高杞由潼關一路速赴南山如到彼賊匪尚未辦淨高杞即將所帶兵丁全數交與長齡俾資剿辦高杞即回京復命如行至中途陝省業已竣事著將所帶官兵交富僧德等分別管帶歸伍高杞亦即由彼進京托津接奉前旨自己馳赴滑縣軍營與那彥成等會面今滑城已克伊等會商後托津即遵旨先行

回京其京兵一千名交原帶之慶祥等四人仍分起管帶由正定保定一路凱撤還京此外直隸官兵著那彥成酌度擇其不甚得力者先撤回二千名交馬瑜富蘭二人管帶亦由正定保定一路各歸原伍其吉林黑龍江馬隊及得力勁兵著那彥成楊遇春均留於本營遵照前旨先在滑城一帶駐劄將附近賊匪搜捕淨盡再移營至大名一帶

欽定平定教匪紀畧

卷二十五

兗

駐劄照前搜查直隸境內均無零匪然後統率官兵取道山東鄆城東昌至德州景州故城一帶一律查緝訪明地方寧謐實可放心該督等奏明撤兵那彥成楊遇春二人一同來京復命再令各回本任可也

是日托津奏言本月初十日據報是日卯刻那彥成等將滑縣攻破大兵全數登城盡力殲殺

等語臣聞報之下當即飭令馬瑜等於各處扼要路口嚴密防守以杜潰匪奔逃旋於十一日復接據那彥成來信官兵四面圍剿竟無賊匪逸出北奔至開州邊界一帶零星餘匪經臣先後搜獲二千餘人分別辦理地方全就肅清大局已定臣現遵前

欽定平定教匪紀畧

卷二十五

辛

旨令馬瑜富蘭帶領宣化等營官兵留駐開境正定鎮徐銀係其本營汛地亦令在開與馬瑜等分投彈壓其山東官兵六百餘名及青州滿兵四百名即令兗州鎮劉榮慶帶回山東本省交同興分撥彈壓臣同閩俊烈於十二日起程前赴那彥成軍營會商一切

同日文孚奏言查東省自軍興以來於臣未到以前先經支發銀三十三萬餘兩迨臣馳抵東

昌以後續經撫臣同興提往曹州軍營十七萬兩又由局發給各州縣採辦軍需銀十四萬五千餘兩共支發銀六十四萬五千餘兩現尚存銀一萬五百餘兩其現在所發銀兩內有各營官兵借支行裝應行分季扣還者有酌撥各州縣暨曹州軍營備用尙未支完者又有與例未符尙須駁減者并有辦理曹州各屬賑卹應行

欽定平定教匪紀畧

卷二十五

五

另案請銷者統俟事竣由撫臣督同藩司分晰

報銷臣將局中事宜交代清楚遵

旨起程回京均奏入報

聞

欽定平定教匪紀畧卷二十六

十二月十四日訂章煦奏言查省南大名府屬元城大名南樂清豐四縣本年被旱歉收又緊接開東長被賊處所軍興以來百物昂貴市糧稀少貧民乏食困苦與開東長情形無異相應仰懇

欽定平定教匪紀畧

卷二十六

一

聖恩俯准將該四縣無地無業貧民及鰥寡孤獨等

戶於歲內補行

賞給兩月口糧先儘本色動放酌量搭放折色以資

接濟

同日同興奏言竊臣節奉

諭旨飭拏逸犯均卽密飭地方委員分投偵緝據署

東昌府知府同知章埏會同臨清州訪獲州民

陳祥傳習大書會圓頓教據供漢中府城固縣

捐職千總陳文清係屬教主聞此教係京城西便門居住之高八崗所傳本州人同教張有德從前曾接過陳文清至家當在該犯家內搜獲小黃荷包黃白綾符香藥等件並將張有德孳獲訊供相符查陳祥所稱之京城高姓顯係高張氏家且據供係漢中府城固縣人陳文清傳教而高張氏係漢中府西鄉縣人陳恒義所傳

欽定平定教匪紀畧 卷二十六 二

必係同派教黨當經飛咨陝西撫臣嚴孳一面將陳祥張有德及現據德州等處孳獲之常士孝崔庭宣朱玉林周添喜等各逆犯一併解部收審再黃四一犯在景州孳獲已咨明直隸就近解部謹將陳祥張有德供詞繕錄呈覽奏入

上命軍機大臣傳諭朱勳曰昨據朱勳奏陝西岐山

縣三才峽小王潤有匪徒持械掠食該撫已派令總兵吳廷剛等帶兵前往剿捕該撫並親往查辦朱勳到彼該匪等具呈稟訴後是否多有解散抑或聞孳抗拒著速將情形據實具奏至前次飭令該撫查孳之漢中西鄉城固等處傳教匪徒陳恒義陳美玉陳金聲等三犯本日又據同興奏東省訪獲臨清州人陳祥傳習大書會圓頓教訊據供

欽定平定教匪紀畧 卷二十六 三

稱此教京城西便門居住之高八崗傳給漢中府城固縣雙鳳山陳美玉陳美玉故後伊第二子捐職千總陳文清為教首十六年陳文清曾到臨清州傳教等語陳美玉一犯現據陳祥供明業經身故其子陳文清係屬教首且係捐職千總自易訪獲著該撫即密飭派往之員確查住址按名孳獲毋任漏網該撫現在籌辦岐山等處匪徒滋事之

案不可顧此失彼致令該犯等聞風免脫 經就
獲錄取要供迅速由驛具奏

上又命軍機大臣傳諭同興曰常士孝崔庭宣宋玉
林周添喜等均係現在飭緝要犯該撫於擊獲後
自應分起解京以便歸案質審至滑城現已攻克
昨那彥成等捷報到時因念同興辦理防堵出力
已降旨將該撫賞加太子少保銜以示優獎現在
滑城有無竄出餘匪同興當督率文武官弁於邊
界嚴密查緝勿稍疎懈俟零匪捕淨地方寧謐即
可將防兵以次裁撤用節糜費

上又命軍機大臣傳諭胡克家曰昨據那彥成等奏
報滑城已於本月初十日攻克剿斃賊匪九千餘
人生擒二千餘人滑城既克之後恐有零匪四散
逃竄胡克家現在賴毫一帶防堵如有賊匪竄近

欽定平定教匪紀畧

卷二十六

四

該撫卽督率弁兵認真堵緝毋使一名漏網若察
看邊界情形實已寧謐無須防守卽可撤兵歸伍
以節糜費

上諭內閣曰章煦奏元城等四縣歉收村莊懇請撫
卹等語直隸元城等四縣本年被旱歉收與開州
等處接壤軍興以來物價昂貴市糧稀少窮黎餬
口無資殊堪憫惻著加恩將元城大名南樂清豐
四縣無地無業貧民及鰥寡孤獨等戶賞給兩月
口糧准其於撥運通米五萬石內先儘本色動放
酌量搭放折色於賑餉銀兩內動支該署督卽督
飭該地方官等於歲內核實散放毋任胥役人等
冒混尅扣以期實惠及民
同日方受疇奏言臣接據探報初十日那彥成
等攻克滑城臣踴躍歡欣莫能名狀滑濬一帶

欽定平定教匪紀畧

卷二十六

五

賊氛肆擾三月小民驚怖遷移急需安輯且恐有殘匪肆竄臣職任封圻自應親往料理現在省城寧帖即於十二日起程渡黃前往北岸延津封邱一帶督率弁兵沿途截捕順赴滑縣將城內外被難民人妥為安撫並與那彥成將一應善後事宜熟商辦理現在總兵呢瑪善駐兵蘭陽南岸距省僅九十里臣一面移知該鎮來省彈壓再滑縣匪徒滋事臣於軍興之始即經嚴飭該管道府並各州縣凡軍營所需草豆米麵以及木料柴薪悉照時價購買雇用車騾亦令照例發價不許絲毫派累現又密行訪查倘有不肖官吏借端科派立即據實叅辦至南汝一帶向有紅鬍子名色值此兵荒之際乘機搶奪事所不免臣隨案懲辦其情節較重者如實

欽定平定教匪紀畧

卷二十六

六

豐永城等邑呈報二案現在首犯就獲即日審擬完結地方安靜緣奉
飭查理合一併奏慰

聖廕

方受疇又奏言據代理衛輝府事通判李羲文在輝縣西山截拏逸匪王學詩等五十三名并據防守十八盤山之都司汪鳳臨全保拏獲朱光成等十三名均經解至衛郡據司道等督同研審除僅止從賊助勢並未打仗殺人各犯應行分別另辦外內有要犯王學詩王得才張元祿張本義劉勇安等五名委員押解到省又據投効委員王裘拏獲張泳安一名臣親提審訊據王學詩供滑縣人拜高文為師係兌官伯偽封元帥張元祿供長垣縣人拜宋克俊為師係

欽定平定教匪紀畧

卷二十六

七

震官伯偽封先鋒張本義供曹縣人向在朱成	貴手下王得才劉勇安同供滑縣人拜劉幅明	爲師均隨李文成等西竄司寨拒敵殺人張泳	安供扶溝縣人拜李天表爲師隨同拒敵經賊	目遣令至省探信詰以京城內外有無林清餘	黨均不知情又前獲司建魁一犯先經審明隨	同李文成抗拒官兵欲奔赴太行山落後被獲	欽定平定教匪紀畧	卷二十六	八	該七犯入教謀逆罪不容誅 <small>臣</small> 於審明後卽恭	請	王命分別凌遲斬梟再據各州縣會同營汛委員等	先後報獲匪犯爲數衆多均經該管知府及司	道研審除僅止被脅服役之人卽行保釋外其	王成功等一百九名訊係從賊焚掠抗拒官兵	均於審明後就地正法奏入報
--------------------	--------------------	--------------------	--------------------	--------------------	--------------------	--------------------	----------	------	---	-------------------------------------	---	----------------------	--------------------	--------------------	--------------------	--------------

聞	方受疇又奏言前因軍務需員查有丁憂服滿	起復之知縣陸楷傅鍾璩縣丞汪瑚告病在籍	之浙江縣丞裘璘於軍務道里情形素所熟悉	經 <small>臣</small> 分別派委團練鄉勇防守要隘均屬出力	可否仰懇	聖恩將知縣陸楷縣丞汪瑚留於河南遇有相當缺	欽定平定教匪紀畧	卷二十六	九	出卽行請補知縣傅鍾璩給咨赴部儘先選用	縣丞裘璘仍回浙江儘先補用之處出自	聖裁奏入	上從之	十二月十五日 <small>成</small> 那彥成高杞楊遇春奏言 <small>臣</small>	等於本月初十日攻克滑城後查賊衆據守城	內民房因磚牆堅固火攻急切難克 <small>臣</small> 等當令
---	--------------------	--------------------	--------------------	-------------------------------------	------	----------------------	----------	------	---	--------------------	------------------	------	-----	---	--------------------	-------------------------------------

官兵嚴密圍堵一面將馬隊兵丁暫予休息至二更時仍令將領督率滿漢官兵分投進剿且焚且攻賊衆不能抵敵官兵益加奮勇有攀牆而登者有破門而入者賊猶拚命迎拒均被官兵殺斃間有奪出者亦被門外官兵盡數殲擒躲避樓房者悉皆搜戮維時四圍皆火被焚者均無出路至十一日辰刻查得據守民房之賊尙有五六十處未經殲滅臣等復將在營得力官兵添派入城併力攻剿直至十二日午刻始將五六十處賊據之房盡行攻破官兵奮勇前進被賊衆鎗箭亂發多有傷亡賊首藏匿之處周圍起火烟焰直衝官兵冒烟突火趕入查拏時牛亮臣徐安幘二犯藏匿地窖之內經格布舍侍衛阿勒罕保率同吉林驍騎校龍柱健銳

欽定平定教匪紀畧

卷二十六

十一

營前鋒盛魁火器營藍翎長富通西安營千總朱效先把總張福榮等將徐安幘拏獲其牛亮臣一犯經固原遊擊李士林劉發恒率同把總李廷棟外委馬騰蛟兵丁李朝貴苟成金何永清馬雙薛居伏劉延清等拏獲該二犯帶傷俱不甚重又生擒賊首王道滙一犯并殲斃賊首朱元成卽宋老占劉榮順馮相林等其餘各處賊衆駢首就誅並無一名得脫統共約計殺斃賊匪一萬七八千人燒斃七八千人生擒二千餘人其牛亮臣徐安幘朱元成等犯屬男婦亦已拏獲二千餘名口隨將朱元成首級令該犯屬同現獲各犯分別辨認確鑿無疑查牛亮臣偽封丞相旗上書寫林門大弟子字樣徐安幘偽封大將軍朱元成偽封大元帥王道滙偽封

欽定平定教匪紀畧

卷二十六

十二

良宮王劉榮順偽封震宮王馮相林偽封英宮王該犯等尤為賊中巨擘今生擒殲醜類無遺實足以彰

國法而快人心臣等一面知會廣厚親自驗訊後

即將宋元成劉榮順馮相林等剝屍王道濼梟

首剝屍其牛亮臣徐安輻二犯裝盛木籠卽交

廣厚慶祥等帶領軍營勁旅押解進京恭候

欽定平定教匪紀畧

卷二十六

十一

廷訊其前後生擒各犯有無著名賊首在內請俟

審明後另行具奏此次投出難民男婦老幼又

有二萬餘人亦恐有賊犯混迹尙須逐一訊辦

其城內民居及菴觀寺院偏僻處所並地窖枯

井之中恐尙有零匪藏匿現已分派文武員弁

嚴加搜捕其餘應辦善後撫輯事宜已札致方

受疇來營商酌出力之員弁兵丁及傷亡兵勇

咨逐一查辦臣高杞現將山西官兵一千名帶

領赴晉於十三日起身緩程前進俟銜諭知會

如解梁一帶果有蠢動情形卽星夜馳往督

辦如地方安靜卽由山西回京復

命臣那彥成俟托津到後將善後事宜會同妥議再

行奏

聞又馮克善胞弟馮克文及供出之牛洛明陰成德

欽定平定教匪紀畧

卷二十六

十一

二犯臣等查牛洛明卽牛亮臣之號稱牛老明

洛卽老之同音並無另有牛洛明其人陰成德

卽尹成德業已病斃其子尹振爲坎宮王本日

亦已殺斃其馮克善之弟馮克文及各處獲犯

供出有名之賊當於城內通加搜捕務獲究辦

那彥成又奏言臣風聞陝西之郿縣等處有饑

民搶掠糧食之事查漢中鎮兵甚爲強勁總兵

吳廷剛帶兵亦能得力計此時長齡朱勳諒已馳往督辦現將西安滿營官兵先令富僧德管帶隨同高杞一路行走至潼關時高杞如探聞解梁等處或有蠢動情事即令富僧德一同赴晉協力剿擊西安鎮標之兵亦令閆俊烈帶領凱旋至南山情形楊遇春最為熟悉所有蘭州固原各營官兵於前項兵丁撤動之後亦即分起行走俾免擁擠臣密囑楊遇春押後行走如郿縣匪徒辦理需時楊遇春即可督率剿辦現已於陝甘將弁中擇其打仗勇往熟悉南山路徑者挑出五六十員即日令其先行一面札致長齡朱勳收用派撥至托津奉

旨回京所有直隸邊界臣酌派馬瑜帶領提標官兵仍駐開州並令富蘭徐錕音登額等分帶官兵

欽定平定教匪紀畧

卷二十六

十四

由正定磁州彰德順德等處凱撤各處駐劄一二日以彰聲威震懾邪黨臣仍劄營滑縣派出文武員弁分赴各村莊傳諭耆老鄉保人等將伏匿餘匪自行縛獻或指引官兵搜捕山西防兵已飭張績撤回歸伍其江南山東防兵亦飛咨百齡同興等自行酌撤至河南撫標等處官兵數日內亦即撤回臣暫留吉林索倫甘肅各營兵丁隨後凱撤至臣應於何時進京復命之處候

旨遵行

同日衡齡奏言據長治縣知縣張祖鸞盤獲山東滋事匪犯蔡克甲一名親提鞫訊據供山東曹縣人充本縣散役有族叔快役蔡新旺引進拜蔡景元為師是乾字卦內人本年九月內隨

欽定平定教匪紀畧

卷二十六

十五

同蔡景元等殺進縣署戮死一人旋即跟出北門先到馬家集後到魏家灣聽說官兵來害怕逃走到山西被獲等供並據該縣開查曹縣據覆擊獲頭目李克順供稱九月初十日進城戕官劫獄有蔡克甲在內等語其爲此案正犯無疑蔡克甲應依律凌遲處死臣復錄供飛咨山東俟同興查明咨覆到日再行辦理均奏入

欽定平定教匪紀畧

卷二十六

六

上諭內閣曰那彥成等奏剿捕滑城賊衆盡數殄滅生擒逆首牛亮臣徐安欄王道瀝殲斃逆首宋元成劉榮順馮相林等犯軍務告竣一摺覽奏欣慰滑城經官兵攻破後逆首等潛伏民房抵死抗拒經那彥成等督率官兵冒矢烟火各處搜擒逆首牛亮臣徐安欄等俱按名俘獲共約殺賊一萬七八千人燒斃七八千人生擒二千餘人投出難民

老少男婦二萬餘人此皆仰蒙

昊蒼

祖

考恩祐自簡師申討以來未及十旬克城之日兇渠全

獲餘孽蕩除辦理實屬完善所有此次擊獲首逆

徐安欄之副都統格布舍著加恩在御前侍衛上

行走並賞給騎都尉世職頭等侍衛阿勒罕保著

欽定平定教匪紀畧

卷二十六

七

賞給副都統銜吉林驍騎校龍柱著陞補防禦健

銳營前鋒盛魁著陞補前鋒校火器營藍翎長富

通著陞補護軍校千總朱效先著陞補守備把總

張福榮著陞補千總其罕獲牛亮臣之遊擊李士

林劉發恒俱著陞補參將把總李廷棟著陞補千

總外委馬騰蛟著拔補把總兵丁李朝貴苟成金

何永清馬雙薛居伏劉延清俱著拔補外委其前

此攻城時首先登城超衆出力之官兵等並著那彥成查明保奏再降恩旨

上又諭內閣曰直隸開州一帶前此尙有竄匿零匪經托津馬瑜督率官兵上緊搜捕節次擒縛九百餘人並將教首劉第五梁健忠二犯拏獲解京辦理頗爲認真托津馬瑜俱著交部照軍功例議敘上命軍機大臣傳諭那彥成曰那彥成等奏剿捕滑

欽定平定教匪紀畧

卷二十六

六

城賊衆盡數殄滅生擒賊首牛亮臣徐安囑王道澐藏斃朱元成劉榮順馮相林等一摺覽奏欣慰已明降諭旨將格布舍等優加恩獎矣那彥成等此次克復滑城將首逆按名生擒餘黨無一竄出辦理實屬完善現交廣厚慶祥管帶京營官兵先行押解牛亮臣徐安囑二犯來京所辦甚是至陝省饑民滋事一節昨正降旨令高杞率同富僧德

等帶領西安滿兵並酌帶陝甘官兵迅速前往交長齡剿辦今那彥成得信之後適已先派富僧德隨同高杞至潼關探聽消息并將西安鎮標及蘭州固原各官兵次第撤動密囑楊遇春押後行走甚合機宜至山西大同官兵本非勁旅此時毋庸派往陝西著卽令張績等帶領歸伍惟據稱直隸邊界除令馬瑜提標官兵仍駐開州外其餘官兵

欽定平定教匪紀畧

卷二十六

五

令富蘭等俱分帶凱撤此事畧早滑城破後直隸山東一帶雖無竄逸之匪但附近各處人心未定尙須重兵彈壓那彥成等稱各處並無伏匿蠢動猶恐未必盡然仍當細查密訪不可大意切勿草率必須慎重辦理所有直隸官兵祇可擇其不甚得力者先行撤回十分之三歸補原營此外仍當暫留在於邊境防守東省防兵亦不可全撤並知

會同與先酌撤一半俟搜捕淨盡再行全撤克城之際民賊混淆殲斃賊匪一萬七八千人燒斃賊匪七八千人豈無難民在內則投出難民二萬餘人亦豈無賊匪在內此時不可濫殺一民亦不可倖免一賊况賊匪詭譎異常現在著名未獲者尚屬不少若不認真辦察縱令免脫如祇係裏脅餘犯不過幸免伏法倘竟係著名兇悍之賊一經漏網將來餘孽復萌關係實非淺鮮那彥成不可憚煩先將生擒賊匪二千名逐一審出名姓住址並將殲斃賊屍詳加驗認查點飭拏之賊目何人在內何人未獲其難民二萬餘衆該督多派精細之員逐名查訊實無賊匪混跡其中再行釋放寧家其滑縣城內菴觀寺院偏僻處所並地窖枯井均逐細搜查此內賊匪藏匿者固多恐良民亦所不

免惟在詳細分別勿令玉石混淆前令軍機處將查拏人犯清單發去又續由犯供內查出應行緝拏各犯開單寄往著那彥成一併按名核對分晰註明開單覆奏其馮克善家屬續據供出現在滑城係例應緣坐之犯緝獲按律辦理唐鬍子一犯已否拏獲訊明錄供具奏並知照衡齡令其停緝此外如侯兆川一帶山內速派人前往搜查淨盡勿令藏奸那彥成此次承辦軍務厥功捷速諸凡妥善此時善後事宜最關緊要不可稍有草率該督總遵照前旨留彼駐紮緝匪俟滑城附近地方悉臻寧謐再移營大名以次順赴山東鄆城東昌德州景州故城一帶查看各處情形均可放心再奏明候旨回京復命切勿以年節已近亟思來京瞻仰若來而又往兵弁撤而又調成何事體

上又命軍機大臣傳諭同興日本日衛齡奏拏獲曹縣叛匪蔡克甲據供曾充曹縣衙門散役聽從伊族叔快役蔡新旺引進拜蔡景元為師收在乾字卦下九月初十日隨同人城搶劫殺人事後脫逃行至山西被獲著同興詳查曹縣戕官案犯內蔡景元蔡新旺二犯曾否拏獲正法如在逃未獲即嚴飭查拏究辦勿任漏網

欽定平定教匪紀畧

卷二十六

三

上又命軍機大臣傳諭衛齡曰唐鬍子一犯昨據馮克善供稱尚在滑城業已降旨諭知那彥成等就近查緝尚未據拏獲覆奏恐馮克善代伊師開脫該撫派往解梁員弁如已緝獲唐英仍著向其跟究唐鬍子下落俟那彥成知照拏獲再行停緝是日

上諭內閣曰嗣後王貝勒等屬下屯居包衣人丁著

該地方官一體編入保甲就近管束其八旗宗室在京外附近居住者著該州縣官一體編查如有違犯法令情事詳明該上司移咨在京該管衙門查辦

十二月十六日配那彥成楊遇春奏言竊臣等將剿滅滑城賊眾殲擒賊首緣由續經馳奏後當經提出牛亮臣徐安福二犯逐加嚴訊據牛

欽定平定教匪紀畧

卷二十六

三

亮臣供滑縣本城人年五十三歲父母已故兄弟三人弟牛相臣牛剛臣兩子長牛文成次牛林成一女未字妻王氏我原充本縣庫書嘉慶十一年因虧用官項逃往保定在唐家衙衙馬家店內當夥計十二月內林清因犯案到省也在店內住歇我與他談及教內的事林清說他的教是京南人顯文升傳授從前山東曹縣人

劉林是先天祖師林清是劉林轉世爲後天祖師這教本名三陽教分青紅白三色名目又名龍華會因分八卦又名八卦會後又改名天理會每日朝拜太陽念誦經語可免刀兵水火之厄如遇荒亂並可圖謀大事我聽信了就拜林清爲師十三年正月林清案結我隨到他家住了幾日薦我與朱村附近蘇光成家教書至十五年二月回家探望仍幫辦庫書十七年七月林清到道口孔繼太店內有同教李文成馮學禮于克敬卽于第七馮克善來見林清均各信服林清去後李文成于克敬宋元成劉成章秦學會們都到京中與林清送過銀兩本年八月林清又來道口向李文成說該明道了約定九月十五日起手鬧事他在京中同日接應林清

去後李文成傳知同教衆人打造刀鎗被老岸司劉巡檢查出告知強縣主就將李文成史泳山並我兄弟父子全行拏訊並將李文成兩腿夾打監禁宋元成于克敬馮學禮們恐李文成性命不保就改期於九月初七日戕官佔城十月二十八日官兵破了道口殺傷甚多李文成害怕叫劉幗明朱克俊們保護奔逃我同徐安幗宋元成拒守縣城原指望劉幗明們救應後來纔知他們俱被官兵剿滅所有教內大頭目宋元成徐安幗壽光德馮相林王道澐尹振劉宗順趙得一朱成貴並小頭目們均已淨盡此外再無別人等語據徐安幗供長垣縣邢寨人家有母親弟兄三人兄徐占幗弟徐定幗我習的兌卦教是同鄉人韓義書傳授卦主先是山

東定陶人崔士俊後被山東拏去纔是滑縣人
 劉幅明爲兌卦主我是卦伯常在山東曹縣一
 帶傳教九月初頭聽得劉幅明們在滑縣起手
 我就從曹縣料人來滑縣投李文成入夥先在
 道口屯紮拒敵官兵道口破後纔進滑城拒守
 等語查牛亮臣帶傷之處尙不甚重現在加緊
 醫治即可就痊徐安惘受傷較重言語模糊取
 供不能詳細該二逆係解京要犯未便久留推
 鞠茲派委候補知府鍾祿周光緒總兵海麟隨
 同廣厚等將該二犯押解赴部並繕簡明供單
 恭呈
 御覽至初十一十二等日生擒賊匪過多急切尙
 難審辦完結連日又於偏僻處所及地窖之內
 搜出五百數十人一併審辦查教匪中偽稱天

地人三王及八卦官王之大頭目內偽天王首
 逆李文成偽地王子克敬偽人王馮學禮均已
 殲斃又兌官王劉幅明震官王宋克俊卽宋老
 秀吳官王王修智均經殲斃外茲查良官王劉
 宗順坤官王馮相林坎官王尹振乾官王壽光
 德亦已殲斃又生擒離官王王道澹已經正法
 是偽稱三王八官王之類均已盡數剿滅不漏
 一名又偽丞相牛亮臣偽大將軍徐安惘現在
 生擒解京偽大元帥宋元成卽宋老占亦已殲
 戮無遺其餘小頭目如官伯之類實繁有徒除
 殲斃燒斃外所有生擒各犯審明者實在不可
 勝數軍營現在號令首級已有一萬五六千顆
 統俟彙查辦理再臣等欽奉
 諭旨飭拏馮克善之師唐鬍子一犯當經拏獲到案

欽定平定教匪紀畧卷二十六

三

欽定平定教匪紀畧卷二十六

三

據唐鬍子即唐恒樂供滑縣朱兆村人年六十
二歲從未入教平日學過拳棒馮克善係我徒
弟牛亮臣曾經認識却未來往九月初七日牛
亮臣鬧事時我躲避本村並未從賊向來從未
到過山西不知朱鹽霜朱大桃何等人也無知
會馮克善向解梁地方找我之事等供查牛亮
臣業已起解該犯拏獲在後未便追回對質已

欽定平定教匪紀畧

卷二十六

五

派員押赴前途即交廣厚慶祥等一併解京交
刑部收審再高杞已於十三日起程赴晉臣等
當將已獲唐鬍子緣由飛札知會所有高杞帶
領山西官兵似可即由原路歸營免致地方驚
擾
那彥成等又奏言臣等欽奉
諭旨飭查滑縣教官呂秉鈞降賊一節查初十日克

城後有城內逃出生員魏兆麟魏秉辛民人李
秉承趙祁等當即向其訊問據魏兆麟等食供
滑縣教諭呂秉鈞九月初七日被教匪擁入學
署呂教諭當時懷印投井經門斗撈救未死胎
膊跌折我等俱曾親見賊衆隨又將呂教諭殺
死棄屍城外其妻及一媳兩女兩孫同親戚僕
婦人等十七口俱被戕害因教匪揚言誰去埋

欽定平定教匪紀畧

卷二十六

五

屍一併殺死是以我等不敢掩埋呂教諭之子
拔貢呂式淦因鄉試後回籍未通信息等情是
教諭呂秉鈞並無從賊情事且能捐軀盡節一
門被難可否仰懇
皇上天恩飭部議卹又據衛輝府稟稱查得滑縣教
匪滋事先經老岸司巡檢劉斌風聞該匪期約
即帶印赴縣稟明知縣強克捷始將李文成拏

獲刑訊收禁迨知縣強克捷全家被害之後其
 巡檢劉斌及典史陳寶勳把總戚明彰等亦皆
 全家被害等情臣等查該逆等原約九月十五
 日起事因巡檢劉斌聞信稟縣擊獲破案賊夥
 始倉猝改期彼時濬縣等處皆得聞信預備防
 堵無虞後李文成因受傷不能遠颺旋經殲斃
 強克捷之所以能擊獲李文成刑訊者皆該巡
 檢稟報之力是該巡檢劉斌功不可泯且其捐
 軀盡節全家被害亦與強克捷相同又典史陳
 寶勳把總戚明彰二員亦俱全家被害極為慘
 烈應請
 旨勅部分別給予卹典又查有該縣訓導趙心戒於
 克城後自行投出據供年七十四歲九月內教
 匪作亂時牛亮臣帶領多人入署搶掠逼我做

欽定平定教匪紀畧 卷二十六 三

滑縣知縣我不肯從隨被趕出藥舖居住賊夥
 十餘人輪流看守曾給過糧食數石我因受餓
 不過無奈收食並不敢得受偽封我年已老邁
 何能代賊巡城鑄礮等供隨傳到城內生監者
 民逐加訊問趙心戒尙無受賊偽封情事惟身
 任訓導遇變不能盡節且收受賊人糧食覩顏
 無耻趙心戒一犯應擬斬立決臣於訊明後卽
 行正法仍查明家口緣坐
 同日章煦奏言竊臣審訊故城縣匪犯霍應方
 一案緣霍應方與堂兄霍應璧均籍隸滑縣霍
 應方移家故城居住霍應璧先入八卦教於十
 五年四月來至故城轉傳霍應方並村民吳振
 奎李忠等兼令各自傳徒霍應方先後誘合同
 村人吳振升等十一人並劉家押窩村人劉坤

欽定平定教匪紀畧 卷二十六 三

為徒李忠等亦各轉傳一二人不等十八年正月霍應方等同至滑縣探望霍應璧因至李文成家住歇迨四月八月霍應璧兩次向霍應方傳知李文成之語告以九月十五日起事約令糾人前往並傳知明號係奉天開道白旗暗號係得勝二字霍應方隨製造白旗分給吳振奎並伊子霍景表霍景現等十五人令其先往滑縣自行隨後趕往維時該處村民聞知邪匪赴滑縣助逆恐其勾引前來焚掠紛紛遷避吳振奎等十五人行至臨清及南樂地方知有官兵堵截先後畏懼逃回吳振奎霍景表霍景現欲商同霍應方另糾夥黨前往適故城縣知縣徐寅第赴鄉相驗經該村生員周振聲民人王添章等三十餘人邀同鄉長盧士奇密首徐寅第

欽定平定教匪紀畧 卷二十六 三

卽親詣該村拏獲霍應方孫政二名鄉長吳榮自將伊子吳振升族姪吳振奎及霍景表霍景現並其餘各犯一併獲送到縣訊據供認前情不諱除劉坤傳徒宿元謨等此次並未同行另案審辦外請將為首造謀之霍應方吳振奎霍景表霍景現四犯凌遲處死其同謀已行之李忠吳振升張三韓奎張忠王二郝五吳三喜劉東亮王大十犯均斬立決卽恭請王命分別正法同監斃之孫大孫立春二犯一併梟示各犯家屬按律緣坐其知情不首之孫政一犯發往新疆給額魯特為奴生員周振聲民人王添章等分別獎賞鄉長吳榮免其緣坐鄉長盧士奇免議其失察之故城縣知縣徐寅第拏獲案犯並無遺漏可否免其議處恭候

欽定平定教匪紀畧 卷二十六 三

諭旨再田克岐等散旗謀逆案内李盛元一犯現在查明即係李經之子李秋已飛提李經到省不難一訊得實至李經一犯敢於監禁後潛肆逆謀則李景幅等三犯誠如

諭旨斷難再留臣查李景幅收禁永平府監已於本年三月內病斃題報在案其呂興旺收禁廣平府監劉美奐收禁順德府監現在俱已監斃至

欽定平定教匪紀畧 卷二十六 三

臣節次欽奉

諭旨並准刑部步軍統領等衙門緝拿各犯已據各州縣委員等先後擊獲五十餘名解京此外未獲之犯臣勒限嚴緝不任意玩

章煦又奏言查本年直隸官兵剿捕賊匪經溫承惠

奏准每兵日給口糧銀一錢五分嗣經改支本色

糧米除出征赴豫官兵照例支給口糧鹽菜外惟大名順德廣平三府留防官兵僅例支八合三勺糧米該兵丁等各離本營千有餘里地方荒歉食物昂貴情形拮据合無仰懇

聖恩准照軍需則例於支給本色口糧之外每名每日給柴薪銀三分免其扣還至官弁跟役止給口糧毋庸給予柴薪又災地草料昂貴其征防

欽定平定教匪紀畧 卷二十六 三

官兵馬匹並懇

恩准於例給馬乾銀五分之一外加給銀五分俾資餵養均奏入

上命軍機大臣傳諭那彥成楊遇春日唐鬍子一犯既經擊獲則山西解梁一帶自可保無煽惑情事此時高杞可以無庸帶兵前往高杞著即來京復命至陝省山內匪徒如一時未能解散尙須兵力

著派富僧德管帶西安馬隊一千名並著那彥成將在營之陝甘官兵查明數目的分一半交該省將領管帶迅速起程赴陝該督一面飛咨長齡朱勳如山內匪徒尙須多兵剿辦卽徑調富僧德等帶兵直赴軍營如匪徒業已辦竣卽令富僧德等各帶原兵歸伍現在豫省應辦善後事宜尙多楊遇春應暫緩回陝且在豫多住旬日幫同那彥成

欽定平定教匪紀畧

卷二十六

三

諸凡經理完善彼時如陝省山內匪徒長齡等未經辦竣自降旨令其赴陝會同長齡等剿辦如山內業已安靜楊遇春仍遵前旨同那彥成到京俟復命後再回本任至所奏十一十二等日生擒賊匪急切尙難審結連日又搜出五百餘人亦一併在彼審辦等語審辦賊匪最須詳慎寧多費時日不可草率卽如所稱將賊匪中偽稱天地人三王

及八卦宮王之大頭目均已盡數剿滅等語賊匪中偽稱天地人三王者係林清李文成馮克善三犯實在均已殲斃毫無疑義其牛亮臣徐安惲宋元成三犯偽稱丞相大將軍大元帥亦俱切實查明至於偽稱八宮王及八宮伯之類人數繁多且往往獲犯訊問時彼此互異不可盡信那彥成等仍當訊明本犯名姓并質之他人詳加核對或擒

欽定平定教匪紀畧

卷二十六

三

或藏於辦畢時詳細開單具奏不可令其狡混仍留餘孽再唐鬍子已獲其朱鹽霜卽朱大桃一犯此間訊據馮克善供稱並無其人解梁已無可查擊並著那彥成移知衡齡令其停緝上又命軍機大臣傳諭長齡朱勳日現在滑城業經攻克逆賊首夥殲獲無遺軍務大局已定惟陝省山內匪徒糾衆搶糧一案最關緊要前已降旨令

長齡卽速帶兵前往查辦並令富僧德等先將西
安馬隊並陝甘得勝勁兵撤回陝省交與長齡俾
資剿捕昨據那彥成奏到伊得信後已將陝甘應
撤官兵分隊凱撤著長齡等會同酌度若岐山匪
徒勢頗鴟張該督等卽行文富僧德將所帶之兵
飛調來營如不須多兵卽飭令各自歸伍該匪徒
等因乏食滋擾先祇聚有四五百人今已有一千

欽定平定教匪紀畧

卷二十六

奏

二百餘人長齡等當迅速辦理或曉諭解散或整
兵撲滅務將首逆殲擒餘衆自無難掃除一經辦
竣先由六百里奏聞以慰厯注再陝省潼關及西
鄉城固鄜州等處節經訊出教匪王忠順陳恒義
陳文清陳金聲等犯在彼潛匿又五郎關劉添貴
等竊犯數人均未奏報擊獲著長齡等一面督飭
各委員嚴密查拏毋任一名漏網擊獲後長齡會

同朱勳逐案訊明錄供速奏

上又命軍機大臣傳諭章煦曰歷次飭令章煦查拏
各犯除已獲解外餘如林清供出之劉呈祥等及
田克岐供出散旗惑衆各犯又連日續據馮克善
供出小頭目姜道學等二犯均關緊要著章煦仍
嚴飭派出各員按照該犯等年貌住址迅速嚴密
查拏務獲勿稍疎懈其於部案無涉者俱無庸解

欽定平定教匪紀畧

卷二十六

奏

京該署督審明後卽奏明按律辦理
上諭內閣曰據那彥成等奏滑縣教諭呂秉鈞等於
滑城被陷時均被賊匪將全家殺害等語教諭呂
秉鈞勵節捐軀一門殉難深堪憫惻巡檢劉斌於
逆首李文成未經起事之先訪問稟縣迅就擒獲
刑訊受傷旋經官兵殲斃厥功甚鉅且捐軀殉難
全家被戕尤爲可嘉可憫呂秉鈞劉斌均著加恩

照知縣例賜卹典史陳寶勲把總戚明彰亦全家被害均爲慘烈著加恩照原官給予卹典以勵臣節而慰忠魂

上又諭內閣曰章煦奏審明故城縣獲犯霍應方等入教傳徒糾人助逆一摺除已將霍應方等十六犯分別正法外餘俱照所擬完結其故城縣知縣徐寅第於士民首報後將首夥各犯卽行拏獲並無漏網所有失察處分著加恩寬免

上又諭內閣曰章煦奏防堵後路兵丁請量給柴薪銀兩一摺此項留防兵丁著加恩准其自奉旨之日爲始每名每日支給柴薪銀三分照例免其扣還其應支馬乾銀兩並准其每匹每日支給銀一錢以資餵養其已撤兵丁不准混入開銷

上又諭內閣曰御史童槐奏軍務善後事宜各款所

欽定平定教匪紀畧

卷二十六

罕

奏俱是此次逆匪糾謀非止一省現在滑城攻克首惡全除難保無二三餘匪潛投夥黨各該地方官因軍務已竣或於巡緝事宜稍存疎懈著飭知直隸河南山東山西江南安徽湖北盛京吉林將軍督撫等各督所屬文武員弁於關津要隘處所加意稽查毋令奸匪混跡並嚴示勸懲以勵巡防其豫東兩省被賊之處先後投出難民數萬人轉徙流離事後歸集資生無策著地方官妥爲安撫將所有逆產絕產核實查明造冊報部以爲安插無業難民之用其如何分別極次通籌生計該督撫妥議章程具奏前次調派各路征兵之時吉林黑龍江官兵沿途最爲安靜京兵亦尙約束嚴明惟直隸綠營官兵軍紀頗不整肅現當凱撤之時著傳諭各路帶兵官員務嚴申紀律倘有騷擾滋

欽定平定教匪紀畧

卷二十六

罕

事者查明立即治以軍法毋稍徇庇至軍需報銷
 應嚴杜冒濫著該部即行知各該省以奉文之日
 為始均照例限題報如有遲逾按例叅處以杜延
 混侵欺之弊再屢次軍營奏報賊目中竟有生員
 及助教職銜者喪心蔑紀較齊民尤堪痛恨著那
 彥成確實查明從重懲辦並將失察之學政教官
 照例叅處

欽定平定教匪紀畧

卷二十六

聖

同日廣厚奏言臣於十二月十二日到營經那
 彥成知會逆賊徐安欄牛亮臣均已生致遵於
 會訊後即同慶祥等帶兵管解進京查徐安欄
 頭受磚傷一處稍重右乳旁矛傷一處右腿石
 傷一處牛亮臣咽喉自抹傷一處稍重右臂鉛
 子傷一處現已用藥敷治臣督同該省委員沿
 途加意調治趕緊行走不致延緩奏入報

聞

同日百齡奏言竊臣遵照

指示情節將緒乾一犯覆加推鞠緣該犯前在廣濟
 寺充當知客彼時年輕身胖實有胖廣混名至
 西華門外大慶軒茶館從前在京多年曾經在彼
 歇坐數次是以門徑方向均能記憶前次飾詞
 妝點其實本年到黃村見林清後並未進城到
 大慶軒茶館等語餘與前供悉同無可再質謹
 遵

欽定平定教匪紀畧

卷二十六

聖

旨即將該犯按律正法再連日據各委員等稟報擊
 獲賊目侯文志一名訊係震卦教匪偽封平西
 王曾經拒殺官兵又隨到雕工欲圖放火燒料
 之犯又劉三即劉貴一名訊係在曹縣戕官劫
 獄之犯又王泳南一名訊係在金鄉葦子坑一

帶拒殺官兵之犯臣逐一審明卽恭請

王命按律凌遲處死至臣自到徐後督飭各文武員

弁懸賞購線嚴捕竄匪據報於山東金鄉曹單

等處及江境訪獲匪犯計有七十餘名俱經臣

親自提審除將從賊殺人之苗占魁等三十餘

犯陸續正法外其餘各犯有僅止入教並未從

逆者現擬照例問遣咨部核結至並未從逆亦

欽定平定教匪紀畧

卷二十六

聞

未習教之犯偶乘教匪擾亂時搶奪財物類於

饑民爬搶者現在事主並無報案亦未起獲現

賊擬咨解山東確查辦理此外間有被誣誤報

之人均立予省釋奏入報

聞

同日西安將軍穆克登布奏言竊臣於本月初

六日准撫臣咨照岐山三才峽匪徒滋事情形

查撫臣所派鎮撫兩標兵丁祇四百名兵力尙

單臣等現又派令協領成瑞帶滿兵三百名趕

赴鎮撫兩標兵一路會剿又查撫臣現在盤屋

郿縣隘口團勇防堵其南山老林各處皆與峪

口相通關係緊要臣復派兵三百名交副都統

額勒金泰於初七日帶赴峪口堵禦臣穆克登

布在省城小心鎮守奏入

欽定平定教匪紀畧

卷二十六

聞

上批示

硃諭曰此三百名俟饑民定後卽行撤回爲是若稍

鴟張行文催富僧德凱旋之兵速來西安滿兵守

城最要不可再派出征矣

欽定平定教匪紀畧卷二十七



十二月十七日庚戌托津那彥成奏言竊臣托津

於十三日行抵滑縣面晤臣那彥成將應議事

宜會同籌酌除豫省之滑縣濬縣及被竄擾之

各縣村莊如何撫卹難民之處應由撫臣方受

疇督屬辦理其直隸山東被賊州縣亦由該督

撫一體查辦外惟地方營伍有須斟酌損益者

欽定平定教匪紀畧卷二十七

謹擬數條恭請

訓示一正定鎮總兵應改為提督另將大名協副將

改為大名鎮總兵以資彈壓臣那彥成謹將現

在軍營出力人員開列數人以備

簡用一河南山東二省設兵無多或遇地方有事不

敷調派請

勅下兩省撫臣查明增添以實營伍一開州應移駐

遊擊一員東明應移駐都司一員長垣應移駐

守備一員滑縣應移駐參將一員濬縣應移駐

守備一員各添兵額一吉林黑龍江官兵馬隊

距京較遠徵調不易請調撥一千名駐京操防

以便徵調一請於被賊近賊之處編查戶口即

一面稽察匪徒並請

勅下直隸河南山東三省地方官將民間教習拳棒

欽定平定教匪紀畧卷二十七

者一概嚴禁一請將鄉勇自製器械給價收繳

一察看直隸省帶兵將備未甚得力請將現在

軍營之陝甘將備酌挑十數員與直省將備分

別對調以資整頓臣托津於會議拜摺後即遵

旨起程回京奏入得

旨大學士軍機大臣會同該部議奏

那彥成又奏言查陝省饑民搶奪一案臣連日

飛差密探聞得該匪等約有一千餘人分路搶奪滋擾現在長齡朱勳已先後馳往督辦惟南山路徑崎嶇該匪若遁入老林則官兵追捕費力臣前奏本擬將蘭州固原官兵隨後凱撤今滑城賊衆盡殲無須多兵留駐已先將陝西帶兵得力之西寧鎮特依順保涼州鎮馬元令其管帶固原河州各營兵先行撤回密囑該鎮等沿途揚言大兵凱撤一面知會長齡酌量調遣如特依順保馬元等到陝之後尙未得手再令楊芳帶兵前往並酌派吉林黑龍江馬隊數百名馳赴剿辦臣仍不時差探萬一剿捕需時察看豫省情形安靜或楊遇春或臣再行統帶官兵前往臣現於隨營陝甘將弁內挑出四十員令其兼程

欽定平定教匪紀畧

卷二十七

三

上批示

硃諭曰汝二人暫住滑縣查辦一切不可草率陝西一事有長齡朱勳二人足敷辦理汝二人或往幫辦或同來京復命總候旨而行不必張皇

那彥成楊遇春又奏言查唐鬍子一犯已經捕獲其朱鹽霜卽朱大桃查訊並無其人現已遵旨知會衡齡停緝並札致高杞無庸前往又馮克善

欽定平定教匪紀畧

卷二十七

四

供出賊中大頭目八人均已先後殲斃至小頭目六人除徐安幗現在解京崔士俊早已殲斃外所有王士香一犯現拏獲伊子王進忠究出王士香已在滑城燒斃又王聚霍雲璧二犯俱被官兵殲斃惟胡成德一犯不知生死現仍趕緊查拏又奉旨飭拏之磁州趙得一犯已在滑城殲斃朱成貴

一犯亦經生擒訊係在定陶戕官劫獄在逃要
犯已凌遲梟示其餘殲斃各小頭目不可勝數
屍骸枕藉亦無從辨認其生擒者均已遵

旨就地正法奏入報

聞

是日刑部奏定議嗣後白陽白蓮八卦邪教為

首者問擬絞候為從發新疆給額魯特為奴其

欽定平定教匪紀畧

卷二十七

五

紅陽及各項教會名目並分別發往烏魯木齊

及邊遠充軍等因得

旨嗣後審辦白陽白蓮八卦等邪教凡傳徒為首者

著定擬絞決其紅陽等教及各項教會名目即照

刑部所議辦理至此等愚民平日惑於邪說罔識

禁令現在大加懲創許以自新惟在地方各官詳

為化導使小民共知學習不經符咒斷難獲福而

國憲森嚴禍將不測雖至愚之人亦當惕於利害

勉為善良著步軍統領五城及直省各督撫將軍

都統府尹等各出簡明告示將新定罪名及自首

限期剴切曉諭庶家喻戶曉自首者多不至有名

無實

十二月十八日 亥

上命軍機大臣傳諭那彥成曰本年直隸順德廣平

欽定平定教匪紀畧

卷二十七

六

大名三府地方年歲歉收節經加恩撫卹現在軍

務已竣安撫災民最為緊要此等乏食窮黎係朕

善良赤子如不妥為綏輯小民凍餒所迫或再聚

眾掠食擾害村莊其意祇圖一飽苟延旦夕初無

謀逆之心與賊匪之蓄謀勾煽者迥不相同但一

經滋事或聞擊抗拒勢不得不用兵剿捕民為邦

本朕體天地好生之心實有所不忍藩司素納現

在大名府城該督務就近督飭該藩司認真經理
或設廠煮賑以資餬口其轉徙道路者或揀派誠
實之員酌帶銀米俾資接濟良民苟不至救死不
遑必不肯冒法作亂能使民情大定則兵燹之餘
更可保無他患該督盡心督率妥辦勿忽

上又命軍機大臣傳諭方受疇曰現在豫省軍務已
竣正在辦理善後事宜方受疇係該省巡撫一切

欽定平定教匪紀畧

卷二十七

七

皆須經理其當務之急尤在撫卹難民勿使失所
滑滑封考一帶係被賊較甚之區西路輝縣等處
亦經竄匪滋擾其各村鎮難民焚掠之餘自必蕩
析離居黃河以南各州縣本年荒旱尤甚饑民載
道此等窮民皆係朕之赤子與逆賊李文成等並
非迫於饑寒甘心謀逆者迥不相同若地方官不
加撫綏聽其輾轉溝壑更或因饑掠食聚眾擾攘

彼時既經犯法卽不能不加以懲辦蚩蚩小民既

困於饑寒復罹於罪辟民爲邦本朕體天地好生

之心實爲不忍該撫務遴派實心任事之員分赴

被賊各州縣確實查勘速加撫卹至黃河以南被

災各該處亦加意察看情形飭屬妥爲辦理該撫

前此本有分設粥廠之議但恐有轉徙道路不能

赴廠就食者或派委員酌帶銀米就地安集更爲

欽定平定教匪紀畧

卷二十七

八

有益誠能多盡一分心力卽多活無數生靈近日

各督撫等多有捐廉之請試思朕此時裁汰繁費

停止工作豈肯受伊等進奉若果仰體朕惠愛黎

民之心倡率屬員賑卹災黎以補國帑所不逮則

卽係伊等盡心爲國而全活者衆其積德於身家

亦不少矣此時豫省情形更較各省爲重該撫惟

當實心經理務令實惠及民爲要

是日同興奏言查東省逆匪滋事定陶曹縣金鄉而外附近各州縣沾染邪教被惑愚民一時尙不能革心革面現已欽遵

諭旨各處嚴行保甲惟曹州各屬素習剽悍恐刻下餘燼未除有肆行搶劫之事若非在於適中之地派大員帶兵彈壓則地方兵役人少勢孤難資搜捕臣通盤籌畫擬暫留兵三千名以八百

欽定平定教匪紀畧 卷二十七 九

名駐劄曹州派兗州鎮總兵統領彈壓其畢家寨駐兵四百名安陵集扈家集適中之地駐兵四百名各派叅遊帶領壯其聲援又東昌府城南接曹郡北達德州水陸交衝最為扼要且所屬半鄰直省該處本係都司駐劄兵數亦少茲擬撥兵三百名亦派叅遊專領協防其餘如被賊之曹縣定陶金鄉近賊之單縣鉅野城武鄆

城嘉祥魚臺又界連直隸開州之觀城濮州等十一州縣各擬留兵一百名協同地方汛弁防守緝捕卽於此次調來供征兵內酌量揀留統俟明年麥熟爲期方可議撤口糧等項仍按例支給其餘各兵均分別撤回以節糜費奏入

欽定平定教匪紀畧 卷二十七 十

上命軍機大臣傳諭同興曰現在滑城攻克之後賊藪已除旁無竄逸辦理頗爲完善惟軍務甫蒞人心尙未能十分安定自當留兵鎮撫以備不虞東省前調之兵計有六千名此時留兵三千名分駐曹州東昌等處適中彈壓自應如此辦理至此項留防之兵亦不必拘定明年麥熟時再撤該撫察看地方情形何處先可放心卽先撤何處令其陸續歸伍以節糜費此時善後最要急務全在撫卹饑民東省連年荒歉貧民乏食者多兵燹之餘十

室九空饑寒交迫聚而掠食恐所不免若成羣結隊劫奪村莊地方官又安能不拏一經拒捕又安能不懾以兵威殊不思此等饑民與叛民迥異叛民如林清李文成等衣食充足膽敢潛蓄異志謀爲不軌卽概予誅夷無可矜憫至於饑民顛連溝壑因救死覓食若不加收卹使之激而生變哀哀赤子困於歲復困於兵民爲邦本朕體天地好生之心思之實爲不忍同興此時不可專顧軍需遂忘盡心民瘼著揀派誠實妥幹大員督率地方官分路詳查實心經理伊等本有分設粥廠之儀但小民流離轉徙道路遙遠或酌帶銀米沿途散給俾資安集更爲有益伊等多盡一分心力卽多活無數生靈近日督撫等多有捐廉之請試思朕此時停止工作裁汰繁費豈肯受伊等進奉伊等若

欽定平定教匪紀畧

卷二十七

十一

仰體朕愛育黎民之心倡率屬員賑卹災黎以補國帑所不逮卽係伊等盡心爲國而全活者衆其積德於身家亦不少矣

臣等謹按詩曰綏萬邦屢豐年言王者不得已而用兵殄戾旣消祥和自致而要在體天地好生之心以爲心故有以暢生機而符順象也逆匪猖狂悖亂自外

欽定平定教匪紀畧

卷二十七

十一

生成

王師肅清殆無遺孽而稂莠旣除之後值瘡痍未復之時賊氛已靖于潢池民困未甦于中澤彼饑寒之孔迫旣溝壑之堪傷倘假擾之時形罹鋒鏑而奚忍我

皇上仁慈惻怛惠愛斯民軍務旣蒞之後詔諭諄諄亟以撫恤難民爲首務

勅三省大吏各率所屬認真經理居者加之賑濟行
者給以銀糧務令安全期無蕩析由是室家
共臻保聚老弱咸慶更生閭里又安耕鑿休
息所以

天人翕應和氣感孚風雨協陰陽時年穀順城民物豐
阜從此億萬生靈胥登

仁壽之宇悉惟

欽定平定教匪紀畧

卷二十七

十三

大聖人好生之心有以保民無疆也

同日董誥等奏言查前此山海關奏獲李得水
一犯屢訊供詞支離油滑經_臣等嚴加駁詰緣
該犯前在長垣縣隨同搶掠屬實因欲逃避關
東行至冷口被獲其前供趙得隴趙得鳳徐茂
恭等係一時混編現在擊獲之人姓名偶同該
犯實未謀面又所供邢芬馬依潮等該犯因素

聞滑縣有此二人到案混指亦未見過其餘一
切人名地名以及各處送信糾人訂期滋事情
節皆故意捏造希冀永無質證可免定罪歷經
奉

旨根查並行文提質悉係虛誣毫無疑義該犯患病
監斃應無庸議至此外節據山海關擊獲解部
各犯_臣等陸續審訊除邢帽安一犯訊係私越

欽定平定教匪紀畧

卷二十七

十四

邊牆別無謀逆情事應同所供無辜之趙幅趙
隴等分別定擬釋放又謝文良殷希曾委係出
口傭工並未糾人滋事應行釋放容另行次第
奏結外其葛洪才馬泳幅僧人施廣及柴玉林何
喜安司敬武等各犯到案後均極口呼冤稱係
山海關承審官員刑逼誘供并許給銀兩衣服
等件是以妄扳妄認並無不法情事_臣等又復

核額勒金布咨到原供本多疑實相應請

旨派員前往山海關查明叅辦謹將現訊供詞同山

海關原供黏籤呈

覽奏入得

旨著派文序康紹鏞馳驛前往山海關查辦

十二月十九日托津奏言伏查臣軍營節次

搜捕零匪前後共二千七八百名所有出力將

欽定平定教匪紀略

卷二十七

弁均隨時存記又文職內有承辦軍務事件及

審訊賊供頗為奮勉之員臣擇其尤為出力者

開列清單恭呈

御覽再查直隸辦理軍需除各州縣守城出力官員

應由該督查辦外其隨營糧臺各委員支應軍

需並無貽誤謹一併酌量等第分繕清單進

呈伏候

施恩鼓勵奏入

上諭內閣曰托津奏查明審辦獲犯搜捕零匪尤為

出力文武員弁據實保奏一摺此次剿捕開州邊

界賊匪該員弁等或究出教首或擒獲賊目其中

奮勉出力者亦應量予恩施所有單開之郎中斌

良錢學彬均著賞戴花翎主事琦昂吳興臣均著

以員外郎遇有本部題選缺出卽行補用先換頂

欽定平定教匪紀略

卷二十七

戴署大名道屠之申著賞加按察使銜直隸州知

州張孔源著賞戴花翎理問廖芳著以應陞之缺

儘先陞用巡檢王仲淇著以縣丞儘先陞用革職

知縣吳寶裕降調知縣石梁均著開復原官候補

副將馬文斌著交部議敘候補遊擊班荆布著賞

加叅將銜叅將蕭文治都司張儉均著賞戴花翎

都司游文高著賞換花翎守備陳祥禧驍騎校阿

納布千總邢雲漢把總單世佑外委柯彪雲騎尉
 劉英均著賞戴藍翎都司蘇國棟守備馬成龍千
 總葉自發均著以應陞之缺陞用雲騎尉柴官太
 魏之珠鄭永慶均著以守備儘先補用降補守備
 陳明著准其開復原官其革職遊擊劉英魁前因
 隨營奮勉賞給守備職銜今違請以都司陞用未
 免過優劉英魁著准以守備卽用

欽定平定教匪紀畧

卷二十七

七

上又諭內閣曰托津保奏隨營糧臺承辦軍需出力
 各員一摺該員等承辦軍需勤奮出力加恩著照
 所請主簿借補開州吏目萬啟遜大城縣典史孟
 釗准其以應陞之缺陞用試用從九品鄭培壩准
 其儘先補用候選未入流錢振惠楊基准其留於
 河南以本班補用候選未入流馬尊德准其留於
 直隸以本班補用從九品銜韓景琦准其捐足不

論雙單月留於直隸以本班補用該四員均免其
 補捐分發原任直隸知縣王殿傑分發浙江試用
 府經歷吳汝芝均准其留於直隸以本班補用原
 任承德府經歷李逢春原任大興縣巡檢呂椿均
 准其開復原官其因失察匪徒降二級調用之原
 任薊州知州胡士連准其開復一級長蘆豐財場
 大使卽陞知縣郎汝琮河間縣縣丞何銓綬候補

欽定平定教匪紀畧

卷二十七

六

從九品婁啟候選未入流翟金鐸均著交部議敘
 上又諭內閣曰御史趙未彤奏請嚴飭辦理軍需各
 省毋許浮銷一摺此次直隸豫東辦理軍需自九
 月內軍興之日起至陸續凱撤之日止爲時無幾
 其奏咨原案及文移底冊均不難據實查核著該
 督撫卽督率局員將支應各款分別確核趕緊造
 冊具題如有不肖之員從中侵冒及藉端攤派科

欽者卽據實劾參嚴行懲辦

十二月二十日英那彥成楊遇春奏言查搜捕

餘匪一節臣等現派文武員弁曉諭莊民將匪

徒自行縛首或派一二將備帶兵擒捕至健銳

火器營官兵同西安滿兵西安鎮標及固原河

州直隸各處官兵臣等均已飭令原帶將領分

別凱撤此時滑縣軍營僅留蘭州督標及吉林

欽定平定教匪紀畧

卷二十七

五

黑龍江得力勁兵數千名彈壓搜捕俟滑城附

近餘匪搜捕淨盡卽移營至大名一帶照前搜

查再赴鄆城東昌及德州景州故城等處宣播

德威以期伏莽全消聞閭寧謐再遵查侯趙川有無

盤踞賊匪一節臣等查侯趙川係侯兆川其地

在輝縣之西由十八盤山進口考之志書係趙

藺相如食邑舊地土人以其有封侯之兆因名

侯兆川其後宋岳飛曾經駐兵於此土人稱侯

兆川爲東川淇縣之臨淇鎮爲西川司寨距侯

兆川僅十里許卽係楊芳等帶兵截剿李文成

之所彼時賊衆四千餘人經官兵剿洗無餘臣

等現飭輝縣查檢賊屍據稟共計檢出屍身三

千三百八十七軀其餘燒斃及生擒並搜獲者

在外是該處竄入匪徒實已不留餘孽惟其地

欽定平定教匪紀畧

卷二十七

五

在太行山之麓外險中平內有平原沃壤四五

十里山口險要臣等仍移咨方受疇嚴飭地方

文武實力稽查以杜後患再奉

旨飭學董惻太在京供出之安懷普郭名如二犯查

該二犯已於克城之日經官兵殲斃又馮克善

在京供出之伊弟馮克文一犯亦已查明殲斃

謹將已未殲獲賊目開繕清單恭呈

御覽至百齡具奏徐安囑所保趙姓幼孩臣等督飭

委員按照滑縣西關住址嚴密緝拏並無蹤跡

復於獲犯內逐加根究均供不知其人亦未聞

前有趙姓被鄉民搶去徐安囑奪回保護之事

趙姓如果年僅十一係屬童穉勢難遠颺現在

徐安囑先已解京應請

勅交刑部嚴究下落以便查照緝拏此外尚有節次

欽定平定教匪紀畧

卷二十七

三

飭拏各犯除邢二瞎子卽邢紀元一名現已拏獲據

供與王倫並不認識已解交方受疇另行審辦

外其餘均分別飭緝

那彥成又奏言臣查匪徒習教多有由婦女傳

及夫男者實堪痛恨計軍營節次所戮婦女不

止宋張氏一口臣未便逐一奏

聞茲查首逆李文成被戮後卽係其妻張氏與牛亮

臣徐安囑宋元成等主事據城固守各賊無不

聽信該犯婦於官兵破城時徐安囑等商令隨

同被難婦女混跡出城張氏聲言寧可同死不

願逃走是夜該犯婦騎馬出城有賊人數千擁

護撲卡數次俱經官兵擊退該犯婦始行自縊

斃命官兵割取首級呈驗其一女亦經殺斃所

有殲獲各巨逆除宋元成犯屬已經傷斃外臣

欽定平定教匪紀畧

卷二十七

三

現將牛亮臣徐安囑二犯家屬一併辦訖又李

文成牛亮臣等之祖父墳墓均先已飭令地方

官查明掘毀戮屍至林清係首事之犯其妻女

眷屬亦應請

旨飭部嚴辦以期掃盡根株

那彥成楊遇春又奏言本月十六日接據漢中

鎮吳廷剛稟稱該匪徒等裹脅日多器械不少

其別處木廂備作多有入夥等語臣等伏思賊匪所裹脅者固係傭工饑民其中必有舊充鄉勇及革除名糧新兵在內查河北鎮楊芳熟悉南山情形該處舊日兵勇素所信服若令前往剿辦可期得力臣與楊遇春相商恐緩不及待現已飭令楊芳於十七日輕裝馳赴陝西交長齡派遣所有河北鎮總兵篆務請留閩俊烈暫行署理奏入

欽定平定教匪紀畧

卷二十七

三

上命軍機大臣傳諭那彥成楊遇春日那彥成等奏接據陝省稟報南山滋事匪徒裹脅日多器械不少已商令楊芳相機剿辦等語楊芳熟悉南山情形彼處兵勇皆其素悉此時派令前往必能得力現卽降旨將該鎮補授西安鎮總兵與閩俊烈對調呼應自更較靈也又據奏查明已未殲獲賊目

單內其未獲之朱玉林一犯昨已據同興奏報在於東省拏解又陳美玉一犯據東省訊明獲犯業已身故著將此二犯開除餘俱上緊查拏爲要

上又命軍機大臣傳諭直隸山西陝西甘肅各督撫日首逆林清繼妻林趙氏妾林陳氏前經刑部奏擬改發新疆給額魯特爲奴遇赦不赦現俱起解在途其林清胞姊董林氏一犯前已發給駐防官

欽定平定教匪紀畧

卷二十七

五

兵爲奴嗣因審出該犯主使趕奪林清情節由部行文截回另擬重辟林清爲倡亂之首邪心固結不解留其一二婦女亦恐遺孽復萌所聞匪細著傳諭直隸山西陝西甘肅各督撫查明林清繼妻林趙氏妾林陳氏現在行抵何處卽於何處絞決以絕根株在何省辦理着該督撫遇便覆奏其董林氏卽趕緊截拏解京審明正法

上諭內閣曰楊芳著調補陝西西安鎮總兵其河南河北鎮總兵員缺卽著閔俊烈補授

同日朱勳會同署固原提督延榆綏鎮總兵常

祿西安右翼副都統額勒金太奏言竊臣等據

各路探報三才峽匪徒由佛爺灘竄至太平河

將木廂兩號盡行燒燬並將衆廂裹脅竄至伍

家堡經該堡丁壯施放鳥鎗打死賊匪三十餘

欽定平定教匪紀畧

卷二十七

五

人因火藥不繼被賊將該堡攻破殺傷民人二

十餘人鎮臣吳廷剛派撥華陽千總周炳南外

委吳增文江泰帶兵趕到殺賊八名生擒四名

並將執紅旗賊目李老九戮斃該匪等向厚畛

子板房子一帶東竄又接吳廷剛十二日來信

古子溝有新起賊匪一百餘人執大紅旗向藥

舖一帶奔竄經厚畛子千總海蒲帶領汛兵并

該處義勇攔截殺賊十五名生擒二十四名將

首犯江洪生擒訊明實係三才峽首犯楊二勾

結滋事其年登元郭添元高元隴冉正學四名

均係聽糾從賊之犯當經正法梟示餘係被裹

難民給予口糧路票釋回原籍其大股匪徒約

有三千人矛子八九百桿鳥鎗五六十桿餘俱

徒手業已東竄現在裹帶兵糧卽日跟蹤前進

欽定平定教匪紀畧

卷二十七

五

等語又據寧陝叅將張起鰲稟報初八日趕至

松花坪探得小王澗一起匪徒連日裹脅已有

五百餘人在老水磨地方屯踞初九日帶領官

兵並寧陝巡檢劉詢所團鄉勇分投前進殺斃

頭目楊四並匪衆一百三十餘人生擒十七名

又外委張世杰帶領矛手迎頭截殺八十餘名

餘匪竄入獅家溝老林割獲耳記並紅藍旗二

梟呈驗前來臣當加獎賞飭將生擒各犯解交寧陝廳就近訊辦受傷兵丁六名亦飭加倍給賞其剿敗餘匪百餘人於初十日由老林竄至柳葉河距黑水峪口四十里經臣額勒金太帶兵堵截該匪卽行折回南竄探報已與大股合夥張起鰲卽趕往吳廷剛軍營剿辦大股又據鄆縣稟報該縣太平峪口內與寧陝廳連界之紫閣峪有匪徒二百餘人搶掠糧食現竄西土溝一帶臣朱勳前經派令護總兵達凌阿帶領撫鎮標兵四百名將軍臣額克登布派令協領成瑞帶領防兵三百名均由澇峪八里坪一帶堵剿該處距太平峪不遠臣等已飛飭就近探剿至該匪是否係土棍乘機竊發抑係三才峽匪徒勾結俟拏獲時再行審明具

欽定平定教匪紀畧

卷二十七

五

奏臣常祿行抵鳳翔因聞賊匪裹脅日衆吳廷剛一路兵力稍單已知會長齡添調官兵來陝剿辦茲於十四日行抵盤屋知大股匪徒現在板房子一帶吳廷剛跟蹤剿辦卽日帶固原馬步官兵三百五十名趕赴八里坪督率達凌阿剿辦太平峪匪徒俟太平峪匪徒剿辦完竣後再探明賊蹤進剿其協領成瑞所帶滿兵三百名臣額勒金太已與臣穆克登布商令卽隨同臣常祿一路進剿臣額勒金太仍在峪口一帶嚴密防堵再接陝安鎮臣祝廷彪來咨於接到知會後已挑帶官兵五百餘名於初十日起程由石泉一帶探蹤截剿再臣朱勳接准長齡來信現已挑備河州鎮官兵五百名俟臣知會卽行來陝臣已將現在情形知會長齡長齡自卽來

欽定平定教匪紀畧

卷二十七

五

陝督辦

朱勳又奏言竊照南山地方民食向以包穀為

重每年十月以後始行收穫最畏秋雨本年八

九月內陰雨浹旬顆粒未能飽滿前經臣奏奉

硃批查明具奏臣查南山內多係外來貧民開墾荒

地包穀歲止一收一經歉收易形拮据合無仰

懇

欽定平定教匪紀畧

卷二十七

五

皇上格外

天恩俯准將孝義寧陝藍田蓋屋鄠縣郿縣岐山寶

雞定遠鳳縣畧陽沔縣商州鎮安山陽商南雒

南等一十七屬州縣除有地之戶酌借口糧外

其備工佃地無力貧民於來春賞給兩月口糧

其情形較重之安康平利紫陽白河漢陰洵陽

石泉七屬縣賞給三月口糧均已折色散放其

南鄭城固洋縣西鄉寧羌留壩褒城七屬州縣

分別借給倉糧貯糧較少之處即以折色出借

俾資接濟臣當督同藩司遴委妥員實心經理

再據興安府稟報該府所屬各屬縣糧價昂貴

小民買食維艱臣已飭令該府開倉平糶並飭

漢中府於附近水次各屬酌撥倉糧運往平糶

以平市價又郿州及所屬洛川中部宜君四州

欽定平定教匪紀畧

卷二十七

三

縣秋收均止五六分該處地瘠民貧閭閻素少

蓋藏查各該處均有支剩兵糧為數頗多應請

一律平糶並於來春青黃不接之時出借倉糧

以裕民食

朱勳又奏言竊臣前奉

諭旨查拏高張氏案內傳教匪徒陳恒義等犯並據

同興知會現在陳美玉已故係陳文清主教等

情臣當卽飛飭漢中府一體查拏去後茲據該府嚴如煜稟稱率同城固縣知縣程雲於初十日將陳恒義陳金聲二名拏獲查訊陳美玉已故將其子陳文清一併拏獲起出經呪圖章堂名均與來文相符訊據陳恒義供認與都中順城門外居住之高張氏係屬表親現在嚴究從犯另行稟報等情臣查陳恒義陳金聲均係奉

欽定平定教匪紀畧 卷二十七 三

旨飭拏之犯其陳文清一犯係屬教首該犯等膽敢

潛赴

輦轂之下傳徒習教則本省各屬更難免無習教

之人臣現飭該守令等切實研究按名弋獲並

令不可過事張皇臣俟解省親訊卽遵

旨嚴行鎖鑰解京審辦

同日高杞奏言竊臣遵奉

諭旨酌帶山西大同鎮兵一千名於十三日由軍營起程前赴山西是日辰刻唐鬍子卽在滑縣被獲准那彥成知會奉到

欽定平定教匪紀畧 卷二十七 三

諭旨以山西地方無事令臣毋庸前進臣仍折回衛

輝府城是日亥刻又准那彥成來咨欽奉

諭旨以陝西岐山匪徒滋事之案令臣幫同長齡剿

辦等因除咨會那彥成派撥西安滿兵並陝甘

官兵迅速前來一面飭令大同鎮官兵仍回晉

省歸伍外臣卽於十六日自衛郡先行起程馳

赴陝省幫同長齡帶兵剿辦均奏入

上命軍機大臣傳諭那彥成楊遇春日本日朱勳等

奏剿殺南山匪徒並會商剿辦緣由一摺據稱三

才峽等處匪徒由佛爺灘竄至太平河將木廂兩

號盡行焚燒沿途裹脅攻破伍家堡殺傷民人二

十餘人經吳廷剛派兵剿殺現往厚畛子一帶奔竄旋接吳廷剛來信稱古子溝有新起賊匪一百餘人向藥舖一帶奔竄經官兵殲獲三十餘名並將首犯拏獲而大股匪徒約有三千餘人矛子八九百桿烏鎗五六十桿業已東竄吳廷剛裹帶兵糧跟蹤追剿又寧陝叅將張起鰲稟報小王澗一起匪徒裹脅已有五百餘人經官兵剿殺後餘匪百餘人現由峪口折竄該叅將趕往吳廷剛軍營會剿又鄂縣紫閣峪地方有匪徒二百餘人搶掠糧食竄西土溝一帶護總兵達凌阿及協領成瑞已帶滿漢兵七百名由澗峪一帶堵截等語三才峽小王澗兩處匪徒前據朱勳奏報合計不過一千餘人今數日之間已裹脅至三千餘人且烏鎗器械甚多沿途放火傷人勢漸鴟張此外各處並

有新起之賊分投竄擾雖經官兵剿殺截回均未淨盡若不迅速撲滅恐裹脅愈多辦理又致費手除已飛催長齡帶甘肅兵一千名前往督辦並令朱勳先行相機剿捕外楊遇春熟悉該處情形聲威素著又係所管地方此旨到後著該提督即日挑帶吉林黑龍江兩處馬隊或每處二百名共四百名或每處三百名共六百名令色爾滾達斯呼爾岱二人管帶隨同迅速前赴南山迎頭協剿此外若蘭州固原等處勁兵如尙可酌分令那彥成酌量分撥帶往如滑縣軍營存兵業已無多卽不必分派楊遇春到陝後如長齡業已先到卽與長齡商同會剿列銜如長齡仍尙未到著先與朱勳會商剿辦其應如何分別剿捕解散並兩面堵截之處一切相機辦理至陝省既有此事恐他處不

靖之徒聞而生心滑縣甫經克復人心未定更當加意鎮撫楊遇春已離豫省那彥成尤當慎重彈壓著在滑縣劄營多住時日察看地方實可放心再遵照前旨移營大名一帶以次順赴山東聊城東昌德州故城等處查看情形回京復命

上又命軍機大臣傳諭長齡日前據朱勳奏報陝省岐山縣三才峽小王澗有匪徒持械搶掠聚眾至

欽定平定教匪紀畧

卷二十七

五

一千二百餘人該撫前往查辦其頭目楊二等並呈訴係因年饑求食當經降旨諭令長齡馳往陝西會同朱勳辦理並有旨派令高杞富僧德等帶兵赴陝俾資剿捕今又據朱勳奏報三才峽小王澗等處賊眾現已聚至三千人長齡挑備河州鎮官兵五百名俟朱勳知會即行來陝會剿等語陝省三才峽一帶匪徒滋擾現已聚至三千之多若

不即時撲滅裹脅日眾該處南山徑路叢雜聽其

竄入老林搜捕必致費手長齡係該省總督接據

稟報即應迅速馳往今僅挑備官兵五百名仍俟

朱勳知會始行啟程殊屬怠緩此事朕即責令長

齡辦理著迅速挑帶甘肅勁兵一千名不分晝夜

兼程行走到彼督率楊芳吳廷剛等上緊剿捕刻

又降旨令楊遇春酌帶吉林黑龍江等處勁兵速

欽定平定教匪紀畧

卷二十七

五

來合剿以期一鼓殄除到陝之日先將剿辦情形

由六百里奏聞將來剿捕完竣由六百里加緊馳

奏以慰屢注長齡前在河南巡撫任內失察李文

成等謀逆咎有應得朕從寬免究且簡擢總督此

次岐山饑民搶掠一事係該督本管責令會同朱

勳督辦若不感奮迅速辦理完善朕必將前後兩

案一併治伊之罪恐不能當此重譴若辦理妥速

既蓋前愆仍當加以恩獎長齡不可不勉之又勉也

上又命軍機大臣傳諭朱勳曰朱勳奏三才峽等處匪徒現在襄脅有三千餘人向板房子東竄沿途放火傷人其小王潤一起匪徒經官兵剿散後亦與大股合夥此外古子溝及鄆縣紫閣峪均有零竄賊匪現在分投堵剿等語山內匪徒滋事前經

欽定平定教匪紀畧

卷二十七

三

降旨令長齡挑帶甘肅弁兵馳往剿辦本日據那彥成奏已派楊芳馳赴陝省交長齡派遣項閱朱勳奏到情形又降旨令楊遇春管帶得勝勁兵前赴陝省會剿但現在該處匪徒襄脅至三千餘眾並有另股賊匪乘間竊發自朱勳具奏後又已數日不知賊匪更增襄脅若干計長齡楊遇春等未能即日陝朱勳不可在彼坐待務督同常祿吳

廷剛等相機剿捕並飭令團練壯勇於各要隘處所嚴密堵禦將賊匪隨處剿殺務期迅就殄滅南山徑路叢雜若聽其竄入老林搜捕又致費手其首犯楊二等必當按名查拏按律正法至被脅從犯查明實係饑民應予解散以孤賊勢若日內剿捕完竣即由六百里加緊馳奏以慰屢注再本日據陝甘學政韓鼎晉奏稱岐山毗連州縣俱屬歉

欽定平定教匪紀畧

卷二十七

三

收請令地方官董勸紳士捐貲周卹及暫行平糶等語此次朱勳奏請將歉收各州縣散放口糧及平糶倉穀已照所請加恩該處饑民甚眾著該撫督飭地方官妥為安撫或勸紳士及殷實之家捐貲周卹加以獎勵以補國帑所不逮斷勿任其饑寒無告迫而從賊不特被賊襄脅人數漸多辦理不易且多傷民命朕心實有所不忍該撫務實心

妥辦毋稍怠忽又據朱勳奏將飭拏之陳恒義陳金聲陳文清等犯均已拏獲著卽派員將該犯等嚴行鎖鑰解京交刑部歸案審訊

上命軍機大臣傳諭高杞曰前因陝省岐山縣三才峽等處有匪徒持械掠食聚衆一千二百餘人有旨令高杞富僧德等帶領陝甘滿漢得勝勁兵赴陝交與長齡調遣以資剿捕本日據高杞奏稱已

欽定平定教匪紀畧

卷二十七

五

遵前旨於本月十六日自衛啟程馳往陝省正在降旨飭諭間又據朱勳奏報三才峽一帶匪徒已聚至三千人朱勳現與吳廷剛在彼會剿長齡尙未到陝等語高杞遵節次所降諭旨此時若已回至直隸邊界卽來京見面候旨如已行近陝西邊界卽同富僧德特依順保等督帶弁兵迅速趕赴南山軍營先幫同朱勳相機剿辦俟長齡到陝卽

將弁兵交與長齡調遣高杞在軍營留住數日查看情形回京面奏

上諭內閣曰陝省南山各屬地方向多外來貧民開墾荒地以種植包穀爲生今因秋雨歉收小民素鮮葢藏自應亟籌調劑免致流離失所著加恩將孝義寧陝藍田蓋屋鄠縣郿縣岐山寶雞定遠鳳縣畧陽沔縣商州鎮安山陽商南雒南等十七廳

欽定平定教匪紀畧

卷二十七

四

州縣有地之戶酌借口糧其傭工佃地無力貧民於來春賞給兩月口糧其情形較重之安康平利紫陽白河漢陰洵陽石泉七廳縣賞給三月口糧均以折色散放南鄭城固洋縣西鄉寧羌留壩褒城七廳州縣分別借給倉糧貯糧較少之處卽折色出借俾資接濟再興安府所屬各屬縣糧價昂貴並著開倉平糶如糧石不敷卽於漢中府附近

水次各屬酌量撥運又鄜州洛川中部宜君四州
縣秋收均止五六分該處均有支剩兵糧亦著一
律平糶並於來春青黃不接之時出借倉糧以平
市價而裕民食該撫務督飭所屬認真經理毋令
吏胥侵漁俾閭閻均霑實惠

是日董誥等奏續經審明各衙門獲送從逆夥
犯及入教緣坐各人犯遵照本月初十日

欽定平定教匪紀畧

卷二十七

聖

諭旨將從逆夥犯核其情罪尤重次重及又次重之
不同分別定擬請將前此留質之劉泳太子七
卽于幅瑞及孟太尹照孫大本楊廣弼李二卽
李世功張通泗張衍泗劉年兒崔五王富小劉
二卽劉二小十三犯均依律凌遲處死其從逆
在家未行之張二柱卽張喜成石五收受逆匪
白布之邱九三犯擬改爲斬立決自行買備白

欽定平定教匪紀畧

卷二十七

聖

布之安二卽安邦子史六卽史添畛王癩子張
十王六卽王進學張四卽張庭璧張九張大慌
慌卽張德甫邱八等九犯擬改爲絞立決其在
監病故之劉宗山卽劉玉山一犯請判屍一併
梟示其邪教爲從之楊九卽楊榮華趙宋氏等
五名口均發新疆給額魯特爲奴其悔過出教
未經到官自首之魯進有卽二臭兒等五犯均
發烏魯木齊給兵丁爲奴知情不首之秦狗子
等四犯均杖流其應行緣坐之田八十一兒顧
王氏等十九名口均分別發遣爲奴得
旨劉泳太子七卽于幅瑞孟太尹照孫大本楊廣弼
李二卽李世功張通泗張衍泗劉年兒崔五王富
小劉二卽劉二小俱著卽凌遲處死梟示張二柱
卽張喜成石五邱九俱著卽處斬梟示安二卽安

邦子史六卽史添畛王癘子張十王六卽王進學
張四卽張庭璧張九張大慌慌卽張德甫邱八俱
著卽處絞劉宗山在監病故著剉屍梟示餘依議

欽定平定教匪紀畧卷二十八

十二月二十一日甲寅董誥等奏言臣等連日將

山東省拏解之宋玉林李盛得等犯訊以馮克

善前在德州與宋躍濇謀逆情事並嚴訊馮克

善以各處有無同教同謀之人據宋玉林卽宋

希虞供我是德州人同父親宋躍濇俱跟馮克

善入離卦教本年二月間馮克善叫我同他進

京往宋家莊見林清商量起事隨走到保定府

唐家衙衙馬老大家馬老太雇車送到林清家

中給林清磕頭我聽見林清對馮克善說定期

起事的話住了三天回去八月間馮克善又到

我家告知李文成於九月十五日在滑縣造反

叫我同父親臨時帶著徒弟李文明朱杼甲劉

添祥劉元李盛得並伊子李三李四高姓記不

得名字李幅田劉銀周宗城周學治周自得侯
添幅侯添祥侯添正侯添成侯添祿葛文智葛
立業姜雪崖姜黑兒姜慶兒陳文思幫同鬧事
我父親因人少不能去馮克善說既人少不能
去你們等李文成反到山東帶徒弟們迎接我
父親隨同我買布做旗傳給徒弟們明號暗號
一體預備迨後總沒見李文成馮克善們反來
直到十一月初十日馮克善來至我家纔說要
往蒲州去尋他師傅唐鬍子的話並說陝西還
有大頭目手下也有好幾萬人都是十二月十
九日動手侯反到山東在德州紮營把元帥印
交我父親掌管一齊進京我父親信了他的話
就措盤纏送他並借了劉家誥軸給他護身的
至莘縣靳家地口的靳希盛他父親靳三是東

欽定平定教匪紀畧

卷二十八

二

欽定平定教匪紀畧

卷二十八

三

昌府姓邵的徒弟也是離卦他手下的人極多
現在均未同馮克善造反是實李盛得供我是
直隸故城縣武生拜宋躍澐為師入離卦教本
年八月內馮克善來說李文成人馬過德州時
叫我們在宋躍澐莊上築牆立寨屯著糧草人
衆等候跟上北京去我們莊上惟有宋樹得不
肯隨順他說死也不從其餘我的徒弟李文明
侯添幅侯添正侯添祥侯添祿侯添成黃潮住
陳榮李幅田徐方平高連三高連山趙順張大
幅蘇連成馮貴陳裕田都知道明號暗號的又
據馮克善供蒙訊我此外有無習教鬧事之人
現在滑縣尚村有個郭老般是陰成德的徒弟
聽說做過夏邑縣教官却並未見他隨同鬧事
此外李文成手下頭目我又想起張德水張老

瑞俱是滑縣護古小鎮兒人又南陽府南太平坡有個離卦馬三元手下徒弟甚多又聞潼關有郭魁武郭魁文二人俱拜牛亮臣爲師手下也有徒弟等語并將供出各犯年貌清單繕呈御覽奏入

上命軍機大臣傳諭那彥成曰現復訊據馮克善供稱李文成手下頭目張德水張老瑞俱係滑縣護

欽定平定教匪紀畧

卷二十八

四

古小鎮人等語著那彥成派員按照所供年貌住址查拏並於滑城擒獲活賊詳查該二犯是否在內提訊各犯時亦一併留心查辦

上又命軍機大臣傳諭章煦曰現據宋玉林供出林清徒弟馬老太在保定府唐家衚衕居住等語該犯居住省城馮克善來往京城皆在伊家住宿必係逆黨著章煦嚴密查拏務獲研訊該犯有無同

謀助逆情事錄取確供具奏卽行正法又據宋玉

林供出宋躍濫徒弟劉元係故城縣劉鵝鳴村人

周學治周宗城周自得係故城縣大馬房人又宋

躍濫之徒李盛得供出該犯徒弟侯添幅侯添正

侯添祥侯添祿侯添成係景州城內定子街人黃

潮住陳榮係景州留智廟人李幅田徐方平高連

三高連山趙順張大幅蘇連成馮貴係景州故召

欽定平定教匪紀畧

卷二十八

五

村人陳裕田係德州人寄住景州故召村並著章

煦派委委員詳對姓名年貌按照查拏拏獲後訊

明有無入夥謀逆情事錄供奏聞分別辦理并將

該犯等年貌清單抄寄閱看

上又命軍機大臣傳諭同興曰據宋玉林供伊父宋

躍濫徒弟內有葛文智葛立業俱德州李老村人

姜雪崖姜黑兒姜慶兒陳文思俱係德州王官店

人劉銀係景州人住李老村著該撫卽密派委員按名緝獲嚴訊宋躍濫會否糾約伊等謀逆錄取確供奏明辦理又莘縣靳家地口地方有靳三及其子靳希盛據宋玉林供稱俱習離卦教係東昌府郟姓徒弟手下之人極多並無與馮克善謀反等語著該撫派委委員密赴莘縣將靳三父子緝拏到案訊明有無從逆情事錄供奏聞分別辦理

欽定平定教匪紀畧

卷二十八

六

並將該犯等年貌清單抄寄閱看

上又命軍機大臣傳諭方受疇曰現據逆犯馮克善供出有滑縣尚村居住之郭老殿曾任夏邑縣教官係陰成德徒弟前次滑縣滋事時未見郭老殿在彼又南陽府城南太平坡有離卦教馬三元年三十七八歲有鬚無麻面赤手下徒弟甚多等語郭老殿身任職官隨同習教實屬不法是否隨同

謀逆馬三元一犯住居南陽會否赴滑縣入夥著方受疇卽速分派委員將該二犯嚴密查拏務獲到案訊取確供奏聞分別辦理

上又命軍機大臣傳諭朱勳曰現據逆犯馮克善供潼關地方有郭魁武郭魁文二人係拜牛亮臣爲師手下均有徒弟等語郭魁武郭魁文旣拜牛亮臣爲師入教傳徒殊爲不法著該撫卽速密派委員查拏務獲到案後訊明該犯是否僅止入教抑有糾夥謀逆情事卽行錄供奏聞分別辦理

欽定平定教匪紀畧

卷二十八

七

十二月二十二日 敕

上諭內閣曰紫禁城四門內外該班火器營官兵衝寒宿衛晝夜巡查現屆歲除宜加恩賚以贍其室家度歲之需所有花翎護軍校及護軍校藍翎長二百二十四名著每名賞給一兩重銀鏤三個護

軍二千四百十六名著每名賞給一兩重銀鏢二
個交該管大臣按名分給

是日和寧緒莊慶惠誠安華連布奏以失察王
士青等傳習邪教自請嚴議得

旨和寧等俱著交部嚴加議處

十二月二十三日兩方受囑奏言竊臣由省城

前赴滑縣路經封邱一帶督飭地方員弁拏獲

欽定平定教匪紀畧 卷二十八 八

逸匪李善球等解省審辦察看各卡隘兵勇整

齊防守嚴密十四日行抵滑縣與那彥成等會

晤得悉滑城克復之後救出難民二萬餘人除

經親屬保領外尚有萬餘婦女居多當飭府縣

根訊確實卽在附近村莊妥爲安插遵

旨散給兩月口糧其被賊蹂躪村莊均委員分投確

勘另行

奏請賑卹至滑縣城內官廨民房先被逆匪燒拆

大半復經官兵火攻悉成灰燼城垣殘塌修費

浩繁容再另行核辦其道口地方居民已漸次

復業所有凱撤官兵緝拏逸匪以及安撫事宜

臣均督同台斐音分別妥辦臣回省之便並將

南北兩岸及歸德等處防守弁兵應撤應留詳

慎經理至滑縣老岸鎮地方爲教匪起事之所

欽定平定教匪紀畧 卷二十八 九

前巡檢劉斌被賊戕害遺缺緊要查有陝州朱

陽關巡檢秦丙堪以調補又滑縣典史陳寶勳

捐軀明志遺缺亦屬緊要查有投効軍營之原

任洧川縣告病典史霍瑞蘋堪以補用伏候

諭旨遵行其老岸鎮巡檢印信遺失並請補鑄

頒給再軍興以來需員孔多查試用縣丞鍾梁試用

未入流金端木捐職丁憂縣丞裴奉恩原任貴

州遵義營革職都司白鳳山又山西人王裘係
王直望之子投効至豫均不解勞瘁甚屬出力
合無仰懇

聖恩加之鼓勵謹將各該員詳細履歷繕呈

御覽奏入

上諭內閣曰方受疇奏請揀員調補巡檢各缺等語

滑縣地方甫經賊匪蹂躪亟須幹員協同經理著

欽定平定教匪紀畧

卷二十八

十

准其以秦丙調補老岸鎮巡檢霍瑞蘋補授滑縣

典史其老岸鎮巡檢印信著該部另行鑄給

上又諭內閣曰方受疇奏軍營巡緝防守出力各員

弁懇請鼓勵等語加恩著照所請試用縣丞鍾梁

試用未入流金端本俱准其遇缺卽補捐職縣丞

裘奉恩准其留於豫省照例捐足服闋後補用原

任貴州遵義營革職都司白鳳山准其留於豫省

撫標差委如果始終奮勉酌量以千總拔補其所
請王裘隨營緝犯量予鼓勵之處著不准行

十二月二十四日旨董誥等奏言臣等將托津

奏獲解京之梁健忠一犯詳悉研訊據供係河

南安陽縣人年七十一歲我父親梁登周拜同

縣劉端為師習九宮教父親故後我就接管收

劉宗林為徒劉宗林亦收劉幅明郭明儒為徒

欽定平定教匪紀畧

卷二十八

十一

劉幅明又收李文成為徒嘉慶十三年劉宗林

向我商量傳教收徒得錢分用起意設立號簿

凡入教的給錢自二三十文至數百文不等給

糧食自一二升至一二斗不等交郭明儒登記

號簿所有麥試秋試等官職都是劉宗林捏造

的十六年間林清來至滑縣講理我歸順林清

他就封我為離官伯大兒子梁方為麥試次子

梁蔭爲秋試今年九月他們造反我因年老未
去我次子梁蔭前往幫助的又據劉第五卽劉
宗林供係滑縣人年五十一歲我先拜梁健忠
爲師入九宮教不論男女俱行傳習因人多設
立號簿並刊刻圖記分給合同凡入教的俱送
我們糧食錢文使用迨至十六年上半亮臣將
林清引至滑縣傳我們八字真言並明號暗號
說事成後封我爲一品大宗師教內的人俱加
封官職給予地畝這簿內共計男婦大小有三
千八百餘名所有入教的送來糧食俱經賣錢
與所收錢文由劉幗明經手送交林清收用了
至另單所開林老三卽是林清牛老明卽牛亮
臣李文成于克敬申文顯劉幗明宋克俊魏得
中袁貴郭明儒王學王道隴張鳳祥劉成章李

存信翟清林劉趙林張幗士張幗祥孫敬義趙
幅都是頭目所以於號簿內提出存記本年九
月劉幗明同我徒弟魏得中們進滑城搶李文
成時我因在家掌管簿記故未同行等語合將
該二犯供詞繕呈

御覽

是日長齡奏言竊臣於十二月初五日接據鳳
翔府知府王駿猷岐山縣知縣廖祚輝同日稟
報該縣屬三才峽地方向有做木廂商人僱覓
民人砍伐柴塊因停工乏食糾約該處貧民搶
掠糧食聚集數百人等語又接撫臣朱勳來信
業已酌帶弁兵親往郿縣一帶搜捕等語臣查
核該處地理情形朱勳現在辦理均屬周密且
已咨會漢中鎮吳廷剛帶兵前往署提督常祿

亦派守備馬輔相千總王佳才帶兵堵截該處文武皆係熟諳緝捕之員斷不致逆匪漏網惟本年南山一帶收成歉薄該處無業貧民最易裹脅恐人數增多搜捕稍需時日臣當即飛飭南山各營將備各帶官兵由所屬交界相機前進四面圍截並於甘省秦階二州縣所屬路通該處之利橋三岔徽縣兩當唐藏太渠等處均添派文武妥員前往各隘口嚴密堵截一面派人赴該處偵探倘一時未能辦竣臣即帶領河州兵五百名親往督辦已將應派官兵密為挑備不令張揚至省城關係綦重督標兵丁前已派赴河南千有餘名此時不便再行選派以昭慎重均奏入

上命軍機大臣傳諭那彥成曰本日刑部奏訊據獲

欽定平定教匪紀畧

卷二十八

十四

欽定平定教匪紀畧

卷二十八

十五

犯劉宗林供稱該犯係滑縣人與李文成劉幗明同拜梁健忠為師招人入教不論男女老幼凡在左近村莊者誘令各出糧食錢文先係該犯與梁健忠收用至十六年間牛亮臣引林清到彼該犯又從林清入教林清約令謀反許以事成之日封為一品大宗師凡教內之人俱加封官職給與地畝共計男婦大小三千八百餘名口皆曾送過錢文糧食設有號簿該犯將糧食賣錢同所收錢文交劉幗明經手送林清收用至另單所開者因係頭目是以於號簿內提出存記等語劉宗林聽從林清入教謀逆領受偽封並煽惑鄉愚收取財物輾轉接濟林清罪惡貫盈難逃誅殛除將該犯訊明辦明外單內所開各頭目核之那彥成兩次奏到賊目清單大半俱已殲斃惟張鳳祥劉成章翟

清林劉趙林張幅士張幅祥孫敬義趙幅八犯尙未拏獲此等同惡相濟之徒斷不可任令漏網務卽趕緊飭拏務獲其送給該犯糧食錢文之男婦大小三千八百餘名除婦女不論外其餘是否僅止受騙出財抑有隨同叛逆者並著開單寄交那彥成查明具奏分別核辦

上又命軍機大臣傳諭章煦日現在滑城雖已克復

欽定平定教匪紀畧

卷二十八

六

而逆黨在逃未獲者尙多如節次飭拏最要逆犯劉第五等五名次要逆犯七十餘名均無下落大約總仍在直隸境內窩藏伏匿著該署督嚴飭地方文武員弁認真躡緝務須按名弋獲照律懲辦以絕根株斷不可以軍務已竣稍有鬆懈再故城鉅鹿二案除霍應方一案已據奏審明辦理外其田克岐案內李經父子等犯俱已到案該署督迅

速審訊實證明確一面奏明一面按律辦理

上又命軍機大臣傳諭長齡日長齡奏陝省岐山縣地方匪徒滋事情形一摺直省地方遇有軍務事件應用五百里馳奏設情形緊急則用六百里此次三才峽匪徒糾搶長齡已派撥官兵預備往剿卽用馬遞奏聞已覺遲緩乃差人賁呈陝甘距京遼遠遲至半月後始到長齡實屬糊塗昏憤何不

欽定平定教匪紀畧

卷二十八

七

曉事至此伊係棄職錄用之人前在河南巡撫任內失察教匪謀逆未經懲處轉加恩擢用總督寧不知愧知奮仍復因循怠玩不以事爲事長齡著傳旨申飭前已降旨派該督帶兵一千名速赴陝省日內諒已起程伊途間接奉此旨著無分晝夜兼程行走迅抵該處察看情形應如何剿撫妥爲籌辦先由五百里奏聞前日據朱勳奏該匪徒等

逐漸裹脅已多至三千餘人並有另股之賊富僧德等所帶兵力尙恐不敷已續派楊遇春挑帶吉林黑龍江等處勁兵馳赴陝省會同該督辦理並據那彥成奏派楊芳先往此次官兵聲勢甚盛該督當與楊遇春妥為經理迅速肅事勿再玩延致干重咎現又據御史王庭華奏北山延安鄜州等處上年頻肆搶奪近日復有匿名揭帖煽惑人心

欽定平定教匪紀畧

卷二十八

六

等事北山近年游民甚多又值歉歲不可不加意防範此時速將南山匪徒辦淨則各處人心俱安倘遲延日久北山再有勾引所關匪細長齡一面迅速籌辦南山剿撫事宜一面密飭延鄜一帶文武官弁時刻留心鎮靜彈壓勿稍疎虞

十二月二十五日午那彥成楊遇春方受疇奏言竊照豫省軍務告竣之後尙有一切應行事

宜臣等復會同悉心籌畫謹縷晰陳明伏候聖裁一滑縣蕩平之後撫綏化導治理尤難非初任人員所能整頓應請改為繁缺以符名實一各處雇募鄉勇應飭令原保之人保回安業除滑滑二縣鄉勇器械已由臣那彥成就近查繳外其餘各州縣由臣方受疇查照辦理一鐵匠舖戶勿許私造鎗刀如違按律問擬一滑縣被賊

欽定平定教匪紀畧

卷二十八

九

村莊甚多除已蒙賞給兩月口糧現又另行奏請給賑外所有歷年積欠及本年錢糧可否恩施豁免十九年錢糧並請緩至秋後啟徵俾紓民力其封邱陽武延津考城蘭陽新鄉獲嘉輝縣林縣等處被賊村莊並懇將歷年舊欠錢糧豁免本年錢糧緩至來年麥後啟徵一逆犯田地

房屋應派員查辦毋任隱匿牽連一道口鎮應
設立縣丞把總各一員以資彈壓一被戕文武
員弁及陣亡兵丁應查明分別

卹賞其城鄉士民以及婦女人等守節捐軀均應查

明造冊咨部彙題

旌表以上各條均係現在急需辦理之事恭候

聖訓施行

欽定平定教匪紀畧

卷二十八

三

那彥成楊遇春方受疇又奏言查此次逆匪滋
事各處雇募鄉勇所有支給口糧製備衣械以
及各處城濠應行動項挑挖之處經部覆准均
毋庸議惟是此次匪徒謀逆界連三省除滑縣
之牛市屯新鎮及商邱之劉家口等處並大小
村莊俱經紳民自行團練保護外至省城重地
並沿河近賊州縣官兵均已調派出征城無備

禦岸之巡防實不得不募勇防堵該鄉勇等晝
夜勞苦勢難枵腹從事亦斷不能令其自備口
食合無仰懇

皇上天恩俯准每名每日給發口糧一錢以示體卹
至省會及近賊州縣城垣稍有殘破之處已由
該地方官自行捐修外其城身臟裂堞口坍塌
過甚者需費孔多又各濠池因風沙壅積淤成

欽定平定教匪紀畧

卷二十八

三

平地若不挑挖寬深難資守衛前值圍攻喫緊
之時誠恐賊眾潰圍竄擾臣那彥成飭令河南
糧鹽道張翺親往彰衛懷等處查勘確估督令
趕辦完竣查驗如式應請將修城工料照軍需
例案准其動項其挑濠土方夫價循照舊案於
地糧內攤徵以免賠累
那彥成楊遇春又奏言查奉

有緝拏各犯其王老得一名業已拏獲訊係縱令婦人吃齋作會核與馮克善在京所供並非同教之說似相照合現在飛提家屬訊明再行核辦又劉第五供出之小頭目張鳳祥一名續經拏獲訊明實非教匪當即釋回又劉第五供出之小頭目趙幅一名幅與福字音同查趙得隴即趙幅業已奏明殲斃似應開除又馮克善供出之坤卦頭目衛修得一名係濬縣東關人訊無其人惟濬縣東門內有韋老花之子韋振宗係坤卦散頭人經伊父於滑縣鬧事時細縛送縣已正法訖該縣東關實無衛姓亦應開除又馮克善供出之李長更一犯係濬縣楊喜屯人今訊據獲犯供稱楊喜屯有教匪李如蘭是離卦散頭人並非頭目已在滑城殲斃至滑縣新寨

欽定平定教匪紀畧

卷二十八

三

有李常春李長更弟兄二人係艮卦散頭人李常春被殲轟斃李長更於官兵攻城時自縊斃命是李長更一犯亦應開除其餘未獲各犯仍嚴行查緝那彥成楊遇春又奏言查滑城賊眾盡數殲擒其開州長垣東明一帶昨托津來營面晤據稱搜捕已盡又接同興來信東省邊界早已肅清臣等察看大局再無意外之虞惟善後必應慎重現今直隸邊境稍虛已令富蘭等分駐彰德順德留馬瑜駐劄開州俟至正月半後再議歸伍其山東防兵亦飛移同興酌撤一半至各處習教者雖多然賊匪初起之際未被脅從即賊匪鴟張之時亦未蠢動即如李文成所竄之處率皆習教之區願同行者業已同行其未同行

欽定平定教匪紀畧

卷二十八

三

者雖習教而尙知畏法現在滑城斬馘幾至三萬餘人實足大加懲創甚於王倫臨清之案人心警懼不致再有蠢動至查訊賊匪一事臣等因投出難民婦女居多派員審訊詳細辨認究出正賊實有四百餘人並賊犯家屬七八十人業已分別辦理其城內搜捕餘匪除奏明擒獲五百餘人外連日又在地窖中搜出三百三十

欽定平定教匪紀畧

卷二十八

五

一名均係無名賊匪亦卽審明正法並無難民在內臣等稟遵

聖訓既不敢縱脫要犯尤不敢戮及無辜至賊首除偽稱三皇八卦王外其偽稱卦伯者不一而足卽如馮克善在京所供八卦伯僅止六十四人而此間節次殲獲及直隸山東殲獲所稱某宮伯者不止三百名情節又不相同滑城內外賊

屍狼藉焦爛似此無從辨認者亦復不可勝數臣前次開單所奏如已殲擒之李冬狗張大小子張二小子邢二瞎子之類皆未列入此等無名賊夥開不勝開所有八宮伯亦係小賊並非著名應請無庸再行開單以免煩複再前奉

欽定平定教匪紀畧

卷二十八

五

旨飭查托津所獲教首梁健忠是否係李文成之師等因臣提訊獲犯秦理供稱梁健忠本係八卦會內九宮卦首平日喫齋坐靜同教人都信服幫給銀兩李文成向亦敬奉因林清說梁健忠所傳教道不真李文成同衆人到梁健忠家講論爭作卦主梁健忠因勢力不敵始將家存教內經卷底簿交給李文成掌管後來李文成就歛取衆人銀錢送給林清等情是梁健忠亦係卦首而並非李文成之師再奉

旨查拏馮克善家屬經臣提齊該犯族人武舉馮克
功武生馮克寬馮克忠等俱稱馮克善是同曾
祖弟兄我等早已分居他有胞弟馮克文馮克
旺堂兄馮克煥堂弟馮克昌同院居住均經先
後正法馮克善平素專好賭博打架我們各有
生業不能管教是實並不知其有習教謀逆之
事九月初三日午亮臣在縣供出他是邪教隨

欽定平定教匪紀畧

卷二十八

五

卽逃走後來教匪入城我們都在城內受困並
未助賊馮克善前妻焦氏已故並無子女繼娶
劉氏生有一女名喚梅妮纔一歲並無子嗣又
據馮克善之妻母劉徐氏所供相同並稱那日
破城我逃出城外寄住道口親戚家女兒及梅
妮在城實不知生死等情覆加究詰供無異詞
查馮克善在京供出伊妻焦氏子坤牛女明兒

與臣等現訊各供不符至其繼妻劉氏及女梅
妮既在城中現無下落諒已被官兵殲斃臣仍
當留心訪查明確

是日朱勳奏言竊臣於本月十七日接准吳廷
剛來信賊匪萬五連日攻破寨砦肆行裹脅並
有土棍隨從入夥者共約四五千入當經選派
留壩營遊擊米章帶領奮勇官兵五百名於十

欽定平定教匪紀畧

卷二十八

五

三日起至袁家莊該匪佔據左右山梁十餘處
喊聲震地鎗破矢石如雨賊衆兵單勢甚危急
經左營藍翎把總王洪謨中營藍翎把總趙富
外委朱貴帶領兵丁搶上右面山梁藍翎千總
周炳南候補守備白玉喜帶領兵丁搶上左面
山梁均不避鎗矢奮勇前進自辰至申兵賊不
分往來攪殺賊勢漸形潰敗我兵勇氣百倍殺

賊四五百人生擒二百一十六人滾崖跌斃者不計其數搶獲大礮十七尊火鎗九十七桿長矛一千餘桿大小旗五十一面騾馬二十四餘匪分散逃匿旋有搶糧賊匪又被我兵殺斃二百人訊據活賊供稱頭目陳老九李老四王貴等均已殺斃大頭目萬包頭卽萬五余九不知下落隨將活賊盡行梟示我兵帶傷者亦有數十餘名各等語專差外委敖鳳將割獲耳記二百四十一副咨送前來臣查此股賊匪既經此番痛剿自未敢逸出老林現在陝安鎮臣祝廷彪又續調兵五百名共有一千名已抵石泉臣已飛咨吳廷剛就近會商分投搜捕至尤九股匪雖據楊二供稱意欲投首但該匪等恐未必全行就撫應俟泥峪駁匪投出之後卽派楊

二等前往招撫並札知吳廷剛祝廷彪等仍將尤九股匪剿撫兼施以期迅速歲事再鄂縣太平峪口內搶掠匪徒查係吳彪林老么毛貴等駁同無業貧民搶奪糧食經護總兵達凌阿協領成瑞帶兵於十五日趕至炭場拏獲二十餘名餘匪竄入老林現有趙騾子與該匪等熟識已飭令前往招出投首查該縣距省甚近署提臣常祿已卽日帶兵前赴太平峪督辦再據吳廷剛來信搶獲礮位鎗矛俱存袁家莊查該處距四畝地不遠臣已飭令四畝地弁兵將礮位等件就近運交寧陝廳存貯現據署藩司繼昌督糧道周光裕各解銀一千兩到營以備犒賞臣已酌撥吳廷剛祝廷彪兩路軍營分賞弁兵加之鼓勵

朱勳常祿額勒金太又奏言竊臣常祿正擬帶兵前赴鄂縣剿捕太平峪匪徒適據報有匪徒數百人竄近辛峪口臣額勒金太臣常祿隨即帶領滿漢馬步官兵一同馳往又據探報該匪已逃至西駱峪臣等所帶馬隊先到該匪正在紛紛竄出峪口官兵鎗箭齊發殲斃匪徒二三十人匪徒隨即退回峪口奔上山梁山路陡險馬隊不能前進隨即催調步隊前來到天已傍晚仰攻不能得力臣等隨將各要隘派兵拏卡分投搜拏餘匪共拏獲五十餘名內有楊二之弟楊三在內據供伊兄楊二情願投首臣等即派把總左國先帶同楊三並趙七前往曉諭首犯楊二於次日即自縛投首並帶同夥匪八十八名前來乞命臣等當即差人前赴山梁收

欽定平定教匪紀畧

卷二十八

三

繳器械共大旗五面矛子二百餘桿鳥鎗十餘桿隨詰以現在器械多至二百餘件何以人數只有八十八人據楊二供稱昨日猝遇官兵剿殺又被四面圍住夥眾連夜滾坡逃走等語臣常祿臣額勒金太當將楊二等八十八人交臣朱勳訊問據楊二等供稱伊等向在三才峽包攬木廂傭工度日因本年糧食昂貴木商於十一月初間停工無可覓食同包工之萬五等共二百餘人向該木廂商人借貸糧食不允隨商同搶掠嗣有開藥舖之李鳳鳴赴汛首告造反衆人畏懼即逃過太白山梁擬即散夥萬五不依逼令楊二充當頭目沿途裹脅共有四五百人竄至獨獨河青龍寨佛爺灘厚畛子一帶往來掠食萬五將木廂焚燒裹脅做廂工人數

欽定平定教匪紀畧

卷二十八

三

日多並將伍家堡攻破殺傷人口又有山南匪徒陸續前來合夥楊二不敢收留俱歸入萬五夥內楊二心存畏懼並因臣朱勳遣人持示曉諭隨即分夥其時萬五夥內已聚有三千餘人向南奔竄萬五係四川人意欲回川九九帶同千餘人向東奔竄楊二率同伊弟楊三等三百餘人向北由陳家河一帶竄至辛峪口內聞官兵堵剿不敢遽出十六日遠赴西駱峪口因臣常祿又加曉諭收撫是以楊二率同夥衆八十人投首其餘夥匪逃赴泥峪等處已派知縣呂明選帶同楊二等前往峪內出示招撫並據供稱九九一股亦欲投出楊二情願往招等情查楊二帶出夥衆多係陝西民人隨即散給口糧分別解回原籍管束其外省民人十一名暫

行分別保押臣額勒金太仍在西駱峪口駐紮派兵搜捕零匪臣常祿帶兵赴鄠縣太平峪督辦招撫再前據署寶雞縣向淮稟稱賊目桂老九赴卡投首據供曾與萬五同夥萬五因該犯曾充鄉勇派令作爲頭目該犯不允萬五隨將該犯細縛行至燕子嶺掙脫逃回等語臣先因該犯一面之詞未可憑信飭令該縣暫行管押茲訊據楊二等與桂老九所供相符且查桂老九一犯本有家室即飭交鄉約保領同日同與奏言竊東境剿辦逆匪所有出力文武員弁前經奏明存記俟本省肅清後察看該員等如果始終奮勉再行分別保奏今軍務告蒞謹將始終出力各官兵職名繕寫

清單據實保

奏伏祈

施恩鼓勵再四川提督多隆武前經奉

旨派赴東省協剿今三省逆賊全除邊防裁撤本省

鎮將足敷巡防多隆武係提督大員自應令即

回四川本任理合具奏請

旨

欽定平定教匪紀畧

卷二十八

三

同日衡齡奏言查唐鬍子即唐恒樂一犯已經

豫省擊獲其朱大桃一犯亦係馮克善捏造應

即遵

旨停緝惟尚有應緝陝省潼關之王忠順陳恒義王

風等三犯查潼關與蒲解所屬永濟榮河臨晉

平陸芮城等五縣有大小渡口十九處在在相

通恐其渡河入晉先經密飭兵役巡查茲聞南

山內又有匪徒滋事並欽奉

諭旨飭緝最要次要各逆犯是河岸一帶更關緊要

臣又面飭蒲州府協等常川更替親赴稽查每

十日具報一次至滑城現已克復所有太行山

外駐兵應即遵

旨次第裁撤現已分咨鎮臣張續祥泰等先將山外

大同官兵二千餘名分起撤回再將山內各卡

欽定平定教匪紀畧

卷二十八

三

官兵接續裁撤臣查勘渡口完畢仍親赴潞澤

照料撤兵其前獲賊匪牛世旺一名業已按律

正法

同日胡克家奏言查滑城克復堵緝零匪關係

緊要臣節據派出防堵之叅將明保守備劉仰

魁盤獲鼠匪方廷玉劉聚吳大馬三名投効同

知陳其松督同訓練鄉勇之生員許所望府經

歷徐蘋拳獲陳千里李鳳翔張墜兒楊斌王志學五名臣逐一親提審訊內方庭玉劉聚卽劉第二均係良卦教同進曹縣戕官殺人抗拒官兵吳大馬卽王成陳千里均係震卦教曾在髡山及定陶等處與官兵打仗殺人李鳳翔張墜兒均係坤卦教曾在道口及滑縣城外與官兵打仗殺人楊斌王志學均素習拳棒楊斌曾在

欽定平定教匪紀畧

卷二十八

三

滑縣西門外拒敵官兵受傷王志學曾在長垣縣西門外與官兵打仗殺人俱各供認不諱當卽按律分別凌遲正法梟示現在安境邊隘甚屬寧謐臣仍飭令防堵各員晝夜梭巡留心盤詰以期盡絕根株均奏入

上命軍機大臣傳諭那彥成方受疇曰那彥成等奏會籌善後事宜一摺滑縣等處被賊蹂躪民氣未

復自應加恩蠲緩此外如將滑縣改繁及於道口增設官弁之處均係因時制宜已明降諭旨准行外其禁止舖戶私造刀鎗嚴定章程亦應照所奏辦理又叛產一條前經降旨飭查方受疇應卽派委廉明公正之員及時經理毋致牽連隱匿又所稱在事文武員弁投効人等以及城鄉各處士民婦女猝遭戕害殉節捐軀均堪憫惻自應分別卹

欽定平定教匪紀畧

卷二十八

三

賞旌表著於查明後彙冊具題以嘉義烈至請令鄉勇安業收繳器械一節雇募鄉勇本非正辦此時自應卽速散遣毋令日久聚集致滋事端其各州縣收繳器械之處尤有關係著卽妥爲經理務須淨盡不得草率至另摺奏請給發鄉勇口糧之處此則斷不可行前已屢降諭旨不許雇募鄉勇伊等私行雇募本有不合念其一時權宜不加深

責此時伊等何得再以例外口糧濫請支給斷不能准所有此項口糧將來報銷時不得灑銷滋弊其所奏近賊州縣修浚城濠一事據稱除挑濠土方夫價循照舊案於地糧內攤征外其修城工料請照軍需例案動項等語修城工料不應歸入軍需著仍照例報部應准應駁再行核辦至所奏殲除賊目甚多如八官伯之類素非著名無庸再行

欽定平定教匪紀畧

卷二十八

三

查出尙無緊要至伊既自供有子坤牛遺孽斷不可留那彥成仍當確查下落毋致倖脫至馮克善之堂兄馮克功前據馮克善供稱本年八月十三日曾將該逆及牛亮臣在滑縣首告此事是否確實若馮克功果曾首告該逆則是深知大義此事由伊破案不可不加以獎賞並著查明覆奏其另單內簽出董伯旺一犯已經徐銀報獲之處本日據托津奏稱在彼時曾將此犯審訊尙不確實那彥成仍當一體飭緝爲要再吉林黑龍江官兵此次打仗間間有受傷者應先令凱旋以示體卹著派蘇清阿卽將此項受傷官兵及稍覺疲乏者先行管帶啟程到京歇息數日後再令其各回原處上又命軍機大臣傳諭長齡楊遇春朱勳日據朱勳奏官兵痛剿萬五股匪並首犯楊二率衆投出各

欽定平定教匪紀畧

卷二十八

三

摺賊匪萬五膽敢率眾焚搶攻破寨砦裹脅至四
五千人之多經該鎮吳廷剛帶領官兵奮勇剿捕
殺賊四五百人生擒二百餘人滾崖跌斃者不計
其數奪獲鎗礮騾馬等項所辦尙好其大頭目萬
包頭卽萬五是否殲斃抑率眾逃竄必須查明實
在下落陝安鎮祝廷彪此時已與吳廷剛合兵一
處昨曾有旨令長齡星夜馳赴該處軍營督辦其

欽定平定教匪紀畧

卷二十八

四

楊遇春所帶吉林黑龍江馬隊不日亦應到彼亟
當趁此兵威將烏合賊眾一鼓掃除爲要切勿心
存姑息痛改因循疲玩惡習若不遵旨決不輕恕
至萬五股匪糾合滋事爲時甚暫何以得有大礮
十七尊火鎗九十七桿之多此項礮位各件旣據
運交寧陝廳收貯卽著就近查明有無鐫刻字樣
該匪等於何處搶劫並訊明活賊供詞具奏至楊

二一犯隨同萬五充當頭目搶掠裹脅係拏獲應
行正法之犯此時畏懼率眾投出但當貸其一死
仍應發遣給額魯特爲奴若竟予縱釋小民無所
畏法屢叛屢降何以禁止除楊二率同投出之八
十八人本係脅從著照朱勳等所奏分別安插外
其楊二一犯仍著交該地方官監禁一面定擬具
奏辦理地方偶遇災歉自當妥爲撫卹無俾失所

欽定平定教匪紀畧

卷二十八

四

若至聚眾搶掠抗拒官兵是爲亂民總以剿捕爲
正辦其被剿緊急畏懼乞生亦止可寬其脅從至
爲首倡亂之人仍不可一例姑息如該督等心存
畏難率欲將就了事一以招撫爲策不顧縱奸貽
患必當重治其罪凜之又據另片奏桂老九一犯
赴卡投首據供萬五曾派伊作小頭目該犯不允
萬五隨將伊細縛行至燕子嶺掙脫逃回等語現

在楊二供亦相同如果屬實桂老九被脅不從係無辜之人自應予以釋放惟朱勳前次奏稱桂老九係賊中頭目分贓不公業被夥匪在燕子嶺殺斃等語何以彼此不符著該督等再行查明分別辦理

上又命軍機大臣傳諭百齡同興方受疇衡齡胡克家曰現在滑城克復逆黨殲除軍務大局已定惟

欽定平定教匪紀畧

卷二十八

聖

尚有飭拏未獲各犯其最要者如劉第五祝現劉呈祥董伯旺支進財五名及次要逆夥七十餘名均須按名查拏不任漏網著軍機處開單發往交該撫飭屬上緊嚴拏毋稍疎懈但必須緝獲正犯方爲有功審明後自必分別獎賞倘係邀功妄拏致有株連亦必重治其罪至該省調派防兵爲數不少日久未免勞費此時緝拏逸犯祇在地方文

武認真經理無需兵力且各該犯自皆就無兵處所潛逸伏匿若仍前安設重兵彼必望而却避轉於緝捕之道無益該撫應即將原派兵酌量裁撤次第歸伍以息兵力而節糜費

上又命軍機大臣傳諭冬隆武曰據同興奏邊防現已裁撤四川提督冬隆武應令其卽回本任等語現在陝西岐山縣三才峽小王澗等處有匪徒掠

欽定平定教匪紀畧

卷二十八

聖

食滋事前有旨派令長齡楊遇春會同朱勳帶兵剿辦著冬隆武迅速回川且不必回任先暫住川北地方派委精細員弁隨時偵探倘竄匪有入川之事卽督同桂涵羅思舉派撥兵勇迎頭截擊以防爲剿勿使一名闖入爲要

上諭內閣曰豫省滑縣地方甫經賊匪蹂躪小民室廬資用悉遭焚掠濬縣逼近賊氛被賊村莊甚多

其封邱等縣均有被賊滋擾之處該民人等蕩析
離居深堪軫卹著加恩將滑縣濬縣歷年積欠及
本年錢糧概行豁免十九年錢糧緩至秋後啟征
其封邱陽武延津考城蘭陽新鄉獲嘉輝縣林縣
等縣查明被賊村莊將歷年舊欠錢糧悉予豁免
本年錢糧緩至來年麥後啟征以紓民力

上又諭內閣曰滑縣地方甫經賊匪蹂躪一切撫綏
欽定平定教匪紀畧 卷二十八 聖

安集亟資整頓道口鎮向爲商賈輻輳之區亦應
專員分駐以資稽查彈壓著將滑縣知縣卽改爲
題調繁缺無庸於通省查缺抵換道口鎮添設縣
丞把總各一員縣丞由該省查缺移改把總卽於
新設滑縣參將屬下派撥分駐

上又諭內閣曰同興奏查明剿辦逆匪始終出力將
領弁兵據實保奏一摺東省剿辦定曹逆匪復在

各邊境堵禦搜捕竄匪該將領弁兵等始終奮勉
自應量予鼓勵著加恩將單開之膠州協副將寧
德沂州協副將福寧阿青州營參將段琨撫標右
營遊擊五達色河標右營遊擊海凌阿均著賞戴
花翎臨清營都司周添章著賞給陞銜並賞換花
翎青州佐領蘇璋德州防禦多隆阿濟南城守營
守備劉興隆德州驍騎校豐陞阿泰安營千總左

欽定平定教匪紀畧 卷二十八

聖

國寧充右營千總張慶曹州營把總霍學功青州
營把總崔恒達撫標把總余鳳岐左壽寧効力武
舉仙魁張鵬千總張燦英充右營外委石鵬齡俱
著賞戴藍翎青州領催會林清州烏鎗長墨勒可
慎德州前鋒長清穆克登額鳳祥俱著賞給武舉
臣等謹按信賞必罰國之大政而辦理軍務
之時其繫於激勸者尤重三省剿辦邪匪領

兵大員督撫等節次保奏文武出力員弁我

皇上獎勵微勞無不立沛

恩施隨時

允准而

九重之上坐照如神

至公至明不能稍有朦混即如此次同與保奏各員

弁先已

欽定平定教匪紀畧

卷二十八

吳

從其所請嗣

察其有冒濫情弊

密派章煦那彥寶前往秉公覆核次年秋間

特頒諭旨將原保之寧德霍學功仙魁會林等四人

所得

恩賞全行撤回其出力而未經保奏之千總馬承舉

外委王義如黃士文已革外委金玉魁四人

則

加之獎賞於是功者不虞屈抑濫竿者無可倖邀

蓋

聖皇之操八柄以馭寰區

賞罰釐然所由人人感悅畏服也歟

欽定平定教匪紀畧

卷二十八

吳

欽定平定教匪紀畧卷二十九



十二月二十六日紀董誥等奏言查徐安懶牛亮臣二犯由河南解到臣等會同熬訊據徐安懶供係長垣縣人年三十九歲父進成母趙氏妻李氏均故兄安邦弟安幅安明子小五今年九歲親姪徐賢我本是震卦教於十四年經王學義引進拜滑縣人劉懶明爲師入兌卦教我陸續在定陶曹縣城武單縣金鄉收了男女大小徒弟一百十三家共六七百人都是大徒弟朱成方掌管今年八月林清與李文成約期造反那時我在曹縣扈家集朱成方家中劉懶明寫信來知會我我就回家聽信適金鄉曹縣拏住我徒弟崔士俊等衆徒弟不服朱成方爲首先於九月初九夜搶進曹縣戕官劫獄聚衆約

欽定平定教匪紀畧

卷二十九

十一

有一千五百人接我爲頭九月二十邊我率領

衆人先殺了警人武生許同家三命一路搶殺

於九月二十八日奔到滑城會見李文成等封

我與朱成方爲兌官伯把守道口被陝西楊大

人官兵打敗逃進滑城後來李文成逃走朱元

成是大元帥派我與牛亮臣陰承德把守東門

至北門一帶我們的人都用白布繫腰官兵進

欽定平定教匪紀畧

卷二十九

十二

城見白布繫腰的就殺我受傷倒地我哥哥徐

安邦姪兒徐賢把我拉進民房躲進地窖有王

修智的兄弟王修仁將磨盤蓋好加土掩蓋不

料被官兵打開我見勢頭不好把哥哥姪兒抹

死正欲自刎已被拏住我的徒弟男女大小不

等都是朱成方登記紙摺業經被伊燒燬我記

得崔士俊們外尙有大徒弟張一馮舉蔡廷元

薛自有劉幅漢扈成德趙秉仁張士錦李華易
趙明節梁多珠又徒弟牛建聞王卓立李鳳岐
蕭觀義蕭庭坊張發捷朱大朋程伯岳都是跟
往滑縣的如今不知下落其餘小徒弟實記不
得我的家口在滑城內也不知死活我並沒有
保宋家後代趙姓孩子的事又據牛亮臣供係
滑縣人年五十三歲父親牛明宗母親李氏胞

欽定平定教匪紀畧

卷二十九

三

伯牛鎮宗均故親弟牛相臣牛綱臣妻王氏長
子文成次子林成均被官兵殲斃我一向在本
縣當庫房嘉慶十一年因竊當庫貯畏罪逃至
保定至十三年夏間適有宛平民人陳懋功控
告那教案內將林清傳案林清說我曾充書吏
明白罪名輕重具帖請我喫酒就對我說犯事
根由我因問他會中真理官司結後我就同到

他家中九月十二日跟著他上香發誓他用手
指點我眉心說性在這裏並傳了八字真言歸
了坎卦後來十六年夏間林清到道口住了兩
個月李文成同于克敬馮學禮與我四人同訪
林清見林清理深就都歸順說他是天盤李文
成是人盤馮克善是地盤十月馮克善王祥到
林清家中傳授拳法並傳與林清的頭目祝現

欽定平定教匪紀畧

卷二十九

四

陳爽們于克敬有三佛應劫書一本獻與林清
林清看了書上有十八子明道的話就商量與
李文成謀反本年正月林清同支進才陳爽陳
文魁到滑縣收了好些傳教銀錢七月間林清
又來道口定於九月十五日造反直奔京城饒
陽縣有劉道澆接應彰德府有趙得一接應山
東一帶徐安懶宋躍澆接應商量定局後林

清回家有老岸司劉巡檢見我們聲勢過大進城見強知縣將我同李文成拿去我被掌責數十收監九月初七日坤宮王馮相林地皇馮克善帶人進城劫獄把我放出從此起事林清說三佛應劫書上我是仙盤所以我穿八卦仙衣頭戴道冠人都稱我爲先生我門口有白旗一面上寫著掌理天盤八卦開法後天祖師林大弟子牛我道號叫子真道人我徒弟有李懷林一家又連三中劉遵錫俱與官伯孫有和是坤宮伯申欄正是兌宮伯至山西教頭我指不出地名人名祇記得于克敬任連他們往新鄉獲嘉一帶傳徒那裏的人又往山西傳徒劉宗順的後學都在山西遼州一帶我也叫不出姓名來等語查該逆等夥黨衆多恐有漏網臣等現

在日夜熬訊容隨時奏開請

旨飭拏外合將要供先行具

奏又據解到唐鬍子卽唐恒樂一犯訊問之下堅

供並無從逆情事謹將詳細供詞一併呈

覽

同日章煦奏言竊臣審訊鉅鹿縣民田克岐等

惑衆歛錢一案緣鉅鹿縣民李經先因大乘教

破案擬絞監禁該犯因從前有南和人張九成

卽張小猴曾爲伊子李中秋卽李秋看相算命

言其大貴二十五歲可幹大事并算嘉慶十九

年應有劫數可將其年歲增加乘時出世隨將

李中秋起名李盛元製造旗式並符戳暗記旗

上寫李盛元之名及起事月日囑禁卒王鳳奎

往喚大乘教散會首田克岐進監交令製旗分

散以迎佛出世為名執黃旗者將來封官執藍
 旗者可以保護身家將旗轉售得錢製造器械
 定於十九年二月二十九日劫獄起事田克岐
 遂與同案散會首閆生才等六人輾轉分散迨
 九月初間有散會首蕭秀魁持奉天開道白旗
 聲言南邊定於九月十五日造反該犯等慮恐
 彼處之人將伊會中人勾去逼令田克岐即行
 起事以安眾心旋經順德府知府康亮鈞督同
 地方委員先後訪獲并訊明李中秋實止二十
 歲捏為二十五歲以應十九年起事之期又俗
 傳二月初二日係龍頭二十九係龍尾取其龍
 象完全是以商定此期等語李經李中秋即李
 盛元田克岐及散會首閆生才徐進德解同霍
 景幅解先舉任洛正禁卒王鳳奎等十犯均應

欽定平定教匪紀畧

卷二十九

七

凌遲處死其與知逆謀得旗分散之霍富秋李
 勳臣吳錫光倪有德韓立正孫耀王滙周自得
 周孝等九犯及書寫黃旗已故之解洛志一犯
 均應斬梟知情得旗未經轉散之胡九義李思
 友王純王金聲張尖夏得聞李世元王魁昇李
 勤宋四楊振張奇參劉連進解添傑孫興雲等
 十五犯本係大乘教案內具結改悔之犯今復
 黨同助逆均應斬決當即恭請
 王命分別辦理李經等家屬緣坐其餘買旗未知逆
 情及聞擊自首之王裕學等五十七犯均分別
 遣流柳杖其未獲之張九成並分旗售賣之程
 士興等各要犯緝獲後按律辦理並將大名縣
 典史吳家琦知縣章德溥知府莫景瑞一併叅
 處

欽定平定教匪紀畧

卷二十九

八

章煦又奏言竊臣前奉

諭旨查拏林清案內頭目楊遇山卽楊月三一犯據南和縣知縣王鎮拏獲解省該犯供詞狡展茲據廣平府知府彭應杰稟報訪有永年縣民人劉文明等與楊遇山習教勾通豫匪謀逆將劉文明劉存信等十犯拏獲並於逸犯閆士興家起出謀逆示稿等情正在行提間又據鉅鹿縣

欽定平定教匪紀畧

卷二十九

九

民田克岐案內之閆生才供出民人王洛普係白旗會首曾與楊遇山入教隨飭邢臺縣將王洛普一併獲解提同楊遇山質訊始據楊遇山供認嘉慶十一年在清河縣王官莊教首劉功家內與河南商邱縣卦主邵姓相識本年四月伊與于克敬等至林清家商議九月十五日之事林清給書一封令其送與滑縣李文成伊先

至曹縣安陵集卦首徐先家後到滑縣又回至廣平劉文明家傳送並寫書遣劉存信送交邵姓李文成等及帶去告示式樣等語臣現在移咨河南山東訪拏邵姓徐先二犯并將楊遇山供出直省未獲各犯飭屬嚴拏俟質審明確解京審辦又馬老太趙步雲卽趙撥雲二犯現亦拏獲先行解京

欽定平定教匪紀畧

卷二十九

十

同日百齡奏言查江境防兵五千餘名此時除先將派赴東豫曹考一帶協防之兵撤回外其邊界地方仍須藉資彈壓此內徐城有本鎮之兵足敷防守其豐沛蕭楊各縣應暫留兵一千二百名分佈駐防俟明年正二月間再行撤回所需口糧分例仍請照舊支給至留防官兵不可無大員督率應請令原任總兵樊雄楚統領

並酌留將備管帶其安徽鳳頰一帶並知會胡克家酌量留兵駐守再徐州各屬本係積歉之區近因東豫滋事隣邑震驚居民蕩析閭閻無拮据現將被災無業貧民逐一查勘分別極次戶口先行的給折色口糧並將淮南所捐軍糧穀石除動用一萬石外再動支五萬石運送徐城分貯各縣預備來春酌借籽種及平糶之用一切水陸運費均令據實報銷其節次奏明籌撥軍需餉項共支發銀二十餘萬兩內除臣等備銀五萬兩以佐例銷不敷之款又淮南鮑崇城解到銀十萬兩外尙有不敷俟防兵全撤之後統行查核辦理再江省各邊界臣會同提鎮各臣遵照

曆謨悉力防守兼分兵顧及隣境數月來匪徒並無

欽定平定教匪紀畧 卷二十九 七

一名闖入所有在事文武可否仰懇天恩俯准擇其尤爲出力者量加鼓勵候旨遵行

百齡又奏言查江境各營卡續據總兵沈洪等報獲匪犯八名臣親提審訊內龐二麻龐振甲習乾卦教在曹縣進署殺人田起在曹縣搶掠村莊連斃多命徐鳳雲習離卦教在定陶縣劫獄抗拒官兵李學勤許定邦習震卦教隨同焚掠抗拒高坤進城戕官劫獄傷人王書田習震卦教從逆搶劫疊斃多人又前次奏獲之榮興太一名亦係震卦教從逆殺人此時徐安惻就擒無庸留質臣已恭請

王命將該九犯凌遲處死又前據英雄楚稟報在豐縣劉家集檢獲黃紙尖旗上寫夏中振領兵三

欽定平定教匪紀畧 卷二十九 七

續修四庫全書 史部 紀事本末類

千二百名至滑縣起手前赴北京等語隨在山東單縣地方訪獲夏中振訊知家係務農並無為匪情事因查對筆跡究明係其隣居李方廷挾夏中振辱詈微嫌匿名誣陷該犯當逆匪滋事之際搖惑人心奸險可惡應請

旨卽行正法其周泳太一案訊明該犯實無入教勾

結情事係孫欄柱挾嫌誣陷俟孫欄柱解到時

欽定平定教匪紀畧

卷二十九

十三

質訊明確嚴行懲辦均奏入

上諭內閣曰章煦奏審訊匪犯田克岐等聽從監犯

李經散旗謀逆分別辦理一摺此案監犯李經妄

造旗幟勾同禁卒約令田克岐等進監謀逆案關

重大現將首夥各犯擒獲分別凌遲斬梟辦理甚

為妥速順德府知府康亮鈞著施恩賞加道銜仍

加一級以示獎勵至大名縣知縣章德溥典史吳

家琦於監犯商同禁卒糾約謀逆漫無覺察大名

府知府莫景瑞近在同城毫無聞見非尋常疎玩

可比吳家琦著革職發往新疆充當苦差章德溥

著革職發往軍臺効力贖罪莫景瑞著卽革職以

示懲儆

上又諭內閣曰章煦奏拏獲要犯楊遇山等究出另

案逆情楊遇山卽楊月三係逆犯林清案內最要

欽定平定教匪紀畧

卷二十九

十四

之犯經南和縣知縣王鎮設法拏獲廣平府知府

彭應杰並究出劉文明等與楊遇山勾通謀逆重

情俱屬勤幹知府彭應杰知縣王鎮均著交部照

軍功例議敘以示鼓勵

上命軍機大臣傳諭那彥成曰昨日牛亮臣徐安欄

兩犯解到當經軍機大臣會同刑部嚴訊據牛亮

臣供本年林清到彼謀逆時定於九月十五日舉

事直奔京城各處有人接應其饒陽縣係劉道澹接應等語前此曾據林清供出饒陽縣等處有劉玉澹一犯係屬頭目嗣董綱太亦供有饒陽縣同教劉玉澹之名屢經飭拏未獲今該逆供稱饒陽縣係劉道澹接應是否劉道澹即係劉玉澹抑另有劉道澹其人那彥成節次所奏賊目單內未經列入著那彥成詳查該犯實在下落如未經殲除

欽定平定教匪紀畧

卷二十九

五

迅即飭拏務獲勿任漏網再據徐安綱供出伊親屬除已斃外尚有伊弟安幅安明伊子小五年九歲共三犯均在滑縣城內是否確已殲斃切須查明不可稍留遺孽又訊據唐鬍子即唐恒樂供稱伊係馮克善教拳棒師傅並非傳教師傅本年白蓮教造反到伊村莊伊因年老不能抵敵躲往附近地方伊孫被賊傷斃迨知縣孟昺贈招集鄉勇

伊與徒弟全全丁元重等先後赴營盤聽差孟昺贈給過腰牌伊與徒弟並同充鄉勇之陳之秀等節經在酸棗林李家村周村及滑縣城內拏獲賊匪多名初十日破城後伊隨孟昺贈又拏獲賊犯五名等語據所供情節如果確實則唐恒樂竟係無罪之人應行省釋著那彥成傳到孟昺贈向其詢問唐恒樂是否隨伊充當鄉勇唐恒樂呈出腰牌發令孟昺贈辨認是否由伊給發其隨同拏賊之處是否確實遇便覆奏以憑核辦

欽定平定教匪紀畧

卷二十九

六

上又命軍機大臣傳諭章煦曰章煦奏審擬鉅鹿縣民田克岐聽從李經謀逆一摺已明降諭旨將該管各員分別勸懲其未獲之張九成程士興二犯尤為緊要該署督務派員上緊躡緝同案內未獲各犯一併嚴拏務獲勿任漏網又據奏拏獲要犯

楊遇山究出另案謀逆重情並將飭拏之要犯馬
老太趙步雲先後拏獲所辦俱好除馬老太趙步
雲二犯現已押解赴部外其楊遇山一犯與劉文
明等商同謀逆該署督侯劉文明等解到審訊明
確卽與案內人犯分別定擬在保定省城辦理毋
庸解京再本日訊據逆匪牛亮臣供稱林清與李
文成約期滋事直奔京城饒陽縣有劉道澐接應
欽定平定教匪紀畧卷二十九 七
彰德府有趙得一接應等語除逆犯趙得一已據
那彥成查明在滑縣殲斃外劉道澐一犯尙潛匿
饒陽地方著章煦卽派委委員前往嚴拏務獲惟
前據林清董綱太供出饒陽賊目係劉玉澐茲該
犯所供之劉道澐是否卽係劉玉澐抑另有劉道
澐其人並著確切查明具奏
上又命軍機大臣傳諭百齡曰百齡奏籌辦撤兵歸

伍及邊防善後事宜一摺此次教匪滋事始於林
清造謀該首逆伏匿畿輔屢次潛往河南勾結各
逆約令北來迨後軍營拏獲各犯節次訊供亦皆
稱欲北來爲林清接應獲犯內亦無江省之人然
江南毘連豫東兩省彼時備禦不得不周今滑城
克復並無餘匪竄出各省邊界防兵自應撤回歸
伍該督以邊界甫經輯寧尙資彈壓請暫留兵一
千二百名在彼交總兵樊雄楚等督率駐防亦係
慎重之意但亦不必遲至二月該督接奉此旨察
看情形如地方安靜統於正月內全行裁撤以節
勞費其所請撫卹貧民徐州本係積歉又因鄰邑
匪徒滋事居民騷動必須加意撫戢著照所請將
該一帶被災無業貧民查勘極次戶口先行酌給
折色口糧並於淮南捐穀內動支五萬石運往分

貯各縣以備來春酌借籽種及平糶之用所需水陸運費准其核實報銷又軍需報銷一欸江省軍需支發銀兩據稱有二十餘萬並捐項十五萬兩備抵轉瞬防兵全撤即可截數該督務須督飭局員核實報銷絲毫毋任浮冒至所請鼓勵出力人員之處江省防堵邊境非軍營可比但時閱三月該省亦曾拏獲餘匪多名著該督秉公遴選擇其尤為出力者保奏數員候朕施恩勿許浮濫又據奏審明捏造逆旗挾嫌栽害之李方廷一案李方廷因挾夏中振辱詈微嫌輒敢以謀逆重情製旗誣讎實屬陰險可惡該犯與孫桐柱一犯情節無異李方廷著即行正法其孫桐柱一案俟山西將該犯解到時按欵質訊明確亦即行正法以息刁

風

欽定平定教匪紀畧

卷二十九

十九

欽定平定教匪紀畧

卷二十九

二十

上又命軍機大臣傳諭同興日章煦奏拏獲首逆林清案內頭目楊遇山即楊月三一犯訊據供稱該犯於本年四月內與于克敬等至林清家商議九月十五日起事林清給書一封令其送與滑縣李文成該犯先至曹縣安陵集卦主徐先家後至滑縣等語徐先一犯山東曹縣安陵集人訊係卦主與楊遇山往來熟識且於九月滋事之先潛通消息亟應嚴拏究辦不可遲延著該撫即派委委員前赴該處查拏務獲訊取確供一面具奏一面將該犯解赴直隸交章煦歸案審辦上又命軍機大臣傳諭方受疇日章煦奏拏獲逆首林清案內頭目楊遇山即楊月三一犯訊據供稱該犯於嘉慶十一年在清河縣王官莊教首劉功家與河南商邱縣卦主邵姓相識十二年伊與大

乘教內教首孫維儉李景幅等前赴商邱相見並
 送給銀兩本年四月內又與于克俊等至林清家
 商議九月十五日起事並寫書遣劉存信送交邵
 姓等語邵姓一犯河南商邱縣人訊係卦主與楊
 遇山往來熟識得受銀兩且於九月滋事之先潛
 通書信該犯邵姓是否即係前次飭拏之邵四現
 在該犯或尚潛匿商邱亟應嚴拏究辦著該撫即
 派委委員前赴該處查拏務獲訊取確供一面具
 奏一面將該犯解赴直隸交章煦歸案審辦

十二月二十七日庚申那彥成楊遇春奏言竊臣
 等欽奉
 恩旨將首先登城超衆出力之官兵等查明保奏謹
 先於滿漢各營官兵內將首先登城及入城打
 仗殺賊並創掘地道尤爲出力者分列三單恭

欽定平定教匪紀畧 卷二十九 三

呈
 仰覽尚有初十十一二三四等日拏獲賊首賊目者
 另咨查明具奏至此外隨營文員尤爲出力者
 亦應一併開單奏明伏懇
 施恩鼓勵

那彥成又奏言竊照軍營所出滿漢員弁各缺
 應擇其打仗出力者儘先拔補臣謹據實遴選
 分別開單進
 呈伏候
 訓示再河南藩司台斐音駐紮衛輝督辦軍需諸臻
 妥速又祥河同知方傳秩係方受疇之子因廻
 避改掣東河尙未前往適教匪滋事方受疇令
 其馳赴軍營聽候差委該員隨營奮勉不避艱
 險臣不敢壅於上

欽定平定教匪紀畧 卷二十九 三

聞恭候

聖裁

是日長齡奏言臣於十二月十九日續接朱勳來信稱大股賊匪約有三千餘人並有小王潤一起匪徒五百餘人經寧陝營參將張起鰲等剿殺得勝又紫閣峪匪徒二百餘人現經護總兵達凌阿等帶兵堵剿又古子溝賊匪百餘人

欽定平定教匪紀畧

卷二十九

三

經厚吟子千總海蒲殲獲多名等語臣查該匪徒分有數股雖係烏合之衆若不及早剿辦恐裹脅日衆且逼近老林辦理棘手臣得信後當即續調陝安兵五百名令即就近赴署提臣常祿處會剿並扎調該鎮祝廷彪於撫臣前調兵五百名外再挑五百名自行帶往與吳廷剛分路夾擊並札知吳廷剛將該鎮官兵再添調數

百名以資剿辦至臣前備河州兵五百八十名即派循化營參將馬成帶領前赴秦州徽縣兩當一帶會同署秦州營遊擊馬柱帶領官兵於接壤各隘口嚴密防堵臣即日先帶靖遠營兵一百名兼程前赴該處會同朱勳等籌辦一切並派寧夏鎮游棟雲挑帶官兵一千五百名隨後接應均奏入

欽定平定教匪紀畧

卷二十九

三

上諭內閣曰那彥成等奏查明出力員弁兵丁據實保奏一摺此次攻克滑城剿滅賊衆實屬辦理完善那彥成等先將尤為出力者奏請鼓勵著照所請加恩將首先登城之總兵馬元賞加提督銜副將張大振賞給強勇巴圖魯名號遊擊周貴賞給迅勇巴圖魯名號參將祁祥遊擊齊慎以副將陞用先換頂戴遊擊馬光宇萬彪呂天俸馬騰龍守

備黨得用千總王萬得段永福饒成富俱以應陞
之缺陞用先換頂戴總兵音登額遊擊圖勒畢善
俱賞戴花翎遊擊陳天壽都司馬起龍俱賞換花
翎遊擊富克清阿廣瑞守備高傑雲騎尉趙世芳
千總仇懷瑾丁順白玉把總姜得智張賢音大鵬
武舉巫殿甲陳紹宗外委陶昇怡蘭唐如意賈得
額外外委吳元誠文國安劉兆吉馬兵白俊陳貴
欽定平定教匪紀畧 卷二十九 五
劉奇李虎魏烈李元許正武李正邦王大明俱賞
戴藍翎吉林領催委防禦舒隆阿委驍騎校五十
九俱以額外驍騎校陞用委官圍和保委驍騎校
都凌阿俱賞換花翎委防禦色鋪清額領催安寧
豐林保雙金保前鋒窩赫訥甲兵伊精德納年保
庚音布西楞額伊靈阿英善七十一金海巴清德
俱賞戴藍翎委驍騎校富克錦甲兵阿里福烏爾

公額俱以驍騎校陞用委防禦德成賞換花翎驍
騎校隆住賞戴花翎索倫八品廕生車楞達什委
官吉林保俱賞戴藍翎前鋒藍翎長達布星阿達
爾齊領催敦保色爾善俱以驍騎校陞用委營總
哲保以額外總管陞用藍翎委防禦額爾格木齊
委叅領齊木多爾濟俱賞換花翎領催庫密特依
以額外驍騎校陞用委防禦哈豐阿賞戴花翎委
欽定平定教匪紀畧 卷二十九 五
驍騎校訥林保三音齊克俱以額外驍騎校陞用
委叅領愛仁保委防禦顯林薩領催德成額甲兵
色拉必德爾巴伍倫佩俱賞戴藍翎委營總伍爾
清阿賞加副都統銜副總管委營總富登阿准其
開復降二級處分火器營護軍懷他布賞戴藍翎
親軍藍翎長扎玉善阿素拜唐阿倭什布俱以藍
翎侍衛陞用護軍校烏爾滾太以三等待衛陞用

前鋒校蘇拉布准陞一等健銳營侍衛西林保以
 三等待衛陞用二等待衛色楞保以頭等待衛陞
 用三等待衛蘇清阿以二等待衛陞用副前鋒校
 吉勒圖堪准陞一等西安防禦善寧賞戴花翎驍
 騎校忠靈賞戴藍翎前鋒校圖英阿以額外驍騎
 校陞用其創掘地道安放地雷之叅將丁永安著
 以副將用先換頂戴遊擊楊印花都司唐燧俱賞
 換花翎都司吳亨佑余國柄守備劉允孝俱以應
 陞之缺陞用先換頂戴五品軍功袁鏞武舉馬俊
 千總蔣士榮把總楊光春楊生祿外委穆陞王青
 山額外委張文玉兵丁安定邦張鳳鳴沈奎劉
 永福馬全尙文全張順馬奎樊起元周玉福許受
 李篤生左顯文謝奎俱賞戴藍翎其打仗奮勇殺
 賊之吉林委叅領德春扎庫奇俱賞戴花翎委防

欽定平定教匪紀畧

卷二十九

三

禦豐盛額委官格綉額委驍騎校立柱達森保三
 音保前鋒多靈阿甲兵福隆阿伊才保福春伍靈
 阿德楞保德楞額富寧阿貴林俱賞戴藍翎索倫
 協領卓爾渾保賞加副都統銜佐領德色爾克依
 托隆武俱賞戴花翎佐領貝渾保賞給堅勇巴圖
 魯名號甲兵西楞保布坤初簿雲圖前鋒巴拉呼
 勒岱甲兵格通阿烏爾滾保索木策楞俱以額外
 驍騎校陞用驍騎校雅布延領催巴爾疆阿薩寧
 阿甲兵吐靈阿豐盛額窩克精額色吐渾額孫保
 靈寧滿倉杭古爾扎普色文諾爾布達薩布百依
 胡善雅蒙阿古寧阿薩立善希明阿俱賞戴藍翎
 火器營護軍校吉格以委叅領陞用藍翎長雙壽
 吉爾明阿以護軍校陞用藍翎長薩明阿以額外
 護軍校陞用藍翎長達洪阿以藍翎侍衛陞用委

欽定平定教匪紀畧

卷二十九

三

叅領色爾古善以副叅領陞用健銳營叅領花山
保賞給果勇巴圖魯名號前鋒巴圖隆阿賞戴藍
翎藍翎長特克什哈以額外前鋒校陞用前鋒叅
領金保賞加副都統銜前鋒校廣德以委叅領陞
用委叅領托克托布賞給二等侍衛協領穆爾岱
賞給勁勇巴圖魯名號協領呼嵩額賞戴花翎佐
領德楞額防禦海祿俱賞換花翎防禦伯起克圖

欽定平定教匪紀畧

卷二十九

五

驍騎校訥恩德布領催雙福前鋒塔克伸布德亮
俱賞戴藍翎叅將薛陞扎勒杭阿俱以副將陞用
先換頂戴遊擊許紹公守備聞元千總馮世魁王
兆林萬清海俱以應陞之缺陞用先換頂戴副將
舒凌阿賞戴花翎都司陳錦守備彭永吉俱賞換
花翎遊擊法克精阿守備張光奇向立功興文泰
千總馬士傑李永寧任貴邦馬奉三恩騎尉馬忠

候補把總金占鰲把總時錦章劉沛榮解廷芳武

舉董占元武振邦外委陳奉魁周才馬忠良達俊

高殿甲楊萬春崔祥額外外委張啟林職文壽軍

功監生張大鵬馬兵陳起談尙德李洪昇袁貴汪

吉受周明李懷堂韓永祿張元純楊福張魁顧忠

甘長春俱賞戴藍翎降調之佐領委叅領奇成額

革職之都司何毓龍雲騎尉候補守備海雲俱准

欽定平定教匪紀畧

卷二十九

五

其開復原官其隨營之文職各員或辦理文檄審
訊賊犯或堵拏逸匪撫卹難民或運送軍火糧餉
等項均各始終奮勉不辭勞瘁亦著照所請河南
候補道范準准其儘先補用知府盛泰賞加道銜
郎錦騏賞戴花翎候補知府周光緒賞戴藍翎工
部員外郎克興額准其留於直隸以知府用工部
員外郎玉綬賞戴藍翎同知劉寶第賞加知府銜

候補知州吳扶曾陸有恒俱准其儘先補用知縣
 璧昌孟吧瞻俱賞戴藍翎儘先陞用之知縣王楚
 堂以同知直隸州陞用先換頂戴候補知縣沈春
 煦准其儘先補用縣丞張尙棟以知縣陞用縣丞
 楊廷陞以知縣儘先陞用布政司照磨唐晉錫以
 應陞之缺儘先陞用投効縣丞李增壽歸部卽選
 候補縣丞葉峻岫准其儘先補用投効縣丞楊紹
 源准其留於河南儘先補用候補吏目方傳秉准
 其儘先補用候選從九品張忻歸部卽選革職直
 隸州知州張學程知縣張丹桂典史沈榮俱准其
 捐復原官其革職兵部郎中丁樹本請賞給六品
 頂戴之處未免過優著以兵部七品小京官用
 上又諭內閣日那彥成奏軍營打仗出力滿員分別
 陞補一摺加恩著照所請火器營空花翎霍隆武

欽定平定教匪紀畧 卷二十九 三

陞任藍翎侍衛遺缺著德祥補授所以前鋒校員
 缺著穆特布補授所遺藍翎長員缺著泥音任補
 授又副護軍參領諾不齊陞任頭等侍衛遺缺著
 托克托武補授所遺委章京員缺著福倫布補授
 所遺前鋒校員缺著倭仁布補授所遺副前鋒校
 員缺著德爾色楞補授又前鋒校察當阿革退遺
 缺著烏隆阿補授所遺副前鋒校員缺著福忠阿
 補授又副前鋒校窩什布革退遺缺著色勤補授
 所遺筆帖式員缺著他青阿補授又副前鋒校明
 福革退遺缺著阿隆阿補授所遺筆帖式員缺著
 保明補授又前鋒校岳王保障亡遺缺著蒙古巴
 圖補授所遺烏鎗藍翎長員缺著蘇素勒通阿補
 授又西安滿營驍騎校穆蘭革退遺缺著伍忠阿
 補授又防禦色克通阿陞任佐領遺缺著鳳靈補

欽定平定教匪紀畧 卷二十九 三

授所遺驍騎校員缺著扎克丹補授又吉林驍騎校富靈德陣亡遺缺著德林保補授

上又諭內閣曰那彥成奏綠營各缺請將打仗出力

人員分別陞補一摺加恩著照所請甘肅廣武營

遊擊員缺著方一彪調補陝西漢中鎮標左營遊

擊員缺著李章陞補涇州營都司員缺著胡超補

授赤金營都司員缺著周悅勝陞補甘肅提標後

欽定平定教匪紀畧

卷二十九

三

營守備員缺著徐士麟陞補硤口營都司員缺著

馬天錫陞補固原提屬八營守備員缺著朱效先

陞補陝西岷州營都司員缺著溫永泰陞補南古

城營守備員缺著王元陞補陝西文縣營都司員

缺著鍾虎紳陞補慶陽營守備員缺著馬輔相調

補甘肅寧夏鎮標左營守備員缺著單烟陞補陝

西柏林堡守備員缺著席殿魁陞補陝西畧陽營

守備員缺著魯福山陞補陝西河州鎮標右營守

備員缺著孔登元陞補陝西鎮安營守備員缺著

劉太陞補甘肅紅水堡守備員缺著楊得貴陞補

河南盧氏營守備員缺著趙六韜陞補所有此次

陞補各員均著加恩先換頂戴

上又諭內閣曰那彥成奏藩司台斐音督辦軍需攻

具一切無誤同知方傳秩隨營辦事不辭勞瘁等

欽定平定教匪紀畧

卷二十九

三

語台斐音方傳秩均著加恩交部議敘

上命軍機大臣傳諭那彥成曰昨又訊據牛亮臣供

稱伊徒弟有李懷林一家又連三中劉遵錫俱是

異宮伯孫有和是坤宮伯申懶正是兌宮伯又徐

安懶供稱伊徒弟內有牛建聞王卓立蕭觀義張

發捷朱大朋程伯岳俱經跟至滑城等語所有該

二逆供出徒黨各犯除那彥成開呈原單內有名

者俱已扣除外茲將原單未載者逐一飭知著那
彥成詳細查明曾否殲斃如尙未殲斃卽飭令嚴
拏務獲勿任漏網

上又命軍機大臣傳諭衛齡曰昨那彥成將賊首牛
亮臣生擒解京訊據供稱山西教頭伊指不出人
名地名惟記得于克俊任連等往新鄉獲嘉一帶
傳徒新鄉獲嘉之人又往山西傳徒劉宗順的後

欽定平定教匪紀畧

卷二十九

三

學都在山西遼州一帶等語于克俊任連劉宗順
三犯俱已殲斃而山西地方尙有其徒此時牛亮
臣未能將姓名住址供出但據稱係新鄉獲嘉之
人到彼傳習無難從此緝訪著衛齡密飭該地方
官於遼州一帶確加訪查如有傳教爲匪之人嚴
拏首犯訊辦但不可張皇妄拏株連良民別滋事
端

上又命軍機大臣傳諭長齡楊遇春朱勳曰長齡奏
接准朱勳知會自省起程前往岐山三才峽等處
督同進剿等語岐山匪徒滋事節經降旨飭令長
齡速赴陝省會同朱勳督辦復派楊遇春帶領吉
林黑龍江等處官兵來陝會剿計此時各路會剿
之兵已有五六千人又有六百勁旅兵力不爲不
厚賊匪雖有三四千人昨已被官兵殲斃七八百

欽定平定教匪紀畧

卷二十九

三

名諒烏合之衆不難一鼓掃除該督等總當專意
剿捕斷不可預存招撫之見使奸民無所畏懼其
實係被脅饑民未經與官兵接仗先自投出者自
當訊明釋放若曾經執持器械抗拒官兵卽係亂
民不可稍存姑息該督等係本省總督提督巡撫
大員務同心協力迅掃賊氛以靖地方現已降旨
令高杞馳赴蘭州暫署陝甘總督印務就近查拏

劉五訓一犯其鄜州之王風五郎關之劉添貴二
案匪犯著長齡朱勳仍一面飭屬上緊緝拏獲犯
後訊取確供具奏即在陝省辦理毋庸解京長齡
俟剿辦諸務完竣著即由陝起程來京陛見

上又命軍機大臣傳諭高杞曰陝西軍營帶兵大員
現有長齡楊遇春朱勳會同籌剿足資經理高杞
此時毋庸再行前往惟甘肅地方緊要省城不可

欽定平定教匪紀畧

卷二十九

三

無大員彈壓高杞接奉諭旨著即馳赴蘭州暫署
陝甘總督印務辦理地方事務前據逆犯供出蘭
州地方有教首劉五訓一犯飭令該省查緝高杞
到任後著即飭屬嚴密訪緝務期弋獲毋令漏網
同日方受疇奏言臣連日據祥符縣知縣王祁
等先後稟獲賊匪王進成李善魁即李奇魁劉
李臣張喜元等四名親提嚴審內王進成係長

垣縣人聽糾入教曾經隨賊打仗焚掠村莊李

善魁即李奇魁係滑縣人劉李臣係封邱縣人

均經隨賊抗拒殺害官兵張喜元係滑縣人曾

隨賊佔住道口並在滑縣守城臣於審明後均

即分別正法再南陽鎮臣呢瑪善前在蘭陽南

岸防堵茲臣回省後已囑令將原領官兵帶回

南陽歸伍其北岸封邱考城一帶防兵暫令遊

欽定平定教匪紀畧

卷二十九

三

擊楊景芬等帶領駐守隨後酌撤所有臣標原

派攻剿兵一千四百名臣已由軍營帶回歸伍

同日那彥成奏言本月二十三日申刻欽奉

諭旨令楊遇春迅赴南山協剿臣查原調陝甘官兵

六千五百名內固原河州兵共二千名先已凱

撤又西安滿兵一千名西安鎮標兵一千名亦

已隨後撤回外尚存固原兵五百名今即交楊

遇春帶回陝西并挑出吉林馬隊三百名黑龍

江馬隊三百名令色爾滾達斯呼爾岱管領並

帶巴圖魯侍衛八員於二十四日辰刻起程行

走約計十日即可趕至南山又前此撤回之西

安滿兵應請擇其得力者二三百名派往南山

協剿臣已告知楊遇春趕往前途辦理現在臣

軍營止存甘肅督標兵一千名靜寧靖遠兵一

欽定平定教匪紀畧

卷二十九

五

千名吉林索倫兵一千四百名駐紮滑縣加意

鎮撫均奏入報

聞

欽定平定教匪紀畧卷三十

十九年正月初四日丙那彥成奏言竊臣督率

官兵於十二月初十日攻克滑城賊匪逃匿民

房悉力抵拒時已日暮因將馬隊官兵撤回暫

息派步兵堵住各門其地雷轟破之西南角墻

缺處所並令鎮將嚴密圍堵以防竄逸是夜三

更城內突有賊匪多人逕撲墻缺處所齊聲吶

欽定平定教匪紀畧

卷三十

一

喊蜂擁突圍勢甚兇悍時正月黑官兵施放鎗

箭未能真切適城旁有一廟宇忽然自行起火

照見賊匪約有二三千人官兵如在白晝之中

直前衝殺城內官兵亦趕出夾擊斃賊約一千

餘人始將餘匪截回城內旋經臣等督兵焚剿

三晝夜間始悉數殲擒並無一名漏網事定後

訪之居民乃知城旁廟宇前殿供奉

關帝神像廟雖焚燬

神像歸然獨存毫無損動是皆仰仗

皇上福威神靈翊衛自應重行修建用答

神庥臣現飭藩司台斐音鳩工興造落成之日由

方受疇奏請

御書匾額敬謹懸掛以昭靈祐

那彥成又奏言查隨營文武員弁除臣前此開

欽定平定教匪紀畧

卷三十

二

單保奏外茲續行查明拏獲賊匪頭目並承辦

緊要差務各員據實開單恭呈

御覽伏祈

施恩鼓勵再軍功六品銜劉今常生員孟大圻團練

義勇屢隨官兵打仗殺賊奮勇可否將劉今常

以府經歷縣丞歸部選用孟大圻以從九品未

入流歸部選用之處出自

恩施

那彥成又奏言臣前據賊目余士林供出有西

明寺僧顯禮係賊首宋克俊族人曾學拳棒屢

次打仗甚為兇悍當卽留心嚴緝茲經總兵徐

錕於滑縣西明寺內拏獲解營據供俗家姓宋

名三妮自幼在西明寺出家素有膂力本年九

月初七日隨同宋克俊入城救出李文成隨後

欽定平定教匪紀畧

卷三十

三

佔據道口攻打潯縣殺過兵勇十三人經李文

成封為開路先鋒曾身受鎗箭三傷等情臣審

明後當將該犯凌遲梟示又連日搜捕餘匪拏

獲董琉璃董輔來等二百十四名均係八卦教

內匪夥道口逃散之賊俱經打仗殺人並非著

名頭目亦卽一併正法再查馮克善續供之王

聚一犯業經殲斃又馮克善供出之李文成頭

目張德水張老端二犯按照年貌住址飭查到營均係樸實農民並無習教情事訊由馮克善訛索未遂曾與爭毆是以挾嫌扳累臣提訊鄰佑相符又密加訪查無異取保釋回此外各犯仍當照單嚴緝

那彥成又奏言蒙

發下獲犯劉宗林欽收錢文糧食號簿三本頭目名

欽定平定教匪紀畧

卷三十

四

單一件飭令詳查臣查單內賊名大半殲斃業

於單內開除現在趙幅翟清林張鳳祥劉趙林

張欄士張欄祥孫敬義等七名亦已殲斃謹另

開清單恭呈

御覽惟劉成章一犯在逃未獲現仍趕緊嚴緝至劉

宗林欽收各戶糧食錢文男女大小數至三千

八百餘名之多欽奉

諭旨婦女不論仰見我

皇上矜卹愚蒙網開一面惟是教匪蠱惑愚民由來

已久愚民之受騙者婦女居多抵入教者男

女不分祇圖便其奸淫因之可以獲利本無叛

逆情事今將簿內人名細加查核內滑濬兩縣

之人居多查該兩縣地方臣先經派員赴各村

莊嚴密查訪將器械一律收繳察其奉令恐後

欽定平定教匪紀畧

卷三十

五

無一稍有違抗之人看來此時大局不但豫省

業已安靜即直隸山東邊界可保無事至匪徒

傳教斂財直東豫三省幾於遍地皆然不止劉

宗林一人若辦理一處則處處疑懼人心轉致

不安關係非小現在簿內之人誠如

聖諭僅止受騙出財自應欽遵現奉

恩旨概免追究以期鎮定人心

同日章煦奏言查河間府屬景州故城地方前令天津鎮總兵祥啟帶兵一千名前往防堵茲賊匪剿盡地方寧謐除酌留一百名派委都司一員管帶暫駐故城外餘俱撤回天津歸伍

是日長齡奏言竊臣於十二月十九日先帶靖遠兵一百名自蘭州起程星夜行走茲於二十七日馳抵蓋屋會晤朱勳適楊芳亦於是日起

欽定平定教匪紀畧

卷三十

六

到查現在吳廷剛帶兵剿捕並朱勳籌辦情形尙爲得手惟南山袤延千數百里林壑邃密在在可以藏奸且徑路甚多易於奔竄揆之現在情形必須先顧完善之區兼杜竄逸之路臣與朱勳熟商已派令陝安鎮祝廷彪帶領本屬官兵在石泉寧陝一帶專顧東面復派總兵游棟雲帶領寧夏兵一千名並秦州本營兵八百餘

名卽在秦州兩當徽縣一帶防堵甘省交界專顧西面均令遠探賊蹤相機迎剿現聞成都將軍賽冲阿已帶兵由寧羌一帶前來卽可扼其南面入川之路並可就近截剿臣卽將前派之河州兵五百名寧夏兵五百名先令來營儘現有之兵相機剿辦一面飛催特依順保馬元等

欽定平定教匪紀畧

卷三十

七

帶領凱撤綠營漢兵到營先行分撥入山趕緊剿辦俟楊遇春所帶吉林索倫勁旅趕到卽分起配撥各路此次木廂傭工因歲歉乏食糾衆滋事固應剿撫兼施但其中不無曾充鄉勇及當日革兵並無業游棍隨同滋事必須痛剿數仗然後剿撫兼施庶辦理可期完善長齡朱勳又奏言查三才峽首犯楊二等投出之後經知縣呂朝選帶領前赴泥峪將餘衆二

百三十七人全數招出楊二胡二情願再赴尤九夥內持示曉諭尤九業已允從詎有小王潤一股賊首陳四前經叅將張起鰲剿散後與尤九合夥共八九百人不肯投出當將楊二胡二殺害該匪等於二十二日竄出田峪口適護總兵達凌阿協領成瑞在澇峪聞信卽帶兵趕到緊跟追剿該匪竄入黑水峪口佔住山梁連壓數次我兵奮勇仰攻鎗箭齊發殺斃賊匪一百餘人拏獲活賊十一名訊明後卽行正法陣亡滿漢官兵各一名時已昏暮達凌阿成瑞帶領步隊紮定卡隘該匪乘月黑由老林向南奔逃救出被裹難民二百二十一名均係附近山內民人卽行釋放其萬五夥匪經痛剿之後業已分股在華陽兩河等處竄匿吳廷剛現在分兵

欽定平定教匪紀畧 卷三十 八

剿捕又據寶雞鳳縣稟報李家河有楊貴糾衆搶糧並未殺人放火沿途裹脅共有七八百人竄至鳳縣之隘口一帶臣朱勳前因寶雞鳳縣兵備空虛札飭鳳縣知縣劉國柱團練本地義勇七百名趕往殺斃賊匪五十餘人生擒三十餘人署提臣常祿亦帶兵馳往鳳縣督辦有兵緊躡賊蹤該匪自不能裹脅掠食現在官兵四面防堵隨地截剿不致奔軼散竄再鄂縣太平峪內紫閣峪掠食匪徒吳彪等查因木廂停工經陳宗武邀約吳彪並附近貧民先搶掠王潤添木廂糧食竄至太平峪會晤康東榮陳義品陳云等復商同掠食沿途裹脅三百餘人執持棍棒者五六十人內有土棍趙得好李明符持有烏鎗矛子餘俱徒手由八里坪蒿溝一帶搶

欽定平定教匪紀畧 卷三十 九

糧趙得好用矛戳傷脾頭袁貴護總兵達凌阿協領成瑞帶兵趕剿該匪翻山竄至傅家河經江口都司宋連帶兵迎頭截擊兵丁吳默中鎗陣亡宋連督兵剿殺擊斃一百餘人生擒五十餘人匪夥高步青華老么徐明海張惻富等以陳宗武爲首起事致被官兵剿殺多人心懷忿恨遂將陳宗武殺斃各自逃散吳彪卽同康東榮陳義品陳云傳貴等八十餘人投營自首其餘夥衆及被裹貧民四散奔逃復經達凌阿成瑞等派兵搜擊八十八人趙得好李明符二犯亦經拏獲解交鄆縣臣朱勳札調署臬司敦良赴鄆審訊分別辦理現在太平峪內紫閣峪一帶業已肅清地方寧謐至古子溝小股賊匪經千總海蒲帶兵擒獲首夥江洪等犯解送吳廷

欽定平定教匪紀畧

卷三十

十

剛軍營正法臬示餘係被脅難民發給路票口糧各令回籍此兩股匪徒業經辦理完結均奏入

上諭內閣曰上年逆匪突入禁門時恍惚之中望見關帝神像畏懼奔竄立就殲擒本日又據那彥成奏當滑城克復之時賊匪於黑夜拚命突圍官兵施放鎗箭未能真切忽城旁廟宇自行起火照同白晝官兵兩路夾擊始將賊匪截回悉數殄除事定後乃知城旁廟宇供有關帝神像廟雖焚燬神像巋然獨存毫無損動等語此次逆匪滋事屢荷關帝靈爽翊衛實深寅威著該衙門於原定封號敬擬加封二字進呈候朕酌定通頒直省用答神庥其滑縣廟宇俟重修落成之日該撫再行奏

欽定平定教匪紀畧

卷三十

七

請御書匾額敬謹懸掛

上又諭內閣曰那彥成奏查明滿漢官兵拏獲賊首

賊目並隨營文職承辦軍營差務超衆出力各員

據實保舉一摺加恩著照所請吉林委叅領舒精

阿索倫藍翎委叅領達喜委叅領扎坦保領催委

驍騎校和成額俱賞戴花翎吉林甲兵布占太清

明富金太貴林索倫領催扎立善富爾清阿托爾

欽定平定教匪紀畧

卷三十

三

岱諾木桑山巴什坦保鄂班多依色音保甲兵勒

爾吉善雅爾西納前鋒萬盛保福保布特海哈哈

穆克登保俱賞戴藍翎西安佐領達靈阿著賞換

花翎吉林領催委防禦伍隆阿委驍騎校七克坦

惠金保前鋒察西保豐盛阿甲兵德勝額德冲阿

索倫前鋒德陞阿西安領催格成俱以驍騎校陞

用火器營藍翎長扎拉芬著以護軍校陞用固原

中營把總李廷棟西安鎮左營把總張福榮固原

右營額外委薛居福左營馬兵苟成金何永清

前營馬兵馬雙西安鎮中營馬兵李朝貴寧陝營

馬兵劉延清西安鎮標兵丁陳斌王彥龍黃金模

俱賞戴藍翎河南光州直隸州知州何光熊著以

知府陞用同知直隸州陞用之甘肅武威縣知縣

朱炳著賞戴花翎同知直隸州陞用之陝西候補

欽定平定教匪紀畧

卷三十

三

知縣徐潤河南候補知縣李燿俱賞戴藍翎河南

候補知縣白士棟候補吏目王家勳俱儘先補用

揀選知縣金世福著留於直隸補用投効山東試

用府經歷梁衍緒從九品張璧候選從九品沈光

坡俱留於河南補用河南淮寧縣縣丞溫維祺著

以知縣陞用工部書吏蘇儼成著免其扣滿五年

歸部選用投効革職知縣葛拱宸著准其捐復其

另片所奏團勇殺賊之軍功六品銜劉今常准其以府經歷縣丞歸部選用生員孟大炘准其以從九品未入流歸部選用

上命軍機大臣傳諭那彥成曰那彥成覆奏查辦賊匪劉宗林歛收錢文糧食號簿一摺據稱教匪盡惑愚民由來已久傳教歛財之事直隸東三省遍地皆然實不止劉宗林一人現在豫省業已安靜

欽定平定教匪紀畧

卷三十

十四

卽直隸山東邊界亦可保無事若查辦一處則處處疑懼人心轉致不安關係非小應遵奉恩旨概免追究等語所見甚是教匪蠱惑良民已非一日燒香歛錢之事何處蔑有愚民無知被其煽惑雖有從教之實並無謀叛之心此次林清等造謀悖逆係借傳教爲名勾結同類其平素入教者並非盡知逆謀此時但誅叛匪不誅邪教卽平日素非

邪教而此次知情謀逆亦在所必誅其平日雖係習教而此次並不謀逆亦不復深究但愚民習于

邪僻罔識利害不可不剴切化導那彥成當刊刻簡明告示廣爲曉諭俾知一經入教之後爲禍百端其初不過財物家貲被人誑騙而其後至於身家不保令其各知猛省痛加改悔如家有經卷邪像卽行呈繳銷燬庶使習俗漸移人皆勉爲良善

欽定平定教匪紀畧

卷三十

十五

至滑縣一帶附近地方本係賊藪那彥成在彼駐劄仍當督率認真搜捕所有單內未獲各賊斷不可任其一名漏網卽如祝現劉呈祥劉第五董伯旺支進財五犯日久未獲昨訊據牛亮臣等犯供詞當大兵圍攻滑城之時該逆等原未敢逃往今大兵已撤該一帶本係伊等往來勾結之所安知此時不又潛迹伏匿務須嚴飭地方文武各官加

意躡緝勿稍踈懈

上又命軍機大臣傳諭長齡楊遇春朱勳日長齡等
奏會籌剿捕事宜並日內剿賊情形二摺南山地
勢袤延賊蹤奔竄無定若不分投截剿則所至輒
遭蹂躪長齡等所奏現在情形必須先顧完善之
區杜其竄逸之路所見甚是此時石泉寧陝及秦
州徽縣一帶均有陝甘官兵堵截賽冲阿又帶川

欽定平定教匪紀畧

卷三十

六

省官兵由寧羌一帶而來扼其南面賊匪已無虞
四竄計日內各路凱撤勝兵次第到陝楊遇春所
帶吉林黑龍江勁旅亦可趕到大兵雲集無難一
鼓殲除目前緊要機宜惟當以剿爲正辦賊匪糾
衆焚掠拒傷官兵目無法紀即使本係饑民而此
時抗拒王師亦已罪在不赦豈能復存姑息之見
况賊匪心性不齊狡詐可惡卽如摺內所稱九九

欽定平定教匪紀畧

卷三十

七

一股先有投出之意經前此投誠之楊二胡二兩
人前赴賊營持示曉諭另有賊首陳四不肯投出
反將楊二胡二殺害可見其詭語投誠殊難憑信
現在陝省尙多傳教匪徒伏而未動其不敢竊發
之故未始不畏懼官兵剿殺若官兵到後並不痛
剿仍以招撫了事伊等又何所忌憚寧不慮其相
率效尤乎以後招撫二字該督撫不得存之於心
亦不准形之奏牘若不遵旨暗行招撫非我國之
臣子必行正法治罪凜之惟當督飭各路官兵認
真剿殺如實在被剿窮蹙有自行投出者除查明
確係裹脅難民隨時釋放外凡曾經持械抗拒者
當明諭以爾等罪犯應死今因投出之故寬爾一
線生路仍當發遣新疆俾爾種地營生已屬格外
天恩不能再邀未減一面押解起程諭令地方文

武委員留心防範一面知會松筠於到配後嚴加管束如該犯等在途滋事脫逃卽在途次查拏正法若到配後不肯安靜卽在配所正法從前蒲大芳等遣戍新疆成案具在所有現在投出之吳彪康東榮陳義品陳云傳貴等一千人犯卽著於審明後照此核辦再陝省距京較遠嗣後奏報軍務俱著由六百里馳遞如辦理完竣著由六百里加緊馳遞以慰廑注

欽定平定教匪紀畧

卷三十

六

臣等謹按王者師行絕域伐叛受降招撫時亦並用顧以言乎內則不同蓋要荒之區不隸疆索歲時賓貢來享來王叛則伐之服則舍之其道在於羈縻勿絕而已至若直省人民荷食毛踐土之

恩沐

漸仁摩義之澤而乃犯上作亂肆行狂悖誅之無赦

又何疑焉在事者往往存將就了事之心墮

姑息養奸之習壞法啟玩流弊何窮我

皇上整飭戎行申明法紀前次川楚陝邪匪滋事之

日以及閩粵浙洋面未靖之時切

頒詔言用貞師律振軍威而伸

國憲定民志而銷隱憂茲因陝省南山之案恐諸

欽定平定教匪紀畧

卷三十

九

臣鄙見未除胸無把握

特諭長齡楊遇春朱勳以目前緊要機宜惟當以剿

爲正辦若暗行招撫必正法治罪

天威

睿斷義正辭嚴由是長齡等立志堅定專主於剿將

士等悉力殲賊不爲詭計所撓巨憝迅除匪

黨淨盡振旅凱旋之後所以長享太平也

上又命軍機大臣傳諭長齡曰此次陝省三才峽等處匪徒滋事據節次奏到情形大率因該處年荒穀貴饑民掠食糾集既多遂敢焚劫村聚抗拒官兵現當邊絕亂萌自不能不憚以兵威而原共起衅之由總因地方官不恤民艱遇此年歲災荒並不體察情形據實入告以至小民迫於饑寒不能稍沾賑恤及至釀成事端與師動衆國帑所費轉

欽定平定教匪紀畧

卷三十

三

致不貲此等貽誤地方之員實堪痛恨長齡甫任陝甘總督無所用其廻護著查明陝省鳳翔一帶上年災歉實在情形是否州縣匿不稟報抑該撫藩等接據稟報並不查勘奏聞此時長齡在彼督辦軍務卽一面就近確查俟軍務完竣之日秉公據實奏候旨

正月初五日訂董誥等奏言前因山海關獲犯

王立安供有崔保子一犯爲新民屯張姓送信糾人約期滋事之語奉

旨飭令奉天查拏嗣據該將軍等奏拏獲新民屯住居之張姓五人內張觀瀾供認伊代河西務住居之宗室趙六卽趙玉送信糾人屬實茲據該處委員佐領佛德將張觀瀾等解到詎張觀瀾刑傷過重到京卽經身斃臣等嚴訊同案之張

欽定平定教匪紀畧

卷三十

三

建模張學盛等堅供實無謀逆情事前在奉天時係由問官酷刑逼認隨訊之委員佛德據佛德自稱該員前於會審時委因張觀瀾不肯承認節經擲耳掌責加以跪鍊歷損三次並用水噴醒四次等語案多疑竇難保無冤濫別情謹將佛德原供奏呈

聖鑒奏入

上命吉林副都統松寧前赴奉天會同

盛京戶部侍郎潤祥查辦

正月初六日臧章煦奏言現在軍務全竣所有各處被賊裹脅良民俱已查明釋放其避難外出者亦皆陸續歸來各就安撫伊等向日所居房舍悉被焚燬無力修復合無仰懇

聖恩查照被水衝塌成案每瓦房一間給修費銀一

欽定平定教匪紀畧

卷三十

三

兩草土房一間給修費銀五錢俾資棲止事竣

造冊報銷奏入得

旨戶部查核具奏旋經戶部議奏請照湖北四川陝

西等省成案將該三縣被賊焚燒房屋每瓦房

一間給修費銀五錢每草房一間給銀三錢以

歸畫一奏入

上從之

正月初八日庚午

上諭內閣曰上年直隸開州等處被賊滋擾村莊節經降旨分別蠲緩賑卹並賞給口糧小民粒食有資自可無虞失所惟念東作屆期青黃不接夙鮮蓋藏之戶未免尙形拮据著加恩將開州東明長垣三州縣被賊村莊再撫卹三月口糧不必限以每戶三大口之數所有展賑及散放口糧州縣俱著本折兼放

欽定平定教匪紀畧

卷三十

三

上又諭內閣曰上年山東荷澤等州縣衛被旱歉收及間有被賊處所節經降旨分別撫賑蠲緩小民餬口有資自已無虞失所惟念現屆東作之期距麥收尙遠又賊氛甫靖閭閻元氣未復民力不免拮据著加恩將荷澤濮州定陶曹縣及城武鉅野金鄉等縣境內曾經被賊各村莊於二月撫卹完

竣之後加賞兩個月口糧其濮州金鄉城武鉅野等州縣勘不成災各村莊著賞給一月口糧均照例折色散放再滕縣及東平州西北二鄉該處民人因聞賊營逃亡現在甫經復業並著將十八年應徵新舊錢糧緩至秋後徵收十九年新賦緩至麥後啟徵以紓民力

是日同興奏言竊查東省軍需現在已支用銀

欽定平定教匪紀畧

卷三十

五

七十餘萬兩尚有各州縣應行找領之項統計

約須百萬臣謹率同藩司朱錫爵臬司劉大懿

奏懇

聖恩准將東省用過軍需經費在於臣等暨道府州

縣各官養廉項下攤捐分十年扣完歸欸一概

毋庸報銷奏入

上命軍機大臣傳諭同興日同興等奏山東軍需已

支用者七十餘萬尚有各州縣應行找領之項統計約須百萬懇請一概毋庸報銷在通省地方官養廉內攤捐分十年歸欸等語所辦非是此次賊匪滋事山東省曹定一帶雖有剿捕事宜但官兵在本境剿賊供支有限如京營吉林黑龍江勁旅以及陝甘他處客兵皆未入境何至軍需用項計有百萬之多此必局員等濫支濫應漫無撙節因

欽定平定教匪紀畧

卷三十

五

恐報銷致干駁飭遂倡爲通省捐廉之說無所稽

察以便浮開冒混不思國家辦理軍需例應作正

開銷部臣勾稽考核應准應駁皆有一定準則豈

容臣下博捐輸之名而轉遂其冒濫之實同興等

著傳旨申飭所請不准行該撫卽督率局員速將

軍需支欸按照定例核實報部毋任絲毫浮冒合

例者准其開銷其例外浮支之欸應行著賠者該

省自行籌辦可也

正月初九日韓那彥成奏言查隨營豫省官兵
其在河以南者共計三千八百名臣於年前先
已陸續撤回其河北鎮及彰德衛輝各營兵一
千六百餘名內彰德衛輝兵五百名擬令初六
日起程歸伍其餘一千一百名仍留總兵閻俊
烈帶領駐劄滑縣俟三月初間再撤令歸伍又

欽定平定教匪紀畧

卷三十

三

直隸提標兵一千名提督馬瑜管帶駐劄開州
正定鎮兵一千名總兵徐錕管帶在於東明長
垣一帶巡哨宣化鎮兵一千名仍令富蘭管帶
在彰德順德一帶彈壓俟臣

陛見後再行酌量情形飭令歸伍其原駐東明長垣
之正定兵一千名原駐順德廣平之提屬兵六
百名原駐大名之宣化兵五百名俱令分起撤

回又甘肅提標及靜寧靖遠兵二千名亦令於

初四日起至初十日分作四隊凱撤由衛輝間
一日行走吉林黑龍江官兵除調往陝西六百
名外尙存營一千四百名臣於初四日起先撤
八百名分起行走初四日第一起黑龍江兵二
百名交副都統蘇青阿頭等侍衛哈朗阿額勒
精額等管帶初六日第二起黑龍江兵二百名

欽定平定教匪紀畧

卷三十

三

交頭等侍衛阿勒罕保護軍叅領富英阿委營
總達什等管帶初八日第三起吉林兵二百名
交頭等侍衛伊勒通阿扎蘭保管總和福等管
帶初十日第四起吉林兵二百名交

御前侍衛副都統銜蘇爾慎侍衛吉勒章阿委營總
巴揚阿等管帶由保定西路行走臣俟初十後
帶領直隸督標兵一千名宣化兵一千名吉林

黑龍江兵六百名自滑縣起程赴開州一帶查辦善後事宜事竣後再由山東曹州府德州景州保定之東路一帶行走再此次出征官兵查有健銳營帶傷官二員帶傷兵十名事故兵一名火器營出缺兵四名帶傷兵十二名事故兵一名護軍營出缺官一員吉林出缺官一員出缺兵三名帶傷官一員帶傷兵七十五名黑龍

欽定平定教匪紀畧

卷三十

五

江出缺兵六名帶傷兵四十三名西安滿營出缺兵二名帶傷官三員帶傷兵八十八名事故兵一名各綠營出缺官十六員出缺兵一百四十四名帶傷官兵一千五百餘員名事故兵二十五名已彙冊咨部辦理再查滑縣隨營義勇數千名先已飭令遣散歸農並派委員查繳器械二萬餘件濬縣亦收繳九千餘件臣量加賞

賜各義勇俱各歡忻鼓舞回莊度歲濬縣道口地方居民俱已復業修理墻屋百堵皆興雞犬桑麻依然太平景象卽滑縣城中歸來者已有二百數十家臣親往撫視賞給銀米現在歸業者後先接踵臣又派委員弁分赴直隸山東各屬查探情形俱皆一律寧帖堪以仰慰

欽定平定教匪紀畧

卷三十

五

聖懷 那彥成又奏言查軍營出力義勇前蒙頒給碑礮頂三十個金頂三十個隨時賞給查義勇等隨營剿賊除有事故及帶傷多名彙案咨部議卹外所有前項頂戴因出力人多實在不敷分賞且此外尙有各州縣義勇亦均打仗殺賊奮勇出力節據各路文武稟報自應一體賞給俾免向隅又臣不日巡查直隸山東邊境一帶

亦當擇各該處義勇中之尤爲出力者量加獎賞合無仰懇

聖恩准再加賞碑礮頂五十個金頂一百個俾得分別賞給如蒙

恩允所給頂戴統容彙冊咨部再滑縣義勇內查有生員郭青山李榮春崔清魁韓宗元等四名皆係首先團練殺賊立功必應加之鼓勵惟其人

欽定平定教匪紀畧

卷三十

三

武健性成若留於原籍將來恐致桀驁難馴轉非保全之道臣前與楊遇春商酌請將生員郭

青山李榮春二名發往甘肅崔清魁韓宗元二名發往陝西均以從九品未入流試用又民人焦興邦王成棟韓國彥郭有成等四名請各

賞給藍翎仍令前往楊遇春營中補給千把外委隨

營當差藉資約束

那彥成又奏言臣遵查馮克善家口提訊馮克

功等據供該犯前妻焦氏後妻劉氏並未有子

名坤牛又查馮克功訊無從賊情事至其赴縣

首告馮克善係在上年九月初三日李文成被

擊以後應請無庸獎勵再奉

旨飭查牛亮臣徐安幅供出各犯查軍營節次獲犯

並未供有劉道濫及劉玉濫之名該犯或潛匿

欽定平定教匪紀畧

卷三十

三

饒陽原籍或已遠竄現在分飭查拏至徐安幅

家屬內伊胞叔徐亨棟業已焚斃又伊胞兄徐

占幅卽徐安邦胞弟徐定幅卽徐安民亦均斃

斃至徐安幅名字及徐安幅之九歲子小五訊

問獲犯均供不知又唐鬍子卽唐恒樂詢之知

縣孟肥瞻據稱曾派充鄉勇隨同打仗殺賊屬

實查驗

發對腰牌實由官給並非捏造理合據實覆

奏

是日賽沖阿常明奏言臣等於本月十九日欽奉

諭旨察探陝省如有三之事令臣賽沖阿即酌帶

勁兵數百名馳往會同長齡剿辦等因臣常明

先接朱勳來信知岐山縣有匪徒一股由寶雞

欽定平定教匪紀畧

卷三十

折竄盩厔縣地方又小王澗亦有一股賊匪滋

擾等語當經分飭鎮協將川北毘連陝界處所

嚴密周防惟匪蹤無定若折向西南奔竄則由

鳳縣留壩褒沔而至寧羌即與川省之廣元縣

連界並與太平通江南江巴州等處路路可通

尤須先事嚴防以免竄越當即飛飭總兵桂涵

在廣元一帶副將羅思舉在太平通南一帶各

以巡哨為名往來防守惟川北地方遼濶如廣

元之七盤關朝天關百丈關南江之羊捲關通

江之簡池壩竹峪關太平之渡瀝坡城口等處

皆關緊要而相距均百餘里此外界通南山隘

口尚多在在需兵防守川北鎮標額兵僅數分

派倘須川兵赴陝協剿則兵力尙屬不敷因思

松潘距川北邊界甚近是以飭令該鎮挑備官

欽定平定教匪紀畧

卷三十

兵一千名聽候調用查陝省各路官兵北面則

有朱勳吳廷剛分投剿捕西南則有長齡由徽

縣兩當進兵東面則有祝廷彪帶兵防堵惟南

面尙無官兵稍覺空虛頃據探報陝省洋縣城

東之蒲河龍潭子等處有賊匪數股竄擾查洋

縣地方距川省通江縣界不遠臣賽沖阿自應

取道保寧速赴巴州太平一帶探明賊蹤迎頭

剿截惟臣賽沖阿若祇帶兵數百名前往恐兵力尙單擬先調省標滿漢兵一千名帶往該處路徑川北兵丁較爲熟習臣俟行抵川北再行酌量更調并擬帶松潘兵五百名前往其餘五百名交桂涵等分布要隘如陝匪有竄川之信臣常明亦卽帶領前往剿辦均奏入

上命軍機大臣傳諭那彥成曰那彥成奏各路出力

欽定平定教匪紀畧

卷三十

蓋

義勇懇請賞給頂戴以示鼓勵等語此次豫省及直隸山東邊境一帶賊匪滋擾各路義勇隨同官兵打仗殺賊奮勇出力者人數衆多著加恩再賞碾礫頂五十個金頂一百個那彥成擇其尤爲出力者分別賞給毋稍冒濫其另片奏生員郭青山民人焦興邦等首先團練殺賊立功請分發試用隨營當差等語著照所請生員郭青山李榮春以

從九品未入流發往甘肅試用崔清魁韓宗元以從九品未入流發往陝西試用其民人焦興邦王成棟韓國彥郭有成俱賞戴藍翎令其前往楊遇春營中効力以千把外委酌量補用

上命軍機大臣傳諭賽沖阿曰賽沖阿奏帶兵起程赴陝協剿一摺陝省三才峽等處賊匪節據長齡朱勳等奏報萬五一股經官兵痛剿之後在華陽

欽定平定教匪紀畧

卷三十

蓋

兩河等處奔竄現在吳廷剛分兵剿捕其尤九一股由黑水峪向南奔竄又楊貴一股竄至鳳縣亦均有官兵躡剿此時長齡已帶甘省官兵馳抵蓋屋楊芳亦已到彼朕又節次降旨將西安滿營並河州固原各處得勝勁兵凱撤赴陝並派楊遇春帶同吉林黑龍江馬隊六百名星馳前往與長齡會合進剿其石泉寧陝及秦州徽縣兩當東西兩

面均派有堵截之兵惟向南一帶與州省毘連前
 因多隆武奏回成都曾降旨令其在川北一帶駐
 劄督同桂涵羅思舉相機防堵今賽沖阿因探聞
 洋縣地方有賊匪竄擾與川省通江接界該將軍
 已帶兵取道保寧探明賊蹤迎頭截擊川省邊防
 緊要賽沖阿當分飭桂涵等將沿邊要隘布置周
 密無庸深入陝境一面多派弁兵分投偵探倘有

欽定平定教匪紀畧 卷三十 美

賊匪竄近相距在三四百里之內即帶兵奮力截
 殺以剿為堵與陝省官兵共收夾擊之效總勿使
 賊蹤闖入川境川省官兵剿賊得有勝仗該將軍
 即自行由六百里奏報毋庸再與陝省會銜致稽
 時日
 同日長齡楊遇春朱勳奏言竊臣楊遇春於正
 月初二日馳抵軍營總兵特依順保亦於是日

趕到適據總兵吳廷剛祝廷彪稟報該鎮等已
 在留壩廳屬西江口會合於十二月二十七日
 至平木追及萬五股匪該逆先據左右山梁我
 兵分路仰攻奮勇直上該匪擁眾下壓勢甚兇
 猛各兵併力搶撲相持兩時之久我兵鼓勇力
 登刀矛攪殺斃賊甚多戮倒執旗賊首十數人
 一齊搶上山梁賊始慌亂該鎮等乘勢督兵下

欽定平定教匪紀畧 卷三十 毛

歷立斃賊匪無數直追過三重山梁擒獲活賊
 九十八名搶獲過山鳥礮五尊鳥鎗十四桿旗
 幟矛桿一百四十餘件驢馬四頭匹時已戌刻
 收兵暫息訊問活賊王獻廷等據供今日打仗
 時眼見江元帥何元帥大旗手十數人均被官
 兵殺死至萬五龍元帥向小一等均不知逃往
 何處所有鳥鎗礮位均係攻破民寨所得等語

續修四庫全書 史部 紀事本末類

當將該犯等正法被脅難民十九名釋放差探
匪衆經打散之後尙未合夥於二十八日五鼓
復派令遊擊朱福壽都司柯春鰲党聯陞等帶
領奮勇兵六百餘名又派叅將張起鰲守備劉
藻詹玉彬帶領奮勇兵八百名分路進剿朱福
壽一路於二十九日亥刻趕至觀音洞地方賊
匪數百人正在造飯猝不及防我兵兩路抄進
立斃賊匪數十名餘匪逃竄朱福壽緊躡追剿
沿山殺斃甚多拋棄矛桿二百餘件擒獲活賊
四十五名奪獲刀矛七十餘件訊係打散萬五
股匪內徐宗文夏成德等十八名均係正賊當
卽正法其被脅難民沈文壽等二十七名訊明
釋放張起鰲一路於二十九日戌刻帶兵趕至
馬里地方賊匪約數百人一見官兵紛紛奔竄

欽定平定教匪紀畧

卷三十

五

各兵沿山追殺賊匪十餘名擒獲活賊五
十二名搶獲矛桿二十餘件內王大中等十九
名訊係萬五股內真賊當卽正法其被脅難民
余官進等三十三名訊明釋放計三次剿賊陣
亡兵二十二名現在萬五股匪約剩不過千餘
名等語臣等已札令該鎮等窮其所向上緊跟
追務期剿除淨盡現在據報總兵馬元所帶頭
起固原兵五百名一二日內卽可到營其後起
官兵並吉林索倫馬隊亦接續可到臣等俟頭
二三起官兵趕到卽親自帶領先行入山遇賊卽
剿斷不敢稍有遲延致負
委任
上批示
硃諭曰此事以迅速痛剿爲主我兵不宜多分隊伍

欽定平定教匪紀畧

卷三十

五

先儘大股賊匪盡行辦淨則小股賊匪震懾聲威散者必衆總以殲戮逆首萬五為要頃接那彥成奏報甘肅兵已凱撤過西安時若尙需兵力酌留五百名亦可如辦完萬五卽不必留矣用兵之道合則氣壯分則見單不可墮賊詭計將軍賽冲阿帶兵千名由洋縣而來汝等同心協力殺賊安良佇膺懋賞勉之得大勝仗由六百里具奏全行辦

欽定平定教匪紀畧

卷三十

早

淨由六百里加緊具奏

同日同興奏言查曹州濟寧一帶前經留兵三千名分駐彈壓茲查兩旬以來地方頗為寧帖現又撤兵一千四百名祇留兵一千六百名足資巡防惟曹州營向設叅將一員兵五百名除分防各汛外存城兵祇三百四十餘名不敷彈壓請將事務較簡之文登營副將改為曹州營

副將其中營都司卽隨駐曹州又東昌營向設都司一員職分亦小應請以曹州營叅將改設東昌其文登營卽以東昌營都司移設奏入得旨兵部議奏旋經兵部議以登州副將係海疆要缺未便移駐曹州其曹州旣存城兵單應令於就近營分酌量抽撥其東昌營應設叅將准令於本省酌量改調以資防範奏入

欽定平定教匪紀畧

卷三十

早

上從之

正月初十日杜董誥等奏言臣等遵旨覆訊馮克善誥以伊子坤牛所在據供坤牛實係伊前妻焦氏所生養至三四歲時夭亡緣堂兄馮克功係屬分居未能知悉又覆訊徐安幗之弟徐安幅並伊子小五據稱與其後母趙氏胞叔徐秉成姪徐賢俱住滑城大街路北雜貨鋪

內後院樓上因家眷搬進滑城未久是以人未知悉等語謹錄供進

呈奏入

上命軍機大臣傳諭那彥成曰昨據那彥成奏查覆徐安幅親屬內除伊胞叔徐亭棟伊兄徐安邦伊弟徐安民均已殲斃外其餘均無下落等語當經降旨交刑部提訊徐安幅據供伊由長垣擬至滑

欽定平定教匪紀畧

卷三十

聖

縣時共有家屬七口除伊兄弟徐安邦徐安民外尙有後母趙氏胞叔徐秉成弟徐安幅並九歲之子小五及姪徐賢俱住滑城大街路北雜貨鋪內後院樓上因家眷到滑未久所以人都不知等語著那彥成再行確查趙氏等五名口是否業經焚斃殲斃如查無確據再嚴切根究勿留遺孽

欽定平定教匪紀畧卷三十一



正月十一日癸酉胡克家奏言查安省節次派調官兵共二千二百名團練隨營鄉勇一千名又宿州阜陽太和三州縣召募協防壯勇共一千二百名前聞滑城克復臣已將鄉勇概行遣散歸農惟鄰境甫經寧輯居民尙資捍衛今酌定暫留官兵八百名在宿亳太和三州縣分駐彈

欽定平定教匪紀畧

卷三十一

一

歷至二月間再行全撤其餘各營官兵擬於正月初二日爲始酌定日期分起回營其留防官兵應得分例仍照前支給應於各兵勇口糧及防禦一切費用統歸捐廉項下核實報銷如有例不准銷之項另籌分攤歸款再投効同知陳其松經臣奏派統領鄉勇分駐河南永城縣境緝獲零匪稍

有微勞該員係雙月同知可否准令該員捐足
不論雙單月併分發銀兩就近繳納安徽藩庫
留於安省遇缺補用之處出自

聖主天恩奏入

上命軍機大臣傳諭胡克家曰胡克家奏安省邊界
節次派調官兵二千二百名團練隨營鄉勇一千
名又宿州阜陽太和三州縣召募協防壯勇一千

欽定平定教匪紀畧

卷三十一

二

二百名現在鄰境甫經寧輯居民尙資捍衛請酌
留官兵八百名在宿亳太和三州縣分駐彈壓二
月內再行全撤其官兵分例仍照前支給應與各
兵勇口糧及籌備防禦一切費用統歸捐廉項下
核實報銷等語國家設兵衛民其調防官兵准其
照例開銷至團練隨營鄉勇與召募協防壯勇從
來無此名目前曾明降諭旨不許召募鄉勇預爲

冒銷地步今該撫自行雇用乃請將口糧與兵丁
一例開銷向無此例所有發過鄉勇口糧著該撫
自行籌畫辦理若將來報銷時仍率混鄉勇在內
不待發交部議朕卽先行批駁斷不准行也至所
奏投効同知陳其松緝獲零匪稍有微勞請留安
省補用等語著照所請雙月同知陳其松准其將
捐足不論雙單月併分發銀兩就近繳納藩庫留

欽定平定教匪紀畧

卷三十一

三

於安徽遇缺補用以示鼓勵

正月十二日甲戌董誥等奏請將逆犯牛亮臣馮
克善徐安囑劉第五卽劉宗林梁健忠趙步雲
陳文思周自得周添喜李盛得閔正興蔣立生
卽蔣生兒耿二張貴十四犯均凌遲處死梟示
內牛亮臣馮克善徐安囑三犯並痛加懲割又
張老大卽張黑兒斬決梟示馮哲王三卽王明

二犯均斬決其知情容留聽從入教之朱樹德
卽朱樹鐸等並應行緣坐之蔣陳氏等十一名
口分別發遣爲奴請

旨

是日

上廷訊牛亮臣馮克善二犯盡法懲治降

旨牛亮臣馮克善徐安棚劉第五卽劉宗林梁健忠

欽定平定教匪紀畧

卷三十一

四

趙步雲陳文思周自得周添喜閆正興蔣立生卽

蔣生兒耿二張貴俱著卽凌遲處死梟首示衆張

老大卽張黑兒著卽處斬免其梟示馮哲王三卽

王明俱著處斬其李盛得一犯著暫留監禁待質

餘依議

同日

上諭內閣曰此次吉林黑龍江官兵調往軍營伊等

初到時卽盡力將司寨地方賊衆悉數剿除且將

賊首李文成殲斃嗣至滑縣地方攻城接仗殲斃

賊匪甚多奮勇出力甚屬可嘉此皆由該將軍副

都統等平素訓練有方除色爾滾德寧阿因在軍

營出力業經施恩外所有現任將軍喜明富俊副

都統松寧穆騰額蘇青阿明德俱著施恩交部議

敘賽冲阿雖調成都將軍離吉林未久亦著交部

欽定平定教匪紀畧

卷三十一

五

一體議敘

同日百齡奏言臣欽奉

諭旨查明江省隨營出力人員據實保奏查河庫道

徐忻經臣帶赴徐城隨同籌商一切深悉機宜

可否請

旨賞加按察使銜徐州道毓岱巡查嚴密堵禦認真

徐州府知府音德和團練義勇安撫居民實心

實力該二員可否請

旨賞戴花翎此外應行鼓勵各員謹分晰開單恭呈

御覽再查原發四川緣事革職直隸州州判董榮緯

經勒保帶至江南幫辦文案文理尚通可否

准其捐納監生應試奏入

上諭內閣曰百齡奏查明隨營出力各員據實保奏

一摺上年百齡督師徐州防守邊境並分兵保衛

欽定平定教匪紀畧

卷三十一

六

鄰封所有在事出力文武各員亦應量予獎勵河

庫道徐忻著施恩賞加按察使銜徐州道毓岱徐

州府知府音德和俱著賞戴花翎安徽候補知府

張丕昌著准其儘先補用候補知府錢有序准其

留於兩江遇有相當缺出奏請補用候選知府方

傳穉准其歸部儘先選用署泰州州同李嘉祥准

其改撥地方以應陞之缺陞用桃源縣縣丞劉金

殿准其以應陞之缺陞用候補知縣劉鈞周履福

林沛候補縣丞程鍾慶沈渭王規張景沂候補未

入流吳敬然俱准其儘先補用在籍磨卹縣丞徐

錫壽候選縣丞楊德垣候掣主簿屠慕曾准其發

往安徽遇缺補用候補縣丞蔡維新候選吏目黃

延禔准其留於江蘇遇缺補用豐縣知縣張執琮

沛縣知縣鄭其忠礪山縣知縣王臺俱著交部議

欽定平定教匪紀畧

卷三十一

七

敘松江城守營遊擊馬進奇兵營遊擊楊昇漕標

右營遊擊潘遇龍河標中營都司徐彬督標城守

營都司張應錫常州營守備朱國泰俱著交部議

敘在籍藍翎侍衛袁夢熊准其留於江蘇以守備

儘先補用廣東世襲雲騎尉劉上全准其以守備

儘先補用其奏請革職直隸州州判董榮緯揚監

應試之處不准行著以典史補用

是日文孚康紹鏞奏審訊山海關獲犯馬泳福
柴玉林施廣三案委無謀逆情事前由該處官
兵圖賞邀功妄擊誘供加以刑逼是以誣服除
卽分別省釋外請將協領常亮佐領武爾棍泰
防禦海德交部嚴加議處甲兵德克精阿等懲
處如律其副都統額勒金布俟司敬武葛洪才
兩案定讞時再行叅

欽定平定教匪紀畧

卷三十一

八

奏奏入得

旨額勒金布於山海關盤獲各犯任聽屬員等刑逼
誘供草率具奏著交部議處來京聽候部議所有
山海關副都統員缺著文孚補授

正月十三日亥那彥成奏言竊臣將各路官兵
分起凱撤後本擬隨帶直隸督標兵及宣化鎮
標兵各一千名吉林黑龍江兵六百名沿途巡

查惟查開州東明曹州德州景州一帶現俱有
兵留駐足壯聲威是以酌擬於抵開州後卽將
前項直隸官兵分起撤回歸伍止帶吉林黑龍
江兵六百名一路巡查撫卹良民搜捕餘匪現
於十一日移營前進其吉林索倫官兵飭令由
豫省支給一月鹽菜口糧裹帶行走所過州縣
仍舊劄營空曠地方不入城內居住並嚴加約

欽定平定教匪紀畧

卷三十一

九

東刻下賊匪盡絕惟饑民實關緊要河北更係
連年積歉之區災黎尤爲不少臣已督令藩司
台斐音衛輝府知府郎錦騏及滑濬兩縣分設
粥廠實力妥辦並移咨方受疇督率辦理
那彥成又奏言查現在軍營出有武職各缺臣
秉公遴選將隨營出力之員分別擬補謹開單
進

呈伏候

施恩鼓勵再 臣接准楊遇春咨稱新調甘肅花馬池

營叅將陳弼前於攻克滑縣時登城墜跌致傷

左腿已成殘廢應請

旨將該員休致

同日方受疇奏言 臣欽奉

諭旨查拏商邱縣卦主邵姓一犯遵卽密委試用知

欽定平定教匪紀畧

卷三十一

十一

縣王渭馳赴歸德假抽查戶口爲名查明該犯

所住村莊會同該處地方官將邵大一犯拏獲

臣親提研審據供姓邵名坦照伊祖邵生文於

乾隆三十六年間習教破案擬絞正法伊父行

四已於十七年八月病故上年八月楊遇山遣

人致書約於九月初赴曹縣會齊起事伊畏懼

未去書已燒燬等語遵卽派員將該犯解赴直

隸交章照歸案審辦再豫省開正以來地方日

就寧靜北岸除考城防兵暫行酌留外其餘封

邱等處官兵已全行撤回歸伍均奏入

上命軍機大臣傳諭那彥成日滑縣附近賊匪俱已

搜捕淨盡那彥成現在移營開州因開州曹州德

州景州一路俱有留駐之兵擬將直隸兵二千名

分撤歸伍祇帶吉林黑龍江兵六百名一路巡查

欽定平定教匪紀畧

卷三十一

十二

回京自應如此辦理此時直東境內甫經寧輯人

心尙未大定餘匪亦未能全淨那彥成帶兵行走

毋庸按站償程每日酌量或二三十里或四五十

里沿途緩緩移營留心察看如各處尙有藏匿逆

匪卽駐營訪拏曉諭鄉民趁此兵威自行縛獻遇

途中有訊辦事件駐紮一二日辦竣再行前進均

無不可那彥成沿途所過州縣多係災區已飭各

該地方官加意撫卹如或辦理不能妥協該督於過境時查出卽隨時督飭令其認真經理無致災民失所倘竟有玩視民瘼一任窮黎轉徙罔或拯卹者卽當嚴行叅奏

上又命軍機大臣傳諭章煦方受疇同興日直隸豫東邊界自滑城克復之後其首逆及著名賊目或殲或擒漏網者少但賊夥本多其零星逃逸者自

欽定平定教匪紀畧

卷三十一

十三

所不免聞大兵在境則伏匿不出大兵全撤之後或又潛出滋事此時善後事宜最關緊要現據吳璈奏稱伊於途次留心訪問山東曹州府屬及金鄉魚臺一帶向來匪黨本多至今強悍之風未息聞良民或因舉報餘孽或因團練防堵以致結恨成讐匪徒尙思報復良善均有戒心其被賊蹂躪之區田畝未能播種民羣聚良莠難分豫省睢

州工次並偶有焚燒料塚之事寧陵考城濟滑封邱等處難民災民不少間有土賊搶掠開封及河北三府荒旱地方太廣二麥未種人心尙難大定恐各州縣營汛以大局已平稍存大意請飭諭該督撫實力安撫加意防範等語各處零匪旣多未淨而土棍乘機劫掠擾害良善必須認真搜捕卽於編查保甲之時令鄉民自行首報方可全就剔

欽定平定教匪紀畧

卷三十一

十三

除但非憚以兵威則良民畏懼兇徒不敢舉首或橫遭劫掠亦相與隱忍且地方兵役有限奉官查拏恐拒捕滋衅亦畏縮不前現在該三省本各有未撤防兵著該督撫密飭帶兵將領仍嚴整武備鎮靜彈壓附近州縣藉此聲威匪徒等先心懷畏懼其有私藏器械夜聚曉散妄冀勾結報復者均令紳士耆民指名報官兵役等奉官查緝匪徒等

必不敢稍有抗拒倘有逞兇拒捕情事州縣官就
近移會駐兵大員不難立時帶兵擒捕凡在官民
俱各恃以無恐其飭緝各要犯如視現劉呈祥劉
第五董伯旺支進才劉成章等或卽在此數縣匪
黨家窩藏若能舉首查獲更當加以優賞至各處
無賴匪徒聞此次係白蓮教謀叛滋事往往有詐
稱白蓮教恐嚇鄉愚乘間劫奪財物者該匪徒既
欽定平定教匪紀畧 卷三十一 十四

以白蓮教自居拏獲審明卽照白蓮教逆犯治罪
毋稍姑息此外僅習教而改悔自新者地方官隨
時化導稽查勿令妄拏滋衅統俟麥熟後人心大
定再行奏聞將留駐之兵全行裁撤可也上年荒
旱之區豫省爲最甚大河南北饑民嗷嗷其老弱
轉徙情形聞之心惻此時撫卹二字尤爲最要方
受疇當體朕保赤之懷力爲拯救此等饑民本無

爲匪之心見食搶掠不過苟全生命倘能安撫得
法皆可保爲善良本日那彥成奏河北被賊被災
情形據稱業已移咨方受疇督令地方官於賑卹
之外多設粥廠該撫務當督率地方官加意經理
以期多所全活至賊蹤狡詐無常饑民旣多亦難
免有餘匪溷入其中並著曉諭饑民等使其自相
保認如有習教從賊之犯潛來粥廠伊等卽當官
欽定平定教匪紀畧 卷三十一 十五

密首立時拏獲究辦務使良莠不致混淆奸徒淨
盡閭閻自長臻安輯矣

上諭內閣曰那彥成奏甘肅花馬池營叅將陳弼跌
傷左腿已成殘廢懇請休致等語陳弼在軍營剿
賊奮勇出力茲因攻克滑縣從城上墜跌以致左
腿殘廢甚爲可憫陳弼著加恩賞給副將銜准其
休致仍予食副將全俸

上又諭內閣曰那彥成奏請補武職各缺一摺加恩著照所請甘肅花馬池營叅將員缺著熊敏謙陞補所遺靖遠營遊擊員缺著竇德陞補直隸天津鎮標城守營都司員缺著郭鵬起陞補所遺陝西會寧營守備員缺著張作友陞補俱先行賞換頂戴

正月十四日丙長齡楊遇春朱勳奏言竊照萬

欽定平定教匪紀畧

卷三十一

六

五股匪經總兵吳廷剛等節次痛剿只剩千餘人狂奔北竄臣等先派總兵特依順保楊芳協領成瑞帶領西安滿兵二百名漢兵四百名馳往斜峪關一帶截剿初四日未刻適該匪竄迎一聞兵至卽折回桃川特依順保楊芳等遂跟蹤追剿吳廷剛等探知賊匪折回派令叅將張起鰲遊擊朱福壽分兵於沙壩地方埋伏該匪

竄近伏兵齊發與特依順保等兩面夾擊立斃賊匪二百名生擒活賊二百二十五名投出難民四十六名搶獲鳥鎗十二桿刀矛一百七十八件帶傷弁兵六名天已昏黑卽就沙壩紮營於活賊內訊出偽軍師周在庭偽大先鋒周之順與其餘正賊均卽正法次日遍躡賊蹤已向

太白山老林白雲峽地方奔竄該鎮等派都司

欽定平定教匪紀畧

卷三十一

七

党聯陞守備劉藻帶兵六百名裹糧跟追該鎮等卽取道辛口峪進山夾擊適據探報陳四九股匪由金牛坪竄往金鷄河路通寧陝江口一帶臣等卽派吳廷剛祝廷彪帶兵由子午峪進發先顧完善之區向西截剿並可與党聯陞之兵共收夾擊之效又打散萬五股內零匪一百餘人在棗木欄一帶林內藏匿經吳廷剛續

調之都司吳連利春熬帶領畧陽營兵三百名
趕抵該處卽往搜剿殺賊二十餘名生擒十五
名餘俱棄械逃散又據探報匪徒麻大旗劉二
股匪一千數百人竄往隴州香泉地方臣楊遇
春於初五日先行馳往該處一面飛催吉林索
倫馬兵二百名固原兵一千名隨後趕到卽行
截剿惟據留壩廳稟報萬五分出股匪吳抓抓
等一千餘人竄至棧道武關一帶臣等查該處
路通黑河遠至漢江上游卽可入川該處備禦
空虛現今兵力未齊勢難遠顧已飛咨成都將
軍賽冲阿川北鎮總兵桂涵由寧羌沔縣前來
截剿一面飭催後起馬步官兵一經到營卽派
楊芳帶領趕往沔縣先杜入川之路再行向北
截剿其寶鷄匪徒龔貴等一千餘人竄至兩當

欽定平定教匪紀畧

卷三十一

六

太陽寺一帶現有副將何占熬帶領固原西鳳
等營兵五百名並鳳縣知縣劉國柱帶領義勇
一千名跟蹤剿捕臣長齡所謂之寧夏河州官
兵由此路前來正可迎頭截剿又據署提督常
祿報稱有龔貴股內投出民人七十一名訊係
被裹良民當經寶雞一帶鄉民保釋再吳廷剛
等窮追萬五股匪有陸續逃出匪徒四十七名
經各卡義勇細送前來臣等訊明後均卽正法
又有九九陳四等股內自行投出民人一百二
十三名內有本地鄉民情願保領者卽行釋放
其係川楚民人暫留充當夫役俟拏獲陳四股
匪質訊明確再行遞回原籍
長齡朱勳又奏言查從前川陝軍需嘉慶五年
經畧額勒登保將滿漢官兵分例核定條款

欽定平定教匪紀畧

卷三十一

九

奏准通行其支銷事宜嘉慶八年經

欽差額勒布初彭齡在陝核明

奏定章程節經遵辦在案此次隨營進征各官兵

悉照舊章辦理又漢中陝安兩鎮官兵隨同剿

賊卽與征兵無異且現在漢中陝安兵丁尤爲

出力可否仰懇

皇上天恩於離營三百里之外卽一體照例支給鹽

欽定平定教匪紀畧

卷三十一

三十一

糧惟馬乾一項例止日給銀五分昨經豫省奏

明因時價昂貴奉

旨加倍發給此係

皇上破格恩施本不敢援以爲例惟念陝省本年亦

屬歉收各官兵甫自豫省凱撤卽來陝西可否

准其一體加給之處伏乞

訓示遵行其軍營糧米先飭各廳縣動碾倉貯穀石

如尙不敷派員分地按照市價隨時採買運貯

寨碕並飭趕製軍火設站安夫分投滾運其文

報往來仍照向例分別平原山路安設馬步正

腰各塘俾臻迅速所有一應軍需事宜已飭委

署藩司繼昌督糧道周光裕督率西安府知府

方載豫總司籌辦其軍營糧餉並飭署臬司延

榆綬道敦良總理其事至應需銀兩可否卽於

欽定平定教匪紀畧

卷三十一

三十一

軍需三成並封貯項下動支再南山路徑叢雜

所有各險要隘口已飭令地方官團集本地有

家室之義勇旣可保衛村莊亦可堵禦賊匪上

卡追賊之日每名日給口食錢八十文以資果

腹賊過之日卽行停止

同日高杞奏言竊臣前奉

諭旨命臣帶兵赴陝幫同長齡剿辦南山匪徒當卽

迅速趨行行次西安知長齡已先期馳抵盩厔
臣卽趕至軍營與長齡楊遇春朱勳會商籌計
伏查南山路徑紛歧賊匪奔竄矯捷必須於官
兵接仗之後盡力窮追不予賊匪以掠食之暇
則該匪等自立見窮蹙現經撫臣朱勳於南山
總路隘口安設糧臺撥兵守護仍恐兵行迅速
糧運不繼該撫復於各臺安設長夫每兵四名
抽撥背糧夫一名一經見仗卽裹帶十日之糧
晝夜跟蹤前進我兵惟當盡力搜捕斷不能聽
其乞命投誠致留餘孽臣正在與長齡等會議
間適又欽奉
恩旨令臣暫署陝甘督篆臣擬俟料理大兵全數入
山後再行馳赴蘭州省城辦事合併陳明均奏
入

上命軍機大臣傳諭長齡楊遇春朱勳曰長齡等奏
連日痛剿匪徒擊獲偽軍師偽先鋒及催兵分路
進剿緣由一摺覽奏俱悉南山匪徒滋事自上年
臘月奏報以來計今已逾一月尙未辦淨此等烏
合之衆若不及早撲滅一經蔓延各處完善之區
遭其蹂躪老師糜餉其患豈可勝言從前辦理三
省邪匪卽因初起時不認真趕辦以致多延歲月
欽定平定教匪紀畧卷三十一 三
糜帑至十千餘萬之多此時帑藏支絀迥非昔比
不特曠日持久經費不支遲至夏間籌餉卽難以
爲繼著勒限於正月底二月初務必一律辦竣不
准遲逾賊匪經官兵屢次剿散之後現分數股奔
竄此時辦理之法先須顧定平原勿令出山焚劫
昨歲南山包穀歉收賊匪在山中無糧可掠其勢
必窮尤不可令其竄入老林越箐穿巖是其長技

官兵輾轉窮搜必稽時日惟當四面堵截使賊所向輒窮我兵皆新勝之師勇氣百倍又有吉林黑龍江勁旅一可當百必能計日歲功現在各路大軍雲集將廣兵多足敷分撥萬五一股已經吳廷剛節次痛剿剩有數百人遁往太白山陳四九九一股向寧陝一帶奔竄祝廷彪帶兵由子午峪向西截擊麻大旗劉二一股千餘人竄往隴州楊遇春已親自馳往剿辦龔貴等一股千餘人竄至兩當太陽寺地方有副將何占鰲等在彼剿捕吳抓一股千餘人楊芳即日帶兵前往截剿現又有旨飭催賚冲阿等由川迎擊各處賊匪皆有官兵緊躡著長齡迅速飭知各路領兵大員督率所帶官兵分投痛剿窮追如某人剿某股之賊此一股即責成該員一手辦淨必須將爲首賊目或賊或

欽定平定教匪紀畧

卷三十一

五

擒所餘夥匪亦悉數剿殺無遺方爲竣事不可得一勝仗又棄而之他或調往別處致剿敗之賊又裹成大夥總之各辦各賊功過則在一人何路官兵先將賊匪辦淨一股奏到時朕即先將此一路帶兵之員優加獎賞若致賊蔓延亦先治此人之罪彼此無所諉卸長齡係總統大員居中調度各路均應顧及察看何處兵單即將辦淨一股之勝

欽定平定教匪紀畧

卷三十一

五

深悉須於搏節之中倍求搏節切勿任局員等濫支浮冒一經查出必當加等治罪決不寬貸

臣等謹按行師之道山林與原隰異宜南山之內林深箐密路徑紛歧賊匪一經剿敗即分股竄逸冀圖牽綴我師俾難兼顧非若平原曠野可以聚而殲旃也南山匪徒滋事以來計已逾月尚未剿淨萬五陳四麻大旗吳

欽定平定教匪紀畧

卷三十一

三

抓抓龔貴等股匪四散奔竄彼蓋習見川楚教匪初起之時辦理遲緩賊渠得騁其詭謀撓我師旅是以效其故智狡焉思逞設我兵分路追捕人無專責將帥生諉卸之心士卒萌觀望之意必致滋蔓難圖遷延歲月我皇上宵旰籌幾

睿謨獨斷

特詔長齡居中調度責成各路帶兵將領各辦各賊必須一手辦淨方為竣事經此次

訓示之後帶兵各員咸知功有專歸責無旁貸人思自効各奏乃勛是以匝月之後淨掃撓槍毫無遺孽膚功迅奏師不踰期九重之上坐操勝算所謂運籌帷幄之中決勝千里之外固有較然不爽者矣

欽定平定教匪紀畧

卷三十一

三

上又命軍機大臣傳諭賽沖阿曰長齡等奏萬五分出股匪吳抓抓等一千餘人竄至棧道武關一帶該處路通黑河遠至漢江上游即可入川已飛咨成都將軍賽沖阿川北鎮總兵桂涵由寧羌沔縣前來截剿等語賽沖阿前因探聞洋縣地方有賊匪竄擾已帶兵取道保寧進剿此時吳抓抓股匪竄往武關一帶該處與川省邊境密通通川徑路

甚多賽沖阿務卽探明賊蹤迎頭截擊並飭桂涵
羅思舉等各率弁兵分布要隘探有南竄之賊卽
分道迎遏斷不可使賊匪一名竄入川境川省官
兵得有勝仗賽沖阿卽自行由六百里奏報如追
剿賊匪入陝與長齡會銜具奏

上又命軍機大臣傳諭高杞曰高杞抵軍營後與長
齡等會籌各路剿賊機宜所言俱是惟據稱擬俟

欽定平定教匪紀畧

卷三十一

天

大兵入山後再行馳赴蘭州殊可不必軍營有長
齡等在彼督辦甘肅地方緊要亟須大員經理高
杞經朕特令接署督篆卽與實授無異該署督著
卽星馳赴任將應緝應審各犯及地方一切公事
實心妥辦不可以暫時署事存五日京兆之見其
劉添貴王風二犯節經降旨飭拏迄今未據獲犯
覆奏長齡等自因軍務緊急未及兼顧著卽責成

該署督飭屬嚴拏務獲毋稍疎懈

上諭內閣曰長齡等奏籌辦征防官兵鹽糧分例及
安設臺站各事宜一摺陝省岐山縣匪徒聚眾搶
掠現調派滿漢官兵協力剿辦業已連獲勝仗計
日卽可蒞事所有漢中陝安兩鎮官兵離營三百
里以外准其一體照例支給鹽糧其馬乾一項向
例每日給銀五分該省昨歲歉收時價昂貴著照

欽定平定教匪紀畧

卷三十一

天

上年豫省之例加倍給發應需軍糧各附近屬縣
倉穀不敷動碾之處准其按照時價隨時採買並
趕製軍火設站安夫源源運送至文報尤關緊要
著照例分別平原山路安設馬步正腰各塘務期
郵遞迅速應需銀兩准其於軍需三成並封貯項
下動支該督等惟當督飭司道各員嚴飭所屬實
心經理加意撙節毋得稍有冒濫

正月十五日同興奏言查東省武職缺出應請以軍營出力人員陞補所有兗州右營都司一缺查鉅野營守備殷正魁上年守護城池擒獲零匪多名又高唐營禹城汛千總夏攀龍此次剿平各處賊巢打仗九次均屬出力可否以殷正魁陞補兗州右營都司其所遺鉅野營守備員缺卽以夏攀龍陞補以示鼓勵之處恭候

欽定平定教匪紀畧

卷三十一

三十一

訓示奏入

上諭內閣曰同興奏防剿出力人員懇請陞補一摺著照所請殷正魁准其陞補兗州右營都司所遺鉅野營守備員缺著夏攀龍陞補

正月十六日或那彥成奏言查直省軍需共用銀七十餘萬兩此後尚有凱撤官兵暨留防善後事宜并各州縣應行裁領之數連前約計將

及九十萬兩除蒙

賞撥漕糧作為兵精外所有動用銀兩自應照擒捕內地賊匪之例本省自行備辦伏思直省地方官員于匪徒習教滋事毫無覺察咎無可辭應請在於現任大小官員養廉內分作十五年按照缺分大小廉俸多寡均勻攤捐歸款其失察各員內如有陞調別省除本缺不准停扣外仍

欽定平定教匪紀畧

卷三十一

三十一

在該員名下照數扣解以歸正款奏入

上諭內閣曰據那彥成奏直隸軍需用款約計將及九十萬兩請照擒捕內地賊匪本省自行辦理之例於現任大小官員養廉內分作十五年均勻攤扣歸款等語此次教匪謀逆由林清倡首該逆伏匿郊畿借傳教為名肆行勾結以致釀成叛案延及豫東二省勞師糜餉該管官毫無覺察形同木

偶玩誤因循莫此爲甚應照那彥成所奏罰賠示
懲惟州縣等官職分較小廉俸無多林清及逆黨
犯事地方又不皆在所轄境內無庸一律攤扣至
那彥成錢臻調任皆在事後攤捐亦未平允此事
著卽交那彥成督率錢臻查明自嘉慶十一年起
至十八年止各歷任總督順天府府尹藩臬兩司
及該管道員等按其在任年月秉公核算分別攤

欽定平定教匪紀畧

卷三十一

三

賠以清款項

那彥成又奏言竊臣於本月十一日帶領吉林
黑龍江官兵六百名行抵開州查詢地方情形
均極安帖其應辦善後事宜謹酌擬數條恭呈
御覽一編查保甲查大名府屬各州縣與豫東兩省
地界毗連頑民慣習邪教清查保甲更爲緊要
現卽飭派候補道府葉紹本會同地方官逐戶

挨查設立簿籍門牌按時點驗一修葺塘汛查
開州東明長垣及北路之清豐南樂直達大名
郡城沿途向有塘汛派兵分駐以接聲援營房
墩臺坍塌朽壞應卽趕緊修葺並於相離較遠
之地酌添數處選派精壯兵丁常川駐守以資
盤詰一三省交界處所應暫行設卡防守查開
州東明長垣以及南樂清豐西南一帶界連河
南之滑縣濬縣儀封內黃封邱等處東南一帶
界連山東之觀城朝城荷澤等縣現當軍務甫
竣其交界處所匪徒易致藏匿應請暫行派撥
弁兵分駐巡防俟麥秋豐稔民心大定之後卽
行撤退一逆產絕產應查辦以歸公用查此項
產業開州東明兩州縣界內爲數不多若分撥
難民不能遍及轉滋爭競請先行召佃耕種將

欽定平定教匪紀畧

卷三十一

三

來設立正定提標除將所收租息完納正供外其餘作為該營辦公之用又臣前奏善後事宜內有正定改設提督大名改鎮一條倘蒙

允准即請將馬瑜調為正定提督徐錕調補正定鎮

總兵可資得力得

旨大學士等併議具奏

那彥成又奏言查河南撫標及鎮協各營共兵

欽定平定教匪紀畧

卷三十一

三

一萬二千八百八十餘名山東撫標及鎮協各

營共兵一萬四千五百餘名直隸督提二標及

鎮協各營共兵三萬八千三百八十餘名額設

兵數本不為多臣周歷三省邊界揆度地勢情

形正定大名附近京師係屬

邦畿重地豫東兩省接壤處所為畿南門戶必須

重兵鎮守應請于正定大名一帶添兵六千名

以資鎮守並可分防開州東明長垣等處其豫

東兩省亦請各添兵三千名於緊要處所安營

分駐統計添兵一萬二千名每歲約需餉銀二

十五萬九千餘兩米四萬三千餘石如蒙

俞允請

旨勅下部臣籌撥款項俾得趕緊辦理得

旨大學士軍機大臣會同該部議奏

欽定平定教匪紀畧

卷三十一

三

是日賽冲阿奏言竊臣帶領省標滿漢官兵一

千名於二十九日馳抵保寧接陝撫朱勳來信

陝匪萬五一股經吳廷剛在袁家莊剿敗分為

兩股每股各千餘人已至華陽鐵冶河等處欲

由留壩之桅桿石梁竄往黑河一帶川省官兵

迎頭截剿等因查賊匪一聞川省官兵前來截

剿勢必四散狂奔若竄入老林必須分兵追躡

臣現在就近派帶川北鎮兵五百名及現帶省標兵一千名並飛催松潘兵五百名迅速前來其續調之松潘兵五百名即交與桂涵分撥要隘防守如尙須添兵臣已咨會常明再行就近添派並令桂涵等若探有陝匪竄近邊境即彼此策應合力堵剿毋任闖入奏入

上命軍機大臣傳諭賽沖阿曰賽沖阿奏調派川省

欽定平定教匪紀畧

卷三十一

三

兵二千名帶赴陝省會剿並續派兵五百名交桂涵等分撥要隘防堵等語前據長齡等奏萬五分出股匪吳抓抓千餘人竄往武關一帶當經降旨飭令賽沖阿帶兵赴寧羌一帶探聽賊蹤迎頭截擊現在賽沖阿已帶兵由保寧一路星馳赴陝既入陝境無論何股賊匪探知相距不遠即迅速帶領弁兵前往撲滅務將首夥各犯掃除淨盡切勿

得一勝仗任聽餘匪竄匿又滋裹脅川陝邊境多係老林尤當留意防堵勿令賊匪竄入以致搜捕費手其南面入川一帶當處處嚴防川省完善之區斷不可使賊匪一名闖入賽沖阿曾任吉林將軍此次吉林官兵在豫省打仗得功因賽沖阿平日訓練有方已加恩交部議敘此時帶兵剿賊正該將軍報効之時若能剿除大股賊匪擒獲著名首逆俾陝省軍務速蒞朕必加以懋賞賽沖阿不可不勉之又勉此時多隆武亦已到彼該省將軍提督同力督辦此等烏合之衆無難一鼓殲除總期於一月內辦理蒞事毋稍遲延若堵剿不力致匪徒蔓延竄入川境亦必重治其罪不稍寬貸

正月十七日記

上諭內閣曰御史夏修恕奏請嚴禁妄擊無辜一摺

欽定平定教匪紀畧

卷三十一

三

所奏甚是此次辦理叛案其從賊逆黨必當悉數捕誅不容一名漏網但豈得因此株累查拏擾及良善近日審訊各處查緝送部之人多有妄報邀功挾讐誣陷者雖審明後即予昭雪而其人羈禁囹圄室家播棄貲產蕩然且有因以瘵斃者似此妄行羅織心實不忍良民何辜遭此苛政其何以消沴戾而召祥和現在必應查拏之犯俱經刑部將年貌住址根究明確開單飭交京畿及各省按名躡緝務獲究辦此外如再有妄拏無辜誘供刑逼以及仇扳捏控者審明俱按律坐誣治罪庶於慎刑獄除莠安良以靖人心而迓

欽定平定教匪紀畧

卷三十一

三

吳貺

是日劉鑑之費錫章奏言臣等欽奉

諭旨據逆犯牛亮臣供于克敬將三佛應劫書一本

獻與林清前此拏獲林清搜其家中並未見有此書此等悖逆書詞豈可任令流傳再滋煽惑著順天府遣派精細委員前往該逆家中將其住屋周遭上下逐一搜查刨挖務將此書起獲並於附近宋家莊一帶留心細訪或因該逆被獲之後其家中遺留物件先經該處人民私取潛藏即行明白曉諭令其呈出不但免罪並可量加賞資欽此

欽定平定教匪紀畧

卷三十一

三

等遵即遴派宛平縣典史吳孝愉即時前赴林清住屋搜查刨挖至十三日酉刻據該員馳稟在於林清家中周遭上下通行搜挖並無別物末後搜至該逆所住屋簷下見有砌就牆孔一個外有浮磚遮蓋即去磚探挖取出紅布小包內裝書一本後有三佛應劫統觀通書名目於十四日親身齎繳前來查此書共計二卷其上

卷稱得自山西平陽府岳陽縣恐該處尙有傳抄之本除飛咨山西巡撫銜齡嚴密訪查以期搜燬淨盡外謹將原書進

呈臣等於上年兩次搜查未獲今蒙

聖明指示始不至終於遺漏曷深惶悚應請

旨交部議處奏入

上諭內閣曰宛平縣典史吳孝愉將林清家內屢次

欽定平定教匪紀畧

卷三十一

罕

未經起出逆書細心搜獲尙屬能事著加恩以縣

丞卽用劉鏞之費錫章自請議處之處著加恩寬

免

上命軍機大臣傳諭銜齡日前據逆首林清供出伊

家藏有悖逆邪書節經降旨飭查並無下落嗣又

據逆犯牛亮臣供出于克敬曾將三佛應劫書一

本送與林清等情復降旨飭查據順天府奏於該

逆家中起獲三佛應劫統觀通書抄本一冊呈覽

其詞句狂悖殊堪痛恨此等不法經卷豈可任令

流傳再滋煽惑其書內稱此經出在山西平陽府

岳陽縣王家莊等語此書既由該處流傳恐抄寫

不止此一本附近村莊尙有收藏潛匿之人著銜

齡卽派精細委員前往密訪如有收藏之家立即

查起封送軍機處銷燬並嚴追來歷務搜查淨盡

欽定平定教匪紀畧

卷三十一

罕

勿令再有傳寫貽惑鄉愚

正月十八日

庚辰

上諭內閣曰上年九月廷訊林清據供伊有邪書一

本用紅布包裹藏匿家內當經飭令步軍統領順

天府衙門派員搜查未經起獲本年正月十二日

廷訊牛亮臣復據供稱林清實有此書係賊目于

克敬轉給因又飭知順天府再行查起旋據劉鏞

之等派員於林清家牆穴內起獲封固呈覽其書悖謬荒誕不經已甚卽行焚燬當日林清藉此誑惑鄉愚邪說誣民上千

天討故其書雖深藏固秘隱匿數月終被搜獲銷燬不使存留于世何況顯為悖逆之徒覆載不容豈能倖逃法網若承緝之人心存玩愒以為其事既往不速認真躡訪則是不能善承

欽定平定教匪紀畧 卷三十一 聖

吳蒼除邪興正之心不存忠君護國之志又染因循怠玩之習朕必立施重罰不赦著再通諭步軍統領順天府五城並直隸等省將前此飭發查拏從逆最要次要各人犯照年貌名單上緊密訪嚴拏勿稍疎懈此內如祝現劉呈祥劉第五董伯旺支進才劉成章等逆更為巨惡尤須剋期弋獲試思此次順天府搜獲逆書之典史吳孝愉朕尙施恩破

格陞用若官弁兵役能緝獲渠魁必更優加獎賞但必審明確係正犯始錄其功若妄拏無辜拖累善良亦必治罪不貸

上命軍機大臣傳諭長齡楊遇春朱勳日長齡前任河南巡撫逆犯李文成馮克善牛亮臣等本皆該省民人私與林清勾結往來借傳教為名糾聚黨夥多人約期造反長齡職任封圻毫無覺察上年

欽定平定教匪紀畧 卷三十一 聖

將伊簡任烏魯木齊都統離任未久豫省逆賊旋即起事戕官陷邑荼毒生靈地方大遭蹂躪究其蓄謀年月正在長齡任內厥罪實與溫承惠等朕未加懲處並因那彥成督兵豫省一時乏人將伊簡放陝甘總督長齡捫衷自問當如何知感知愧伊甫抵陝甘之任南山亂民滋事之案非伊之咎但伊積愆甚重此時帶兵剿賊正當奮身自贖前

已節次降旨飭令趕緊督辦目下征兵雲集足敷調度惟國家經費不支伊所深悉若遷延日久老師糜餉所患甚大茲限於奉旨後一月內全行辦竣仍不許草率完結稍留餘孽如果剋期蕩事不但寬免從前重罪仍當懋加獎賞伊來京陛見後另有擢用之處若辦理延玩遲逾限期則二罪並罰必將伊卽行拏問從重治罪屆時朕另簡派大

欽定平定教匪紀畧

卷三十一

四

員前往不患無人長齡自問當置身何地耶朱勳久任陝西藩司擢任巡撫南山距省甚近饑民乏食滋事致亂有因該撫不能先事豫防迨焚掠肆擾又未能立時剿辦意存招撫其所派招賊之人旋經被賊戕害辦理種種不妥亦與溫承惠長齡無異今且不加懲處姑令戴罪自贖著將應需軍火糧餉不准糜費妥爲經理並督辦地方防堵事

宜如果糧餉無誤防堵嚴密俾征兵得以迅速剿

捕如期竣事彼時卽不再予恩施尙可賞其前罪

仍留巡撫之任若怠玩貽誤亦必卽予拏問從重

治罪不能寬貸至楊遇春謀勇素著忠君急公此

次辦理滑城叛匪統率勁兵三月之間掃除淨盡

實屬可嘉功成之日朕特加懋賞本令來京陛見

回任因陝省亂民滋事又派令帶領吉林黑龍江

欽定平定教匪紀畧

卷三十一

五

得勝勁兵馳往會剿該提督及所帶官弁兵丁倍

加勞動甚爲屢念該提督務協同長齡等奮勇妥

辦鼓勵將士一鼓蕩平蕩事後除前次晉爵酬庸

外仍再加以賞以獎勲勞但不可以從前隨同

德楞泰辦理蒲大芳一案草率因循姑息從事又

貽後患此事係山內匪徒因乏食肇衅烏合倡亂

惟當一意痛剿俾知震懾兵威久臻寧謐斷勿心

存招撫又墮賊謀著長齡楊遇春朱勳通飭各路將領各就所辦賊股亟剿窮追不稍予賊以暇辦完一股再合兵共剿一股總於一月內全數辦竣朕竚待捷音普施恩賞勉之望之

欽定平定教匪紀畧 卷三十一 吳

欽定平定教匪紀畧卷三十二

正月十九日^巳那彥成奏言查開州東明長垣三州縣均經賊匪往來奔竄焚掠村莊而東長兩縣屢被攻撲城池各地方官於倉猝之際竭力守護並本處紳士捐資雇募壯勇協同捍衛始保無虞均屬踴躍急公未便沒其勞績又總局經理後路軍火糧餉各員冒險轉運毫無貽誤亦應量予甄敘^臣謹擇其尤為出力者繕具清單恭呈

御覽伏候

施恩鼓勵又查奉調赴營之吉林索倫勁旅屢次打仗殺賊實屬奮勇出力現在凱撤官兵內技藝出色者共有一百三十六員名請俟到齊後

飭令軍機大帶領引

見挑在侍衛處及各處差使上行走可資得力至臣
前獲賊匪秦學會一犯訊係曾充頭日本應卽
行正法緣該犯畏法追悔盡將賊情吐露供出
頭目甚多均經卽時拏獲不致多煩兵力可否
仰懇

皇上天恩於無可宥之中寬其一線伏候

訓示遵行再查徐安幗所供伊家屬內尙有後母趙

欽定平定教匪紀畧

卷三十二

二

氏胞叔徐秉成弟徐安幅並九歲之子小五及
姪徐賢俱在滑縣城內等語欽奉

諭旨令臣詳究下落查官兵攻克滑城時先經訊明
首逆各犯住處飭令官兵分投攻剿其徐安幗
家屬係副將張大振於十二日帶兵圍捕因向
該副將詳細詢問據稱徐安幗家屬住居大街
路北鋪房磚樓之上官兵勇力仰攻原想徐安

幗卽在其內嗣聞徐安幗已在東門拏獲餘犯
仍敢抗拒我兵一時忿激舉火焚燒所有該犯

家屬婦女幼孩全行燒斃理合查明覆奏奏入

上命軍機大臣傳諭那彥成曰那彥成奏酌挑吉林

索倫兵留京當差一摺所奏甚屬非是吉林黑龍

江官兵鎗箭精熟朕所素知但留京當差格礙甚

多該官兵各有家室此次奉調出兵不過暫時行

欽定平定教匪紀畧

卷三十二

三

役今戰勝凱旋不令其速歸鄉土又復截留駐京

是何情理况伊等原處必各有產業一旦令其委

而去之獨居京師既無房屋可居又無親戚可靠

種種未便豈可不念及乎現在照每年學圍官兵

之例詢其情願留京者方令留京那彥成奏請將

一百三十餘人統行引見派差斷不准行至所奏

獲犯秦學會供吐賊情尙能詳晰得以指拏賊目

不費兵力可否寬其一線等語秦學曾被獲後供吐賊情不敢隱飾尙知畏法著從寬免其一死發往新疆給額魯特爲奴

上諭內閣曰那彥成奏查明直隸守護城池承辦軍需尤爲出力之官員紳士等請加鼓勵一摺上年直隸開州東明長垣一帶賊匪往來滋擾事起倉猝各該地方官竭力守護城池紳士等捐資練勇

欽定平定教匪紀畧

卷三十一

四

協同捍衛踴躍急公其辦理軍需局務催運後路糧餉各員均無貽誤茲據那彥成擇其尤爲出力者開單具奏加恩著照所請原任遵化直隸州知州李景梅准其留於直隸以原官補用蠡縣知縣俞英世以同知陞用先換頂戴長蘆試用鹽大使徐張瑛以本班儘先補用縣丞顧霖免補本班卽以知縣陞用革職試用知府趙對墀知縣馮鉅降

調知縣那斯璉原任知縣候補縣丞歐聲振俱准其就近捐復原官留於直隸補用六品銜東明縣知縣朱煒以應陞之缺陞用署長垣縣事試用通判周克家以本班儘先補用典史劉世治以縣丞陞用都司陳夢熊把總梁得貴俱著賞戴藍翎守備劉經賞換花翎原任守備陳萬邦准其開復原官候選直隸州知州李鐸捐職布政司經歷沈宏亮理問頓蕪龍候選訓導李棠捐職從九品張融有俱著分發試用以示獎勵

欽定平定教匪紀畧

卷三十一

五

同日那彥成同興奏言竊臣那彥成周歷大名府查辦事竣於本月十四日來至山東曹縣與臣同興會晤面商應辦事宜查前此被賊滋擾之處已全就肅清民情安帖惟間有無業土匪三五成羣夜聚明散鄉民呼爲土薨子乘難民

甫經歸業多有搶竊糧食等事前此直隸清豐一帶拏獲二十餘人東明一帶拏獲三十餘人臣同興亦於曹縣定陶等處拏獲一百餘人均經訊明搶竊是實並非餘匪惟現在賊氛甫淨大兵未撤之時該犯等竟膽敢黑夜糾竊或故意放火乘機搶掠若不嚴加懲辦勢必相率效尤臣等公同商酌將會經放火搶掠在三次以上者爲首之犯卽按軍法梟首示衆其爲從之犯及搶竊一二次爲首者概行發往新疆永遠爲奴若僅止隨衆偷竊並無放火情事者予以枷杖如此分別嚴懲庶匪徒畏懼斂跡並請此後續獲土匪卽按照現擬章程辦理奏入報

聞

正月二十日軒長齡楊遇春朱勳奏言竊照萬

五股匪被剿窮蹙竄入太白老林經總兵吳廷剛派都司党聯陞守備劉藻帶兵六百名跟蹤追剿嗣據探報該匪已竄入盤屋山內臣等計奠吳廷剛祝廷彪之兵尙未趕到當將臣等營中現有之兵一千名派令副將達凌阿叅將丁永安全數帶往辛口峪內星夜前進以期圍剿

茲據達凌阿等稟稱該協等帶領官兵於十二

日酉刻趕至老君嶺探知萬五股匪被党聯陞等窮追連夜東竄該副將查詢道路寬溝口爲該匪必由之路卽於寬溝內兩面分段設伏該副將等於寬溝出口地方帶兵堵剿十三日巳刻該匪果由老林竄入寬溝將近出口地方兩面伏兵盡起該匪等紛紛爬上山梁當被官兵殲斃一百餘名萬五帶領狡悍賊匪三十餘人

衝出寬溝經達凌阿等在溝口堵住鎗箭齊發
立斃賊匪十餘名萬五左腿帶鎗傷二處不能
行走有帶去眼目盤屋縣衙役江貴認識萬五
當卽上前將該犯生擒並擒獲旗手向得勝等
二十餘人餘匪盡行剿除於十四日解送前來
臣等親自提訊供認不諱並調到郿縣素識萬
五之孫得發吳鑑等認明屬實所有該犯供詞

欽定平定教匪紀畧

卷三十二

八

另繕清單恭呈

御覽其吳抓抓股匪於初七日竄至黑河鐵爐川該
汛把總楊吉春帶兵赴卡督同義勇防堵賊匪
分股遶過卡隘將把總衙署焚燒由後兩面直
撲卡隘正在危急之際經副將何占鰲鳳縣知
縣劉國柱帶領兵勇趕至殺賊五十餘人殺斃
偽先鋒雷光廷一名拏捉活賊四十二名奪獲

欽定平定教匪紀畧

卷三十二

九

過山鳥四桿並有賊匪劉文富楊棒奔投前來
據供此股賊首吳抓抓已往隴州現係王天凱
爲首已被伊二人殺斃訊之活賊供稱無異該
副將等將劉文富楊棒二人各賞銀牌暫留該
營指認首逆該股匪內現係吳奇譚貴爲首業
已分成兩股一股竄往鳳縣搭壩河一股竄往
沔縣屬之茅壩地方臣等前已飛催將軍賽沖
阿帶兵趕赴沔縣杜其入川之路昨接該將軍
來信已於初八日自廣元帶兵前往日內必已
先到沔縣該匪等諒不致竄入川境至河南凱
撤官兵三千名頭二起固原兵一千名於十二
日已至寶雞臣楊遇春卽帶領步隊先赴隴州
剿辦麻大旗劉二股匪計頭起吉林索倫馬隊
二百名於十四五日亦可趕至臣楊遇春軍營

後起河州兵一千名西安鎮標兵一千名於初
十一等日到營吉林索倫馬隊四百名亦於
十二十三等日到營現派楊芳帶領西安鎮兵
一千名河州兵五百名吉林索倫馬隊二百名
同副都統銜達斯呼爾岱前赴沔縣一帶自南
而北會同賽沖阿剿辦黑河之賊臣長齡所調
寧夏兵一千五百名河州兵五百名均於初七

欽定平定教匪紀畧

卷三十二

十一

八日已到秦州即可就近與臣楊遇春分路夾
擊臣等營中留河州兵五百名靖遠兵一百名
並臣朱勳前調撫鎮標兵四百名現今達凌阿
等帶領剿辦峪內賊匪此時大兵業已到齊分
撥剿辦自可剋期完結至尤九陳四股匪一千
餘人竄至盤屋縣之虎豹河地方今萬五股匪
業已殲除臣等即令吳廷剛專辦此股賊匪吳

廷剛未到之先飭令達凌阿等探蹤剿辦總兵
祝廷彪仍令前赴東路專顧寧陝石泉一帶完
善之區即就近搜捕餘匪查三才峽起事匪徒
係楊二萬五爲首復分出麻大旗劉二龔貴吳
抓抓尤九陳四向小一龍正光譚貴吳奇傅老
八等匪分路裹脅各有七八百人至千餘人不
等四出滋擾今被官兵連次痛剿楊二先經投

欽定平定教匪紀畧

卷三十二

十二

出復被陳四殺死今復將萬五生擒賊鋒已挫
臣等當將萬五臠割派令守備盧亨特將該犯
首級持往三才峽懸掛示衆至生擒之向得勝
等二十一名並安康縣知縣呂朝選帶領義勇
所獲萬五股內逃出之賊匪曾明得等七十八
名臣等訊明實係正賊均卽正法所有鐵鑪川
陣亡兵丁俟查明咨部辦理查萬五股匪月餘

以來係吳廷剛竭力剿辦始能完竣理合據實
奏

開奏入

上命軍機大臣傳諭長齡楊遇春朱勳曰萬五一犯
係起事首逆今經官兵擒獲剴示眾餘黨自皆
畏懾著將該逆首級傳示南山各處俾眾聞知以
寒賊膽而壯軍聲現在各路凱撤官兵及吉林黑

欽定平定教匪紀畧

卷三十一

十一

龍江勁旅均已先後到齊長齡等分撥已定再遵
照前旨飭知各路領兵鎮將等趁此兵威壯盛之
時各將所辦股匪奮力追剿毋稍予賊以暇辦竣
一股卽合併兵力再辦一股總必於二月內一律
剿捕淨盡毋稍遲延並一面安撫良民勿令再有
裹脅爲要

上諭內閣曰上年冬間據陝西巡撫朱勳奏稱岐山

縣三才峽地方有饑民聚眾滋事之案查係萬五
爲首該逆等因木商停止工作無處傭工輒敢糾
人焚掠不法已極當派長齡楊遇春前往督辦本

日據長齡等奏稱萬五股匪經吳廷剛帶兵連次
追剿殲獲匪黨多名該逆窮蹙奔潰由太白老林
竄入盤屋山內長齡等復派副將達凌阿叅將丁
永安帶兵協剿於山內設伏以待該逆竄出寬溝

欽定平定教匪紀畧

卷三十一

十一

伏兵鎗箭齊發該逆身帶鎗傷經眼目縣役江貴
認明擒獲餘匪剿除淨盡等語萬五一犯乘機倡
亂實爲首惡茲經官兵臨陣生擒餘黨悉數殄除
一月以來均係吳廷剛奮力追剿不予以暇該逆
無路奔逃故得迅速成擒吳廷剛著加恩交部照
軍功例從優議敘達凌阿丁永安探蹤設伏能將
首逆生致實屬奮勉達凌阿著加恩賞加總兵銜

丁永安著加恩賞加副將銜仍交部照軍功例從優議敘其縣役江貴著賞給八品頂戴入伍以外委卽補以示獎勵

正月二十一日癸勒保等奏言上年十二月內托津那彥成奏籌議善後事宜七條又本年正月復據那彥成奏添設官兵籌撥糧餉一摺並續奏善後事宜五條均經欽奉

欽定平定教匪紀畧

卷三十一

十四

諭旨交臣等議奏臣等按其所奏歸併會議列爲六款分別准駁恭候

聖裁一三省添改營制兵額一欸查各省設兵立制邊省兵多腹省兵少其就一省內設兵則險要處兵密平曠處兵稀三省之中河南最爲腹地山東東濱大海直隸北倚邊東濱海西自居庸至固關一帶亦係重邊是以三省兵數河南爲

少東省次少直隸爲多而直隸正大廣順之間置兵亦不如東西北三面之密現查正定鎮本標及所屬各協營共轄兵五千八百餘名河北鎮共轄兵五千一百餘名兗州鎮共轄兵七千五百餘名又直隸督標河南撫標山東河標之兵亦復相距密邇聲氣相聯足資控馭不得以

欽定平定教匪紀畧

卷三十一

十五

亂民偶爾滋事遽議營制之疎今若於直隸添一提督改鎮爲提改協爲鎮營制旣更則一提一鎮以下參遊都守千把等添設多員就別營抽撥勢必不敷若三省同時添兵一萬二千名核計俸廉糧餉馬乾公費等項每歲糜帑不下三十萬均係常川動支之項日久恐難爲繼所有托津等所奏增設提鎮及那彥成所奏添設額兵之處應毋庸議提鎮旣無新設那彥成所

請以馬瑜徐銀二員酌調之處亦毋庸議至直隸開州東明長垣河南濬縣滑縣移駐弁兵一節查開州原設有守備營東明境內之杜勝地方原設有都司營惟長垣濬滑向未設營現當匪徒甫竣之後應交該督撫酌看該三縣情形如必須添駐弁兵以資彈壓即各於本省稍簡營分內酌量抽撥移駐奏明辦理其滑縣所屬道口鎮前經那彥成奏准撥駐把總一員應仍令於就近營分內派駐一吉林黑龍江官兵駐京一欵查吉林黑龍江兩處俗尚淳樸且以射獵為事弓馬嫻熟勇於戰陣誠為勁旅若如所請令其更番駐京不特往返疲煩且恐逸居日久湔染華靡轉致忘其故俗現在在京八旗官兵屢奉

欽定平定教匪紀畧

卷三十二

六

諭旨實力訓練各旗營大臣誠能認真教演俾於紀律技藝通曉服習人人有勇知方即人人可成精銳其吉林黑龍江官兵調撥駐京事多格礙所奏應毋庸議一編查保甲收繳軍器一欵查各省編查保甲屢奉諭旨令地方官實力奉行直隸豫東三省當匪徒甫竣之後尤當藉此除莠安良豈得視為具文至近賊各路鄉民團練自衛此時賊氛盡熄器械自應繳回入官其原係自製者酌給價值皆係地方官應辦之事應請旨勅下三省督撫轉飭各州縣實心經理倘有查辦不力以及藉端擾累者即據實奏一酌調直隸營員一欵查將領全在謀勇其在軍營不能得力者必其無約束之才勇敢之氣似此豈能

欽定平定教匪紀畧

卷三十二

七

責以訓練士卒留於直隸既不可用調往陝甘
恐亦非宜那彥成身係直隸總督其所屬將備
中既確見爲不能得力應卽請

旨飭交那彥成嚴加甄別以肅軍政一安設塘汛堆
卡一欸查大道設有墩鋪原以詰盜賊而衛商
旅開州迤南至東明長垣迤北至清豐南樂此
五州縣營汛皆係大名協所屬應卽責成該協

欽定平定教匪紀畧

卷三十二

六

大加整頓並令正定鎮隨時稽察其營房墩臺
本有興修例限如坍塌朽壞應令會同地方官
確勘分別著賠動項修整其相離較遠之處卽
可於修換時酌移適均處所不必特行添設以
省糜費至酌派弁兵於交界要隘稽查盤詰正
此時大兵初撤應行相度布置之事應如所奏
辦理仍交該督等察看情形俟民情寧謐卽行

停撤一查辦逆產絕產一欸先經奉

旨確實查明以爲安插無業難民之用現在長垣等
處難民俱蒙

恩旨撫卹口糧其有業者漸可自謀生計至無業難
民安插最爲難事此項逆產絕產雖屬無多然
散之窮民多沾一分卽受一分之惠若召佃耕
種官收租息租輕則於常賦之外無多裨益租

欽定平定教匪紀畧

卷三十二

五

重則農民困苦加以官侵吏削積久必多逃亡
荒廢現在正定既不設提標其所請佃種辦公
之用應毋庸議仍請遵照前奉

諭旨詳細查明頃畝或給地或變價就所有數目均
勻分給無業難民之尤困者並交該督嚴飭地
方官實心經理以上六欸臣等謹悉心酌議伏
候

訓示奏入

上諭內閣曰勒保等奏會議托津那彥成酌籌軍務善後事宜一摺所議俱是直省營伍各就地方形勢建設腹地駐兵少於邊隘舊制本極詳明直隸豫東三省原設額兵足資控馭不得因秀民偶爾滋事遽議增添况國家經費有常每年增餉三十萬兩亦非易事豈可不計及久遠至開州等處匪

欽定平定教匪紀畧

卷三十二

三

徒甫靖有須移駐弁兵之處著卽由該省各營酌量抽撥其吉林黑龍江官兵更番駐京操防事多窒礙昨那彥成續行奏請復經降旨訓飭現在各省編查保甲實爲除秀安良要務其收繳練勇器械並安設塘汛堆卡酌添弁兵盤詰奸宄各事宜惟在該督撫實力奉行自足以收成效那彥成現任直隸總督該省營務正資整頓若將不能得力

之員與陝甘將備對調其在直隸旣不可用豈謂往陝甘卽可姑容那彥成在任伊始無所廻護者卽嚴行甄別以肅軍紀其長垣等處兵燹之後無業難民尤應加意撫卹該處逆產絕產著卽飭屬查明項畝贖給窮民勿任官吏侵欺又滋弊竇

正月二十二日岬長齡楊遇春朱勳奏言河南凱撤官兵於初十日以後陸續到營當將分路

欽定平定教匪紀畧

卷三十二

三

進發並派總兵祝廷彪前赴東路專顧寧陝石泉一帶搜捕餘匪情形恭摺
奏明在案茲於十六日據洋縣知縣王元亮稟稱現在漢江水涸本月十二日巳刻有賊匪男婦一千數百人竄至金溜子地方將守卡義勇殺斃屢淺過江等語臣等查此股卽係萬五股內在袁家庄剿散之零匪三百餘人吳廷剛等因

專辦萬五股匪未能分兵至十四日接據洋縣稟報秧田壩有男婦賊匪一千餘人女兒壩有男婦賊匪四百餘人因無官兵追剿以致裹脅日衆臣等卽派祝廷彪前往搜捕不意該匪於祝廷彪未到之先已躡淺渡江實爲可恨本日又據洋縣稟報該匪等於十三日尙在該處游奕將軍賽冲阿十三日可抵沔縣臣等已飛催楊芳祝廷彪趕緊前往漢南查沔縣洋縣距臣等軍營一千數百里洋縣距沔縣二百數十里臣等已飛致將軍賽冲阿囑將派往漢南官兵就近調遣棧西零匪有一股竄近徽縣現有總兵游棟雲泰將馬成帶兵在彼堵剿臣楊遇春現在棧西剿辦麻大旗等股匪卽可就近調遣臣長齡等督率吳廷剛等將蓋屋峪內尤九陳

四股匪趕緊辦完後卽帶領督標後起官兵並吳廷剛等趕赴西路與臣楊遇春彼此知會併力合剿同日賽冲阿奏言竊臣於正月初三日馳抵保寧籌辦川北邊防卽帶兵赴陝並催齊各標官兵二千名兼程前進途次接據陝甘督臣長齡撫臣朱勳來信內稱隴貴吳抓抓二股雖有竄入黑河之勢仍時出棧道滋擾屬臣暫紮沔縣弗卽深入黑河以杜其南竄之路並派總兵楊芳帶領馬步官兵二千名趕赴沔縣歸併臣一路至洋縣匪徒已派總兵祝廷彪前往剿捕等語臣於十四日至沔縣又接據洋縣知縣王元亮稟稱該縣窟窩子地方匪徒往來裹脅衆至二千有餘分擾茅坪焚燬汛署勢甚猖獗於十

二日戕斃金溜子守卡義勇躡渡漢江竄至南岸八寶臺地方查該匪竄過漢江逼近川境與通南巴太等處在在昆連路雜山多人情浮動自宜將川省完善之區先行顧住然後次第剿辦現在祝廷彪之兵尙未趕到臣不敢拘泥前議即日帶兵向八寶臺一路進剿務期迅就掃除再辦龔貴吳抓抓等匪惟臣移兵洋縣則沔縣一路未免空虛因就近檄調寧羌營遊擊林向榮帶領寧羌陽平二營弁兵五百名在大安驛隘口駐紮一面飛飭楊芳迅即馳赴沔縣扼住東南相機剿辦黑河之賊至於川北邊防仰蒙

諭旨令提臣多隆武暫駐川北督率防堵

睿慮周詳無微不至臣等實深欽服提臣多隆武業

欽定平定教匪紀畧

卷三十二

五

於十二日行抵寧羌州之滴水鋪與臣途次相遇臣已將川北地勢賊情防守機宜詳晰告知多隆武即晝夜馳往不日可抵廣元臣現將匪徒竄過漢江情形飛咨提臣並飭總兵桂涵副將羅思舉加緊防範以堵為剿再查桂涵原帶兵七百名羅思舉帶兵六百名分路巡哨昨據督臣常明咨稱又添派兵一千二百名是川邊兵力足資防堵臣帶兵趕往剿捕兩面夾擊當可剋期蕙事不致再有蔓延至隴州股匪現有提臣楊遇春率兵剿辦自能顧住甘境弗使闖入均奏入

上命軍機大臣傳諭長齡楊遇春朱勳曰長齡等奏洋縣竄匪躡淺過江分別督辦一摺此股竄渡漢江之賊同日據賽冲阿奏到該將軍行抵沔縣因

欽定平定教匪紀畧

卷三十二

五

聞該匪等渡江竄至八寶臺卽移兵洋縣先辦此股竄匪其沔縣黑河之賊已派寧羌遊擊林向榮帶領寧羌陽平弁兵五百名在彼堵剿已降旨令賽冲阿督同楊芳祝廷彪先將渡江之賊剿捕完竣再移兵會剿他股並令多隆武督率桂涵羅思舉嚴防黑河之賊南竄其麻大旗一股賊匪人數不少著楊遇春迅速追剿併就近督辦竄近椒縣

欽定平定教匪紀畧

卷三十二

三

零匪至蓋屋峪內尤九陳四股匪著長齡督率吳廷剛等趕緊辦竣察看何路兵單卽馳往會合力追剿此次賊衆多係山內匪徒其意總欲四出亂竄分我兵力我兵總當注成股之賊痛剿窮追使其無裹脅之暇無掠食之資方能迅速掃除長齡等務勉力速辦勿稍遲延現在楊遇春分路剿賊距長齡軍營較遠如得有勝仗剿竣一股卽

先自行由六百里具奏俟與長齡合兵再行會銜上又命軍機大臣傳諭賽冲阿多隆武曰賽冲阿奏帶兵行抵沔縣據報洋縣股匪竄過漢江移兵就近剿辦緣由一摺此股竄渡漢江之賊據長齡等同日奏到卽係萬五股內零匪經長齡派祝廷彪追剿不意該匪於祝廷彪未到之先已躡淺過江

欽定平定教匪紀畧

卷三十二

三

該處逼近川境與通江南江巴州太平等處在在毘連山徑叢雜現在該匪沿途裹脅已有二千餘人川北完善之區亟須加意防護賽冲阿本在沔縣地方剿辦龔貴吳抓抓二股竄入黑河之賊今聞該匪渡江之信卽移兵洋縣先剿此股賊匪所辦甚合機宜此時楊芳祝廷彪均已帶兵馳赴漢南一帶該將軍正可會同陝省官兵將洋縣一股賊匪奮力剿捕務就地殄除淨盡不可令其再行

竄逸擾及完善之區俟此股辦竣之後如黑河等處賊匪尙未剿淨再當移兵剿辦洋縣一帶距長齡等駐營之處較遠該將軍得有勝仗卽自行由六百里馳奏無庸會銜至川北防守一節尤關緊要現在沔縣一路兵備空虛著多隆武督同桂涵羅思舉分路巡防以堵爲剿并多派弁兵偵探設龔貴吳抓抓股匪竄至邊境或賽沖阿追剿之賊

欽定平定教匪紀畧

卷三十二

五

又復南竄卽帶兵迎頭堵截以收兩面夾擊之效勿使稍有蔓延闖入川境

上又命軍機大臣傳諭馬慧裕吉林泰富斌曰本日據長齡賽沖阿等奏賽沖阿因探剿黑河之賊行抵沔縣探聞萬五分出零匪由洋縣躡淺渡江裹脅共有二千餘人竄至八寶臺該將軍已帶兵先往剿辦等語洋縣地界與川北毘連該匪現向東

南奔突有賽沖阿馳往堵截倘賊匪被剿情急折竄而東則係陝西興安府地界再由興安而東則與楚省二竹接壤山境叢雜到處可通亦不可不先事預防著馬慧裕吉林泰卽傳知鄖陽鎮總兵富斌多派弁兵於邊界偵探如賊匪有竄近楚境之信卽帶兵迎頭堵剿勿使一名闖入境內

欽定平定教匪紀畧

卷三十二

五

上諭內閣曰上年審辦林清逆案經軍機大臣會同刑部將緝獲案犯鞫訊定擬分別情罪最重大重奏明辦理此等梟獍之徒糾謀倡亂覆載不容必當盡法處治以快人心但人數衆多其實係鄉愚無知被誘脅從者亦所不免一經預知逆謀不得按律懲辦朕每於無可寬宥之中求其有一線可原者量爲改減自去年九月以後節次審辦已二百餘犯本年正月十二日又辦理牛亮臣馮克

善等犯仍在立春以前現當春陽應候宜乘時布澤以迓祥和著傳諭軍機大臣刑部堂官自立春以後審擬各逆犯如祝現劉第五劉呈祥支進才董伯旺劉成章等仍按律寸磔以彰國憲其餘情節最重者問擬凌遲情節次重者即改爲斬決情節又次重者即改爲斬監候分別定擬具奏軍機大臣等務斟酌情罪重輕詳慎定讞以副朕矜卹刑獄法外施仁之意

欽定平定教匪紀畧

卷三十二

三

正月二十三日配方受疇奏言欽奉

諭旨飭拏馮克善供出滑縣尙村居住之郭老殿一犯查馮克善所供郭老殿曾任教職如果實有其人斷難諱匿當即分委幹員馳赴滑縣及南陽府密拏今據該府縣及委員等在於滑縣尙村及其餘各村莊遍查並無曾任夏邑縣教官

郭老殿其人檢查臣與藩司衙門歷年各官任事冊檔並咨查學政衙門歷任夏邑縣教諭訓導均無籍隸滑縣之郭姓至飭拏之馬三元一犯南陽府地方查無太平坡地名其南陽縣境內太平莊二處業已挨查並無馬姓鄧州所轄之太平里雖有馬姓而無馬三元其人該處亦無傳習邪教之事奏入報

欽定平定教匪紀畧

卷三十二

三

聞

正月二十四日丙同興奏言竊查東省辦理逆匪一案文武同心實屬人人感奮志切同仇所有打仗出力武職仰蒙

聖恩逾格優獎而在事文員更覺爭先踴躍早夜辛勤實屬始終不懈茲臣於衆員中詳加甄核謹擇其隨營最久勞績較多者分別註明繕列清

單據實

奏請可否仰懇

鴻慈俯加鼓勵此外尙有較次出力之實缺候補正

佐雜職應請量予議敘及儘先補用文員容

確查咨部分別辦理

同興又奏言竊照東省因公叅革知縣唐縉良

等五員自上年九月軍興以來自備資斧投効

欽定平定教匪紀畧

卷三十二

三

隨營 臣當因事生倉猝在在戒嚴現任正印各

官未便多爲派帶而差委緊要事件又非曾經

歷練之員不堪任使因卽准留分別差遣數月

以來該員等承辦事件均能盡心出力始終奮

勉 臣核其被議原案均屬因公今該員等隨營

出力著有微勞可否仰懇

皇上格外

恩施之處出自

聖裁謹繕具各員事由清單恭呈

御覽再查藩司朱錫爵自軍興以來總理錢糧督辦

軍需一切均極周備 臣帶兵在外省署事件該

司代理俱無貽悞又臬司劉大懿於上年初獲

逆匪時督率府縣實心究審九月十四日接據

同知吳堦密稟有匪徒欲在省城劫獄滋事劉

欽定平定教匪紀畧

卷三十二

三

大懿會同朱錫爵料理守禦並巡查城監晝夜

辛勤不辭勞瘁省城得保安堵查朱錫爵劉大

懿係兩司大員表率通省受

恩至重理應事事奮勉惟該司等此次勤勞實屬始

終未懈可否並懇

天恩賞戴花翎之處出自

聖慈奏入

上諭內閣曰同興保奏東省辦理逆匪案內出力各
文員並投効出力各員懇請加恩各摺東省自軍
興以來各該員隨營辦事均屬奮勉著加恩照該
撫所請青州府同知武隆阿濟南府同知章埏曹
州府同知吳培俱賞戴花翎泰安府通判慶福安
邱縣知縣呂紹賢曹縣知縣張正勳候選知縣劉
廷榛鹽運司經歷舒春滕縣縣丞馮策俱賞戴藍
翎荷澤縣知縣葉肇柵單縣知縣藍嘉言俱賞加
知州銜捐陞同知候補知縣宋鑑著留於東省卽
以同知補用東昌府經歷李俊文滋陽縣縣丞王
仲樹曹縣縣丞張燾蒲臺批驗所大使錢勳候補
主簿孫鑑遇有應陞缺出卽行陞用候補同知金
章王士芳候補通判名祿候補知縣王有熙張恒
遇有各本班缺出不論繁簡卽行補用候選知縣

欽定平定教匪紀畧

卷三十二

三

袁汝湘王有慶俱歸部儘先選用投効從九品黃
炳鄭文樞周樹本未入流安瀾俱免捐分發留於
山東卽以本職補用捐職從九品張祿卿以本職
留於山東卽行補用其叅革知縣鹿慎思唐縉良
童俊德俱准其開復留於山東仍以知縣補用在
東充徒之叅革知縣周承寬准其贖罪捐復原任
廣東知縣捐陞卽用同知沈寶善准其照案開復
卽由東省給咨送部引見至藩司朱錫爵辦理軍
需及省署事件臬司劉大懿審辦逆案會同藩司
守禦省城懇恩賞戴花翎所奏不准行朱錫爵劉
大懿並未在軍營出力其在省辦公皆係分內之
事該司等於所屬地方匪徒傳教滋事失於覺察
本有應得之咎茲從寬不加懲處念其經理一切
尙爲妥協著加恩交部議敘

欽定平定教匪紀畧

卷三十二

三

是日同興奏言竊臣節次奉

旨發交應緝各犯名單均經欽遵飭屬上緊嚴拏前

據署德州知州徐霖莘縣知縣胡朝倫將單內

所開之劉元姜雪崖姜黑兒姜磨兒葛文智劉

銀及應質之姜玉柱姜玉衡並夏之禮靳希盛

等先後拏獲其唐鬍子供出之要犯劉王訓查

係直隸曲周縣人據署臨清州知州周林會營

欽定平定教匪紀畧

卷三十二

奏

密行馳往查拏亦已獲案並獲其子劉九苞劉

九朝劉九思並起獲刀鎗器械十數件又應緝

之陸貴一犯已自赴德州投質現在飭提俟訊

明確供再行奏

聞分別辦理至宋玉林前在京供出有靳三及其子

靳希盛居住莘縣靳家堤口亦習離卦教係東

昌府郟姓徒弟查靳希盛業經拏獲解京所供

郟姓卽崔士俊案內究出之高繼遠前據該犯

供明原籍河南商邱縣世習離卦教伊父行五

兄弟五人郟四幼殤郟大部二郟三均因習教

破案正法郟二有子郟鞏亦因習教發遣伊父

郟五監斃郟三亦有一子郟道遠卽郟添麟因

屢次犯案於乾隆五十二年間遷居山東聊城

縣東關外改高姓傳徒靳清和卽靳清洪等迨

欽定平定教匪紀畧

卷三十二

奏

郟道遠病故卽高繼遠接傳教首其高繼遠靳

清和與徐安峒之徒高玉爪卽高毓藻均早經

拏獲解省於上年九月內定擬具

奏業俱正法又據莘縣知縣胡朝倫稟報親至靳

家堤口確查靳三卽已正法之靳清和屬實並

無另有靳三其人又應緝之賊匪羅文志卽羅

文治前拏獲匪犯朱輝周等供明於十月初十

日在直境焦家樓已被鄉勇殲斃事屬有據奏
入報

聞

正月二十五日訂勒保等奏言竊照山海關副
都統額勒金布於盤獲各犯任聽屬員刑逼誘
供草率具

奏欽奉

欽定平定教匪紀畧

卷三十二

三

諭旨交部議處來京聽候部議臣等酌議請將前任

山海關副都統額勒金布照問刑官員不虛心

研鞫刑逼妄供率據核轉之司道降三級調用

例降三級調用毋庸查級議抵奏入

上諭內閣曰兵部奏議處山海關副都統額勒金布

一摺上年節次據額勒金布奏盤獲匪犯各案俱

稱有謀逆重情出入山海關送信糾人及解京交

軍機大臣會同刑部審訊惟李得水一犯雖無送

信糾人謀逆情事曾在長垣隨同搶劫尚係有罪

之人其餘各案皆由刑逼勒供全屬虛枉額勒金

布任聽所屬之人妄拏故勘並未親自覆審率以

糾眾謀逆重情張皇入告以致拖斃無辜至六命

之多僅照部議降三級調用尚覺過輕額勒金布

著革去副都統賞給藍翎侍衛自備資斧前往英

欽定平定教匪紀畧

卷三十二

三

吉沙爾換回彥濟保伊過京之日不准請訓即行

起程

正月二十六日子戌

上諭內閣曰本日那彥成來京復命並陳自滑縣凱

撤經過直隸山東沿途地方民情極為寧謐上年

河南滑濟等處逆匪滋事特命那彥成由陝甘馳

赴豫省授以欽差大臣關防總統師干經朕疊加

訓飭那彥成感奮自効連奏克捷兇渠授首逆黨
悉除辦理迅速完善那彥成克副委任深堪嘉獎
伊係阿桂之孫亦由平日習聞祖訓勉紹家聲故
能宣力效猷懋膺爵賞茲追念舊勲著於本月二
十九日在阿桂墓次賜祭一壇著禮恩前往奠酒
用示朕眷舊酬庸恩意

欽定平定教匪紀畧

卷三十二

四

欽定平定教匪紀畧卷三十三



正月二十七日_臣長齡楊遇春朱勲奏言竊
楊遇春馳赴隴州剿辦麻大旗等股匪於十七
日趕抵胡家堡探知賊匪二千七八百人竄至
桃花坪距胡家堡二十餘里恐其聞信奔逃隨
連夜進兵_臣楊遇春即同總兵游棟雲率領奮
勇官兵在前侍衛諾木齊蘇倫保藍翎侍衛札
玉善副將銜齊慎都司趙起貴胡超等帶領馬
步兵丁隨後接應行抵桃花坪賊已起竄_臣楊
遇春查看賊營火種尙燃料其去蹤不遠隨督
兵趕緊催追十餘里沿途殺賊一百餘名捉獲
活賊訊知該匪夥內前次分出之李大旗楊小
一一股二千餘人因聞官兵踵至現折回栢楊
嶺與麻大旗劉二等合夥希圖抗拒因思賊衆

欽定平定教匪紀畧

卷三十三

合爲一處正可聚而殲除臣楊遇春親督鎮將
趕緊前進於五更時進至栢楊嶺該處兩山夾
峙近傍老林中間有路一條嶺下有木瓦房八
九十間兩股賊匪於嶺上分屯臣楊遇春同總
兵游棟雲親督官兵併力仰攻詎該匪恃其人
衆向下齊撲我兵間有受傷官兵人人切齒奮
力相抵殺賊二百餘人賊始少怯退至場後嶺
上仍敢聚衆在山口施放鎗礮拚命抵敵時天
色漸曉臣楊遇春令總兵游棟雲守備孫光烈
候補守備李萬餘帶寧夏步隊從右手山梁抄
進派遊擊李士林陳喜劉發恒都司劉夢龍帶
固原步隊從左手山梁抄進侍衛諾木齊蘇倫
保佐領巴圖魯托隆武薩寧阿叅領德慶都司
劉鳳翥候補守備段永福分帶馬隊亦分兩路

進攻臣楊遇春親帶副將銜齊慎候補守備饒
成富守備陳貴單烟唐大德帶領奮勇官兵由
中路直前仰撲該匪等仍敢放鎗擲石不肯稍
退見賊目二人頭戴水晶頂帽在前持矛督匪
抗拒卽係首逆麻大旗劉二經都司趙起貴胡
超帶同外委劉延清甯由臣馬雄馬兵杜天輝
石生玉劉章徐彪首先搶上將該匪二人立時
用矛戳斃賊衆驚潰我兵一擁而上沿山壓殺
賊匪紛紛向嶺後奔竄官兵盡力追剿殲斃賊
匪一千七百餘名均割取耳記生擒賊中大旗
頭目張萬興屈貴陳大明馬榮昌龍得光等五
名小旗先鋒七十餘名亦卽梟首搶獲騾馬七
百八十餘匹大小礮十一位烏鎗三十八桿長
矛一千九百餘桿大小旗五十一面擒獲活賊

八百三十五名又於老林內搜獲餘匪六百餘名訊據供稱麻大旗劉二在前與官兵抵敵被矛子戳斃李大旗楊小一亦被官兵殺死即令指認李大旗楊小一首級質之眾匪皆稱屬實

臣楊遇春即將該逆等首級於栢楊嶺桃花坪胡家堡懸示所獲各匪除被裹旬日以內並未持械傷人有平民願保者即予保釋其餘從賊

欽定平定教匪紀畧

卷三十三

四

既久均即立予正法查麻大旗股匪三千數百人忽分忽合最為兇狡今仰仗

皇上天威一經接仗首逆盡行殲斃餘匪無一漏網

現在隴州寶雞一路肅清至總兵吳廷剛祝廷彪專剿尤九陳四一股此股賊匪人數亦多茲據探報該鎮等於十二日行抵寧陝屬之木瓜園距賊不遠乘夜冒雪直抵賊營殺斃一百餘

名復四面圍攻殺斃五六百名生擒偽元帥尹朝貴大旗手劉功等十六名活捉男婦四百餘名割取耳記一百三十八副奪獲器械無數其剿散賊匪千餘名分作兩起向東逃竄復經叅將張起鰲趕至黃草坪地方殺斃三百餘名餘匪仍連夜逃竄於十八日逃至鎮安寧陝交界

臣等查祝廷彪現已馳赴西鄉隨同將軍賽冲阿剿辦前次過江賊匪吳廷剛自必跟追此股東竄之賊惟商州鎮安一帶無兵攔截該處路通楚豫倘賊匪連夜窮奔所關非細臣等已將營中現有之河州兵一千名令總兵馬元全數帶領星夜馳赴商州山陽一帶截剿如將此股賊匪辦竣即留該鎮在寧陝一路專顧東面以防零匪竄逸再查各股匪徒一經見仗即分投

欽定平定教匪紀畧

卷三十三

五

四竄若兵力不敷分剿又致到處裹脅惟有厚集兵力每遇股匪即可分布圍剿卽或間有竄逸亦可分兵追捕現在臣營中之兵已全數派出惟有仰懇

皇上天恩將後起凱撤官兵二千名賞給臣長齡帶領入山相機剿辦務期迅速肅事仰懇

聖廡

欽定平定教匪紀畧

卷三十三

六

長齡朱勳奏言伏查現在匪徒均係烏合之衆兵力既集不日卽可殲除至軍需浮冒必須先將實力不能實銷者開報立案歸於攤捐以杜浮銷灑銷之弊此次軍需除鹽價夫價馬乾例准報銷各款均照額勒登保奏定章程支給外所有各州縣稟報安設義勇擇其實在緊要者始行批准其隨征義勇口糧及鼓勵兵勇賞需

銀兩飭令局員另記檔案將來事竣之後據實

奏明於本省攤捐歸款不入報銷如此辦理則

冒銷灑銷之弊不禁自絕再隨征官兵應支餉

銀均已照經畧額勒登保奏定章程支放惟留

防峪口之滿兵五百名漢兵五百名如剿賊之

日自應照征兵給予分例其防禦之日定例每

日只支口糧米八合三勺不給鹽菜查該兵丁

欽定平定教匪紀畧

卷三十三

七

等每日蔬菜柴薪之資在所必需可否仰懇

皇上天恩俯照畧直隸督臣章煦奏定章程以奉

旨之日爲始每兵每日支給柴薪銀三分之二處伏祈

訓示至甘省秦階一帶征防之兵亦請照臣等現奏

章程一體支給均奏入

上命軍機大臣傳諭長齡楊遇春朱勳日長齡等奏

剿淨麻大旗等股匪寶隴肅清其尤九陳四一股

經吳廷剛等追至寧陝地方冒雪進攻殲擒七百餘名並生擒偽元帥尹朝貴等嗣賊匪分起東竄又經叅將張起鰲剿斃三百餘人賊勢已就衰敗惟此股餘匪現復逃至鎮安寧陝交界地方該處路通楚豫亟須併力攔截長齡已派馬元帶兵一千名赴商州一帶截剿尙恐兵力不敷現在後起凱撤官兵二千名過陝著卽交長齡截留協剿長

欽定平定教匪紀畧

卷三十三

八

齡並可於此內酌撥數百名飭知帶兵將領就近取道趕赴馬元一路幫同堵截卽將竄匪就地剿盡勿令竄近豫境爲要再楊遇春現已將麻大旗等一股賊匪辦竣其吳孤孤龔貴股匪竄至沔縣黑河一帶滋擾賽沖阿移兵洋縣以後僅派遊擊林向榮帶兵五百名堵邊兵力太單恐該匪等四出裹脅人數漸增楊遇春由寶隴一帶前赴沔縣

甚近著卽帶領勝兵探明吳孤孤龔貴二逆現在屯聚何處卽星馳趕赴先將此股賊匪悉數剿除毋令旁竄刻下萬五麻大旗大股賊匪俱已殄滅所餘皆分股散竄之賊長齡務遵照原定限期於前二月內一律辦竣必當加以懋賞該督等不可不勉之又勉也

欽定平定教匪紀畧

卷三十三

九

上又命軍機大臣傳諭方受疇呢瑪善日長齡等奏吳廷剛所辦尤九陳四一股餘匪連夜東竄於十八日逃至鎮安寧陝交界現派馬元帶兵一千名馳赴商州山陽一帶截剿等語陝省商州山陽一帶與豫省西界毘連賊匪現在東竄呢瑪善係南陽鎮總兵豫陝交界地方正其所轄著卽行挑帶勁兵一千名星夜馳赴該處紮營防堵一面多派弁兵偵探倘賊匪有竄近之信卽迎頭截剿與馬

元等併力夾擊以剿爲堵無庸深入陝境總當緊
顧本省邊防勿任賊匪一名闖入豫境爲要

上諭內閣曰長齡等奏剿辦麻大旗劉二股匪首夥
全行殲斃寶隴一帶肅清一摺麻大旗劉二股匪
前由南山竄至隴州等處糾衆至三千數百人經
楊遇春帶兵剿辦茲據奏稱官兵趕至桃花坪營
卽殺賊一百餘名訊知該匪夥內尙有前次分出

欽定平定教匪紀畧

卷三十三

十

之李大旗楊小一另股二千人亦來合夥官兵追
至栢楊嶺地方該處兩山夾峙依傍老林賊衆分
屯嶺上經楊遇春同總兵游棟雲督率官兵奮力
仰攻殺斃二百餘人賊始稍退我兵馬隊步隊各
分兩路抄上左右山梁進攻楊遇春親自督兵由
中路仰撲賊首麻大旗劉二在前抗拒經都司趙
起貴等首先搶上立時斃斃賊衆驚潰官兵乘勝

追剿殲賊一千七百餘名擒獲一千五百餘名並
將李大旗楊小一臨陣殲斃生擒大小頭目僞先
鋒多名搶獲騾馬礮械無數此股賊匪首夥三千
數百人盡數殲擒無一漏網該處全就肅清所辦
甚好楊遇春游棟雲均著加恩交部照軍功例議
敘其殲斃首逆之都司趙起貴胡超著加恩以遊
擊陞用外委劉延清甯由臣馬雄著加恩以把總

欽定平定教匪紀畧

卷三十三

十一

陞用馬兵杜天輝石生玉劉章徐彪均卽拔補外
委此外出力弁兵並著長齡會同楊遇春秉公查
明保奏再降恩旨
上又諭內閣曰長齡等奏留防官兵懇恩支給柴薪
銀兩一摺陝省留防峪口等處滿漢官兵定例每
日只支口糧不給鹽菜惟念該兵丁等防守邊卡
堵禦辛勤著加恩將該處留防官兵自此次奉旨

之日為始每兵每日支給柴薪銀三分俾資食用
其甘省秦階一帶征防之兵亦著一體支給

長齡又奏言臣等遵

旨將前次投出之吳彪康東榮陳義品陳云傳貴等

復加提訊該犯等實係起意糾搶之犯即欽遵

諭旨將該犯等發遣新疆一面行知地方文武留心

防範並知會松筠俟該犯等解到飭令嚴加管

欽定平定教匪紀畧

卷三十三

十三

束如有不安本分及脫逃情事即就地正法奏

入報

聞

同日章煦奏言竊查直隸省上年被災被賊各

州縣疊次蒙

恩賑卹俱經臣刊刷謄黃遍貼曉諭一面飭司遵辦

小民仰戴

鴻慈無不同聲感頌茲復據藩司素納稟稱委員查

得開東長三州縣境內尚有歉收村莊及鰥寡

孤獨等戶該州縣連年積歉又當兵燹之後情

形較重應查明辦理臣查該藩司久駐大名所

查係屬實在情形合無仰懇

聖恩將開州東明長垣三州縣境內歉收未被賊擾

村莊無地失業貧民及鰥寡孤獨等戶照順廣

欽定平定教匪紀畧

卷三十三

十三

大等屬歉收村莊之例補行

賞給上冬兩月口糧本年青黃不接再行

加賞兩月口糧每大口日給米五合小口減半每戶

不得過三大口俱以本折兼放所需米石在於

運到奉米漕糧內撥給折色銀兩仍以每石給

銀一兩四錢於司庫存貯賑卹項下動撥事竣

造冊報銷奏入

上諭內閣曰章煦奏查明開東長三州縣歉收村莊懇請一體給與口糧一摺直隸開州等三州縣上年被旱歉收又當兵燹之後青黃不接窮黎乏食自係實在情形除被賊蹂躪村莊業經降旨撫卹外著加恩將開州東明長垣三州縣境內歉收未被賊擾村莊無地失業貧民及鰥寡孤獨等戶照順廣大等三州縣歉收村莊之例補行賞給上冬

欽定平定教匪紀畧

卷三十三

十四

兩月口糧再加賞本年兩月口糧本折兼放所需米石准其在於運到奉米漕糧內撥給折色每石給銀一兩四錢在於司庫存貯賑卹項下動撥

章煦又奏言竊查鉅鹿縣民田克岐等聽從監禁殺犯李經散旗謀逆案內究出散會首蕭秀魁得有河南逆匪白旗上寫奉天開道字樣經臣將田克岐等一案先行審明依律辦理聲明

蕭秀魁尚應質審另結在案查蕭秀魁所得白旗係李幅元家內所造由李思順書寫給與蕭秀昌轉傳蕭秀魁先後拘提李幅元等各犯到省逐加研鞫緣嘉慶十八年四月內有隆平縣人張玉祥患病經楊遇山引領于克敬至家醫治卽與楊添保拜于克敬爲師李幅元聞知亦將于克敬楊遇山接至伊家與范成名李書李

欽定平定教匪紀畧

卷三十三

十五

思順俱拜于克敬爲師六月內又有長垣縣人羅文志至李幅元家傳教收吳洛濟爲徒八月底河南教匪賈士元至李幅元家聲言滑縣卦主李文成定於九月十五日起事伊帶有奉天開道白旗臨時插於門首可免殺害李幅元隨做白布旗五桿囑李思順照樣書寫給與李思順一桿李思順將分得白旗情由向蕭秀昌告

知經蕭秀昌將旗娶去轉付蕭秀魁而蕭秀魁已於七月內得有田克岐案內匪犯霍景幅所給黃綢旗二桿迨事發聞拏始各將黃白旗燒燬訊據各犯供認不諱查李幅元蕭秀魁得受白旗並預知滑縣逆謀情罪重大均應擬斬立決梟示審明後臣即恭請

王命將該二犯綁赴市曹處斬仍梟首解赴犯事地

欽定平定教匪紀畧

卷三十三

六

方示衆李思順張玉祥楊添保范成名李書吳洛濟均改發新疆給額魯特爲奴蕭秀昌等犯分別滿流杖責擬結奏入得

旨刑部議奏旋經刑部議覆均照所擬完結

上從之

章煦又奏言竊查田克岐等散旗惑衆案內要犯張九成節經飭拏未獲茲據委員緝獲到案

臣親提嚴鞠緣張九成即張小猴籍隸南和縣素習醫卜星相出外營生兼習拳脚與鉅鹿縣大乘教會首李景幅係屬姻親並與李經劉悃名等素相熟識嘉慶十五年間李經曾囑張九成爲其子李中秋即李秋算命看相該犯妄許大貴二十五歲可幹大事並以嘉慶十九年應有劫數可將李中秋年歲加增乘時出世之言

欽定平定教匪紀畧

卷三十三

七

向李經煽惑十六年李景幅李經等因大乘教事發獲罪後有案內散會首劉悃名欲圖興復大乘教往與張九成商謀該犯起意描刻

御寶鈐蓋榜文哄動會衆希冀控翻大乘教前案迨散會首王心正等攜帶榜文赴京被獲破案張九成聞信脫逃經前督臣溫承惠先將劉悃名等分別定擬辦理張九成逃後屢改姓名潛匿

河北一帶地方後又改名張贊廷逃至容城縣	往投素識之散會首錢洛容並告知犯案逃匿	情由當經錢洛容引至束鹿縣張自超家亦將	前情相告張自超與子張士達留住經委員徐	志祖購線訪知會同該縣徐濬獲解到省訊據	供認不諱查張九成於劉峒名等私刻木戳印	用榜文復興大乘教案內罪應斬梟之犯復於	李經等謀逆散旗惑眾案內究出該犯為李經	之子李中秋算命看相妄言禍福以致李經等	起意謀逆實屬逆案罪魁應照律凌遲處死 <small>臣</small>	於審明後即恭請	王命將該犯綁赴市曹立即凌遲處死仍梟首解赴	鉅鹿南和一帶示眾張九成家屬照律緣坐張	自超與其子張士達等犯分別軍流擬結奏入
--------------------	--------------------	--------------------	--------------------	--------------------	--------------------	--------------------	--------------------	--------------------	------------------------------------	---------	----------------------	--------------------	--------------------

得	旨刑部議奏旋經刑部議覆均照所擬完結	上從之	章煦又奏言查逆犯張九成逃匿稽誅已及兩	載屢次奉	旨嚴拏未獲候補知縣徐志祖於正月十四日在束	鹿縣地方會同該縣徐濬選帶丁役分途堵截	即時擒獲尙屬認真緝捕徐濬本有失察處分	今會同拏獲功過僅足相抵候補知縣徐志祖	可否	量予獎勵之處出自	皇上天恩奏入得	旨徐志祖儘先補用	同日松寧潤祥奏言竊 <small>臣</small> 潤祥接奉
---	-------------------	-----	--------------------	------	----------------------	--------------------	--------------------	--------------------	----	----------	---------	----------	---------------------------------

諭旨遵將新民屯查獲張觀瀾張建模等之原摺原

審各員提集臣松寧亦即馳抵奉天會同研鞫

緣協領依克唐阿等訪獲新民屯褚文學豆腐

房之張建模等五人訊無謀逆情節依克唐阿

等並未用刑嗣經委員四德等將張建模摶耳

跪鍊始據供出張觀瀾是河西務屯居黃帶子

趙玉叫伊至五台子張名遠處送信糾約滋事

欽定平定教匪紀畧

卷三十三

三

張觀瀾堅不承認當經摶耳跪鍊加以壓損始

據含混供認其在五台子拏獲之張道士即張

學盛並不叫張名遠據供實不認識趙玉並未

見張觀瀾去送書信加以掌責亦誣認係無為

教紅陽會曾經傳徒等因該委員等於誤摺到

案之人並不細心推鞫一味刑求以致張建模

畏刑妄供致多拖累除刑部司員錫福鳳德於

另案叅

奏革職札倫泰解任候審外請

旨將佐領四德佛德奉天治中呂士淳一併革職僅

同會審並未刑求之協領恒慶驍騎校武訥璽

穆承泰解任以便提同錫福鳳德札倫泰嚴審

定擬具

奏

欽定平定教匪紀畧

卷三十三

三

和寧慶惠誠安奏言竊臣等奉

旨飭拏新民屯張姓當派員將年貌住址相仿之張

觀瀾並伊族弟張建模等獲案派員審訊遂據

一面之詞冒昧具

奏迨拏獲張學盛訊供後張觀瀾在監患病不能

質訊隨遵

旨將該犯等解京止於摺內聲稱前後情節不符犯

供支離並未將張觀瀾患病不能質訊緣由詳細聲敘種種錯謬惶愧無地請

旨將_臣等交部治罪

緒莊貴慶華連布奏言_臣等會審張學盛一案

業據張學盛供明並不認識張觀瀾委無謀逆

情事_臣等未經據實奏明率將張學盛與張觀

瀾張建模委員解京實屬糊塗拘泥愧懼交集

欽定平定教匪紀畧

卷三十三

三

請

旨將_臣等與和寧等一併交部治罪均奏入

上諭內閣曰松寧等奏審訊張觀瀾等畏刑誣認謀

逆一案將承審各員請旨革審並和寧緒莊等自

請治罪各一摺奉天承審各委員於誤拏到案之

張觀瀾等不虛衷研鞫任意刑求逼認謀逆重情

咎無可辭但尙無受賄故勘情事佐領四德佛德

治中呂士淳免其革審著交部嚴加議處協領恒

慶驍騎校武訥聖穆承泰著免其解任交部議處

和寧慶惠誠安任聽屬員濫刑誣枉草率入奏著

交部議處緒莊貴慶華連布明知案情未確不據

實平反著一併交部議處

_臣等謹案禁奸詰暴所以衛民非以擾民也

若株累無辜妄希功敘刑求誣枉其弊豈可

欽定平定教匪紀畧

卷三十三

三

勝言我

皇上本除莠安良之意

示賞功罰過之條凡官吏人等有緝獲逆案正法者

無不渥沛

恩施用昭獎勵而

睿思審慎惟恐奏報之情或有寬濫

申諭飭戒至再至三前以山海關副都統奏訊司敬

武等五案情節支離

欽差文孚等馳往覆鞫茲復以

盛京將軍等奏訊張觀瀾等犯案情不實

特派松寧等會同查辦廉得誣枉悉予平反其核轉

承審各官奉

旨分別懲處仰見

聖慈念切同寮雖奏當之成必加詳審務得其情而

欽定平定教匪紀畧

卷三十三

二酉

申理之使誣陷之民出水火而登衽席此外

如山西獲案之張錦玉山東獲案之白居敬

江南獲案之劉第五以及京外各衙門節次

獲犯經刑部訊係無辜隨時奏釋並降

旨黜罰者前後又不下十數起

大聖人仁義兼賅

德威並用所由淑慝分而獄無枉縱刑賞正而人知

勸懲也歟

正月二十八日庚賽冲阿奏言竊臣帶兵過陝

途次沔縣據報洋縣股匪竄過漢江逼近川境

當即帶兵兼程前進沿途探得匪衆已竄西鄉

縣之德寶黃池堰口一帶肆意焚掠臣即由天

明寺渡河繞出賊匪南面以杜其入川之路直

搗黃河詎該匪聞風狂竄於十六日夜間北竄

欽定平定教匪紀畧

卷三十三

三丑

三郎舖白沔峽晝夜兼行二三百里不等該匪

徒狡獪殊常於四面高山暗藏瞭探每於官兵

所向先期遁去距我兵總在一二百里之外十

七日探知該匪在茶壩老漁壩滋擾復有南竄

之勢臣激勵官弁兵丁篝火夜行取道七里溝

楊溪河雪山深箐素無人行之徑使賊探無從

瞭望十八日夜由石子路康家梁翻越兩重大

山官弁皆下馬步走十九日辰刻衝出木竹壩
適遇該匪自老漁壩竄來一見官兵卽蜂擁搶
踞山梁負嵎抗拒臣卽令叅將朱承受蘇勒當
阿緣事叅革總兵蒙

恩賞留千總唐文淑守備王文衡帶領四川省標官
兵由左手衝擊遊擊余步雲楊逢春都司蘭國
韻守備冉玉龍等帶領松潘鎮標官兵由右手

欽定平定教匪紀畧

卷三十三

三

山梁從上壓下臣親率協領阿喂阿佐領蘇勒
芳阿開復遊擊向春煦候補遊擊楊登魁守備
徐廷彪帶領成都滿營及川北鎮標官兵直前
衝殺臣望見山梁之上賊首鮮衣頂帽指揮賊
衆抵死抗拒當卽激勵官兵奮力仰攻鎗箭並
發搶上山梁賊匪紛紛退敗臣督催各路官兵
併力追殺有外委任朝勝將鮮衣頂帽之賊孥

獲訊係賊首官兵愈加奮勇爭先將前隊匪徒
盡行殲斃餘賊四散奔潰派兵分投搜捕共計
殺賊四百餘名滾巖跌斃者一百數十名生擒
賊首僞元帥楊榮卽楊五僞先鋒孫應材李定

興二名又大頭目四名小頭目十一名餘匪三
百零四名奪獲大小賊旗三十七桿刀矛七百
零八件鳥鎗二十七桿驟馬三十三頭匹訊據

欽定平定教匪紀畧

卷三十三

三

楊榮卽楊五供係湖南澧州人上年臘月間在
盤屋縣佛爺坪地方同楊二等合夥共是五號
我是青號頭子由板房子一帶焚掠今年正月
初間到洋縣代古坪一帶滋擾十二日由金溜
子偷過漢江同綠號頭子苗小一合股共有二
千餘人衆人稱我同苗小一做元帥想到四川
焚掠十六日探得官兵南來截剿又折走白沔

峽一帶想避過官兵由老漁壩木竹壩入川因
此路兩面皆高山深箐無路可通可免官兵截
剿不料官兵趨行迅速致被捉獲我所帶青號
匪徒共八九百人今日悉被殲擒至苗小一所
帶後隊綠號匪衆一千餘人正在老漁壩起程
前來聞得我們打敗想已逃回原路去了這所
獲孫應材李定興俱係起事時職手封做先鋒
各等語質之餘衆供亦相同審明後即將楊榮
卽楊五與偽先鋒李定興孫應材對衆碎割梟
示被害地方其餘甘心從賊之龔大旗等一百
三十三名悉予斬決其臨陣投出被裹未久之
盧永華等十四名交與西鄉縣暫行監禁一面
咨會陝西撫臣朱勳查明發遣新疆外有實係
被脅難民李朝等一百七十二名立即釋放查

欽定平定教匪紀畧

卷三十三

无

欽定平定教匪紀畧

卷三十三

无

楊五一股已殲除淨盡其由老漁壩折竄原路
之苗小一股匪頃據探報已竄回漢江北岸是
此時漢江以南全境肅清川邊安靜臣卽帶兵
緊躡苗小一股匪務窮其所向一律掃除不使
稍留餘孽奏入
上命軍機大臣傳諭賽沖阿曰楊五一股已殲除淨
盡其由老漁壩折竄原路之苗小一股竄回漢
江北岸賽沖阿帶領勝兵跟蹤緊躡務當窮其所
向不予以暇迅卽剿除將此股賊匪辦竣卽由六
百里馳奏以慰廛注其吳孤孤龔貴股匪在沔縣
黑河一帶滋擾已令楊遇春帶兵馳往剿辦沔縣
距洋縣不過二百里賽沖阿剿平苗小一股匪卽
可就近前往協剿以收夾攻之效倘該匪又已遠
竄相距在四五百里之外賽沖阿毋庸深入卽在

寧河一帶緊顧邊防勿令一賊闖入川境再賊首楊榮供內有洋縣河北岸有黃號段總兵帶有四百人之語賽沖阿現在漢江北岸並將此股賊匪一併就地剿除勿令裹脅滋蔓爲要

上又命軍機大臣傳諭長齡楊遇春朱勳曰本日據賽沖阿奏稱該將軍追剿渡江竄匪於本月十九日追至木竹壩地方適遇該匪由老漁壩竄至該

欽定平定教匪紀畧

卷三十三

三

將軍親身督戰大加剿殺將賊首楊榮卽楊五孛獲殲斃賊匪五百餘名生擒三百餘名所有股匪八九百人均已辦淨其後隊苗小一所帶綠號匪衆一千餘人竄回漢江北岸該將軍仍帶兵緊躡等語渡江賊匪本欲竄入川境經賽沖阿帶兵緊躡將前股八九百人全數剿淨其後股亦折回江北此時漢江以南已就肅清川北可以無虞此股

折回江北之賊賽沖阿乘勝追剿當亦不難辦淨惟吳抓抓龔貴等股匪前據奏稱在黑河沔縣一帶遊奕楊遇春剿淨麻大旗一股之後已飭令移兵前往日內曾否趕上痛剿不致散竄又吳廷剛所剿尤九陳四一股昨據奏稱逃往寧陝鎮安一帶馬元帶兵攔剿曾否截回均爲垂厖著長齡等迅卽具奏再本日賽沖阿奏到賊匪楊榮供內據

欽定平定教匪紀畧

卷三十三

三

稱該匪等起事之初分成五號黃號係偽總兵段姓紅號係楊二劉濫子綠號係苗小一尤九藍號係偽總兵黃姓該匪係青號頭目並據供稱綠號尤九因擄掠婦女被苗小一將伊殺斃等語此五股賊匪除紅號楊二於投首之後赴賊營招降被殺又青號楊榮此次擒獲正法綠號苗小一現經賽沖阿追剿外其餘黃號段姓現在洋縣河北岸

藍號黃姓現竄往五郎山紅號劉濫子現在何處
竄逸是否即在沔縣黑河及寧陝等處賊股之內
抑另自分竄他往又緣號尤九一犯既據供稱已
被苗小一殺斃何以該督等屢次摺內俱稱尤九
與陳四一股在蓋屋山內奔竄是否尤九實未被
殺賊供難信抑與陳四奔竄者並非尤九均著查
明先行覆奏

欽定平定教匪紀畧

卷三十三

三

上諭內閣曰賽沖阿奏帶兵痛剿漢江股匪孥獲賊
首偽元帥偽先鋒等審明正法漢江以南全境肅
清一招賽沖阿前在沔縣防堵因聞陝省南山剿
散餘匪竄渡漢江即移兵前往剿辦茲據奏稱賊
匪聞官兵追躡由白沔峽老漁壩一帶晝夜狂奔
沿途焚掠官兵星馳追擊雪山深箐篝火夜行徒
步翻越數重大山適遇該匪竄至當加剿殺賊匪

負嵎抗拒賽沖阿親率官軍直前衝撲望見賊首
楊榮即楊五佔據山梁指揮羣賊官兵人人奮勇
一齊搶上山梁外委任朝勝立將賊首孥獲其餘
匪徒紛紛敗潰官兵大加搜剿共計殲賊五百餘
名生擒三百餘名並獲偽元帥偽先鋒及大小頭
目多名奪獲鎗械騾馬無數漢南全就肅清所辦
可嘉之至賽沖阿著加恩交部照軍功例從優議

欽定平定教匪紀畧

卷三十三

三

敘並賞給四喜玉搬指一個白玉牌一面花大荷
包一對小荷包二個其生擒賊首之外委任朝勝
著加恩超陞千總並賞戴藍翎以示鼓勵其餘出
力弁兵著該將軍查明據實保奏再降恩旨

是日衡齡奏言

臣前奉

旨截擊首逆林清繼妻趙氏妾陳氏就地正法等因
茲據臨晉縣知縣鄒河寧詳稱正月初三日准

前途將犯婦林陳氏一名遞解到縣該縣於訊

明後即將該犯婦陳氏會同營員遵

旨處絞訖其林趙氏一犯據永濟縣稟報已於上年

十一月十九日遞解過境等語奏入報

聞

正月二十九日

上命軍機大臣傳諭長齡曰長齡前任河南巡撫有

欽定平定教匪紀畧

卷三十三

三

失察匪徒滋事之咎加恩免究至於陝省山內匪

徒滋事之案長齡甫任陝甘總督與伊無涉此時

無可回護究竟此案滋衅緣由因何而起上年十

二月間朱勳初次奏報即稱該匪等係木廂傭工

之人因停工乏食糾夥搶糧以後每次奏報亦均

以饑民爲詞而焚掠傷人擾害日甚且裹脅人數

動輒數千旗幟鎗礮無所不有試思鎗礮二項豈

能倉猝製辦今計每次接仗官軍搶獲者爲數不

少又如驟馬一項楊遇春剿殺麻大旗一股即奪

獲七百餘匹該匪等沿途搶劫亦豈能如此之多

看此光景恐非盡屬饑民地方官回護平日失察

處分托詞卸過必須大加懲創昨日賽沖阿奏到

賊供內稱該匪等起事之時即分爲五股有黃號

紅號綠號藍號青號之別頗似從前白蓮教滋事

欽定平定教匪紀畧

卷三十三

三

之時分青藍白線字號情形恐該省仍有邪教首

夥蓄心謀逆去冬賊供曾有潼關以西有五座大

營盤之語此言亦未可謂之全虛其木廂停工之

言或係托詞著長齡詳細確查若實因年歲荒歉

地方官何以不早爲撫卹如州縣諱災將州縣官

指名嚴叅如州縣業已稟報而上司諱匿不辦則

將該上司等嚴叅此事如係饑民則地方官有諱

災之罪如係邪教則地方官有失察之罪務將確情秉公具奏毋稍含混

欽定平定教匪紀畧

卷三十三

三

欽定平定教匪紀畧卷三十四

二月初一日長齡楊遇春朱勳奏言竊_臣等

派令總兵吳廷剛剿辦陳四尤九股匪總兵楊

芳剿辦沔縣吳奇譚貴股匪前據探報吳廷剛

於十二日行抵寧陝之木瓜園將賊匪痛剿東

竄查此股卽陳四分股賊匪尹朝貴爲首追至

吳家堡地方賊匪搶佔山梁憑高擲石放鎗各

欽定平定教匪紀畧

卷三十四

一

弁兵間有傷亡官兵剿殺愈急該匪等抗拒愈

力惟時總兵祝廷彪尙未接到_臣等派令隨將

軍賽冲阿赴西鄉剿賊之信亦督兵窮追當卽

合兵一處帶領遊擊朱福壽周貴都司宋連守

備詹玉彬千總王禮劉彪等督催各官兵仰攻

搶撲上下撲壓數次外委王學倬申貴甘倬劉

耀國馬兵鄧士義李祥王受楊占魁胡忠等搶

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

上山梁間受鎗石傷叅將張起鰲守備劉藻把
總王洪謨外委鄒文泰兵丁張文華馬有才楊
成義羅文清等衝入賊隊生擒首逆尹朝貴大
旗楊大名劉功賊始潰亂當卽殺斃二百三十
餘名均割取耳記擒獲活賊四百五十五名搶
獲過山鳥礮七尊鳥鎗七十三桿旗幟三十七
面矛桿不記其數救出婦女三十二口該鎮訊

欽定平定教匪紀畧

卷三十四

二

據逆首尹朝貴供稱年二十九歲湖北利川縣
人向在寧陝地方種地上年在黑水峪木廂工
作十一月內遇見尤九陳四楊大名劉功等說
及河南直隸現俱有事我們不如大家動手隨
招聚山內背板窮人數百名卽日起事連破十
五六處寨子寨內搶得鎗礮正月初三日在火
地裏地方尤九因搶奪糧食衣物未曾分給王

大旗彼此爭鬧致被戮死衆人卽推我爲首我
與陳四各帶千餘人分路掠食茲被官兵追殺
與楊大名劉功均被擒獲等語因尹朝貴帶傷
甚重當將該犯等凌遲處死其破寨殺人之熊
世貴等一百三十三名均一併正法被裹未久
有鄉約保釋者概與釋回該鎮等正在整頓跟
追間據探報陳四股匪在黃草坪分佔民房屯

欽定平定教匪紀畧

卷三十四

三

住相距甚近該鎮等當卽分兵三路連夜前進
四更時趕至該處賊匪尙未起竄是夜風勢甚
大卽由上風拋擲火彈縱火將佔聚民房焚燒
南面逼臨大河該鎮等帶兵在街之東西兩路
堵截燒死賊匪三百餘人有於水中竄出者被
官兵截斃一百餘人擒獲活賊六十一名零匪
五百餘名拚命過河淹斃一百餘人其餘向東

逃竄據活賊姜士偉王幅等供稱九九陳四木
係一股九九被王大旗戮死後以尹朝貴爲首
卽分爲兩股王大旗於今日官兵焚燒時我們
眼見殺死陳四拚命過河不知生死等語當將
姜士偉王幅並訊係真賊三十五名均卽正法
其餘被裹難民分別保釋又據總兵楊芳稟稱
該鎮派往剿辦沔縣股匪十八日行抵西江口
三元壩探明龔貴一股竄至距三元壩甚近屯
住民房該鎮親督將兵奮勇直前該匪正在集
夥一見官兵卽棄驟馬分頭搶上大山亡命奔
越經副都統銜侍衛金保二等侍衛金勤保遊
擊方一彪劉允孝馬安邦等帶領滿漢官兵首
先衝入賊隊鎗箭齊發短兵相接立時殺斃一
百餘名將賊壓下山梁經副都統銜達斯呼爾

欽定平定教匪紀畧

卷三十四

四

欽定平定教匪紀畧

卷三十四

五

岱等帶領吉林索倫官兵並千總張貴福藍翎
把總楊光春藍翎馬兵林懷玉等奮勇迎截前
後來擊殄滅淨盡除落巖跌斃者不計其數共
殺賊五百六十一名均割取耳記奪獲馬驟二
百餘頭匹大礮八尊鳥鎗六十七桿刀矛九百
餘件大小旗三十六面於活賊中認出先鋒及
矛子手均概行正法投出難民二百四十二名
均經寨硯里長領歸並分別遞回原籍據活賊
僉供此股係龔貴爲首共有一千五百餘人要
由洋縣過江奔巴山老林入川因人衆糧少未
能遠竄官兵歷殺之時龔貴帶領六七百人先
行逃奔老林該鎮楊芳正欲跟追因探報吳奇
譚貴股匪由畧陽逃出大安驛擾至沔縣東關
焚燒民房向褒城舊州鋪奔竄該鎮聞信卽帶

兵趕赴剿辦臣楊遇春於二十二日行抵留壩廳屬之高橋堡知楊芳已赴沔縣其龔貴股匪尙有六七百人無兵跟追隨一面派游棟雲帶兵趕往會同楊芳合剿一面帶同副將何占鰲趕辦龔貴股匪再查總兵吳廷剛自帶兵以來屢獲勝仗並將萬五股匪剿除淨盡所帶官兵實爲奮勉茲據該總兵將最爲出力官兵查明

欽定平定教匪紀畧

卷三十四

六

保送前來臣等詳加查核謹開列清單恭呈

御覽至臣等此次辦理情形恪遵

諭旨每兵一隊剿賊一股先儘大股之賊剿辦剿完一股再合兵共剿一股如遇零星小股隨見隨剿務期大股全數淨盡小股不致蔓延臣楊遇春現已星夜由留壩一帶率同副將何占鰲剿辦楊芳打散之龔貴股匪並派總兵游棟雲帶

兵一千五百名馳赴沔縣會同楊芳剿辦吳奇譚貴股匪此股人數較衆必須趕緊撲滅至前次過江之賊業經將軍賽冲阿痛加殲剿在木竹壩獲有勝仗其自江以南折回江北零匪已派總兵祝廷彪馳往專辦其尹朝貴一股剿散餘匪向東奔竄雖經吳廷剛跟蹤追剿臣等恐該匪竄過鎮安路通楚豫所關甚鉅復派總兵

欽定平定教匪紀畧

卷三十四

七

馬元帶兵一千名前往東路兜截現在老林內冰雪甚大該匪勢難久藏而峪內一帶多係前經搶掠之區恐西路各兵剿散之賊向東逃竄馬元兵力尙單不敷分撥本日後起凱撤官兵二千名業已到營臣長齡卽親自帶領前赴東江口寧陝一帶如賊匪東竄卽可探蹤迎擊倘仍匿老林並可就近調派鎮將自東向西搜剿

至峪口地方臣朱勳同副都統富僧德現帶滿漢官兵九百餘名再添調城守營兵二百名撫標兵一百名並督率本地團戶義勇嚴密防堵以冀迅速蕩事奏入

上命軍機大臣傳諭長齡楊遇春朱勳曰此次吳廷剛所剿陳四分股之賊尹朝貴股匪於十二日趕抵吳家堡適祝廷彪到彼與之會合進兵大加剿

欽定平定教匪紀畧

卷三十四

八

殺當將首逆尹朝貴生擒殲獲六百餘人旋又探知陳四股匪在黃草坪民房屯踞復分兵三路乘夜進攻賊匪燒斃淹死及殲獲者又有六百餘人並訊明尤九一犯已被夥賊戮斃又楊芳所剿沔縣賊匪將龔貴一股在三元壩地方督率馬步官兵奮勇剿殺先後殲賊六百餘名各路官兵剿賊均屬奮勉出力著發去四喜玉搬指五個磁翎管

十個鼻烟壺五個小刀十柄小荷包二十個一兩重銀牌三千面分賞各路奮勇將弁兵丁並著長齡等將各該路帶兵將領官兵查明秉公保奏長齡等俟各路剿辦完竣再加懋賞現在長齡已親赴東江口寧陝一帶督同吳廷剛馬元追剿尹朝貴陳四股內東竄零匪楊遇春親赴留壩一帶率同何占鰲追剿龔貴股匪其沔縣遊奕之吳奇譚

欽定平定教匪紀畧

卷三十四

九

貴股匪已派游棟雲會同楊芳剿辦又賽冲阿所剿折回江北之苗小一股匪亦派祝廷彪馳往會剿朱勳等在峪外防堵各處股匪均有專員認定剿辦不至顧此失彼惟當緊躡窮追各剿各股將首逆夥黨就地掃除淨盡統於前二月內一律辦竣長齡察看陝境肅清毫無遺孽卽由六百里加緊奏聞以慰廑注

上諭內閣曰長齡等奏查明總兵吳廷剛等一路奮
勇官兵請量加鼓勵等語吳廷剛一路官兵追剿
萬五股匪連獲勝仗將首夥殲除淨盡實屬奮勇
出力加恩著照所請將張起鰲賞給健勇巴圖
魯名號守備劉藻著賞戴花翎都司朱連著賞換
花翎千總白玉喜劉添喜把總敖鳳李明舉外委
鄒文泰魏申甘俸申貴馬兵鄧士義張文華李祥
蒙貴王受楊占魁胡忠羅文清陳廣陳才玉晏尙
能劉文榜馬有才俱著賞戴藍翎守備詹玉彬著
以都司陞用千總王澧劉彪周炳南著以守備陞
用把總趙富王宏謨著以千總陞用俱先換頂戴
其受傷十三處擊退賊衆之馬兵楊成義尤爲奮
勇者加恩超陞千總仍賞戴藍翎以示獎勵
二月初二日巳賽冲阿奏言竊臣於十九日在

欽定平定教匪紀畧

卷三十四

十

西鄉縣屬之木竹壩截剿竄渡漢江南岸青號
股匪殲除淨盡並將綠號苗小一股匪逼竄江
北臣卽帶兵由西鄉縣屬之老漁壩新漁壩一
路渡江進剿苗小一股匪途次復據洋縣知縣
王元亮報稱有賊匪千餘竄在縣屬之良心河
茨掠前隊數百人由太陽灘躡淺渡過漢江南
岸至渭門童家溝一帶滋擾臣查漢江南岸甫
經肅清該匪等因官兵遠在西鄉遂由洋縣地
方偷渡狡黠猖狂實堪痛恨臣卽督率官兵兼
程前進二十二日行至獅子溝探得渭門童家
溝賊匪約七八百人在仁義溝碾子溝等處破
寨殺人肆意焚掠與我兵相距百十餘里遂連
夜冒雪發兵於二十三日辰刻馳抵碾子溝該
匪正在烤火會食瞥見官兵均各棄食持械搶

欽定平定教匪紀畧

卷三十四

十一

上場後山梁負嶠抗拒臣飭令叅將朱承受蘇勒當阿都司蘭國積守備張必祿冉玉龍等帶兵從左路仰攻遊擊余步雲楊登魁守備徐廷彪王文衡署守備趙廷耀等帶兵由右手山坡抄擊賊猶抵死抗拒臣詢知賊占山梁後面有路可通渭門太陽灘一帶隨一面派兵在左右兩路策應一面親率協領阿嘎阿佐領蘇勒芳阿遊擊楊逢春向春煦署守備唐文淑趙國柱等帶兵由太陽灘一帶翻山繞出賊後兩面夾擊該匪無險可恃紛紛棄械逃竄我兵各路追殺沿途斃賊二百餘名滾崖撲水者甚多奪獲刀矛四百餘件鳥鎗二十餘桿騾馬二十七頭匹生擒活賊一百一十二名又於各山箐內搜獲活賊一百零四名內有偽先鋒三名旗手七

欽定平定教匪紀畧

卷三十四

三

名賊目六名訊據活賊偽先鋒蘇容盧倬劉成舉供稱我們俱是上年臘月入夥在藍號黃總兵名下做先鋒起手止有幾十個人到正月半裏脅的很多通共湊有千人到處搶掠破過幾處寨子因不知南岸有兵約會紅號八九百人由太陽灘曬淺渡過南岸想往巴山老林去昨日傳聞官兵在西鄉木竹壩把青號打完了紅號一股仍舊折回北岸我們這股也要過北岸去聞黃頭子因搶得客船銀兩帶了十幾個人乘空走了不知去向我們領著衆人正想趕上紅號合夥適遇官兵抵擋不住致被擊獲我們這股是藍號先回江北的是紅號也有八九百人又有綠號一千多人現亦不知去向等供當將蘇容盧倬劉成舉凌遲處死旗手賊目及餘

欽定平定教匪紀畧

卷三十四

三

賊八十九名概行斬決其被脅難民男婦一百十五名口立時釋放至賊首黃老五雖據供先期逃走未可深信現在派兵搜捕一面飛咨長齡朱勳嚴飭各屬文武員弁一體嚴拏務獲其潰散零匪竄匿深山猶恐散而復聚現亦四路搜尋併飛飭沿江州縣諭令各洞寨遇有潛匿匪徒卽行細送地方官究辦臣仍帶兵跟探紅

欽定平定教匪紀畧

卷三十四

十四

號綠號等股賊匪趕緊剿辦並札會吳廷剛祝廷彪迎頭截剿以收夾擊之功漢江一帶竄匪不難尅期辦竣奏入
上命軍機大臣傳諭賽沖阿曰賽沖阿追剿苗小一股匪已渡漢江北岸因聞另有藍號股匪數百人由太陽灘躡淺渡江旋又折回追剿殲獲賊匪四百餘名擒獲僞先鋒旗手多名所辦迅速可嘉惟

前此青號綠號兩股賊匪先後渡江經官兵將青號楊榮一股剿除淨盡其綠號苗小一股匪亦聞風畏懼折回漢江北岸而此股藍號賊匪又復乘間躡渡南竄看此情形陝省賊匪均各蓄意入川以圖勾結川北川東與陝境處處可通巴山老林路徑叢雜搜剿亦復費手此時緊要機宜總以訪賊入川爲要賊蹤狡詐異常但有數十名賊匪偷

欽定平定教匪紀畧

卷三十四

十五

越一經裹脅卽可聚成大股賽沖阿帶兵剿賊與長齡等同辦一事原當不分畛域遇賊卽剿但現在陝省賊匪已有各路官兵分投緊躡不致散竄而江岸遼濶賊匪屢次窺伺倘賽沖阿深入陝境轉致後路空虛適墮賊人之計該將軍現帶兵在洋縣一帶追剿紅號綠號股匪吳廷剛等並已由北逼剿而來諒賊匪不致遠竄可以就地掃除剿

竣此股若數十里百里內有賊竄至自當隨時截殺若在數百里之外切弗窮追遠涉務當步步緊顧川界以堵為剿川省邊防嚴密即所以助陝省成功並傳知多隆武暨桂涵羅思舉分督弁兵在川省沿邊一帶多設偵探加意防範其七盤關及沿江一帶均派兵巡邏聲息相應勿稍疎懈該將軍獨當西南要路連獲勝仗殲賊多名已著有勞

欽定平定教匪紀畧

卷三十四

七

績該一路軍務即由該將軍自行奏報無庸亟亟往晤長齡俟陝省軍務告蒞捷報到時朕論功行賞必將該將軍與陝省帶兵大員一體加恩也勉之

同日章煦奏言竊臣於審辦從教逆匪霍應方等案內究出故城縣及景州等處民人宿元謨劉坤等入教傳徒各情節將該犯等先後獲案

解省臣遂加研鞫緣劉坤係故城縣人嘉慶十七年六月間拜霍應方為師教令每日朝拜太陽口念真空家鄉無生父母八字劉坤轉傳朱虎趙勇崔紹舞江可棟及未獲之蘇洛俊並伊子劉六兒一同入教宿元謨先後拜從劉坤蘇洛俊為師王敏周把什吳進寶蕭第六韓從周韓從順孫第三孫大有解雙全趙柱等犯均隨

欽定平定教匪紀畧

卷三十四

七

同入教十八年正月內宿元謨與霍應方吳振奎蘇洛俊前往滑縣會晤霍應璧同至李文成家住宿一夜當各回家八月二十八日霍應方將宿元謨等邀至家內告知李文成約期造反並令宋二前來糾約傳給明號係奉天開道白旗暗號係得勝二字霍應方當囑宿元謨等各自照樣做旗前去相助約定九月十五日至霍

應璧家會齊宿元謨朱虎等畏懼未允劉坤應允未行劉坤之子劉六兒於九月初六日攜帶順刀白旗起身行至冠縣聞有官兵堵截當將白旗順刀撩棄轉回而宿元謨先於上年六七月間在夏津縣人殷峻嶺家見有推背圖一本取回推演在附近村莊布散謠言惑眾被鄰族赴縣首告宿元謨聞信逃走旋被獲案審訊宿

欽定平定教匪紀畧

卷三十四

六

元謨應請照例擬斬立決劉坤劉六兒二犯均請擬斬立決梟示劉坤已在監病故應戮屍與劉六兒首級解赴犯事地方示眾朱虎崔紹舞等及案內各犯分別問擬遣徒杖責奏結奏入

旨劉六兒著卽處斬同應行戮屍之劉坤均梟首示眾宿元謨著卽處斬其餘各犯罪名著刑部核議

咨交該督分別辦理

二月初四日山東學政黃鉞奏言查定陶縣學教官詳稱廩生孔毓仲學錄孔毓俊增生孔毓伯孔毓諄孔毓良生員孔傳爐孔傳錦孔傳璧等助官剿賊同時陣亡並被賊殺傷本莊人口五百有餘被害最爲慘毒又金鄉縣學教官稟稱增生李九標前因首告教匪被賊匪李卓

欽定平定教匪紀畧

卷三十四

五

立銜恨焚燬村莊以致無家可歸而該生卒能設法將謀逆在逃諸犯親身擒獲當經移咨撫臣辦理合無仰懇

皇上天恩先將孔毓仲等旌獎以慰忠魂再查定陶縣武生孔廣運入教從逆業經拏獲正法請將失查之定陶縣教諭郎謙牧訓導方運景革職奏入

上諭內閣曰山東學政黃鉞奏查明曹屬生員捐軀就義者請加恩獎等語上年九月間逆匪擾及定陶學錄孔毓俊生員孔毓仲孔毓伯孔毓諄孔毓良孔傳爐孔傳錦孔傳璧等助官剿賊同時陣亡並被殺傷本莊人口五百有餘實堪嘉憫著加恩交部照例議卹

上又諭內閣曰失察武生從逆之山東定陶縣教諭郎謙收訓導方運景俱著革職

欽定平定教匪紀畧

卷三十四

三

上命軍機大臣傳諭同興曰黃鉞奏據金鄉縣教官稟稱生員李九標前因首告教匪被賊李卓立銜恨焚燒村莊以致無家可歸該生設法將謀逆在逃諸犯親自擒獲當經該學政移咨撫臣辦理等語該生員知有教匪卽先行首告破案並將逃逆犯設法擒捕尙屬明於大義自應加以獎勵該

撫現在作何辦理未據奏到著卽查明覆奏

二月初五日兩長齡楊遇春朱勳奏言據祝廷彪稟稱探知陳四自黃草坪經官兵痛剿後實止逃逸五百餘人復與尹朝貴股內零匪合夥並到處裹脅又有千餘人因官兵緊躡該逆等捨命由老林東竄仍分爲兩股以圖牽制該鎮等聞信亦卽分兵兩路進追吳廷剛緊跟尹朝

欽定平定教匪紀畧

卷三十四

三

貴零匪祝廷彪緊跟陳四股匪祝廷彪擊獲賊探訊知該逆等因官兵緊躡又知有總兵馬元防堵東路意欲由金竹園乘夜遶赴石泉祝廷彪卽帶兵改道金竹園直至手扳崖緊躡賊尾該逆等齊隊占住山梁與我兵接仗該處山梁三層賊匪分隊占據經游擊朱福壽守備劉國蔭帶兵仰攻詎賊匪放鎗施石併力下壓該鎮

親領官兵奮勇撲攻鎗箭齊發兩時之久賊匪並不退縮藍翎外委劉耀國首先截斃執旗賊匪一名又兵丁文朝元生擒執旗賊一名賊始畏懼退至第三層山梁官兵乘勢搶上適都司党聯陞藍翎千總劉明周牛添喜等遠路由山背抄上壓殺該逆等力不能支官兵愈加奮勇自辰至酉計斃斃賊匪三百餘人拏獲活賊二百五十四人搶獲大礮二尊大小旗十三面騾馬五十餘頭匹鳥鎗四桿矛桿二百餘根餘匪仍竄入老林天已昏黑難以進剿該鎮卽撤下官兵向老林分佈設卡次日黎明正在入林搜拏該逆等在林內聲稱情願投首並不交出器械該鎮料知賊情狡詐但入林搜捕轉恐漏網必須設法誘出山梁遂佯令弁兵走入賊隊傳

知准其交械投首密認陳四面貌服色仍整齊隊伍並分派官兵四路設伏聽礮爲號該逆等以爲中計數百人喊聲如雷由林內衝出官兵聞礮四路圍殺該鎮親自在前激勵衆兵務將陳四生擒不許一名免脫把總李明舉胡貴衝入賊隊生擒陳四僞先鋒劉朝品汪正榜等其餘被官兵全行殺斃並無一人得脫此次接仗官兵間有傷亡現將首逆陳四解候審辦訊明活賊均卽正法良民遞籍歸業同日又據吳廷剛稟稱該鎮追剿尹朝貴零匪行抵賀家灣該匪無路逃竄靠山屯紮我兵分爲兩路派參將張起鰲守備詹玉彬帶領兵勇夾攻該匪等抵敵甚力我兵不避鎗石爭先衝擊該鎮鼓勇前進殺死二百餘名生擒一百十八名全數淨盡

搶獲烏鎗八桿紅黃旗五面矛桿二百餘根訊據活賊趙文斌供稱尹朝貴被擒後止餘二百餘人途遇陳四股內苟紅張老么帶來二百餘人遂與陳四合夥因官兵緊追又分作兩股希圖牽制現在陳四在前一股逃至金竹園一帶並我們在後一股俱被官兵殲擊無遺復訊據獲犯張老么苟紅供亦相同當將該犯及訊明從賊已久持械抗拒者九十三名悉予正法其被裹脅確有保領者即行釋放臣等現已委員迎提陳四親訊另行錄供具奏臣長齡因尹朝貴餘匪東趨陳四又復竄逸是以前經奏明趕赴東路剿辦茲接到祝廷彪等來稟此股既經淨盡東路已就肅清可以放心其沔縣一股計楊芳亦應日內見仗又有將軍賽冲阿在漢南

一路定可一鼓蕩平臣楊遇春現辦之龔貴股匪雖係楊芳剿敗之賊人數亦尚不少一經痛剿賊匪知各路有兵必仍折回北竄並據寶雞縣稟稱東河橋地方有不知姓名賊匪千餘人執旗搶掠現已入山有赴隴州之勢未識此股即係龔貴股匪抑係各路剿散零匪會合均未可定臣長齡即帶領特依順保色爾滾並滿漢官兵二千餘名由斜峪前進探蹤追剿以冀迅速肅事奏入

上命軍機大臣傳諭長齡楊遇春朱勳曰長齡等奏生擒首逆陳四並將尹朝貴零匪全數殄滅惟聞招內稱寶雞縣東河橋地方有不知姓名賊匪千餘人執旗搶掠現已入山有赴隴州之勢等語此股是否係龔貴股匪抑係各處零匪復行聚合現

欽定平定教匪紀畧

卷三十四

五

欽定平定教匪紀畧

卷三十四

五

在長齡已親自帶同特依順保色爾滾並滿漢官兵二千名由斜峪關探蹤進剿務須迅速撲滅勿任四散旁竄現在東竄股匪剿除淨盡又有吳廷剛祝廷彪兩路勝兵長齡等酌看情形何路緊要卽令該鎮等前往協助或分往或合往隨時調度朕亦不爲遙制至沔縣境內吳奇譚貴一股竄匪人數較多楊芳在彼剿辦又有游棟雲帶兵前往

欽定平定教匪紀畧

卷三十四

三

協助日內已否得有勝仗殄除淨盡又楊遇春現辦翼貴一股並賽冲阿跟剿之苗小一一股日內曾否掃除漢江一帶及棧道內外是否均已肅清並著迅速奏聞

上又命軍機大臣傳諭方受疇曰前因陝省陳四等股匪經官兵追剿東竄鎮安寧陝邊界長齡等分派官兵馳赴商州山陽一帶截剿商州龍駒寨等

處毗連豫省邊境當經降旨飭令南陽鎮總兵呢瑪善選帶弁兵一千名前赴該處紮營防堵本日據長齡等奏報賊匪陳四與尹朝貴餘匪合夥一千餘人由黃草坪改道金竹園分竄經總兵祝廷彪吳廷剛跟蹤緊躡分兵追至手扳崖賀家灣等處奮力剿捕共計殲斃賊匪五六百人擒獲三百餘人並將逆首陳四生擒此股賊匪業已全數殲

欽定平定教匪紀畧

卷三十四

三

擒陝省東路肅清豫省西界可不須派兵防堵著方受疇接奉諭旨卽飛檄呢瑪善將所帶防兵撤回歸伍仍留心察探鎮撫地方爲要上諭內閣曰長齡等奏生擒逆首陳四並尹朝貴等匪全數殄滅一摺覽奏欣慰感謝

天恩不盡陳四係首先倡亂之犯前在小王澗糾衆起事節經吳廷剛帶兵痛剿該逆自黃草坪潰逃之

後復潛與尹朝貴等匪合夥旋又分股東竄牽制官兵此次祝廷彪緊躡陳四股匪訊知該逆遠赴石泉遂乘夜由金竹園前往在手板崖地方接仗數時之久先經殲獲賊匪五百餘人戮斃執旗賊目一人次日正在搜林該逆等狡詐多端輒在林內詭稱投首經官兵設伏前進賊匪從林內衝出伏兵四起將該逆生擒餘匪全行殺斃無一得脫

欽定平定教匪紀畧

卷三十四

天

其吳廷剛緊躡尹朝貴等匪至賀家灣地方該匪知無路可竄靠山抗拒官軍分爲兩路吳廷剛並親自帶兵抄至賊後三面攻擊殲獲三百餘名此股亦全數剿盡所辦均爲可嘉祝廷彪將起事首逆督兵生擒實屬奮勇出力著加恩賞加提督銜仍交部從優議敘吳廷剛此次所剿雖係尹朝貴等匪而南山賊匪自起事以來吳廷剛首先帶兵

剿捕緊躡賊蹤不予以暇先將萬五大股賊衆追剿潰散以後官軍乘勝屢奏捷音其功亦復不小吳廷剛亦著賞加提督銜並交部從優議敘其銜入賊隊生擒陳四之把總李明舉胡貴著加恩超陞守備戮斃執旗賊目之外委劉耀國著加恩以把總陞用長齡行抵陝省後各路領兵將領連得勝仗生擒首逆該督調度有方著加恩交部議敘

欽定平定教匪紀畧

卷三十四

五

並賞給長齡四喜玉搬指一個玉吉祥牌一面玉翎管一個黃辮大荷包一對小荷包二個賞給祝廷彪吳廷剛四喜玉搬指各一個玉翎管各一個玉柄小刀各一把黃辮大荷包各一對小荷包各二個又頒發玉翎管五個堪達罕搬指五個小刀十把荷包十個一兩重銀牌四百面分賞出力將弁兵丁以示鼓勵

同日常明奏言竊臣接據賽冲阿來信內稱陝西金水河股匪由洋縣之金溜子躡淺渡江南竄八寶臺一帶等語查八寶臺地方與西鄉石泉接壤現在賊已竄至該處卽與川省之太平通江南江巴州一帶緊連現在桂涵雖已帶兵由廣元馳赴通南一帶會同羅思舉防剿但該匪一渡漢江入川之路叢雜綿長桂涵羅思舉二人勢難兼顧卽前派官兵一經分投迎剿尙覺過單臣復行飛調川東兵一千五百名添交桂涵羅思舉管帶併赴太平城口一帶協力堵剿又調軍督提三標兵一千名建昌兵一千名川東兵五百名臣親自帶領並帶同重慶鎮總兵羅聲臯馳赴通南巴州一帶探明洋縣匪徒於何處竄入川境卽由何處取道進剿並將前

欽定平定教匪紀畧

卷三十四

三

調之懋功臯和等營兵二千名催令迅速趨行交多隆武帶領專顧廣元一路至隴州一股賊匪聞已竄至階文與川省之龍安南坪連界臣已於松潘鎮屬各營派兵八百名分撥防堵以期有備無患成都副都統東林奏言竊查陝省洋縣賊匪由金溜子躡淺渡江竄至八寶臺一帶滋擾賽冲阿已由沔縣帶兵前往剿辦常明接到賽冲阿來信當卽親帶官兵馳赴通南一帶探蹤迎剿自可毋庸再添兵力惟聞陝省南山及黑河隴州一帶尙有數起賊徒一經官兵追剿難保其不逃竄入川而川省沿邊道路綿長似非厚集兵力不足以資派撥查八旗駐防滿兵自陝省用兵以來屢次呈請出兵及時報効臣擇其年

欽定平定教匪紀畧

卷三十四

三

力強壯技藝尤精者預行挑出五百名倘再有
需兵之處卽將此項官兵調往可期得力均奏
入

上命軍機大臣傳諭常明曰常明奏陝匪南竄親帶
官兵馳往迎剿一摺所奏過涉張皇洋縣渡江股
匪節據賽沖阿奏報剿辦完竣其折竄江北零匪
亦僅止千餘人經賽沖阿等帶兵剿捕無難立就

欽定平定教匪紀畧

卷三十四

三

掃除川界東北一帶現飭多隆武桂涵羅思舉督
率弁兵扼要分防足資守禦省城地方緊要理宜
鎮靜撫綏常明一接賊匪渡江之信卽紛紛徵調
帶領多兵輕率遠出致令人心驚疑實屬不知緩
急著傳旨申飭常明途次如續聞賽沖阿剿賊獲
勝之信卽帶兵轉回尙爲曉事倘已赴通巴一帶
著接奉諭旨速回省城鎮靜彈壓並飭知重慶鎮

總兵羅聲臯卽回本任所調之軍督提三標及建
昌兵二千名均令回營歸伍如慮沿邊兵力稍單
將已調之川東兵二千名分撥一千就近交桂涵
羅思舉管帶防堵可也

上又命軍機大臣傳諭東林曰東林奏預挑駐防滿
兵五百名以備調撥一摺洋縣渡江竄匪節經賽
沖阿剿除殆盡其由老漁壩折竄江北股匪現經

欽定平定教匪紀畧

卷三十四

三

賽沖阿帶兵在洋縣一帶堵剿諒可就近掃除川
省邊界又有多隆武桂涵羅思舉等分督弁兵防
守足資備禦省城地方緊要自宜鎮靜駐守本日
常明奏親督官兵赴通巴一帶防堵已屬張皇東
林不識事體輕重並挑備駐防滿兵多名豈不令
人心惶惑所辦尤屬輕率東林著傳旨申飭所挑
官兵卽傳令安靜駐守勿得輕舉妄動

臣等謹按南山匪徒滋事之日卽蒙

聖慮籌念川境邊防徵兵堵禦賽冲阿甫馳抵沔縣

已有躡淺渡江之賊倘稍緩旬日豈能迅挫

賊鋒扼其入川之路

先幾制勝實已算無遺策維時陝境分竄股匪挺走

無方當羽檄倥偬之際人情易涉驚惶仰惟

皇上肝宵籌筆全局在胸計山內逐寇之師分股專

欽定平定教匪紀畧

卷三十四

三十四

辦兵力已屬有餘西南一面責成賽冲阿率

領勝兵以剿爲堵冬隆武桂涵羅思舉等扼

要分防無虞竄逸於川陝數千里之內軍情

賊勢

瞭如指掌是以

佈置周密

天網四張雖獸駭禽奔無能肆其狡逞之技常明一

聞警報輒紛紛調發輕離省垣東林亦挑出

滿兵多名預備續派仰蒙

聖明訓飭

示以鎮靜之方並將所調各兵撤回歸伍俾不致傳

聞惶惑彼徒見賽冲阿奉檄星馳亦遂厲兵

尋食而不知先後緩急情形迥不相同其於

睿算神謨奚能仰窺萬一也哉

欽定平定教匪紀畧

卷三十四

三十五

二月初六日酌賽冲阿奏言竊臣前於續竄漢

江南岸匪徒剿辦完竣後卽督兵渡江星夜疾

馳二十七日申刻追及賊衆於洋縣屬之店子

河紅號綠號股匪已合成一路共約二千餘人

佔據兩座山梁阻水負嶠作勢抗拒臣派令叅

將朱承受遊擊余步雲帶兵躡淺渡水奮擊左

手山梁之賊臣親率將弁直搶右手山梁該匪

於山腰施放鎗礮拋擲石塊勢極鴟張經我兵奮勇爭先鎗箭齊發殺死賊匪前敵百餘名搶獲大礮三尊鳥鎗四十七桿旗幟刀矛無算餘賊翻山奔竄卽催兵追殺二十餘里又斃賊百餘名生擒一百三十五名因天已昏黑不辨路逕暫行紮營店子河邊二十八日四鼓復督兵追躡疾馳九十餘里沿途拏獲落後匪徒訊知

欽定平定教匪紀畧

卷三十四

三

賊衆竄向北巖子寨家嶺隨分遣叅將朱承受蘇勒當阿守備王文衡徐廷彪冉玉龍由牛家溝從左路抄寨家嶺之前遊擊余步雲楊逢春守備張必祿署守備唐文淑李應龍帶兵由小王廟抄赴寨家嶺之右臣親率協領阿嘎阿佐領候補叅將蘇勒芳阿開復遊擊向春煦候補遊擊楊登魁署守備趙廷耀趙國柱帶兵緊追

欽定平定教匪紀畧

卷三十四

三

至北巖子地方該匪正在山巖官兵施放鎗礮向山攻擊賊匪不敢抗拒四散奔逃經官兵一路圍殺又斃賊三百餘名生擒一百九十八名並經遊擊余步雲率領奮勇弁兵生擒紅號逆首偽總兵羅懷卽羅小一又經三路官兵生擒偽先鋒劉添華田登連伍名昌綠號偽先鋒劉高鮑成馬審藍承寧劉貴九名計兩日內共擒斬賊匪幾及千名又據派出搜捕官兵拏獲零星逃匿匪徒一百十三名訊據賊首偽總兵羅懷卽羅小一供稱年二十六歲四川涪州人並無父母妻子此股紅號起手大頭子是楊二劉濫子楊二因招降爲本號之人所殺劉濫子在兩河打仗衝散亦被寨民捉去殺死衆人稱我偽總兵聽我管束我因官兵追剿與綠號苗小

一合夥被官兵追殺拏獲如今青號楊榮一股已經剿淨藍號黃老五一股亦俱殺完黃老五又名王五聞彼未見官兵先已逃走現在只有綠號苗小一帶同幾百人竄逸至黃號段總兵股內約有二三百人不知現在何處等供質之紅號偽先鋒劉添華及綠號偽先鋒劉高等供亦相同臣審明後即將逆首偽先鋒等九名凌

欽定平定教匪紀畧

卷三十四

五

遲處死並賊匪二百六十五名概行處斬其餘被脅難民計男婦一百八十六名口立時給票釋放臣前因逆首黃老五潛逃卽派兵搜捕據寨民等僉稱該匪擁衆往來滋擾切齒已久於二十四日瞥見該逆獨自奔逃當卽打傷細送寧陝鎮總兵吳廷剛軍營臣札詢吳廷剛接據覆稱該鎮於二十四日在賀家灣行營有水田

坪民人細送帶傷賊匪一名王五因剿賊緊急難於帶解當卽正法是此時僅有綠號逆首苗小一尙未弋獲苗小一現竄向女兒壩一路吳廷剛現在茅坪距女兒壩甚近已飛札該鎮探蹤截擊仍於本營挑派奮勇官兵五百名令遊擊余步雲帶領連夜窮追臣拜摺後亦卽帶兵繼進務卽殲除現在漢江一帶查無黃號股匪名目或早已解散或經別路官兵剿除均未可定至逃散餘匪臣一面派兵搜捕一面飭知各處洞寨鄉民一體緝拏

欽定平定教匪紀畧

卷三十四

五

上命軍機大臣傳諭賽沖阿並諭長齡楊遇春朱勳日此次紅號綠號股匪合夥奔竄賽沖阿督兵追剿於二十七二十八兩日在店子河寨家嶺等處痛加剿殺擒斬幾及千名又搜獲逃匪匪徒一百

餘名並將紅號逆首羅懷卽羅小一及偽先鋒劉添華等八名拏獲前此在逃之藍號逆首黃老五卽王五亦據查明經寨民打傷送交吳廷剛處正法所辦甚好此時苗小一股匪向女兒壩一帶奔竄吳廷剛已到茅坪距女兒壩甚近賽沖阿現札知該鎮迎頭截剿一面率兵窮追前後兩面夾擊自不難將此股迅速辦淨現在漢江以南全境肅

欽定平定教匪紀畧

卷三十四

四

清無須川省添兵堵剿昨據常明奏稱親自帶兵馳赴通巴剿賊東林亦有挑備滿兵五百名之奏皆屬輕率已降旨申飭令常明速回成都著賽沖阿卽就近將剿賊得勝情形知照常明令速撤兵歸伍無令川民間風惶惑目下陝省股匪俱經官兵痛剿所剩無多惟吳抓抓一股楊芳現由漢中抄道截殺龔貴一股楊遇春亦由沔縣一路探踪

追擊此外隴州一帶尙有無名賊匪千餘名長齡亦已親自帶兵由斜峪關追剿各路兵力厚集賊勢窮蹙已甚賽沖阿並飭知各處碉寨民人堅壁清野遇有逃匿匪徒立時緝送更可爲搜捕零匪之助看來前二月內當可一律肅清賽沖阿現由南而北長齡由北而南軍營日近可以聲息相通指日各路賊匪掃除淨盡賽沖阿會同長齡楊遇

欽定平定教匪紀畧

卷三十四

五

春朱勳查明漢江南北南山內外及老林中實無遺孽伊四人卽聯銜由六百里加緊奏報全境肅清捷音一至佇膺懋賞勉之其此次生擒首逆羅懷之遊擊余步雲甚屬勇往著加恩以叅將陞用並著賽沖阿查明該員如未得花翎著賞戴花翎如已有花翎卽奏聞賞給勇號所有賽沖阿一路節次出力官弁兵丁著該將軍自行查明秉公保

奏不可冒濫亦不可遺漏奏到之日再降恩旨

陝甘學政韓鼎晉奏言竊查南山賊匪正當剿辦

之時一經搜捕淨盡善後事宜在在均關緊要

臣聞見所及不敢拘泥職守壅於上

聞茲謹臚陳敬備

採擇一南山內宜急行堅壁清野之法易於剿捕淨

盡也南山逼近老林處處與川省相通該匪等

隨處掠食搜捕匪易惟有嚴飭南山內外各寨

砦村堡固其垣墉將糧食搬徙囤藏嚴密自守

使其野無所掠不過數日即已困斃首逆無難

立獲一嚴禁弁兵擄掠難民子女以全良善也

查搜捕匪徒之時弁兵等每不分良莠任意擄

掠應請

勅下領兵大員嚴飭弁兵於投出婦人子女中審係

欽定平定教匪紀畧

卷三十四

聖

逆黨固應照例緣坐其實係良民婦人子女概

從省釋倘弁兵等妄行擄掠務須有犯必懲一

南山毗連各州縣曾經滋擾之地宜慎選賢能

也南山地極綿長當匪徒滋擾之時全在地方

官守護城池撫綏黎庶並籌辦防堵事宜刻下

大兵雲集立就肅清所有善後諸務俱關緊要

該處地方州縣必須有守有為之吏實力撫綏

應請

勅下督撫等嚴為甄別如人地稍有未宜即另揀賢

能之員調補不必拘以成例以上各條臣訪問

所及據實奏

聞伏候

訓示奏入

上命軍機大臣傳諭長齡楊遇春朱勳曰據韓鼎晉

欽定平定教匪紀畧

卷三十四

聖

條奏南山內剿賊善後事宜一摺此次南山匪徒經各路官兵截擊殲擒過半零匪日益窮蹙無難尅期掃除淨盡惟該處山徑叢雜賊蹤四竄必盡杜其劫掠裹脅之路則賊事更速卽如每次破賊搜獲鎗礮器械等件皆係該匪等就各寨碉搶掠所得可見守禦不堅卽資寇兵而齎盜糧著長齡等卽飭令南山內外各寨碉村堡將糧食搬聚合

欽定平定教匪紀畧

卷三十四

四

併固守俾竄匪所到無可得食則搜剿更易爲力是卽堅壁清野之遺意也至用兵所以衛民必須於所過地方秋毫無犯方爲紀律之師其克賊有功之弁兵自必加以陞賞若擄掠婦人子女軍法在所不宥卽逆犯家屬例應緣坐者亦自有國法辦理尙不當縱令弁兵擄掠若將難民子女從而擄掠此與賊何異著長齡等嚴飭領兵各鎮將約

束弁兵申明紀律如有擄掠婦人子女者立卽究明從重辦理其賊中投出之婦人子女除逆黨緣坐外訊係被賊裹脅者妥爲省釋無俾失所再南山毗連各州縣一應撫綏安輯事宜均關緊要非精明強幹實心任事者弗克勝任著長齡朱勳於剿賊事竣後察看各州縣內如有闕茸廢弛者卽嚴行甄別另揀賢能之員奏明調補以期除莠安

欽定平定教匪紀畧

卷三十四

五

良整頓地方

欽定平定教匪紀畧卷三十五



二月初八日記巡視東漕給事中李鴻賓奏言
竊查上年三省匪徒勾結滋事仰賴

聖主洪福將士宜力迅速剿除惟三省毗連地方饑
民難民餘匪土匪急須設法拯救並搜捕淨盡
以臻治平臣留心察訪酌擬善後事宜數條敬
為我

欽定平定教匪紀畧卷三十五

皇上陳之一籌濟民食查直隸河南山東三省被災
被賊地方各督撫等節經奉

旨查辦業已分給銀米並將錢粥兼施惟各該處糧
價倍常負販不至縱領官錢無從乞米即各處
分置粥廠而設立無多民居寫遠老弱臥病枵
腹餘生不能赴食聞粥廠中有匍匐而來未得
食而先斃者此以民就廠不如以廠就民也現

在直隸大名山東曹州情形大概相同而河南
滑潯中牟睢鄭祥符考城寧陵各州縣為尤甚
統祈

勅下各督撫妥協經理於酌放錢米外察看鄉市村
莊遠近多為分置粥廠以便饑黎就食至散賑
地方既廣為時又久其米粟自應多為籌備如
本境鄰境有慕義紳民力能助賑者應聽其呈

欽定平定教匪紀畧卷三十五

報地方官設廠煮賑且三省各屬多係積歉應
各於近省豐熟地方遣員速為採買以資接濟
一查禁地窰查奸匪於平地掘坎橫通直達或
數丈至數十丈不等名曰地窰始於直隸之鉅
鹿山東之鄆城二縣而三省毗連各州縣亦往
往而有該匪等始則窩藏賭博容留姦盜後遂
招集兇橫演練器械凡傳徒習教夜聚曉散之

黨多潛匿其中其地甯上覆土屋環植菜蔬外復築以圍墻雖近通衢過者莫察現雖逆黨剿除而餘匪土賊竄伏此中者聞尙不免應請

勅下各督撫嚴飭各地方官認真訪查遍將地甯毀平絕其巢穴並出示嚴行禁止及曉諭軍民人等訪實出首以杜隱患一嚴禁私渡查渡口船隻官設者為官渡民置者為私渡原皆可以盤

欽定平定教匪紀畧

卷三十五

三

緝匪徒若徒嚴官渡而不禁私渡官渡查人過嚴則難民被其攔阻私渡索錢必多而奸民得以賣放是查賊者適以縱賊便民者轉以殃民也臣聞三省沿河地方現飭官渡稽查而私渡仍不免有疎漏之弊河南睢寧二境黃河口門以外在在有之其地與滑濟曹定等縣接壤私渡既多惟知乘機籠利逃匪率由此西渡遠颺

而窮黎轉不能東渡回籍以至壩上棚民因遭禁渡路斃日多此明嚴官渡暗縱私渡之弊也應請

勅諭地方大吏委員於各渡口查有形跡可疑及攜帶違礙字跡器具者無難立即盤獲其有文憑護票及附近民人蹤跡分明者概不查搜惟嚴禁一切私渡毋許放行並將官渡酌定船戶飯

欽定平定教匪紀畧

卷三十五

四

錢刻榜懸示或地當孔道即多置一二官船以利往來一仿行會哨查軍務告竣三省調集各處兵丁業經分別撤留現在三省連界地方如河南睢寧考城一帶饑民叢集即多奸徒涸跡其中而山東曹單定陶金鄉等縣教匪亦尙多餘黨仍須認真查緝願撤兵無以資彈壓而留兵亦恐耗資糧臣查兵部則例有江海會哨之

條各營汛上下往來巡緝每月彼此會哨二次對換概將令箭爲憑今擬仿照此例畧爲變通此數處酌計營汛在百里內外按程一二日可到者各派將備領兵數百名彼此對換以印單開列各兵姓名並給腰牌查對每月二次屆期相爲輪轉順途巡緝到營後仍如各歸其伍無庸增給口糧旣省糜費又壯聲威一俟農穀豐收人心大靖卽爲停止以上四條於善後事宜似可稍備採擇伏乞

訓示奏入

上諭內閣日給事中李鴻賓條奏三省善後事宜一摺所言切中時弊皆應速辦上年直隸豫東三省交界奸民滋事皆由林清首倡逆謀滔天之罪寸磔不足蔽辜其從逆徒黨亦皆被其煽惑罹刑網

欽定平定教匪紀畧

卷三十五

五

伏誅夷者殆以萬計而良民受其荼毒因而戕生蕩析者更不可勝數朕思之實爲惻惻三省連年本多荒歉茲又加以兵燹間閭凋瘵若再不盡心撫字其何以拯救黎元前屢頒諭旨令該督撫等加意賑卹分給銀米并於各處多設粥廠俾道路饑民咸資餬口今據該給事中奏稱粥廠雖設而民居寫遠老弱臥病枵腹餘生不能赴食并有匍匐而來未得食而先斃者殊堪憫惻直隸大名山東曹州情形相同而河南滑濬中牟睢鄭祥符考城寧陵各州縣爲尤甚夫以民就厥何如以厥就民此時亟應多爲籌備米粟酌量村莊遠近添設粥廠或本境米糧稀少卽就近於豐熟地方廣爲採買督撫大吏下及有司皆有爲朕牧民之責伊等動輒以捐廉辦公爲請朕多不允納若仰體朕

欽定平定教匪紀畧

卷三十五

六

保赤之誠以俸入所餘倡先施濟使地方富戶紳民共知則倣能令災民多所全活其所濟者大矣又所奏查禁地窖一節上棟下宇廬舍市廛各有恒式今奸民等創爲地窖爲鬼爲蜮小而窩藏奸賭大而聚匿兇徒皆倚以爲巢穴不可不嚴行查禁著三省督撫卽分飭地方官訪明現有巢窟令其自行毀除若不毀除或經官查出或被人告發

欽定平定教匪紀畧

卷三十五

七

以違制論並出示曉諭毋許再有私造以杜隱匿又所奏嚴禁私渡一條據稱官渡因查人過嚴難民致被攔阻而私渡得錢賣放奸民轉可偷渡三省沿河地方及河南睢寧二境黃河口門以下比比皆是壩上棚民因禁渡路斃日多等語渡口盤詰奸宄若因此稽留難民爲暴商旅是防弊而適以滋弊著該督撫分派委員於官渡私渡一體留

心查察如有形跡可疑及帶有違礙字跡器具者卽行查緝其勒索錢文苦累平民賣脫奸宄者查出從重懲治毋稍姑息又所奏派兵會哨一事搜捕餘匪彈壓地方防兵不能曠日久駐該給事中奏請仿江海會哨之條藉以察勘營汛稽查匪黨是亦弭患之道但每月二次亦未免太數應如何按計營汛程途遠近撥派弁兵輪流巡緝俾居民

欽定平定教匪紀畧

卷三十五

八

無擾奸匪潛蹤著直隸河南山東督撫酌議章程妥協辦理同日方受疇奏言查上年滑縣逆匪勾結滋事調集各路官兵尅期剿捕事機萬分喫緊其時河北一帶正值積歉災傷凡採辦軍需一切倍常昂貴其官兵鹽糧馬乾採買粟米等款例價實屬不敷臣已奏蒙

恩准據實報銷在案現在軍務告竣經臣飭令兩局

司道將動用各款開單彙送覆加查核自軍興

起至凱旋官兵出境止除山陝二省協濟驛馬

火藥火繩各價應歸該二省自行開銷又各州

縣採辦軍需物料僱備車船支應兵差等銀尙

未全領外統計司庫已撥發銀一百六十餘萬

兩內有各官借支養廉兵丁借領行裝銀七萬

欽定平定教匪紀畧

卷三十五

九

餘兩應按季扣還歸款其餘銀兩現在催令經

手各員核實造報將例應准銷銀兩確核

題銷其鄉勇口糧及例價不敷並例不准銷等款

應仍照川楚軍需成案由豫省攤捐歸款此內

如有不照例案濫支濫應者卽著落經辦之員

賠繳庶帑項支銷悉歸核實奏入報

聞

二月初九日庚子方受疇奏言上年滑縣匪徒滋

事界連直隸山東又與省城切近道路綿長防

堵稽查均關緊要兼以集九省之兵閱四月之

久一切軍火糧餉製備器具等項必得隨時應

付方免貽悞地方正佐以及投効各員或防守

城池堵禦要隘或緝匪解犯照料兵差均能始

終奮勉臣謹擇其尤爲出力者繕列清單敬呈

欽定平定教匪紀畧

卷三十五

十一

御覽再豫省隨營武職各員業經那彥成等分別保

奏尙有歸德營叅將得志防守城池巡緝匪犯

甚爲出力鄧新營遊擊楊景芬派在北岸封邱

一帶堵禦毫無疎懈該二員先會蒙

恩賞戴花翎應懇

聖恩給予議敘又陳州營都司汪鳳臨經臣派令帶

兵防堵在北岸瓜子營地方突遇賊匪一千人

竄至該都司率領弁兵一百名奮勇追剿殲獲賊匪多名即在考成防守匪徒不敢復生窺伺考城蘭陽一帶得獲安全應請

賞戴花翎又襄城營都司全保歸德營守備董元壯千總李京陽把總張飛鼎等四員防堵要隘緝拏匪犯均屬奮勉應請

賞戴藍翎並有前在滑縣城外隨同打仗搜獲滑縣印信之馬兵李復元亦屬出力應請以把總外

委酌量陞用奏入

上諭內閣曰方受疇奏查明承辦軍務出力人員懇恩獎勵一摺上年滑縣匪徒滋事該員等或防守城池或經理糧餉以及各項差委均能奮勉勤事加恩著照所請河北道趙麟賞加按察使銜開封府知府昌宜泰賞加道銜知州借補祥符縣知縣

王祁睢州知州汪如潮以同知直隸州陞用懷慶府通判候選直隸州知州李義文安陽縣知縣章玉森洛陽縣知縣魏襄俱賞換五品頂戴河內縣知縣吳為義商邱縣知縣錢熙孟縣知縣孫世澧封邱縣知縣全福滑縣巡檢秦丙正陽縣典史張熾淇縣典史錢震西平縣典史季岑俱以應陞之缺陞用汲縣知縣劉廣澍西華縣知縣殷長福新安縣知縣趙鼎無論題調缺出准其調補候補通判竹騰香候補知州吳廷標候補知縣華宗壇周南王涓黃堂貴泰無論繁簡陞調所遺並丁憂等項缺出俱准其酌量補用同知銜坐補懷慶府通判李璧免其坐補俟補缺後給咨引見試用知縣裴奉辰俟服滿後准其留於豫省補用候補縣丞管景格候選未入流余鼎准其捐足不論雙單分

欽定平定教匪紀畧

卷三十五

十一

發留於豫省委用原發廣東從九品沈樹信候選
禾入流莊尙忠俱准其留豫委用其辦理兵差驛
站之道員張翺候補道吳紹浣知府謝學崇袁繼
綱齊鯤候補知府鍾祿直隸州知州耿育仁通判
候補同知直隸州潘鷺知縣郝延年陳藻鄭丞烈
孫肅元李虎臣章慶廉王掌絲並著交部議敘

上又諭內閣曰方受疇奏軍營出力之武弁懇加鼓

欽定平定教匪紀畧

卷三十五

十三

勵等語歸德營叅將得志鄧新營遊擊楊景芬防
守城池巡緝口岸毫無疎懈該二員前已賞戴花
翎著加恩再交部議敘陳州營都司汪鳳臨防堵
河岸剿禦出力著加恩賞戴花翎襄城營都司全
保歸德營守備董元壯千總李京陽把總張兼鼎
隨營奮勉俱著加恩賞戴藍翎其在濬縣隨同打
仗搜獲滑縣印信之馬兵李復元著該撫以把總

外委酌量陞用

二月初十日辛丑賽冲阿楊遇春奏言查綠號股

匪經臣賽冲阿在店子河寨家山等處痛剿雖

已斬擒大半獨逆首苗小一率四五百人遠遁

老林臣賽冲阿卽挑選官兵五百名派令遊擊

余步雲等帶領跟追裹帶乾糧星夜前進復又

飛札吳廷剛探蹤抄截臣賽冲阿亦卽率兵繼

欽定平定教匪紀畧

卷三十五

十四

進行抵茅坪接據吳廷剛稟稱接奉札飭卽督
率叅將張起鰲守備唐倬劉太帶兵五百名連
夜進剿又令遊擊周貴等帶兵四百名由亮風
壩一帶抄截二十九日寅刻行至月亮坪地方
該匪正在喘息官兵直前撲殺匪徒膽敢放鎗
持械抵死抗拒適臣賽冲阿所遣遊擊余步雲
守備張必祿冉玉龍千總李應龍楊英把總王

雄英等帶兵趕到協力剿殺斃賊七八十名生擒七十一名內有賊目李大旗何貴二名訊據供稱我們頭子偽元帥苗小一今早臨陣已被官兵殺死是眾人親見的我們因官兵追趕緊迫都在沿途逃散昨日到代古坪查點人數只餘三百有零今日又被官兵擒殺多人現在逃出多少我們實不知道等供查此股匪徒除擒斬外所餘不過百人已四散逃匿現在分兵搜捕並飭弁兵帶同何貴于山坎下尋出苗小一屍身令現獲活賊隔別辨認屬實臣賽冲阿卽飭將苗小一首級懸掛示衆以快人心併將解到活賊訊明分別凌遲正法此次陣亡兵丁二名受傷弁兵十一員名另行造冊咨部臣賽冲阿所剿四號匪徒已全行辦竣現在馳赴華陽

欽定平定教匪紀畧

卷三十五

五

督率搜捕零匪適臣楊遇春趕辦龔貴股匪追至牛尾河該匪徒望風潰散僅存四五百人由獅子嶺礮房溝一路竄遁老林正在催兵追殺據報苗小一股匪被臣賽冲阿逼竄漢江北岸有欲走二郎壩竄入南山老林之勢當酌派馬步官兵一千名令副將何占鰲等帶領專辦龔貴一股殘匪臣楊遇春親率官兵抄出二郎壩截剿苗小一股匪嗣復探得該匪在店子河寨家山等處剿敗由西溝竄女兒壩隨派令副將銜齊慎帶兵由都督河佛爺坪迎頭攔截臣楊遇春帶領馬隊由華陽取道二十四壩探蹤抄截及行至華陽已經臣賽冲阿督率吳廷剛等將苗小一首夥駢誅督兵搜洗餘孽亦到華陽彼此會晤籌商各路剿捕事宜適據鳳縣文武

欽定平定教匪紀畧

卷三十五

六

稟報龔貴殘匪晝夜狂奔已竄至寶雞縣屬南
安溝水高川一帶由東河橋竄至棧西之勢
臣等隨飛調派出齊慎一路官兵趕緊回歸臣
楊遇春帶兵由小河口桅桿石武關河一帶取
道入棧確探賊蹤迎截並據楊芳游棟雲報稱
吳抓抓吳瘋子等股匪已經該鎮剿辦完竣另
股七八百人奔竄竹壩子一帶現在帶兵進剿
該鎮等兵力甚厚無難剋日掃除現在各股竄
匪次第剿滅督臣長齡亦由子午峪前赴漢南
一帶臣等俟與長齡會晤將各路官兵應留應
撤之處妥議章程再行會銜馳
奏再臣等續接副將銜齊慎稟稱奉派帶兵剿
苗小二零匪即由古枝梁一路進發探得此股
已經吳廷剛余步雲兩路夾擊殲擒大半剩匪

欽定平定教匪紀畧

卷三十五

十七

約有百餘人由亮風埡老林竄出菜子灘奔茨
溝太白老林該副將即由佛爺坪分兵兜剿將
所有殘匪悉數殲擒並無一名漏網查綠號零
匪既經掃除淨盡漢江南北實已全境肅清惟
前據青號逆首楊榮供稱匪徒共有青藍紅綠
黃五號今青藍紅綠四號均已辦完獨黃號不
知下落因遍詢活賊李順等供稱陳四一股便
是黃號陳四是偽元帥段總兵是偽先鋒帶領
眾人獨走一路不與四號合夥等供據此是五
號匪徒均已掃除淨盡此外並無餘孽奏入
上命軍機大臣傳諭賽冲阿長齡楊遇春朱勳日賽
冲阿等奏剿除青藍紅綠四號股匪將首逆苗小
一殲斃一摺此數股賊匪剿淨之後川省邊界已
就肅清惟龔貴殘匪數百人在寶雞東河橋一帶

欽定平定教匪紀畧

卷三十五

十六

奔竄楊遇春已馳往剿辦其吳抓抓等股匪業經楊芳游棟雲剿辦完竣有另股賊匪七八百人奔竄竹壩子該鎮等星馳追剿以得勝之師乘殘敗之賊諒可尅日殄除此外尙有長齡前奏竄往隴州不知姓名賊匪千餘人該督自行帶兵往剿會否追及掃除此時長齡與賽冲阿楊遇春軍營相距均不甚遠伊等各將所辦之賊追殺淨盡即可

欽定平定教匪紀畧

卷三十五

十九

以次會合看來蕺事捷音必能符前二月之限惟大股賊匪剿除之後必當將山內山外及附近棧道零星竄匪搜捕淨盡伊等會勘實無遺孽卽由六百里加緊奏報蕺功總於迅速之中倍加慎重勿留遺孽捷音一至玆沛恩施

上諭內閣曰賽冲阿等奏剿辦青藍紅綠四號股匪節次掃除現復殲斃綠逆首偽元帥苗小一首

夥淨盡一摺據稱官兵前在店子河等處痛剿賊匪之後逆首苗小一當率四五百人潛遁老林該將軍一面派兵窮追一面飛札吳廷剛派兵抄截前月二十九日吳廷剛所派官兵進至月亮坪地方正在剿殺間適賽冲阿所派官兵趕到協力痛剿殲獲賊目賊匪多名當將苗小一臨陣殲斃訊據活賊認出屍身梟首示衆現在掃除淨盡苗小

欽定平定教匪紀畧

卷三十五

二十

一等各號股匪前此裹脅至四千餘人在陝省蓋屋城固洋縣西鄉等處肆行焚掠並踰淺渡江窺伺川境賽冲阿原在沔縣防堵一經得信飛卽移兵剿辦奮勇窮追不予賊匪片刻之暇計旬之內師行二千餘里連接五仗將各號數千匪徒殲擒淨盡首夥無一漏網所辦可嘉之至賽冲阿前因剿辦三省邪匪會給一等輕車都尉世職茲保

障西南厥功甚偉著加恩晉封爲二等男以昭懋
賞所有出力將弁官兵卽著該將軍秉公查明據
實保奏候旨陞賞

同日章煦奏言竊查南河縣拏獲逆犯楊遇山
一案應提各犯現據河南撫臣將郜坦照咨解
來直併據清河等縣先後拏獲逆犯劉功等解
省臣逐加研鞫緣楊遇山向習離卦教嘉慶十

欽定平定教匪紀畧

卷三十五

三

一年曾在劉功處會見離卦教首郜生文之孫
郜坦照遂與往來送給銀兩並傳徒劉文明劉
存信等犯十八年四月內滑縣逆匪于克敬至
楊遇山村內行醫詢係同教于克敬遂邀同楊
遇山并宋洛平呂金臺至宛平縣宋家莊與林
清會面林清言九月內應有劫數伊已勾結獨
石口武官曹姓太監高幅祿並約同教之人定

期四五月三十五日一齊起事暗藏九月十五之
期林清當給楊遇山信一封囑其送交滑縣李
文成收閱楊遇山卽携書先至曹縣同教人徐
先及東明縣羅文志棗林兒王道濼各家互相
知會於六月二十六日始同張奎五劉文彩自
劉文明家起身至李文成家送信又與劉惲明
相見而回八月初一日楊遇山復雇張得富背

欽定平定教匪紀畧

卷三十五

三

負行李同張奎五往與李文成劉惲明密謀李
文成等令其糾黨接應楊遇山回至劉文明家
糾齊劉存信和隨路祥雲霍景有劉文彩劉文
炳劉玉全張奎五等八人楊遇山欲給李文成
等回信并欲知會商邱縣郜坦照及素好之清
河縣張希勝預備白旗保護身家令霍景有寫
信遣張奎五送赴滑縣李文成等未給回書惟

囑令告知楊遇山多糾夥黨接應又令劉存信
 送信至部坦照家告知來意部坦照畏懼將信
 焚燬其所寄張希勝信函囑張奎五轉交素識
 之李添成送往李添成因工忙將信燒燬未送
 楊遇山以李文成等既令招人接應必須備造
 名冊令閻三俊繕寫十家牌式樣一張又令張
 作楫編造招軍告示二稿即寫於十家牌稿背
 後存留閻士興家時滑縣業已起事楊遇山因
 夥黨僅止同教數人未能往助適被林清指供
 奉
 旨飭拏並訪獲劉文明等犯訊據供認不諱楊遇山
 霍景有張作楫三犯均應依律凌遲處死劉文
 明劉存信和隨路祥雲劉文彩劉文炳劉玉全
 張奎五閻士興閻三俊等十犯均應擬斬立決

欽定平定教匪紀畧 卷三十五 三

臬示臣於審明後即恭請
 王命將該犯等綁赴市曹分別凌遲斬決臬示內霍
 景有張作楫劉文明劉存信和隨路祥雲劉玉
 全均已在監病故仍照例戮屍傳首示眾各犯
 家屬查明照例緣坐部坦照之祖部生文係屬
 離卦教首該犯於部生文犯案正法之後猶敢
 踵習其教收受同教人餽送雖訊無傳徒及與
 楊遇山等商同謀逆情事係著名教首之孫未
 便容留內地致滋事端部坦照應與曾拜楊遇
 山為師之谷自孝潛與教匪往來之吳生智均
 照例發往新疆給額魯特為奴劉功訊未從逆
 現准山東咨會尚有另案待質應解東省歸案
 辦理餘犯杖責擬結奏入得
 旨刑部議奏旋經刑部照所擬奏結得

欽定平定教匪紀畧 卷三十五 三

旨依議部迴照著發往新疆給額魯特爲奴遇赦不赦

章煦又奏言竊照從逆匪犯馬老太供扳何凱等知情同謀一案經_臣等節次審訊據馬老太供認會拜林清爲師十八年七月間林清告知逆謀及造反日期令其糾人俟滑縣衆人至保定攻城時在內接應馬老太當卽應允嗣因省

欽定平定教匪紀畧

卷三十五

五

城各衙門耳目甚近稽查嚴密糾人恐致敗露未敢舉動迨九月半後馬老太聞知林清被拏心生畏懼十月內不記日期馬老太與所雇幫工之發遣旗人岳克清阿民人劉均相飲酒馬老太醉後悲嘆聲言事已散臺岳克清阿盤問馬老太將林清糾合從逆之言告知岳克清阿等當斥其非次日馬老太酒醒自知失言隨向

岳克清阿等央懇始各容隱嗣因宋玉林在京供出馬老太從逆拏獲解京審訊馬老太已供認聽從林清入教謀逆復追究夥黨馬老太慮恐受刑因與何凱張老得施美儀周幅靈王孝禮袁五蘇老二卽蘇蔭子王喜李老達等俱各挾有微嫌卽將何凱等扳供奉

欽定平定教匪紀畧

卷三十五

五

旨飭拏究辦並派令刑部郎中汪如淵押解馬老太來省質究何凱等九人實係馬老太挾嫌誣扳並未入教從逆馬老太應依律凌遲處死_臣遵旨於審明後卽恭請王命將該犯綁赴市曹凌遲處死仍梟首示衆其妻趙氏照例緣坐岳克清阿等及案內餘犯分別問擬遣徒枷杖完結奏入得旨刑部議奏旋經刑部照所擬議結

上從之

二月十一日壬寅長齡楊遇春朱勳奏言竊查吳

抓抓股匪人數衆多先經臣等剿辦鐵鑑川滋

擾股匪內訊據活賊供稱吳抓抓逃赴隴州此

股係吳奇譚貴爲首嗣因該匪等竄擾沔縣焚

燒關廟總兵楊芳帶兵馳往臣等卽令該總兵

於剿辦之時詳查吳抓抓是否在內務期拏獲

欽定平定教匪紀畧

卷三十五

三

茲據楊芳稟稱探得賊匪已南竄黃官嶺其勢

直奔入川之路該鎮卽督催官兵連夜行走於

二十五日黎明趕至翦子河地方截住賊匪去

路分兵設伏親率馬隊迎頭進擊賊匪三千餘

人正在黃官嶺集隊起竄一見官兵紛紛搶占

山梁搖旗下壓經副都統銜達斯呼爾岱金保

侍衛金勤保色楞保委協領永海帶領吉林索

倫馬隊遊擊萬彪都司沙武德守備馬得陞千

總張貴福帶領步隊官兵奮勇分撲越二時之

久斃賊五百餘名賊始潰亂撲過山溪冀圖免

脫楊芳等且殺且追又斃賊三百餘名賊衆竄

越山澗直趨塘口子正遇設伏之都司劉安邦

劉允孝李章守備鍾虎狝等帶領官兵據山下

歷立時殺賊二百餘名賊復折回奔竄馬步官

欽定平定教匪紀畧

卷三十五

三

兵合力緊追復遇設伏之叅將銜遊擊呂天俸

遊擊方一彪中福知縣劉國柱帶領兵勇由老

林橫截衝出該匪情急與我兵刀矛相接剿殺

一處該鎮親率馬隊前後衝擊適游棟雲率同

遊擊林向榮等帶兵趕到四面圍剿殺斃賊匪

五百餘名該鎮見賊衆中有戴紅頂藍頂者各

一人持旗指揮勢甚兇猛訊問活賊知一係吳

抓抓一係吳瘋子卽吳奇該鎮傳令弁兵務須先剿二逆有西安步兵李信衝入賊隊將紅頂賊匪用矛迎胸戳落墜馬把總陶英前往撲擒賊衆刀矛並舉直前救護經吉林甲兵穆騰額鄂克敦保索倫藍翎額外驍騎校達布欣額等殺斃多賊始砍獲該逆首級並手一隻其吳瘋子卽吳奇一犯仍復死力抵敵經侍衛金勤保

欽定平定教匪紀畧

卷三十五

五

索倫委叅領舒明阿知縣劉國柱率領壯勇馮貴藍翎馬兵林懷玉刀矛砍戳落馬隨割取首級又據河州外委趙祿馬兵杜得伏生擒戴頂賊匪一名訊係偽元帥王占魁壯勇劉文富砍斃戴頂賊匪一名認係偽總兵王鳳西其餘執旗賊目殲斃無數尙有自割髮辮扒山及竄匿林等賊匪七百餘名全行搜獲計奪獲大礮二

十八尊鳥鎗一百八十七桿刀矛二千三百二十餘件大小旗八十三面騾馬四百餘頭匹救出男婦三百七名口割取耳記一千七百五十六副隨於割獲首級內令活賊認出偽先鋒三名大小旗手二十餘名訊出從賊日久曾充小旗手及戰手五百十二名均卽概予正法其餘被裹男婦有人結保者概行釋放吳抓抓首級

欽定平定教匪紀畧

卷三十五

三

並手一隻及偽元帥王占魁起解候訊該鎮嚴訊犯供有吳抓抓股內分出之張占鰲帶領七百餘人先已由沔縣另竄並有譚貴在內現在分兵跟蹤剿辦臣等查吳抓抓以幼年左手被火燒傷殘廢遂號吳抓抓與吳奇譚貴合夥前因犯供該逆逃赴隴州不知下落臣等正深憤恨今仰仗

皇上天威將該逆股匪大加殲戮不致入川賊首二

名皆已殲斃實足痛快人心其分出小股之張

占鰲等七百餘人已飭楊芳等跟蹤進剿至龔

貴股匪自楊芳剿散後竄入老林該處山徑逼

仄深林密箐馬隊不能行走臣楊遇春派令副

將何占鰲帶領步隊官兵入林搜剿臣楊遇春

親帶馬步官兵在華陽一帶適中之地接應並

欽定平定教匪紀畧

卷三十五

三

就近搜拏各路剿散零匪現在該匪又分股逃

竄寶隴一帶臣長齡接據稟報因未知是否係

龔貴一股卽由斜峪關馳赴安平溝地方據探

報實係龔貴分股共有八九百人已竄入黑河

老林臣長齡卽派總兵特依順保帶領官兵由

西向東步行入林搜捕臣長齡帶領馬隊官兵

於寶隴一帶相機截剿至前次拏獲之逆首陳

四已據祝廷彪委員解到臣等親提嚴訊後卽

將該逆凌遲處死派員執持首級赴三才峽一

帶傳示以彰

國法再查此次賊匪滋事多係川楚游棍藉歲歉

爲名勾結山中匪徒隨處擄掠與從前教匪有

間其旗幟各色皆係搶獲綢布隨意造作祇有

大小旗手之分並不以旗色爲號故一股內旗

欽定平定教匪紀畧

卷三十五

三

幟卽有五色臣等疊次剿淨各股所奪大小各

旗現均存貯顏色錯雜不一所有賽冲阿訊出

賊供五色旗號之處或係該犯楊榮股內記號

以此分認隊伍查從前楊二投首未曾供出五

號分起之事卽現在擒獲之陳四訊問亦不知

苗小一之名緣賊匪頭目係賊衆公舉往往一

言不合卽殺斃另立其分出之股又另立頭目

卽賊匪中亦不能徧識臣等惟有督飭鎮將遇賊卽剿務將一股全行殲斃方爲辦竣其旗幟顏色似不足憑信九九一犯前據獲賊供稱因與王大旗分糧食衣物不均致被戮斃今賽沖阿訊據楊榮供稱因九九搶奪婦女伊令手下人殺斃供情雖有不同其爲業經殺斃無疑此等著名首逆臣等惟當悉心查訊務求實據斷不敢稍有錯誤致該逆倖逃法網奏入

欽定平定教匪紀畧

卷三十五

三

上命軍機大臣傳諭長齡楊遇春朱勳日長齡等奏剿滅吳抓抓股匪並將首逆吳抓抓吳奇殲斃現在各股賊匪次第掃除惟剩有張占熬小股七百餘人由沔縣旁竄譚貴亦在其內楊芳等已乘勝追剿諒可卽日辦竣其龔貴股匪竄入黑河老林賊夥不過八九百人若在地不難一戰殄除今

老林內灌木叢雜兵力不能施展長齡楊遇春各派總兵特依順保副將何占熬分帶弁兵步行入林搜剿該匪等因獸猶闕潛伏叢莽之中若乘官兵不備戕害將士卽兵丁稍有傷損已屬不值若得力將弁更當慎重保全此等殘敗之賊卽譚貴龔貴等均不須按名生擒但將首夥殲斃卽可竣事與其冒險搜林不如用火焚燒或鎗礮轟擊乘其竄出之時扼要堵截聚而殲旃較爲妥善長齡等相機辦理勿遲滯亦勿冒昧此二股賊匪共計祇有一千五六百人卽日辦淨查勘各處實無遺孽長齡等卽會同賽沖阿由六百里加緊馳報捷音佇膺懋賞

欽定平定教匪紀畧

卷三十五

三

上諭內閣日長齡等奏剿滅吳抓抓股匪並殲斃首逆吳抓抓吳奇一摺吳抓抓吳奇股匪前擾及沔



ZW 21101000583271

續修四庫全書 史部 紀事本末類

縣焚燒關廂並欲率眾由黃官嶺南竄入川經楊
 芳帶兵馳赴剪子河地方攔截去路沿途設伏以
 待該鎮親督馬步官兵分路攻撲越二時之久賊
 始潰亂官兵且剿且追各路伏兵皆起適總兵游
 棟雲帶兵亦至賊匪無路可逃四面剿殺立將首
 逆吳抓抓吳奇二人臨陣殲斃並殲斃賊匪一千
 五百餘人生擒旗手及戰手等五百餘名均予正
 法所辦可嘉楊芳游棟雲辦賊奮勉均著加恩交
 部照軍功例從優議敘其殲斃首逆吳抓抓及吳
 奇之員弁兵勇俱加恩超陞以示鼓勵把總陶英
 著以守備陞用馬兵林懷玉步兵李信俱著以把
 總拔補壯勇馮貴著入伍食糧以外委拔補其侍
 衛金勤保委叅領舒明阿知縣劉國柱驍騎校達
 布欣額甲兵穆騰額鄂克敦保均著長齡查明以

欽定平定教匪紀畧

卷三十五

三

應陞之缺保奏此外出力將弁兵丁並著秉公查
 明據實奏聞候旨陞賞

欽定平定教匪紀畧

卷三十五

三